


Lëk yam



New Testament in Dinka, Southwestern (SU:dik:Dinka,
Southwestern)

Lëk yam

New Testament in Dinka, Southwestern (SU:dik:Dinka, Southwestern)

copyright © 2006 Wycliffe Bible Translators, Inc.

Language: Dinka, Southwestern

Translation by: Wycliffe Bible Translators, Inc.

Dinka, Southwestern

dik

Sudan

Copyright Information

© 2006, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dinka, Southwestern

© 2006, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 18 Apr 2025 from source files dated 29 Jan 2022
d94b9d26-33ff-5c4e-819f-5bfe86ac9e55

Contents

Matheo	1
Marko	51
Luka	83
Joon	135
Luoi Atuuc	172
Koc pan Roma	221
1 Korinth	243
2 Korinth	264
Galatia	278
Epethuth	286
Pilipi	294
Kolothia	300
1 Thethalonika	306
2 Thethalonika	311
1 Timothï	314
2 Timothï	320
Tito	325
Pilemon	328
Athor ci gat koc Itharel ci gam	330
Jemith	347
1 Piter	353
2 Piter	359
1 Joon	363
2 Joon	369
3 Joon	371
Jut	373
Nyuuth tenë Joon	375

Wël Jethu cî Matheo gôt

Wët nhom

Athör Matheo ë jam Wët Puoþh Yam ye Jethu raan cî lueel, yen bî kôc waar yieth kârac yiic, raan yen cî kâŋ kenhûim tiëŋ thîn, kâk cî Nhialic thôn kacke. Kâkkâ, aa yeku yök athör theer wël Nhialic yiic. Wët Puoþh Yam kënë acie tënë kôc Itharel kepëc, kôc kek ke dhiëëth Jethu thîn ku dîit kamken, ee wët puoþh lëk thëi ëbën pinyinhom.

Athör Matheo aci ñiec guiir. Ee rot jôok dhiënh Jethu, ku teet miëc nhom ë Jethu ku të cî jôŋrac ye them thîn. Ku wëëtden yen kôc lëk të bî kôc pîr thîn aköldä, ku piöcde ku të yen kôc kuony thîn Galilia. Ku ë kâkkâ cök ciëën, Matheo aci tëwäär jiël Jethu Galilia bî la Jeruthalem gôt aya, cimën kâk cî rôt looi tënë ye wäär bî ye guo nõk, cî bën la thök piëët cî ye bën piäät tim cî riüu kûu. Ku jâl aa jôn cî yen rot bën jôt.

Athör Matheo ë Jethu nyuoþh ke yen raan piöoc ril ñic kâŋ apeï, ke la riël yen löŋ Nhialic teet yic bî lööny kôc puoþh apath, ku ë piöoc kâk Bäany Nhialic aya. Aþandîit piöcde yic aci Matheo tek yic dhiëc ku gët këlä,

Piöcde gôt nhom rin ñiec ciëŋ ku të bî kôc ye Bäany pan Nhialic këden la thîn aköldä. (cökdit 5-7)

Lëk tënë atuuc kathiaär ku rou ë luoiden bik looi. (cökdit 10)

Këŋ rin Bäany pan Nhialic. (cökdit 13)

Piöoc rin atuuc. (cökdit 18)

Piöoc rin thök piny, ku Bäany pan Nhialic bî bën. (cökdit 24-25)

Kâk tã thîn

Kuat Jethu ku dhiënhde 1:1–2:23

Piöoc Joon raan kôc muooc nhûim 3:1-12

Miëc nhom Jethu ku të cî jôŋrac ye them thîn. 3:13–4:11

Piöoc Jethu Galilia 4:12–18:35

Jâl Jethu Galilia bî la Jeruthalem 19:1–20:34

Nîn ciëën kadhrouu thuonde nhom tuerj 21:1–27:66

Jôn rot ku nyooth rot ë Bänyda 28:1-20

Kuat Jethu raan cî lôc ku dâc

(Lk 3:23-38)

¹ Kâkkâ aa rin kuat kôc ke dhiëëth Jethu thîn, kuat Bënyŋaknhom Debit bô cök tënë Abaram.

² Abaram ë ye wun Ithäk.

Ithäk ë ye wun Jakop.

Yen cî Juda bën dhiëëth kek wämäthakën kôk.

³ Juda ë ye wun pandiëet, Peredh ku Dhara ku manden ë cöl Tamar,

Peredh ë ye wun Yedhron

ku Yedhron ë ye wun Ram.

⁴ Ram ë ye wun Aminadap,

ku Aminadap ë ye wun Nacon,

ku Nacon ë ye wun Thalmon.

⁵ Thalmon ë ye wun Boath,

ku man ë cöl Rayäp.

Boath ë ye wun Obet,

ku man ë cöl Ruth,

ku Obet ë ye wun Jethe.

⁶ Ku Jethe ë wun Bënyŋaknhom Debit,

ku Debit ë ye wun Tholomon, ku man ëcī karj aa tiŋ Uria.

⁷ Tholomon ë ye wun Raboam,

ku Raboam ë ye wun Abija,

ku Abija ë ye wun Atha.

⁸ Atha ë ye wun Jocatpat,

Jocatpat ë ye wun Joram,

ku Joram ë ye wun Udhia.

⁹ Udhia ë ye wun Jotham,

Jotham ë ye wun Ayath,

ku Ayath ë ye wun Yedhekia.

¹⁰ Yedhekia ë ye wun Manathe,

Manathe ë ye wun Amon,

ku Amon ë ye wun Jothia.

¹¹ Jothia ë ye wun Jekonia, ku wämäthakën kök, ku jəl ke peec ku yëth ke Babilonia.

¹² Wën cī ke yäth Babilonia aaci la dhiëth këlä, Jekonia aci Cealtiel la dhiëëth. Cealtiel ë ye wun Dherubabel.

¹³ Dherubabel ë ye wun Abiöt

ku Abiöt ë ye wun Eliakim.

Ku Eliakim ë ye wun Adhor.

¹⁴ Adhor ë ye wun Dhadok.

Dhadok ë ye wun Acim,

ku Acim ë ye wun Eliöt.

¹⁵ Eliöt ë ye wun Aliadhër

ku Aliadhër ë ye wun Mathan.

Ku Mathan ë ye wun Jakop.

¹⁶ Ku Jakop ë ye wun Jothep mony Maria,

ku ë yen aci Jethu cəl Raan cī ləc ku dəc bën dhiëëth.

¹⁷ Këya, kuat Jethu ë kith, ee ye yic thiäär ku ŋuan jəok Abaram yëet Debit, ku ben yic aa thiäär ku ŋuan yëet t'ëwäär cī ke pεεc Babilonia, ku ben yic aa thiäär ku ŋuan jəok kəc cī dhiëëth Babilonia yet dhiënh Jethu raan cī ləc ku dəc.

Maria aci meth yök ke cīn moc

(Lk 2:1-7)

¹⁸ Dhiënh Jethu ë loi rot këlä. Maria ë wïc Jothep bī thiaak. Tëwën këc ye gam, ke yök ke cī liëc ë manh yök tənë Wëi Nhialic.

¹⁹ Jothep, raan awën wïc ye bī thiaak ë ye raan path, ku akëc wïc bī Maria yöör guöp, go wïc bī puöl ke cīn raan piŋ ye.

²⁰ Tëwën wïc yen kënë bī looi, ka atuny Nhialic nyuth rot ye nyuëth yic ku lueel, "Jothep, manh Debit, duk riöc ba Maria cī thiak, rin ë riel Wëi Nhialic yen ayök yen manh tō yeyäc.

²¹ Yeen abī menh moc dhiëëth, ku aba cäk ke cəl Jethu rin yen ë raan bī kəc wëër bei adumušəmken yiic."

²² Kënë aci rot looi këya, bī wët Nhialic cī raan kärke tūŋ lueel yenhom tiεŋ. Ku wët kënë ëcī lueel ëlä,

²³ "Nyan bīm abī liëc, ku abī manh moc dhiëëth ku abī cəl Emanuel. Ku wëthde yic, Nhialic atō kek yook."

²⁴ Këya, Jothep aci kë cī atuny Nhialic lək ye gam, ku yëth Maria baai.

²⁵ Ku aa këc rëer cimën tik ke moc yet t'ë dhiëëth Maria wënde, ku ciëk Jothep ke cəl Jethu.

2

Jethu aci nyuöth koc thäi

¹ Tëwën cī Jethu dhiëeth gen Bethalem pan Judia, wäär ye Yërot Bëny. Ke bäny kōk ηic kāk Nhialic bō piny ciëen ku yëetkë Jeruthalem,

² ku thiëckë, “Tō Bënyηaknhom koc Itharel puoc dhiëeth tēno? Ciëerde acuk tñj piny ciëen, yen abī yok buk bën door.”

³ Nawën piñ Bëny Yërot ë wët kënë, ke jieth puöu, agut kocdit kāk Nhialic Jeruthalem aya.

⁴ Go bänydit kāk Nhialic, ku koc piöoc lööη cōl ëbën ku thiëec ke, “Ye tēnen bī Raan cī loc ku dōc dhiëeth thīn?”

⁵ Gokë lueel, “Abī dhiëeth gen Bethalem pan Judia, cit wët cī raan kāk Nhialic tñj göt ëlä,

⁶ Yīn Bethalem pan Judia, na cak alon koor yīn kam gēethdit pan Judia, ke yīn abī bëny mec thändiēn Itharel tuöl thīn.”

⁷ Go Yërot bäny wën bō ciëen cōl ë röt, ku thiëec ke aköl tñj kek ciëer panden.

⁸ Ku cōl ke aa ber Bethalem ku thōn ke ëlä, “Lak wiëckë meth apēi ku na yökkë, ke we dhuk bāk bën lēk ya, ba la aya, ba la door.”

⁹ Nawën cik wët Bëny Yërot piñ ë ke lööny dhöl, ku tñjkë ciëer wäär cik tñj ciëen panden ke wat kenhiim, ku ler ku këec yöt nhom, yōn tō meth thīn,

¹⁰ ku mitkë puöth apēi.

¹¹ Ku lek yöt ku yökkë meth kek man, ku gutkë kenhiol piny ku dorkë, ku liepkë jōgōken thook ku juërkë mīlöñthith, ku adōη ηir mit tuolde ku adōη kec.

¹² Nawën ke nyuöth ku lēk ke bīk cīi dhuk tēnë Yërot, gokë dhuk panden dhël dēt.

Meth aci riēη Ijip

¹³ Wën cī kek jāl ka atuny ë Nhialic nyuth rot Jothep ku nyuëth ëlä, “Jot rot ku luoc rot wei kek meth ku man ku lak Ijip, ku rëerkë thīn yet aköl bī yēn we lēk bāk dhuk, rin Yërot awic meth bī nōk.”

¹⁴ Go Jothep rot jot ku nyēi meth kek man ë wëer kënë, ku lek Ijip.

¹⁵ Ku rëerkë thīn yet aköl thou Yërot, rin bī wët raan kāk Nhialic tñj, cī lueel theer ëlä yenhom tiēη, “Yēn abī Wëndiē cōl Ijip.”

¹⁶ Nawën tñj Yërot lon cī bäny ke bō ciëen ye ruëeny, ke riääk puöu. Ku cal mīth rōor aa nēk ëbën Bethalem, ku bëi kōk thiääk kek ye, mīth ye ruönken rou, ayī mīth kōk këc run karou dööt, cit tē ye tāk ye tēwäär piñ yen wët tēnë bäny ciëen.

¹⁷ Ku kāk ke cī Jeremia raan kāk Nhialic tñj lueel theer, aaci kenhiim tiēη thīn. Ku ëcī lueel ëlä,

¹⁸ “Dhiëu ëcī piñ gen Rama,

dhiëu ku kiēu ë dit apēi.

Koc Itharel aake dhur miēthken,

Ku aaci wëc ë puöu ye gam,

rin cī kek thou ëbën.”

Meth aci dhuk

¹⁹ Nawën cī Yërot thou, ka atuny Nhialic ben rot nyuöth Jothep pan Ijip,

²⁰ ku lueel ëlä, “Jot rot, ku dhušk meth kek man pan Itharel, rin koc wäär wic ye bīk nōk aaci thou.”

21 Go Jothep rot jət, ku jiël kek meth ku man, ku dhuk pan Itharel.

22 Nawën piñ lən ye Arkelao bëny Judia nyin wun, go riöcc bi la Judia, ku ben nyuääth, go muöl la Judia ku ler Galilia,

23 ku ler ku rëer gen cəl Nadharet. Këya, wël ke cī raan kāk Nhialic tiñ lueel aaci kenhüim tiεεη thīn, “Lən bi Jethu aa raan Nadharet.”

3

Piöcc Joon raan kəc muöcc nhüim (Mk 1:1-8; Lk 3:1-18; Jn 1:19-28)

1 Ye nūnkä, Joon raan kəc muöcc nhüim ëci piöccde jöck pan Judia, roor tē cī ceñ, ku lək kəc ëlä,

2 “Pälkë luoi kāracc rin Bääny Nhialic aci thiök.”

3 Mony kënë, yen ëci Ithaya raan kāk Nhialic tiñ jam rienke theer wäär lueel yen ye ëlä,

“Raan kākkiε tiñ abi piñ röl ke jam roor tē cī ceñ,

‘Guiεrkë dhël ë Bëny, luoi kë dhölke bik la cök.’ ”

4 Joon ë ye ceñ alεth ci looi nhiem thöröl, ku ceñ göpp ye anjum, ku müith ke ye cam, aa koryöm ku kiéc.

5 Kəc Jeruthalem ku kəc juéc pan Judia, ku lən Jordan ëbën aaci wet tënë ye,

6 ku lekkë adumuösmken, ku jəl Joon ke muöcc nhüim wär Jordan.

7 Wën tiñ Joon kəc juéc akut Parathi ku Thaduthi ke bö tënë ye bi ke bën muöcc nhüim, ke lək ke, “Awek dhiënh kapieny! Yenja lək we bāk kat këεεεc bö?”

8 Luoi kë kāk ye nyooth lən ci wek muöl kāracc yakë ke looi.

9 Ku duökkë wepuöth tən ku luoi kë yok aa mith Abaram. Alək we, lən alëu Nhialic bi aleelkä cəl aaye mith Abaram.

10 Ku ëmën yëp aci ther bi ke tiim yep, rin na ye tim cie luok mith path, ka yep ku cuet ë mεεc.

11 Wek aa ya muöcc nhüim ë püu bāk luoi kāracc puöl, ku raan bö ciëen yacök abi we muöcc nhüim ë Wëi Nhialic ku mac. Yeen adit apci tënë ya, ku yen acii path na cök a warke ka cä lëu ba ke döck.

12 Yeen acit raan muk lək ë kām, ye rap kööm bi rap tek thook ke miël. Ku wüu rap ku tööu ke. Ku yöot miël many cie thou.”

Jethu aci muöcc nhom (Mk 1:9-11; Lk 3:21-22)

13 Nawën ke Jethu jiël Galilia bi la Jordan bi Joon la muöcc nhom.

14 Go Joon them bi Jethu yenhom waar ku lək ye, “Awiéc bi ya yin muöcc yanhom. Yenö büi yin tënë ya?”

15 Go Jethu dhuök ye, “Cəl aloi rot këya. Ee tēde bi rot looi këlä rin bi yok kë wic Nhialic tiεεη nhom.” Go Joon gam.

16 Kaam wën ci Jethu muöcc nhom, ke bö bei wüir ku tiñ nhial ke liep rot, ku tiñ Wëi Nhialic ke bö yenhom kecit kuur ë dit.

17 Ku piñ röl Nhialic nhial ke lueel, “Kënë ë manhdiën nhiaar, yen amit puöu tënë ye.”

4

Jethu aci jəŋrac them
(Mk 1:12-13; Lk 4:1-13)

¹ Kaam wən ke Wëi Nhialic la Jethu gušp, ku Ʒəth roor tē cīi ceŋ bi jəŋrac la them.

² Ku jəl miēth theek nīn thiārŋuan, akōl ku wēer go cək nək.

³ Go jəŋrac rot cušt ye ku lueel, “Na ye Wën Nhialic, ke lək aleelkă bik röt wel bik ya ayušp.”

⁴ Go Jethu bēer, “Acī gōt thēer ēlä, ‘Raan acie pīr ayup ē rot, ee pīr wēl bēn bei ēbēn Nhialic thok.’ ”

⁵ Go jəŋrac Ʒāth gendīt ku tēŋu luanŋ Nhialic nhom,

⁶ ku lueel tēnē ye,

“Na ye wën Nhialic, ke yī cuet rot piny, rin ēcī gōt ēlä, ‘Nhialic abā atušōcke lək bik yī muk kecin, ba yīcök cīi deeny alēl.’ ”

⁷ Go Jethu lək ye, “Acī gōt ēlä aya, ‘Duk Nhialic Bānydu them ē path.’ ”

⁸ Go jəŋrac bēn Ʒāth gōn bār apeī nhom, ku nyuth bēi pinyinhom ēbēn ke diēekden.

⁹ Ku lueel tēnē ye, “Kăkkă ēbēn aba yīek yī tē cuet yīn rot piny ku door Ʒa.”

¹⁰ Go Jethu lək ye, “Jälē, Jəŋ ater, rin aci gōt ēlä, ‘Yīn abī Nhialic Bānydu door ku loi wētde yetök!’ ”

¹¹ Go jəŋrac nyāəŋ piny, ku bō atuuc nhial ku konykē.

Jethu aci luōide jəək Galilia
(Mk 1:14-15; Lk 4:14-15)

¹² Nawën piŋ Jethu lōn cī Joon dōm, ke dhuk Galilia.

¹³ Ku jiēl Nadharet genden ku le rēer Kapernaum, gen thiākă kek wār Galilia, ləŋ Dhebulun ku Naptalī.

¹⁴ Kēnē ēcī rot looi, bi wēt cī Ithaya raan kăk Nhialic tiŋ lueel yenhom tiēerŋ,

¹⁵ “Piny ē Dhebulun ku piny Naptalī,

tē la wīr, wār Jordan aləŋtūi,
Galilia, wun thāi juēc kuc Nhialic!

¹⁶ Kōc ke rēer mušōth yic
aacī rueldīt apeī tiŋ.

Ku kōc ciēŋ piiny mušōth yic tēn thou,
ruel aci bēn.”

¹⁷ Ku ē nīnkă, Jethu aci pišōcde jəək, ku lək kōc ēlä, “Pălkē luoi kārăc, rin Bāəny Nhialic aci thiök.”

Jethu acă amēi karŋuan cəəl
(Mk 1:16-20; Lk 5:1-11)

¹⁸ Tēwën kueny Jethu wār Galilia Ʒou, ke tiŋ amēi karou, Thaimon, ku ē cəl Pīter aya, kek Andria wāmēnh ke dōm rec buoi.

¹⁹ Go lək ke, “Biathkē Ʒa ku wek aaba pišōc bāk kōc aa dōm.”

²⁰ Gokē biaiken nyāəŋ piny nyin yic ku buōthkē Jethu.

²¹ Wën jiēl yen ē tēn, ke tiŋ Jemith ku Joon kek wunden Dhubedī riāi yic, ke guir biaiken. Go Jethu ke cəəl.

²² Gokē lööny dhōl nyin yic kek ye, ku nyiēerŋkē wunden piny riāi yic.

Jethu ē piōōc ku kony kōc tuany
(Lk 6:17-19)

²³ Ku jəl Jethu pan Galilia kuan yic, ke ye piöoc γον amat yiic, ku lək kəc Wēt Puəth Yam ē Bääny Nhialic, ku kony kəc kuat tuaany ebən bīk pial.

²⁴ Go lecde thiēi piny pan Thiria ebən, go kəc ke tuany tueny juēc, kəc ke rem gup apeī, ku kəc cī jakrēc dəm, ku kəc la gup nok ku kəc cī ruai, bēēi tēnē ye. Goke kony bik pial.

²⁵ Go kəc juēc apeī pan Galilia, ku γεεth kathiäär yiic, ku Jeruthalem ku Judia ku bēēi kək ləŋ Jordan, buəoth.

5

Kēŋ miēt ē pušu cī Jethu piəöc (Lk 6:20-23)

¹ Wēn tīŋ Jethu kəc juēc apeī, go la tēthōny gət nhom. Ku nyuuc ku mēt kəcken ye buəoth röt ye,

² go jam ku piöoc ke elä,

³ “Kəc mit gup aa kəc ē ləŋ kepuəth, rin ye Bääny pan Nhialic kēden!

⁴ Kəc mit gup aa kəc dhuəör rin bī Nhialic ke waac puəth!

⁵ Kəc mit gup aa kəc lir puəth, rin bī kek kē cī Nhialic thən yök!

⁶ Kəc mit gup aa kəc nək tuil puən la cök, ku aabi kueth yeen!

⁷ Kəc mit gup aa kəc abiökruel, rin bī keek kony aya!

⁸ Kəc mit gup aa kəc γer puəth, rin bī kek Nhialic tīŋ!

⁹ Kəc mit gup aa kəc ē kəc dəör, rin bī keek aa cəl mīth Nhialic!

¹⁰ Kəc mit gup aa kəc ye jöör rin wēt path, rin ye pan Nhialic kēden!

¹¹ “Wek aa mit gup tē lēēt we ku nək we, ku tör kəc kək wegup wəl lueth ē rienkiē.

¹² Yakē puəth miēt ku dalkē wepuəth, rin bī ariəpdun dīt apeī pan Nhialic. Yen ē tēwäär jöör kek kəc kək Nhialic tīŋ thīn aya.

¹³ “Wek aa cīt awai pinynhom. Ku na thöök kəu alēi, ke ben dhuək thīn kēdē? Awan cīt kēnē acie bən piath. Aye puək wei bī ya dum kəc cök.

¹⁴ Wek aa mermer pinynhom ebən. Gen cī buth gət nhom acie thiaan.

¹⁵ Acīn raan mermer dēēp ku kum nyin, aye təöu tēn ē yen γöt mer yic thīn tēnē kəc tə yööt ebən.

¹⁶ Kēya, mermer adhil tīŋ kəc ebən, rin na tīŋkē luəidun path la cök ka lec Wuurdun tə nhial.

Piöoc Jethu rin ē löŋ

¹⁷ “Yakē tak lən cī γen bən, ba löŋ Mothith ayī kək ye kəc kək Nhialic tīŋ piəöc bən rac? Acie tēde, γen akēc bən ba ke bən rac, γen aci bən ba ke bən thääp.

¹⁸ Alək we alanden, agut tē bī nhial ku piny liu, acīn wēt koor ayī kēthiin tə löŋ yic, bī kaŋ määŋ ke kēc gušt nhom.

19 Këya, raan dhoŋ ləŋ tək kəu, cək a ləŋ thin koor, ku piöoc kəc kək bīk ləŋ dhoŋ kəu aya, acīn tēpeth bī yök pan Nhialic. Ku raan thek ke, ku ye ke piöoc abī ya raandit apeī pan Nhialic.

20 Alək we, na cīi piathdun ku luəidun la cök, abī luəi kəc piöoc lööŋ Nhialic ku luəi Parathī waan thok, ke wek aacī la pan Nhialic alanaγon.

Ləŋyam awär ləŋ theer

21 “Acäk piŋ lən cī ye lək wärkuan dīt theer əlä, ‘Duk raandä näk, ku na ye raan näk raan dēt ka bī luök wei.’

22 Ku wek aa lək wēt kənə, raan la puəu agöth tənə raandä, abī luök wei aya. Ku na ye raan lat wämənh, ‘Yīn acīn nhom!’ Ka tēm thou, ku na ye raan lat raan dēt, ‘Yīn acīn puəu,’ Ka bī yāth pan mac.

23 Na lə juar ariäk nhom, ku lə tak lən cī wəmuuth puəu riääk tənə yī,

24 ke yī nyiēēŋ kədu ariäk lööm ku ləor bāk kaŋ la döör wek wəmuuth, ku jəl dhuk ba Nhialic la juēr.

25 “Ləc wēt waar yic ku döörkə wek raan γəth yī luk yic. Na cīi ləc looi kələ, ka γəth yī luk yic tənə bəny. Ku bəny abī yī la thən apuruuk, ku mac yī.

26 Yīn alək yic, yīn acīi bī kaŋ lony yet tē bī yīn kəthiin kōny tənə yī kaŋ cool.

Jethu ajai ə kər

27 “Acäk piŋ lən cī ye lueel theer əlä, ‘Duk tiŋ raandä kər.’

28 Ku alək we, raan döt tik ku tuuil ye, kacit raan cī tik kəor aya rin tō yen yepuəu.

29 Kəya, na ye nyindun cuēc yī cəl aloi awuöc, ke ŋuēt bei ku cuat wei! Aŋuēēn ba cōr nyien tək, tənə lən bī yī cuat pan mac əbən.

30 Ku na ye cindun cuēc yī cəl aloi awuöc, ke tēm wei. Aŋuēēn ba la ciēen tək, tənə lən bī yīn la pan mac.

Jethu ajai ə liösi

(Mt 19:9; Mk 10:11-12; Lk 16:18)

31 “Acī lueel aya əlä theer, ‘Raan päl tiēŋde adhil athör ə liösi göt tənə tik.’

32 Ku alək we, na ye raan cī tiēŋde liösi ke kəc wic mony dēt, ka bī ye cəl aloi adumuööm, ku raan thiak tiŋ cī liösi ka cā akor looi.

Jethu ajai ə kuēŋ

33 “Acäk piŋ aya lən cī ye lək kəkun theer əlä, ‘Duk məl kuēŋ ə lueth, muk kuēēŋdun ca looi tənə Bəny.’

34 Ku alək we, duökkə məl kuēŋ, tēdē rin pan Nhialic tēdē rin ə Bäänyde,

35 tēdē rin piny, rin yen ə tē məc Nhialic ku duk kuēēŋ Jeruthalem rin ə gen Bənydīt.

36 Duk kuēēŋ ə cökdu rin acie yīn yī cak ye.

37 Jamdu ə lən bī yīn ye lueel amääh ə path, ‘Ee kəya’ ku, ‘Acie kəya,’ Kə ye juak thin, ee bən tənə jəŋrac.

Jethu ajai ə guur

(Lk 6:29-30)

38 “Acäk piŋ aya ke cī lueel əlä, ‘Na yup raan yī nyin ke yup nyin aya, na dhoŋ yiləc ke dhoŋ ləc.’

³⁹ Ku wek alék kënë, duk këracc col këræcc dët. Na gut raan gëmdun cuëc ke wël gëm dët aya.

⁴⁰ Na wïc raan dët bi këdun path tušör nyin, ke mät këdun dët puoþh nhiaa aya.

⁴¹ Na cöl raan yï ba këthiek muk tënë ye, ke ruac ba yäth tëmec.

⁴² Muoc raan lim yï, ku na wïc raan kädäj tënë yï, ke gäm ye.

Nhiaa kacc man yïin

(Lk 6:27-28, 32-36)

⁴³ “Acäk piñ ke ci lueel ëlä, ‘Nhiaa kacc mäath kek yï ku man kacc ater.’

⁴⁴ Ku alék we, nhiaakë kacc aterdun ku ršökkë rin kacc jör we,

⁴⁵ rin bi wek jäl ciët miþ Wuurdun tš nhial, rin ë piñy cöl abak tënë kacc path ku kacc ræc kedhie, ku cöl denj atueny tënë kacc ë luui kápath ku kacc luui kárac aya.

⁴⁶ Na nhiaa ke ë kacc nhiaa yï kepëc, ke ye rin nõ bi Nhialic yï kony? Cïi kacc kut ajuër ye looi këlä aya?

⁴⁷ Na yeke mušöth ë kacc mäath kek yï ë röt, ke la këpeth ca looi wër yïn kacc kök? Cïi kacc cie kacc Itharel këcët kënë ye looi aya?

⁴⁸ Yïn adhil piath cimën puoþh Wuur tš nhial!

6

Duk nhiaa ë kušöny ca gam

¹ “Tietkë röt bák kápath cïi ye looi ë kacc nhïim rin bi we tiñ. Na luoië këya, ka cin ariöp bák yök tënë Wuurdun tš nhial.

² “Na le raan nõñ ca kony, ke yï duk nhiaa ba ya cath ke luel cimën kacc alueth, ye looi tën amat ku dhäl yïic, rin bi ke leec. Dëtkë apath, kek ë köckä acin ariöp dët benkë yök.

³ Ku na gäm raan nõñ kädäj, ku cök a mäthdu ke duk cöl anjic.

⁴ Rin bi këdun ci yïn raandä kony cïi njic. Na loi këya, ke yïn abi Nhialic cušöt, raan yen këriëc ëbën njic, agut kë ci moony.

Jethu anyuth yo tš bi yök ya röök thïn

(Lk 11:2-4)

⁵ “Ku tš röök yïn, duk kacc alueth kïit, anhiarkë bik röök ke kääc tën amat ku dhäl yöth, rin bi ke tiñ. Ku alék we, keek aacä arišpden yök.

⁶ “Tš röök yïn, ke yï la tëdu ë rot, ku ršök tënë Wuur Nhialic cie tiñ, rëër ë tënë, ku yen Wuur daai yï, yen abi cušöt.

⁷ “Ku tš röök yïn, duk wël ye ber yïic ë path cimën kacc kuc wët Nhialic, kacc ye tak lön na luelkë wël juëc, ke yen bi Nhialic ršökken piñ?

⁸ Duk rot loi ba ciët ke, rin Nhialic ë kë tš yïpušu guo njic ke këc cak thiëc.

⁹ Këya, yïn adhil röök ëlä,

‘Wädan tš nhial, bi rienku aleec,

¹⁰ bi bäánydu bën yoyiic,

bi wëtdu alooi piñy cimën nhial.

¹¹ Muoc yook miëth yaköl.

¹² Päl wët piñy tënë yook,

cimën ye yök ye pušl tënë kacc ræc yook.

¹³ Ku duk yook cöl athem këracc, ku ba yook lac waar këracc yic.’

¹⁴ “Rin na ye wët päl piñy tënë kacc kök, ke Nhialic abi wët päl piñy tënë yï aya.

15 Ku na cii wēt ye päl piny tēnē kōc kōk, ke Nhialic acii wēt päl piny tēnē yi.

Duk nyooth lōn thēk yin

16 “Tē thēk yin, duk rēer yi nōn nyin cimēn ye kōc ruēeny ye looi. Aake nyin looi njarar bīk nyuōth lōn thēk kek. Alēk we, keek aacā ariōpden yōk.

17 Tē thēk yin, rēer ē path ku duk nyooth lōn nēk cōk yi,

18 bī ciēn raan n̄ic ye lōn thēk yin, ku Nhialic Aciiēn yen kē ye n̄ek looi ē rot n̄ic, yen abī yiēk ariōpdu.

Jiēek cie riāäk atō pan Nhialic

(Lk 12:33-34)

19 “Duōkkē jak kāk tō pinynhom rin ye aruōp ku keth ke rac, ku aaye cuēr kual aya.

20 Kēya, apath bī ya jiēek pan Nhialic yen wic, yen acin kē bī ye rac.

21 Rin piāndu abī ya rēer akōlakōl tē tō jaakdu thīn.

22 “Kēya, puōn path acit nyin path, raan path nyin ee daai apath, acii thōn kek raan cī cōr. Raan la puōn yer acit raan path nyin,

23 ku raan ye n̄ic kēde ē rot, ee raan col puōu cit cōr cie piny ē t̄in!

Nhialic ku jiēek

(Lk 16:13; 12:22-31)

24 “Acin raan bāny karou luōi ē tōk, tēdē ka man bāny tōk ku nhiēer bēny dēētē, tēdē ka thek raan tōk ku dhēl raan dēt. Acii raan lēu bī Nhialic ku jiēek nhiaar kedhie.

25 “Kēya, alēk we bāk cii ye diēer kē bāk cam, ku kē bāk dek, rin bī wek rēer we p̄ir, tēdē ke we diēer kāk bāk ceŋ. Wēi an̄uēēn tēnē miēth. Ku guōp raan cii n̄uēēn tēnē alēth?

26 Daai kē diēt ē p̄ar nhial, aa cie pur, ku aa cīn mūth yekē ke tōu, ee Wuur tō nhial yen ē diēer ē ke! Na week cāk ye kādit apēi tēnē ke?

27 Yeŋa kamkun na diir piērde, ke juak ruōnke?

28 “Ku yeŋō ye wek diēer kāk bāk ceŋ? Tiēnkē yōk peth ē cil roor, aa cie luui ku aa cie alēth ē kōoc ē rienken.

29 Ku adhiel lēk we na cōk a Bēnyŋaknhom Tholomon wāār ē jaakde yic, ee cii cit ke.

30 Ku na ye Nhialic wel tō roor col adhēŋ kēya, wel tō thīn emēn, ku na nhiäk n̄in lik ke ril wei ku took ke mac, ke yeen cii we bī kuēēc nhūm? Ye gam thiin koor n̄ō be rēer kek we kēya!

31 “Duōkkē ye diēer ku luēlkē, ‘Yeŋō buk cam? Yeŋō buk dek? Buk kē ceŋku yōk tēno?’

32 (Aa kōc kuc wēt Nhialic kek aa kepuōth yiēk ē kāk kē.) Ku an̄ic Wuurdun tō nhial lōn wic wek kāk kē ebēn.

33 Yakē wepuōth wēl bāānyde kek kāk wic ke tēnē we, kājuēc wiēckē ke aabī yiēk we.

34 Kēya duōkkē ye diēer ē nhiäk, nhiäk abī bēn kek kākke. Akōl ebēn ala yic kēraacde ē rot.

7

Kōŋ kākku guiir ba raan dēt jāl wēt

(Lk 6:37-38, 41-42)

1 “Duk kōc kōk ye nyieeny kārāc cik looi kāk ye ke looi aya, rin bī yi cii gut nyin,

2 rin tē ye lušk kōc kōk, yen ē tē bī Nhialic yī lušk thīn aya.

3 Yenō, ye yīn kēreεc dīt ye looi kuc, ku ye tīŋ kēreεc koor ye wāmuuth looi?

4 Ye kēdē bī yīn ke menhkui dōk kārāc ye looi, ku keek aaye looi aya?

5 Awēēŋkui! Kaŋkē kārāc yakē ke looi puōl, yen abī wek ye lēu bāk miēthakun jāl wēēt.

6 “Duk jōk gēm kēnē Nhialic, ku duk rot gōu ba wēt lēk kōc cīi ye bī gam, tēdē aabi kuec ku nākkē yīn.

Rōök yen wīc Nhialic

(Lk 11:9-13)

7 “Thiēc, ku abī gām yī, wīc ku aba yōk, gut yōt thok ku abī ŋaany thok tēnē yī.

8 Raan ē thiēc, aye gām kēdār, ku raan wīc kēdār, ee kē wīc yōk, ku raan yōt tōŋ thok aye ŋāny thok ye akōlakōl.

9 Nadē le raan kamkun gēm manhde dōōt tē wīc yen miēth?

10 Nadē, ke gēm kēpiny, tē cī yen ye thiēc ē rēc?

11 Na yakē ŋic wek kōc cīi path bāk miēthkun aa gām kāpath wīckē ke, ke Wuur tō nhial cīi kājuēc path bī gām kōc ye thiēc!

Lōŋ la cōk

12 “Loi kāpath tēnē kōc kōk, cīmēn nhiεer yīn ye bīk kāpath looi tēnē yī aya, kākā kek aaci luel theer athōr Nhialic yic.

Kuany dhēl la pan Nhialic yic

(Lk 13:24)

13 “Kuany dhēl ye kōc gum thīn yic, rin dhēl cīi kōc ye gum thīn, ee kōc yāth pan mac, ku ē yen aye kōc juēc mēr thīn.”

14 Ku dhēl ye kōc gum thīn yen ē la pan Nhialic, ku aa kōc lik kek aaye kuany yic.

Tietkē rōt bī week cīi wēŋ

(Lk 6:43-44)

15 “Tietkē rōt kōc piōōc wēl ē lueth, kōc bēn tēnē we ku luelkē wēl puōth cī la lāilāi, ku kāk rēēr keyāac arāc apēi.

16 Aa bāk ŋic tēden ye kek luui thīn. Acīn mīth tim ye cam, ye bet tim dēt cie ye nhom.

17 Kēya, tim ye miēthke cam ē luōk mīth path, ku tim rac cīi miēthke ye cam, acīn kē ye yōk tēnē ye.

18 Tim peth ye miēthke cam acīi lēu bī dhiēth mīth rēc, ku tim cīi miēthke ye cam acie kaŋ luōk mīth ye cam.

19 Ku kuat tim cīn kē ye kuany tēnē ye aye yep ku tok.

20 Abēn lēk we, kōc aa lueth, aa bāk ŋic tēden ye kek luui thīn.

Wek aa kēc kaŋ ŋic

(Lk 13:25-27)

21 “Acie kuat raan ya cōōl, ‘Bēny, Bēny,’ Yen bī la pan Nhialic, aa kōc kē wīc Wā tō nhial looi kek aabi Bāāny Nhialic yōk.

22 Tē le akōl kēnē bēn, abī kōc juēc luel tēnē ya, ‘Bēny, Bēny! Yōk aaci wēt Nhialic piōōc ē rienku. Ku yōk aaci jakrēc cuōp wei ē rienku, ku loiku kājuēc kōc gōi!’

23 Ku aba lēk ke, ‘Wek aa kēc kaŋ ŋic. Jāl kē yalōōm, kōc ē luui kārāc!’

Kääŋ rin kɔc karou cī bēēi keer

(Lk 6:47-49)

²⁴ “Kēya, kuat raan wëlkiēn kā piŋ, ku luui ē wëlkā, abī ciēt raan ŋic kāŋ cī paande looi tēthōny.

²⁵ Go deŋ tueny ku bō aboor ku yomdīt apēi. Ku paande akēc wīik rin cī ye buth tēthōny.

²⁶ Ku kuat raan wëlkiēn kā piŋ ku cīi lui ē ke, abī ciēt raan abēēl cī paande looi tēthuth.

²⁷ Go deŋ tueny apēi ku bō aboor ku yomdīt, go baai wīik ēbēn abī ciēn yōn tōŋ dōŋ!”

Thān awēn tō thīn aci gāi

²⁸ Wēn cī Jethu wël ke wīc bī keek lueel thōl, go thān awēn tō thīn gāi tē cī yen ke piōc thīn,

²⁹ rin Jethu aci cīt kōcken piōc ē lōōŋ, rin aci piōc ke la riēl Nhialic.

8

Jethu acā atuet cəl apuəl

(Mk 1:40-45; Lk 5:12-16)

¹ Wēn cī yen bēn piny gōt nhom, ēcī kōc juēc apēi buōōth.

² Go raan cī tuet bēn tēnē ye ku gut yenhiaal piny yenhom ku lueel, “Bēny, na wīc ke yīn cəl ē tuen kēnē adem.”

³ Go Jethu yekōk riny ku gōt, ku lueel, “Ee yīc awiēc, Piaalē!” Go tuet guō dem nyin yīc.

⁴ Ku lēk Jethu ye, “Muk yīnhom apath duk kēnē lēk raan dēt, lōōr ku nyuōth rot raan kāk Nhialic bī caath, ku juar kāŋ cīt tē ye lōŋ Mothith ye lueel thīn, bī kōc ēbēn ŋic lōn cī yīn pial.”

Jethu aci raan lui pan bēny apuruuk kony

(Lk 7:1-10)

⁵ Wēn cī yen yet Kapernaum, ke bēny mēc apuruuk juēc bō tēnē ye ku lēŋ,

⁶ “Bēny, raan lui paandiē atō baai ke tuany, acīn tē ye yen rot cak jōt, adhēl apēi.”

⁷ Go Jethu lueel. “Yēn abī la ba kony bī pial.”

⁸ Go bēny apuruuk bēēr, “Bēny, duk rot nāk cāth, rin yēn acie raan path nadē ke yī bō atiēmdiē yīc, toc wētdu ē path ku yeen abī pial.

⁹ Rin yēn aya, yēn arēēr bānydīt cōk, ku yēn ala apuruuk rēēr yacōk. Ku aya lēk ŋek. ‘Lōōr!’ Ka la, ku lēk ŋek, ‘Bäär tēn!’ Ka bō. Ku lēk raan lui paandiē, ‘Looi kēnē!’ Ka looi.”

¹⁰ Kaam wēn piŋ Jethu wël raan kēnē ke gēi, ku lēk kōc awēn buōōth ye, “Alēk we ayic, acīn raan tōŋ ca kaŋ yōk Itharel ke la gamdīt cīt kēnē.

¹¹ Muškkē kēnē nhom, kōc juēc aabi bēn pinynhom ēbēn ku nyuuckē ē tōk kek Abaram, ku Ithāk, ku Jakop yai yīc bāāny yīc pan Nhialic.

¹² Ku kōc ke bī rēēr bāāny yīc aabi ciēc ayeer muōōth yīc, tē bī kek rēēr thīn ke dhiau bīk kethook aa kac, ke cī nhīim la cōt.”

¹³ Ku wël yethok bēny apuruuk ku lueel, “Lōōr, dhušk baai, yīn aci gam, ku kēnē abī looi tēnē yī.”

Ku raanden luōi aci guō pial ē tēn awēn.

Jethu aci kōc tuany kony

(Mk 1:29-34; Lk 4:38-41)

14 Tēwēn le Jethu pan Pīter, ke yök man tñj Pīter piiny biöök yic ke cī juäi göök.

15 Go gəot, go juäi jäl, ku jət rot ku looi miēth tēnē ke.

16 Naγon thēēi, ke kəc juēc la gup jakrɛc bīi tēnē ye. Go jakrɛc cuəp wei kegup wēt thok ē path, ku kony kəc tuany bīk pial.

17 Kēnē aci rot looi rin bi wēt cī Ithaya lueel thɛɛr yenhom tiɛɛŋ, “Acī kuat arɛɛm ku tuaany ēbēn jat yeyeth.”

Raan buəth Jethu adhil pušu riɛl

(Lk 9:57-62)

18 Nawēn tñj Jethu thändit apɛi yelööm, ke lək kacke bīk teem wär aləŋtui.

19 Go raan piöök lööŋ bēn tēnē ye ku lueel, “Bānydiɛ, yīn aba biaath kuat tɛ lɛr yīn thīn.”

20 Go Jethu bɛɛr, “Luəny roor aala γöötken yekē ke wuut, ku diet pār aala γöötken, ku Manh Raan acīn nhom baai pinynhom tɛn.”

21 Go raan dɛt kam kəc ye buəth lueel tēnē ye, “Bēny, cəl γa akəŋ wā la thišk.”

22 Go Jethu bɛɛr, “Buəth γa, ku päl kəc cīt kəc cī thou bīk kacken thišk.”

Jethu aci yom cəl akääc

(Mk 4:35-41; Lk 8:22-25)

23 Go Jethu la riäi yic, ku buəth kacken ye buəth.

24 Kaam awēn, ke yomdīt ril apɛi jət rot, ku loi atiaktiak rot bī riäi duɛr puk yic, ku Jethu ē nin.

25 Go kacken ye buəth la tēnē ye ku pušckē ke dhiau, “Luäk γo, Bēny, γok aa dīr!”

26 Go lək ke, “Wek kəc koor gamdun, yeŋö ye wek rišöc kēlä?” Ku jət rot ku rɛl yom ku atiaktiak, gokē la dīl.

27 Go kəc awēn gäi ku thiěckē röt, “Ye raan la guəp ŋö kēnē? Na cək a yom ku atiaktiak ē ke piŋ wətde!”

Kəc pan Gadara la gup jakrɛc

(Mk 5:1-20; Lk 8:26-29)

28 Wēn cī Jethu yet pan Gadara tō wär aləŋtui, ke rām kek rōör karou ke bō bei rɛŋ nhīm. Ku rōörkə aake la gup jakrɛc ē ke riir nhīm apɛi, abī kəc aa rišöc ke, abī ciɛn raan tēek ē dhəl kēnē.

29 Gokē duəot looi wēn tñj kek Jethu, “Yeŋö wīc tēnē γo Wēn Nhialic? Ca bēn ba γo bēn tɛm awušc ke tɛn awušc ŋoot?”

30 Ku duut dīr baai ē nyuāth tɛthišk.

31 Go jakrɛc Jethu ləŋ, “Na wīc ba γo cuəp wei ē rōörkə gup, ke yī cop γo ē dīrkə gup.”

32 Go lək ke, “Lak,” Gokē bēn bei ku lek ē dīr gup, ku tɛn awēn, ke duut diɛr riŋ agör yic ku thootkē wīir ku moukē ēbēn.

33 Go rōör ke biöök dīr kat ku riŋkē geeu, ku lek kē cī rot looi tēnē dīr ku tēnē rōör awēn karou la gup jakrɛc tɛt kəc.

34 Go kəc juēc apɛi geeu la bīk röm kek Jethu. Nawēn tñjkē, ke ləŋkē bi jäl panden.

9

Jethu aci raan cī ruai kony

(Mk 2:1-12; Lk 5:17-26)

¹ Go Jethu dhuk riäi yic, ku teem wär, ku ler genden Kapernaum.

² Go kɔc kɔk mony cī ruai bēēi tēnē ye ke ketkē, ke cī tōc biōök alom yic. Tēwēn tīj Jethu gamdūt tō ke ke, ke lueel tēnē mony aduany, “Deet yīpušū manhdiē! Adumušōmku aacī pāl piny.”

³ Tēwēn piñ kɔc piōoc ē lōōj ē wēt kēnē, gokē jam kamken ēlä, “Mony kēnē adhāl Nhialic!”

⁴ Go Jethu lēk ke wēn njic yen kē yekē tak, “Yenō ye wek tak kārāc cīt kākā?”

⁵ Ēmēn ye kēnēn puł yic kākā yiic, ba lueel, ‘Adumušōmku aacī pāl piny,’ Tēdē ke lueel, ‘Jot rot ku cathē?’

⁶ Ku aba nyuōth we lōn le Manh Raan riēl pinynhom ba adumušōm pāl piny.” Ku lēk mony aduany, “Jot rot ku kuany bišōjdu ku lōr baai!”

⁷ Go mony kēnē rot jot ku dhuk baai.

⁸ Go thān awēn rišōc wēn tīj kek mony kēnē, ku leckē Nhialic rin cī yen riēldūt cīt kēnē gām raan ē path.

Jethu aci Matheo cōl

(Mk 2:13-17; Lk 5:27-32)

⁹ Tēwēn jiēl Jethu tēn awēn, ke tīj mony ajuēr kut cōl Matheo ke rēēr tēden luāi, go lēk ye, “Buōth ya.” Go Matheo rot jot ku buōth.

¹⁰ Tēwēn mīth Jethu pan Matheo kek kocken ye buōth, ke kɔc ajuēr kut, ku kɔc kɔk la gup anyon, mēt rōt ke bīk mīth ē tōk.

¹¹ Nawēn tīj Parathī ē kēnē, ke thiēc kocken ye buōth, “Yenō ye raandun piōoc mīth kek kɔc ajuēr kut ku kɔc kɔk la gup adumušōm?”

¹² Go Jethu wēlken piñ ku bēēr, “Acie kɔc puł kek la tēnē akūim, aa kɔc tuany.

¹³ Lak bāk wēlkā la deet yiic, kē wiēc ē Ƴer pušū, acā wīc bī Ƴa nāk Ƴōk. Ƴen akēc bēn ba kɔc path bēn cōl, aa kɔc la gup adumušōm.”

Wēt lōj thēk ē miēth

(Mk 2:18-22; Lk 5:33-39)

¹⁴ Go kɔc Joon raan kɔc muōc nhūim bēn tēnē Jethu ku thiēcē, “Ƴook, ku kɔc Parathī Ƴok aa thek buk cīi mīth, ku kockun yī buōth acie thek, yenō?”

¹⁵ Go Jethu lōnden bēēr ēlä, “Yakē tak lōn bī kɔc cī bēn ruāi yic rēēr ke cīi mīth, ku Ƴen athiēek nhom Ƴa rēēr ke ke? Acie tēde! Akōl bī athiēek dōm ku nyēi keyiic, yen akōl bī kek thek.

¹⁶ “Ƴen aci bēn ba we bēn lēk, lōn nadē acīn raan bī abāj alanh rēt wei alanh yam kōu bī la bušōp ē dhiāth alath kōu.

¹⁷ Ku acīn raan bī mušn abiēc ē yam pušk tōny thēer yic, na looi kēya, ke tōny abī yic pāt ku pušk mōu wei, ku riēkkē kedhie. Mušn yam adhīl pušk tōny ē yam yic. Ku na ye mušn abiēc ē yam, ka ye tāau tōny ē yam yic, ku keek ēbēn aacī bī riāāk.”

Jethu aci tik kony ku cōl meth aben pīr

(Mk 5:21-43; Lk 8:40-56)

¹⁸ Tēwēn lēk Jethu ke ē wēlkā, ke bēny tēn amat kɔc Itharel bō tēnē ye ku gut yenhīal piny yenhom ku lēj, “Nyaandīē apuoc thou ēmēn thiin, bāār ba yīcin la tāau yenhom bī bēn pīr.”

¹⁹ Go Jethu rot jot kek kocken ye buōth ku buōthkē.

²⁰ Nawēn ke tīj tuany, cīi thēkde kōu ye tēem rušōn thiāār ku rou, bō Jethu kōu ciēen ku gōot alanhde.

²¹ Rin ēcī jam yepušū ēlä, “Na gaat alanhde ke Ƴen abī pial.”

22 Go Jethu yenhom wel, ku tñj ku lueel tēnē ye, “Dæet yīpušu nyaandiē, gamdu aci cəl apuəl.” Ku kaam awēn ke riem kääc.

23 Tēwēn cī Jethu yet pan bēny tēn amat kəc Itharel, ke yök kəc ke nāk röt ke dhiau apēi, go lēk ke,

24 “Jälkē tēn! Nyanthiin kēnē akēc thou, anin!” Gokē dəl gušp.

25 Go la yöt wēn cī kəc la ayeer ēbēn, ku dəm nyanthiin cin. Go rot jot.

26 Ku thiēi thoŋ kēnē piny pan awēn.

Jethu aci cōör karou kony bīk daai

27 Wēn cī Jethu jäl pan mony awēn ke bær tuen, go cōör karou buəoth cök ke dhiau. “Yin anšthku, kony yo Wēn Debit.”

28 Nawēn le yet yöt, ke buəothkē thīn, goke thiēec, “Yakē gam wepuəth lən bī yen kēnē looi?”

Gokē rek yic, “Bēny, ayeku gam!”

29 Goke gəot nyin ku lueel, “Abī rot looi kēya, cīmēn cī wek ye gam!”

30 Gokē guə daai nyin yic, ku thoŋ ke ēlä, “Duəkkē ē kēnē lēk raan dēt!”

31 Nawēn lek jäl tēnē Jethu, ke la jam rienke baai yic ēbēn.

Jethu aci mony cie jam kony bī jam

32 Kaam wēn puəc kəc awēn karou jäl, ke mony la gušp jəŋrac cie jam hīi tēnē ye.

33 Ku kam thin cī Jethu jəŋrac cuəp wei yegušp, go guə jam, go kəc gāi ēbēn ku luelkē, “Yok aa kēc kəcit kēnē kaŋ tñj Itharel ē tēn!”

34 Go Parathī yəšŋ yic ku luelkē, “Ee bēny jakrəc yen ē ye yiək riəl bī ke aa cuəp wei kəc gup.”

Rap tem ajuēc ku kəc tem ke aa lik

35 Ku jəl Jethu gēeth ku baai kuany yiic ke ye piöoc tēn amat kəc Itharel. Ku lēk kəc Wēt Puəth Yam rin bääny Nhialic, ku kony kəc ē tueny yiic ēbēn.

36 Nawēn tñj thändiit guēer tēnē ye, ke ηεεr yic tēnē ke, rin aaci tñj ke cīn raan piöoc ke, kecit amēl pap cīn nhūm abiöök.

37 Ku lueel tēnē kəcken ye buəoth, “Kək tem ajuēc ku kəc luəi aa lik.

38 Kēya, rəökkē Bēny la nhom kək tem, bī kəc luəi cəl ajuak röt.”

10

Atuuc kathiäär ku rou

(Mk 3:13-19; Lk 6:12-16)

1 Go Jethu kəcken ye buəoth kathiäär ku rou cəl, ku yīk ke riəl bī kek jakrəc aa cuəp wei, ku konykē kəc tuany bīk pial.

2 Rin kəc ke cī kuany aa kīk. Thaimon, cī Jethu bēn cək ke cəl Pīter. Ku wämēnh Andria ku wēēt Dhubedi, Jemith ku Joon.

3 Pilipo ku Bartholomeo. Thomath ku Matheo raan ajuēr kut. Jemith Alpwuth, Thadawuth,

4 Thaimon (raan la puəu ater) ku jəl a Judath Ithkariöt raan wäär cī Jethu bēn luəm bī dəm.

Luəi Atuuc kathiäär ku rou

(Mk 6:7-13; Lk 9:1-6)

5 Keek kathiäär ku rou aake cī Jethu tooc ku yöök ke ēlä, “Duəkkē bēēi kəc cie kəc Itharel kēc yiic, ku duəkkē la gēeth Thamaria yiic.

6 Lakkë tēnē kōc Itharel kuc Wēt Puoth Yam Nhialic.

7 Tē le wek ke lēkkē ke, 'Lōn cī bāāny Nhialic thiōk!'

8 Kuōnykē kōc tuany bīk pial, ku calkē kōc cī thou aa ben pīr, ku calkē kōc la gup tuet aa dem, ku cuōpkē jakrēc wei kōc gup. Duōkkē rōt cōl aye riōp tē looi wek kākā, rin riēl ye wek ke looi ē cāk yōc.

9 Duōkkē muk wēūu ku duōkkē muk jōkgōo ye wek lim mīith dhēl yic.

10 Muōkkē alēth ku war cēŋkē kepēc, ku wai tōk ē path. Rin raan ē luoi aye gām kēden cī yen luui.

11 "Kuat gēu, ayī pan ye wek la thīn, yakē thiēc raan puōth bī we lor, ku rēērke kek ye yet akōl bī wek jāl.

12 Tē ye wek la bēēi yiic, yakē kōc kaŋ tīŋ lōn bī kek we lor ku nyuuckē we.

13 Ku na lor kōc baai we, ke we rēēr ku nyuōthkē ke Wēt Puōth Yam, ku na cīk nyīn la we, ka cīn wēt lēkkē ke.

14 Ku na cīī kōc baai, ayī kōc gēu we lor ku piŋkē wēt ciēth wek, ke we jiēl ku tēŋkē wecōk.

15 Ku wek aa lēk kēnē! Akōl luŋdīt, Nhialic abi kōc rēc pan Thodom ku Gomora ŋuāān tēnē ē kockā!

Acī Jethu lēk atuōōcke lōn bī kek gum

(Mk 13:9-13; Lk 21:12-17)

16 "Piēŋkē kēnē! Wek aa tuōōc bēēi yiic cīmēn amēl la gal yiic. Kēya, cōkkē wepuōth ku luoi kē rōt bāk aa kōc path ŋic kāŋ, ŋic luui.

17 Ku alēk we aya bāk ŋic lōn bī we aa dōm ku yēth we luk yic, ku thatkē we tēden amat.

18 Ku wek aabi kōōc bāny nhīim ē rienkiē, bāk Wēt Puōth Yam lēk ke ku kōc cie kōc Itharel.

19 Ku tē yēth kek we luk yic, duōkkē diēer tē bī wek la jiēm thīn, rin wēt bāk luel abī guō bēn wenhīim tē jiēm wek.

20 Rin wēl bāk luel aacie wēlkun, aabi bēn tēnē Wēi Nhialic yen bī jam wegup.

21 "Raan kek wāmēnh aabi rōt gaany bīk rōt cōl aa nāk, ku wārken mīth aabi miēthken luōm, ku mīth aabi kōc ke dhiēth ke luōm bīk ke cōl aa nāk.

22 Kōc ēbēn aabi we maan rienkiē. Ku raan bī yepuōu dēet yet tē bī yen thou, abi pīr akōlriēēc ēbēn.

23 Na wīckē bīk we nōk gen cī wek la thīn, ke we riŋ gen dēt. Ku na nākkē we ē gen kēnē aya, ke we riŋ gen dēētē. Alēk we ayic, wek aci luoidun bī thōl pan Itharel, ke Manh Raan kēc bēn.

24 "Acīn manh piōōc wār raan piōōc ye, ku acīn alony dīt tēnē bānyde.

25 Kēya, apath bī raan biōth ciēt raanden ē piōōc, ku alony kecīt bānyde. Na ye wun baai cōl ke Beldhebul bēny jakrēc, ke kacke bī cōl rin yīndē!

Duōkkē riōc

(Lk 12:2-7)

26 "Kēya, duōkkē riōc ke. Rin kāk ye moony ēmēn aa ŋot ke bī ŋic akōldā, rin acīn kē ye thīaan bī cīī ŋic.

27 Yakē kāk ya lēk we ē rōt luel kōc nhīim ēbēn ke cīn riōōc, ku luēlkē kāk ye ŋāāi weyīth, bī kōc kōk ke piŋ aya.

²⁸ Duškkë rišc kəc we nək, wëikun aa liu kecin. Anjuëen bək rišc è Nhialic, yen la riel we cəl apir pinyhom ku kony wëiku è pan mac aköldä.

²⁹ Acin këthiin koor lëu bi määR ke kuc Wuur tš nhial. Na cək ajinh thin koor tš baai ka njic.

³⁰ Ku week aya, na cək a këthiin tš wegup cımën nhım tš wenhım, ka njic Wuur tš nhial.

³¹ Këya, duškkë rišc, wek aa wär kakkä ëbën!

³² “Na ye raan wëtdië pišc ku cıi gušp rišc, ke yen acıi gušp rišc ye è Wä nhom nhial.

³³ Ku na ye raan jei ya kəc nhım lön cıi yen ye raandië, ka ba jai aya è Wä nhom nhial.

³⁴ “Duškkë ye tak lön cı yen bën ba dššR bën looi pinyhom. Yen akëc bën ba käh bën cəl aa puł yiic, ee gum bi raan ëbën gum.

³⁵ Rin yen acı bën ba meth kek wun, ku nya kek man cəl aman röt, ku man athiëk kek tij wënde aabi röt maan aya,

³⁶ kəc bi raan aa maan aa kocken rëër kek ye baai.

³⁷ “Raan ye nhiaar bi aa kəc ke dhiëth ye kek nhıer apëi tënë ya, ka cie raandië, ku na ye raan miëthke nhiaar apëi tënë ya, ka cie raandië aya.

³⁸ Raan cie kārāc ye gum wëtdië ku looi wëtdië acie raandië.

³⁹ Raan ye wic bi wëike njic muk pinyhom è tən, acıi pir aköldä bi yök, ku raan bi gum è wëtdië, abi pir akölrıëc ëbën yök.

⁴⁰ “Raan we lor è yen aye lor, ku kəc ya lor, ee Wä raan toc ya yen ayekë lor.

⁴¹ Raan atušnydië lor rin njic yen ye lön è yen atušnydië, abi la abak ariöp bi yiëk atuuc yiic.

⁴² Muškkë kënë na gem raan piu col nyin è path tënë raan thiin koor kam kəc ya buəth, rin ye yen raan ya buəth, ka bā arišpde dhıel yök.”

11

Joon acı kəc tuəc tënë Jethu (Lk 7:18-35)

¹ Wën cı Jethu wëlkä jal lək kocken ye buəth kathiäär ku rou, ke jiël è tən bi la piöc ku le kəc lək geëth Galilia yiic.

² Ee ninkä, tëwën tš Joon raan kəc muəc nhım yööt ke mac, ke piñ kək looi Jethu. Go kəc abëk, kocken ye buəth tuəc tënë ye bik la thiëc wët kënë.

³ “Ye yin raan yi bi bën, aye raan dët yen buk tiit?”

⁴ Go Jethu bëër, “Dhuškkë ku lëkkë Joon, kək cək piñ ku kək cək tij.

⁵ Cor acı bën daai ku aduany acı ya cath. Ku kəc cı tuet acı tuet jäl kegup. Ku miñ acı ya piñ ku kəc cı thou acı röt jət. Ku Wët Puəth Yam Nhialic alək kəc njōñ nyin.

⁶ Raan mit gušp è raan cie pušu è rou wëtdië yic!”

⁷ Kaam wën jiël atuuc Joon, ke Jethu jam ku tët kəc Joon, “Ye raan yindë yen cı wek la ror cıi ceñ bək la tij? Ye raan puł yic ye wel nhom è path cımën ye yom arušR wel nhom? Acie tède, acie yen kënë ler wek.

⁸ Ye raan yindë yen lak tij? Ye mony ceñ alëth path? Anjot cie tède, kəc ceñ alëth dhëñ aa kəc tš bëëi bāny yiic!

⁹ Na cie këya, ke yeñö yen ler wek? Ye raan kək Nhialic tij? Ee yic, ku alək we, yeen adit tënë raan kək Nhialic tij.

¹⁰ Yen Joon, yen ë raan ci wël gõt ë rienke theer ëlä, ‘Yen abä atušnydië tuəoc yinhom tuen, ku yeen abi dhël la guir tënë yī.’

¹¹ “Ku wek aba lëk yiny kënë, Joon raan kəc muəoc nhūim aril, acin raan kuat kəc ci dhiëeth pinyinhom dīt tënë Joon. Ku raan koor bäāny Nhialic yic adīt tënë ye.

¹² Tëwäär piöoc Joon raan kəc muəoc nhūim agut cīt akölë, bäāny Nhialic ala tuen, ku aye kəc rəc kək la riel them bīk dhušk ciëen.

¹³ Rin lõŋ Mothith, ku kəc ke kək Nhialic tūŋ ëbən agut tē yëet yen Joon, aake ye jam rin bäāny Nhialic,

¹⁴ ku na tšu wepuəth bāk wətđië gam, ke yen Joon yen ë Elija wäär ci bēnde lək thāi.

¹⁵ Piəŋkë tē le wek yīth!

¹⁶ “Yenö ba thōŋ kek riëec akölë? Aa cīt mīth ci kenhūim mat laar yic len kegup, ye lueel ëlä,

¹⁷ “Yok aaci waak pəth ye keek ket tē looi ruāāi ket,

ku wek aa kēc dier!

Ku yok aaci kək ye keek looi thuəu yic thōŋ,

ku wek aa kēc dhiau!’

¹⁸ “Rin Joon aci tuəl ku ëcie bēi kuany yiic ke mīth ku dək, go raan ëbən lueel, ‘Joon ala guəp jəŋrac!’

¹⁹ Nawən bö Manh Raan ku ye mīth ke kəc ku dək ke ke, gokë lueel, ‘Tiəŋkë mony kënë! Yeen akok ku a dək mäāu, ku amäāth kek kəc ajuer kut ku kəc la gup adumušm!’ Ku luoi puəth Nhialic ë rot nyuəoth kək ya looi yiic.”

Gëeth kēc luoi kərəc puəl thīn

(Lk 10:13-15)

²⁰ Tëwən, go Jethu puəu dak ku nyieeny kəc gëeth ci yen kajuëc jəŋ gōi looi thīn, rin kēc kek luoi kərəc puəl.

²¹ “Wek kəc gen Koradhīn! Ku Bethaida! Wek aa tiit kərəc apeī, rin kajuëc jəŋ gōi cək tūŋ ci looi gëethkun yiic, ku ke ci looi Tire ku Thidon gëeth wäär ceŋ kəc rəc, ŋuət kəc ë gëethkă aaci kepuəth dhušk ciëen theer ku palkë luoi kərəc!

²² Ku wek aa lək kënë, aköl luŋđit, Nhialic abi kəc Tire ku Thidon ŋuāān!

²³ Ku wek kəc gen Kapernaum! Yakë tak lən bī we jat nhial? Wek abi cuat pan mac. Rin kək jəŋ gōi ci looi wenyin cək ke tūŋ, ku ke ci looi Thodom, ŋuət acin kē cie rac agut ëmən!

²⁴ Ku aben lək we, kəŋ aaci yiic bī riel apeī tënë ke aköl luŋđit, cimən tē bī kek yiic ril thīn tënë we!”

Bāk tənë ya bāk bən lõŋ

(Lk 10:21-22)

²⁵ Ku ë tən awən ke lueel Jethu, “Wä, Bëny nhial ku piny! Yin aləec rin ci yin kək ca thiaan tənë kəc ŋic kəŋ ci piöc, nyuəth kəc kor kēc piöc.

²⁶ Ee yic Wä, yen ë kən yī yuum puəu.

²⁷ “Keriëec ëbən aci Wä gəm ya. Ku acin raan ŋic Wënde, ee Wun ë rot, cimən cīn yen raan ŋic Wun, ee Wënde ku kəc ci Wënde loc bīk ŋic.

²⁸ “Bāk tənë ya ëbən, wek kəc ci jōt yiëth kăthiek bāk ke yăac, wek aba cəl alōŋ.

²⁹ Gamkë pišöcđië bāk yīth ŋic, rin yən acī la ruathruath, yən alir puəu, ku wek aabi wëikun pīr.

³⁰ Rin pišöcdië acii ril, apual yic.”

12

Jethu acī kuc löŋ aköl löŋ kəc Itharel

(Mk 2:23-28; Lk 6:1-5)

¹ Nayən akäl tök ë nänkä, Jethu ë cath kek kacken ye buəoth, ke kuany dhël yic kam dum aköl löŋ. Ku kacken ye buəoth aake nək cək, gokë rap lek cam dhoŋ.

² Nawën tiŋ kəc akut Parathī, gokë Jethu thiëëc, “Tiŋ, kəckun yi buəoth aa loi kē cie looi aköl löŋ!”

³ Go bëër ku lueel, “Këckë kē cī Debit looi thëer kaŋ kueen, wäär nək cək ye ke kacken cath kek ye?”

⁴ Acī bën la luaŋ Nhialic, ku ciem ayum yath cī tšöu tənë Nhialic, kek kacke. Ayum kënë ëcī Debit lëu bī cam kek kacke, aa kəc kāk Nhialic looi kek aake ye cam ë röt.

⁵ Dët aya, këckë kueen löŋ Mothith yic lən aköl löŋ thok ëbën, kəc kāk Nhialic looi luaŋ Nhialic aa löŋ aköl löŋ dhoŋ kəu, ku aacī ke ye nyieeny?

⁶ Ku Manh Raan jam kek we, adit tənë luaŋ Nhialic.

⁷ Na we cī wël cī göt thëer deet yiic, lən kē wïc Nhialic ë nhiër ye kəc röt nhiaar, aacie yök ye näk ye, nušt wek aa këc kəc cīn awuśc cīk looi nyieeny,

⁸ rin Manh Raan adit tənë aköl löŋ.”

Jethu acī mony cī cin ruai kony

(Mk 3:1-6; Lk 6:6-11)

⁹ Nayən aköl dët ke Jethu jiël tənë awën ku ler tən amat kəc Itharel,

¹⁰ ku mony cī cin ruai ë tš thīn. Ku kəc kək ke wïc Jethu bīk gaany kē cī wušöc, aake tš tən amat aya, gokë Jethu thiëëc. “Ye löŋda pëen bī raan kony aköl löŋ?”

¹¹ Go Jethu bëër, “Na la raan tök kamkun ë tən amäl tök, ku lööny yiith aköl löŋ, ke cī bī bei yiith?”

¹² Raan adit apei tənë lëi! Këya, löŋda acie yo ye pëen buk raan cī kony aköl löŋ.”

¹³ Ku lək mony wën cī cin ruai, “Nyoth yicin.” Go yecin nyooth, go cin piath abī ciët ciin këc ruai.

¹⁴ Go Parathī jäl tən amat, ku lek mat tē bī kek Jethu näk thīn.

Jethu alony cī Nhialic löc

¹⁵ Go Jethu kē loikë ŋic, ku jiël tən awën, go kəc juëc buəoth. Ku kony kəc tuany bīk pial,

¹⁶ ku thən ke apei bik cī la lək kəc kək, bī cī ŋic.

¹⁷ Rin bī kē cī Ithaya lueel wäthëer ëlä ë rienke yenhom tiëŋŋ,

¹⁸ “Yen akīn yen alonydiën ca löc, raan töŋ yen nhiaar, mit yən pušö tənë yeen.

Yen abī Wëikië cöl alööny yeguöp, ku abī gam ë yic lək thāi ëbën.

¹⁹ Acī bī ya göth ku rëëm kəc nhūim wël cie yith, acī bī ya piŋ röl ë dhöl yiic.

²⁰ Acīn këthiin bī kaŋ tušör nyin, cək

ayiny kɔc kor ka cii dhäl.
Acii bi kanj dhär yet tē bi yiēnyde ɲic,
21 ku abi wuööt ebēn ɲöötth.”

Jethu aye yöök lön le yen guöp jöŋrac
(Mk 3:20-30; Lk 11:14-23)

22 Nawēn ke kɔc kɔk bii mony ci cor tēnē Jethu, (ku ecie jam aya rin tō jöŋrac yeguöp. Go Jethu kony, yet bi jam ku dɛɛi.

23 Go kɔc awēn tō thin gai ebēn ku thiēckē röt. “Nadē ke bi ya Manh Debit?”

24 Nawēn piŋ Parathī ē wēt kēnē, ke luelkē, “Yeen ē jakrɛc cuöp wei kɔc gup, rin ye bēny jakrɛc, col Beldhebul ye yiēk riel.”

25 Go Jethu kē takkē ɲic ku luel, “Pan yeyic tek ku thär kɔc ē kamken, ē lac riääk. Ku na tek gen tók yeyic, ayi dhiēnh tók ku tuumkē kenhiiim ku thärkē, ka puök.

26 Na ye jöŋrac jöŋrɛc dēt cuöp wei, ka ci keyiic tek. Kēya, lēu panden bi kōök kēdē!

27 Ku na ye riel Beldhebul yen ye ɣen jakrɛc cuöp wei, ke ye riel ɲa yen ye kockun yakē buöötth ke cuöp wei? Calkē ke aa lēk we yic.

28 Ku na ye riel Wēi Nhialic yen ye ɣen jakrɛc cuöp wei, ke ɲieckē lön ci bääny Nhialic bēn tēnē we.

29 “Acin raan lēu ye bi yön raan ril dhoŋ ku nyɛɛi kākke, aköŋ raan ril kēnē däm ku der, ku jöl kāk tō baai nyaai.

30 “Raan kēc rot mät ɣa acie raandiē, ku raan cii ɣa kony bi kɔc lēk wēt Nhialic, ee kɔc thiöi.

31 Kēya, wek aa lēk yic lön nadē adumuööm ē kɔc, ku kārɛc yekē ke luel, aa lēu bi ke päl piny. Ku kuat raan kārɛc luel Wēi Nhialic guöp, acii bi päl piny tēnē ye.

32 Ku na ye raan luel wēt rac Manh Raan guöp, ka päl piny. Ku raan ye luel lön ye Wēi Nhialic jöŋrac, ka cii köŋ päl piny acin emēn agut akölrüēc ebēn.

33 “Com tim tēpath bi miēthke piath. Tēdē ke com tērac bi miēthke rēɛc. Kēya, tim aye ɲic miēthke.

34 Wek mith kapieny, mith kɔc cie yith ye gam, lēukē bāk kēpath luel, ke we ye jakrɛc emēndun? Rin kē ye thok luel ē bēn bei raan puöu.

35 Raan path ē luui kápath, rin kápuöth tē yepuöu. Ku raan rac ē luui kārɛc rin kārɛc tō yepuöu.

36 “Alēk we, raan ebēn abi thiēc aköl lundit ē wēl rɛc ci luel.

37 Rin wēlku kek aabi ɣäth tēpath, ku aa kek aabi col atēm awuöc aköl lundit.”

Jethu aci kuc bi kēnē jäh göi looi
(Mk 8:11-12; Lk 11:29-32)

38 Go kɔc kɔk piöoc lööŋ ku Parathī luel tēnē ye, “Raan piöoc awicku ba kēnē jäh göi looi buk tih.”

39 Go Jethu bēɛr. “Aa kɔc la gup anyon ku gam koor kek aa thiēc kāk tihkē! Acin kēn jäh göi bi nyuöth we, ee kēwäär ci rot looi tēnē Jona, raan kāk Nhialic tih yen abi rot looi.

40 Cimēn wäär ci Jona rēer akööl kadiäk ku wēr kadiäk rēcdit apei yic, ke Manh Raan aya abi rēer nin kadiäk ē ranj yic.

41 Aköl lundit kɔc gen Ninibe, aabi we gök rin ci kek kepuöth waar ku pälkē luoi kārɛc wäär ci Jona ke lēk. Ku alēk we, ɣen jam kēnē, ɣen adit tēnē Jona!

42 Tinjdit ë bëny wäär jiël pan Athia bi la Jeruthalem, abi we gök aköl lunjdit rin ci yen jäl tēmec apeï bi wël puoθh bënyñaknhom Tholomon la piñ, ku yen jam, yen adit tēnē Tholomon!

43 “Tē ci jəñrac jäl raan guöp, ee piny yösöp tēdēt bi yen löñ thün. Na cii yök,

44 ke lueel, ‘Yen abi dhuk tēwäär jiël yen thün.’ Kēya, ke dhuk ku yök tēn bi yen rēer thün ke cün raan tō thün, ku aci guuir.

45 Ku dhuk, ku le bēn kek jakrɛc apeï kōk kadhrou wär ye, bik bēn ceñ baai. Ku pir ë raan kēnē ë jäl rēɛc apeï tēnē pirden tueñ. Yen ë tēn ben rot luoi thün aya tēnē kuat akölē.”

Man Jethu ku wämāthakēn aaci Jethu nyaai

(Mk 3:31-35; Lk 8:19-21)

46 Jethu ee ñot jam kek kōc tēwēn yēet man kek wämāthakēn. Ku kēɛckē ayeer, ku thiēckē bik jam kek ye.

47 Go raan tōk kam kōc awēn lēk ye, “Moor ku wämāthakui aa kääc ayeer, ku awickē bik jam kek yi!”

48 Go Jethu bēer, “Yenja ë ma? Ku ye yiña paan ë ma?”

49 Ku nyooth kōcken ye buoθh ku lueel, “Kōckä! Kek aa ma ku wämāthakäi!

50 Kuat raan ë wēt Wä tō nhial looi yen ë wämāāth, ku nyankäi, ku ma.”

13

Kääñ dom path ku dom rac

(Mk 4:1-9; Lk 8:4-8)

1 Ku aköl tōñ awēn, ke Jethu jiël baai ku ler wär Galilia yəu ku nyuuc, ku piöoc.

2 Ku gööm kōc juēc apeï, go la riäi yic ku nyuuc thün, ku kääc thän awēn ë piü thoock ayeer.

3 Ku jəl Jethu kēñ aa lueel bi yen kōc piösöc käjuēc.

Ku lēk ke, “Raan puör ëci la dom bi la pur.

4 Tēwēn yen rap wēer dom, ke kōth abēk lööny dhēl yic. Go diet bēn ku tetkē ke.

5 Ku lööny kōth kōk alēl nhom, tē koor tiöp thün. Gokē guo cil rin tiöp ëcūi dīt thün.

6 Nawēn la aköl ruel apeï ke rap awēn yuom, ku riεukē rin kēc meiken yet piny.

7 Ku lööny kōth abēk tē ye yuösöt lac dīt thün, nawēn la yuösöt dīt ke nāk rap.

8 Ku lööny kōth kōk ë tiom path yic, ku lokkē apath, kōk ke dīt nhüim ku kōk ke thoöñ röt ku kōk ke thoi nhüim!”

9 Ku wit Jethu wētde ëlä, “Piεñkē tē le wek yith!”

Wēt thösöth ë kääñ

(Mk 4:10-12; Lk 8:9-10)

10 Nawēn ke kōcken ye buoθh bö tēnē ye ku thiēckē, “Yenö ye yin jam ë waal tēnē ke?”

11 Go dhuk nhom ku lueel, “Ñiēɛc kāk bääny Nhialic aci gām we ku akēc gām ke.

12 Rin raan la kädäñ abi bēn muooc bi kākke juēc apeï, ku raan cün kädäñ, ke këthiin ye tak lön tō yen tēnē ye, abi nyaai aya.

13 Kēnē ye ɣen jam waal tēnē ke, rin keek aa daai ku acin kē yekē tɪŋ, aa piŋ ku aa cɪn kē yekē piŋ, tēdē ke detkē yic.

14 Kēya, wēt cɪ Ihaya raan kāk Nhialic tɪŋ lueel wāthēer ē rienken ēlā atiŋ yenhom,

‘Na cək alən ye kockä wēt piŋ
ku benkē piŋ, ka cɪk bɪ deet yic,
na cək alən ye kockä daai, ku
cockē keek ka cɪi kəŋ bɪ tɪŋ,

15 rin cɪ kek kepuōth wəl wei,
ku aaci keyiŋh cuōk bɪk cɪi ye piŋ
ku niinkē kenyin.

Na kēckē looi kēya,
ŋuōt aa daai ku piŋkē,
ku detkē kəŋ yiic,

ku ŋuōt aaci rōt thōn Nhialic, ku kony keek.’

16 “Ku wekkä, wek aa mit gup, rin wek aa daai ku piŋkē.

17 Ku alēk we, acɪ kək juēc kāk Nhialic tɪŋ, ku kək path ŋic Nhialic wɪc bɪk tɪŋ kāk yakē tɪŋ, ku aa kēckē tɪŋ, acik wɪc bɪk piŋ kāk yakē piŋ, ku aa kēckē piŋ.”

Jethu aci kääŋ raan ē puōr teet yiic

(Mk 4:13-20; Lk 8:11-15)

18 Go Jethu lueel, “Ēmēn piŋkē tē teet ɣen kääŋ kēnē yic thīn.

19 Kək ē wēt bääny Nhialic piŋ ku cɪk det yic, aa cɪt kōth cɪ lōōny dhēl yic. Jōŋrac ē bēn ku nyēi wēt awēn kepuōth.

20 Kōth cɪ lōōny aləl nhom aa cɪt kək wēt Nhialic gam nyin yic ku mitkē puōth.

21 Ku aacie kepuōth ye deet, aa lōŋ Nhialic guō wai wei tē looi aliäap rot, ku tē nek ke rin wēt Nhialic.

22 Kōth cɪ lōōny tē ye yuōst lac dīt thīn, aa cɪt kək ē wēt Nhialic piŋ, ku kajuēc ke diir rin pir pinyinhom, ku nhiēr jīeek aa bēn thīn, ku rēckē lōŋ Nhialic kepuōth.

23 Ku kōth cɪ puur tōm path yic, aa cɪt kək ē wēt Nhialic piŋ ku detkē yic apath, ku kajuēc aye yōk tēnē ke, cimēn rap cɪ ŋiec luok ke dīt nhīim, ku rap kōk thōōŋ kenhīim ku kōk ke thoi nhīim.”

Kääŋ yuōst cɪ cil dom yic

24 Ku ben Jethu ke lēk kääŋ dēt, “Bääny Nhialic acɪt raan cɪ kōth path com duōmde.

25 Nayōn akōu ke raan ēbēn nin, ke raan aterde bō ku weer abaar rap cōk ku jīel.

26 Nawēn la rap cil ke abaar cil aya.

27 Go raan lui dom yic bēn tēnē wun dom ku lueel, ‘Bēny, wäär pur yin, cie rap path kek ca wēer dom yic? Na ye kēya ka abaar kēnē cil kēdē dom yic?’

28 Go bēer, ‘Ee raan man ya yen acɪ kēnē looi,’ Go raan ē luoi lueel, ‘Wɪc buk abaar nyuān wei dom yic?’

29 Go wun dom bēer, acie tēde, ‘Rin tē nyuēn yin abaar, ke yin amet rap wei ke ke.

30 Col rap ku abaar aa dīt kedhie agut tē bɪ kek luok, ku aba lēk kək tēm ēlā, kanke abaar nyuōn ku duōtkē ke bɪ ke yōot, ku jālkē rap tem ku tāaukē ke kändiē yic.’ ”

*Kääṅ käu koor nyin ye tiemde dīt apei**(Mk 4:30-32; Lk 13:18-19)*

³¹ Ku benke lëk kääṅ dēt ëlä, “Bääny Nhialic acit käu koor nyin cī raan com duomde.

³² Yeen akoor nyin apei kam kōth ëbën. Ku na le dīt ka wär tiim ëbën, ee la nhial ke loi kërđit apei abī diet yōōtken aa yik thīn.”

³³ Ku ben lueel, “Bääny Nhialic acit luou cī tik puor ayumdīt tet yic, na lä ke piäär ëbën.”

³⁴ Këya, Jethu ë ye kēṅ lueel ku bī yen koc lëk wëlke ëbën, acin kë ye lueel ke cīi kääṅ thōth.

³⁵ Ee ye looi këya rin bī wēt cī raan kāk Nhialic tiṅ lueel theer yenhom tieeṅ, “Yēn abī jam kēṅ tēnē week, bī yen ke kāk kuc tēwäär ciek nhial ku piny teet yiic.”

Jethu acī kääṅ yuōōt teet yic

³⁶ Go Jethu koc nyääṅ ayeer ku ler yōt, go kocken ye buōōth bën tēnē ye ku luelkë, “Tēt yo kääṅ abaar yic.”

³⁷ Go bēer, “Raan ë puor cī kōth path weer dom, ee Manh Raan.

³⁸ Dom ë pinyinhom, ku kōth path aa koc ṅic Nhialic, ye bääny Nhialic këden, ku abaar aa koc ë jakrec,

³⁹ ku raan cā abaar mat dom yic ë jōṅrac. Ku tēmtēm ë thök ë piny, ku koc tēm atuuc Nhialic.

⁴⁰ Këya, cīmēn ye abaar nyuān wei dom yic ku yot, yen abī ya tēde aköl thōök piny.

⁴¹ Manh Raan abā atuuc Nhialic tooc, ku aabī koc rec ë koc yāth kārac yiic, ku koc luui kārēc tēt bei koc path yiic,

⁴² ku cuet ke many dēp cī löklök apei, bī kek aa dhiau thīn ke ṅeny kelec akölrīēc ëbën.

⁴³ Ku koc path aabī ruel cīmēn aköl bääny Wunden yic nhial.”

Ku wit lōṅde ëlä, “Pieṅkë tē le wek yith!”

Kääṅ ë jiek cī thiaan dom yic

⁴⁴ Ku thōth Jethu kääṅ dēt ëlä, “Bääny Nhialic acit jiek cī wec piny dom yic. Go raandā yök ku nyiēēi ku ben thiaan ku jiēl ke cī puōu miēt apei, ku le kākke yaac ëbën, ku yōoc dom wēn, rin nhiēer yen jiek kënē apei.”

⁴⁵ Ku ben Jethu lueel, “Bääny Nhialic acit raan yōc, wic kápath apei,

⁴⁶ nawēn yök kētōōṅ path apei ke la kākke yaac wei ëbën ku yōoc kënē awēn.”

Kääṅ buon ë rec dōm ëbën

⁴⁷ “Bääny Nhialic aya, acit buon cī cuat wiir ku dōm kuat ë rēc ëbën.

⁴⁸ Tē cī yen thiāṅ, ke miit amēi agōr nhom ku nyuuckë bīk rec kuany yiic, ku tēukë rec path gāc yic, ku cuetkë rec cīi path wei.

⁴⁹ Kēnē, yen ë tē bī yen rot luōoi thīn aköldā thōök piny. Atuuc Nhialic aabī tuul ku kuēnykë koc rec bei ë koc yiic,

⁵⁰ ku cuetkë ke pan mac tē bī kek dhiau thīn ke ṅeny kelec akölrīēc ëbën.”

Wēt thōök wēl

⁵¹ Ku thiēc Jethu ke, “Cāk wēlkä deet yiic apath?” Gokë gam.

⁵² Go lëk ke, “Na ye këya, ke raan piōoc ë löōṅ cī piōoc kāk bääny Nhialic, acit raan baai kākken yam ku kättheer bēēi ayeer ëbën paande.”

*Kɔc Nadharet aa kɛc Jethu gam**(Mk 6:1-6; Lk 4:16-30)*⁵³ Wɛn cɪ Jethu thɔk luel ɛ kɛŋkɛ, ke jiɛl,⁵⁴ ku dhuk gɛnden. Ku piɔɔc kɔc tɛn amat, piɔɔc cɪ kɔc ke tɔ thɪn bɛn gɔi ɛbɛn ku luelkɛ, “Cɪ mony kɛnɛ kɛŋ bɛn aa ŋic nɛn, ku yɔk riel ɛ yen kɛk jɛŋ gɔi looi tɛnɛn?”⁵⁵ Kɛnɛ, cie wɛn raan dhie ɛ guan? Ku man cie tiŋ dhie cɔl Maria, ku yeen cie mɛnh ɛ Jemith ku Jothep ku Thaimon ku Judath?⁵⁶ Ku nyiɛrakɛn aya, cik tɔu ɛ tɛn kek yɔ? Yɔk kɛkkɛ ɛbɛn tɛnɛn?”⁵⁷ Ku kueeckɛ ɛ ye.

Go Jethu luel tɛnɛ ke, “Raan cɪ Nhialic lɔɔny yeguɔp aye baai ɛbɛn theek, ka kɔc gɛnden ku kɔc ruɔɔi kek ye, kek aacie ye ye theek.”

⁵⁸ Ku akɛc kɛjuɛc jɛŋ gɔi looi tɛnɛ rin cɪn kek gam.**14***Nɔɔk ɛ Joon raan kɔc muɔɔc nhɪim**(Mk 6:14-29; Lk 9:7-9)*¹ Tɛwɛn ke bɛnyŋaknhom Antipɛth Yɛrot, bɛny Galilia ɛci wɛt cɪ Jethu ŋic apeɪ piŋ.² Go lɛk bɛnyken luk, “Kɛnɛ ɛ Joon raan kɔc muɔɔc nhɪim guɔp, yen aci bɛn pɪr. Ee yen le yen riel yen kɛkkɛ looi.”³ Antipɛth Yɛrot ɛci Joon cɔl adɔm ku rek ku mac, rin wɛt Yɛrodia tiŋ Pilipo wɛmɛnh cɪ rum bi ya tiɛŋde.⁴ Rin cɪ Joon ye lɛk ye ɛlɔ, “Acɪ path ba tiŋ wɛmuuth rum ke pɪr!”⁵ Go Antipɛth Yɛrot wɛc bi Joon nɔk, ku ɛ riɔc kɔc Itharel, rin ŋic kek Joon ke ye raan kɛk Nhialic tiŋ.⁶ Nawɛn akɔl yan dhiɛth Antipɛth Yɛrot, ke nyan Yɛrodia diɛr kɔc nhɪim, abi Antipɛth Yɛrot puɔu miɛt apeɪ,⁷ ku kuɛɛŋ lɔn bi yen ye gɛm kuat kɛden bi wɛc!⁸ Go lɛk ye tɛ cit tɛ cɪ man ye than thɪn, “Yiɛk ya nhom Joon ɛmɛn ke cɪ tɔɔu aduɔk yic!”⁹ Kɛnɛ ɛci bɛny rac puɔu, ku rin cɪ yen kuɛɛŋ ɛ jɔsl nhɪim, aci gam bi nhom Joon gɛm ye.¹⁰ Ku cɔl Joon ala tɔk yeth tɛwɛn mɛc yen thɪn.¹¹ Ku biɪ nhom ke cɪ tɔɔu aduɔk yic, ku gɛm nya ku le gɛm man.¹² Go kɔc Joon buɔth bɛn ku nyɛɛikɛ guɔpde, ku lek tɔɔu, ku lek lɛk Jethu.*Jethu aci miɛth koor juak bi kɔc juɛc cam**(Mk 6:30-44; Lk 9:10-17; Jn 6:1-14)*¹³ Wɛn piŋ Jethu kɛ cɪ rot looi, go jɛl ɛ riɔi bi la tɛde ɛ rot. Ku tɛwɛn piŋ kɔc ɛ kɛnɛ, ke jiɛl gɛethken yiic kecɔk ku buɔthkɛ.¹⁴ Nawɛn kɛɛc Jethu piny ɛ riɔi yic, ke tiŋ kɔc juɛc apeɪ, go yic ŋɛɛr ɛ ke, ku kony kɔcken tuany.¹⁵ Nawɛn col piny, ke kɔcken ye buɔth bɔ tɛnɛ ye ku luelkɛ, “Piny aci cuɔl, ku tɛn ɛ ror cɪn kɛ kuany thɪn. Cɔl kɔc aa thiɛi bik la bɛɛi yiic ku bik rɔt la yɔc miɛthden.”¹⁶ Go Jethu bɛɛr, “Acɪn tɛ bi kek jɛl, na le miɛth ke gɛmkɛ ke!”¹⁷ Gokɛ bɛɛr, “Kɛk mukku ɛbɛn, aa ayuɔp kadhiɛc ku rec karou.”¹⁸ Go Jethu luel, “Bɛɛikɛ ke tɛn tɛnɛ ya.”

¹⁹ Ku yöök kɔc bik nyuc ë noon nhom, ku lööm ayuöp awën kadhiëc ku rec karou, ku döt nhial ku leec Nhialic. Ku bény ayuöp yiic, ku gëm ke kacken ye buoath bik ke tek agut rec, tënë thän awën.

²⁰ Ku mïthkë ëbën abï miëth ke göök, ku jol kacken ye buoath awuthueei ayuöp ku rec ci döŋ piny, kuany gääc kathiäär ku rou.

²¹ Kɔc ke ci mïth ëbën, röör röt aake ye tiim kadhiëc.

Jethu acath pïu nhïim
(Mk 6:45-52; Jn 6:15-21)

²² Ku kaam awën ke Jethu yöök kacken ye buoath bik la riäi yic, ku lek tuen yenhom agör alontui, ku cöl theï ajïel.

²³ Wën ci yen kɔc cöl athiëi, ke la gət nhom ë rot bi la röök. Nawën la theï bën, ke Jethu ë rëër ë tëën yetök,

²⁴ ku riäi ke ci yet tëmec, ke cïi cath apath rin lor yen yom nhom.

²⁵ Nawën bëëk piny ke Jethu bö tënë ke ke cath pïu nhïim.

²⁶ Nawën tïŋ kacken ye buoath ke cath pïu nhïim gokë rišöc apeï, ku luelkë, "Atïm raan ci thou," ku dhiεukë rin ci kek rišöc.

²⁷ Ku kaam awën ke lëk Jethu ke, "Dεεtkë wepuoath, ee γεν Jethu, Duökkë riöc!"

²⁸ Go Pïter lueel, "Bëny, na ye yï ayic, ke yï yïk γa riel ba la tënë yï, γa cath pïu nhïim."

²⁹ Go Jethu lueel, "Bäär!" Go Pïter bën bei riäi yic, ku ciëth pïu nhïim ke la tënë Jethu.

³⁰ Ku wën tïŋ yen yom ke biök apeï, go rišöc ku duër dïir, go dhiau, "Luäk γa Bëny!"

³¹ Go Jethu döm nyin yic ku lueel, "Yïn raan la gam koor, yenjö diiu yïn?"

³² Ku wën le kek riäi yic, ke yom kääc.

³³ Go atuuc ke tō riäi yic Jethu door ku luelkë, "Yïn ë Manh Nhialic alanden."

Jethu aci kɔc tuany Jenetharet kony
(Mk 6:53-56)

³⁴ Gokë wär teem ku lek Jenetharet.

³⁵ Nawën njic kɔc Jenetharet Jethu, gokë kɔc thiääk ke ke lëk, ku γëthkë kɔc tuany ëbën tënë ye.

³⁶ Ku läjkë bik goot, cök alanhde thok ë path, ku kuat raan ci ye goot ëbën ee pial.

15

Jethu aci ciεεŋ kök wärkuan dït dhäl yic
(Mk 7:1-13)

¹ Go Parathï ku kɔc piöoc ë ciεεŋ kɔc Itharel bö Jeruthalem la tënë Jethu ku thiëckë,

² "Yenjö ye kackun yï buoath ciεεŋ theër wärkuan dït dhäl yic? Keek aacie kecin ë löök tuen tē mïth kek!"

³ Go Jethu bëër, "Ku yenjö ye wek kuc löŋ ë Nhialic, ku yakë buoath yic ë ciεεŋdun theër?"

⁴ Rin aci Nhialic lueel, "Thek wuur ku moor, ku raan wun ku man jääm guöp käreç ka dhil nöç bi thou."

⁵ Ku ayakë lueel aya lon na la raan kën bi yen wun ku man kony, ku lueel, 'Acin tē kuöny we, rin kë muök kënë ë kën ë Nhialic,'

⁶ ka kēc wun ku man theek. Yen ë tē ye wek wēt Nhialic dhāl yic thīn, ku ye ciēērdun theēr yen biathkē yic.

⁷ Awēēŋ kui, Ithaya aci yic lueel ë riēnkun wäär lueel yen wēt ëlä!

⁸ ‘Kockä, aa ya leec kethook ku aliu kepušth.

⁹ Keek aa ya door ku acie dušör ë yic,

rin keek aa kōc pišōc lööŋ ciēēŋ raan ciēt ke ye lööŋkiē!’ ”

¹⁰ Go Jethu kōc juēc bēn cōl ku lēk ke, “Pieŋkē wētidiē wedhie ku dētkē yic.

¹¹ Acie kē ye raan cam, yen ye cōl aye raan rac, aa kāk ye tak ku kāk ye lueel, ku kāk ye looi kek aaye cōl aye raan rac.”

¹² Nawēn ke kōcken ye buōth bö tēnē ye ku luelkē, “Nīc lōn cī Parathī puōth riāak wēn piŋ kek kē ca lueel?”

¹³ Go bēēr, “Kuat raan cī wēt Wā tō nhial loi, aciī pīr akōlriēēc ēbēn bī yōk.

¹⁴ Duškkē diēēr ë ke! Aa cīt cōör thel rōt, ku na thel cōr, cōr dēt, ka lööŋy adhušm yic kedhie.”

¹⁵ Nawēn cī löŋde wit, ke thiēēc Pīter, “Tēt yo kääŋ kēnē yic.”

¹⁶ Go Jethu lēk ke, “Cäk kāŋ ye deet yiic aya?

¹⁷ Cäk ye tīŋ lōn kē ye raan cam acie la yepušu, ee la yeyāc ku le bēn bei?

¹⁸ Ku kāk ye raan lueel aa bēn bei yepušu, ku aa kek raan cōl ala gušp adumušōm.

¹⁹ Rin pušu yen aye kārēc ye raan looi bēn bei thīn, cīmēn bal ku nāk raan ë path ku kār ë diāār, ku cuēēr ku jam lueth.

²⁰ Kākkä kek aa raan cōl aloi kārēc. Ku miēth ye raan mīth ke kēc yecin lōk acie adumušōm.”

Tiŋ cī gam lōn bī Jethu nyaande kony

(Mk 7:24-30)

²¹ Ku jōl Jethu jāl ku ler wun dēt tēthiāāk kek Tire ku Thidon.

²² Go tiŋ wun Kanaan ciēŋ ë tēnē bēn tēnē ye ku lēŋ, “Bēny, wēn Debit, kony ya! Nyaandiē aci jōŋrac la yegušp, ku yeen adhēl apēl.”

²³ Go Jethu wētde cī bēēr. Go atušōcke bēn tēnē ye ku lāŋkē, “Gām kē wīc ku cōl ajiēl! Abuōth yo ke rēēm yōnhūim tēthēēr awēn!”

²⁴ Go Jethu bēēr, “Yēn aci tušōc tēnē kōc Itharel kuc Nhialic kepēc.”

²⁵ Kaam wēn ke tik bö ku cuēt rot piny yecōk ku lēŋ, “Kony ya Bēny.”

²⁶ Go Jethu bēēr, “Acīī path bī miēth ë mīth gām jōk.”

²⁷ Go bēēr, “Ee yic Bēny, ku jōk rēēr tē mīth kōc thīn awuthueei cī lööŋy piny kuany aya.”

²⁸ Go Jethu lēk ye. “Yīn ee tiŋ la gam dīt apēl. Kē wīc abī looi tēnē yī.” Ku kaam thiin awēn ke nyaande pēl kēdāŋ piny.

Jethu aci kōc juēc tuany kony

²⁹ Go Jethu jāl ë tēnē ke kuany wār Galilia kōu. Nawēn ke la gōt nhom ku nyuuc.

³⁰ Go kōc juēc kōcken tuany bēēi tēnē ye, kōc cī ŋōl ku cōör ku kōc cī ruai ë rōc piiny, ku miŋ cie jam ku kōc juēc kōk. Ku nyuuckē ke yelōšm, goke kony bīk pial.

³¹ Go thān awēn gāi wēn tiŋ kek miŋ ke jam, ku aduany ke cī la cōk, ku ŋōl ke cath path ku cōr ke daai, ku leckē Nhialic Itharel.

Jethu aci raan tiim kaŋuan cōl aa kueth

(Mk 8:1-10)

³² Ku cəl Jethu kacken ye buəoth ku lueel, “Yen aci guəp nəŋ, rin kackä aaci rēer kek yen nīn kadiäk emēn, ku acin kē camkē. Ku acä wic ba ke cəl ajiēl ke nek cak, tēdē ka la wīk dhēl yic.”

³³ Go kacken ye buəoth lək ye, “Ye tēnen bī yok miēth yök thīn roor ē tēn bī kək juēckä cam?”

³⁴ Go Jethu ke thiēc, “Lak ayuəp kadē?” Gokē lueel, “Aa dhorou ku rec thi lik.”

³⁵ Go lək thān awēn bīk nyuc piiny.

³⁶ Ku lööm ayuəp awēn kadhorou ku rec thi awēn, ku rōök Nhialic ku beny keyic, ku gēm ke kacken ye buəoth bīk ke tək kək.

³⁷ Ku jolkē mīth ēbēn bīk kuēth. Ku kueny kək Jethu buəoth awuthueei ayuəp cī dōŋ piny gäac kadhorou.

³⁸ Kək ke cī mīth, rōör ē röt aake ye tiim kaŋuan, ke diäär ku mīth kēc mat thīn.

³⁹ Ku jəl Jethu kək cəl ajiēl, ku ler riāi yic ku ler wun cəl Magadan.

16

Jethu aci kuc bī kēnē jāŋ gōi looi

(Mk 8:11-13; Lk 12:54-56)

¹ Tēwēn ke Parathī ku Thaduthī bō tēnē Jethu, ku wickē bīk deep ē wēt, ku yōökkē bī kēnē jāŋ gōi looi, bī nyuəth ke lən ye Nhialic wēlke gam.

² Go Jethu bēer, “Ayakē lueel tē lööny akəl piny. Abā aliir path bēei, akəl aci nyaany looi.”

³ Ku na ye nhiäknhīäk ka luelkē, Abī tueny akölē, rin aci piny dəm bī la dīl ku looi luāat. Wek aa kē bī rot looi ŋic tē tīŋ wek kakkä nhial, ku wek aacie kāk loi röt emēn ye ŋic!

⁴ Aa kək la gup anyon ku gam koor kek aa thiēc kē tīŋkē. Acin kēn jāŋ gōi bī nyuəth we, ee kēwäär cī rot looi tēnē Jona. Ku nyiēŋ ke piny ku jiēl.

Duəkkē ye tak cimēn Parathī ku Thaduthī

(Mk 8:14-21)

⁵ Kaam wēn yeet kek wār aləŋtui, ke tek kacken ye buəoth lən cī kek nhīim määär bīk miēth cī muk.

⁶ Go Jethu lək ke, “Tiēerkē nhīim, ku tietkē röt bāk cī nhiam cimēn Parathī ku Thaduthī, nhiaamden ke cəl ago puəör cimēn ayum cī yiēk yic luəu.”

⁷ Gokē jam ē kamken, “Ee yo yōök kēlä, rin cīn yen ayuəp cuk bēei.”

⁸ Go Jethu kē takkē guə ŋic ku lək ke, “Wek kək koor gamdun! Yeŋō ye wek dieer lən cīn wek miēth? Nət we cie kəŋ ye deet?”

⁹ Cäk lēu ku bāk tak yen tēwäär kueth ayuəp kadhiēc rōör tiim kadhiēc, ku gäacdīt cī bēn thiāŋ awuthueei cī dōŋ piny?

¹⁰ Ku jəl aa yuəp kadhorou wäär cī rōör tiim kaŋuan cam bīk kuēth, ku gäac thiāŋ awuthueei cäk bēn kuany?

¹¹ Yeŋō kēc wek ye deet yic, lən yen a ŋa cī jam tēnē we rin ayuəp? Kē ca lueel akīn, aben ber yic, tietkē röt bāk cī nhiam cimēn Parathī ku Thaduthī!”

¹² Go atuəöcke jəl deet yic, lən acī Jethu lək ke bīk röt tiit lon dhie ye tāau ayup yic bī puəör, ee lən bī kek röt tiit piöc rēec Parathī ku Thaduthī.

Pīter aci Jethu ŋic

(Mk 8:27-30; Lk 9:18-21)

13 Wën cī Jethu yet Cetharia tō Pilipi, ke thiēc kacken ye buoθh elā, “Ye jān tak ye Manh Raan ŋa?”

14 Gokē bēēr, “Ayekē lueel lōn ye yen Joon raan kōc muoθc nhīim, ku lueel kōc kōk lōn ye yen Elija, ku aye kōc kōk lueel lōn ye yen Jeremia, tēdē ke ye raan tōj kam kōc kāk Nhialic tīj.”

15 Goke thiēc, “Na week, yakē tak lōn ye yen ŋa?”

16 Go Pīter bēēr, “Yīn ē Raan cī lōc ku dōc, Manh Nhialic pīr.”

17 Go Jethu lueel, “Yīn aci Nhialic dōc wën Jona, rin yic kēnē ecīi tak ē rot, ee Wā tō nhial yen anyuth ye yī ba lueel kēya.

18 Ku alēk yī emēn. Yīn acōl Pīter, ku wētde yic, alēl, ku alēl kēnē nhom yen bī luanjdiē buth thīn, ku acīi riel ē jōŋrac bī lēu bī thuōr piny.

19 Ku yīn aba gām riel bāany pan Nhialic, kē cīi bī pāl piny pinynhom acīi bī puōl nhial, ku kē ba puōl pinynhom abī puōl nhial aya.”

20 Ku yōök kacken ye buoθh bīk cīi lēk raan dēt, lōn ye yen Raan cī lōc ku dōc.

Jethu ē jam Arēemde ku Thuōnde (Mk 8:31-9:1; Lk 9:22-27)

21 Ku jōl Jethu wēt agai yic tēnē kacken ye buoθh, “Yen abī dhiel la Jeruthalem. Ku yen abī gum apeī kocdīt ē baai cīn, ku kōc kāk Nhialic, ku kōc piōōc lōōŋ cīn aya. Ku yen abī nōk ba thou, ku na ye akōl ye nīn diāk ke yen abī bēn pīr.”

22 Go Pīter miēet wei kōc yiic, ku dōk bī cīi ye jam kēlā, ku lueel, “Bēny, acīi Nhialic bī puōl bī rot looi. Kēnē acīi rot bī dhiel looi tēnē yī!”

23 Go Jethu yenhom wel ku lēk Pīter, “Jāl ŋalōōm jōŋrac! Wīc ba kē cī Nhialic guīr rienkiē waar yic. Kāk ye tak aacie kāk Nhialic aa wēl raan ē path.”

24 Ku jōl Jethu lēk kacken ye buoθh, “Na ye raan wīc bā buoθh, ka dhil nhom mār kápuoθh bī yōk ē piērde yic pinynhom ē tēn. Ku dhil puōu riel ku buoθh ya, cōk alōn wīc kōc kōk ye bīk nōk ē rienkiē.

25 Rin raan wīc ye bī wēike ē rot ŋiēc muk pinynhom ē tēn, ka cīi pīr akōldā bī yōk, ku na ye raan mār wēike ē rienkiē, ku rīn ē piōōcdiē ka bī wēike muk akōlriēc ebēn.

26 Yenō bī raan yōk thīn, tē jīēc yen apeī pinynhom ē tēn ku mēr wēike? Tēdē, ye kēpiath ŋō bī yōk bī yen wēike waar?

27 Rin akōl bī Manh Raan bēn kek duaar ē Wun kek atuuc nhial, ke yeen abī raan ebēn yiēk ariōp thōj kek kēden cī looi.

28 Ku le tuerj ku lueel, wek aa lēk yic, ala kōc kōk rēēr ē tēn aacīi bī thou agut tē bī kek Manh Raan tīj ke bō ke ye Bēnyjakhom.”

17

Jethu aci guāpde rot waan (Mk 9:2-13; Lk 9:28-36)

1 Nawēn nīn kadātem cōk, ke Jethu cōl Pīter ku Jemith kek wāmēnh Joon, ku lek gōn bār apeī nhom kepēc.

2 Tēwēn rēēr kek, ke Jethu waŋ rot, ku yer nyin cīmēn akōl, ku jōl alāthke yer apeī bīk la diardiar.

3 Kaam awēn ke Mothith ku Elija tul, ku jīēm kē kek Jethu.

4 Go Piter lek Jethu, “Bëny, apath buk reër ë tën. Na wïc ke yen aloi duël kadiäk ë tën, tök kek yï, ku tök kek Mothith ku tøj dët kek Elija.”

5 Kaam wën ñot jiem yen, ke këcít rur pat piny abí ciën tẽ yekë tñj, ku piñkë Nhialic ke jam ëlä, “Kënë ë Wëndiën nhiaar, mit yen puşu tënë ye piñkë wëtde.”

6 Nawën piñ kóc Jethu buəoth wët kënë, gokë rişóc apei ku wïkkë.

7 Go Jethu bën tënë ke ku gəot ke ku lueel, “Jatkë röt. Duşkkë rişc.”

8 Nawën jötkë kenyin, ke cïn raan dët tñjkë, ke ye Jethu ë rot.

9 Tëwën dhuk kek piny ë gət nhom, ke lek Jethu ke, “Duşkkë käk cäk tñj lek raan dët yet aköl bi Manh Raan jət ranj yic.”

10 Go kocken ye buəoth thiëc, “Yenjö ye kóc piöoc lööj kóc Itharel ye lueel, lön ë yen Elija yen bi kanj bën tuenj?”

11 Go bëer ëlä, “Ee yic Elija akəñ bën rin bi yen dhël bën guir.

12 Ku alëk we lön ci Elija bën theer, ku akëc kockä bën njic ku luikë këden nhiarkë. Cít ëmën aya, Manh Raan abik cöl arem apei.”

13 Go kocken ye buəoth deet yic lön nadë ka jam tënë ke rin Joon raan kóc muəoc nhüim.

Jethu aci dhəñ la guşp jəñrac kony

(Mk 9:14-29; Lk 9:37-43)

14 Nawën lek dhuk piny gət nhom, ke yök kóc juëc ke tit ke. Go raan tök bën ku gut yenhial piny Jethu nhom,

15 ku lueel, “Bëny, kony manhdië. Ala guşp nok ku aci ye göök apei. Aye lac wiet mæec, tädë ke le wiet wiir.

16 Ku ë ca bëi tënë kockun yï buəoth ku akëckë lëu bi pial.”

17 Go Jethu lek ke, “Wek kóc cie lac gam, yakë tak ba reër kek we yet nen? Bëi dhəñ kënë tënë ya.”

18 Nawën lek bëi, ke Jethu rël jəñrac, go jäl meth guşp, ku go pial nyin yic.

19 Nawën ke kóc Jethu buəoth bö tënë ye ë rot ku thiëckë, “Yenjö këc yok ye lëu buk jəñ kënë cuəp wei?”

20-21 Go lek ke, “Ee rin koor gamdun,” Ku le tuenj ku lueel, “Na we la gam cok kuur cimën manh ñaap koor nyin, ka lëkkë ë gon kënë, ‘Jälë ë tën!’ Ka lëu bi jäl. Acin kë dhal we bäk ciï loi.” Ku lek ke, “Jəñ cit kënë ë yen alëu ye ba cuəp wei, rin ye yen cool ë röök!”

Jethu aci ben jam ë Thuənde

(Mk 9:30-32; Lk 9:43-45)

22 Nayon akäl tök, wën ñoot kek Galilia, ke lek Jethu ke, “Manh Raan abí thön kóc,

23 ku abik nök, ku na aköl ye nin diäk, ka bi jət ranj yic.” Gokë puşth dak apei.

Ajuër luanj Nhialic

24 Nawën ci Jethu kek atuşöcke yet Kapernaum, ke kóc ë kut ajuër luanj Nhialic bö tënë Piter ku thiëckë, “Ye raandun piöoc ajuër luanj Nhialic täau piny?”

25 Go Piter bëer, “Aye täau piny.” Ku le yöt bi la lek Jethu. Go Jethu guə kaan wei ku thiëc, “Ye tak këdë Piter? Yenja bëny pinyinhom juër? Ye kocken baai aye kóc thäi kök?”

17:4 2Pit 1:17-18 17:5 Cäk 22:2; Lrou 18:15; Wk 2:7; Ith 42:1; Mt 3:17; 12:18; Mk 1:11; Lk 3:22

17:10 Mal 4:5 17:12 Mt 11:14 17:20-21 Mt 21:21; Mk 11:23; 1Kor 13:2 17:24 B.bei 30:13;

²⁶ Go Pïter bæer, “Aa koc ë thài.” Go Jethu lueel, “Na ye këya ke koc baai aacie ajuër ë tääu piny.

²⁷ Ku yen acuk wïc buk kockä rac puöth. Lor wïir ku cuat bïdho, ku müit rëc ba dam tuenÿ bei ku ñam thok, ku yïn abï wëü lëu ajuerdië ku ajuërdu yök thïn. Yäth ke tënë ke ke ya ajuërda yodhie.”

18

Koc Jethu buöth aaci wët tær
(Mk 9:33-37; Lk 9:46-48)

¹ Kaam wën ke koc Jethu buöth bö tënë ye ku thiëckë ëlä, “Yenÿa yen dït apeï kam koc tã bäany pan Nhialic yic?”

² Go Jethu meth cöol, ku cöl akääc kenhïim,

³ ku lueel, “Wek alëk yic, na cäk röt war bäk ciët mïth kor, ke wek aaci bäany Nhialic bï kan yök.

⁴ Këya raan rot dhuök piny bï ciët ë manh kënë yen adit apeï pan Nhialic.

⁵ Ku raan manh koor cit manh kënë lor rienkië, acä lor.

Ba raan dët thöc kërac yic
(Mk 9:42-48; Lk 17:1-2)

⁶ “Na ye raan wëñ menh tök kam ë mïthkã, ku bä maan ka ñuëën tënë ë raan cit kënë diët ci ruök yeth aleldit tet, ku pik wïir bï mou.

⁷ Ye kërec yïndë pinyhom ye koc kök koc wëñ kërec yïic. Käkkä aabi röt dhiel aa looi akölaköl, ku bï yïen dë tënë koc käkkä looi!

⁸ “Ku na ye ciëndu ayï cöskdu yï cöl aloi awuöc, ka tëem bei ku cuat ke wei. Rin anuëën ba pïr pïr path ke yï ye ñol, tënë tã bï yïn la cin karou ku cök karou ku cuet yï many dëp yic akölrïëc ëbën.

⁹ Ku na ye nyiendu yï cöl aloi adumuösm, ke ñuët bei ku cuat wei. Rin anuëën ba pïr yök ke yï la nyien tök, tën tã bï yïn la nyin karou, ku bï yï la cuat pan mac.

Kääñ amël cï mää

¹⁰ “Duökkë them bäk mïth thiikã bui. Alëk we bäk ñic lon atuöcken nhial aa rëer Wä lösm akölaköl pan Nhialic.

¹¹ Ku yen Manh Raan yen aci bën ba koc cï mää bën gäm pïr.

¹² “Lëk ya yic. Na raan ala amääla buöt ku mär amäl tök ke cïi thiärdhoñuan ku dhoñuan nyiëñ piny, ku le amäl kënë wïc?

¹³ Ku na le yök ka mit puöu apeï, miet puöu wär miet puöu wäär tã amël kök thïn.

¹⁴ Këlä aya, acïi Wuurdun tã nhial nhiar, bï menh tök kam ee mïth thiikã mää.

Të looi wämuuth awuöc tënë yï

¹⁵ “Na loi wämuuth awuöc tënë yï, ke yï la tënë ye ku lëk kë cï wuöc tädun wepëc. Na piñ wëtdu, ke wek aaci döör.

¹⁶ Na cïi wëtdu piñ, ke yï cöl raan tök ayï koc karou ku dhuökkë tënë ye, ‘Rin bï awuöc cï looi tënë yï ñic koc karou ayï diäk.’

¹⁷ Na ñot kuc bï wëtten cïi piñ, ke lëk akut, ku na kueec bï wët akut cïi piñ aya, ke päl bï ciët raan thài ku raan ajuër kut, koc kuc wët Nhialic.

¹⁸ “Ku wek aa lëk kënë, awuöc cäk bï päl piny pinyhom, acïi bï päl piny nhial, ku awuöc bäk päl piny ë tën abï päl piny nhial.

19 “Ku aben læk we, na mät kɔc karou kamkun pinyhom ë tɛn, ku thiëckë kē wickë ka gēm Wā tō nhial ke.

20 Rin tē ye kɔc karou ayi diäk kenhüim mat ë wëtdië ke γen abi rëer kamken.”

Kääŋ aluaŋ cie wët ye päl piny

21 Nawën ke Pïter bō tēnë Jethu ku thiëec, “Bëny, ya arak dē lëu bī γen wët päl piny tēnë wāmāāth cā awuśc looi tēnë γa? Ye arak dhorou?”

22 Go Jethu bëer, “Alæk yi, aca arak dhorou, ee thiärdhorou arak dhorou,

23 rin bääny Nhialic acit bënyŋaknhom wïc ye bī kākke kuëen nyin kek aluakke.

24 Kaam wën kuëen kek kãŋ nyin, ka aluaŋ tōk cī wëü juëc apeidit muör bī tēnë ye.

25 Ku yen ë cïn wëü cool yen wëü cī muör, go bányde lueel bī γaac wei kek tieŋde ku miëthke ku kākke ëbën bī kány cool.

26 Nawën piŋ ë wët kēnë ke lãŋ bányde apei ku lueel ëlä, ‘Päl γa kaam thin koor, ku γen abi kākka cool bëny.’

27 Go bënyŋaknhom tē mɛem yen thin tiŋ, ku pël kányde tēnë ye ku cɔl ajiël.

28 “Kaam wën le aluaŋ kēnë aγeer, ke räm kek aluaŋ dët rëer kek baai kōöny wëü reen lik. Go pac yeth ku yōök bī wëüke cool nyin yic.

29 Go lōŋ apei ku lueel, ‘Päl γa kaam ku γen abi wëüku cool!’

30 Go cī gam, ku cɔl amac γet tē bī yen wëüke cool.

31 Nawën tiŋ aluëc kōk kē cī rot looi, ke riääk puŋth apei ku lek tēnë bányden ku lëkkë kēriëc ëbën cī rot looi.

32 Go bënyŋaknhom aluaŋ kēnë cɔl ku lueel, ‘Yin acin pušu, γen aci wëü juëc kääny ke tēnë yi päl piny rin cī yin γa lōŋ.

33 Cī lëu ba kány päl piny tēnë raandun rëer wek, cimën kēwäär ca luüi yi?’

34 Ku wën cī yen pušu riääk apei, ke cɔl amac γet tē bī yen kány cool ëbën.”

35 Ku wit Jethu wëtde ëlä, “Yen ë tē bī Wā tō nhial luüi we, tē cī wek awuśc ye päl piny kamkun pušu ëbën.”

19

Jethu apiöoc wët ë liösi

(Mk 10:1-12)

1 Wën cī Jethu wët wïc bī lueel thöl, go jäl Galilia ku ler Judia ku teem wär Jordan.

2 Go kɔc juëc apei buoŋth, goke kony.

3 Go Parathī kōk bën tēnë ye, ku wickë bīk deep ë wët ku thiëckë ëlä, “Ye lōŋda raan puŋl bī tieŋde liösi ë path?”

4 Go Jethu bëer, “Këckë kaŋ kueen athöör yic lōn wär cieŋk Aciëk kɔc wäthɛr, aaci cak moc ku tik.

5 Ku lueel, ‘Rin ë wët kēnë yen abi raan wun ku man nyääŋ piny ku le ker kek tieŋde, ku keek karou aabi ya many tōk.’

6 Këya, aacii ŋot ke ben aa rou, ee tōk. Ku këya, na cī Nhialic ke puŋl bī ya moc ku tik, ka cïn raan päl ŋek ë kamken.”

7 Go Parathī bën thiëec, “Na ye këya, yeŋö pël Mothith ye bī raan athör liösi göt ku pël tik?”

8 Go Jethu bëer, “Mothith aci wärkuan dīt puŋl bīk diäärken aa liösi rin aake cie yith ye lac gam. Ku ëcie këya wäthɛr cieŋk kɔc.

⁹ Ku aba lək we emən, na ye mony lisi tienje, ke kəc wic mony dət, ka cī kėrac looi.”

¹⁰ Go kocken ye buoəth lək ye əlä, “Na ye yen tən ye kəŋ röt luoi thin kam moc ku tik akan, ka ŋuəən bi raan cī thiək.”

¹¹ Go dhuək ke ku lueel, “Acie raan ebən yen bi kė ca lueel gam, aa kəc ye Nhialic kuəny.

¹² Raan dət aye dhiəəth ke ya aboi, na cək thiəək tē le yen dīt ka cī dhiəth, ku kəc kək aaye roc bik cī dhiəth tē cək kek thiəək. Ku kəc kək aacie thiəək rin wic kek ye bik wət Nhialic yəth tueŋ. Kəya, na ye raan gam ɛ wət kənə, ke gem ku piöc.”

Jethu adəc mīth

(Mk 10:13-16; Lk 18:15-17)

¹³ Kəc kək aake cī mīth bəəi tənə Jethu bi ke bən dəoc, go kəc Jethu buoəth kəc läät.

¹⁴ Go Jethu lueel tənə ke, “Calkə mīth aabə tənə ya, duəkkə ke pən. Raan wic ye bi la pan Nhialic adhil gam cimən ee mīth thiikā.”

¹⁵ Ku cəol mīth yeləəm ku tēəu yecin kenhīm, ku dəoc ke ku jiəl.

Raan ajak

(Mk 10:17-31; Lk 18:18-30)

¹⁶ Go mony dət kaəŋ nhom ku thiəc əlä, “Raan piöc ye kəpiath ŋə ba looi ba pīr akölrīəc ebən yök?”

¹⁷ Go Jethu bəər, “Yenə ye yīn ya thiəc kəpath ba looi? Ee Nhialic rot yen apath. Na wic ba pīr akölrīəc ebən yök, ke yī thek löŋke.”

¹⁸ Go mony kənə Jethu bən thiəc əlä, “Ye löŋ nen?” Go Jethu bəər, “Duk raan nək, duk tin raan dət kər, duk cuəər, duk kuəəŋ wət ɛ lueth.

¹⁹ Thek wuur ku moor, ku nhīar raan dət cimən nhiəer yīn rot.”

²⁰ Go riənythii awən dhuək ye ku lueel əlä, “Löŋkə aaca muk nhīm ebən. Ye kə nen ba bən looi?”

²¹ Go Jethu bəər, “Na wic ba la cök tənə Nhialic, ke yī la ba kəkku la yaac ebən, ku gam wəəu tənə kəc ŋəŋ, yīn abi jīək la yök pan Nhialic, ku bäär buoəth ya.”

²² Nawən piŋ ɛ wəkā ke məen, ku jiəl ke cī puəu dak rin ɛ la kəjuəc apei.

²³ Go Jethu yenhom wəl kocken ye buoəth ku lək ke, “Abi riəl tənə raan ajak bi la pan Nhialic.

²⁴ Ku abən lək we, apuəl yic bi thərəl bak with cök, tənə lon bi raan ajak la pan Nhialic.”

²⁵ Nawən piŋ kocken ye buoəth ɛ kənə, ke gəi apei ku luelkə, “Na ye kəya, ke yenə bi la pan Nhialic.”

²⁶ Go Jethu ke döt ku bəər, “Acī raan bi ləu ɛ rot, bi gam tē kəc Nhialic ye kony, rin Nhialic ɛ kəriəc ebən ləu, acin kə dhal ye.”

²⁷ Go Piter rot jat ku lueel, “Na yook, yok kəc cī kəkkuə ebən nyāəŋ piny ku buoətku yī, yenə bi ya kəda?”

²⁸ Go Jethu bəər, “Wek alək kənə, tē le kəŋ röt waar, ke Manh Raan abi nyuc thənyde nhom ɛ diik yic pan Nhialic, ku week wathiaär ku rou, wek aabi nyuc thöc nhīm aya bək luŋ kuat Itharel kathiaär ku rou looi.

²⁹ Ku kuat raan cī paande nyāəŋ wei kek paan ɛ man ku nyiərakən, ku wun ku man ku miəthke ku dum ɛ riənkiə, abi kəjuəc yök arak buəot, ku abi pīr akölrīəc ebən yök aya.

³⁰ Ku kɔc juēc tɔ tuenj ɛmɛn aabi dɔŋ ciɛɛn, ku kɔc kɔk juēc tɔ ciɛɛn aabi la tuenj.”

20

Kääŋ kɔc lui dom yic

¹ Ku ben Jethu bääny Nhialic thöŋj ɛlä, “Raan dom ɛci rial bi la wic kɔc bi duɔmde bɛn tem.

² Ku ciäk ariöp bi ya gäm ke akäl tɔk, ku tooc ke dom.

³ Nawɛn tɛcit lunyluny ɛ yök, ke la tɛ ye kɔc yɔɔc thɛn, go kɔc kɔk tɛn thɛn ke kääc ke cɛn kɛ loikɛ,

⁴ go lɛk ke ɛlä, ‘Lak dom yic aya bäk la tem, ku wek aaba yiäk ariöp thöŋj ke luɔidun.’

⁵ Gokɛ la. Nawɛn akäl ciɛl yic, ku täänj akäl aya, ke la ayeer ku le bɛn ke kɔc kɔk.

⁶ Nayɔn thɛi ke la ayeer ku yök kɔc kɔk ke kääc ɛ path go lɛk ke, ‘Yenö rɛɛr wek tɛwɛn aköl ke cɛn kɛ luɔikɛ?’

⁷ Gokɛ lɛk ye ɛlä, ‘Acɛn raan ci yɔ cɔɔl buk la luui.’ Go lɛk ke bik la luui aya.

⁸ “Nayɔn thɛi ke wun dom cɔl raanden kɔc dɔm ku lueel, ‘Cɔl kɔc luɔi, ba ke dɔm wɛɛuken, ku jɔk kɔc ɛ ke bɔ ciɛɛn, bi jäl la thök kɔc wɛn anhiäk jɔk luɔi ɛ rial.’

⁹ Go kɔc ke bɔ luɔi yic ciɛɛn bɛn ku gɛm ke wɛɛuken.

¹⁰ Nawɛn la kɔc ke jɔk luɔi ɛ rial bɛn bi ke bɛn riöp, ke takkɛ lɔn bi ke gäm wɛɛu juēc, ku keek aaci bɛn riöp wɛɛu cit wɛɛu ci gäm kɔc ke lök bɛn luɔi yic ciɛɛn.

¹¹ “Gokɛ wɛɛu dɔm ke dak puŋth, ku jiɛɛmkɛ wun dom guŋp ɛlä,

¹² ‘Kɔc ke lök bɛn ciɛɛn, cɛn luɔi diit cik looi, aaca thöŋj nhɛim kek yɔ, yök kɔc ci luui akäl yic tɛwɛn anhiäk agut tɛ col piny cit ɛmɛn!’

¹³ “Go wɛt raan tök bɛɛr ɛlä, ‘Mäthdiɛ, yɛn acä jör, ciɛt yɔ ci tɛ bi yɛn yi riap thɛn akäl tök cäk.

¹⁴ Dɔm ariŋpdu ku jälɛ. Aca tak ba raan lök bɛn ciɛɛn gäm ariöp cit ariŋpdu.

¹⁵ Cä la yic ba wɛɛukiɛ gam tɛcit tɛ wiɛc ye? Yenö ye tiɛɛl yi dɔm tɛ muɔɔc yɛn kɔc?’ ”

¹⁶ Ku wit Jethu wɛtde ɛlä, “Kɛya, kɔc tɔ ciɛɛn aabi tɔ tuenj ku kɔc tɔ tuenj aabi tɔ ciɛɛn.”

Jethu ajam ɛ Thuɔnde kɛn yic diäk

(Mk 10:32-34; Lk 18:31-34)

¹⁷ Nayɔn aköl dɛt ke Jethu cath kek kɔcken ye buɔoth ke la Jeruthalem, ke cɔɔl ke tɛden ɛ röt ku lɛk ke,

¹⁸ “ɛmɛn yök aala Jeruthalem, ku Manh Raan abi la dɔm ku yɛth kɔc käk Nhialic nhɛim, ku kɔc piöc ɛ lööŋ. Ku abik tɛm thou,

¹⁹ ku thönkɛ bäny kɔc cie kɔc Itharel bik läät ku thatkɛ ku piɛɛtkɛ tim ci riüu kɔu. Ku na ye nɛn kadiäk cök ka bi pɛr ku jöt bei ɛ ranj yic.”

Man wɛɛt Dhubedi aci Jethu thiɛɛc kɛden wic

(Mk 10:35-45)

²⁰ Nawɛn ke man wɛɛt Dhubedi bɔ tɛnɛ Jethu kek wätke, ku gut yenhiaal piny ku thiɛɛc bi luɔi kɛ wic.

²¹ Go Jethu thiëc, “Yenö wïc?” Go bëër ëlä, “Të nyuuc yïn thönydu nhom bäány Nhialic yic aköldä, ke yï tøj yïpuðu lan bi yïn wëtkiën kē karou cəl aa nyuc yilööm, raan tök köj cuëc ku raan dēt köj ë cam.”

²² Go Jethu dhušk ke ëlä, “Wek aakuc kē thiëckë, ɣen abi banj apɛi ë nĩnkä ku ɣen abi nõk. Lëukë bāk gum cimëndië?” Gokë bëër, “Alëuku.”

²³ Go Jethu lëk ke, “Na cökë we nõk ayic ka lëukë bāk gum, ku acie ɣen la riel ba raan bi nyuc köjdiën cuëc ku köjdiën cam kuany. Thöckä aa kāk kəc cï Wä guiër ke.”

²⁴ Nawën le atuuc kők kathiäär piñ, ke riääk puöth tënë wëët Dhubedi.

²⁵ Go Jethu ke cəl ku lëk ke, “Anjäckë lan kəc cï gam bik aa bäny kəc cie kəc Itharel aala riel kəc nhüim, ku aciï path bāk ciët ke.

²⁶ Ku kënë aciï rot bi looi kamkun. Raan wïc ye bi ya raandit kamkun, adhil rot dhušk piny bi ya luui rin kəc kők,

²⁷ ku na ye raan wïc ye bi ya bëny wenhüim, ka dhil ya aluanɗun.

²⁸ Cimën Manh Raan aya akęc bën bi kəc bën loony, aci bën bi kəc bën kony, ku gam wëike bi kəc juëc waar thou yic.”

Jethu akony cöör karou bik daai

²⁹ Tëwën jiël Jethu Jeriko kek kacken ye buoath, ke buoath kəc juëc apɛi.

³⁰ Ku kəc cï cor karou aake rëër ë dhël kęc. Nawën piñkë lan cï Jethu ɣëët, ke cöt röldit, “Bëny, Wën Debit, kony ɣo!”

³¹ Go kəc kők ke rël ku yöökkë ke bik biet. Gokë ɳot ke kiu apɛi, “Wën Debit! Kony ɣo.”

³² Go Jethu köcc ku cəl ke, ku thiëc ke, “Yenö wiëckë ba looi tënë we?”

³³ Gokë lëk ye, “Bëny awicku buk bën daai.”

³⁴ Go Jethu gam, ku ɣoot kenyin, gokë daai nyin yic ku buothkë.

21

Jethu aci la Jeruthalem ke ciëm yai

(Mk 11:1-11; Lk 19:28-40; Jn 12:12-19)

¹ Tëwën cï kek thiök kek Jeruthalem, ke bö Bethpeec tēthiääk kek ɣon Olip, ke Jethu ëci kacken ye buoath karou tuooc tuenj,

² ku lëk ke, “Lak bëëi tō tuenj yiic, ku wek aabä akaja yök ke mac ku manhde yelööm. Luonykë ke ku bëëike ke tënë ɣa.

³ Na le raan thiëc we ke luëlkë, keek aa wïc Bëny ku aabi dhuk ëmën.”

⁴ Kënë aci rot looi këya rin bi wët cï luel ëlä theer raan kāk Nhialic tün yenhom tɛɛɳ,

⁵ “Lëk kəc Itharel, ëmën bënyɳaknhom dun abö tënë week! Alir puðu ee cath akaja, manh akaja.”

⁶ Go kəc Jethu buoath la ku loikë cimën cï Jethu ye lëk ke,

⁷ ku biikë akaja ke manhde ku kumkë keköth aläthken, ku nyuc Jethu manh akaja köu.

⁸ Kəc juëc aacä aläthken thieth dhël yic, ku kəc kők aacä ayör tiim dhonj ku thiethkë ke dhël yic aya.

⁹ Go kəc ke tō tuenj yenhom ku kəc ke buoath ye, yai looi ku yekë wak ëlä, “Lecku wën Debit!

Bëny döc raan bö rienku lecku Nhialic Madhöl!”

¹⁰ Nawën yeet geeu Jeruthalem, ke kɔc gɛi apɛi ku yekë thiëc ëlä, “Yenja kënë?”

¹¹ Ke bëër kɔc ɲic ye ku luelkë, “Yen ë raan kāk Nhialic tɲj cɔl Jethu pan Nadharet, wun Galilia.”

Jethu aci la luanj Nhialic

(Mk 11:15-19; Lk 19:45-48; Jn 2:13-22)

¹² Nawën lek yet Jeruthalem ke Jethu la luanj Nhialic, ku cop kɔc kǎj yaac ku kɔc yööc ayeer kal luanj Nhialic yic. Ku wel agen kɔc wëeu waar yiic piny, ku thöc kɔc yɔɔc wei ë kušr.

¹³ Ku lëk ke,

“Aci gët ëlä athör theer wël Nhialic yiic,
‘Kal luanjdïë aci looi bi ya tɛn ye kɔc wuöt ëbën röök thɲn,’
ku yen acäk wel bi ya tɛn cuër.”

¹⁴ Kɔc ci cɔr ku kɔc ci duany aake ci bɛn tɛnɛ ye kal yic luanj Nhialic, goke kony.

¹⁵ Kɔc dɪt kāk Nhialic ku kɔc gët lööŋ aake ci puöth dak tɛwɛn tɲj kek kǎpuöth ci Jethu looi, ku wɛn ye mɪth ket kal yic luanj Nhialic ëlä, “Lecku Wɛn Debit.”

¹⁶ Ku luelkë tɛnɛ Jethu, “Ye kë lueel ë mɪthkǎ piŋ?” Go bëër, “Aya piŋ. Ku këckë kënë kanj kueen,
‘Yin aci mɪth agut mɪth thii kor pišöc bïk lec la cök aa lueel.’ ”

¹⁷ Kaam wɛn ci Jethu wëlkǎ lueel, ke jiël geeu ku ler Bethani tɛ ci yen bɛn anin thɲn.

Jethu aci tim wak bi riau

(Mk 11:12-14, 20-24)

¹⁸ Naɣon nhiäk, tɛwɛn dhuk kek geeu, Jethu ë nɛk cök.

¹⁹ Nawën tɲj tim cit ɲaap dhël yɔu, go la cɔl bi yök ke ci luək, go yök ke ayör kepɛc. Go Jethu lueel, “Yin aci mɪth kɔŋ bɛn tɲj athɛr!” Ku nyin yic tɛwɛn ke tim riau.

²⁰ Tɛwɛn tɲj kocken ye buöth ë kënë, ke gɛi apɛi, ku thiëckë röt, “Yenö ci tim kënë guo riau?”

²¹ Go Jethu bëër, “Na gamkë ke cɲn diu, ka cie kë ca looi tɛnɛ ë tim kënë yen luukë ë rot, na cök a gon kënë yen yšökkë ëlä, ‘Jot rot ku cuat rot wüir,’ ka loi rot.

²² Ku na lak gam, ke këriëc ëbën yakë ke thiëc tɛ röök wek, aa yšökkë.”

Bány Itharel aa riel Jethu yšöŋ yic

(Mk 11:27-33; Lk 20:1-8)

²³ Go Jethu bɛn dhuk kal yic luanj Nhialic, ku tɛwɛn piöoc yen, ke bánydɪt kāk Nhialic ku kɔc baai bš tɛnɛ ye ku thiëckë ëlä, “Ee yin, ye riel ɲö tš yígušp ye yin luui këlä? Ku yenja yik yi ë riel kënë?”

²⁴ Go Jethu bëër, “Wek aba thiëc wɛt tök aya, na bëërkë apath, ke wek aba lëk raan cǎ gǎm riel ye yɛn kǎkkǎ looi.

²⁵ Lëkkë ya, Joon yök riel yen kɔc gǎm lökwëi tɛnɛn, ye tɛnɛ Nhialic aye rielde ë rot?”

Gokë guëk yic kamken ku luelkë, “Na luelku, ke yök tɛnɛ Nhialic, ka thiëc, ‘Aye ɲö këc wek wɛtde gam?”

²⁶ Ku na luelku, “Ke rielde ë rot,’ ke yök aa jšny ke rin ci raan ëbën ye gam.”

²⁷ Gokë dhušk Jethu, “Akucku.”

Go Jethu lëk ke, “Na ye këya, ke wek aacǎ lëk riel ye yɛn kǎkkǎ looi.”

Kääj cī Jethu lueel rin mīth karou

²⁸ Ku ben Jethu ke thiëc, “Yenjö yakē tak wēt kēnē yic? Monytui ē la dhäk karou. Go la tēnē wēndit ku lēk ye, ‘Manhdiē lōr lui dom yic ya akōl.’

²⁹ Go bēēr, ‘Yēn aciī la,’ nawēn ke ben yenhom waar ku ler.

³⁰ Go bēn la tēnē wēnden koor ku lēk wēt awēn cī kaŋ lēk wēndit. Go gam ku cīī la.

³¹ Yeŋa kamken karou cī kē wīc wun looi?”

Gokē bēēr, “Ee wēndit.”

Go Jethu lēk ke, “Kōc ajuēr kut ku adējōk ē tōc kek kuat moc ē path, aa kek aabī rōt kaŋ mat ē bääny Nhialic yic tēnē we.

³² Rin Joon raan waar kōc muōc nhīim ēci bēn tēnē we bī we nyuōth dhēl ē yic, ku wek aa kēc wētde gam. Nawēn ke ye kōc ajuēr kut ku adējōk kek gam ye. Ku na cak awēn cī wek kākā tīŋ ke loi rōt, ke wek aa kēc wepuōth waar ku pākē luoi kārēc ku gamkē wētde.”

Jethu aci jam ē waal bī rēēc bāny nyuōth

(Mk 12:1-12; Lk 20:9-19)

³³ Ku ben Jethu jam waal ku lueel tēnē kōc man ye ēlä, “Monytui ēci dom looi ku cum yic tiim luok ku rōk. Ku wec tē ye mīth tiim guōr thīn bīk ya miōk, ku looi kāt. Ku jōl dom riōp yic kōc kōk, ku le keny wun dēt.

³⁴ Nawēn le tē cī tiim luok thōōŋ, ke tooc aluōnyke tēnē ke bīk la gām abākke.

³⁵ Go kōc awēn cī riōp dom yic aloony dām, ku thatkē aluony tōk, ku nākke alony dēt ku biōkkē alony ye kek diāk aleel.

³⁶ Go aloony juēc tēnē aloony tueŋ bēn tooc, ku ŋot ke looi kē ke tēwäär.

³⁷ Nawēn ciēen ke wun dom jōl wēnde tooc, ku tek lōn bī kek ye theek.

³⁸ Go kōc awēn cī riōp dom yic lueel kamken wēn tīŋ kek ye, ‘Kēnē ee manh raan la dom, bī kāŋ lōk thōn akōldā. Bāk nākku ku kākke aabī dōŋ ke yo.’

³⁹ Gokē dām ku thelkē ayeer dom yic ku nākke.”

⁴⁰ Ku jōl Jethu ke thiëc, “Na bō raan la dom ke loi ŋō tēnē ke?”

⁴¹ Gokē bēēr, “Abī kōckā nōk, ku riōp dom yic wei tēnē kōc bī ye ayiēk abākke tē cī kāŋ luok.”

⁴² Ku lēk Jethu ke, “Kēckē wēt cī gōt athōr thēer wēl Nhialic yic ēlä, kaŋ kueen?

‘Mēn wäär yen cī atēet kuec yen aci bēn a mēn ril api,

kēnē ē ye luoi Bēny,

ayeku tīŋ ke path ku dhēēŋ yonyīn!’ ”

⁴³ Ku la Jethu tueŋ ku lueel, “Kēya alēk we, bääny Nhialic abī nyaai tēnē we ku gēm kōc wuōt kōk bī wētde piŋ ku loikē.

⁴⁴ Ku raan bī lōny alel kēnē nhom, ka duōny bī ruōth, ku raan bī alel kēnē lōōny yenhom ka niōn yic.”

⁴⁵ Nawēn piŋ kōcdit kāk Nhialic ku kōc gēt lōōŋ ē jam kēnē, ke ŋickē lōn jīēm Jethu riēken,

⁴⁶ ku na cak alōn wīc kek ye bīk dām, ka ke cī riōc kōc juēc tō thīn ē Jethu tīŋ ke ye raan kāk Nhialic tīŋ.

22

Jethu aci bääny Nhialic thōŋ yan thiëk

(Lk 14:15-24)

¹ Go Jethu bēn jam tēnē ke ē waal ku lueel.

² “Bääny Nhialic ë duër thõj kek yan thiëëk cï bënyņaknhom looi tënë wënde.

³ Ku tooc aluəonyke bi kəc cï cəəl la lək bik bən yai yic. Gokë kuc ku cik bə yɛɛi.

⁴ Go aloony juëc bən tooc ku thənke ëlä, ‘Lak, lëkkë kəc cï cəəl lən müith aaci thök ë guier, muəər ku nyök cuai aaci nök, këriëëc ëbən aci guier. Bäk yai yic!’

⁵ Ku keek aake liu puəth thün, ku puəkkë bi ŋək ala duəmdë, ku la raandä luəide yic.

⁶ Ku dəm kəc kək aloony bënyņaknhom, ku banjë ke ku näkkë ke.

⁷ Go bënyņaknhom puəu riäk apei, ku tooc apuruəökke ku lek kəc awən näk aluəonyke nök, ku cuänykë genden.

⁸ Ku cəəl aluəonyke ku lək ke, ‘Yai aci thök ë guier, ku kəc ke cï cəəl aa kəc aa kəc path, aaci kuc ë bən.

⁹ Lak geeu ku calkë kuat kəc bäk yök dhəl yiic bik bən yai yic.’

¹⁰ Go aloony la dhəl yiic ku cəlkë kuat raan cik yök ëbən, abi yai thiäŋ apei.

¹¹ “Nawən bə bënyņaknhom bi thän cï guëër yɛɛi bən tün, ke tün raan tök ke kəc alëth yai ruək.

¹² Go bënyņaknhom lueel, ‘Mäthdië, yi bə tən këdë ke yi cii alëth yai ceŋ?’ Go mony awən biët ku cii wët bëër.

¹³ Go bënyņaknhom lək aluəonyke, ‘Derkë cin ku cök ku cuatkë muəəth yic ayeer, tē bi yen dhiau thün ke ŋeny yelec.’ ”

¹⁴ Ku wit Jethu wëtde ëlä, “Rin kəc juëc aaye cəəl, ku aa kəc lik kek aaye ləc.”

Jethu awic bi wëŋ wët ajuër

(Mk 12:13-17; Lk 20:20-26)

¹⁵ Go Parathï la tēden ë röt bik tē bi kek Jethu dam thün, wëtten bi lueel, la mat.

¹⁶ Ku toockë kəcken abək ke buəəth tënë ye, ku kəc Antipäth Yërot bik la wëŋ bi wët rac luəel kegup bi ye dəm. Ku bik ku luelkë ëlä, “Raan piöc, anjicku yin ë raan la cök jam ë yith. Yin ë kəc piöc bik kək wic Nhialic looi dhël la cök, ke yi cii diëer kək ye kəc kək tak. Ku yin acie diëtten ye kuëc nhom.

¹⁷ Lək ɣo na ye täktäkdü, buk ajuër aa gam ɣok kəc Itharel tënë Cithër Bënyņaknhom, tēdë ke cuk bi ya gäm ye?”

¹⁸ Ku Jethu ëci ruënyden ŋic, ku bëër, “Yenö wic wek ye bäk ɣa deep wët?”

¹⁹ Calkë ɣa atün wënh yakë tääu piny ajuër!” Gokë yiëk wëëth.

²⁰ Gokë thiëc, “Ye nhom ŋa, ku ye rin ŋa kəkä cï giëet wëëth kəu?”

²¹ Gokë bëër, “Aa kək Cithër Bënyņaknhom.” Go Jethu lək ke, “Na ŋieckë këya, gämëkë Cithër Bënyņaknhom këde, ku gämëkë Nhialic këde.”

²² Gokë gäi, tē cï Jethu wët bëër thün, ku nyiëëŋkë piny ku jiëlkë.

Nhialic abi kəc cï thou cəl aa ben pür

(Mk 12:18-27; Lk 20:27-40)

²³ Aköl tön awən ke kəc kək akut Thaduthï, akut cii ye ye gam lən bi Nhialic kəc cï thou bən cəl apir, bə tënë Jethu ku thiëckë ëlä,

²⁴ “Raan piöc, aci Mothith lək ɣo ëlä, Na thou raan ku nyiëëŋ tik piny ke cün mith, ke wämënh koor ala ɣöt tik bi mith dhiëëth yön mënöhë.

²⁵ Na thööŋku lən tō mith tik thün kadhorou, ku thiëk wëndit ku thou ke cün mith, ku dŋj tiëŋde ke wämënh buəth ye,

²⁶ ku thou aya ke cün mith cï dhiëëth. Ku looi rot këya tënë raan ye kek diäk, agut wämënh kun ye kek dhorou.

²⁷ Nawən ke tik thou aya.”

²⁸ Ku lek tuerj ku thiëckë, “Të le koc cî thou röt jöt aköldä, bî ya tinj ɲa, rin ci yen rëer ke ke ëbën kadhorou?”

²⁹ Go Jethu bëër, “Wek aa koc ril nhïim cîn kè ɲieckë, rin cïi wek athör theer wëi Nhialic cî gët ye gam. Ku acäk ye gam aya lön bî Nhialic kè ye lueel ke bî looi, lëu bî looi.

³⁰ Rin të le koc cî thou röt jöt, aacïi bî thiëek ku aacïi bî thiaak, aabî rëer kecüt atuuc nhial.

³¹ Ku na ye rin wët bî koc cî thou röt jöt, ke we këc wët cî Nhialic lëk we theer kuen? Acî lueel,

³² ‘Yen ë Nhialic Abaram ku Ithäk ku Jakop.’ Koc cî thou ke ɲic Nhialic, aa pîr alanden. Yeen ë Nhialic koc pîr, ku koc cî thou aya.”

³³ Nawën piñ thän tō thîn wët kënë, ke gëi ë piöccde.

Löj ril lëu bî theek kam ë lööj

(Mk 12:28-34; Lk 10:25-28)

³⁴ Nawën piñ Parathî lön cî Jethu Thaduthî thöl nhïim, ke mat kenhïim bik Jethu thiëc aya,

³⁵ ku jöl raan tøk kamken,

³⁶ raan piöcc lööj, Jethu thiëc, “Ye löj nen yen ril kam ë lööj?”

³⁷ Go Jethu bëër, “Yin adhîl Bánydu Nhialic nhaar piändu ëbën, ku wëiku ëbën, ku nhiamdu ëbën.”

³⁸ Kënë, yen ë löj ril tuerj.

³⁹ Löj dët ril ye kek rou thöj kek ë löj kënë akîn, yin adhîl raan dët nhaar cimën nhiëer yin rot.

⁴⁰ Lööjkä karou kek aa ye lööj Mothith ëbën, ku lööj ye koc käk Nhialic tinj piöcc, kër bei thîn.

Jethu acî koc piöcc lön yen raan ë tooc Nhialic

(Mk 12:35-37; Lk 20:41-44)

⁴¹ Kaam wën cî Parathî kenhïim kut Jethu lööm ke thiëc ke wët kënë,

⁴² “Yakë tak Raan cî lac ku dac yeɲa? Ye wën ɲa?” Gokë lëk ye, “Ee wën Debit?”

⁴³ Go dhuşk ke ku lueel, “Na ye këya, yeɲo ye Wëi Nhialic Debit yöök bî cöl Bánydië. Rin ëcî Debit lueel ëlä,

⁴⁴ ‘Acî Nhialic lueel tënë Bánydië, “Nyuc ë tën könjdiën cuëc, yet të bî yen koc aterdu dhuşk ciëen yiçök.”’

⁴⁵ “Na ye Debit cöl, ‘Bánydië,’ Ke lëu bî ya wënde kädë?”

⁴⁶ Go ciën mën raan tøj bëer wëtde, ku wën akölë yet tuerj acin raan tøj cïi yethok ben kuek bî thiëc.

23

Duškë nhiam cimën Parathî ku Thaduthî

(Mk 12:38-39; Lk 11:43, 46; 20:45-46)

¹ Ku jöl Jethu lueel tënë koc juëc awën ku koccken ye buoθh.

² “Koc piöcc lööj ku Parathî kek aatö nyin Mothith.

³ Këya, aa dhiëlkë ke theek ku luäikë kè yekë lëk we, ku piëɲkë kè yekë lëk we, ku duškë käkken yekë ke looi ye kiëët, rin aacie käk yekë lëk koc kek yekë ke looi.

⁴ Aa koc piöcc kâril yiic bî ke looi, ku aa cie koc ë kony bik ke looi.

⁵ Keriëec ebën yekë ke looi, ayekë ke looi rin bi kek kəc wëŋ. Aa cath ke muk athör theer wël Nhalic. Ku rukkë alëth path, ku mukë athör kecin bik nyuəəth lən ye kek kəc path thek löŋ Mothith.

⁶ Ayekë nhiaar bik nyuc tuen thöc kəcđit tēnē amat, ku yōn path akōl yai.

⁷ Ayekë nhiaar bi ke aa mušöth athëek yōn yəc yiic, ku yeke cəal, 'Kəc piöoc.'

⁸ "Duškkë röt cəl aye cəal, 'Kəc piöoc,' Rin wek aa ŋek ke wämēnhē, ku wek aa la raan piöoc tök.

⁹ Ku acin raan dhielkë cəal pinyinhom tēn, 'Wä,' Rin ē Nhalic tō nhal yen ee Wuurdun yetök.

¹⁰ Ku duškkë röt cəl aye cəal, 'Kəc piöoc,' Rin wek aa la raan piöoc tök, 'Raan cī ləc ku dəc.'

¹¹ Raandit apei kamkun adhil rot dhušk piny bi luui rienkun.

¹² Kuat raan rot yāth tuen ē rot abi dhušk ciēen, ku raan lir pušu rot tšöu ciēen, abi yāth tuen.

Jethu aci rëec Parathi ku kəc gāt löŋ nyuəəth

(Mk 12:40; Lk 11:39-42, 44, 52; 20:47)

¹³ "Kəc piöoc löŋ ku wek Parathi, Awëenjkui! Ee kërac apei yen ayakë looi, rin ye wek kəc piöoc dhël cī kek bi met bääny Nhalic yic. Rin wek aaci bi met thin aya. Na cak kəc kək wic bik met thin, ka yakë ke wel nhim ē piöocdun cī la cök!

¹⁴ Kəc piöoc löŋ ku wek Parathi, Awëenjkui! Wek aa cath we ršök apei dhäl yiic bāk kəc wëŋ lən ye wek kəc path, ku wek aa bëi lër tušör nyin bik aa kakkun. Wek aabi tēm awušcdit tet apei rin käreç yakë looikā!

¹⁵ "Kəc piöoc ku wek Parathi, Awëenjkui! Wek aa piny kuany yic rin bi la raan tōŋ yōkkë bi piöocdun gam. Na yōkkë, ke tē ye wek ye piöoc thin, ee ye cəl aye raan pan mac, abi we duër waan thook!

¹⁶ "Awëenjkui, wek kəc ē kəc kək wat nhim ke we ye cöör aya, ku luelkë, raan mël kuëen rin luan Nhalic, ke rot mac wëtde.

¹⁷ Wek aa mušöl ku cöör! Yenö dit? Ye mälän thith aye luak?

¹⁸ Ku benkë lueel ëlä, raan mël kuëen rin yik ka cin wëtde yic, ku na kuëen mël rin ajuër cī tääu yenhom, ke rot mac wëtde.

¹⁹ Wek kəc cī cər wepušth! Yenö dit? Ye ajuër cī tääu yik nhom aye yik gušp ē loi bi ajuër cī tääu yenhom ya kēn ē Nhalic?

²⁰ Këya, tē kuëen raan yik, ka kuëen ye, ku kāk cī juaar yenhom.

²¹ Ku tē kuëen raan luan Nhalic ka kuëen ye ku Nhalic yen rëer thin,

²² ku tē kuëen raan pan Nhalic, ka kuëen mäacde, ku yenhom gušp.

²³ "Kəc piöoc löŋ ku wek Parathi! Awëenjkui! Wek aa kälük kakkun cak puur yiic juër Nhalic, ku wek aacie kārīl ye löŋ lueel ye kuëec nhim, cimēn bi raan dhiel la cök ku lir pušu, ku kony kəc kək ku cī kəc ye ruëeny. Wek aa dhil kakkā muk nhim, ke we cī mäl ē juër kən aya tēnē Nhalic.

²⁴ Kəc mär kəc, wek aacie kāk wic Nhalic ye looi, ku aa kāk puəl yiic kek aa yakë ke kuëc nhim.

²⁵ "Kəc piöoc löŋ ku wek Parathi! Awëenjkui! Wek aaci pušth la cök, wek aa cit biiny ku aduuk ye lək kōth, ku aa thiän miith ye rum riel ku miith ye ke tušör nyin.

²⁶ Wek kəc Parathi cī cər wepušth! Kanjë biiny ku aduuk lək yiic, yen aabi kek kōth la wic aya!

²⁷ “Kac piöoc lööŋ ku wek Parathî! Awëëŋkui! Wek aa thöŋ kek rëŋ cî buth, na tîŋ keköth ke dhëŋ apei, ku keyiic alonhthîn aaci thiänŋ yom kac cî thou ku kâreç kök.

²⁸ Këya, wek aa cît rëŋkä aya. Wek aaye raan ëbën tîŋ we path gup ayeer, ku piäthkun alonhthîn aaci thiänŋ ruëeny ku kâreç kök ëbën.

²⁹ “Kac piöoc lööŋ ku wek Parathî! Awëëŋkui! Wek aa rëŋ buth tënë kac kâk Nhialic tîŋ. Ku giëtkë rëŋ kac path bik dhëŋ apei,

³⁰ ku luëlkë ëlä, na yo tö thîn wäär nëk wärkuan dît kac kâk Nhialic tîŋ, ŋuöt yok aa këc röt mat ë näakden yic.

³¹ Këya, ayakë gam ayic lön ye wek mîth kac wäär näk kac kâk Nhialic tîŋ!

³² Ku cît mëné ye wek kac ril nhîim, cîn kë yakë gam, këriëëc ëbën atö wecin, thääpkë kâreç wäär cî wärkuön dît jöck!

³³ Mîth käpieny! Yakë tak bäk poth la pan mac këdë?

³⁴ Ku rin ë wët këné yen aci Wä we tuöc kac kâk Nhialic tîŋ. Ku ë kockä yiic, kac kök aa bäk nöç, ku piäatkë kac kök tim cî rîiu köu, ku thatkë kac kök yönkuön amat yiic, ku yakë ke yööp gëeth yiic ëbën.

³⁵ Ku tédun ye wek luui thîn këné, abî awuöc bî teem rin kac cî nöç lööny weyiëth, jöck näak wäär nëk Abel yet näak Dhäkaria wën Barakia wäär näkkë luanŋ Nhialic.

³⁶ Ku lëk Jethu ke, awuöc bî gam rin ë kâkkä ëbën abî bën ë riëëc këné yeth.

Jethu ee kac gen Jeruthalem lëk (Lk 13:34-35)

³⁷ “Wek kac gen Jeruthalem, wek aa kac kâk Nhialic tîŋ nöç, ku biöökkë kac cî Nhialic tuöc we aleel. Aca wïc arak juëc, ba we kony cimën dhie ye ajîth miëthke kuöŋ piny yewuk bî ke kony bî ke cîi gop, ku wek aaci kuec.

³⁸ Ëmën abäk tîŋ ke Nhialic cî yecin miëët bei, ku nyiëŋ pandun we.

³⁹ Ku ëmën alëk we, ‘Wek acîi ya bî ben tîŋ yet aköl bî wek röt guir bäk ya lor tē ben yen dhuk.’ ”

24

Luanŋ Nhialic Jeruthalem abî thuör piny (Mk 13:1-2; Lk 21:5-6)

¹ Tëwën jiël Jethu kal luanŋ Nhialic yic, ke kocken ye buöoth bö tënë ye ku luëlkë, “Raan piöoc, tîŋ, ye luanjüit dhëëŋ ŋö këné!”

² Go Jethu bëër, “Alëk we, yööt dît yakë tîŋkä aabi thuör piny ëbën ka cîn alel tönŋ bî kööc alel dët nhom.”

Acî Jethu lëk atuööcke lön bî ke maan (Mk 13:3-13; Lk 21:7-19)

³ Tëwën rëër Jethu gön Olip nhom ë rot, ke kocken ye buöoth bö tënë ye ku thiëckë, “Lëk yo ye nen bî kâkkä röt looi, ku yenjö bî tē bî yin dhuk pinyinhom ku thök piny, nyuöoth?”

⁴ Go Jethu lëk ke, “Duökkë röt cöl aduöŋ.

⁵ Rin kac juëc aabi bën rienkië, ku ye ŋek lueel, ‘Ke yen Raan cî lac ku dac.’ Ku aabi kac juëc duöŋ.

⁶ Duökkë diëer tē tîŋ wek töŋŋ ke loi röt, ku tē piŋ wek töŋŋ kök wuöt mec yiic. Kâkkä aa dhil röt looi, ku acie yen bën thök ë piny.

7 Rin wušt aabi thör kamken ku pan bēnyṅaknhom kek pan bēnyṅaknhom dēt aabi thör aya. Čonđit apej abi tō thün, ku ayiēkyiēk piny abi rot looi bēi juēc yiic.

8 Käkka kek aa kāk tuenṅ.

9 “Ku dēt, wek aabi dōm ku Ƴeth we luk yic, ku wek aabi nōk. Ku wušt ebēn aabi we maan rienkiē.

10 Ku ē tēēn, kōc juēc cī wētđiē gam aabi rōt waar, ku kōc kōk aabi ṅek raandā aluōm ku man raandā ṅek.

11 Ku awēṅ juēc aabi tušl aya, ku aabi kōc juēc rac nhūim.

12 Ku luoi kārēc abi rot juak apej, kōc juēc aabi gamden wai wei.

13 Ku raan bi yepušu dēet yet tē bi yen thou, abi pīr akōlriēēc ebēn.

14 Ku Wēt Puōth Yam kēnē rin bāāny Nhialic, abi kaṅ lēk kōc ebēn pinyhom bīk piṅ, ku jōl thōk piny bēn.

Kēēēc bi rot looi tēnē kōc Jeruthalem

(Mk 13:14-23; Lk 21:20-24)

15 “Ala akōl bi wek kērac apej tiṅ, kēwāār cī Daniel raan kāk Nhialic tiṅ jam ē ye.” (Raan kuēn adhīl kēnē deet yic!)

16 “Kōc rēēr Judia, ku tiṅkē ē kēnē, ka dhil riṅ gat nhūim roor bīk la thiaan.

17 Ku na rēēr raan ayeer, ka cīi ben la Ƴōt bi la guik kē muk.

18 Ku na tō raan dom yic, ka cīi ben dhuk baai bā alanhde la lōōm.

19 Diāār liēc ku diāār muk mūthkor aabi gum apejdit ye nīnkā.

20 Rōškkē bi rot cīi loi wiir yic rut, tēdē akōl cīi kōc ye luui.

21 Kōc aabi gum apej ye nīnkā, gum kēckē kaṅ Ƴōk tēwāār ciek Nhialic kōc agut cīt ēmēn. Ku aciṅ rot bi bēn looi.

22 Na kēc Nhialic looi bi nīnkā cōl alik, ṅušt acīn raan cī pīr. Ku rin kōcken cī lōc, aci nīn cōl alik.

23 “Wek aa lēk, na le raan Ƴōk we, ‘Tiēṅkē Raan cī lōc ku dōc kīn, tēdē ke lueel, tiēṅkē yen akan!’ Ke duškkē gam.

24 Rin kōc juēc aabi bēn ku lueel ṅek, ee Ƴen Raan cī lōc ku dōc, ku lueel raan dēt, ee Ƴen raan kāk Nhialic tiṅ, ku loikē kārīl kōc gōi, na lēukē, ke mār kōc cī Nhialic kuany.

25 Tiētkē rōt, kēriēēc ebēn alēk we ēmēn bāk nhūim tīr kē bi bēn.

26 “Kēya, na le raan lēk Ƴī ēlā, ‘Yen akan atō roor tēēn!’ Ke Ƴī duk la, tēdē, ‘Yen akīn aci thiaan tēn,’ Ke duk gam.

27 Rin tē dhuk Manh Raan ka guōkē ṅic. Abāk tiṅ cīmēn bir deṅ dhie yen nhial reet yic, ku tiṅ lōṅ ku lōṅē.

28 “Dēt aya, abi ciēt mēn dhie na cī cuōr kenhūim kut, ka la kē ṅuetkē.

Akōl bi Manh Raan bēn

(Mk 13:24-27; Lk 21:25-28)

29 “Awiēc ku bāk ṅic aya, ye nīnkā, tē cī kōc jāl gum apej, akōl abi kum nyin bi piny cuōl, ku pēei aciṅ bi ruēl. Ku kuēl aabi rōt Ƴāāk ku lōōnykē.

30 Kē bi bēn Manh Raan cōl aṅic abi tiṅ nhial, ku kōc ebēn pinyhom aabi yiic ṅēer kākken rēc cik looi. Ku keek aabi Manh Raan tiṅ ke bō pial yiic nhial ke diik ku rieldit apej.

31 Ku abā atušōcke tooc bīk kēcīt lōr yup yic, bi kek kōcken cī lōc kušt yiic pinyhom ebēn.

32 “Njiekckë ë kënë tim cõt ñaap, tẽ looi yen yõsk ku looi yith, ke kër acı thiosk.

33 Këya, tẽ tıñ wek kakkä ke loi rõt aya, ke ñjiekckë lön cı yen thiosk apei.

34 Alëk we, wek aacı bı määar tẽ cök kakkä rõt looi.

35 Nhial ku piny aabi liu, ku wëtidië acıı bı kañ määar.

Rëer yı cı rot guıir

(Mk 13:32-37; Lk 17:26-30, 34-36)

36 “Acın raan ñic aköl bı kakkä rõt looi. Na cök atuuc nhial, ayı Wënde, ka cık ñic. Ee Wä ë rot yen añic ye.

37 Bën Manh Raan abi ciët këwäär loi rot wäär pıir Noa.

38 Ee ninkä, aboordıt nhom tuen, kıc aake rëer ke mit puõth, ke ye luui ruëı ku yeı yet aköl le Noa riäi yic,

39 ku ë cın kën ñic yet tẽ bıı aboor. Ku muou kıc ëbën. Yen abi ciët bën Manh Raan aya.

40 Tëen na cök kıc karou luui dom yic, ke raan tøk yen abi nyaai ku nyiëen raan dët piny.

41 Ku diäär karou lui tëtök aabi ke tien tøk nyaai, ku nyiëen tıñ dët piny.

42 “Këya, guierkë rõt ku tiëerkë nhıim, rin wek aa kuc aköl bı Bánydun bën.

43 Yen acıt kën na raan la baai ñic tẽ bı cuär bën thın wakõu, ka rëer ke yiën, ku cıı cuär päl bı kärke nyaai.

44 Ke week aya, wek aa dhil rëer we tit, rin acäk ñic ye nen bı Manh Raan bën.

Ñic Bány ku loi luıide akölaköl

(Lk 12:41-48)

45 “Na ye këya, yeña alony path ku ñic kãñ apei, bı bëny nyään paande, bı kacke aa gãm miëth akölaköl?”

46 Alony mit guõp, alony bı bëny yök ke loi luıide apath tẽ dhuk yen!

47 Alëk we, abi alony kënë täau kärke yiic ëbën.

48 Ku alony cıı luıide bı ñic looi, rin yen ye tak lön cıı bányde bı lac dhuk,

49 ku kuc kıc pan bëny ciëen, ku ye cool wıëet kek kıc dek ë mäau,

50 ke bányde abi la luät yeguõp aköl cıı ye tak lön yen aköl bı yen bën.

51 Ku yeen abi bëny tëm awuõcdıt, ku met tẽ rëer kıc rec thın, ë tëen kıc aa rëer ke dhiau ke ñeny kelec.”

25

Kään nyıir kathiäär

1 Ku ben Jethu kään dët thõõth, ku thõõñ bääny Nhialic ëlä, “Nyıir kathiäär aake cı kacken ye kek mer lööm ku lek yan thiëek yic.

2 Kam ë nyıirkä, nyıir kadhiëc aake pel nyın, ku nyıir kadhiëc aa cıı nyın pel.

3 Nyıir aa bëlkä aake cı mermerken lööm ku cık miök dıt muk.

4 Ku nyıir ñic kãñ aake muk mermerken ku miök dıt tet aya.

5 Nawën ka athiëek gääu bı cıı lóc bën, gokë tıc bık nin.

6 “Nawën wëer ciel yic, ke piñ duõot, ‘Athiëek abõ, bäk ayeer ku luõrkë!’

7 Go nyıir awën kathiäär rõt jõt kedhie ku dëepkë mermerken.

8 Go mermer nyıir aabël cıı dëp apath rin cın kek yiic miök. Gokë nyıir kökkä lim, ‘Miackë yo ë miök, mermerkua aacı dëp.’

9 Gokë bëer, ‘Miök acıı yo thõñ, lak tẽ ye miök yaac thın bäk la yõc miõkdun.’

10 Go nyiir aabel la bik la γοοc miök, ku go athiëek guo lök bën kecök. Go nyiir awën cī röt guir la kal yic kek athiëek tēwën dieer yai thīn, ku thiök kal thok.

11 “Nawën la nyiir awën cī la γοοc miök dhuk ke cöt, ‘Bëny, Bëny, nãny γο kal thok!’

12 Go athiëek bëer, ‘Ye wek yīŋa?’ Wek aacã ŋic!”

13 Ku wit Jethu wëtde ëlä, “Rëërkë we cī röt guir, rin wek aa kuc aköl bī ŷen bën.”

14 Ku ben Jethu kãrj dët ben thösth ku lueel, “Bãany Nhialic abī thöŋ ke mony la keny wun dët, cã aluooŋyke cöol ku gëm ke wëëu bī kek lök luui.

15 Ku yīk aluony tök tim buoat. Ku gëm alony dët tim thiärdhiëc, ku gëm alony ye kek diäk tim thiäär. Acī wëëu tek këya cīt tē ŋic ŋek luui thīn, ku jiël bī la keny.

16 Go alony cī yiëk tim buoat, wëëuke la luooi ku yök tim buoat dët.

17 Ku lui alony cī gãm tim thiärdhiëc cīmën alony wën aya, ku yök tim thiärdhiëc dët.

18 Ku la alony cī gãm tim thiäär wëëu bãnyde la wuööt piny ëbën.

19 “Nawën ke bãnyden jöl dhuk, ku cöol aluooŋyke bī wëëuke bën kuëën nyīn.

20 Go alony wäär cī gãm tim buoat bën ku lueel, ‘Bëny, wäär yīn acã gãm tim buoat, ku ëmën tīj, ŷen acī tim buoat dët juak thīn.’

21 Go bãnyde leec luoiden peth cī looi ku lueel, ‘Yīn acī wëëu lik ŋiec muk apath ku juak keyiic, këya ëmën yīn aba tãau kãjuëc yiic ba ke muk. Bäär rëerku γο mit puöth γodhie.’

22 “Ku ben alony cī gãm tim thiärdhiëc bën ku lueel, ‘Bëny yīn acã yiëk tim thiärdhiëc wäär le yīn keny, ku ŷen acī lök luui ku juak tim thiärdhiëc dët thīn.’

23 Go bëny leec luoiden cī ŋiec looi ku lueel, ‘Yīn alony puöth kãŋ tiit apath. Yīn acī kãlik tiit apath, ku ëmën yīn abī tãau kãjuëc nhüim, bäär miet puöu ë bãany bãanydu yic.’

24 “Go raan cī tim thiäär lööm bën ku lueel, ‘Bëny, acã piŋ lön ye yīn raan col puöu rap këc puur tem, ku kuany kãk ke këc ke wëer piny.

25 Këya, ŷen acī riöc ku la wëëuku wëc piny. Nö! Wëëu wäär ca kuëi γa aa kik.’

26 Go bëny lëk ye ëlä, ‘Alony rac, ku ye adak rot aya. Na ŋic lön ye ŷen rap tem, rap këc puur, ku lön ye ŷen kãŋ kuany, ku aa këc pok.

27 Nuöt yīn acī wëëukië dhiel gãm raan ŋic luoi wëëu, na la dhuk ciëën, ke γa yök wëëukië ke cī keyiic juak.

28 Nyaaikë wëëu tënë ye ku gãm kë ke raan la tim buoat.

29 Rin raan kãlik ŋiec muk abī kãkke juak yiic, ku raan cī kãŋ ye ŋiec muk, abī këden tō thīn nyaaī.

30 Ku cuatkë alony rëec këne muösth yic aŷeer, ku tëen dhiëëu abī tō thīn, ke kac yelec.’

Lujdīt

31 “Aköl bī Manh Raan bën ke duaar, ku atuuc nhial ëbën ke cath ke ye, abī nyuc thönyde nhom ke duaar pan Nhialic,

32 ku thãi ëbën aabī guëer yenhom. Ku aabī tek yiic akuut karou, cīmën raan la thök, yen amël ku apīyeem tek thook.

33 Ku tëëu amël kōŋden cuëc ku apīyeem kōŋ cam.

34 Ku Bēny abī kɔc kääc lɔŋ cuēc lēk, ‘Bāk, kɔc cī Wā dɔɔc ku lɔmkē bääny cī guuir tēnē we tēwäär ciək piny.

35 Wēn cī cɔk ɣa nɔk, wek aacā muɔɔc kēcām. Ku wēn cī rou ɣa nɔk wek aacā muɔɔc kēdek, ku wēn ye ɣen jāl, wek aacā lor pandun,

36 ku wēn cīn ɣen lubo wek aacā rušk kɔu, ku wēn tuεeny ɣa wek aacā la neem, ku wēn cī ɣa mac, wek aacā bēn tīŋ.’

37 “Ku kɔc wēn aabī wētde dhuk nhom ēlā, ‘Bēny, yī cuk tīŋ nēn yī nēk cɔk buk yī muɔɔc kēcām? Ku nēk rou yī buk yī muɔɔc kēdek,

38 ku cuk yī tīŋ nēn ke yī bō keny yic buk yī lor? Ku yīn acīn lubo goku yī rušk kɔu?

39 Yī cuk tīŋ nēn ke yī tuany, ke yī cī mac buk yī la neem?’

40 Ku abī Bēnyŋaknhom lēk ke, wēt yic alēk we, ‘Kēriēēc ēbēn cāk lušī raan tōk kam wāmāthkiē thiikā, aa cāk lušī ɣa aya.’

41 “Ku abī lēk kɔc lɔŋ cam, ‘Aa wek kɔc cī cieen, jāl kē ē tēn bāk la many dēp yic akōlriēēc ēbēn, many cī guuir tēnē jɔŋrac ku atuššcke ēbēn.

42 Rīn wäär nēk cɔk ɣa, wek aa kēc ɣa muɔɔc kēcām, ku nēk rou ɣa ku wek aa kēc ɣa muɔɔc kēdek.

43 Ku wäär ɣen ē jāl ku wek aa kēc ɣa gɔɔŋ pandun, ku ɣen ɣa cīn kɔu alath, wek aa kēc ɣa rušk kɔu, ku ɣen a ɣa cī tuaany, ku mac ɣa ku wek aa kēc bēn bāk ɣa neem.’

44 Ku kɔckui aya aabī thiēc, ‘Bēny, yī cuk tīŋ nēn ke yī nēk cɔk ku rou, ku ye nēn yī bō keny yic, ku cīn alanh ceŋ, ku tuany yī ku mac yī ku yīn akēcku kony?’

45 Ku abī bēer, tēnē ke, ‘Wēt yic alēk we, kēriēēc ēbēn kēckē lušī wāmāthkiē thiikā, ka kēckē lušī ɣen aya.’

46 Ku keek aabī la tē bī ke reem thīn akōlriēēc ēbēn, ku kɔc path aabī la tē bī kek pīr thīn akōlriēēc ēbēn.”

26

Amat nēk Jethu

(Mk 14:1-2; Lk 22:1-2; Jn 11:45-53)

1 Nawēn cī Jethu thōk jam kek kɔcken ye buɔɔth, ke lēk ke,

2 “Cīmēn ŋic wek ye, Yan Ayum cīn yic luɔu abī yecōk jɔk nīn karou bī bēn. Ku Manh Raan abī luom tēnē kɔc rɛc bīk piāat tim cī rīuu kɔu.”

3 Kaam awēn ke kɔcdīt kāk Nhialic ku kɔcdīt baai Itharel, aake mēt pan raandīt kāk Nhialic cɔl Kaipa,

4 ku guirkē tē bī kek Jethu dam thīn ke cīi ŋic ku nāk.

5 Ku luellē, “Acuk dɔm akōl yai. ʎok aabī tīt bī kɔc kaŋ jāl, rin na dɔmku, ke kɔc ŋoot yai yic, tēdē ke kɔc juēc aa thār kek ɣo.”

Maria acī tē theek yen Jethu thīn nyuɔɔth

(Mk 14:3-9; Jn 12:1-8)

6 Tēwēn rēer Jethu Bethanī pan raan atuet cɔl Thaimon,

7 ke tik bō tēwēn mīth yen, ke muk tōny koor cī cuēc tīom ril la yic miōk ŋīr ye ɣɔc wēuu juēc apē, ku kuem thok ku luuŋ miōk Jethu nhom ēbēn.

8 Go kɔc Jethu buɔɔth pušth dak wēn tīŋ kek kēnē, ku jīεmkē kamken, “Yeŋö tuuk yen miōk ŋīr?”

9 “Miōk ŋīr kēnē ŋušt acī ɣaac wēuu juēc ku gēm wēuu kɔc ŋōŋ.”

¹⁰ Go Jethu kë luelkë njic, ku lueel tēnē ke, “Pälkë, yerjō nyieeny wek ye? Kë cī looi tēnē ya yen tinj, ee këpath apēi.

¹¹ Kəc njōj aabi rēer kamkun akōlakōl, ku yen acīi bī rēer kek we akōlakōl.

¹² Wēn luunj tinj kēnē miök yaguöp, ee looi këya bā tōc bī guäpdie guuir bī jal thišk.

¹³ Wek alēk yic, kuat tē bī Wēt Puōth Yam piöc thīn pinyhom, kë cī tinj kēnē looi, abī ya lueel bī ye atak.”

Judath acī Jethu yaac

(Mk 14:10-11; Lk 22:3-6)

¹⁴ Nawēn ke raan tōk kam atuuc kathiäär ku rou, cōl Judath Ithkariöt la tēnē kōcđit kāk Nhialic

¹⁵ ku lueel, “Yerjō bāk yiēk ya tē thōn yen we Jethu?”

¹⁶ Gokē gām wēu juēc. Ku jōl tē bī yen Jethu dām thīn wīc.

Jethu acī miēth yai cam kek atuöcke

(Mk 14:12-21; Lk 22:7-14, 21-23; Jn 13:21-30)

¹⁷ Nawēn akōl tuej Yandit Ayum cīn yic luōu, ke kəc Jethu buōth bō tēnē ye, ku thiēckē, “Ye tēnen wīc bī yok miēth yai guuir thīn tēnē yī?”

¹⁸ Go bēer, “Lak geeu tēnē njekđit ku lēkkē ye, ‘Aye Bānyda lueel, akōl bī luoidiē thōk acī bēn. Ee paandu yen abī yen Yan Ayum cīn yic luōu cam thīn kek kockiēn ya buōth.’ ”

¹⁹ Go kəc ē biōōth kë cī Jethu lēk ke looi, ku guirkē miēth yai.

²⁰ Nawēn la thēi bēn ke Jethu nyuc kek kocken ye buōth kathiäär ku rou bīk mīth.

²¹ Tēwēn mīth kek ke lueel Jethu, “Wek alēk yic, raan tōk kamkun abā luōm.”

²² Gokē puōth riāäk apēi ku gēikē, ku thiēckē tōk-tōk, “Makei! Ye yic? Ye yen Bēny?”

²³ Go Jethu bēer, “Ee raan tōk kamkun lut yecin kek ya aduōk yic, yen ē raan bī ya gaany.

²⁴ Ee yic, Manh Raan abī nōk cīt tē cī gāt ye rienke athōr thēer yīic. Ku raan bī ye luōm abī gum apēi! Ku anuēn tēnē ye diēt kēc kanj dhiēeth.”

²⁵ Ku Judath aya, ēci Jethu thiēc, “Raan piöc, ye ya?” Go Jethu bēer, “Ee yī.”

Guirku rōt apath buk guöp Bēny rōm

²⁶ Tēwēn mīth kek, ke Jethu lōm ayup ku dōc ku bēny yic, ku gēm kocken ye buōth ku lueel, “Lōmkē kēnē, ku camkē, kēnē ee guäpdie.”

²⁷ Ku lōōm aduj cī thiānj muōn abiēc, ku leec Nhialic ku gēm ke ku lueel, “Dēkkē thīn ēbēn.”

²⁸ “Kēnē ē riēmdiē, riēm dōr kek Nhialic, bī kuēr rin bī adumuōm kəc ēbēn pāl piny.

²⁹ Alēk we, yen acīi bī bēn dek muōn abiēc pinyhom tēn kek we, yet akōl bī yok ye dek yodhie pan Nhialic.”

Jethu acī kē bī Pīter ye jai lueel

(Mk 14:27-31; Lk 22:31-34; Jn 13:36-38)

³⁰ Nawēn cīk jāl thōk ke ket waak ku lek gōn Olip cōk.

³¹ Ku lueel Jethu tēnē ke, “Wek kackiē, wek aabi kat ya ē wēer kēnē cīmēn kēwāār cī gōt athōr thēer wēl Nhialic yic ēlä, ‘Yen abā abiōök cōl anak ku amēl aabi wēer.’

³² Ku tē cī yen rot jōt ranj yic, ke yen abī kanj la Galilia ba we la tiit thīn.”

³³ Go Pīter lueel tēnē Jethu, “Υεν acīī bī kat tē cək kəc ēbēn kat yī!”

³⁴ Go Jethu bēēr, “Alēk yī, ee wēēr kēnē, ke thən ajiḥ kēc kiu, yīn abā jai arak diäk.”

³⁵ Go Pīter dhušk ye, “Na cək γa nők kek yī, ke yīn acā bī kaḅ jai.” Ku lueel kocken kők ye buoḥḥ ēbēn kēya.

*Jethu arōök ke ηic lən bī ye nōk
(Mk 14:32-42; Lk 22:39-46)*

³⁶ Kaam wēn ke Jethu kek kocken ye buoḥḥ la tē cəl Jethemani, ku lueel tēnē ke, “Nyuōckkē tēn, ku yiēnkē, γen ala tēēn ba la rōök.”

³⁷ Ku cəl Pīter ku wēt Dhubedī karou, ku jəl rēēr ke nək atiēēl, ku dhiεεu apeī yepuḥu.

³⁸ Ku lueel tēnē ke, “Υen adhiau puḥu apeī, ee thou guōp. Rēēr kē tēn ku yiēnkē.”

³⁹ Ku le tueḅ tēthin-nyoḥ, ku rēēny rot piny ke gut yenhom piny ku rōök ēlä, “Wā, na lēu rot ke yī cəl kēreεc tit γa acīī bō. Ku acie wēt piändiē, ee wēt piändu.”

⁴⁰ Nawēn ke dhuk tēnē ke kadiäk ku yök ke ke nin. Go lueel tēnē Pīter, “Niεnkē! Cäk yiēn tēthin-nyoḥ? Yeḅō ye wek nin kēlä?”

⁴¹ Yiēnkē ku rōöckkē bī we cīī them jakreεc. Puḥu ē gam ku guōp acin riεl.”

⁴² Ku ben jəl ku le rōök ēlä, “Wā, na cīī kēreεc kēnē jiēl, ke wēt piändu abī rot looi.”

⁴³ Ku ben dhuk tēnē ke, ku ben ke yök ke nin, rin cī nin ke göök apeī.

⁴⁴ Goke nyāāḅ piny ku ben jəl, ku ben la rōök cīmēn awēn, kēn ye kek diäk.

⁴⁵ Ku dhuk tēnē kocken ye buoḥḥ ku lueel, “Nōt we nin! Lāāḅkē? Tēn nin acī thök, tiēḅkē Manh Raan acī luōm kəc reεc. Ēmēn tē bī γa jal thən kəc reεc acī yēēt.

⁴⁶ Raan cā luōm acī bēn. Jatkē röt, lokku buk rōm!”

*Jethu aci dōm
(Mk 14:43-50; Lk 22:47-53; Jn 18:3-12)*

⁴⁷ Tēwēn ηot jiεem yen, ku Judath raan tōḅ kəc atuuc kathiāār ku rou yēēt. Ku yeen ē cath kek kəc juēc muk paal ku atuel, ke cī kōcdit kāk Nhialic ku kōcdit baai tooc.

⁴⁸ Ku Judath acī kəc awēn cath kek ye, lək tē bī kek raan wickē bīk bēn dōm ηiεc thīn, ēlä, “Raan ba muōḥḥ ku ciεem yen ē raan wiēcckē. Damkē ku kuathkē.”

⁴⁹ Kaam wēn yēēt Judath, ke la tēnē Jethu nyin yic ku lueel, “Bēny,” ku muōḥḥ ku ciim.

⁵⁰ Go Jethu bēēr, “Māthdiē, loi kēnē bī yīn ē tēn.” Go kəc awēn bēn ku dōmkē Jethu ku derkē.

⁵¹ Go raan tōk kam kəc awēn rēēr kek Jethu palde miēēt bei, ku tōk alony lui pan raandit kāk Nhialic yic, abī tēem yic wei.

⁵² Go Jethu lək ye, “Dhušk paldu tēden awēn, kəc ye wic bīk kəc nōk, aabī thou aya kēya.

⁵³ Cäk ē tak lən nadē, ka lēu ba Wā thiēēc bī γa tuōc atuuc nhial juēc apeī bīk γa bēn kony?”

⁵⁴ Ku na ye kēya, ke wēl athōr thēer Nhialic bī röt tiεeḅ, wēl ye lueel ka dhil rot looi kēlä?”

⁵⁵ Ku kaam wēn ke lueel Jethu tēnē ke ēlä, “Cäk bēn we muk atuel ku paal bāk γa bēn dōm, ciēt γa ye raan kəc rum? Υen ee rēēr kek we akōlakōl γa piōōc kəc luanḅ Nhialic, ku wek aa kēc γa dōm.

⁵⁶ Ku kënë aci rot looi bi kē ci g̃st athör th_{EE}R wël Nhalic yiic yenhom tiεηj.” Ku jol kacken ye buõth ebën nyaāj piny ku ketkē.

Jethu aci yāth luŋ bāny Itharelyic

(Mk 14:53-65; Lk 22:54-55, 63-71; Jn 18:13-14, 19-24)

⁵⁷ Ku jol kōc awēn cī Jethu dōm, Jethu yāth pan Kaipa luk yic, cī bāny kāk Nhalic Itharel, ku kōc piōoc lōōŋ kenhūim mat thūn.

⁵⁸ Ku Pīter ē biōth, ke mec kōc cōk ciēen agut tē yēēt yen pan bēny luk yic. Ku nyuuc kek kōc bēny tiit, ku jol rēer bi kē lui Jethu tūŋ.

⁵⁹ Bāny luk ku kōcdit kāk Nhalic aake cī nyuc bik Jethu wic guōp awuōc cī looi, rin bi kek ye tēm thou.

⁶⁰ Ku aciŋ awuōc cūi bēn yōk, cak alon ye kōc juēc ye luam lueth, ke wēlken akēc rōm. Nawēn ke kōc karou jōt rōt,

⁶¹ ku luelkē, “Acuk piŋ ke lueel, ‘Yēn abi luŋ Nhalic kënë thuōr piny, ku na ye akōl ye nīn diāk ke yēn abi dēt buh nyiende.’ ”

⁶² Go Kaipa raandit kāk Nhalic rot jōt ku thiēc Jethu, “Cin wēt dhuk nhom ē wël cī lueel yiguōpkā yiic?”

⁶³ Go Jethu biēt. Go Kaipa bēn lēk ye, “Yin athiēc rin Nhalic ba lēk yo lon ye yin Raan cī lōc ku dōc, Manh Nhalic.”

⁶⁴ Go Jethu lēk ye, “Ee yic, cit tē ca luēl ye. Ku aŋot lēk we ebën lon emēn yet tuen, wek aabi Manh Raan jāl tūŋ ke cī nyuc cuēny Nhalic ŋic kāŋ looi ebën, ku bii puol nhūim nhal.”

⁶⁵ Go Kaipa alāthke ret yiic yekōu ku lueel, “Aci Nhalic tōon guōp. Yenō ŋot wicku kōc kōk bi bēn jam kāk cī looi emēn? Ku wek aaci tē tōon yen Nhalic thūn piŋ.

⁶⁶ Yenō yen wētduŋ?” Gokē bēer, “Ala guōp awuōc, adhil nōk.”

⁶⁷ Ku jol kōc kōk aa ŋuōt nyin ku guutkē kecin. Ku lēk kōc kōk ye tēwēn ye kek ye gut,

⁶⁸ “Raan cī lōc ku dōc, mēek raan yī gut?”

Pīter ajei Jethu

(Mk 14:66-72; Lk 22:56-62; Jn 18:15-18, 25-27)

⁶⁹ Kaam wēn ŋot rēer Pīter piiny kal yic pan bēny, ke nyen lui pan Kaipa bō tēnē ye ku lueel, “Yiin aya, yin yī rēer kek Jethu raan Galilia.”

⁷⁰ Go jai kenhūim ebën ku lueel elā, “Yēn aci raandun ye lueel ŋic diēn. Ku kē ye lueel acā cak deet yic aya.”

⁷¹ Ku ler ayeer. Go nyen dēt alony bēn ku lēk kōc awēn kāk thūn, “Mony kënë ē ye rēer kek Jethu raan Nadharet.”

⁷² Go Pīter bēn jai ku kuēŋ ku lueel, “Yēn akuc mony kënë.”

⁷³ Ku kaam awēn, ke lueel kōc kāk thūn tēnē Pīter, “Ee yic, yin ē raanden rin yin ē raan Galilia, yin ē jam cimēnden.”

⁷⁴ Go Pīter rot bēn kuēŋ, “Nhalic abā nōk tē cūi yēn yic luel! Yēn akuc raan jiem wek rienkel!” Nyin yic tēwēn ke thōn ajith kiu.

⁷⁵ Go Pīter kēwāār cī Jethu lēk ye tak. “Tuen ke thōn ajith kēc kiu, ke yin abā jai arak diāk.” Ku ler ayeer ke cī guōp yār ku dhieeu.

27

Kōc Itharel aaci Jethu gaany tēnē Pilato

(Mk 15:1; Lk 23:1-2; Jn 18:28-32)

1 Naxon nhiäk rial yic, ke bänydüt käk Nhialic, ku kœdüt baai mæt tē bik luŕi Jethu ku bik nœk.

2 Gokē rek ku kuεthkē tēnē bënydüt Pilato, raan Roma.

Judath aci thou

(Lusi 1:18-19)

3 Nawën le Judath, raan wäär gœony Jethu tŕŕ, lon cŕ Jethu tēm thou, ke riääk puŕu apei ku dhuk wëu ke cŕ ye riœp ciëen tēnē bäny luk.

4 Ku lueel, “Υεν aci kërac looi rin cŕ yen raan cŕn guœp awuœc luœm ë lueth.” Gokē bëër, “Ee wëtdu, acŕn këda thŕn.”

5 Go Judath wëu cuat kal luan Nhialic yic, ku le rot nœk.

6 Go bäny käk Nhialic wëu kuany ku luelkē, “Acŕi path buk wëükä mat wëu ye juar yiic yœn Nhialic, rin ye kek wëu ë riem.”

7 Ku jœlkē tē bŕ kek wëu luœi thŕn guëk yic. Nawën ke matkē yic bik piny ye ke tœp wec thŕn kœc cuëc ë tœny, yœc ë wëükä, ku bŕ ya tē ye kœc thäi cŕ thou Jeruthalem thiœk thŕn.

8 Ku ë yen kë ye dom kënē cœœ, ke cœ, “Tœm Riem,” agut ya akölë.

9 Ku kënē cŕ Jeremia, raan käk Nhialic tŕŕ, lueel ëlä thœr aci yenhom tiœŕŕ, “Acŕi wëu löœm, wëu kek ke cŕ kœc Itharel gam bŕ ya kek yœc yeen,

10 ku yœc kek piny raan cuëc ë tœny cŕmën cŕ Bëny ye lœk yen.”

Pilato aci Jethu thiëc

(Mk 15:2-5; Lk 23:3-5; Jn 18:33-38)

11 Ku Jethu ë käac Pilato nhom. Go Pilato thiëc, “Ye yŕn Bënyŕaknhom kœc Itharel?”

Go Jethu bëër, “Ee yen, cŕt tē ca luël ye.”

12 Ku acŕn wët cŕ bëër wël juëc ke ye bäny Itharel lueel yeguœp.

13 Go Pilato thiëc, “Cŕi kajuëc cŕ yŕ gaanykä ye piŕ?”

14 Go Jethu biœt ke cŕ wët Pilato bëër. Go Pilato gäi apei.

Jethu aci tēm thou

(Mk 15:6-15; Lk 23:13-25; Jn 18:39-19:16)

15 Ruœn ëbën, aköl Yan Ayum cŕn yic luœu, bënyŕaknhom ee raan tœk kam kœc cŕ mac lony, tē wŕc kœc baai ye bŕ lony.

16 Ku ë ruœn kënē raan cŕ kærœc apei looi cœl Barabath ë mac.

17 Nawën cŕ kœc kenhŕim kut, ke thiëc Pilato ëlä, “Yerŕa wiëckë ba lony tēnë we, ye Barabath aye Jethu, ye cœl Raan cŕ lœc ku dœc?”

18 Rin ee ŕic Pilato lon ë yen tiœl yen ë thœn kek Jethu ye.

19 Tëwën cŕ Pilato nyuc thœnyde nhom luk yic, ke tuc tiœŕde wët, “Duk them ba yŕthok mat raan cŕn kë cŕ wuœc kënē guœp, këde ë bën yanhom kecŕt nyuœth wën akœu bŕ pën nŕn.”

20 Ku kœc ater Jethu aake kœc kuœt thook bik lœk Pilato bŕ ya Barabath yen lony, ku cœl Jethu anäk.

21 Nawën thiëc Pilato ke, “Yerŕa kamken karou wiëckë ba lony tēnë we?” Gokē lueel, “Ee Barabath.”

22 Go Pilato ke thiëc, “Yerœ ba looi tēnē Jethu raan ye lueel ka cŕ lœc ku dœc?” Gokē rek yic ëbën, “Apiëœt tim cŕ riœu kœu.”

23 Go Pilato ke bën thiëc, “Yerœ? Ye awœc œœ cŕ looi?” Gokē bën rek yic rœldüt apei, “Apiëœt tim cŕ riœu kœu.”

²⁴ Nawën tñj Pilato ke cī bī lēu, ku tñj aya ka aliäap bī rot looi, ke cōl pīu ku lōok yecin kenhūim ke dēei kek ēbēn ku lueel, “Thon ē raan kēnē aliu yacin! Arēēr wecin.”

²⁵ Gokē dhušk ye ēbēn ke ke cī puōth dak, “Riemde abī tāu yocin ku miēthkua cin aya.”

²⁶ Go Pilato Barabath lony. Ku wēn cī yen apuruuk yōok bīk that ku ŋakkē nhom kuōoth, ke gēm ke bīk la piäät tim cī rīiu kōu.

Apuruuk aaci Jethu bui
(Mk 15:16-20; Jn 19:2-3)

²⁷ Go apuruuk Pilato, Jethu kuaath pan bēnyñaknhom. Ku jōl apuruuk ēbēn gōōm piny.

²⁸ Ku dēkkē alāthke bei ku rukkē alanh thith lual yekōu.

²⁹ Ku cuēckē kou ku ŋek kek yenhom, ku tēukē wai ciinden cuēc. Ku gutkē kenhīol piny yenhom bīk nyuōoth ciēt leckē ku buikē, “Mādho Bēnyñaknhom, Bēny Itharel.”

³⁰ Ku ŋuutkē guōp ku yuupkē nhom wai.

³¹ Wēn cī kek ye jal bui kēlā, ke dēk alanh wēn bei, ku dhukkē alāthke yekōu. Ku kuathkē bik la piäät tim cī rīiu kōu.

Jethu aci piäät tim cī rīiu kōu
(Mk 15:21-32; Lk 23:26-43; Jn 19:17-27)

³² Tēwēn le kek tē ye kōc la nōk thīn, ke rām kek mony cōl Thaimon raan pan Thirene, gokē dām riēl bī tim cī rīiu ket.

³³ Ku yeetkē tē cōl Golgotha. (Ku wētde yic, gōn la guen-ñen cīt apen nhom raan.)

³⁴ Ku gēm kē Jethu muōn abiēc cī liäap wāl kec cōl gal bī dek, nawën thiēp ke kuc ye.

³⁵ Gokē piäät tim cī rīiu kōu, ku cuētkē gēk bīk alāthke tek kamken.

³⁶ Ku jōlkē rēēr bīk tiit.

³⁷ Ku jōlkē awuōc yekē tak ke cī Jethu looi gōt yenhom nhial tim cī rīiu kōu ēlä, “KĒNĒ Ē JETHU BĒNYÑAKNHOM ITHAREL.”

³⁸ Ku piētkē cuēr karou kek Jethu tiim cī rīiu kōōth aya, raan tōk lōñ cuēc ku raan tōk lōñ cam.

³⁹ Ku jōl kōc ke ye tēek tēwēn, Jethu aa cuiit ku latkē ku luelkē,

⁴⁰ “Cie yīn wāär ye lueel lōn bī yīn luanñ Nhialic thuōr piny ku buth nīn kadiäk! Kony rot tē ye yīn Manh Nhialic! Bäär piny tim cī rīiu kōu!”

⁴¹ Ku bui kōc kāk Nhialic, ku kōc gāt lōōñ ku kōcdīt baai.

⁴² “Ee kōc kāk kony ku cīi rot kony! Cie yen Bēnyñaknhom Itharel? Cōl abō piny tim cī rīiu kōu ēmēn, ku abuk jal gam!”

⁴³ Yeen ē Nhialic ŋōōth, cōl ajōl Nhialic kony ēmēn tē wīc yen ye. Rin aye lueel ēlä, yēn ē Manh Nhialic.”

⁴⁴ Agut cuēr awēn cī piäät tiim kōōth kek ye, ee yekē tōon guōp aya.

Jethu aci thou ayic
(Mk 15:33-41; Lk 23:44-49; Jn 19:28-30)

⁴⁵ Nawën akōl ciel yic ke muōōth loi rot yet tāāñ akōl pan awēn.

⁴⁶ Nawën tāāñ akōl ke Jethu cōt rōldīt, “Eli, Eli, lama thabakthani?” Ku wētde yic, “Nhialicdiē, Nhialicdiē, yeñō pēl yīn ya wei.”

⁴⁷ Nawën piñ kōc kōk ke kääc ē tēnē, ke luelkē, “Mony kēnē acōl Elija.”

48 Go raan tök kat ku lut alath mušn wac yic, ku tēu wai thok ku ʔoək Jethu thok.

49 Ku lueel kəc kək, “Titku buk tɨŋ lən bɨ Elija bən bɨ bən kony!”

50 Ku ʔol Jethu keŋ apei ku thou.

51 Kaam wən ka alanh ye gēēŋ bɨ luəŋ Nhialic tek yic aləŋ thɨn rɛet yic rou, ʔoək nhial yeet piny. Ku loi ayiēēkyiēēk dɨt rot ku ʔer piny yic.

52 Ku ŋany rēŋ kenhūim, ku gup kəc juēc, kəc path wäär cɨ thou aaci bən pɨr ku ʔotkē röt.

53 Ku wən cɨ Jethu rot ʔot, ke jiəl rēŋ nhūim ku lek Jeruthalem ku nyuthkē röt kəc juēc.

54 Nawən tɨŋ bēny apuruuk ku apuruukken ke tit Jethu, ayiēēkyiēēk piny ku kək cɨ röt looi ēbən ke riəc apei, ku luelkē, “Yeen ē Manh Nhialic guəp alanden.”

55 Diäär juēc aake tə thɨn, ku keek aake daai tēmec. Wäär rēer Jethu Galilia, ē ye diäärkə buəth bɨk mieth aa looi tənē ye.

56 Kam ē diäärkə, Maria Magdalena ku Maria man Jemith ku Jothep, ku ʔol a man wēt Dhubedi aake tə thɨn aya.

Jethu aci thiək

(Mk 15:42-47; Lk 23:50-56; Jn 19:38-42)

57 Wən col piny, ke mony ajak gen Arimatheo cəl Jothep cɨ wət Jethu gam bə.

58 Ku ler tənē Pilato ku thiēc guəp Jethu bɨ la thiək. Go Pilato lək apuruuk bɨk gəm ye.

59 Go Jothep guəp Jethu bēi piny tim kəu ku der alanh ʔer,

60 ku tēu raŋ cɨ wec kuur yic. Ku ləŋ kuur dɨttet raŋ thok ku jiəl.

61 Maria Magdalena ku Maria dētē aake cɨ nyuc ke cɨ kenhūim wəl raŋ.

Kəc tit raŋ

62 Nawən aköl Dätəm aköl bə aköl Dhiēc cək, ke kəcɨt kək Nhialic ku kəc akut Parathi la tənē Pilato,

63 ku luelkē, “Bēny, acuk tak, wäär pɨr aluenh kənē ēcɨ lueel əlä, ‘ʔen abi bən pɨr nɨn kadiäk cək.’

64 Kəya, lək apuruuk bɨk raŋ tiit apath ʔet aköl ye nɨn diäk, rin bɨ kəcken ye buəth guəpde cɨ kwal ku torkē tənē kəc lən cɨ ye ʔot thou yic. Ku luenh ciēn abi dɨt apei tənē luenh tuen.”

65 Go Pilato lək ke, “Calkē apuruuk bɨk raŋ la tiit apath cɨt tē wɨc wek ye thɨn.”

66 Gokē la ku buhkē raŋ thok ku thanykē thok ē kiēnden ku tēukē apuruuk raŋ nhom bɨk tiit.

28

Jethu aci rot ʔot raŋ yic

(Mk 16:1-10; Lk 24:1-12; Jn 20:1-10)

1 Nayən nhiäk rial aköl Nhialic ke Maria Magdalena ku Maria dētē, la bɨk raŋ la neem.

2 Ku kaam awən ka ayiēēkyiēēk piny dɨt apei loi rot, ku bə atuny Nhialic ku ləŋ aləl wei raŋ thok, ku nyuuc yenhom,

3 ke ceŋ aləth ʔer apei la toptop, ku dɛp nyin cɨt ye deŋ bier.

4 Go apuruuk puəth jiəth ku riəcckē apei abik ril wei ciət kəc cɨ thou.

⁵ Go atuny Nhialic jam tēnē diäär ku lueel, “Duškkē rišc, anjɛc wek aa wïc Jethu wäär cī piäät tim cī rīiu.

⁶ Aliu tēn, aci rot jot cīt tēwäär cī luēl ye. Bäk, tiējkē tēwäär cī ye tääu thīn.

⁷ Lackē la bāk la lēk kōcken ye buōth, ‘Lōn cī yen rot jot ranj yic ku ala Galilia bīk la rōm thīn.’ Lak lēkkē ke kēya.”

⁸ Go diäär jāl ranj nhom ke ban kekōōth ke cī rišōc, ku keek ke mit puōth aya, bīk thok riεηj tēnē kōcken ye buōth.

⁹ Kaam awēn ke Jethu rām ke ke ku lueel. “Bī dōōr arēer kek we.” Gokē bēn tēnē ye ku cuētkē rōt piny yenhom ku dōmkē cōk ku dorkē.

¹⁰ Go Jethu lēk ke, “Duškkē rišc,” “Lak lēkkē wāmāthkiē bīk lac la Galilia tē bī yōk la rōm thīn.”

Apuruuk aaci kē cī rot looi la lueel

¹¹ Tēwēn ηoot diäär dhēl yic ke la geeu, ka apuruuk abēk, apuruuk ke tit ranj yiic, la geeu ku lek bāny lēk kāk cī rōt looi ēbēn.

¹² Go bāny Itharel amat cōl. Nawēn cik kē cī rot looi jāam yic, ke matkē yic bīk apuruuk gām wēēu juēc apēi,

¹³ ku bīk lueel, “Lōn ē niin kek nawēn ke kōc Jethu buōth bō wakōu ku kualkē guāpde yō nin.

¹⁴ Ku na pirj Bēnyaknhom ē wēt kēnē, ke yōk aabī jam ke ye bī ciēn kēreεc yōk we.”

¹⁵ Go apuruuk wēēu dōm ku jōlkē wēt awēn cī bāny ke kušōt thook aa lueel. Ku jōl wētden thiēi kōc Itharel yīth. Ku ē yen kē yekē lueel agut ya akōl.

Jethu aci rot nyuōth kōcken ye buōth

¹⁶ Nawēn ke kōcken ye buōth kathiäär ku tōk lōōny dhōl bīk la Galilia. Ku lek got nhom tē cī Jethu lēk ke bī kek la rōm thīn.

¹⁷ Tēwēn tīj kek ye ke dorkē, ku kōc kōk keyiic aake diu ciēt cie Jethu ayic.

¹⁸ Go Jethu rot cuēt ke ku lueel, “Yēn aci yiēk riel nhial ku piny.

¹⁹ Lak pinyinhom ēbēn ku lēkkē kōc wēt diē. Ku miackē kenhūim Rin Wun, ku Wēndē ku Wēi Nhialic,

²⁰ ku pišōckē ke bīk kājuēc ca lēk we gam. Ku muškkē wenhūim lōn yēn abī rēer kek we akōlakōl yet thōk ē piny.”

Wël Jethu cï Marko gôt Wët nhom

Wël path kác cöl amit puõth, kek ye kác cï gam piõsc rin Jethu cï Marko gôt, aaye jòak wët cï yen ye lueel ëlä, “Wët Puõth Yam rin Jethu raan cï lóc ku dác, Wën Nhialic.” Jethu aci nyuõoth lón ye yen raan ë luui ku ala riël. Riëlde aye tñj piõscde yic, ku rielden yen jakrac cuõp wei kác gup, ku lón yen adumuõõm cï looi päl piny. Jethu ë ye jam rienske lón yen ke Manh Nhialic cï bën, ku bï rot gam bï nõk, bï kác poth la pan mac.

Marko aci wël Jethu gôt dhël la cök, cïn yic lueth. Ku aci kák cï Jethu looi teet yiic apath, ku aacie wël cï lueel ku kák cï piõsc kek cï gôt kepëc. Yeen aya, aci wël kók cït maany kanj gôt rin Joon raan kác muõoc nhüim, ku lón cï Jethu them ë jorrac. Ku gët kák cï Jethu looi, cimën piõoc ku kē ye yen kác tuany kony bik pial. Tëwën cï Jethu kác piõsc, ke kác cï wëtde gam, aake cï kák ke ye looi ya deet yiic, ku kác ke man Jethu aaci puõth bën riääk apei. Wël abëk cï Marko gôt athör yic ciëen, aa kãnj karou cï röt looi tënë Jethu wäär pinyhom nïn kadhrou thuõnde nhom tuenj, kē cï kác man ye ye dõm ku piëët tim cï rïiu kõu bï thou, ku kē cï yen ben pir ku jõt rot ranj yic.

Ala kãnj karou, wël Jethu cï Marko gôt thik kecök, aye tak kác juëc ciët ye raan dët yen met ke thïn.

Kák tõ thïn

Jòk cök Wël Puõth Yam 1:1-13

Piõoc ë Jethu Galilia 1:14-9:50

Jäl Jethu Galilia bï la Jeruthalem 10:1-52

Nïn ciëen kadhrou thuõnde nhom tuenj 11:1-15:47

Jethu aci rot jõt thou yic 16:1-8

Jethu aci rot nyuõoth ku jõt nhial 16:9-20

Piõoc Joon raan kác muõoc nhüim (Mt 3:1-12; Lk 3:1-18; Jn 1:19-28)

¹ Wët kënë ë Wët Puõth Yam rin Jethu raan cï lóc ku dác Wën Nhialic.

²⁻⁴ Wäär këc Jethu piõscde guo jòak Joon raan kác muõoc nhüim ëcï piõscde jòak roor tē cïi ceñj. Ku wëet kác ëlä, “Pälkë luoi kãrec, ku calkë röt aa muõoc nhüim rin bï adumuõõmkun päl piny tënë we.”

Ku tuenj ëcï Ithaya raan kák Nhialic tñj gôt ku lueel ëlä,

“Të ler yïn, çen abï raan tók kam kác kãkkië luëel cöl alëk kác, bik yïin tiit.”

Ku ben Nhialic lueel aköl dët ëlä,

“Raan kãkkië tñj abï kē cït

lõör gut yic bï yen kác caal tēde ë rot, ku lëk keek ëlä,

‘Guiërkë dhël ë Bëny, luoi kē dhälke bik la cök.’”

Tëën, go Joon kác aa piõsc tēde ë rot.

Nawën gamkë wëtde ke muõoc nhüim, ku ye lëk ke ëlä,

“Pälkë luoi adumuõõm ku calkë röt aa muõoc nhüim,

yen abï Nhialic adumuõõmkun päl piny.”

⁵ Kác juëc pan Judia ku gen Jeruthalem aaci wët tënë ye, ku lekkë adumuõõmken, ku jöl Joon ke muõoc nhüim wär Jordan.

⁶ Joon ë ye ceñj alëth cï looi nhiëm thöröl, ku ceñj gõp yen anjüm, ku müith ke ye cam aa koryõm ku kiëc.

⁷ Ku ë ye lëk kɔc, “Raan bī bēn ë nīn thiškä adit ku aril tēnë ɣa apɛi. ɣɛn acī thōŋ kek ye, nadë ke ɣa cɔk guŋ ba warke dɔk.

⁸ Wek aaya muɔɔc nhīim piū, ku yeen abī we muɔɔc nhīim Wēi Nhialic.”

Jethu acī muɔɔc nhom ku acī jəŋrac them

(Mt 3:13-4:11; Lk 3:21-22; 4:1-13)

⁹ Ye nīnkä yīc ke Jethu bō gen Nadharet tō pan Galilia tēnë Joon, ku muɔɔc Joon nhom wār Jordan.

¹⁰ Tēwēn bī Jethu bei wīir, ke tīŋ nhial ke liep rot ku tīŋ Wēi Nhialic ke bō yenhom ke cīt kuur ë dit.

¹¹ Ku piŋ rōi Nhialic nhial ke lueel, “Yīn ë manhdiēn nhiaar, ɣɛn amit pušu ke yī.”

¹² Kaam awēn ke Wēi Nhialic la yeguɔp ku ɣēth roor tē cīi ceŋ.

¹³ Ku jəl Jethu rēer roor tē cīi ceŋ nīn thiārŋuan kek lāāi, ku ë ye jəŋrac them. Ku atuuc nhial aacī bēn ku konykë.

Jethu acā amēi karŋuan cɔl

(Mt 4:12-22; Lk 4:14-15; 5:1-11)

¹⁴ Wēn cī Joon dām, ke Jethu dhuk pan Galilia ku le kɔc pišɔc Wēt Puoŋth Yam.

¹⁵ Ke ye lueel, “Aköl la cök acī bēn, bāāny Nhialic athišk! Pälkë luoi kārɛc ku gamkë Wēt Puoŋth Yam.”

¹⁶ Tēwēn kueny Jethu wār Galilia ɣou, ke tīŋ amēi karou, Thaimon kek Andria wāmēnh ke dām rec buoi.

¹⁷ Go Jethu lëk ke, “Biathkë ɣa ku wek aba pišɔc bāk kɔc aa dām.”

¹⁸ Gokë biaiken nyāāŋ piny nyin yic ku buoŋhkë Jethu.

¹⁹ Wēn le Jethu tuerj tēthin-nyɔɔt, ke tīŋ Jemith wēn Dhubedī ku Joon wāmēnh ke tō riāi yic ke guir biaiken.

²⁰ Go Jethu ke cɔl bīk jāl ke ye. Gokë wunden Dhubedī nyāāŋ piny riāi yic kek kɔc cīk riɔp, ku buoŋhkë Jethu.

Jethu ala riel yen jəŋrac cuɔp wei

(Lk 4:31-37)

²¹ Gokë la Kapernaum. Nawēn aköl cīi kɔc Itharel ye luui, ke Jethu la tē ye kɔc Itharel kenhīim mat thīn ku piöc.

²² Go kɔc gāi ë pišɔcde, rin aacī pišɔc apath ke la riel Nhialic, cīi thōŋ kek kɔcken piöc ë lööŋ.

²³ Kaam thiin awēn, ke raan tō kam kɔc tēn amat kɔc Itharel, ke la gušp jəŋrac, jam ke cī yeröl jət apɛi ëlä,

²⁴ “Yenö wīc tēnë ɣo Jethu raan gen Nadharet? Ca bēn ba ɣo bēn rac? Yīn anjɛc, yīn ë raan puoŋth la cök bō tēnë Nhialic.”

²⁵ Go Jethu jəŋrac dušm thok piny, “Biet, ku bāär bei yeguɔp!”

²⁶ Go jəŋrac mony awēn lath ku wit piny, ku bīi bei yeguɔp ke dhiau.

²⁷ Go kɔc gāi apɛi ku thiëckë röt, “Yenö kēnë? Ye piöc yam kek riel Nhialic. Mony kēnë ala riel ye yen jak yōšk ku gamkë wētde aya!”

²⁸ Kēya, lec ku piathde aacī guo thiēi piny pan Galilia ëbēn.

Jethu acī kɔc tuany kony

(Mt 8:14-17; Lk 4:32-41)

²⁹ Kaam awēn jiël kek tēn amat kɔc Itharel, ke Jethu ku Jemith ku Joon la pan yī Thaimon kek Andria.

³⁰ Nawën yeetkë baai ke yök man tinj Thaimon piiny ke cï t̄oc, ke cï juäi göök. Gokë lëk Jethu.

³¹ Go Jethu la t̄enë ye ku d̄om cin ku d̄oc ku kony bi rot j̄ot. Go juäi guo päl piny, ku b̄ii miëth t̄enë ke.

³² Wën cï akäl lööny piny, ke k̄oc guëer t̄enë Jethu kek k̄oc tuany, ku k̄oc la gup jakr̄ec.

³³ Ku j̄ol k̄oc juëc geeu kenhiim kut ȳöt thok.

³⁴ Go Jethu k̄oc juëc awën la gup tueny juëc cï b̄ëi t̄enë ye kony bik pial. Ku cop jakr̄ec juëc wei k̄oc gup. Ku c̄ii jakr̄ec päl bik jam rin njic kek ye.

Jethu ë k̄oc Galilia lëk wët Nhialic

(Lk 4:42-44)

³⁵ Nayon nhiäk riel, akëc piny bak, ke Jethu j̄ot rot ku jiël baai. Ku le t̄ede ë rot bi la röök.

³⁶ Go Thaimon kek k̄oc k̄ok Jethu buoath bik la wïc.

³⁷ Nawën lek yök, ke luelkë, “Raan ëbën awïc yï.”

³⁸ Go Jethu b̄ëer, “Lokku b̄ëi k̄ok t̄o tuen ȳiic, ku ba la piöoc th̄in aya, yen ee kën b̄ii ȳen.”

³⁹ Ku j̄ol Jethu pan Galilia kuany yic ke piöoc ȳonken amat ȳiic, ku cop jakr̄ec wei.

Jethu acä atuet cäl apuäl

(Mt 8:1-4; Lk 5:12-16)

⁴⁰ T̄ewën kuany Jethu b̄ëi ȳiic ke piöoc, ke raan cï tuet b̄o t̄enë ye, ku gut yenhiäl piny ku l̄en, “Anj̄ec alëu ba ya kony b̄eny, ba pial. Kony ya.”

⁴¹ Go Jethu n̄ääj nyinde t̄inj ku wïc bi kony. Ku j̄ot yecin ku ḡot ku luel, “Awiëc, piaalë!”

⁴² Kaam thiin awën, ke tuet jiël.

⁴³ Ku j̄ol Jethu cäl aloc jäl ku th̄on apei ëlä,

⁴⁴ “Duk k̄enë la lëk raan d̄ët. L̄oc ku nyuöth rot raan k̄äk Nhialic bi caath, ku juar k̄äj c̄it t̄e ye löj Mothith ye luëel th̄in, bi k̄oc ëbën njic lon cï ȳin pial.”

⁴⁵ Go jäl ku njot la k̄e cï rot looi lëk raan ëbën. Ku thiëi wët piny ab̄i Jethu c̄ii b̄en la geeu ke njic. Ku ye r̄eer t̄ede ë rot t̄e cin yic k̄oc ë r̄eer th̄in. Go k̄oc juëc njot ke ye b̄en t̄enë ye baai yic ëbën.

2

Jethu aci raan cï ruai kony

(Mt 9:1-8; Lk 5:17-26)

¹ N̄in juëc cök, ke Jethu ben dhuk Kapernaum. Go guo pinj lon cï yen dhuk baai.

² Go k̄oc juëc wët t̄enë ye ab̄i ciën t̄e lääu, ye cök cak la piny ȳööt agut ȳöt thok ayeer. Ku Jethu ë piöoc k̄oc Wël Puoath Yam ë Nhialic.

³ T̄ewën ke raan aduany ke ket k̄oc karuan b̄ii t̄enë Jethu.

⁴ Nawën c̄in t̄e ȳeth kek ye t̄enë Jethu, rin cï ȳöt thok thiäj k̄oc, gokë la ku njanykë ȳöt nhom löj awën r̄eer Jethu th̄in. Ku luëckë raan aduany piny yenhom.

⁵ T̄ewën t̄inj Jethu gamd̄it t̄o ke ke, ke luel t̄enë mony aduany, “Manhdië, adumuömku aaci päl piny.”

⁶ Go k̄oc piöoc lööj k̄oc Itharel ke t̄o th̄in, jäl tak ku luelkë kepuöth,

⁷ “Yeŋö ye mony kënë jam kälä. Adhäl Nhalic! Yeŋa adumušm päl piny? Čiät ë Nhalic ë rot.”

⁸ Go Jethu kāk yekē tak guo ŋic ku lueel, “Yeŋö ye wek ye tak lön lueel ɣen lueth?”

⁹ Ye kënëŋ ril yic ë kākä yiic ba lueel tēnē raan aduany, ‘Adumušmku aaci päl piny,’ Tēdē ke luēel, ‘Jot rot ku lōm bišŋdu ku cathē?’

¹⁰ Aba nyuōth we ěmēn lön Manh Raan ala riel pinyŋhom ba adumušm päl piny.” Ku lueel tēnē mony aduany,

¹¹ “Alēk yī, jot rot ku kuany bišŋdu ku lōr baai.”

¹² Go rot jot ku kuany bišŋde ke đei kek ěbēn. Kēnē aci raan ěbēn gōi. Ku leckē Nhalic ku luelkē, “Ÿok aakēc kēcīt kēnē kaŋ tīŋ.”

Jethu aci Lebī cōl
(Mt 9:9-13; Lk 5:27-32)

¹³ Nawēn ke Jethu ben dhuk wār Galilia ɣou. Go kōc juēc apei bēn tēnē ye. Goke piššc.

¹⁴ Wēn ben yen la tuēŋ ke dhuk geeu, ke tīŋ raan ajuēr kut cōl Lebī Alpwuth ke rēēr tēden luai. Go Jethu lēk ye, “Buōth ɣa.” Go rot jot ku buōth.

¹⁵ Tēwēn mīth Jethu pan Lebī, kek kōc juēc ajuēr kut, ku kōc kāk la gup anyon, ke kōcken ye buōth ku kōc juēc kōk ye buōth aya, aake mīth kek ye ě tōk.*

¹⁶ Wēn tīŋ kōc piōōc lōōŋ, kōc akut Parathī ye, ke mīth kek kōc la gup adumušm ku kōc ajuēr kut, gokē kōcken ye buōth thiēc, “Yeŋö ye bānydun mīth kek kōc ajuēr kut ku kōc kōk la gup adumušm?”

¹⁷ Wēn piŋ Jethu wēt kēnē, go lēk ke, “Acie kōc puōl kek akiim wīc, aa kōc tuany. Ÿen akēc bēn ba kōc path bēn cōl, aa kōc la gup adumušm.”

Wēt lōŋ thēk ě mieth
(Mt 9:14-17; Lk 5:33-39)

¹⁸ Ye nīnkā, kōc Joon raan kōc muōc nīim buōth ku jōl aa Parathī, aake la nīn ye kek thek bīk cīi mīth. Go kōc kōk bēn tēnē Jethu ku thiēckē, “Ÿok kōc abiōth Parathī ku abiōth Joon ɣok aa thek, ku yīin ku kacku wek aacie thek, yeŋö?”

¹⁹ Go Jethu bēēr ku lueel, “Yakē wīc bī kōc cī bēn ruāai yic rēēr ke cīi mīth? Acie tēde! Na rēēr raan thiēk ke ke, ka cīk loi kēya.

²⁰ Akōl bī athiēk đom ku nyēi keyiic, yen akōl bī kek thek.

²¹ “Acīn raan alanh thiin ě yam buššp alanh thēer kōu, rin alanh thiin yam abī rot rot ku abī abaj alanh thēer rēt bei.

²² Ku acīn raan muōn abiēc ě yam puōk tōny thēer yic, rin muōn abiēc abī tōny puōt yic, ku riāk muōn abiēc kek tōny kedhie. Ku acīi bī ya kēya, muōn abiēc ě yam adhīl puōk tōny yam yic.”

Jethu aci kuc lōŋ akōl lōŋ kōc Itharel
(Mt 12:18; Lk 6:1-5)

²³ Nayon akōl cīi kōc Itharel ye luui, ke Jethu kek kōcken ye buōth aake cath ke kuany dhēl yic kam ě dum. Go kōc Jethu buōth rap lek cam dhoŋ.

²⁴ Go Parathī ke cath ke ke Jethu thiēc, “Yeŋö ye kacku luui akōl cī lōŋdan Itharel pēen bī kōc cīi ye luui thīn?”

²⁵ Go Jethu bēēr, “Kēckē kē cī Debit looi wāthēer kaŋ kueen? Wāär nēk cōk ye kek kōcken ke cath ke ye, ku wickē mieth camkē,

* 2:15 Lebī acōl Matheo aya. 2:23 L.rou 23:25 2:25 1Tha 21:1-6

²⁶ go la luanj Nhialic ku ciem ayum ë yath cï tšsu tēnē Nhialic, kēnē aloi rot wäär ye Abiathār raandit kāk Nhialic. Ayum kēnē ee raan kāk Nhialic ë rot yen ë ye cam. Ku yeen aci Debit bēn cam, ku gem abak tēnē kōcken awēn cath kek ye. Kēya, acin kēreec cï kackiē looi aya.”

²⁷ Ku jol Jethu lēk ke, “Akōl lōj aci looi ke ye akōl lōj path tēnē raan. Akēc looi bi kōc rōt aa banj thīn.

²⁸ Kēya, Manh Raan ë bēny kēriēec ēbēn agut akōl ë lōj.”

3

Jethu aci mony cï cin ruai kony

(Mt 12:9-14; Lk 6:6-11)

¹ Naγon akōl dēt, akōl cī kōc Itharel ye luui, ke Jethu la tēn amat kōc Itharel, ku mony cï cin ruai ë tš thīn.

² Ku kōc kōk aake tš thīn, ku ë wickē bik tīj lōn bi Jethu mony kēnē kony bik la luam, rin cï yen ye kony akōl cī kōc ye luui.

³ Wēn njc Jethu kē tš kepuōth, ke lēk mony awēn cï cin ruai, “Jōt rot ku bäär tuenj tēn kōc nhīim.”

⁴ Ku lēk Jethu Parathī ēlā, “Wek kōc njoot nhīim lōōj theer yic, ye kēnen yic lēu bi looi akōl cī kōc ye luui, ye kēpath aye kērac, bi raan kony bi pīr, kua pēl wei bi thou?”

Gokē biēt ēbēn.

⁵ Go Jethu ke dōt ke cī puōu riāāk apeī, rin njc kek yic ku cik luel. Ku lēk mony awēn cï cin ruai, “Nyoth yicin.” Go yecin nyooth. Go ciēende piath.

⁶ Go Parathī, kōc wic ye bi Jethu nāk jāl tēn amat ku lek tēnē kōc Yērot. Ku lek mat ke ke tē bi kek Jethu nāk thīn.

Jethu ee jakreec cuōp wei kōc gup

⁷ Go Jethu jāl kek kōcken ye buōōth ku lek wār Galilia kōu. Go kōc juēc pan Galilia ke buōōth.

⁸ Wēn piñ kek kajuēc ye Jethu looi, ke kōc juēc apeī bš tēnē ye pan Judia, ku gen Jeruthalem ku Idumie, ku jol aa bēi tš wār Jordan kōu, ayī gen Tire ku Thidon.

⁹ Go Jethu lēk kōcken ye buōōth bik riāi guiir tēnē ye bi yen la thīn, bik cī ber piny,

¹⁰ rin Jethu ēcī kōc juēc tuany kony. Go kōc juēc kōk tuany wic bik la tēnē ye bik la gōt.

¹¹ Na tīj kōc la gup jakreec ë ke cuet rōt piny yenhom ku dhiεεukē, “Yin ee Manh Nhialic.”

¹² Go Jethu jakreec yōk bik cī nyooth.

Jethu acā atuuc kathiäär ku rou kuany

(Mt 10:1-4; Lk 6:12-16)

¹³ Go Jethu kōcken wic cōl ku jiēl ke ke, ku lek gat nhīim tē cī ceñ. Wēn cī kek yet tēn awēn,

¹⁴ ke kuēny raan thiäär ku rou bei kōc yiic. Ku ciēk ke ke cōl atuuc ku lēk ke, “Wek aca kuany bāk rēer ke ya. Ku wek aba ya tuōoc ayeer bāk wētdiē aa la piōōc.

¹⁵ Ku wek aabi la riēl bāk jakreec aa cuōp wei kōc gup.”

¹⁶ Kōc ke cī Jethu kuany bik ya atuōōcke aayī, Thaimon (cī Jethu bēn cāk ke cōl Pīter.)

17 Jemith Dhubedi kek wämënh koor cəl Joon (kek aaci Jethu cäk ke cəl Boanergeh, ku wëtde yic kəc ë mär den,)*

18 Ku Andria, Pilipo, Bartholomeo, Matheo, (cəl Lebī) Thomath, Jemith wën Alpawuth, Thadawuth, Thaimon,

19 ku jəl a Judath Ithkariöt, raan wäär cī Jethu bën luəm bī döm.

Jethu aye yöök lön le yen guöp jəŋrac
(Mt 12:22-32; Lk 11:14-23; 12:10)

20 Nawën ke Jethu dhuk Kapernaum. Go kəc juéc apei ben buoath abi ciën tē cək yen nhom lääu kek kacke bīk mīth.

21 Nawën piŋ kəc ruääi kek Jethu lön ye kəc rëer kek ye ye lueel, lön cī yen nhom path, gokë la nyaai.

22 Ku ëci kəc kək piöoc lööŋ Itharel bö Jeruthalem lueel, “Ala guöp riel Beldhebul. Ee yen bēny jakrec, yen ye yiék riel bī ke aa cuop wei.”

23 Go Jethu ke yöök, ku thöön wët ëlä, “Ye jəŋrac jəŋ rɛɛc dēt cuop wei kädë.

24 Na tek kəc paan tök keyiic ku thërkë kamken, ke pan kënë abi riääk.

25 Na tuum dhiënh tök yenhom aya ku thërkë kamken ë röt, ke dhiënh kënë abi wɛɛr aya.

26 Këya, na tek jakrec keyiic ku thërkë kamken, ka thök.

27 “Acin raan lëu ye bī yön raan ril dhoŋ ku nyɛɛi kække, akəŋ raan ril kënë döm ku der, ku jəl käk tō baai nyaai.

28 “Wek aa lëk yic lön nadë adumuööm, ku käreɛc yekë ke looi, ku käk yekë lueel, aa lëu bī ke päl piny ëbën tēnë kəc.

29 Ku na ye raan Wëi Nhialic yöök lön ye yen jəŋrac, ka adumuöömke aaci kəŋ päl piny akölrüëc ëbën.”

30 Ee lueel Jethu këlä ë rin cī kəc kək ye lueel, “Ka la guöp jakrec.”

Man Jethu ku wämäthakën aaci Jethu nyaai
(Mt 12:46-50; Lk 8:9-21)

31 Go man Jethu kek wämäthakën ë Jethu bën ku këëckë ayeer ku tockë raan bī Jethu la cəl.

32 Go kəc ke rëer, ke cī ye gööm lëk ye, “Moor ku wämäthakui aatö ayeer, ku aa wic yī.”

33 Go Jethu bëer, “Yeŋa ë ma ku wämäthakäi?”

34 Ku kë wiéc bäk ŋic, kəc rëer kek ya aa nhiaar, aa cit paan ë ma.

35 Kuat raan wët Nhialic looi yen ë wämääth, ku nyankäi ku ma.”

4

Kääŋ dom path ku dom rac
(Mt 13:1-9; Lk 8:4-8)

1 Go Jethu ben piöoc wär Galilia you. Nawën le kəc juéc apei gööm, ke la riäi yic ë piu thook ku nyuuc thīn, ku jəl kəc ëbën nyuc piiny ë piu thook ayeer.

2 Ku jəl Jethu këŋ aa lueel bī yen kəc piöoc kajúéc, ku lëk ke.

3 “Pieŋkë! Raan puör ëci la dom bī la pur.

4 Ke wën yen rap wɛɛr dom yic, ke kóth abëk lööny dhël yic. Go diet bën ku tetkë ke.

5 Ku lööny kóth kək aləl nhom tē koor tiop thīn. Gokë guo cil.

6 Nawën la aksl ruel apei ke rap awën go yom, ku riɛɛukë rin këc mēiken yet piny apath.

* 3:22 Ee duër thöŋ kek tuśc pušu. 3:22 Mt 9:34; 10:25 3:29 Lk 12:10 4:1 Lk 5:1-3

⁷ Ku lööny kǎth abĕk tĕ ye tiim la kuǎoth cil thĭn, na la tiim juāk ke dec rap ku cĭk lok apath.

⁸ Ku lööny kǎth kǎk tiom path yic, ku ciilkĕ apath ku diitkĕ ku lokkĕ apath. Rap abĕk aake cĭ luok ke thoi nhĭim, ku kǎk ke thöörj röt, ku rap kǎk ke dit nhĭim.”

⁹ Ku wit Jethu löŋde älä, “Pieŋkĕ tĕ le wek yĭth.”

Wĕt thǎsth ĕ kǎäŋ

(Mt 13:10-17; Lk 8:9-10)

¹⁰ Nawĕn cĭ kǎc juĕc jäl, go atuǎocke kathiäär ku rou, ku kǎc ke cĭ döŋ kek ye, thiĕc bi kĕŋ teet yiic tĕnĕ ke.

¹¹ Go lĕk ke, “Wek aaci nyuǎth kĕ cĭ rot moony ĕ bääny Nhialic yic, ku kǎc kǎk kĕc gam aabi kǎŋ njic tĕ lĕk ke kĕŋ,

¹² këya, rin na cǎk alon ye kockä daai, ka cĭi kǎŋ bi tĭŋ. Ku na cǎk alon ye kek wĕt piŋ, ka cĭk bi deet yic. Na ke bi röt waar, ŋuǎt aa kǎŋ tĭŋ ku detkĕ keyiic. Ku ŋuǎt aaci röt thĕn Nhialic, ku pĕl wĕt piny tĕnĕ ke.”

Jethu aci kǎäŋ raan puǎr teet yic

(Mt 13:18-23; Lk 8:11-15)

¹³ Go Jethu lĕk ke, “Na këckĕ kǎäŋ kënĕ deet yic ke wek aaci kĕŋ kǎk bi deet yiic.

¹⁴ Kǎth cĭ com aa cĭt wĕtdiĕn ya piǎoc tĕnĕ we.

¹⁵ Kǎc kǎk aa cĭt kǎth cĭ lööny dhĕl yic, ye diet ke tet. Tĕ piŋ kek wĕt Nhialic, ke jǎŋrac bö ku nyĕei wĕt awĕn kepuǎth ku mĕrkĕ nhĭim wĕt ĕ Nhialic.

¹⁶ Kǎc kǎk aya aa cĭt kǎth cĭ lööny alĕl la nhom tiom koor ye rap guǎ yom thĭn, rin këc meiken yet piny. Ku kǎc kǎk aacit kǎth cĭ com alĕl nhom, aa löŋ Nhialic gam nyin yic ke mit puǎth.

¹⁷ Ku aacie kepuǎth ye deet, aa wĕt Nhialic guǎ wai wei tĕ looi aliääp rot, ku tĕ yǎŋ ke rin wĕt Nhialic.

¹⁸ Kǎc kǎk aya aa cĭt kǎth cĭ lööny tĕ ye tiim la kuǎoth cil thĭn, keek aa wĕt Nhialic piŋ,

¹⁹ ku kǎjuĕc ke diir, rin piŋ pinyinhom ĕ tĕn, nhiĕr jĕeck, ku kǎpuǎth yekĕ wĭc aa bĕn thĭn, ku rĕckĕ löŋ Nhialic kepuǎth.

²⁰ Ku kǎc kǎk aa cĭt kǎth cĭ puur tiom path yic, keek aa löŋ Nhialic piŋ ku gamkĕ apei, ku kǎjuĕc path aaye yök tĕnĕ ke, cimĕn rap cĭ njic luok ke thoi nhĭim, ku rap kǎk ke thöörj kenhĭim ku kǎk ke dit nhĭim.”

Kǎäŋ mermer

(Lk 8:16-18)

²¹ Ku ben ke thiĕc, “Le raan cĭ mermer kǎŋ yǎth yöt ku kum nyin, nadĕ ke tĕu agen tǎc cök, cie tǎsu yöt ciel yic?”

²² Kuat kĕ cĭ thiaan, aŋot bi rot nyuǎoth, ku wĕt Nhialic aŋot bik piǎoc.

²³ Pieŋkĕ, tĕ le wek yĭth!”

Kǎäŋ tĕ ye kǎŋ thǎsth thĭn

²⁴ Ku ben lĕk ke älä, “Tĕ ye wek kǎc kǎk luǎoi thĭn yen ĕ tĕ bi Nhialic we luǎoi thĭn aya. Detkĕ kǎk yakĕ ke piŋ!”

²⁵ Rin raan la këdǎŋ abi bĕn muǎoc, ku na ye raan cĭn këdǎŋ, ke këthiin ye tak lǎn tǎ yen tĕnĕ ye, abi nyaai aya.”

Jethu aci kǎäŋ lueel rin wĕt Nhialic

²⁶ Ku la Jethu tuen ku lueel, “Bääny Nhialic ë duër thöŋ kek kënë. Monytui ëci kōth wεεr dom yic.

²⁷ Ee rëer akōlakōl ku kōth awën cī com aa la tuen ke cil ë rōt, ke pīr ku dītkē ku akuc kën ë ke looi këya.

²⁸ Kōth ëbën aa cil piiny tiap yic. Käu ë kaŋ lou ku bīi yiēny tōk bei, ku jəl la tuen ke dit agut tē bi yen deer ku yeer ku lok.

²⁹ Ku tē cī kek luək aaye tem rin cī tēn tēmtēm bën.”

Kääŋ käu koor nyin ye tiemde dit ape!

(Mt 13:31-32, 34; Lk 13:18-19)

³⁰ Ku ben lueel, “Yeŋö buk thöŋ bääny Nhialic? Ye kääŋ piath ŋö buk thöŋ ye?

³¹ Bääny ë Nhialic acit käu koor nyin cī raan com duömde.

³² Ku na le dit ka la nhial ke loi kër ku yith dit ape!, abi diet yōtken aa yik thīn.”

³³ Jethu acī Wēt Puoth Yam piöoc tēnē kōc ë kēŋ cīt kēŋkā. Aake cī lək kājuēc lēukē bik ke deet yiic.

³⁴ Ee ye kōc jāām ë kēŋ tē piöoc yen kōc, ku na ye yeen ë rot kek kōcken ye buōth, ka ye tēt kēriēc ëbën yiic.

Jethu acī yom cəl akääc

(Mt 8:23-27; Lk 8:22-25)

³⁵ Na akōl dēt Ʒonthēi, ke lək Jethu atuōocke, “Lok teemku wār alōŋtui.”

³⁶ Gokē kōc kōk nyääŋ piny, ku lek riän awën rëer Jethu thīn yic, ku tēmkē agut Jethu. Ku riēth kōk ke tō thīn aacī tem aya.

³⁷ Kaam thīn awën ke yomdit ape! jōt rot, ku jōt atiaktiak rot abi riäi duër thiäŋ ë piu.

³⁸ Tēwën looi kënë rot, Jethu ë nin riäi yic ciēen, ke cī yenhom kan. Gokē puōc ku luelkē, “Bānyda! Ƴok aa muou, cī diēer ë Ʒo?”

³⁹ Go Jethu rot jōt ku rēl yom, “Lō dīl!” Ku rēl atiaktiak, “Kääc!” Go yom kōc ku le dīl.

⁴⁰ Ku thiēc ke, “Yeŋö riōc wek ciēt we bi mou? Cäk ŋic lōn bi Ʒen we kony?”

⁴¹ Gokē nhīim la cōt riēldit cīt kënë ku jīēm kē kamken, “Ye raan yīndē kënë? Na cōk a yom ku atiaktiak ë ke piŋ wētde!”

5

Jethu acī raan la Ʒuōp jakrεc kony

(Mt 8:28-34; Lk 8:26-39)

¹ Gokē wār Galilia teem ku lek tē cəl Jeratha.

² Kaam wën keεc Jethu piny riäi yic, ke tiŋ mony la Ʒuōp jakrεc, ke bō bei rēŋ nhīim.

³ Mony kënë ë ye rëer rēŋ nhīim, ku acīn raan ye lēu bi rēēk.

⁴ Ee ye rēēk cōk ku cin arak juēc, ku ŋot ke tueny, ku dhoŋ luōŋ kōth yecōk. Ee ril ape!, acīn raan ye lēu bi rēēk.

⁵ Akōl ku wēer thok ëbën, ee ye cool ku ruu kat rēŋ nhīim, ke looi duōot ku ye rot dēeny aleel bi rot nōk.

⁶ Wën tiŋ yen Jethu tēmec, ke lor ku cuēt rot piny yenhom,

⁷⁻⁸ ku lueel Jethu, “Jōŋrac, bäär bei ë mony kënë Ʒuōp.” Go kiεu looi ape!, “Jethu Wën Madhol, yeŋö wic ba looi tēnē Ʒa? Yīn alāŋ ë rin Nhialic duk Ʒa tēm awuōc.”

⁹ Go Jethu jəl thiēc, “Cəl yi ŋa?” Go bēer, “Ƴen aa kut rin Ʒok ajuēc.”

10 Ku jol mony kënë Jethu ya ləŋ bī jakrɛc cīi cop wei tēden rēer kek thīn.

11 Ku duut dīr baai ē nyuāth gət cök ē tēn awēn.

12 Go jakrɛc Jethu ləŋ, “Tuɔɔc ɣo ē dīrkā gup, ku cəl ɣo aa lur keyiic.”

13 Goke pušl, ku jol jakrɛc bēn bei mony awēn gušp ku lek dīr gup. Go duut diēer, kecīt tiim karou riŋ agōr yic, ku thootkē wīir ku moukē ēbēn.

14 Go rōor ke biōök dīr kat, ku lek kē cī rot looi lueel tēnē kɔc rēer geeu, ku kɔc tō bēēi yiic. Go kɔc ēbēn jal wet bīk kē cī rot looi la tīŋ.

15 Nawēn lek ɣet tēnē Jethu, ke yök mony wäär la gušp jakrɛc ke rēer, ke ceŋ alath, ke la nhom cök. Gokē rišöc.

16 Go kɔc ke cī kēn cī rot looi tēnē mony awēn ku dīr tīŋ, la lək kɔc kök.

17 Ku wēn piŋ kɔc baai ē wēt kēnē ē ke riöc, ku lek tēnē Jethu ku ləŋkē bī jal panden.

18 Tēwēn le Jethu riāi yic, go mony wēn cī Jethu jəŋrac cəl ajiēl yegušp bēn tēnē Jethu, ku ləŋ bī cath kek ye.

19 Go Jethu jai, ku lək ye, “Lɔɔr baai tēnē kacku ku lək ke kajuēc cī Bēny looi tēnē yī, ku tēpuəth cī lušī yī.”

20 Go jal ku le panden Dekapolith la yic ɣeu thiäär. Ku kueny keyiic ēbēn ke ye kɔc lək kāk cī Jethu looi tēnē ye. Go kɔc ɣāi.

Jethu aci tik kony ku cəl nya aben pīr

(Mt 9:18-26; Lk 8:40-56)

21 Wēn cī Jethu bēn tem riāi bī dhuk Kapernaum, ke kɔc juēc apeī bō tēnē ye wār ɣəu.

22 Kaam wēn ke raan cəl Jariōth, bēny tēn amat kɔc Itharel bō aya. Nawēn tīŋ Jethu, ke cuet rot piny yecök.

23 Ku ləŋ, “Nyandiēn thīn koor aci dhal apeī, athou. Bäär ba yīcin la tāäu yenhom bī pial.”

24 Go Jethu gam ku lööny dhöl kek ye. Ku buəth kɔc juēc ke, ke cik kum apeī.

25 Ku tīŋ tuany, cīi thəkde kəu ye tɛɛm rušön thiäär ku rou, ee tō kɔc yiic,

26 ku yeen ēcī wēū juēc ɣām akīm rin bī tuaanyde ŋuēēn, ku tuaanyde akēc ŋuēēn, ēcī rot jal juak.

27 Ku yeen ēcī kāk ye Jethu looi piŋ. Go bēn Jethu kəu ku ɣəot alanhde,

28 rin ēcī jam ē rot yepušu ēlä, “Na gaat alanhde, ke ɣen abī pial.”

29 Kaam thīn awēn ke riem cī ben kuēr, ku yök rot ke cī pial.

30 Go Jethu yök lən cīi riēl jal yegušp. Go yenhom wel ku thiēec kɔc, “Yeŋa cā alanhdiē ɣəot?”

31 Go kacken ye buəth lək ye, “Yīn ē kɔc juēc tīŋ ke cī yī kum ku ye thiēc, Yeŋa cā ɣəot?”

32 Go Jethu ŋot döt kɔc bī tīŋ yeŋa cī ye looi.

33 Wēn ŋic tīŋ awēn tuany ye ke tuaany cī jal yegušp, go bēn tēnē Jethu ke cī rišöc, ke ləth, ku gut yenhiaal piny Jethu nhom. Ku lək ye lən ē yen cī ye ɣəot.

34 Go Jethu lueel tēnē ye, “Nyaandiē, gamdu aci kony ba pial, lɔɔr, kek dšör.”

35 Kaam wēn jīɛm Jethu, ke kɔc riŋ pan Jariōth ku lək kē ye, “Nyaandu aci ɣet wei, duk raan piöc ben rääm nhom.”

36 Ku Jethu ē kēc kē cik lueel kuēec nhom, ku lək ye, “Duk riöc, dɛet yīpušu ku gam wēt yic.”

37 Ku ē cīn kɔc juēc cīi pušl bīk cath kek ye, ee Pīɛr ku Jemith ku Joon kepɛc.

38 Tēwēn ɣeet kek pan Jariōth ke Jethu yök kɔc ke nāk röt, ke dhiau apeī.

39 Ku ler ɣöt ku lək ke, “Yeŋö nək wek röt? Ye dhiëndiit ŋö kēnē? Meth akēc thou, anin.”

⁴⁰ Gokë däl guöp. Go Jethu ke cöl ala ayeer, ku cööl wun meth kek man meth ku kacken awën kadiäk, ku lek yöt tēwën cī meth täac thīn.

⁴¹ Ku dām cin ku lēk ye, “Nyan thīn, alēk yī, jōt rot!”

⁴² Go rot jōt nyin yic ku ciēth. Go kōc awën tō yōöt kek Jethu gāi apēi wën tīn kek kē cī rot looi (ē ye run thiäär ku rou.)

⁴³ Ku thōn Jethu ke bīk cī lēk kōc kōk. Ku lēk ke bīk yiēk miēth.

6

Kōc Nadharet aa kēc Jethu gam

(Mt 13:53-58; Lk 4:16-30)

¹ Go Jethu jāl tēden awën ku ler genden Nadharet, ku buōth kacken ye buōth.

² Nawën aköl ē lōn, ke piōc tēn amat. Ku kōc juēc aake tō thīn. Nawën piŋkē piōcde ke gēi, ku luelkē, “Cī kān bēn aa ŋic nen?” “Ku ye kākā looi kēdē?”

³ Yen ē raan guēngüēn tiim, ku ē wën Maria, ku ē mēnh ē Jemith, ku Jothep, ku Jut ku Thaimon. Ku cie nyiērakēn kā rēēr ē tēn kek yo?” Ku jōlkē jai bīk piōcde cī gam.

⁴ Go Jethu lēk ke, “Raan cī Nhialic lööny yeguöp aye baai ēbēn theek, ka kōc genden ku kōc ruāāi kek ye, ku paan wun kek paan man kek aacī ye ye theek.”

⁵⁻⁶ Ku akēc lēu bī kāk jān gōi looi, ka kōc tuany lik kek aacī yen yecin tāau kenhūm, ku kony ke bīk pial. Ee cī gāi apēi rin kēc kek ye gam.

Jethu acā atuōscke kathiäär ku rou tooc

(Mt 10:5-15; Lk 9:1-6)

Go Jethu jāl ku ler bēēi kōk yiic ku le kōc piōc thīn.

⁷ Ku tuum atuōscke ku tooc ke wei, bī kōc karou aa cath ē tōk bīk aala piōc Wēt Puōth Yam ē Nhialic, ku yīk ke riel bīk kek kōc aala kony.

⁸ Ku lēk ke apēi. “Duōkkē muk ē müith yakē cam dhēl yic, muōkkē ke wēi kepēc.

⁹ Cēŋkē war ku duōkkē muk alēth kōk.”

¹⁰ Ku lēk ke aya, “Yakē rēēr pan ye we lor thīn yet tē bī wek jāl.

¹¹ Ku na lak pan cī we lor thīn, ku pan cī wēlkun ye piŋ thīn, ke we jiēl ku tēŋkē wecök. Ku abī nyooth lōn cī wek kuec ē ke!”

¹² Ku jiēlkē ku lek kōc piōc bīk luoi adumuōm puōl.

¹³ Ku copkē jakrēc juēc wei, ku tōckē kōc juēc tuany nhūm. Ku rōōkkē bī ke kony bīk pial.

Nāäk ē Joon raan kōc muōc nhūm

(Mt 14:1-12; Lk 9:7-9)

¹⁴ Ku bēny Antipāth Yērot ēcī wēt piŋ rin cī ke Jethu ŋic apēi. Ku ē ye kōc kōk luel, “Joon raan kōc muōc nhūm acī bēn pīr, ee yen ale yen riel yen kākā looi.”

¹⁵ Ku luel kōc kōk, “Mony kēnē adhīl a Elija raan wāär kāk Nhialic tīn.” Ku ben kōc kōk luel, “Ee raan tōk kam kōc thēer, kōc kāk Nhialic tīn.”

¹⁶ Ku wën piŋ Antipāth Yērot ē wēt kēnē go luel, “Ee Joon raan kōc muōc nhūm wāär ca cöl atōk yeth yen acī jōt thou yic.”

¹⁷ Antipāth Yērot ēcī Joon cöl anāk kēlä, ee cī cöl adōm ku rek, ku cöl amac rin wēt Yērodia tīn Pilipo wāmēnh cī rum bī ya tēnde,

¹⁸ rin cī Joon ye luel tēnē ye ēlä, “Acī path ba tīn wāmuuth rum ke pīr.”

19 Ku Yërodia ecii pušu mit tënë Joon rin ë wët kënë. Ku wïc diët nêk ku cii lëu.

20 rin Yërot ë rišc Joon, rin ye Joon raan puõth wët Nhialic, ku kony bi cïen kē nāk ye. Nawën piñ Yërot wët Joon, ke gēi apeï ku ɲot nhiɛɛr bi wël Joon aa piñ.

21 Nawën ke Yërodia jol tē bi yen Joon nāk thïn yök, ku ë ye aköl looi Antipäth Yërot yan akölden dhiëeth ye, tënë kacken dit mɛc kek baai, ku bāny apuruuk ku jol aa kœdit pan Galilia.

22 Ku nyan Yërodia nhom gušp, ee ci bën yeɛi bi bën dier. Go Yërot kek jãälke puõth miɛt apeï tënë ye. Go Antipäth Yërot bēny lëk ë nyan ëlä, “Na le ke wïc, ke luel tënë ya ku ba gām yï.”

23 Ku kuëñj tënë ye jšöl nhïim ku luel, “Kuat kēdun ba thiëc tënë ya aba dhiel yiëk yï, cœk alon ë yen abanj ë bäänydië.”

24 Go nya la ayeer ku lëk man, “Yeñö ba thiëc?” Go man luel, “Lëk ye bi Joon raan kœc muœc nhïim tœk yeth, ku gēm yï nhiamde ba bēi.”

25 Go nya dhuk tënë bēny nyin yic ku luel, “Yin awiëc ba gām nhom Joon raan kœc muœc nhïim tēn emēn thiin, ke ci tãau adušk yic!”

26 Kënë aci bēny rac pušu apeï, ku akëc kuc rin ci yen mël kuëñj ë jšöl nhïim.

27 Go bēny apuruškde tooc nyin yic, ku lëk ye bi nhom Joon raan kœc muœc nhïim bēi. Go apuruk la tēwën mɛc yen thïn ku tœk yeth.

28 Ku biñ nhom ke ci tãau adušk yic, ku yik nya, ku jol nya gām man.

29 Nawën piñ kœc Joon buõth lon ci ye nœk, gokë la ku nyëikë guäpde ku thiäkkë.

*Jethu aci miëth koor juak bi kœc juëc cam
(Mt 14:13-21; Lk 9:10-17; Jn 6:1-14)*

30 Kœc Jethu buõth aake ye bën yenhom ku lëkkë kāk cïk looi, ku kāk cïk pišc ëbën.

31 Kœc juëc apeï aake ye wäac, kœc jiël ku kœc bš tënë Jethu bi ke bën kony, abi Jethu kek atušœcke cii läau bik cak miñh. Go lëk atušœcke, “Jiëlku buk la tē cïn yic kœc buk la lšñ.”

32 Gokë jäl ë riäi ë röt bik la tē cii ceñ, ku aake kœc kœc lëk tē ler kek thïn.

33 Go kœc juëc ke tiñ, ku ɲickë ke. Gokë miööt geeth yiic ku riñkë tuëñ ke kuany wär kœu, ke la tēwën ci Jethu kek atušœcke kenhïim wel thïn. Ku ye kek kœñ yet tēwën.

34 Wën keɛc Jethu piny riäi yic, ke tiñ kœc juëckä. Go wïc bi ke kony rin aci tiñ keciɛ amël pap cïn nhïim abiöök. Ku jolke pišc kajuëc.

35 Nawën col piny, ke kacken ye buõth bš tënë ye ku luelkë, “Piny aci cuol ku tēn ë ror cïn kē kuany thïn,

36 col kœc aa jiël bik la bēi yiic bik la yœc miëth camkë.”

37 Go bēɛr, “Miackë ke ë miëth.” Gokë lëk ye, “Wïc buk ayušp lëu ë kœc kithkã yœc tënë ke bik ke cam? Aa wïc wëu juëc apeï.”

38 Go Jethu ke thiëc, “Ye ayušp kadë tš thïn? Lak bāk ke la tiñ.” Gokë dhuk ku lëkkë ye, “Aa yušp kadhiëc ku rec karou.”

39 Go lëk ke bik kœc col anyuc piiny akuut noon tœc nhom.

40 Gokë nyuc piiny akuut buot ku akuut thiärdhiëc.

41 Go ayušp awën kadhiëc ku rec karou lööm, ku döt nhial ku leec Nhialic. Ku bēny ayušp yiic ku gēm ke kacken ye buõth bik ke tek agut rec, tënë kœc.

42 Ku miñhkë abi miëth ke göök.

⁴³ Ku jal kacken ye buoath awuthueei ayuöp ku rec ci döj piny kuany gääc kathiäär ku rou.

⁴⁴ Kac ke ci mith ebën, röör röt aake ye tiim kadhiéc.

Jethu aci cath pïu nhïim
(Mt 14:22-33; Jn 6:15-21)

⁴⁵ Kaam thin awën, ke Jethu yöök kacken ye buoath bik la riäi yic, ku lek tuen yenhom agör alontui gen cal Bethaida. Ku cal thei ajiël.

⁴⁶ Wën ci yen kac tööj, ke jiël bi la got nhom bi la röök.

⁴⁷ Nawën la thei bën, ke atuöccke aake noot ë riäi yic wär ciel yic, ku yeen ë rot agör nhom.

⁴⁸ Goke tïj ke ci gök gër ë riäi rin ci kek kenhïim wël yom. Nawën bääk ë piny, ke bö tënë ke ke cath pïu nhïim, ku ë wic bi ke waan thook.

⁴⁹ Ku wën tïj kek ye ke cath wiir pïu nhïim, ke tïjkë kecit atim raan ci thou, ku dhiεukë,

⁵⁰ rin ë cik tïj kedhie ku riöcckë.

Go guo jam tënë ke ku lueel, "Dεεtkë wepuöth, ee yen Jethu, duökkë riéc."

⁵¹ Ku met rot riäi yic tënë ke. Go yom kööc. Gokë gai apai,

⁵² ë rin këc kek këné ayuöp wäär ci gam röör tiim kadhiéc deet yic, rin ril kek nhïim.

Jethu aci kac tuany Jenetharet kony
(Mt 14:34-36)

⁵³ Nawën aköl dët ci kek wär teem, ke yet Jenetharet tö agör nhom ku damkë riäi.

⁵⁴ Nawën bikkë bei ë riäi yic, go Jethu guo njic kac ebën.

⁵⁵ Gokë kat ku riñkë bëëi yiic ku lek kac tuany kët, ku yëthkë ke të ci kek ye piñ thïn.

⁵⁶ Ku kuat tën ci Jethu la thïn ebën, bëëi yiic ku gεeth yiic, kac juéc tuany aake ye täac tënë yöoc ku dhöl yiic, ku lanjkë bik göot, cak alanhde thok ë path. Ku kuat raan ci ye göot ebën, ee ye pial.

7

Jethu aci ciεεj kök wärkuan dît dhäl yiic
(Mt 15:1-9)

¹ Wën ci Parathï kek kac piöoc lööj kac Itharel, ke ci bën Jeruthalem Jethu gööm piny.

² Ke tïj kac Jethu buoath ke mith ke këc kecin löök apath, bik ajuëc nyaai kegup cit të ye kac Itharel ye luöi thïn.

³ Köckä aake ci kë ci atuuc Jethu looi rac puöth, rin kac Itharel kek Parathï, aake ci ye mith të këc kek kecin kan löök kecit ciεεj theer kacken dît.

⁴ Ku na le miith cik la bëëi geeu, ka cik cam ke këckë kan löök köth. Ku keek aake ye käk ci kacken dît theer lëk ke looi, cimën lök bëiny ku töny ku aduuk ë mieth.

⁵ Go Parathï ku kac piöoc ë lööj Jethu thiëc, "Yenö cïi kackun yi buoath ye cej ë ciεεj wärkuan dît, ku yekë miith juääk ke këc kecin löök?"

⁶ Go Jethu bëër, "Ithaya aci yic lueel ë rienkun lon ye wek awëj puöth rou, ku gët ëlä,

'Köckä aa ya leec kethook ku aliu kepuöth.

⁷ Keek aa ya door ku acie duöör ë yic, rin keek aa kac piöoc lööj ciεεj wärkuan dît ciët ke ye lööñkië!"

8 “Ee yic, wek aacit kɔc ye Ithaya jam ë rienken. Wek aaci kuc lōōj Nhialic ku ye lōōj ciεɛɲdun kek yakë gam.”

9 Ku lëk Jethu ke, “Ayakë tak lɔn ë yen këpath yen cäk looi ye wek kuc lōōj Nhialic, ku muškë ciεɛɲdun thεεr.”

10 Rin aci Mothith lueel, “Thék wuur kek moor, ku na ye raan wun kek man jääm gup käreç, ka dhil nõk bi thou.”

11 Ku ayakë lueel aya lɔn ye yen yic, bi raan wun kek man jäi tē wic kek këpür kek tēnē ye, ‘Acin tē kuõny we, rin ɣen aci Nhialic gam kën ba yiëk we.’

12 Ke wek aa kuc bi kakkä cii loi tēnē wun ku man.

13 Këya, tē ye wek kɔc piõc thün aci thõj kek wël ye Nhialic lueel. Ku wek aa käreç juëc kök cit kakkä looi aya.”

14 Go Jethu kɔc juëc ben cɔl ku lëk ke, “Piεɲkë wëtdië wedhie ku dεtkë yic.

15 Acie kë ye raan cam, yen ye cɔl aye raan rac, aa kæk ye tak ku kæk ye lueel, ku kæk ye looi kek aaye cɔl aye raan rac. [

16 Piεɲkë tē le wek yith.”]

17 Wën ci yen kɔc nyääj piny ayeer ku ler yöt, ke thiëc kacken ye buõth bi wët awën ci lueel teet yic tēnē ke.

18 Go lëk ke, “Cäk kån ye deet yiic aya? Acie miëth ye raan cam yen ye cɔl ala guöp adumuõõm,

19 rin acie la yepuõu, ee la yeyäc ku le bën bei.” Këya, aci Jethu nyuõth lɔn miëth ëbën apath.

20 Ku ben lëk ke, “Aa kæk ye raan tak ku looi ke, kek aa rεç.

21 Rin puõu yen aye käreç ye looi bën bei thün, cimën bal ku ruõõm, ku nääk raan ë path, ku kør diää.

22 Ku kook ku wëëj ku nhiam ku tiεl, ku yik yepuõu kënë raandä, ku luõm ku kuat käreç ëbën.

23 Kakkä ëbën aa bën bei raan puõu, ku looi ke ku rεckë ye.”

Tij ci gam lɔn bi Jethu nyaande kony

(Mt 15:21-28)

24 Ku jɔl Jethu jɔl ku ler wundët tēthiääk kek Tire ku Thidon, ku ler yöt. Ku cii wic bi la raan njic ye. Ku akëc lëu bi thiaan.

25 Go tij la nyanden koor njot këc kuäc ci jɔnrac la yeguöp, Jethu piɲ. Go bën tēnē ye ku gut yenhiaal piny Jethu nhom.

26 Tij kënë ë ye jam thon Girik, ku ee nyan pan Ponicia. Go bën ku lëj Jethu ëlä, “Bëny, cök a lɔn ci ɣen ye tij pandun ke yi bõ ba jɔnrac cuöp wei nyaandie guöp.”*

27 Go Jethu lueel, “ɣen ɣa cii bõ ba miëth müth bën gam jök. Acie yic bi miëthden yiëk jök, ke këc kueth.”

28 Go bëër, “Ee yic Bëny, ku jök rëër tē müth kɔc thün awuthueei ci lööny piny kuany.”

29 Go Jethu lëk ye, “Rin ci yin ye njεc bëër këya, dhuõk baai, yin abi jɔnrac yök ke ci jɔl nyaandu guöp!”

30 Go dhuk baai ku yök nyaande ke ci tōc biöök yic, ku jɔnrac ke ci jɔl yeguöp.

Jethu aci raan miɲ cie jam kony

31 Go Jethu jɔl Tire ku dhuk wär Galilia ke kuany gεeth kathiäär Dekapolith yiic ku Thidon.

32 Tëwën ke kɔc kök bii raan ci miɲ tēnē Jethu, ku länjë bi gɔt.

³³ Go Jethu nyaai kɔc yiic ku Ƴeth tɛde ɛ rot, ku tɛɛu yecin yeyiic, ku ŋuut ku Ƴoot liep.

³⁴ Ku dɔt nhial ku wɛɛi apei ku lɛk ye, “Piɛŋɛ!”

³⁵ Kaam thiin awɛn, ke Ƴɔr yiith ku jɛɛm.

³⁶ Ku yɔok Jethu kɔc awɛn tɔ thɪn bɪk cɪi lɛk raan dɛt. Ku ŋot lek lueel.

³⁷ Ku kɔc ci ye piŋ aaci Ƴai apeiɔit ku luelkɛ, “Mony cɔl Jethu kɛnɛ aci kɛriɛɛc ɛbɛn lɛu. Kɔc ci miŋ aa piŋ ɛmɛn, ku kɔc ke cie jam, aaci ya jam aya.”

8

Jethu aci raan tiim kaŋuan cɔl akueth

(Mt 15:32-39)

¹ Ye nɪnkɛ, ke kɔc juɛc mat kenhɪim. Nawɛn cɪn miɛth ke Jethu cɔl kɔcken ye buɔoth ku lueel,

² “Ƴɛn aci Ƴuɔp ŋɔŋ, rin kɔckɛ aaci rɛɛr kek Ƴa nɪn kadiɛk ɛmɛn, ku acɪn kɛ camkɛ.

³ Na cal ke aa dhuk bɛɛiken yiic, ke cɪn kɛ cik cam, ka la wɪik dhɛl yic, rin kɔc kɔk aabɔ tɛmec.”

⁴ Go kɔcken ye buɔoth lɛk ye, “Ye tɛnɛn roor ɛ tɛn bi raan miɛth yɔk thɪn bi kɔc juɛckɛ cam?”

⁵ Go Jethu ke thiɛc, “Lak ayuɔp kadɛ?” Gokɛ lueel, “Aa dhorou.”

⁶⁻⁷ Go lɛk thɛn awɛn bɪk nyuc piiny. Ku lɔom ayuɔp awɛn kadhorou ku rec thii lik ku rɔok Nhialic, ku beny keyiic, ku Ƴɛm ke kɔcken ye buɔoth bɪk ke tɛk kɔc. Gokɛ looi kɛya.

⁸⁻⁹ Ku jɔl thɛn awɛn, kecɪt tiim kaŋuan miith bɪk kueth. Ku jɔl kɔc Jethu buɔoth awuthueei ayuɔp ci dɔŋ kuany Ƴaac kadhorou. Ku jɔl Jethu kɔc cɔl ajiɛl,

¹⁰ ku ler riɛi yic kek kɔcken ye buɔoth, ku lek pan cɔl Dalmanutha.

Jethu aci kucɛ bi kɛnɛ jɛŋ Ƴai looi

(Mt 16:1-4)

¹¹ Tɛwɛn ke Parathɪ kɔk ben bɛn tɛnɛ Jethu ku teerkɛ wɛt kek ye, ku wickɛ bɪk deep ɛ wɛt, gokɛ yɔok bi kɛnɛ jɛŋ Ƴai looi, bi nyuɔth ke lɔn ye Nhialic wɛlke gam.

¹² Go Jethu keŋ apei ku lueel, “Yeŋɔ ye riɛɛc akɔl thiɛc kɛnɛ jɛŋ Ƴai. Wek alɛk yic. Acɪn kecɪt kɛnɛ bi nyuɔth ke.”

¹³ Ku nyiɛɛŋ ke piny, ku dhuk riɛi yic, bi teem wɛr alɔŋtui.

Duɔkkɛ ye tak cimɛn Parathɪ ku Antipɛth Ƴɛrot

(Mt 16:5-12)

¹⁴ Kɔc Jethu buɔoth aake ci nhɪim mɛɛr bɪk ayuɔp juɛc cɪi muk wɛn ler kek riɛi yic, ku mukɛ ayuɔm tɔk giŋiŋ.

¹⁵ Go Jethu lɛk ke, “Tiɛɛrkɛ nhɪim, ku tiɛtkɛ rɔt bɛk cɪi nhiam cimɛn Parathɪ ku Antipɛth Ƴɛrot, nhiaamden ke cɔl ago puɔr cimɛn ayum ci yiɛk yic luɔu.”

¹⁶ Gokɛ jam kamken ɛlɛ, “Ee wɛt kɛnɛ lueel rin cɪn yɔk ayup.”

¹⁷ Go Jethu kɛ luelkɛ Ƴuɔ ŋic, ku thiɛc ke, “Yeŋɔ ye wek ye tak wek acɪn ayup. Cɛk kɛŋ ye tak lɔn bi Ƴɛn we muɔɔc ayup. Cɛk kɛŋ ye tiŋ ku dɛtkɛ keyiic, kua cɛk puɔth cɔr?”

¹⁸ Wek aala nyɪn, cɛk ye daai? Ku wek aala yiith, cɛk ye piŋ ku cɛk ye tak?

¹⁹ Ye Ƴaac awuthueei kadɛ cɛk bɛn kuany wɛɛr beny Ƴɛn ayuɔp kathiɛc yiic tɛnɛ rɔor tiim kadhiɛc?” Gokɛ bɛɛr, “Ee Ƴac thiɛɛr ku rou.”

20 “Na wäär beny ɣen ayuöp kadhrou yic tənë raan tiim kanuan, ye gääc awuthueei ayuöp cī döŋ piny kadë cäk bën kuany?” Gokë lueel, “Aa dhorou.”

21 Go Jethu ke thiëc, “Ku këya ëmën ɲot cäk ye deet lön le ɣen riel ba miëth gäm we?”

Jethu aci mony cöör pan Bethaida kony

22 Gokë bën Bethaida. Go kɔc kɔk mony cī cöör thel tənë Jethu, ku länjkë bī gɔt.

23 Go Jethu cöör döm cin ku thel wei baai. Nawën cī ɲuööt nyin, ke tɛɛu yecin yenyin ku thiëc, “Le kë ye tīŋ?”

24 Go yenhom jot ku lueel, “ɴen acie daai apath, ɣen ë kɔc tīŋ kecīt tiim kek cath.”

25 Go Jethu yecin bën tääu yenyin, go daai ku tīŋ këriëc ëbën apath.

26 Go Jethu col adhuk paande ku thən bī cīi la lëk kɔc kɔk.

Pīter aci Jethu ɲic (Mt 16:13-20; Lk 9:18-21)

27 Go Jethu kek kɔcken ye buöoth la Cetharia Pilipi. Tëwën cieth kek, ke thiëc Jethu, “Lëkkë ɣa, ye jän tak ye ɣen ë ɲa?”

28 Gokë lueel, “Ayekë lueel lön ye yīn Joon raan kɔc muöoc nhīim. Ku lueel kuat dët lön ye yīn Elija, ku kɔc kɔk ayekë lueel lön ye yīn raan tōŋ kam kɔc kāk Nhialic tīŋ.”

29 Goke thiëc, “Na week yakë lueel lön ye ɣen ɲa?” Go Pīter bëër, “Yīn nhom guöp, yīn ë Raan cī lɔc ku dɔc.”

30 “Kë ca lueel ë yic Pīter.” Ku lëk ke, “Duökkë lëk raan dët.”

Jethu ë jam Arɛmde ku Thuonde (Mt 16:21-28; Lk 9:22-27)

31 Nawën ke jöl Jethu piöc ëlä, “Manh Raan abi dhiel reem, ku yeen abi kɔcdīt baai, ku bány kāk Nhialic ku jöl aa kɔc piöc lööŋ kɔc Itharel jai, ku näkkë. Ku yeen abi nīn kadiäk nāk piiny ë ran yic, ku ben pīr ku jot rot ran yic.”

32 Ku teet kënë yic apath tənë ke. Go Pīter miet wei kɔc yīc ku yöök bī cīi ye jam këya.

33 Go Jethu yenhom wel ku tīŋ kɔcken ye buöoth ku rël Pīter ku lueel, “Jäl ɣalööm jɔŋrac. Wīc ba kāk cī Nhialic guiir waar yīc! Kāk ye tak aacie kāk Nhialic, aa wël raan ë path.”

34 Ku jöl Jethu kɔcken ye buöoth cöl ku lëk ke, “Na le raan wīc bā buöoth, ka dhil nhom mää räpuoth bī yök piërde yic pinynhom ë tən. Ku dhil puöu riel ku buöoth ɣa, cök alon wīc kɔc kɔk ye bīk nāk ë rienkië.”

35 Rin raan wīc ye bī wëike kony aabi muör, ku na ye raan mär wëike ë rienkië ku rin piöcdië, ka bī wëike muk akölrīëc ëbën.

36 Yerjö bī raan kuany thin, bī jak apɛi pinynhom ku mër wëike?

37 Pīr wëi akölrīëc apath, acin kë lëu bī ye waar.

38 Na ye raan guöp yär ɣa ku piöcdië ë riëc cīi ye wīc bī wët Nhialic gam, ke Manh Raan abi guöp yär ye aya, aköl dhuk yen kek diik Wun kek atuuc Nhialic.”

9

1 Ku le tuen ku lueel, “Wek alëk yic, ala kɔc kɔk rëër ë tən, aacīi bī thou agut tē bī kek ɣa tīŋ kek riel ye nyuöoth lön ye ɣen bēny cī Nhialic lɔc.”

*Jethu aci guäpde rot waan**(Mt 17:1-13; Lk 9:28-36)*

² Nawën nin kadätem cök, ke Jethu cöl Piter ku Jemith ku jöl a Joon, ku lek göm bär apeı nhom kepëc. Kaam wën röök kek, ke tıj Jethu ke cı rot waan,

³ ku jöl aläthke Ƴer apeı abik la diardiar.

⁴ Nawën ë ke tıj Elija ku Mothith ke jam kek Jethu.

⁵ Wën cı kek reër kaam thin-nyoot, go Piter lëk Jethu, “Raan piöoc, apath buk reër ë tən. Ƴok abı duël kadiäk looi, tök tënë yı, ku tök kek Mothith, ku tön dät kek Elija.”

⁶ Kënë jıem yen këlä, ee rin kuc yen wët peth bı lueel, rin këpuoth cık tıj cı ke nyöj nhıim wël.

⁷ Go këcıt rur piny paat abı ciën tē yekē tıj, ku pinjë Nhialic ke jam ëlä, “Kënë ë Wëndiën nhiaar, piëjkë wëtde.”

⁸ Nawën tıjkë piny kaam thiin awën, ke ye Jethu yen tıjkë yetök.

⁹ Tëwën dhuk kek piny got nhom, go Jethu lëk ke, “Duökkë käk cäk tıj lëk raan dät Ƴet aköl bı Manh Raan jot ran yic.”

¹⁰ Gokë wët Jethu gam, ku jalkë röt aa thiëc ëlä, “Ƴenjö wic Jethu bı lueel wën ye yen jam jön rot ë ran yic?”

¹¹ Ku thiëckë Jethu, “Ƴenjö ye koc piöoc lööj ye lueel lön ye yen Elija yen bı kan bën tuen, ku emën aci lök bën yicök?”

¹² Go bëer ëlä, “Ee yic, Elija akon bën tuen, rin bı yen dhël bën guir. Ku yenjö gët ye aya, lön Manh Raan abı koc Itharel jai, ku abik cöl arem apeı?”

¹³ Alëk we lön cı Elija bën theer ku acik luoci teden nihiarkë, cıt tē cı ye gät thin theer rienke.”

*Jethu aci dhön la guöp jönrac kony**(Mt 17:14-21; Lk 9:39-43)*

¹⁴ Nawën dhukkë tënë abiöth Jethu kök awën, ke yökkë ke ke cı koc juëc apeı gööm, ku koc piöoc lööj ke teer wël ke ke.

¹⁵ Tëwën tıj kek Jethu, gokë puöth miët apeı ku lorkë ku muöthkë.

¹⁶ Nawën Ƴëet Jethu tënë atuöocke ke thiëc, “Ƴenjö tærkë we ke?”

¹⁷ Go raan tök than awën yic wët dät tēm thin ku lueel, “Raan piöoc, Ƴen aci manhdiën ca kan bëei tënë köckun yı buöth, bën bëei tënë yı, rin këc kek jöj tş yeguöp lëu bı cuöp wei. Yeen aci jönrac la yeguöp ku ye pën jam.

¹⁸ Tē döm ë jöj këne ye, aye wiet piny ku yik thok ayök, ku reem yelec ku riny. Ƴen aci köckun yı buöth thiëc bıj jök cuöp wei, ku akëckë lëu.”

¹⁹ Go Jethu lëk ke, “Wek koc cie lac gam, yakë tak ba reër kek we Ƴet nen, bäk jäl gam. Bëikë dhön këne tënë Ƴen.”

²⁰ Gokë bëei tënë ye.

Kaam wën tıj jönrac Jethu, ke lëth dhök ku wit piny ku löor ku yik thok ayök.

²¹ Go Jethu wun thiëc, “Ye nen döm jöj këne ye?” Go bëer, “Tëwäär ye yen meth.

²² Acı jöj këne duër nök, aye wiet mæc, ku le wiet wıir bı duër mou. Na lëu ke yı kony Ƴo.”

²³ Go Jethu lëk ye, “Ƴenjö ye yin ye lueel, lön na lëu! Ee yic, këriëc ëbën apuol yic tënë raan cı gam.”

²⁴ Go wun meth dhiau, “Ƴen ala gam ku akoor, kony Ƴa bı gamdië rot juak.”

²⁵ Nawën tıj Jethu koc juëc ke bş tēthiääk kek ye, ke rël jönrac ku lueel, “Ee yin jöj miñ cie jam. Yin ayöök, bäär bei dhök guöp, ku duk ben dhuk yeguöp.”

²⁶ Go jəŋrac dhiau yeröl ku wit piny, ku leth, ku bii bei. Ku jəl dhək ananjan piiny abi kəc kək aa lueel, ka ci thou.

²⁷ Go Jethu dəm cin ku kony bi rot jət. Go rot jət ku kēęc.

²⁸ Təwən rēer Jethu kek kəcken ye buəth ē röt, ke thiēcķē, “Yerjō kēc yok ye lēu buk jəŋ kēnē cuəp wei?”

²⁹ Go lək ke, “Jəŋ cit kēnē acāk lēu bāk cuəp wei. Ee rōök ē rot yen ē ye alēu bī jak cit kākķā cuəp wei.”

Jethu aci bən jam ē Thuənde

(Mt 17:22-23; Lk 9:43-45)

³⁰ Go Jethu kek kəcken ye buəth jəl təwən ke ke ret pan Galilia yic, ku cii wīc bī la raan ŋic ye.

³¹ Rin ē nīnkā ē piöök kəcken ye buəth kē bī rot luši ye, “Manh Raan abi thən kəc bī ye nōk, ku na aköl ye nin diäk ka bī rot jət ran yic.”

³² Ku aa kēc wətde bən deet yic, ku rišöckē bīk thięc.

Kəc Jethu buəth aaci wēt tēer

(Mt 18:1-5; Lk 9:46-48)

³³ Gokē yet Kapernaum. Nawən lek yet yöt, ke thięc atušöcke, “Yerjō kēnē tēerķē wən dhēl yic?”

³⁴ Gokē gup rišöc ku bitķē, rin wən cieth kek, aake teer wēt lən, yeŋa kamken yen dīt apei.

³⁵ Go nyuc ku cəl atušöcke kathiäär ku rou ku lək ke, “Piēŋķē, na ye raan wīc ye bī tšu tuēŋ, ka dhil dhuk ciēen ku luui rin kəc ēbēn.”

³⁶ Ku dəm meth ku cəl akääc kenhiiim ku tēēu yecin yekēt ku lək ke,

³⁷ “Raan manh koor cit manh kēnē lor ē rienķiē, acā lor, ku raan ya lor, acie yen ye lor, ee Wā Aciēŋ toc ya.”

³⁸ Nawən aköl dēt ke lək Joon ye, “Raan piöök, yok aaci mony dēt tiŋ keye jakrəc cuəp wei kəc gup ē rienku ku acuk pēen rin acie raanda.”

³⁹ Go Jethu lueel, “Duškkē ye pēen rin raan kəŋ looi rienķiē, acii lēu bī rot guə wel ku lək ya kērac.

⁴⁰ Rin raan cii yō man, ee raanda.

⁴¹ Wek alēk yic, raan we muəc piū ē rin ye wek kəc Raan ci ləc ku dəc, abā arišpde yök.”

Ba raan dēt thöc kērac yic

(Mt 18:6-9; Lk 17:1-2)

⁴² Na ye raan wēŋ menh tōk kam ē mīthķā ku bā maan, ka ŋuēen tēnē ē raan cit kēnē, diēt ci rušk yeth alēl dīt tet, ku pik wīr bī mou. [

⁴³ tē cii kāmnden ē thou thīn, ku mac acie thou akölriēęc ēbēn.]

⁴⁴ Ku na ye ciēendu yī cəl aloi awušc, ke tēem wei, anuēen ba pīr pīr path kek ciēen tōk, kek tē bī yīn la cin karou ku cuet yī pan many cie thou akölriēęc ēbēn. [

⁴⁵ tē cii kāmnden ē thou thīn, ku mac acie thou akölriēęc ēbēn.]

⁴⁶ Ku na ye cšökdū yī yāth awušc yic, ke tēem wei, rin anuēen ba pīr pīr path ke yī ye ŋəl, kek tē bī yīn la cök karou ku cuet yī pan mac.

⁴⁷ Ku na ye nyiendu yī cəl aloi awušc, ke ŋuēt bei. Anuēen ba rot mat bääny Nhalic yic kek nyien tōk, kek tē bī yīn la nyīn karou ku cuet yī pan mac.

⁴⁸ Ee tēen arēem yekē yök thīn acie thök, ē rin many pan mac acie many ye yor.

49 Raan ebën abî look ë mac cimën ye ajuër look awai.

50 Awai apath. Ku na thöök ksu alëi ke ben dhuşk thïn kädë? Rëërkë kek awan mäath kamkun ku lakkë döör kamkun.

10

Jethu apiöoc wët liösi (Mt 19:1-12; Lk 16:8)

1 Go Jethu jäl tēwën ku ler Judia ku teem wär Jordan. Go kōc juëc apëi ben guëer tēnë ye. Goke piöoc cimēnden thëer.

2 Go Parathi kōk bën tēnë ye ku wickë bik deep wët ku thiëckë, “Na päl raan tiēnde ke cii path?”

3 Go Jethu bëër, “Yenjö cī Mothith lëk we wäthëer?”

4 Gokë lueel, “Acī Mothith puäl bī moc athör liösi göt, ku päl tik.”

5 Go Jethu dhuşk ke, “Mothith acī löñ kēnë gät we ë rin wärkuan dīt aake cie yith ye lac gam.

6 Ku wäär tuēñ cek Nhialic kōc aacī cak moc ku tik.

7 ‘Ku rin ë wët kēnë raan abī wun ku man nyääñ piny, ku le ker kek tiēnde,

8 ku keek karou aabī ya many tök.’ Këya aacī ben ya rou aa tök.

9 Këya, na cī Nhialic ke puäl bī ya moc ku tik, ka cīn raan päl ñek kamken.”

10 Ku wën cī kek dhuk baai, ke thiëc kōcken ye buoath ë wët kēnë.

11 Go lëk ke, “Na ye raan liöi tiēnde ku thiëk tiñ dët, ka cī kërac looi tēnë tinñen tuēñ.

12 Ku na ye tiñ päl muonyde ku le mony dët thiaak, ka cī akör looi.”

Jethu adoc mith

13 Kōc kōk aake ye mith bëëi tēnë Jethu bī ke bën döoc, go kōc Jethu buoath ke läät.

14 Nawën la Jethu kē looi atuöocke tiñ, ke dak puöu ku lueel tēnë ke, “Calkë mith aabö tēnë ya, duökkë ke pën. Raan wïc ye bī la bäany Nhialic yic adhil gam cimën ë mith thiikä.

15 Alëk we, raan wïc ye bī bäany Nhialic yök adhil wët Nhialic gam, cimën ye manh koor wët kōc ke dhiëth ye gam.”

16 Ku cōol mith yelööm ku tēëu yecin kenhīim ku döoc ke.

Raan ajak

(Mt 19:16-30; Lk 18:18-30)

17 Tēwën jiël Jethu geeu, ke raan riñ tēnë ye ku gut yenhiaal piny ku lueel, “Raan piöoc path yenjö ba looi ba pīr akölrüëc ebën yök?”

18 Go Jethu thiëc, “Yenjö yīn ye lueel löñ ñen apath? Acīn raan path, ee Nhialic ë rot yen apath.

19 Yīn anjic lööñ Nhialic, ‘Duk raan näk, duk tiñ raan dët kōr, duk kuëëñ wët lueth, duk cuëër, thek wuur ke moor.’ ”

20 Go bëër, “Raan piöoc, lööñkä aaya theek tēwäär koor ñen agut cīt emën.”

21 Go Jethu döt apëi, ku nhëer ku lueel, “Ee tök yen akëc looi, löör yaac kākku wei ebën ku gam wëëu tēnë kōc ñōñ, yīn abī jīëk la yök pan Nhialic, ku bäär buoath ya.”

22 Wën piñ yen wët kēnë, ke mēen ku jiël ke cī puöu dak, rin ë la käjuëc apëi.

23 Go Jethu yenhom wël kōcken ye buoath ku lëk ke, “Abī yic riel tēnë ajīëk bik la bäany Nhialic yic.”

²⁴ Go kacken ye buoath gäi ë wëlkä. Go Jethu ben ber yic tënë ke, “Miethkië, yenjö ril yen këya bi raan la bääny Nhialic yic!

²⁵ Apuul yic bi thöröl bak with cök, tënë tē bi raan ajak la bääny Nhialic yic.”

²⁶ Gokë njet ke gäi apei, ku thiëckë, “Na ye këya, ke yenja bi la pan Nhialic?”

²⁷ Go Jethu ke dot ku bëer, “Acii raan bi lëu ë rot, bi gam tē këc Nhialic ye kony, rin Nhialic ë këriëc ëbën lëu, acin kë dhal ye.”

²⁸ Go Piter rot jot ku lueel, “Na yo, yok koc ci kakkua ëbën nyäänj piny ku buoathku yi?”

²⁹ Go Jethu bëer, “Ee yic, ku alëk we, kuat raan ci panden nyäänj wei kek paan ë man ku nyierakën, ku wun ku man ku miethke ku kacke ëbën ë rienkië, ku rin wët Nhialic.

³⁰ Cii käjuëc bi yök pan Nhialic. Abi bëei juëc ku wämäthakën ku nyierakën ku marakën juëc, ku mith ku dum, ku kuöc ciëenj bi ye kuöc ciëenj aabi yök aya arak buoat. Kakkä aabi yök pinyhom ë tën, ku abi pir akölrüëc ëbën yök aköldä.

³¹ Ku koc juëc tö tuenj ëmën aabi döñ ciëen, ku koc kök juëc tö ciëen aabi la tuenj.”

*Jethu ajam ë Thuonde këñ yic diäk
(Mt 20:17-19; Lk 18:31-34)*

³² Nayon aköl dët Jethu kek kacken ye buoath, ku koc kök aake kuany dhël yic, ke la Jeruthalem. Ku Jethu ë tö tuenj ku buoath kacken ye buoath ke ci nhüim mum. Ku koc awën biöth, ke ci riöc. Go Jethu atuöcke kathiaär ku rou ben caal tēden röt, ku lëk ke kë bi rot la looi tënë ye.

³³ Ku lëk ke, “Ëmën, yok aala Jeruthalem tē bi Manh Raan la döñ ku yëth bäny Itharel nhüim, ku koc piöoc ë lööñ. Ku abik tēm thou, ku thönkë bënyñakñhom Roma mac baai bi la nök.

³⁴ Ku abik läät ku buikë, ku nuutkë ku thatkë, ku näkkë, ku na ye nin kadiäk cök, ka bi pir ku jot rot ranj yic.”

*Käk wic Jemith ku Joon
(Mt 20:2-28)*

³⁵ Nayon thëei ke Jemith ku Joon wëët Dhubedi bö tënë Jethu, ku luelkë tënë ye, “Raan piöoc, awicku ba yo luäi kë buk thiëc tënë yi.”

³⁶ Go Jethu ke thiëc, “Yenjö wiëckë ba looi tënë we?”

³⁷ Gokë dhuk ëlä, “Tē nyuc yin thönydu nhom diëkdu yic nhial, ke yi col yo aa nyuc kek yi, raan tök löñ cuëc, ku raan dët löñ cam.”

³⁸ Go Jethu lëk ke, “Wek aa kuc kë thiëckë, yen abi banj apei ë ninkä ku yen abi nök. Lëukë bäk gum cimëndië?”

³⁹ Gokë bëer, “Alëuku.” Go Jethu lëk ke, “Na cökkë we nök ayic, ka lëukë bäk gum,

⁴⁰ ku acie yen la riel ba raan nyuc köñdiën cuëc ku köñdiën cam kuany, ee Nhialic yen abi ke yiëk kacken ci guiër ke.”

⁴¹ Nawën le atuuc kök kathiaär pin, ke riääk puöth tënë Jemith ku Joon.

⁴² Go Jethu ke cöl ëbën ku lueel, “Anjäckë löñ koc ci gam bik aa bäny koc cie koc Itharel aala riel koc nhüim, ku acii path bäk ciët ke.

⁴³ Ku këñë acii rot bi looi kamkun. Raan wic ye bi ya raandit kamkun adhil rot dhuök piny bi ya luui rin koc kök.

⁴⁴ Ku na ye raan wic ye bi ya bëny koc nhüim, ka dhil ya aluanj koc ëbën.

⁴⁵ Cïmën Manh Raan aya akëc bën bï kəc bën loony, acï bën bï kəc bën kony, ku gem wëike bï kəc juëc waar thou yic.”

Jethu akony cəər bï daai

(Mt 20:29-34; Lk 18:35-43)

⁴⁶ Go Jethu kek kəcken ye buəəth, ku kəc juëc kək yet gen Jeriko. Kaam wën jïel kek geeu, ke mony cəər ë kəc lim, cəl Timawuth ë rëër dhël yəu ke lim.

⁴⁷ Nawën piŋ lon cï Jethu raan pan Nadharet yëët, ke cöt röl dît, “Bëny Jethu yin anjääth apeï. Yin ë wën Debit cï Nhialic tooc. Kony ya.”

⁴⁸ Go kəc kək rël ku yöökkë bï biët, go ɲot kiu apeï, “Wën Debit kony ya.”

⁴⁹ Go Jethu kəc ku lueel, “Cölkë.” Gokë cəəl, “Jot rot, yin aye bëny cəəl.”

⁵⁰ Go rot puur abä alanhden acuat lööny wei yekəu ku riŋ tənë Jethu.

⁵¹ Go Jethu thiëc, “Yenjö wïc ba looi tənë yï?” Go cəər lueel, “Bänydië, awiëc ba bën daai.”

⁵² Go Jethu lëk ye, “Ləər, gamdu acï cəl apuəl.” Go daai nyin yic, ku buəəth Jethu.

11

Jethu acï la Jeruthalem ke ciëm yai

(Mt 21:1-11; Lk 19:28-40; Jn 12:12-19)

¹ Nawën nin kək cök ciëën, ke Jethu kek kəcken ye buəəth la Jeruthalem. Ku tēwën cï kek thišk kek Bethpeec ku Bethanï, tēthiääk kek gən Olip, ke Jethu tooc kəcken ye buəəth karou tueŋ,

² ku lëk ke, “Lak bëï tō tueŋ yiic ku tē yet wek, ke wek aabi akaja cïn raan cï kan cath ye yök ke mac. Luonykë ku bëëikë.

³ Na le raan thiëc we, ke luëlkë, awïc Bänyda, ku abi dhuk ëmën thiin.”

⁴ Gokë la ku yökkë manh akaja ke mac yöt thok, dhël yəu. Tēwën lony kek ye,

⁵ go kəc ke kääc tēthišk ke thiëc, “Yenjö luëlkë, lony wek manh akaja?”

⁶ Gokë lëk ke cït tēwën cï Jethu ke than thin. Go päl ke ku jïëlkë.

⁷ Gokë manh akaja yäth tənë Jethu ku kumkë kəu aläthken, ku nyuc Jethu yekəu.

⁸ Kəc juëc aacä aläthken thieth dhël yic, ku kəc kək aacä ayör tiim dhoŋ dum yiic, ku thiethkë ke dhël yic aya.

⁹ Go kəc ke tō yenhom tueŋ, ku kəc ke buəəth Jethu, yai looi ku yekë wak ëlä, “Lecku Nhialic! Bëny dəc raan bō ë rienku,

¹⁰ Nhialic dəc bääny wäda Debit bō! Lecku Nhialic!”

¹¹ Ku jöl la Jeruthalem ku bek luaj Nhialic ku ciëeth këriëc ëbën. Nawën cï piŋy guə cəəl, ke dhuk Bethanï kek atušscke kathiäär ku rou.

Jethu acï tim wak bï riau

(Mt 21:18-19)

¹² Naɣon nhiäk, tēwën jïel kek Bethanï, Jethu ë nək cək.

¹³ Nawën ke tŋ tim cït ɲaap ke cï nhom thiäŋ ayör, go la cəl bï yök ke cï luək. Nawën le yet ke yök ke ayör kepëc, rin tēden ye yen luək aŋoot.

¹⁴ Go Jethu lueel, “Acïn raan kəŋ miëthku bën cam lanayon.” Ku wët kënë ëcï kəcken ye buəəth piŋ.

Jethu acï la luaj Nhialic

(Mt 21:12-17; Lk 19:45-48; Jn 2:13-22)

¹⁵ Nawën lek yet Jeruthalem, ke Jethu la luanj Nhialic, ku cop kəc kãnj yaac aƷeer kal luanj Nhialic yic. Ku wel agen kəc war wëeu yiic, ku thöc kəc Ʒooc wei ë kuör.

¹⁶ Ku ci kuat raan la kë muk päl bï ret luanj Nhialic lësm.

¹⁷ Ku jöl kəc piöc, “Acï göt ëlä athör theer wël Nhialic yiic, ‘Luanjdië acï looi bï ya tën ye kəc wuöt ëbën röök thïn, ku yeen acäk wel bï ya luanj cuër.’ ”

¹⁸ Wët kënë acï kəc käk Nhialic ku kəc piöc lööj piñ ku wickë dhël nək kek ye. Ku keek aake cï riöc Jethu rin cï kəc ëbën puöth miët piöcde yic.

¹⁹ Nawën la thëi bën, ke Jethu kek atuöccke jïël geeu.

Atuuc Jethu aaci tim wäär tïj ke cï riau

(Mt 21:20-22)

²⁰ NaƷon nhiäk dëët, tëwën kueny kek dhël yic, ke ke tïj tim cit Ʒaap wäär cï Jethu wak ke cï riau.

²¹ Go Pïter këwäär cï Jethu lueel tak ku lueel, “Raan piöc tïj tim wäär ca wak acï riau.”

²² Go Jethu bëër, “Gamkë Nhialic.

²³ Wek alëk yic, na le raan yöök gön kënë, cuat rot wïr, ku cï diu ku gem lön bï kë cï lueel rot looi, ka tïj rot.

²⁴ Këya, alëk we, kuat kë thiëc të röök yïn, gam lön bï yïn ye yök, ku kë wïc aba yök.

²⁵ Ku të röök yïn, ke yï pël wët piny tënë raan dët, rin bï Nhialic adumuösmku päl piny aya. [

²⁶ Na cï wët ye päl piny tënë kəc kök, ke Nhialic acï awäcdu pël piny.”]

Bäny Itharel aa riel Jethu yöj yic

(Mt 21:23-27; Lk 20:1-8)

²⁷ Gokë bën dhuk Jeruthalem, ku tëwën cieth Jethu kal luanj Nhialic yic, ke bänydit käk Nhialic ku kəc piöc ë lööj ku jöl aa kəcdit baai, bï tënë ye.

²⁸ Ku thiëckë ëlä, “Ee yïn ye riel nõ tï yïguöp ye yïn luui këlä? Ku yeña yïk yï ë riel kënë ba keek aa looi?”

²⁹ Go Jethu bëër tënë ke, “Wek aba thiëc wët kënë aya, na bëër kë, ke wek aba lëk raan cä yïk riel ye Ʒen kakkä looi.”

³⁰ Lëkkë Ʒa, “Joon raan kəc muöc nhïim, yök riel yen kəc gäm lökwëi tënë Nhialic, aye rielde ë rot?”

³¹ Gokë guëek yic kamken ku luelkë, “Na luelku, ‘Ke yök tënë Nhialic,’ Ka thiëc, ‘Aye nõ këc wek wëtde gam?”

³² Ku na luelku, ‘Ke rielde ë rot,’ ke Ʒok aa jöny keek rin cï raan ëbën ye gam.”

³³ Gokë dhuök Jethu, “Akucku.”

Go Jethu lëk ke, “Na ye këya, ke wek aacä lëk riel ye Ʒen kakkä looi.”

12

Jethu acï jam ë waal bï rëec bäny nyuöth

(Mt 21:33-46; Lk 20:9-19)

¹ Nawën ke Jethu jam waal tënë kəc man ye ëlä, “Monytui ëcï dom looi ku cum yic tiim ë luak ku rök. Ku looi tën ye mïth tim guör thïn bïk ya mïu. Ku wec kät piny. Ku jöl dom riöp yic kəc kök, ku le keny wun dët.

² Nawën le të cï tiim luak thöj, ke tooc aluönyde tënë ke bïk la gäm abäkke.

³ Gokë alony döm ku thatkë ku copkë ciëen yecin.

4 Go raan la dom alony dēt ben tooc, gokē yup nhom, ku banjē apēi.

5 Go alony dēt ben tooc, gokē nōk, ku jalkē aloony kōk aa that ku nākkē aloony kōk.

6 Ku ē manhde yen ēcī jal dōj bī ben tooc. Go jāl tooc ku lueel, ‘Anjēc abik la theek,’

7 Go kōc awēn cī riōp dom yic lueel ē kamken, ‘Kēnē ē manh raan la dom, bī kārj lōk thōn akōldā. Bāk nākku ku kākkā aabī dōj kek ʒo!’

8 Gokē dōm ku nākkē ku cuetkē guāpde wei.”

9 Ku jāl Jethu ke thiēc, “Yenō bī raan la dom looi? Abī bēn ku nēk kōc awēn cī riōp dom yic. Ku riōp dom yic kōc kōk.

10 Kēckē wēt cī gōt athōr thēer wēl Nhalic yic kēnē karj kuen? ‘Mēn wāär yen cī atēet kuc, yen acī bēn a mēn ril apēi.

11 Kēnē ē ye luoi Bēny, ayeku tīj ke path ku dhēēj ʒonyin!’ ”

12 Go bāny Itharel puōth dak ku wickē bik dōm, rin acik njic lōn jīem Jethu ē rienken. Ku rin riōc kek kōc juēc tō thīn, gokē puōl ku jīēlkē.

Jethu awic bī wēēj wēt ajuēr

(Mt 22:15-22; Lk 20:20-26)

13 Go kōc ke man Jethu, Parathī kōk, ku kōc Antipāth ʒērot tuōc tēnē ye bik la wēēj, bī wēt rac lueel.

14 Ku bik ku luelkē tēnē ye, “Raan piōc, anjicku yīn ē jam yith. Yīn acie diēer kāk ye kōc kōk tak. Ku yīn acie diētden ye kuēc nhom. Ku yīn ē kōc piōc bik kāk wic Nhalic looi dhēl la cōk. Lēk ʒo na ye tāktākdu, buk ajuēr dhīel aa gam, yok kōc Itharel tēnē Cithēr Bēnyjakhnom, kua cuk bī gām ye?”

15 Ku Jethu ēcī ruēnyden njic, ku bēer, “Yenō wic wek ye bāk ʒa deep ē wēt? Bēēikē ē wēnh kēnē ba tīj.”

16 Gokē jal yiēk wēēth. Goke thiēc, “Ye nhom ŋa, ku ye rin ŋa kākkā cī giēt wēēth kōu?” Gokē bēer, “Aa kāk Cithēr Bēnyjakhnom.”

17 Go Jethu lēk ke, “Gāmkē Cithēr Bēnyjakhnom kēde, ku gāmkē Nhalic kēde.” Gokē puōth dak rin cī Jethu ruēnyden njic.

Nhalic abī kōc cī thou cōl aa ben pūr

(Mt 22:23-33; Lk 20:27-40)

18 Nawēn ke kōc kōk akut Thaduthī. Akut cīi ye ye gam lōn bī Nhalic kōc cī thou ben cōl apūr, bō tēnē Jethu ku thiēckē ēlā,

19 “Raan piōc, Mothith acī lōj gōt ēlā tēnē ʒo, ‘Na thou wāmēnh ē raan, ku nyiēēj tik piny ke cīn mīth, ke wāmēnh koor ala ʒōt tik bī mīth dhiēēth yōn mēnhē.’

20 Na thōōjku lōn tō mīth tik thīn kadhorou. Ku thiēk wēn dīt ku thou ke cīn mīth.

21 Go wēn buōth ye la ʒōt tik ku thou aya ke cīn mīth cī dhiēēth. Ku loi kēnē rot aya tēnē mēnh ye kek diāk.

22 Ku looi rot kēya tēnē wāmāthakēn kōk, keek ēbēn kadhorou acīn mīth cīk nyāāj piny.

23 Ku lek tuēj ku thiēckē, tē le kōc cī thou rōt ʒōt akōldā, bī ya tīj ŋa rin cī yen rēer ke ke ēbēn kadhorou?”

24 Go Jethu bēer, “Wek aa kōc ril nhīim cīn kē njēckē, rin cīi wek wēl cī gōt athōr thēer wēl Nhalic yic ye gam. Ku acāk ye gam aya lōn bī Nhalic kē ye lueel ka bī looi, lēu bī looi.

²⁵ Rin tē le kɔc cī thou rōt jot, aacī bī thiēek ku aacī bī thiaak, aabī rēer kecīt atuuc nhial.

²⁶ Ku na ye rin wēt bī kɔc cī thou rōt jot, ke we kēc athör cī Mothith gōt kueen rin bun dēp, tēwäär cī Nhialic jam tēnē ye ēlä, ‘Ÿen ē Nhialic Abaram, ku Ithäk ku Jakop.’

²⁷ Kɔc cī thou ke njic Nhialic aa pīr alanden. Yeen ee Nhialic kɔc pīr, ku kɔc cī thou aya. Acäk wuöcc!”

Lōj ril lēu bī theek kam ē lööj

(Mt 22:34-40; Lk 10:25-28)

²⁸ Raan piöoc lööj kɔc Itharel ē tō thīn tēwēn teer Jethu wēl kek Thaduthī. Na le tīj ke Jethu ye wēlken njic bēer, go bēn tēnē ye ku thiēec, “Ye löj nen yen ril apei kam lööj?”

²⁹ Go Jethu bēer, löj ril akīn, “Piejkē kɔc Itharel, Bänyda ē Nhialic ku ee tōk.

³⁰ Nhiar Bēny, Nhialicdu pušu ēbēn, ku wēiku ēbēn, ku nhiamdu ēbēn, ku rieldu ēbēn.

³¹ Löj dēt ril ye kek rou akīn, yīn adhīl raan dēt nhiaar cīmēn nhiēer yīn rot. Acīn löj dēt ril apei wār ē lööjkā karou.”

³² Go raan piöoc ē lööj lueel tēnē Jethu, “Ee yic raan piöoc cīt tē ca luēl ye, acīn Nhialic dēt, Nhialic ē tōk.

³³ Ku raan adhīl Nhialic nhiaar piānde ēbēn, ku nhiamde ēbēn, ku rielde ēbēn. Ku adhīl raan dēt nhiaar cīmēn nhiēer yen rot. Lööjkā karou kek adhīl ē theek, tēn tē bī Nhialic nāk yōk ku dor ē yīk nhīm.”

³⁴ Wēn tīj Jethu ye ke cī bēer apath, go lēk ye, “Yīn acī mec kek bääny Nhialic.” Ku tēen acīn raan kam kɔc man Jethu cie bēn thiēec.

Jethu acī kɔc piöoc lōn yen raan ē tooc Nhialic

(Mt 22:41-46; Lk 20:41-44)

³⁵ Tēwēn piöoc Jethu luan Nhialic, ke lueel, “Anjickē lōn ye kɔc piöoc ē lööj kɔc Itharel ye lueel lōn Raan cī lōc ku dɔc, abī ya raan dhiēnh Debit?”

³⁶ Debit guöp ēcī Wēi Nhialic yōök bī lueel ēlä, ‘Acī Nhialic lueel tēnē Bänydiē, “Nyuc ē tēn kōjdiēn cüec, yet tē bī Ÿen kɔc aterdu dhuök ciēen yicōk.” ’

³⁷ “Ye kēdē ye Raan cī lōc ku dɔc manh Debit, ku yeen aye Debit cɔl ‘Bänydiē?’ ”

Jethu alēk kɔc bik rōt tiit kɔc gēt lööj Itharel

(Mt 23:1-36; Lk 20:45-47)

Ku kɔc juēc awēn cī wēt Jethu piñ aacī puōth miēt.

³⁸ Tēwēn piöoc yen ke ke lueel, “Tietkē rōt, ku duökkē kɔc piöoc lööj kɔc Itharel ye kiēt. Kɔc cath kek alēthken dīt bār, rōt teem yōn yōoc yiic bī ke aa muöth athēek.

³⁹ Aye kē nhiaar bik nyuc tuen thōc kōc dīt tēn amat, ku yōn path akōl yai,

⁴⁰ ku keek aa kāk lēer tuöör nyīn, ku rōökkē apei bik kɔc wēj lōn puōth kek. Kockä, aabī tēm awuöc dīt tet apei!”

Ajuēr lēer

(Lk 21:1-4)

⁴¹ Tēwēn cī Jethu nyuc tē ye wēu juaar thīn luan Nhialic, ke dōt kɔc juēc wēu cuat kēnē ajuēr yic. Ku kɔc juēc ajiek aake cī wēu juēc ya tāau thīn.

⁴² Nawēn ke lēer anāj bō ku cuet wēu reen lik thīn.

⁴³ Go Jethu lueel tēnē kocken ye buōoth elä, “Wek alēk yic, lēer kēnē aci Nhialic kēden ci juaar nhiaar tēnē kōc kōk ebēn.

⁴⁴ Rin keek aa cik juaar wēuēken juēc yiic, ku yen aṅāṅē, aci kēnē bi yen pīr dhuol thīn ebēn.”

13

Luaṅ Nhialic Jeruthalem abī thuōr piny

(Mt 24:1-2; Lk 21:5-6)

¹ Tēwēn jiēl Jethu luaṅ Nhialic, ke lueel raanden tōṅ ye buōoth tēnē ye, “Raan piōoc, tīṅ, ye luaṅdīt dhēēṅ ṅō kēnē!”

² Go Jethu bēer, “Yōōtdīt dhēṅ ye tīṅkā, aabī thuōr piny ebēn, ka cīn alēl tōṅ bī kōōc alēl dēt nhom.”

Acī Jethu lēk atuōōcke lōn bī ke maan

(Mt 24:3-14; Lk 21:7-19)

³ Tēwēn rēer Jethu gōn Olip nhom, ke ci yenhom wēl luaṅ ē Nhialic, ke thiēc Pīter ku Jemith ku Joon ku Andria wēn rēer kek ē rōt.

⁴ “Lēk ṅo, ye nēn bī kēnē rōt looi? Ku yeṅō bī ye nyuōoth lōn cī tēn bī kākā rōt looi thiōk?”

⁵ Go Jethu lēk ke, “Tiēērkē nhūm ku duōkkē rōt col aduōṅ.

⁶ Kōc juēc aabī bēn ē rienkiē, ku ye ṅek lueel, ‘Ke ṅen Raan ci lōc ku dōc,’ ku aabī kōc juēc duōṅ.

⁷ Tē tīṅ wek tōṅ ke loi rōt akōldā, bī dhiēeth ayī kōc wuōn tōk rōt nōk, ke duōkkē diēer, kākā adhil rōt looi. Ku kārēc kōk aabī rōt looi aya, ku acie lōn cī thōk ē piny bēn.

⁸ Rin kōc paan tōk aabī kēnhūm tuōōm ku thērkkē, ku wuōt aabī thōr kamken. Ayiēkyiēk piny juēc aabī rōt looi bēi juēc yiic. Ku cōṅdīt apei abī tōu thīn. Kākā kek aa kāk tueṅ.”

⁹⁻¹⁰ Ku lēk Jethu atuōōcke, “Wēt Nhialic abī kaṅ lēk kōc ē pinyhom ebēn, ke thōk ē piny kēc bēn. Muōkkē wenhūm bāk puōth riel kārēc bī we yōk yiic. Wek aabī kōōc bāny nhūm ē rienkiē bāk ke lēk Wēt Puōth Yam.

¹¹ Ku tē dōm we ku ṅēth we luk yic, duōkkē diēer tē bī wek la jiēem thīn. Lak tueṅ ke we piōoc wētdiē pinyhom ebēn rin acie wek jam, ee Wēi Nhialic.”

¹² Ku ben Jethu lueel, “Raan kek wāmēnh aabī rōt aa gaany bīk rōt col anāk. Ku wārken mīth aabī miēthken luōm, ku mīth aabī kōc ke dhiēth ke luōm bī ke col aa nāk aya.

¹³ Kōc ebēn aabī we maan rienkiē. Ku raan bī ye puōu dēet agut tē bī yen thou, abī pīr akōlriēc ebēn.”

Kērēc bī rōt looi tēnē kōc Jeruthalem

(Mt 24:15-28; Lk 21:20-24)

¹⁴ Pīṅkē alēk we aya, “Ala akōl bī wek kērēc apei tīṅ. (Raan kuēn adhil wēt kēnē deet yic.) Na rēer Judia ku tīṅ ē kēnē, ke yīn adhil riṅ gat nhūm roor ba la thiaan.

¹⁵⁻¹⁶ “Ku raan tō dom yic aciī ben dhuk baai bā alanhde la lōōm. Ku raan rēer ayeer, aciī ben la yōt bī la guik kē nyiēi.

¹⁷ Diāār liēc ku diāār muk mīthkor aabī gum apeiḍit ye nīnkā.

¹⁸ Rōōkkē bī rōt cī loi wiir yic rut.

¹⁹ Kōc aabī gum apei ye nīnkā, gum kēc kē kaṅ yōk tēwāār cēk Nhialic kōc agut cīt ēmēn. Ku aciī rōt bī ben looi.

²⁰ Na kɛc Bɛny looi bi nɛnkã cɔl alik, ɲušt acɪn raan ci pɪr. Ku rin kɔcken ci kuany, acɪ nɪn cɔl alik.

²¹ “Wek alɛk kɛnɛ, ‘Na le raan yook we tiɛɲkɛ Raan ci lɔc ku dɔc kɪn,’ tɛdɛ ke lueel, ‘Tiɛɲkɛ yen akan!’ Ke duškɛ gam.

²² Rin kɔc juɛc abɪ bɛn ku lueel ɲɛk, ee ɣɛn Raan ci lɔc ku dɔc, ku lueel raan dɛt ɛ ɣɛn raan kãk Nhialic tiɲ, ku looi kãril apɛi kɔc gɔi. Ku mãrkɛ kɔc kãk ci Nhialic kuany, tɛ lɛu kek ye.

²³ Tɛtɛkɛ rɔt, kɛriɛɛc ɛbɛn alɛk we ɛmɛn bãk wenhɪim tiit kãk bi bɛn!

Akøl bi Manh Raan bɛn

(Mt 24:29-31; Lk 21:25-28)

²⁴ “Awiɛc ku bãk ɲic aya, ye nɛnkã, tɛ ci kɔc jal gum apɛi, akøl abɪ kum nyin bi piny cuɔl, ku pɛɛi acɪi bi ruel.

²⁵ Kuɛl aabi rɔt yãak ku löönykɛ.

²⁶ Ku Manh Raan abɪ tiɲ ke bɔ pial yiic kek diik ku riɛldit apɛi.

²⁷ Ku yeen abã atuuc nhial tooc bɪk kɔcken ci lɔc kušɔt yiic pinyinhom ɛbɛn.

²⁸ “Njɛckɛ ɛ kɛnɛ tim cit ɲaap, tɛ looi yen yɔšk ku looi yiɲh, ke kɛr acɪ thišk.

²⁹ Kɛya, tɛ tiɲ wek kãkkã ke loi rɔt, ke ɲjɛckɛ lɔn ci yen thišk apɛi.

³⁰ Alɛk we, wek aacɪi bi mää r tɛ cɔk kãkkã rɔt looi.

³¹ Nhial ku piny aabi liu, ku wɛtdiɛ acɪi bi kaɲ mää.

Rɛɛr yi ci rot guiir

(Mt 24:36-44)

³² “Acɪn raan ɲic akøl bi kãkkã rɔt looi. Na cɔk atuuc nhial, ayɪ Wɛnde, ka cik ɲic, ɛ Wã rot yen aɲic ye.

³³ Rɛɛrkɛ we ci rɔt guiir rin wek akuc akøl bi kɛnɛ rot looi.

³⁴ Kɛnɛ, acit kɛnɛ rot looi tɛnɛ raan la keny, ku nyiɛɲ aluɔɔnyke baai, ɲɛk ke luɛide. Ku lɛk raan ci nyiããɲ baai thok bi rɛɛr ke tit akolakøl.

³⁵ Kɛya, wek adhɪl rɛɛr we tit aya, rin acãk ɲic yen tɛ bi Bãnydun bɛn thɪn, lɔn bi yen bɛn thɛɛi, ku lɔn bi yen bɛn wɛɛr ciɛl yic, ku lɔn yen dhiɛn thɔn ajɪth, ku lɔn yen nhiãkɲhiãk ɛ rial.

³⁶ Na guɔ bɛn, ke we cã yök we nin.

³⁷ Kɛ ya lɛk we, alɛk kɔc ɛbɛn. Rɛɛrkɛ we tit, ke we tir nhɪim!”

14

Amat nɛk Jethu

(Mt 26:1-5; Lk 22:1-2; Jn 11:45-53)

¹ Nɪn karou Yan Ayum cɪn yic luɔu nhom tuɛɲ, kɔcdit kãk Nhialic ku kɔc piöoc lööɲ aake wɛ tɛ bi kek Jethu dɛɛp thɪn, bɪk dɔm ke kuc ku nãkkɛ.

² Ku luelkɛ, “Acuk dɔm akøl yai, ɣok aabi tiit bi kɔc juɛc kaɲ jal, rin na dɔmku ku nãkku, ke kɔc ɲoot yai yic, tɛdɛ ke kɔc juɛc aa thãr kek ɣo.”

Maria acɪ tɛ theek yen Jethu thɪn nyuɔth

(Mt 26:6-13; Jn 12:1-8)

³ Ku tɛwɛn rɛɛr Jethu Bethanɪ pan raan atuet cɔl Thaimon, tɛwɛn miɲh yen, ke tik bɔ kek tɔny koor ci cuɛɛc ɛ tɔm ril la yic miök ɲɪr cɔl naar, ye ɣɔc wɛɛu juɛc apɛi. Ku kuem thok ku luuɲ miök Jethu nhom ɛbɛn.

⁴ Go kɔc kãk ke rɛɛr thɪn pušt dak ku jɛɛmkɛ kamken. “Yɛɲɔ tuuk yen miök ɲɪr?”

⁵ Miök n̄r kēnē n̄ušt aci ɣaac wēū juēc wār wēū ye d̄sm raan ē ruš̄n t̄ok, ku ȳk wēū k̄oc n̄ōŋ.” Ku nyienyke tik apei.

⁶ Go Jethu lueel, “Palkē, yeŋō nyieeny wek ye? Acī kēpath looi tēnē ɣa.

⁷ Rin k̄oc n̄ōŋ aabi rēēr kek we akōlakōl. Ku na wiēckē bāk ke kony ka luōikē. Ku ɣen aciī bī rēēr kek we akōlakōl.

⁸ Tiŋ kēnē, aci kē lēu bī looi tēnē ɣa looi. Acī bēn bā bēn t̄oc bī guāpdiē guuir bī jal thišk.

⁹ Wek alēk yic, kuat tē bī Wēt Puoθ Yam piš̄oc th̄in pinynhom, kē cī tiŋ kēnē looi, abi ya lueel bī ye a tak.”

Judath aci Jethu ɣaac

(Mt 26:14-16; Lk 22:3-6)

¹⁰ Nawēn ke Judath, raan tōŋ atuuc kathiäär ku rou, la tēnē k̄ocdit kāk Nhialic bī Jethu la luom tēnē ke.

¹¹ Gokē puoθ miēt apei wēn piŋ kek wētde, ku thōnkē l̄on bī kek ye gām wēū juēc. Ku j̄l tē bī yen Jethu d̄om th̄in wic.

Jethu aci miēth yai cam kek atuš̄ocke

(Mt 26:17-25; Lk 22:7-14, 21-23; Jn 13:21-30)

¹² Nawēn akōl tuen Yandit Ayum c̄in yic luou, nēk amēl rin yai, ke Jethu thiēc kocken ye buoθh ēlä, “Ye tēnen wic yin ɣo buk miēth yai la guuir th̄in?”

¹³ Go Jethu kocken ye buoθh tooc karou ku lēk ke, “Lak geeu Jeruthalem, ku wek abi r̄om kek raan ɣēēc tōōny piū, biaathkē,

¹⁴ pan le yen th̄in, ku lēkkē raan la baai. Aye Raan piōoc lueel, “Ye ɣōn nen bī ɣen miēth yai cam th̄in ɣok kockiēn ɣa buoθh?”

¹⁵ Ku abi we nyuoθh ɣōn nhial läau yic cī guuir yic. Guierkē miēthda ē tēēn.”

¹⁶ Go k̄oc ye buoθh j̄al ku lek geeu Jeruthalem, ku yōkkē kēriēc ēbēn cīt tēwēn cī Jethu ye lēk ke th̄in. Ku j̄lkē miēth yai guuir.

¹⁷ Nawēn la thēi bēn, ke Jethu bō kek atuš̄ocke thiäär ku rou.

¹⁸ Tēwēn m̄ith kek, ke lueel Jethu, “Wek alēk yic, raan t̄ok kamkun abā luom ku ē raan m̄ith kek ɣa.”

¹⁹ Gokē puoθh riääk ku j̄lkē gai ku thiēckē t̄ok-t̄ok, “Makei! Ye yic? Ye ɣen?” Ku riēēkkē puoθh apei.

²⁰ Go Jethu bēēr, “Ee raan t̄ok kamkun wathiäär ku rou, raan yecin rek adušk yic kek ɣa.

²¹ Ee yic, Manh Raan abi n̄ok cīt tē cī gāt ye rienke athōr th̄er wēl Nhialic yiic. Ku raan bī ye luom abi gum apei. Ku anj̄ēēn tēnē ye diēt kēc cak dhiēēth.”

Guirku r̄ot apath buk guš̄p Bēny r̄om

(Mt 26:26-30; Lk 22:14-20; 1Kor 11:23-25)

²² Tēwēn m̄ith kek, ke Jethu l̄om ayup ku d̄oc, ku bēny yic ku gēm ke ku lueel, “Lōmkē kēnē, ku camkē, kēnē ee guāpdiē.”

²³ Ku l̄ōm aduŋ cī thiār mušn abiēc, ku leec Nhialic ku gēm ke, ku dēkkē th̄in ēbēn,

²⁴ ku lueel tēnē ke, “Kēnē ē riemdiē, riem ē d̄ōr kek Nhialic, bī kuēr rin k̄oc ēbēn.

²⁵ Alēk we, ɣen aciī bī bēn dek mušn abiēc pinynhom tēn kek we, ɣet akōl bī ɣok ye dek ɣodhie pan Nhialic.”

²⁶ Nawēn c̄ik jal thōk ke ket waak, ku lek ḡon Olip cōk.

Jethu aci kē bi Pīter ye jai lueel
(Mt 26:51-35; Lk 22:31-34; Jn 13:36-38)

²⁷ Ku lueel Jethu tēnē ke, “Wek kackiē, wek aabi kat ya cīmēn kēwāār cī gōt athōr thēer wēl Nhialic yic ēlā, ‘Yēn abā abiōōk cōl anāk ku amēl abī wēer.’”

²⁸ Ku tē cī yēn jōt raŋ yic, ke yēn abī kaŋ la Galilia ba we la tiit thīn.”

²⁹ Go Pīter lueel tēnē ye, “Yēn aciī bi kat tē cōk kōc ēbēn kat!”

³⁰ Go Jethu lueel tēnē ye, “Alēk yī, ē wēēr kēnē, ke thōn ajith kēc kiu rou, yīn abā jai arak diāk.”

³¹ Go Pīter dhuōk ye, “Na cōk ya nōk kek yī, ke yīn acā bi kaŋ jai.” Ku lueel atuuc kōk ēbēn kēya.

Jethu arōōk ke ŋic lōn bi ye nōk
(Mt 26:36-46; Lk 22:39-46)

³² Nawēn ke Jethu kek kōcken ye buōōth la tē ye cōl Jethemani, ku lueel tēnē ke, “Nyuōōckē tēn ku yiēnkē, yēn ala rōōk.”

³³ Ku cōl Pīter ku Jemith ku Joon bīk la kek ye. Ku jōl rēer ke nēk atiēēl, ku dhiēu apēi yepuōu.

³⁴ Ku lueel tēnē ke, “Yēn adhiau puōu apēi, ee thou guōp. Rēēr kē tēn ku yiēnkē.”

³⁵ Ku le tueŋ tēthin-nyōōt, ku rēēny rot piny ku rōōk ēlā, “Na lēu rot, ke kēreec tit ya aciī bō.”

³⁶ Ku lueel, “Wā, yīn ē kēriēec ēbēn lēu, nyaai ē kēreec kēnē tēnē ya. Ku acie wēt piāndiē ē wēt piāndu.”

³⁷ Nawēn ke dhuk tēnē ke ku yōkke ke nīn.

Go lueel tēnē Pīter, “Thaimon, niēnkē? Cāk yiēn tēthin-nyōōt?”

³⁸ Ku lueel tēnē ke, “Yiēnkē ku rōōkkē bi we cīi them jakreec. Puōu ē gam ku guōp acīn riēl.”

³⁹ Ku ben jāl ku le rōōk cīmēn awēn.

⁴⁰ Go bēn dhuk tēnē ke, ku ben ke yōk ke nīn, rin cī nīn ke gōōk apēi. Ku muumkē nhūim kē bik lēk ye, rin cī kek gup riōōc.

⁴¹ Nawēn dhuk tēnē ke kēn ye kek diāk, ke thiēec ke, “Ŋot we nin! Lāāŋkē? Ŋiēckē lōn cī tēn nīn thōk, tiēŋkē Manh Raan aci luōm kōc reec. Ēmēn, tē bi ye jāl thōn kōc reec aci yēēt.

⁴² Raan cā luōm aci bēn. Jat kē rōt, lokku buk rōm.”

Jethu aci dōm
(Mt 26:47-56; Lk 22:47-53; Jn 18:3-12)

⁴³ Tēwēn ŋot jīēm yen, ke Judath raan ye kek thiāār ku rou bō ke cath kek kōc juēc muk paal ku atuel, ke cī kōcōdīt kāk Nhialic, ku kōc gāt lōōŋ, ku kōcōdīt baai tooc.

⁴⁴ Ku Judath ēci kōc awēn cath kek ye, lēk tē bi kek raan wīckē bik bēn dōm ŋiēc thīn, ēlā, “Raan ba muōōth ku ciēm yen ē raan wiēckē, damkē ku kuathkē ku tiētkē rōt ē kacke apath.”

⁴⁵ Kaam wēn yēēt Judath, ke la tēnē Jethu nyin yic ku lueel, “Bēny.” Ku muōōth ke ciim.

⁴⁶ Gokē dōm ku derkē.

⁴⁷ Go raan tōk kam kōc ye buōōth wēn kāāc thīn palde miēēt bei ku tōk alony lui pan raandīt kāk Nhialic yīc abī tēem wei

⁴⁸ Go Jethu ke thiēec, “Cāk bēn we muk atuel ku paal bāk ya bēn dōm. Cāk tak lōn ye yēn raan kōc rum?”

49 Ƴen ë rëer ke we aköläköl ya piöc luaj Nhialic, ku wek aa këc ya däm. Ku këne aci rot looi ë rin bi kë ci göt athör theer wël Nhialic yiic yenhom tiεεŋ.”

50 Ku jal kacken ye buoθh nyään piny ku ketkë.

51 Ku riënythii dët ceŋ alanh acuat ë buoθh Jethu. Nawën wïc kóc awën kuath Jethu bik däm,

52 ke nyiëëŋ alath kecin ku ket kecin kë ceŋ.

Jethu aci yäth luaj bäny Itharel yic

(Mt 26:5-68; Lk 22:54-55, 63-71; Jn 18:13-14, 19-24)

53 Ku jalke Jethu yäth pan Kaipa luk yic, ci bäny käk Nhialic ku kóc piöc lööŋ, ku kacdüt baai kenhüim mat thïn.

54 Ku Piter ë biöth ke mec kóc cök ciëen agut tē yeet yen luk yic. Ku nyuuc bi yöc aya tēwën yöc kóc bäny tiit thïn.

55 Bäny käk Nhialic aake ci nyuc bik Jethu wïc guöp awuöc ci looi, rin bi kek ye tēm thou, ku acin awuöc cik yök.

56 Kóc juëc aake ci Jethu luöm ë lueth ku wëlken akëc röm.

57 Nawën ke kóc kök jöt röt, ku lueelkë luenh këne Jethu guöp.

58 Acuk piŋ ke lueel, “Ƴen abi luaj Nhialic ci raan looi këne thuör piny, ku na ye aköl ye nin diäk, ke Ƴen abi dët buθh nyiende, ke cie këne ë looi raan.”

59 Agut ke aya aa këc wëlken röm.

60 Go Kaipa rot jöt kenhüim ku thiëc Jethu, “Cin kë dhuk nhom wël ci lueel yiguöpkä yiic?”

61 Go Jethu biet ku cii jam. Go Kaipa ben thiëc, “Ye yök yipuöu ye yin Raan ci lóc ku dác, Manh Nhialic yeku door?”

62 Go Jethu bëer, “Ee Ƴen, ku wek aabi Manh Raan tŋj ke ci nyuc cuëny Nhialic njic käj looi ëbën, ku bii ke pial nhial.”

63 Go Kaipa aläthke ret yiic yeköu ku lueel, “Ƴenö ñot wïcku kóc kök bi ben jam käk ci looi.

64 Wek aci tē tōn yen Nhialic thïn piŋ. Ƴenö yen wëtdun?” Gokë mat yic kedhie bi dhiel nöc.

65 Ku jal kóc kök Jethu aa nuööt. Ku derkë nyin ku guutkë kecin ku yöökkë, “Mëek raan yï gut.” Ku däm apuruuk ku biëkkë.

Piter ajei Jethu

(Mt 26:69-75; Lk 22:56-62; Jn 18:15-18, 25-27)

66-67 Tēwën rëer Piter piiny ke yöc mac, ke nyan lui pan Kaipa bö. Ku tēwën tŋj yen Piter, ke döt apei ku lueel, “Yiin aya, yin yi rëer kek Jethu raan Nadharet.”

68 Go jai, ku lueel, “Ƴen acii raandun ye lueel njic dien. Ku kë ye lueel acä cak deet yic aya.” Ku ler ayeer. Ku kaam thiin awën, ke thōn ajith kiu.

69 Go nyan awën tŋj ku ben lëk kóc kääc thïn, “Mony këne ë raanden.”

70 Go Piter ben jai. Ku kaam awën, ke lueel kóc ke kääc thïn tēne Piter, “Ee yic, yin ë raanden, rin yin ee raan Galilia.”

71 Go Piter rot kuëëŋ, “Nhialic abä nöc tē cii Ƴen yic luel. Ƴen akuc raan jieem wek ë rienke.”

72 Nyin yic, tēwën ye dhiën ajith yic rou bëek piny, ke Piter tak këwäär ci Jethu lëk ye, “Tuen ke thōn ajith këc kiu këne ye kek rou, ke yin abä jai arak diäk.” Ku wel yenhom wei kóc yiic ke ci guöp yar ku dhiëeu.

15

Kɔc Itharel aaci Jethu gaany tēnē Pilato
(Mt 27:1-2, 11-14; Lk 23:1-5; Jn 18:28-38)

¹ Naʒon nhiäk rial yic, ke kɔcdüt käk Nhialic, ku kɔcdüt baai ku kɔc piöoc löön mēt tē bik luši Jethu. Gokē rek ku kuεthkē tēnē bēny Pilato.

²⁻³ Kɔc luk aake cī Jethu gaany lɔn cī yen käreεc apei looi. Go Pilato thiëc, “Ye yin bēnyɔknhom kɔc Itharel?” Go Jethu bëër, “Ee yen, cit tē ca luël ye.”

⁴ Go Pilato ben thiëc, “Cīi kajuëc cī yī gaanykā ye bëër, pinj kakkith yeke kuεen yīguöp.”

⁵ Go Jethu biet ku cīi wēt Pilato bëër. Go Pilato gäi.

Jethu aci tēm thou

(Mt 27:15-26; Lk 23:13-25; Jn 18:39-19:16)

⁶ Rušön ebēn, aköl Yan Ayum cīn yic luou, bēnyɔknhom ē raan tök kam kɔc cī mac lony, tē wic kɔc baai ye bī lony.

⁷ Ke mony cɔl Barabath ē mac, kek kɔc cī kɔc nök ke thär kek kɔc mac baai.

⁸ Go kɔc juëc apei la tēnē Pilato, ku thiëckē bī ke luši kē ye looi aköl yai.

⁹ Go Pilato ke thiëc, “Wiëckē ba Jethu bēnyɔknhom Itharel, lony tēnē we?”

¹⁰ Ee ɲic lɔn yen tiæl ku män mæen kɔc luk Jethu, yen aabi kek Jethu tēnē ye.

¹¹ Ku kɔc ater Jethu aake ye kɔc kušöt thook, bik lëk Pilato bī ya Barabath yen lony.

¹² Go Pilato ke thiëc, “Yenö ba looi tēnē raan yakē cɔl ke bēnyɔknhom kɔc Itharel?”

¹³ Gokē rek yic röldit, “Apiëet tim cī rīiu kšu.”

¹⁴ Go Pilato ke ben thiëc, “Yenö? Ye awäc ɲö cī looi?” Gokē ben rek yic röldit apei, “Apiëet tim cī rīiu kšu.”

¹⁵ Go Pilato Barabath lony rin wic yen kɔc bik puöth miët. Ku wēn cī yen apuruuk yšök bik that ku ɲakkē nhom ē kuöth, kē gēm ke bik la piäät tim cī rīiu kšu.

Apuruuk aaci Jethu bui

(Mt 27:27-31; Jn 19:2-3)

¹⁶ Go apuruuk Jethu kuaath ayeer pan bēny. Ku cɔlkē apuruukken kök bik röt mät ke.

¹⁷ Ku rukkē alanh mathiäɲ Jethu kšu. Ku jɔlkē kër la kuöth riic yiic ku ɲek kek yenhom.

¹⁸ Ku jɔlkē aa cɔl, ku muöthkē ku buikē, “Mädho bēnyɔknhom Itharel.”

¹⁹ Ku yuupkē nhom wai, ku ɲuutkē guöp, ku gutkē kenhiöl piny bik nyuöth cit leckē.

²⁰ Wēn cī kek ye jal bui, ke ke bīi alanh mathiäɲ awēn bei, ku dhukkē aläthke yekšu, ku kuathkē bik la piäät tim cī rīiu kšu.

Jethu aci piäät tim cī rīiu kšu

(Mt 27:32-44; Lk 23:26-43; Jn 19:17-27)

²¹ Tēwēn cī tim cī rīiu Jethu göök kētkēt, ke mony cɔl Thaimon, raan pan Thirene, wun Alekdhändër ku Ruputh, ē bö baai ke kuany dhël yic ke la gēu. Go apuruuk dɔm riel bī tim cī rīiu ket.

²² Ku yeetkē tē cɔl Golgotha, ku wētde yic, gɔn la ɲeɲ-ɲeɲ cit apen nhom raan.

²³ Ku gēm kē Jethu mušn abiëc cī liäap wäl kec cɔl mir bī dek, go kuc ye.

²⁴ Gokē jäl piäät tim cī rīiu kšu. Ku cuetkē gek bik alëth Jethu tek kamken.

25 Ee ye tē cīt lunyluny ɣɔk yen ē piēēt kek ye tim cī rīiu kōu.

26 Ku jɔlkē awuɔc yekē tak ke cī Jethu looi, ɣɔt nħial tim cī rīiu kōu ēlä, “BĒNYŃAKNHOM ITHAREL.”

27-28 Ku piēētkē cuēr karou kek Jethu tiim cī rīiu kōöth aya, raan tōk lɔŋ cuēc ku raan tōk lɔŋ cam.*

29 Ku jɔl kɔc ke ye tēek tēwēn Jethu aa cuiit ku latkē ku luelkē, “Cie yīn wäär ye lueel lɔn bī yīn luanŋ Nħialic thuŋr piny ku buh nīn kadiäk.

30 Na ye këya, yeŋö cīi yīn rot kony ku bār piny tim cī rīiu kōu!”

31 Këya, ee ye kɔcken ater bui ku luelkē kamken. “Ee kɔc kɔk kony ku cīi rot kony.

32 Raan cī lɔc ku dɔc cī Nħialic nħiaar ku yīk riēl, cī rot looi bī ya bānyda, jɔl bēn piny tim cī rīiu kōu ēmēn, buk jāl tīŋ ku gamku!” Ku aci kɔc awēn cī piäät tiim kōöth cīmēnde aa bui ku lēētkē aya.

Jethu aci thou ayic

(Mt 27:45-56; Lk 23:44-49; Jn 19:28-30)

33 Nawēn akōl ciel yic ke muöth loi rot ɣet tääj akōl pan awēn,

34 Nawēn tääj akōl, ke Jethu cōt röl dīt, “Eloi, Eloi, lama thabakthanī?” Ku wētde yic, “Nħialicdiē, Nħialicdiē, yeŋö pēl yīn ɣa wei?”

35 Nawēn piŋ kɔc kɔk ke kääc thīn, ke luelkē, “Piēŋkē acɔl Elija.”

36 Go raan tōk kat ku lut alath mušn wac yic. Ku tēŋu wai thok ku ɣɔc Jethu thok, ku lueel, “Titku buk tīŋ lɔn bī Elija bēn bī bēn bēēi bei tim cī rīiu kōu!”

37 Ku jɔl Jethu keŋ apēi, ku thou.

38 Ku kaam wēn ka alanh ye ɣēēŋ, bī luanŋ Nħialic tek yic alɔŋthīn rēet yic ē rou, jɔc nħial ɣeet piny.

39 Go bēny apuruuk tō thīn lueel wēn tīŋ yen tē cī Jethu thou thīn, “Mony kēnē ē ye Manh Nħialic alanden!”

40-41 Diäär aake tō thīn, ku keek aake daai tēmec. Wäär rēer Jethu Galilia, ee ye diäärkã buöth bīk miēth aa looi tēnē ye. Ku diäär juēc kɔk ke cath kek ye, wäär le yen Jeruthalem aake tō thīn aya. Kam ē diäärkã Maria Magdalena, ku Thalome, ku Maria man Jemith thii kek Jothep aake tō thīn.

Jethu aci thišk

(Mt 27:57-61; Lk 23:50-56; Jn 19:38-42)

42-43 Wēn col piny, bī akōl cīi kɔc Itharel ye luui ɣuɔ bēn, ke Jothep raan gen Arimatheo bō. Ku ē ye raan kɔcdīt luŋ Itharel, ku yeen aya ēci Wēt Puöth Yam gam. Nawēn le tīŋ lɔn cī Jethu thou, ke riil yenyin ku ler tēnē Pilato, ku thiēc ɣuŋp Jethu bī la thišk.

44 Go Pilato ɣäi lɔn nadē ke Jethu cī ɣuɔ thou. Ku cɔl bēny apuruuk ku thiēc lɔn cī Jethu ɣuɔ thou ayic.

45 Nawēn piŋ tēnē bēny apuruuk lɔn cī Jethu thou, go ɣuäpde pušl bī Jothep nyaai.

46 Go Jothep kɔc tooc bīk alanh ɣer la ɣɔc, ku bīi ɣuŋp Jethu piny tim kōu, ku der alanh awēn. Ku tēŋu raŋ cī wec kuur yic. Ku lɔr alēl dīttet raŋ thok.

47 Maria Magdalena ku Maria man Jothep aake daai, ku tīŋkē tē cī ye thišk thīn.

* 15:27-28 Athör kɔk theer wēl Nħialic aa 15:28 mat thīn ēlä, “Yeen aci nšk cīmēn kɔc käreēc looi.” Aci yenhom tīeŋ. 15:29 Wk 22:7; 109:25; Mk 14:58; Jn 2:19 15:34 Wk 22:1 15:36 Wk 69:21 15:38 B.bei 26:31-33 15:40-41 Lk 8:2-3

16

Jethu aci rot jot ran yic
(Mt 28:1-8; Lk 24:1-12; Jn 20:1-10)

¹ Nayon theëi aköl cii koc Itharel ye luui, ke Maria Magdalena ku Thalome ku Maria man Jemith la miök n̄r yooç bi kek guöp Jethu la t̄oc.

² Nayon nhiäk rial, aköl Nhialic, abö aköl nyin ke la ran nhom.

³ W̄en n̄oot kek dh̄el yic, aake röt thiëc, “Yen̄a ba aleldit t̄o ran thok la laar wei?”

⁴ Naw̄en j̄otk̄e kenyin ke tin̄j al̄el ke ci laar wei.

⁵ Gok̄e la ran yic, ku tin̄jk̄e rīenythii ë köj cuëc ke r̄ëer ke cej alanh yer. Gok̄e gai ap̄ei.

⁶ Go lueel, “Duökk̄e ḡei, an̄j̄eç wek aw̄ic Jethu raan gen Nadharet w̄aar ci piäat tim ci rīu k̄su. Aliu ë t̄en, aci rot jot. Tīen̄k̄e t̄ew̄aar ci kek ye t̄äü thin̄.

⁷ Lakk̄e ku l̄ekk̄e k̄acken ye buöth ku P̄iter, l̄on yen Jethu aci la Galilia. Abäk la yök thin̄ cim̄en w̄aar ci yen ye l̄ek we.”

⁸ Gok̄e la āyer ran yic ku ketk̄e, ke leth, ke ci gai. Acin̄ raan cik l̄ek w̄et k̄en̄e dh̄el yic, rin ci kek rīöc.[

Jethu aci rot nyuöth Maria Magdalena
(Mt 28:9-10; Jn 20:11-18)

⁹ W̄en ci Jethu rot jot ë ran yic yon nhiäk rial aköl Nhialic, ke k̄on̄j rot nyuöth Maria Magdalena w̄aar ci yen jakr̄eç kadhorou cuöp wei yeguöp.

¹⁰ Go la ku l̄ek atuuc Jethu ke r̄ëer thuöu yic ke dh̄iau, l̄on ci Jethu rot jot.

¹¹ Naw̄en pin̄jk̄e t̄en̄e ye l̄on ci Jethu b̄en p̄ir, ku aci tin̄j, gok̄e cii gam.

Jethu aci rot nyuöth kacken ye buöth karou
(Lk 24:13-35)

¹² Naw̄en ke Jethu nyuth rot atuöc̄ke karou ke ci rot waan̄, t̄ew̄en kueny kek baai yic. Ku cik n̄jic l̄on ye yen Jethu.

¹³ Gok̄e dhuk Jeruthalem nyin yic bik kacken la l̄ek, ku ak̄eç kacken gam.

Jethu aci rot nyuöth kacken ye buöth thiäar ku tök
(Mt 28:16-20; Lk 24:36-49; Jn 20:19-23)

¹⁴ Naw̄en ke Jethu j̄ol rot nyuöth t̄en̄e atuöc̄ke kathiäar ku tök ke ke m̄ith. Ku nyieeny ke rin k̄eç kek gam, ku rin ci kek nh̄im̄ riel bik w̄et koc ci ye tin̄j ke ci p̄ir, cii gam.

¹⁵ Nayon aköl d̄et ke l̄ek ke, “Lak pinynhom ku l̄ekk̄e koc ëb̄en W̄et Puöth Yam Nhialic.

¹⁶ Raan bi gam ku yök lökw̄ei, abi p̄ir akölr̄iëc̄ ëb̄en, ku raan bi jai aci bi kony.

¹⁷ Koc ci gam abi yiëk riel k̄en̄e, aabi jakr̄eç aa cuöp wei ë r̄ienkië, ku aabi jam thok k̄ök.

¹⁸ Aabi kecin̄ aa t̄äü koc tuany nh̄im̄, ku aabi pial. Na cökk̄e k̄apieny kuan̄y, ku dekk̄e k̄äk ë koc luaan̄, kacin̄ k̄e näk ke thin̄.”

Jethu aci yäth pan Nhialic
(Lk 24:50-53; Lk 1:9-11)

¹⁹ Naw̄en ci Jethu nin̄ n̄ök ke ke, ke ȳeth pan Nhialic ku nyuuc köj cuëc ë Nhialic.

²⁰ Ku jol atuuc Jethu thiëi pinynhom ke ke lëk koc. Ku jol kâkken jäj göi yekë ke looi kenhïim aa tiεεη, rin tö riεl ë Nhialic ke ke.]*

* **16:20** Athôr theer juëc la cök ku koc theer ηic ke Marko 16:9-20 akëc mat thïn.

Wël Jethu cî Luka gôt Wët nom

Wël Jethu cî Luka gôt, aa Jethu nyuúth lon é yen raan wäär cî Nhialic lueel ka bi tuúcc pinyinhom, bí kóc Itharel ku kóc cie kóc Itharel bën luók. Ací Luka gôt lon Jethu ací Wëi Nhialic cöl bí, “Wët Puoth Yam bën nyuúth kóc n̄õñ nyin.” Ku wëlká, aa la yiic kák wíc raan ébën. Kák miét puúu aa rëer wël cî Luka gôt yiic aya, cimën bën Jethu pinyinhom, ací lueel thín cök tuen̄ yiic, ku tē thóok wël thín aya, ku wäär ler Jethu nhial. Anyikól la tuen̄ é wët kënë, ku juen̄ bí gam kóc cî gam rot juak la nhial Jethu cök, aaci raan tōj kënë gôt aya athör Luoi Atuuc Jethu yic.

Abañ 2 ku 6 (t̄ñ kák cî gôt athöör yic bō ciëen) aatō kajuéc yeke yök athör kënë yic é rot. Cimën anyikööl diet atuuc nhial, ku kēwäär cî abiök Jethu la neem wäär dhiëeth ye. Ku la Jethu luaj Nhialic wäär é yen dhök. Ku wël waal raan path pan Thamaría ku manh cî mää. Ee wëlká yiic, ee rōök yen ací ber yic bí tēt kóc puúth. Ku Wëi Nhialic, ku kák cî diäär looi é luoi Jethu yic, ku pël bí Nhialic adumuúsm päl piny.

Kák tō th̄n

Wët Nom 1:1-4

Dhiëth ku mēeth Joon raan kóc muúcc nh̄im ku jol a Jethu 1:5-2:52

Luoi Joon raan kóc muoc nh̄im 3:1-20

Miéc é nom ku thēm Jethu 3:21-4:13

Luoi Jethu ébën pan Galilia 4:14-9:50

Jäl pan Galilia ku la Jeruthalem 9:51-19:27

Nin ciëen kadhrouu thuunde nom tuen̄ 19:28-23:56

Jön rot ku nyooth rot ku la nhial é Bëny 24:1-53

¹ Tënë Thiöpiluth, cit tē ye piën̄ ye, ací kóc juéc them bik kák cî röt looi kamkua gôt.

² Aaci gēt kák cî kóc cî ke t̄ñ, ku kóc lui wët Nhialic lëk yo tēwäär jōok kakká röt.

³ Këya, Bánydië, wën cî yēn kák cî röt looi muk cök tēwäär jōok kek röt, aca tak ba ke gôt apath tēnē yī,

⁴ rin bí yin kajuéc cî piúcc tēnē yī jäl ñic lon cii kek ye lueth.

Atuny Nhialic ací dhiënh Joon lueel

⁵ Wäär ye Yërot bēnyñaknhom pan Judia, raan kák Nhialic cöl Dhákaria é tō th̄n, ku yeen é ye raan akut kóc kák Nhialic cöl Abija, ku yeen é la tin̄den cöl Elithabeth, nyen kuat Aron.

⁶ Dhákaria ku Elithabeth aake ye kóc path tēnē Nhialic, rin keek aake rëer ke cín gup awuúcc ke thek löön̄ Nhialic.

⁷ Ku keek aake cín m̄ith rin Elithabeth éc̄ii dhiëth, ku keek aake cî dhiöp kedhie aya.

⁸ Nayon akäl tók, yen ke kuëer kóc akut Dhákaria bik luui luaj Nhialic,

⁹ ke kōcken akut cuet gek, go löön̄y tēnē ye bí ya yen la adōñ ñir took ariäk nhom luaj Nhialic. Go la luëek.

¹⁰ Ku tēwën took yen adök luëek, ke kóc juéc awën cî guëer aake rōók ayeer.

¹¹ Kaam wën, ka atuny Nhialic nyuth rot ye ke kääc lon cuéc ariäk nom tēwën took yen adōñ ñir th̄n.

¹² Tēwën t̄ñ Dhákaria ye, go riúcc apeí ku muum nom.

13 Go atuny Nhialic lëk ye, “Dhäkaria! Duk riöc, röökdu aci Nhialic piñ, ku emën tienđu Elithabeth abi manh moc yök. Na la dhiëeth, ka bi cöl Joon.

14 Wek aabi puöth miët wedhie wek tienđu tē le ye dhiëeth. Ku kōc juëc aabi puöth miët ke we aya,

15 rin yeen abi ya raan töñ ril kam kōc kāk Nhialic tiñ. Ku yeen aci bi ya dek kuat muön la yic luöu. Ku yeen abi Wëi Nhialic la yeguöp ke cök ñoot man yäc,

16 ku yeen abi kōc Itharel cöl adhuk Nhialic Bänyden.

17 Abi kañ tuöl tēnē Bëny kek riël thöñ cimën riël Nhialic wäär tō tēnē Elija. Ku Joon abi wärken ë mīth cöl anhiar miëthken. Ku kōc ril nñiim emën cie wët Nhialic ye piñ, aabi kenñiim waar. Ku këya, yen ë tē ci Joon kōc cöl aa guir röt thin rin bën Bänyda.”

18 Go Dhäkaria lueel tēnē atuny Nhialic ëlä, “Ba ñic kēdē lön bi kēnē rot looi? Yēn aci dhiöp ku tienđië aci dhiöp aya.”

19 Go atuny Nhialic dhuök ye, “Ee yēn Gabriel, rëer Nhialic lööm ku yēn aci tooc ba yī bën lëk wët puöth kēnē.

20 Rin këc yin wët ca lueel gam, yin abi rëer yī cie jam, yet tē bi kēnē rot kañ looi akölden bi yen rot looi ke cit tēde.”

21 Tēn awën, kōc aake tit Dhäkaria ke ci gāi kē rëer yen luañ Nhialic apei kēlä.

22 Nawën le bën bei ke cii jam, gokē ñic lön le yen kē ci rot nyuöth ye, tēwën ye yen nyuuth yecin ku cii jam.

23 Nawën la nñn luui Dhäkaria luañ Nhialic thök, ke dhuk paande.

24 Nawën ke tienđe Elithabeth yök meth, ku jöl rëer baai pēi kadhiëc ke cie la ayeer.

25 Ku jöl ya lueel, “Nhialic aci kēnē looi tēnē ya bi piathde nyuöth ya, ku aci kē ye ya dhöl guöp rin ci yēn rol jal nyaal!”

Atuny Nhialic aci dhiënh Jethu lueel

26 Tēwën ye pēi Elithabeth dätem, ke Nhialic tooc atuönyde Gabriel gen Nadharet tō pan Galilia,

27 tēnē nyan bim cöl Maria, ku ë thiëc mony cöl Jothep, raan dhiënh Bënyñaknom Debit.

28 Go atuny Nhialic bën tēnē ye ku lueel ëlä, “Madho, yin athiäñ dhëëñ Nhialic. Bänyda atō ke yī!”

29 Go Maria riöc ku muum nom wën piñ yen wëlkä, ku thöñ yepuöu kāk tō ë wët kēnē yic.

30 Go atuny Nhialic lueel tēnē ye, “Duk riöc Maria, yin anhiëer Nhialic.

31 Yin abi meth yök, manh moc. Ku na la dhiëeth ka ba cäk ke cöl Jethu.

32 Abi ya raandit apei Nhialic nom. Ku abi cöl Wën Nhialic Madhöl. Ku Nhialic Bänyda abi bäny Debit wundit yiëk ye,

33 ku abi ya bëny pan yī Jakop akölrüëc ëbën, ku bänyde aci bi thök alanden!”

34 Go Maria lueel tēnē atuny Nhialic, “Bi rot looi kēdē. Yēn ë nyen bim këc thiaak?”

35 Go atuny Nhialic bën lëk ye, “Wëi Nhialic abi lööny yiguöp ku rielde abi bën yinohom. Manh thin dhëñ ba dhiëeth abi cöl Wën Nhialic.

36 Ku dët akñ aya, molën Elithabeth ci dhiöp aci meth jäl yök cök a wäär ye ye tiñ ke ciët ci rol. Päike aa dätem emën.

37 Rin ñic Nhialic kãñ looi ëbën. Acin kë gök ye.”

³⁸ Go Maria lueel, “Үен along Bānyda, abī looi tēnē җа сīmēn wētdu.” Go atuny Nhialic jāl.

Maria acī Elithabeth la neem

³⁹ Nawēn nīn lik cōk, ke Maria lōōny dhōl ke cīn gāau bī la pan yī Dhākaria rēēr tēthōny pan Judia.

⁴⁰ Ku ler pan Dhākaria ku muōth Elithabeth.

⁴¹ Kaam wēn piŋ Elithabeth Maria ke muōth ye, ke manh liec yen riāŋ yeyic. Ku go Wēi Nhialic guō lōōny yeguōp.

⁴² Ku lueel rōldīt tēnē Maria, “Yīn aye leec diāār yiic ēbēn, ku lec manh yānydu.

⁴³ Yēŋō thieek җayic abī man Bānydiē җа bēn neem?

⁴⁴ Kaam wēn piŋ җен yīrōl yī muōth җа, ke manh tō җayic mit puōu ku le nyooŋ-nyooŋ.

⁴⁵ Yīn amit guōp rin cī yīn wēt Bānyda gam, lōn bī wēt cī lēk yī rot tieeŋ!”

Waak Maria

⁴⁶ Go Maria lueel,

“Yīn Bānyda yīn apīaany җapuōu,

⁴⁷ ku җен acī puōu miēt

tēnē Nhialic pīr җен,

⁴⁸ rin cī yen aluōnyden cie kuēec nhom lieec.

Ku akōlé le tueŋ,
riēec ēbēn abā leec rin cī Nhialic җен dōoc,

⁴⁹ rin cī Nhialic Madhōl

kādīt looi tēnē җен.

Yen aril ku adhēŋ.

⁵⁰ Ku yeen alir puōu tēnē kuat raan ēbēn,
kuat riōc ē yeen.

⁵¹ Nhialic acī kōc bāŋ nhiam

thiāi pinynhom kōŋden ril.

⁵² Ku acī bāny ril piēk piny thōcken nhīim,

ku jōt kōc cīi nhiam cie kuēec nhīim nhial.

⁵³ Ku ee kōc ŋōŋ wīc kāŋ,

yiēk kajuēc ku nyiēŋ ajiēek.

⁵⁴ Ku acī wētden cī thōn wārkuan dīt tieeŋ nhom

ku kony aluōnyke, kōc Itharel.

⁵⁵ Cīmēn wāār cī yen ye lēk wārkuan dīt,

Abaram ku mīth cī lōk dhiēeth!”

⁵⁶ Ku jōl Maria rēēr kek Elithabeth tēcīt pēi kadiāk ku dhuk panden.

Joon acī dhiēeth

⁵⁷ Nawēn ke pēi Elithabeth thōk, ku dhiēeth manh moc.

⁵⁸ Nawēn piŋ kōc akeu nhom ku kōc ruāāi ke ye lōn cī Nhialic ye lieec, ke mit puōth apēi.

⁵⁹ Nawēn akōl ye nīn bēt, ke kōc bō bī meth bēn ŋoot. Ku wīckē bīk cāk rin wun Dhākaria.

⁶⁰ Go man kuc ku lueel, “Acōl Joon.”

⁶¹ Gokē lueel tēnē ye, “Acīn raan ruāāi ke we cī cāk ē rinkā.”

⁶² Ku nieukē wun nyin, ku thiēckē tē bī yen meth cāk thīn.

63 Go Dhäkaria agen gëtgët cöl ku gët, “Acöl Joon.” Gokë gai ëbën.

64 Ku kaam thiin awën ke go ñeç jam ku leec Nhialic.

65 Go kəc thiääk ke ke gai, ku thiëi wëlkä pan Judia yic, ku ye kəc ëbën jam ë ke.

66 Ku kuat raan ci wëlkä piñ ë gai ku lueel, “Manhë, bi jäl yiëndë aköldä?” Rin ë yic, riel Bányda arëër kek ye.

Waak Dhäkaria

67 Go Wëi Nhialic lööny Dhäkaria guöp, ku lueel maany ci Nhialic nyuöth ye ëlä.

68 “Lecku Bëny, Nhialic Itharel! Rin ci yen bën bi kacke bën luök.

69 Ku cöl raan pír yo atul yön Debit aluonyde.

70 Wëtde aci kəc käkke tñj lueel theer,

71 lön bi yen yo kony aleikua ku kəc man yo.

72 Aci Nhialic lueel lön bi yen wärkuan dit lieec, ku muk löñ ë döör ci yen määh döm ke ke nom.

73-74 Cimën ci yen mël kuëñ tënë Abaram wäditda, ku thön lön bi yen yo kony aleikua,

yo k aabi këde ya looi ke cín diëer,

75 tē yer yok puöth ku lok cök yenhom akölaköl tē piir yok.

76 Ku yin manhdië, yin abi ya raan käk Nhialic tñj, yin abi la tuen yenhom ba dhöl la guiir tënë yeen.

77 Ba lëk kəc tē bi kek pír akölrüëc ëbën yok thin, tē pël adumuösmken piny.

78 Nhialic alir puöu,

ku yen abi raan cit ruel cöl abö pinyhom.

79 Ku yeen abi ruel tënë kəc tö muööth yic, rëer thou yic, bik dhöl ye kəc döör ke Nhialic jäl yok.”

80 Ku Joon aci jäl dit ku yik Wëi Nhialic riel dit. Ku piir roor tē ci cey ë rot yet aköl tul yen Itharel nom.

2

Jethu aci dhiëeth

(*Mk 1:18-25*)

1 Bënyñaknom cöl Cithër ëci wët lueel bi kəc bëëi mac ke kueen.

2 Ku kën yen ë tē jök kuën ë kəc rot tēwäär ye Kuirino bëny pan Thiria.

3 Go raan ëbën la bi la göt rin, ñek pan wundit ku ñek pan wundit.

4 Go Jothep jäl Nadharet tö Galilia bi la gen Bënyñaknom Debit, tö pan Judia cöl Bethalem, rin ye yen raan dhiënh Debit.

5 Aci la bik riënken la göt kek Maria wic kacken bik gam ye, ku ë liac.

6 Tëwën rëer kek Bethalem, ke nin bi Maria dhiëth thök.

7 Ku dhiëeth wënde, ku der köu alath ku tëu diaany yic wën liiu tënë anün yön jööl.

8 Ku kəc biöök aake rëer pan wën, ku aake ruu tiët ë thäkken.

9 Kaam wën ka atuny Nhialic tul kelöm ku ruel yer Nhialic keköth bi ke riaal. Gokë riöc apëi.

10 Go atuny Nhialic lëk ke, “Duökkë riöc, ee wët path yen alëk we, wët bi thäi ëbën puöth miet thin.

11 Rin akölë, gen Debit tën, Bëny Pír kəc aci dhiëeth, ku yen ë Raan ci Nhialic loc ku döc.

12 Ku abäk ηic kälä, wek aabi meth yök, manh cī der k̄su alath, ku acī t̄s̄u gal cök.”

13 Kaam awën ka atuuc juëc k̄k met röt th̄in ku leckë Nhialic ku luelkë,

14 “Yeku Nhialic door, Aciëη t̄o nhial, ku döör pinynhom t̄enë k̄oc nhiεεr.”

15 Nawën cī atuuc juëckä dhuk nhial, go k̄oc awën lueel kamken, “Lok Bethalem buk k̄äk cī lëk yo la t̄iη, ku k̄äk cī Bānyda nyuōth yo.”

16 Gokë la ke ban kekōth, ku yökckë Jothep kek Maria ku Meth ke cī tāau gal cök.

17 Nawën t̄iη abiök meth, ke lëk k̄oc ëbën k̄awën cī atuny Nhialic lueel ë riεnke.

18 Go k̄oc cī wël k̄oc abiök piη gāi apei.

19 Go Maria wëlkä ëbën piη apath, ku muk ke yepuōu.

20 Go k̄oc abiök awën dhuk ke lec Nhialic, rin k̄äk cik piη ku t̄iηkë ke, kecit t̄ewäär cī atuny Nhialic lëk ke.

Jethu acī cāk

21 Nawën akōl ye n̄in b̄ët, akōl yen b̄i ye ηoot, go cāk ke c̄al Jethu, rin wäär kek cī atuny Nhialic lueel wäär ηot k̄ec Maria liëc ë ye.

Jethu acī yāth luanη Nhialic

22 Nawën cī n̄in thiārjuan thök c̄it lōη Mothith, ke Jothep kek Maria la luanη Nhialic Jeruthalem bik meth la nyuōth,

23 c̄imën lōη cī Mothith nyooth th̄εεr ëlä, “Manh moc, ku ye kaai abī juër Nhialic.”

24 Ku keek aya aaci kuōr karou juaar c̄imën lōη Bēny.

25 Ku mony c̄al Thaimon ë ciëη Jeruthalem, ku ë raan path apei ku ë riεc Nhialic. Ku ë tit Raan P̄ir k̄oc Itharel, ku Wēi Nhialic ë t̄o yeguōp.

26 Ku ëcī Wēi Nhialic lëk ye l̄on c̄iη yen b̄i kaη thou, t̄ε k̄ec yen Raan cī Nhialic l̄oc ku döoc kaη t̄iη.

27 Nawën ȳeth Maria ku Jothep Jethu luanη Nhialic, bik k̄e ye lōη Mothith lueel la looi, ke t̄ε̄u Wēi Nhialic Thaimon puōu b̄i la luanη Nhialic aya.

28 Go Thaimon Jethu j̄ot ku leec Nhialic ku lueel,

29 “Ee ȳin Bēny, ȳin acī w̄ëtdu tiεεη nom, j̄al aluonydu puōl b̄i j̄al, ke cī la l̄āη.

30 T̄ε b̄i ȳin kacku kuony th̄in aca t̄iη nyiënkië,

31 ku aca guiir th̄ei nom

32 ku ee piη mer b̄i k̄oc cie k̄oc Itharel k̄āη t̄iη ku b̄i Itharel th̄āndu aleec th̄in.”

33 Kaam wën k̄ë̄c Jothep kek Maria ke cī gāi wël lueel Thaimon rin meth Jethu,

34 go Thaimon ke döoc ku lueel t̄enë Maria, “Yen manh k̄enë acī Nhialic l̄oc b̄i k̄oc juëc Itharel muōr ku p̄iir k̄oc k̄ök. Ku yeen abī ya raan b̄i w̄ët Nhialic nyuōth, ku abī k̄oc juëc wël r̄εc aa lueel yeguōp.

35 Ku ȳin Maria, ȳin abī reem puōu ciët yi cī gut pal, b̄i w̄ët t̄o k̄oc juëc puōth j̄al ηic th̄in.”

36 Ku t̄iη k̄äk Nhialic t̄iη c̄al Ana ë t̄o th̄in, ku ë ye nyan mony c̄al Panuel, raan dhiënh c̄al Acer kuat Itharel yic. Ana ëcī dhiap apei, ku ëcī thiaak ku r̄ëer kek muōnyde run kadhrou ku thou muōnyde.

³⁷ Ku jol Ana lək rëer ke ye lëer rušön thiärbët ku ŋuan. Ęcie jäl luan Nhialic, ë ye cool ku ruu ke loi kāk Nhialic, ku rōök ku theek miëth.

³⁸ Ku akölë gušp aci rot mät kəc wën, ku leec Nhialic ku lueel wëtde rin meth, tënë kəc ye tiit lön bi Nhialic thänden Itharel wëer bei.

Jethu aci dhušk Nadharet

³⁹ Nawën cik keriëc ebën jäl looi cimën löŋ Nhialic, ke Maria ku Jothep dhuk Galilia Nadharet panden.

⁴⁰ Ku jol Jethu dit ku ril apeï, ku ŋic kəŋ ku dəc Nhialic.

Jethu ë tō luan Nhialic

⁴¹ Rušön ebën Jothep kek Maria aake ye la Jeruthalem rin Yandit Ayum cın yic luəu.

⁴² Naŋon cı run Jethu jäl aa thiäär ku rou, ke cath ke ke bik la yai yic Jeruthalem.

⁴³ Nawën cı yai thök ke dhuk ciëen, ku kuckë lön cı Jethu döŋ geeu,

⁴⁴ ë cik tak lön cieth yen ke kəc kək, ku ciethkë yet thei. Nawën ke wickë kam kəc ruääi ke ke ku kəc ŋickë.

⁴⁵ Nawën cik yök, gokë dhuk Jeruthalem bik bən la wic thın.

⁴⁶ Na aköl ye nin diäk, ke jolkë yök luan Nhialic Jeruthalem, ke cı nyuc kam kəc piöc lööŋ Nhialic ke piŋ wëlken, ku yeke thiëc.

⁴⁷ Go kəc ebën gäi wën piŋ kek ye ke jam cimën raan ŋic kəŋ apeï, ku tē bëer yen wëlken aya.

⁴⁸ Nawën tiŋkë manhden ke gëi ku lueel man, “Yeŋö manhdië looi yin kënë tënë yo? Yin acuk wic apeï yok wuur.”

⁴⁹ Go lək ke, “Yeŋö wiëckë ya? Kušckë lön dhil ŋen kāk ë Wä looi?”

⁵⁰ Ku aa kəc wët cı lueel deet yic.

⁵¹ Go Jethu jäl ke ke ku dhukkë Nadharet, ku jolkë ceŋ ke ye wëlken piŋ, ku jol man kākka muk yepuəu.

⁵² Ku jol Jethu dit ku ŋic kəŋ apeï. Ku Nhialic ë mit puəu tënë ye, ku yen lön kəc aya.

3

Piöc ë Joon raan kəc muəc nhüm

(Mt 3:1-12; Mk 1:1-8; Jn 1:19-28)

¹ Ŷon yen rušön thiäär ku dhiëc ke Tiberiöth ye bëny, ku Pilato ke ye bënydit mac Judia, Antipäth Ŷerot ë ye bëny Galilia ku Pilipo wämënh ë mac Ituria kek Trakonitith, ku Lithaniath ë ye bëny Abilene,

² ku Anath kek Kaipa aake ye bënydit kāk Nhialic. Tëënë, ke Nhialic lək wët Joon wën Dhäkaria tō roor.

³ Go Joon bëi tō wär Jordan you kueny yiic ke wëet kəc, “Pälkë luai käreç, ku calkë röt aa muəc nhüm, rin bi adumušömkun päl piny tënë we.”

⁴ Cimën cı ye gät athör Ithaya yic raan kāk Nhialic tiŋ ëlä, “Raan kākkië tiŋ abi këcit löör gut yic bi yen kəc caal tēde ë rot, ku lək keek ëlä,

‘Guierkë dhël ë Bëny, luəikë dhölke bik la cök.

⁵ Thönykë ŷön la tiäm piny ku dhuškkë ŷon thöny nhüm piny, ku cökkë dhël cie yic neer,

ku thöŋkjē dhäl la yiic ŋony nhüim.

⁶ Ku raan ebën, abī tē ye Nhialic yook luäk thün tūŋ! ”

⁷ Ku lēk kōc juēc bō tēnē ye bī ke bēn muōc nhüim, “Awek dhiēnh kāpieny! Yenja lēk we bāk kat kēreec bō?”

⁸ Luäkē kāk ye nyooth lōn cī wek muāl kāreec yakē ke looi. Ku duōkkē wepuōth tōŋ ku luēkē yōk aa mīth Abaram. Alēk we lōn alēu Nhialic bī aleelkā cōl aaye mīth Abaram.

⁹ Ku emēn yēp aci ther bī ke tiim yep, rin na ye tim cie luāk, ka yep ku cuet ē mēec.”

¹⁰ Go thān awēn Joon thiēec ēlā, “Na ye kēya, buk ŋō looi?”

¹¹ Go Joon bēer, “Raan la alēth karou, adhīl tōk yiēk raan cīn alath, ku raan la miēth adhīl looi kēya.”

¹² Go kōc ajuēr kut bēn tēnē ye aya bī ke bēn muōc nhüim, ku thiēckē, “Raan piōc buk ŋō looi?”

¹³ Go lēk ke, “Duōkkē wēeu ye lööm ē ruēeny tēnē kōc.”

¹⁴ Go apuruuk bēn ku thiēckē ēlā, “Na yook, buk ŋō looi?” Go lēk ke, “Duōkkē kōc ye rum, ku duōkkē kōc ye gaany wēt ē lueth, ku yakē puōth la yum ariōpdun yic.”

¹⁵ Go ŋāthden jāl dīt, ku yekē tak lōn nadē ke mony abī dhiel a Raan cī Nhialic lōc ku dōc.

¹⁶ Go Joon lēk ke ebēn ēlā, “Wek aa ya muōc nhüim piū ē path, ku raan dīt ku ril apeī tēnē ya abō, raan na cōk aa warke ka cā lēu ba ke dōk. Ku ē yic yēn aci path ba lēu, ba ya aluōnyde. Ku yeen abī kōc kōk weyiic muōc nhüim Wēi Nhialic, ku muōc kōc kōk nhüim ē mac.

¹⁷ Yeen aci raan muk lōk kām ye rap kōm, bī rap tek thook kek miēl. Ku wiiu rap ku tōu ke. Ku yōt miēl many cie thou.”

¹⁸ Wēl kōk cīt kākā aci Joon lēk kōc apeī bī yen Wēt Puōth Yam piōc thīn.

Joon raan kōc muōc nhüim aci mac

¹⁹ Ku Joon ēcī Antipāth Yērot, bēny Galilia jāām guōp kāreec apeī, rin cī yen Yērodia tūŋ wāmēnh rum bī ya tiēŋde, ku looi kājuēc reC kōk aya.

²⁰ Go Antipāth Yērot Joon mac, ku kēnē ē kēreec dēt cī mat kāracken cī looi yiic.

Jethu aci muōc nom

(Mt 3:13-17; Mk 1:9-11)

²¹ Nawēn cī thān awēn muōc nom ebēn, ku Jethu ke cī muōc nom aya. Kaam wēn rōök yen ke nhial liep rot.

²² Ku bō Wēi Nhialic yenhom kecīt kuur ē dit. Ku piŋ rōl Nhialic nhial ke luēl, “Yin ē manhdiēn nhiaar. Yēn amit puōu kek yī.”

Kuat Jethu

(Mt 1:1-17)

²³ Wäär jōk Jethu piōcde cōk, ke ruōnke aake ye thiardiäk.

Ku ē ye raan ebēn tak lōn ē yen wēn Jothep, wäär wēn Yeli,

²⁴ wēn Mathat, wēn Lebī, wēn Melki, wēn Janai, wēn Jothep,

²⁵ wēn Matathia, wēn Amoth, wēn Nayum, wēn Ethli, wēn Nagai,

²⁶ wēn Manth, wēn Matathia, wēn Themein, wēn Jothek, wēn Joda,

²⁷ wēn Joanan, wēn Retha, wēn Dherubabel, wēn Cealtiel, wēn Neri,

²⁸ wēn Melki, wēn Adi, wēn Kotham, wēn Elmadam, wēn Er,

²⁹ wēn Jocuā, wēn Eliedher, wēn Jorim, wēn Mathat, wēn Lebī,

- 30 wën Thaimon, wën Juda, wën Jothep, wën Jonam, wën Eliakim,
 31 wën Meliea, wën Mena, wën Matatha, wën Nathan, wën Debit,
 32 wën Jethe, wën Obet, wën Boath, wën Thalmon, wën Nacon,
 33 wën Aminadap, wën Admin, wën Arni, wën Yedhron, wën Peredh, wën Juda,
 34 wën Jakop, wën Ithäk, wën Abaram, wën Tera, wën Nayör,
 35 wën Theruk, wën Reu, wën Pelek, wën Eber, wën Cela,
 36 wën Kainan, wën Arpakcat, wën Cem, wën Noa, wën Lamek,
 37 wën Methuthela, wën Enok, wën Jaret, wën Malaleel, wën Kenan,
 38 wën Enok, wën Theth, wën Adam wën Nhialic.

4

Jethu aci jörrac them (Mt 4:1-11)

- 1 Go Jethu jäl wär Jordan ke ci Wëi Nhialic la yeguöp, ku yëth roor tē cī ceñ,
 2 tē ci jörrac ye bën la them thün nün thiärñuan. Ku ëcie mīth ē ninkä yiic ëbën,
 nawën cik thök ke jöl cök nök.
 3 Go jörrac rot cušt ye ku lueel, “Na ye Wën Nhialic ke lëk aləl kënë bī ya ayup.”
 4 Go Jethu bëër, “Acī göt thëer ëlä, ‘Raan acie pīr ayup ē rot.’ ”
 5 Go jörrac yäth tēthöny, ku nyuth bëëi pinyñhom ëbën nyin yic.
 6 Ku lueel tēnē ye, “Käkkä ëbën aaci gām ya, ku alëu ba ke gām raan ca tak.
 7 Këya, na dor ya ka bī ya kākku ëbën.”
 8 Go Jethu bëër tēnē ye, “Acī göt ëlä, ‘Yin abī Nhialic Bánydu door ku loi wētde yetök!’ ”
 9 Go jörrac yäth Jeruthalem, ku tēxu luanj Nhialic ñhom ku lueel, “Na ye Wën Nhialic ke yī cuet rot piny tēmec kënë,
 10 rin ëci göt ëlä Nhialic abä atušscke lëk bik yī tiit,
 11 ku mukké yī kecin, ba yicök cī cök dëeny aləl.”
 12 Go Jethu bëër, “Acī lueel thëer ëlä, ‘Duk Nhialic Bánydu them ē path.’ ”
 13 Nawën cī jörrac Jethu jäl them ē dhölkä yiic ëbën, ke nyiëñj piny ku pël kaam koor.

Jethu aci luōide jök Galilia (Mt 4:12-17; Mk 1:14-15)

- 14 Go Jethu ke tō Wëi Nhialic yeguöp, dhuk Galilia. Go guo piñ Galilia ëbën,
 15 rin pišsode tē ye koc Itharel kenhūm mat thün, ee ye leec raan ëbën.

Koc Nadharet aa këc Jethu gam (Mt 13:53-58; Mk 6:1-6)

- 16 Go Jethu jäl tēden awën ku ler genden Nadharet tēwäär muk ye thün. Nawën aköl lön, ke la tēn amat koc Itharel cit tē ye luši ye akölaköl. Nawën jot rot bī wēt Nhialic kueen,
 17 ke gēm athör Ithaya, raan kāk Nhialic tiñ. Go athöör pet yic ku yök tē cī ye göt thün këlä,
 18 “Wëi Nhialic atō ke yen rin acä löc,
 ba Wēt Puōth Yam lëk koc ñöñ. Bëny acä tooc
 ba lëk koc cī loony ku koc mac, ku koc rëër wīn jörrac yic,
 lön bī keek lony, ku lön bī koc cī cöör ben daai,
 ku ba lääu ñhom tēnē koc gum, bën lëk keek.
 19 Ku ba rušön bī Nhialic

kɔc bɔ tɛnɛ yeen dɔɔc, bɛn lɛk keek.”

²⁰ Ku mat Jethu athör yic ku gɛm ku nyuuc. Go kɔc ke tɔ amat yic kenyin wɛl ye ɛbɛn.

²¹ Go Jethu lɛk ke, “Wɛt cɔk piŋ ca kueen athör thɛr wɛl Nhialic yic acie nhom tiɛɛŋ ya aköl.”

²² Go kɔc ke tɔ thɛn gäi ɛbɛn ku leckɛ rin wɛl puoθh cɔ lueel. Ku yekɛ röt thiɛɛc ɛlä, “Kɛnɛ, lɛu bɔ rot looi kɛdɛ, yeen cie wɛn Joθhep?”

²³ Go Jethu bɛɛr, “Ee yic, wek aaba lɛk kääŋ ye lueel ɛlä, ‘Aküim kɔŋ rot cɔl apuɔl,’ Ku abäk lɛk ya ba kɔk cɔk piŋ ke ca looi Kapernaum, looi aya gɛnda ɛ tɛn.”

²⁴ Ku le tuɛŋ ku lueel, ‘Acin kɔc kɔk Nhialic tiŋ ye wɛl yekɛ lueel gam panden.’

²⁵ Ku cɛmɛn ŋic wek ye lɔn cɔ Elija, raan kɔk Nhialic tiŋ, tiŋ lɛɛr cɔl Dharepath kony.

²⁶ Ku Dharepath ɛ ye tiŋ wundɛt cɔl Thidon. Ku diäär lɛr Itharel aake wic kuɔɔny wäär nɛk cɔk kɔc, rin kɛc deŋ tuɛny run kadiäk ku abak bɔ cɔk dit apeɪ pan Itharel. Ku Elija akɛc bɛn tuɔc ke.

²⁷ Ku dɛt aya, wäär ye Elica raan kɔk Nhialic tiŋ, kɔc juɛc cɔ tuɛt aake tɔ pan Itharel, ku acin atuen tɔŋ cɔ Elica bɛn kony, aci bɛn la kony Naman raan pan Thiria.”

²⁸ Go kɔc ke tɔ tɛn amat puoθh riääk ɛbɛn wɛn piŋ kek wɛlkä,

²⁹ Ku jɔtkɛ röt ku göömkɛ piny. Ku yɛthkɛ ayeer geeu ke yekɛ pik bik yɛɛt gat nhom tɛ cɔ gɛu buθh thɛn, ku yɛthkɛ agala nhom rin wic kek ye bik la piɛk wiir.

³⁰ Go bak keciɛl yiic ku jiɛl.

Jethu ala riel ɛ yen jɔŋrac cuɔp wei
(Mk 1:21-28)

³¹ Go Jethu la Kapernaum gen tɔ Galilia, tɛ ye yen kɔc piɔɔc thɛn aköl cü kɔc Itharel ye luui.

³² Ku piɔɔcde ɛci kɔc göi ɛ tɛn aya, rin kɔk ye lueel aa wɛl yiθh ye nyuɔoθh lɔn le yen riel Nhialic.

³³ Naɔŋ akäl tök tɛwɛn piöoc yen, ke raan tɔ kam kɔc tɛn amat, ke la guöp jɔŋrac jam ke cɔ yeröl jɔt apeɪ ɛlä,

³⁴ “Yeŋö wic tɛnɛ yo Jethu raan gen Nadharet? Ca bɛn ba yo bɛn rac? Yin anjeɛ, yin ɛ raan puoθh la cɔk bɔ tɛnɛ Nhialic.”

³⁵ Go Jethu jɔŋrac duθm thok piny, “Bietɛ, ku bäär bei yeguöp.” Go jɔŋrac mony awɛn wiet piny kenhüim ku bii bei yeguöp ke cin tɛtök cɔ yiɛk ye.

³⁶ Go kɔc gäi apeɪ ku thiɛckɛ röt, “Yeŋö kɛnɛ? Ye piöoc yam kek riel Nhialic. Mony kɛnɛ ala riel ye yen jak yöök ku gamkɛ wɛtdɛ aya.”

³⁷ Go lɛc ku piathde guɔ thiɛi baai yic ɛbɛn.

Jethu aci kɔc tuany kony
(Mt 8:14-17; Mk 1:29-34)

³⁸ Kaam awɛn jiɛl yen tɛnɛ amat kɔc Itharel ke la pan yɪ Thaimon. Go man tiŋ Thaimon yök ke cɔ juäi göök, gokɛ lɛk Jethu.

³⁹ Go la ku kɛɛc yelɔɔm tɛwɛn cɔ yen tɔc thɛn ku yöök juäi bɔ jäl. Go juäi guɔ päl piny ku looi miɛθh tɛnɛ ke.

⁴⁰ Ye thɛn kɛnɛ, wɛn cɔ aköl lööny piny, ke kɔc guɛɛr kek kɔcken tuany tɛnɛ Jethu, ku tɛɛu yecin kenhüim, gokɛ pial ɛbɛn.

⁴¹ Ku bə jakrɛc bei kɔc juɛc gup ke dhiau ələ, “Yin ɛ Wən Nhialic.” Go Jethu ke yəɔk bik cī jam, rin ɲic kek ye lɔn ye yen Raan cī lɔc ku dɔc.

Jethu ɛ kɔc Galilia lɛk wɛt Nhialic
(Mk 1:35-39)

⁴² Naɣɔn nhiäk riɛl, akɛc piny bak ke Jethu jiəl baai ku le tɛde ɛ rot. Go kɔc juɛc la wic. Nawən lek yök, gokɛ lõŋ bī rɛər Kapernaum ku cīi ke nyiëəŋ piny.

⁴³ Go bɛər, “Yen adhil Wɛt Puəth Yam rin bääny Nhialic la piəɔc bɛəri kök yiic aya, yen ɛ kən tuuc ya ba bən looi.”

⁴⁴ Go pan Galilia kuany yic ke piöoc kɔc tən amat.

5

Kɔc cī Jethu kaŋ buəɔth
(Mt 4:18-22; Mk 1:16-20)

¹ Yən akäl tök tɛwən piöoc Jethu wär cɔl Jenetharet yəu, ke kɔc juɛc apɛi wɛt bik wɛt Nhialic bən piŋ.

² Go riäth karou tŋ agör yəu ke cī aməi nyääŋ piny ku jiəlkɛ bik biaiken la thuak.

³ Go Jethu thuɛt riän tök yic, ku ɛ ye riän mony cɔl Thaimon, ku lɛk ye bi piɛk wūr tɛthin-nyɔt. Ku jəl nyuc riäi yic ku piöoc kɔc.

⁴ Nawən cī thök ɛ jam, ke lɛk Thaimon, “Gɛrkɛ riäthkun tɛthiəŋ ku cuatkɛ biaikun bək rec dɔm.”

⁵ Go Thaimon bɛər, “Bəny, yök aaci ruu mäi wən akəu ku acin kɛ cuk dɔm. Ku na ca lueel, ka buk cuat.”

⁶ Ku cuatkɛ buai. Gokɛ rec juɛc apɛi dɔm abi buai yiic duər rɛet.

⁷ Gokɛ aməiken kök tɔ riän dɛt yic cɔl bik ke bən kony. Gokɛ bən, ku tekkɛ rec riäth karou yiic ku thiəŋkɛ kedhie abik duər diir.

⁸ Nawən tŋ Thaimon kɛ cī rot looi, ke gut yenhiəl piny Jethu nhom ku lueel, “Bəny, jəl tənə ya, yen ɛ raan la guəp adumuəɔm.”

⁹ Rin yen Thaimon, ku kɔc awən mɛi kek ye aake cī gäi rec juɛc cik dɔm.

¹⁰ Ku kɔcken cath kek ye Jemith ku Joon, wɛət Dhubedi, aake cī gäi aya. Go Jethu lɛk Thaimon, “Duk riöc, ɛmən le tuel aa kɔc kek aaba ya dɔm.”

¹¹ Gokɛ riäth yɔc wär thok ayeer, ku nyiëəŋkɛ kəriëec ɛbən piny ku buəthkɛ Jethu.

Jethu acä atuet cɔl apual
(Mt 8:1-4; Mk 1:40-45)

¹² Yən akäl tök Jethu ɛci la keny gen dɛt, ku raan cī tuet ɛ tɔ thin. Nawən tŋ Jethu ke gut yenhiəl piny ku lõŋ, “Bəny anjɛc aləu ba ya kony ba pial, kony ya.”

¹³ Go Jethu njääŋ nyinde tŋ ku wic bī kony. Ku jət yecin ku gɔt ku lueel, “Awiɛc, piaalə!” Kaam thiin awən ke tuet jiəl.

¹⁴ Ku cɔl Jethu ajiiəl ku thɔn apɛi, “Duk kənə la lɛk raan dɛt. Ləər ku nyuəth rot raan kək Nhialic, ku bī caath, ku juar kəŋ cit tɛ ye lõŋ Mothith ye lueel thin, bī raan ɛbən ɲic lɔn cī yin pial.”

¹⁵ Ku tɛwən cī Jethu ye cak thɔn kəya, ke wɛt go thiəi piny abi kɔc juɛc aa guər tənə Jethu bik piəɔcde bən piŋ, ku kony ke bik pial.

¹⁶ Ku ye la tɛde ɛ rot tɛ cin yic kɔc ɛ rɛər thin bī la röök.

Jethu acī raan cī ruai kony
(Mt 9:1-8; Mk 2:1-12)

17 Nawön akäl tök, ke kəc kək akut Parathī, ku kəc piöök lööŋ nyuc bīk piŋ tē piöök Jethu kəc thīn. Ku aake bō bēēi yiic Galilia ku Judia ku Jeruthalem. Ku Nhialic ēci Jethu yiək riel bi kəc tuany kony.

18 Kaam wən ke kəc bō ke ket raan aduany alom. Ku wīc kəc awən ket ye bīk yāth yōt tēnē Jethu.

19 Nawən cīn tē yēth kek ye tēnē Jethu rin cī yōt thiāŋ kəc, gokē la nhial ku ŋanykē yōt nhom ləŋ awən rēer Jethu thīn. Ku luεeckē raan aduany piny kek biōŋde yenhom.

20 Ku wən tiŋ yen gamdit tō ke ke, ke lueel, “Māthdiē, adumušmku aaci pāl piny.”

21 Go kəc piöök lööŋ kəc Itharel ku kəc akut Parathī wən rēer thīn, jāl tak ku luelkē kepušth, “Yeŋa kēnē Nhialic jāam gušp kēlä? Yeŋa adumušm pāl piny, ee Nhialic ē rot.”

22 Go Jethu kək yekē tak guō ŋic ku lueel, “Yeŋö ye wek ye tak lən lueel ŋen lueth?”

23 Ye kēnen puł yic kākā yiic ba lueel, ‘Adumušmku aaci pāl piny’ tēdē ke luεel, ‘Jōt rot ku cathē?’

24 Ku aba nyuōth we emēn lən le Manh Raan riel pinynhom bā adumušm pāl piny.” Ku lēk raan aduany, “Alēk yī, jōt rot ku kuany biōŋdu ku lər baai.”

25 Go rot jōt nyin yic kenhūm ke dēei kek ebēn, ku kueny biōŋden awən cī ye tāac thīn, ku ler baai ke lec Nhialic.

26 Ku jəl kuat raan tō thīn ebēn gāi ku rišöckē. Ku leckē Nhialic ku luelkē, “Yok aaci kēdiit jāŋ gōi tiŋ ya aköl.”

Jethu aci Lebī cəł

(Mt 9:9-13; Mk 2:13-17)

27 Nawən ke Jethu jiēl geeu, ku tēwən cieth yen ke tiŋ raan ajuēr kut cəl Lebī ke rēer tēden ē luəi. Go Jethu lēk ye, “Buōth ŋa.”

28 Go Lebī luəide puł ku buōth.

29 Nawən ke Lebī loi miēth paande bi yen Jethu gəŋŋ. Go kəc juēc bēn, kəc ajuēr kut ku kəc kək, ku nyuuckē ke ke bīk mīth.

30 Go kəc akut Parathī ku kəcken piöök lööŋ la ŋoomŋoom ku luelkē tēnē kəc Jethu buōth, “Yeŋö ye wek mīth ku dēkkē kek kəc ajuēr kut, ku kəc la gup adumušm?”

31 Kaam wən piŋ Jethu ē wēt kēnē, ke lēk ke, “Acie kəc puł kek akiim wīc, aa kəc tuany.

32 Ÿen akēc bēn ba kəc ye tak lən puōth kek bēn kony. Ÿen aci bēn bi kəc rεc la gup adumušm kepušth dhušk ciēn.”

Wēt löŋ thek ē miēth

(Mt 9:14-17; Mk 2:18-22)

33 Gokē bēn lueel tēnē ye, “Kəc Joon buōth aa lac thek ē miēth ku rōökkē. Ku aye kəc akut Parathī buōth looi aya, ku kəckun yī buōth aa mīth ku dēkkē.”

34 Go Jethu bēer ku lueel, “Yakē wīc bi kəc cī bēn ruāāi yic rēer ke cīi mīth? Acie tēde! Na rēer raan thiēk ke ke, ka cik loi kēya.

35 Aköl bi athiēk dəm ku nyiei keyiic, yen aköl bi kek thek.”

36 Ku ben Jethu kääŋ dēt bēn thōšth aya tēnē ke, “Acin raan bi aban alath ret wei alanh yam kōu bi la bušp ē dhiāth alath kōu.

37 Ku acin raan bi mušn abiēc ē yam pušk tōny theer yic. Na looi kēya, ke mušn abiēc yam abi tōny pušt yic, ku mušn abiēc abi luuŋ wei ku tōny abi kuem.

³⁸ Acie këya, mušn abiëc yam adhil pušk ë töny yam yic.

³⁹ Ku acin raan wïc bï mušn abiëc yam dek tē cï yen mušn abiëc cï ceñ kañ dek, abi lueel, 'Mušn abiëc ci cienj anjuëñ.'

6

Jethu acï kuc löñ aköl löñ kəc Itharel

(Mt 12:1-8; Mk 2:23-28)

¹ Naçon aköl cïi kəc Itharel ye luui, Jethu kek kacken ye buoath aake cath ke kuany dhël yic kam dum. Go kacken ye buoath rap thoñ ku koikë ke kecin, ku camkë ke.

² Go kəc akut Parathï kək lueel, "Yeñö ye wek luui aköl cï löñdan Itharel pëen bï kəc cïi ye luui thïn?"

³ Go Jethu bëer, "Këckë kë cï Debit looi wäthëer kañ kueen? Wäär nëk cok ye kek kacke,

⁴ go la luaj Nhialic ku lööm ayum yaath ci tösü tënë Nhialic ku ciem, ku gëm kacke aya bïk cam. Ku ayum këné ëci löñda pëen bï kuat raan ë path cïi cam. Ee raan kək Nhialic yen ë ye cam ë rot."

⁵ Ku wit Jethu wëtde ëlä, "Manh Raan ë bëny këriëc ëbën agut aköl löñ."

Jethu acï mony cï cin ruai kony

(Mt 12:9-14; Mk 3:1-6)

⁶ Naçon aköl dët, aköl cïi kəc ye luui ke Jethu la tën amat kəc Itharel ku piöc. Ku mony cï cin cuëc ruai ë tō thïn.

⁷ Go kəc kək piöc lööñ Mothith, ku kəc kək akut Parathï ke tō thïn wïc bïk tïñ, lön bï Jethu mony këné kony bïk la luəm, rin cï yen ye kony aköl cïi kəc ye luui.

⁸ Ku Jethu ë ñic kë tō kepuoath, go lək mony awën cï cin ruai, "Jot rot ku bäär tuenj tën kəc nhïim." Go bën ku këëc.

⁹ Go Jethu ke thiëc, "Yeñö ye löñda päl yo buk looi aköl cïi kəc ye luui? Ye këpath aye kërac, bï raan kony bï pïr, kua pël wei bï thou?"

¹⁰ Ku döt ke ëbën ku lək mony awën cï cin ruai, "Nyoth yicin." Go yecin nyooth. Go ciënde piath.

¹¹ Tëëné, go kəc ater Jethu puoath riääk apei, ku matkë kë bïk looi tënë ye.

Jethu acä atuuc kathiäär ku rou kuany

(Mt 10:1-4; Mk 3:13-19)

¹² Naçon akäl tök ë ninkä yiic, ke Jethu la gət nhom tē cïi ceñ bï la röök, ku jol ruu röök tënë Nhialic.

¹³ Nawën bak piny ke cöl kacken ye buoath, ku kuany raan thiäär ku rou keyiic ku ciëk ke ke cal atuuc.

¹⁴⁻¹⁶ Kəc ke cï kuany ayï, Thaimon (cï Jethu bën cäk ke cöl Pïter), Andria (mënh koor ë Thaimon), Jemith, Joon, Pilipo, Bartholomeo, Lebï, Thomath, Jemith wën Alpawuth, ku Thaimon (raan la puöu ater), Juda wën Jemith ku jol a Juda Ithkariöt, raan wäär cï Jethu bën luəm bi däm.

Kəc juëc aa Jethu buoath

(Mt 4:23-25)

¹⁷⁻¹⁸ Go Jethu bën piny ku këëc tēthöñ nhom gət cok kek kacken ye buoath, ku kəc juëc kək ke bō Judia ku Jeruthalem. Ku kəc bëëi kək tō wärköu cïmën Tire ku Thidon, aake cï bën bïk bën piñ piöc Jethu, ku bï ke bën kony tueny tō kegup. Ku kəc ke la gup jakrac aake cï bën aya go Jethu ke kony.

¹⁹ Ee wïc kuat raan ebën bī gəot, rin riel yen kəc kony bīk pial ē ye yök yeguəp ē path tō ci ye gəot.

Kəŋ miət ē puəu ku rēec ē puəu
(Mt 5:1-12)

²⁰ Go Jethu yenhom wəl kəcken ye buəoth ku lueel,
“Wek aa mit gup wek kəc ŋəŋ, rin ye bääny Nhialic kədun!

²¹ Wek aa mit gup wek kəc nək cək emən, rin wek aabi kuəth aköldä!
Wek aa mit gup wek kəc dhiau emən, rin wek aabi dəl.

²² Wek aa mit gup tō mēen week, ku cop week wei ku lat week,
ku yekē kuc week ciət yakē jakrəc rin ye wek kackiē yen Manh Raan!

²³ “Wəthēer wärken dīt aake ci kək cīt kəkä looi tənē kəc kək Nhialic tīŋ.
Kəya, tē looi kəkä röt tənē week, ke we mit puəth rin wek aabä ariəp dīt yök tənē Nhialic.

²⁴ Tē rēc yen thīn tənē week, wek kəc ci jak emən,
rin ci wek pīr path yök thīn.

²⁵ Tē rēc yen thīn tənē week, wek kəc ci kuəth emən, rin wek aabi cək nək.
Ku tē rēc yen thīn tənē week, wek kəc dal emən,
wek aabi tōu tiəp nhom ku dhiaaukē!

²⁶ Ku tē rēc yen thīn tənē we tē bī kəc ebën jam kəpath ē rienkun,
rin wärken dīt aake ye jam kələ,
wəthēer tənē kəc aa lueth röt cal aye kəc kək Nhialic tīŋ.

Nhiar kəc man yī
(Mt 5:38-48; 7:12)

²⁷ “Ku wek alək kənē wek kəc piŋ wəlkiē, Nhiarkē kəc aterdun, ku yakē kəpath looi tənē kəc man we.

²⁸ Thiēc Nhialic bī kəc ye wïc diət yī yök kərəc dəoc, ku rəök rin kəc yī bui.

²⁹ Tē maŋ raan yīgēm, ke wəl gēm dēt aya. Kəya cīmən ē kənē, na wïc raan alath tənē yī ke duk pən alanh dēt aya.

³⁰ Na wïc raan kədāŋ tənē yī ke gām ye, ku duk raan ci kədu nyaai thiēc bī cool tənē yī.

³¹ Loi kəpath tənē kəc kək cīmən nhiēer yīn kəpath bī looi tənē yī aya.

³² “Na ye ke nhiaar kəc nhiar yī kepəc, ke yī yök ləc Nhialic? Ayī kəc kərəc looi aa nhiar kəc nhiar ke aya.

³³ Ku na ye kəpath looi tənē kəc kəpath looi tənē yī kepəc, ke yī yök ləc Nhialic? Ayī kəc kərəc looi aa kəpath looi tənē kəc nhiar ke.

³⁴ Ku na ye kədu gam tənē raan ye ŋəoth ciət bī cuəöt aköldä, ke Nhialic mit puəu tənē yī? Agut kəc kərəc looi aa kəkken gām kəc rəc kək cīt ke, rin ye kek ye tak ciət kəkken bī dhuək ke ebën aköldä.

³⁵ Na ye kəya, nhiar kəc aterdu, ku loi kəpath tənē ke. Yakē kəkken gam ē path ku duəkkē ye ŋəoth lon bī we cuəöt. Wek abä acut dīt apēi yök. Ku wek aabi ya miəh Nhialic Madhəl, rin alir puəu tənē kəc ebën, agut kəc na cək kəpath looi tənē ke, ke cīi ke tīŋ puəth, ku kəc rac aya.

³⁶ Liəkē puəth cīmən ye Wuurdun puəu liēr.

Duəkkē kəc ye luək wei
(Mt 7:1-5)

³⁷ “Duəkkē kəc ye luək wei bī Nhialic we cīi ye luək wei. Duəkkē kəc kək ye tēm awuəc bī Nhialic we cīi ye tēm awuəc. Pälkē wēt piny tənē kəc kək bī Nhialic wēt päl piny tənē we.

38 Na ye kɔc kɔk muɔɔc ke Nhialic abī muɔɔc aya. Abā athēmdīt cī cienku lēu bīk muk yiēk yī, rin kāk ye looi tēnē kɔc kɔk, kek aabi Nhialic looi tēnē yī.”

39 Ku lēk Jethu ke kääŋ ēlä, “Lēu raan cī cɔɔr bī cɔɔr dēt thel? Cīk lēu bīk lööny adhuŋm yic kedhie?”

40 Acīn manh piöoc dīt tēnē raanden piöoc. Ku manh piöoc na le piöocde thöl ka cit raanden piöoc.

41 Yenö ye yīn kēreec dīt ye looi kuc, ku ye tīŋ kēreec cī wāmuuth looi?

42 Acī lēu ba wāmuuth wēēt bī kēreec thīn ye looi puöl, tē cī yīn rot kəŋ wēēt ba käreec ye looi puöl. Awēēŋkui! Kanjē käreec yakē ke looi puöl, ku abāk lēu bāk wāmāthkun jāl wēēt bīk käreec thii yekē ke looi puöl.”

43 Ku la Jethu tuen ku lueel ēlä, “Tim cī cil tēpath acie luək mīth reec, ku tim cī cil tērac acie luək mīth path.

44 Kēya, tim aye ŋic ē miēthke. Acī lēu ba mīth tim dēt la kuany tim dēt cök.

45 Raan path ē luui kāpath, rin kāpuoth tō yepušu. Ku raan rac ē luui käreec, rin käreec tō yepušu. Wēl ye ke lueel, aa kāk tō yīpušu nyuōoth.

Kääŋ rin kɔc karou cī bēēi keer

(Mt 7:24-27)

46 “Yenö ye wek ya cɔɔl, ‘Bēny, Bēny’ ku wek aa cie kē ca lueel ye looi?”

47 Kwat raan ē bēn ku piŋ wētdiē ku theek ya ku looi,

48 acīt raan cī yōnde ŋiec buth tēthōny. Nawēn la aboor bēn, ku cək piū yöt g53l piny, ku yöt cī yic cək pāk rin cī ye ŋiec buth.

49 Ku raan wēlkiē piŋ ku cī ya thek bī ke looi, acīt raan yöt buth tō ye aboor tēek. Na la aboor bēn ke wit yöt!”

7

Jethu acī raan lui pan bēny apuruuk kony

(Mt 8:5-13)

1 Tēwēn cī Jethu kēnē wic bī lēk kɔc thöl, ke la Kapernaum.

2 Ee gen kēnē raan lui pan bēny apuruuk ē tuany, ka tiit piny. Ku bēny ē nhīar raanden luoi apēi.

3 Nawēn piŋ Jethu, ke toc kɔcdīt Itharel bīk Jethu la thiēec bī bēn bā aluonyde bēn kony.

4 Gokē la tēnē Jethu ku lāŋkē ku luelkē ēlä, “Apath ba bēny apuruuk kēnē kony.

5 Anhiar kackua, ku ē yen buth tēdan ye yok mat thīn.”

6 Go Jethu la ke ke. Ku kaam wēn bī yen baai dööt, ke bēny apuruuk toc māthke bīk la lēk ye ēlä, “Bēny, duk rot nāk cāth rin yen acie raan path nadē ke yī bō atīemdiē yic.

7 Ku yen akēc la tēnē yī rin ŋic yen ye lōn ye yen raan rac. Luel wēt ē path ku aluonydiē abī pial.

8 Rin yen aya, yen arēēr bānydīt cök, ku yen ala apuruuk rēēr yacök. Aya lēk ŋek, ‘Lɔɔr!’ Ka la, ku lēk ŋek, ‘Bäär tēn,’ Ka bō, ku aya lēk aluonydiē, ‘Loi kēnē!’ Ka looi.”

9 Go Jethu gāi wēn piŋ yen wēlkā, ku wēl yenhom thān awēn buoth ye ku lueel, “Acīn raan ca kanj yök kam kɔc Itharel la gam cit gam ē mony kēnē.”

10 Nawēn dhuk kɔc awēn cī tooc baai, ke yök alony bēny ke cī pial.

Wēn lēer gen Nain cī thou acī pīr

11 Nawën ke Jethu la gen Nain, ku ë cath kek kacken ye buoath ku kac juëc käk.

12 Nawën dötkë geu ke räm kek kac ket raan cī thou. Ku raan cī thou ë ye wän tōŋ. Ku kac juëc aake cath kek tiŋ lëër kënë.

13 Nawën tiŋ Jethu tiŋ kënë, ke ŋeɛɛ yic ku lëk ye ëlä, “Duk dhiau.”

14 Ku lëk kac bik kööc ku goot biöŋ awën cī raan kuäm piny, ku lueel, “Riënythii, jöt rot.”

15 Go riënythii awën cī thou rot jöt ku jiëem ku cäl Jethu ajiël kek man.

16 Go raan ëbën riöc ku leckë Nhialic ku luelkë, “Raan käk Nhialic tiŋ ril apeɪ acı tuäl ë kamkua. Ku Nhialic acı bën bi kacke bën lušk.”

17 Ku jöl kë cı Jethu looi piŋ raan ëbën pan Judia, ku wuöt käk thiääk ke ye.

Joon acı kacke tuëc Jethu

(Mt 11:2-19)

18 Go kac Joon buoath käk kith ye lueel rin Jethu lëk Joon. Go kac karou kamken tuöc tënë Jethu bik la thiëc ëlä,

19 “Ye yin raan bi bën aye raan dët yen buk tiit?”

20 Nawën yëëtkë tënë Jethu ke luelkë, “Joon raan kac muöc nhüim acı yo tooc buk yi bën thiëc, ee yin raan bi bën aye raan dët yen buk tiit?”

21 Ku kaam awën thiëc kek, Jethu ë kony kac juëc tuany apeɪ, ku kac cı jakɛɛc däm. Ku kac cı cöör.

22 Go wët den bëër ku lueel, “Lak ku lëkkë Joon käk cäk tiŋ ku käk cäk piŋ, cöör acı bën daai ëmën, ku aduany acı ya cath ku kac cı tuet acı tuet jal kegup, ku miŋ acı ya piŋ, ku kac cı thou aacı röt jöt. Ku Wët Puoath Yam alëk kac ŋöŋ nyin.

23 Ku raan mit guöp ë raan cie puöu ë rou wëtdië yic.”

24 Nawën cı kac Joon jäl, ke Jethu jam ku tët kac Joon, “Ye raan yindë yen cı wek la ror cii ceŋ bäk la tiŋ? Ye raan puäl yic ye wel nhom ë path cimën ye yom aruöör wel nhom?”

25 Ye raan yindë yen cäk la tiŋ? Ye raan ceŋ alëth path apeɪ? Kac ciëŋ alëth dhëŋ ku yekë miith path cam akölaköl aa kac pan bënydit.

26 Lëkkë ya, yeŋö cäk la tiŋ? Ye raan käk Nhialic tiŋ. Ee yic. Ku alëk we, yeen adit tënë raan käk Nhialic tiŋ.

27 Rin Joon yen aye athör theɛɛ wël Nhialic jam rienke ëlä, ‘Ÿen abi raan tök kam kac käkkië lueel, cäl alëk kac bi dhël la guir tënë yin.’ ”

28 Ku ben Jethu lëk ke ëlä, “Acin raan kuat kac cı dhiëëth pinyinhom düt tënë Joon. Ku yeen aŋot wër raan koor tō bääny Nhialic yic.”

29 Kuat kac cı wëtde piŋ, agut kac ajuër kut aacı këpuoath looi Nhialic ŋic, ku cälkë röt aa muöc Joon nhüim.

30 Ku kac akut Parathi ku kac piöc lööŋ Mothith, aacı jai kë wic Nhialic bi guir tënë ke, rin cı kek kuac bi Joon ke cii muöc nhüim.

31 Ku ben Jethu thiëc, “Yeŋö ba thöŋ kek riëc akölë? Thöŋkë kek ŋö?”

32 Keek aa cıt miith cı kenhüim mat laar yic leŋ kegup, ye lueel ëlä, ‘Ÿok aacı waak pëth ye keek ket tē looi ruääi ket, ku wek aa këc dier!

Ÿok aacı käk ye looi thuöu yic thöŋ, ku wek aakëc dhiau!’

33 “Rin Joon raan kac muöc nhüim ëcie bëëi kuany yiic ke miith ku dëk ë möu, ku ayakë lueel, ‘Lön le yen guöp jöŋrac!’

³⁴ Ku Manh Raan aci bën ku ye mïth kek kɔc ku dëk ke ke, ku ayakë lueel, 'Jethu akok, ku a dëk määu. Ku amääh kek kɔc ajuër kut ku kɔc la gup adumušm!'

³⁵ Ku luoi puoθ Nhialic ë rot nyuoθh kāk ye kɔc ke buoθh yiic looi."

Tij rac cī jāl piath

³⁶ Nayon akāl tōk ke raan tōk kɔc akut Parathī cōl Jethu bīk la mïth. Go Jethu la pan raan akut Parathī ku nyuuc bī mïth.

³⁷ Nawën piñ tij adëjōök, ηic γευ yic ëbën, lōn cī raan akut parathī Jethu caal paande, ke bō kek tōny koor cī cuëc tiam ril apēi, la yic miök ηir ye γooc wëü juëc apēi.

³⁸ Ku le γōt, ku nyuuc Jethu löm, ku dhieeu ke cie nhom gušt Jethu cök. Go piu awën dhieeu yen Jethu luak cök. Goke weec nhimken nhom. Ku ciim cök ku tɔc cök miök ηir awën muk.

³⁹ Nawën tij raan akut Parathī wën cī Jethu goñj ë kënë, ke jam yetök ëlä, "Na mony kënë ye raan kāk Nhialic tij, ηušt aci tij ye gošt ηic, ye tij yindë, rin adëjōök."

⁴⁰ Go Jethu wët Thaimon guo ηic ku lueel tënë ye, "Thaimon! Ala kë wiëc ba lëk yī. Päl yiyic piny." Go bëër, "Ye kënë ηō, Raan ë piöc?"

⁴¹ Go Jethu lëk anyikōl kënë, "Monytui ë kōny kɔc karou. Raan tōk kek wëü ye dōm raan rušön tōk, ku raan dët kek wëü ë pen tōk.

⁴² Ku akëckë lëu kedhie bīk wëü cool. Go wëü puöl, ku cī ke ben kōñny. Na ye yī, yeña kamken bī mony kënë nhiaar apēi?"

⁴³ Go Thaimon bëër, "Aya tak ë raan cī wëü juëc päl piny tënë ye." Go Jethu bëër, "Këdu ë yic!"

⁴⁴ Ku wël yenhom tik ku lëk Thaimon, "Ca kë looi ë tij tënë γa tij? γen aci bën paandu ku yin akëc γa yiëk piu ba cök lɔk. Ku yen tij ë acā lɔk cök piuken nyin, ku wuuny ke nhimken nhom.

⁴⁵ Yin akëc γa ciim wën bī yen cit tē ye miäth kɔc ë cieηda yic. Ku yeen ë γa ciim cök ëmën ku ëmën, tēwën rëer yen ë tēn.

⁴⁶ Yin akëc γa cak lor apath ba tɔc nhom, ku yeen acā tɔc cök miök ηir.

⁴⁷ Ku alëk yī lōn nhiërdit cī nyuoθh thün aye nyooθh aya lōn cī adumušmken juëc päl piny. Rin raan cī kāklik päl piny tënë ye, ee nhiër koor nyuoθh."

⁴⁸ Ku lëk tik, "Adumušmku aaci päl piny."

⁴⁹ Go kɔc awën mïth kek ye aa jiem wei ku yekë lueel ëlä, "Yeña kënë jam lōn ë yen adumušm päl piny?"

⁵⁰ Ku ben Jethu lëk tik, "Gamdu aci kony. Lɔor ke döör Nhialic."

8

Diäär ke ye cath kek Jethu

¹ Nawën ke jiel, ku kueny gëeth yiic ku bëëi ke piöc Wët Puoθh Yam rin bäany Nhialic. Ku atušcke kathiäär ku rou aake cath kek ye.

² Diäär juëc aake cath kek ye aya. Diäär kōk kamken aake cī Jethu kony jakrëc ku tuaany, Maria Magdalena cī jakrëc kadhoroγ jāl yeguöp.

³ Ku Joanan tij mony cōl Kudha raan kāk pan bëny Antipāth γërot tiit, ku Thuthana ku diäär juëc kōk ë Jethu kek kocken ye buoθh kony wëëuken.

Kääj dom path ku dom rac

(Mt 13:1-9; Mk 4:1-8)

⁴ Go kɔc juëc aa guëer tënë Jethu gëeth yiic, go ke lëk kääj kënë,

⁵ “Raan puŕ ěcĭ la dom bĭ la pur. Ke wĕn ye yen rap wĕer dom yic ke kŕth abĕk lŕony dhŕl yic tĕ ye kŕc tĕek thĭn, ku tet diet ke aya.

⁶ Ku lŕony kŕth kŕk alĕl nhom tĕ koor tiŕp thĭn. Nawĕn ciilkĕ, ke ke go gu riau rin kĕc mĕiken yet piny apath.

⁷ Ku lŕony kŕth abĕk tĕ ye tiim la kuŕoth cil thĭn, na la tiim juäk ke ke dec rap ku cĭk lok apath.

⁸ Ku lŕony kŕth kŕk tiŕm path yic, ku ciilkĕ ku lokkĕ apath ke dĭt nhĭim apĕi.”
Ku wit Jethu lŕnde ělä, “Piĕnkĕ tĕ le wek yĭth.”

Wĕt thŕŕth ě kŕäŕ

(Mt 13:10-17; Mk 4:10-12)

⁹ Go kŕcken ye buŕŕth thiĕĕc, “Kŕäŕ kĕnĕ wĕtde yic yeŕŕŕ?”

¹⁰ Go Jethu bĕĕr, “Wek anyuth Nhialic bŕänyden cäk ŕic thĕer. Ku kŕc kŕk aabi kŕŕ ŕic ě kĕŕ ya lĕk ke yiic, rin na cŕk alŕn ye kek daai, ka cĭi kŕŕ bĭ tiŕ. Ku na cŕk alŕn ye kek wĕt piŕ, ka cĭk bĭ deet yiic.”

Jethu acĭ kŕäŕ raan puŕ teet yic

(Mt 13:18-23; Mk 4:13-20)

¹¹ Ku lĕk Jethu ke, “Kŕäŕ kĕnĕ wĕtde yic akĭn. Kŕth cĭ com aa cĭt wĕtdĕn ya piŕŕc tĕnĕ we.

¹² Kŕc kŕk aa cĭt kŕth cĭ lŕony dhĕl yic, ye diet ke tet. Tĕ piŕ kek lŕŕ Nhialic, ke jŕŕrac bŕ ku nyĕei lŕŕ awĕn kepuŕth bik wĕt Nhialic cĭi piŕ, ku bĭ ke kony bik piŕ.

¹³ Kŕc kŕk aa cĭt kŕth cĭ com alĕl nhom, aa lŕŕ Nhialic gam nyin yic ke mit puŕth. Ku aacie kepuŕth ě dĕet, aa lŕŕ Nhialic guŕ wai wei tĕ nĕk ke rin wĕt Nhialic.

¹⁴ Kŕc kŕk aya aa cĭt kŕth cĭ lŕony tĕ ye tiim la kuŕoth cil thĭn, keek aa lŕŕ Nhialic piŕ. Ku kŕjuĕc ke diir rin piŕ pinyinhom ě tĕn, nhiĕr jĕek ku kŕpuoth yekĕ wĭc kepuŕth aa bĕn thĭn, ku rĕckĕ lŕŕ Nhialic kepuŕth.

¹⁵ Ku kŕc kŕk aa cĭt kŕth cĭ puur tiŕm path yic. Keek aa lŕŕ Nhialic piŕ ku gamkĕ apĕi, ku kŕjuĕc path aaye yŕk tĕnĕ ke rin ye kek kepuŕth dĕet.”

Kŕäŕ ě mermer

(Mk 4:21-25)

¹⁶ Ku ben lĕk ke, “Acĭn raan cĭ mermer kaŕ yŕth yŕt ku kum nyin, tĕdĕ ke tĕu agen tŕc cŕk. Aye tŕsu yŕt ciĕl yic rin bĭ yŕt amer yic tĕnĕ kŕc bŕ yŕt.

¹⁷ Kĕriĕĕc ěbĕn cĭ thĕaan abĭ bĕĕi bei kŕc nhĭim, ku kĕriĕĕc ěbĕn cĭ kum nhom, abĭ yĕth ayeer ruĕl yic.

¹⁸ Piĕnkĕ ku dĕtkĕ apath tĕ ye wek wĕl piŕ, rin raan la kĕdŕŕ abĭ bĕn muŕc, ku na ye raan cĭn kĕdŕŕ, ke kĕthiin ye tak lŕn tŕ yen tĕnĕ ye, abĭ nyaai aya.”

Man Jethu ku wŕmŕthakĕn acĭ Jethu nyaai

(Mt 12:46-50; Mk 3:31-35)

¹⁹ Go man Jethu kek wŕmŕthakĕn bĕn tĕnĕ ye, ku cĭn tĕ le kek tĕnĕ ye rin juĕc kŕc yŕŕt apĕi.

²⁰ Go raan tŕk lĕk Jethu, “Moor ku wŕmŕthakui aa kŕäc ayeer, ku aa wĭc yĭ.”

²¹ Go Jethu lueel tĕnĕ ke, “Ma ku wŕmŕthkiĕ aa kŕc wĕt Nhialic piŕ ku loikĕ.”

Jethu acĭ yom cŕl akŕäc

(Mt 8:23-27; Mk 4:35-41)

22 Naγon akäl tök, ke Jethu la riäi yic kek kocken ye buoath ku lëk ke, “Lok teemku wär alon̄tui.” Gokë riäi geeer wäär.

23 Tëwën gër kek, ke Jethu go nin. Kaam awën niin yen ke yomdit apēi jöt rot, ku loi atiaktiak rot abi riäi duër thiäŋ pīu, ku duërkë diir.

24 Gokë puöc ku luelkë, “Bänyda, Bänyda! γok aa moūu.” Go Jethu rot jöt ku rël yom ku atiaktiak. Gokë köc ku la wär dil.

25 Ku thiëc ke, “Të gamdun tēnen?” Gokë nhüim la cöt ku riöckë riëldit cit kënë, ku jīemkë kamken, “Ye raan yindë kënë, na cök a yom ku atiaktiak ë ke piŋ wëtde?”

Jethu aci raan la guöp jakrec kony
(Mt 8:28-34; Mk 5:1-20)

26 Gokë wär Galilia teem ku lek tö cöl Jeratha tö wär Galilia alon̄tui.*

27 Tëwën keec Jethu piny riäi yic, ke mony ë gen kënë la guöp jakrec bö tēnë ye. Mony kënë ëcie ceŋ alëth ku ëcie rēer baai, ee ye rēer rēŋ nhüim.

28 Nawën tŋ Jethu ke lor nhom ke loi wuöu, ku cuet rot piny yenhom ku looi kīeu apēi, “Jethu, wën Nhialic Madhəl yenjö wic ba looi tēnë ya? Yin alän duk ya tēm awuöc.”

29 Ee jam kälä rin cī Jethu jon̄rac yöck bi jal yeguöp. Ee ye jon̄ kënë dam arak juëc, na cök ðer piny bi rek cin ku cök ku tit, ke ŋot ke tueny ku dhon̄ luöŋ köth yecök. Ku yëth jök roor tē cī ceŋ.

30 Go Jethu jäl thiëc, “Cöl yi ŋa?” Go bëer, “γok aa kut.” Ee luel këya rin cī jak juëc la yeguöp.

31 Go jakrec jam ku lēŋkë Jethu bi ke cī cop tēthuth dit yic, ye kōc rēc yäth thīn.†

32 Ku duut ðir baai ë nyuäth gōt cök ë tēn awën. Go jakrec Jethu lōŋ bi ke cöl aa la ðir gup. Goke puöl.

33 Go jakrec bēn bei yeguöp ku lek ðir baai gup, ku riŋkë agör yic, ku thootkë wäär ku moukë ëbën.

34 Nawën tŋ röör ke biöök ðir kë cī rot looi, ke kat bik wët la lëk kōc rēer geeu ku kōc tö bëer yiic.

35 Go kōc ëbën jal wēt bik kë cī rot looi la tŋ. Nawën lek yet tēnë Jethu, ke yök mony wäär la guöp jakrec ke cī nyuc Jethu cök, ke ceŋ alëth, ke la nhom cök. Gokë riöc.

36 Ku kōc ke cī kënë tŋ, aaci tē cī mony la guöp jakrec kuony thīn la lëk kōc kōk.

37 Go kōc Jeratha ëbën riöc, ku lëkkë Jethu bi jäl panden. Go Jethu la riäi yic ku dhuk.

38 Go mony wën cī Jethu jakrec cöl ajiël yeguöp, Jethu thiëc bi cath kek ye. Go Jethu jai ku lëk ye,

39 “Lōr baai tēnë kacku ku lëk ke käjuëc cī Nhialic looi tēnë yī.” Go mony kënë jäl ke kuany geu yic, ke ye kōc lëk kāk cī Jethu looi tēnë ye.

Jethu aci tik kony ku cöl nya aben p̄r
(Mt 9:18-26; Mk 5:21-43)

40 Wën cī Jethu tem ku dhuk wär alon̄tui, ke lor kōc juëc apēi, kōc ke tit ye.

41 Tëwën ke mony cöl Jariöth, bëny tēnë amat kōc Itharel bö aya. Nawën tŋ Jethu, ke cuet rot piny yecök ku lēŋ bi la paande,

42 rin nyanden tōŋ ye ruŋke thiäär ku rou ëci dhal apēi. Go Jethu gam ku lööny dhöl. Ku buoath kōc juëc ke cik kum apēi.

* 8:26 Jeratha acöl Gadara aya, tŋ Mt 8:28 † 8:31 Eye tak lōn jakrec aaye mac piiny tēthuth bi ke jal tēm awuöc.

⁴³ Ku tiŋ tuany kəc thəkde kəu kaŋ tɛɛm rušən thiäär ku rou ɛ tɔ kəc yiic. Ku yeen ɛci wəu juəc gām akim, ku acin akim tōŋ ci tuaanyde cəl anuɛɛn.

⁴⁴ Go bən Jethu kəu ku gəot alanhde thok. Go riem kəoc nyin yic.

⁴⁵ Go Jethu thiəc, “Yeŋa cā gəot?” Nawən cin raan gəm ye rot, go Piṭer lueel, “Bəny aa kəc juəc ci kum kek aa yi pik.”

⁴⁶ Go Jethu bən lueel, “Ala raan cā gəot rin aca ŋic lən le yen raan ca kony?”

⁴⁷ Nawən tiŋ tiŋ awən lən ci ye ŋic, go bən tənə Jethu ke ci rišoc, ke ləth ku cuet rot piny yecək. Ku lək Jethu, kəc nhīm ɛbən yen kənə gəot yen ye, ku tɛ ci tuaanyde guə ŋuɛɛn thiŋ ɛ kaam thiin awən.

⁴⁸ Go Jethu lueel tənə ye, “Nyaandiɛ gamdu aci kony. Ləor, ke dšor Nhialic.”

⁴⁹ Kaam wən jicem Jethu, ke raan riŋ pan Jariəth ku lək ye, “Nyaandu aci yet wei, duk raan piöoc ben rāam nhom.”

⁵⁰ Ku Jethu ɛci wət ɛ mony piŋ, go lək Jariəth, “Duk rišoc, dɛet yi puəu ku gam wət yic. Nyaandu abi pial.”

⁵¹ Wən yeet yen baai, ee cin kəc ci puəl bik la yot kek ye, ee Piṭer ku Joon ku Jemith, ku jəl aa wun ku man meth kepeɛc.

⁵² Təwən le Jethu yot, ke yök kəc ke nək röt, ke dhiau. Go lək ke, “Duškkə dhiau. Meth akəc thou, anin.”

⁵³ Gokə dəl guəp rin ŋic kek ye lən ci yen thou.

⁵⁴ Go meth dəm cin ku lək ye, “Manhdiɛ jət rot.”

⁵⁵ Go wəike dhuk ku jət rot nyin yic. Ku lək Jethu ke bik yiək miəth.

⁵⁶ Go kəc ke dhiəth meth gai apeɪ, ku thən Jethu ke bik kə ci rot looi ci lək kəc kək.

9

Jethu acā atušcke kathiäär ku rou tooc

(Mt 10:5-15; Mk 6:7-13)

¹ Ku cəl Jethu kəc ye buəth kathiäär ku rou, ku yik ke riel bi kek jakreɛ aa la cuəp wei, ku riel bi kek kəc cəl aaye pial aya,

² ku tooc ke bik aa la piöoc wət bääny Nhialic ku konykə kəc tuany.

³ Ku lək ke, “Duškkə muk kək la keny, cimən wai ku jəkəo ku miith yakə cam dhöl yic, ku wəu ku duškkə muk aləth kək.

⁴ Yakə rəer pan ye we lor thiŋ yet tɛ bi wek jəl.

⁵ Ku na ye pan ci we lor thiŋ, ke we jiəl ku tanjə wecək, bi nyooth lən ci wek kuɛc ɛ ke.”

⁶ Go atuuc jəl, ku kuɛnykə bəei yiic ke piöoc Wət Puəth Yam ku konykə kəc bik pial kuat pan ci kek la thiŋ.

Antipäth Yərot aci diɛr

(Mt 14:1-12; Mk 6:14-29)

⁷ Antipäth Yərot, bənydit pan Galilia, ee ci kajuəc loi röt piŋ ɛbən. Go diɛr rin ɛ ye kəc kək lueel lən Joon raan wäär kəc muəoc nhīm aci bən piŋ.

⁸ Ku lueel kəc kək ɛ Elija yen aci bən tuəl, ku kəc kək ɛ yekə lueel, lən ɛ yen raan tək kam kəc kək Nhialic tiŋ yen aci bən piŋ.

⁹ Go Antipäth Yərot lueel, “Yen aci Joon cəl atəem nhom bei! Yeŋa kənə ye yen wəlke piŋ ɛ bak?” Ku ɛ wic bi rəm kek ye.

Jethu aci miəth koor juak bi kəc juəc cam

(Mt 14:13-21; Mk 6:30-44; Jn 6:1-14)

¹⁰ Go atuuc Jethu dhuk ku lëkkë käk cïk looi ëbën. Ku jiëlkë ë röt ku lek gen cöl Bethaida.

¹¹ Nawën piñ kəc juëc të cï yen la thïn, ke buoθhkë. Go Jethu ke lor ku jïem tënë ke rin wët bäany Nhialic, ku kony kəc cï ye thiëc, bïk pial.

¹² Nawën la piny cuöl, ka atuöccke kathiaär ku rou bō tënë ye ku luelkë, “Cöl kəc aa jiël bïk la bëëi yiic bïk la wïc të niin kek thïn, ku lek γoac miëth camkë, rin të rëer γok thïn ë ror cïi ceñ cïn kë kuany thïn.”

¹³ Go Jethu bëër, “Miackë ke miëth.” Gokë lëk ye, “Käk mukku aa yuöp kadhïc ku rec karou. Wïc buk miëth γoac tënë ë kəc juëckä?”

¹⁴ Kəc ke tō thïn aake röör tiim kadhïc. Go lëk kacken ye buoθh, “Calkë kəc aa nyuc, thiär dhiëc akuöt tök yic.”

¹⁵ Go kəc ye buoθh kəc cöl anyuc piiny këya.

¹⁶ Go ayuöp awën kadhïc ku rec karou lööm ku döt nhial ku leec Nhialic. Ku bëny ayuöp yiic, ku gëm ke kacken ye buoθh bïk ke tek agut rec tënë kəc.

¹⁷ Ku mïthkë abï miëth ke göök, ku jöl kacken ye buoθh awuthueei ayuöp ku rec cï dñj kuany gäacdït kathiaär ku rou.

Pïter aci Jethu ñic

(Mt 16:13-19; Mk 8:27-29)

¹⁸ Nayon akäl tök, tëwën röök Jethu ë rot, ke kəc ye buoθh bō tënë ye. Go Jethu ke thiëc, “Lëkkë γa, ye jāñ tak, ye γen ë ña?”

¹⁹ Gokë lueel, “Ayekë lueel lön ye yïn Joon raan kəc muöac nhïim. Ku lueel kuat dët lön ye yïn Elija. Ku kəc kək ayekë lueel, lön ye yïn raan kam kəc käk Nhialic tñj theer cï ben pïr.”

²⁰ Goke thiëc, “Na week yakë lueel lön ye γen ña?” Go Pïter bëër, “Yïin nhom guöp, yïn ë raan cï Nhialic ləc ku döac.”

²¹ Kë ca lueel ë yic Pïter. Ku thon ke apeï ëlä, “Duökkë lëk raan dët.”

Jethu ee jam Aremde ku Thuonde

(Mt 16:20-28; Mk 8:30-9:1)

²² Nawën ke lëk Jethu ke ëlä, “Manh Raan abï dhiel reem, ku abï kəcđit baai ku bäny käk Nhialic, ku jöl aa kəc piöoc löñ kəc Itharel jai, ku abïk nök, ku yeen abï nin kadiäk nök piiny ran yic ku ben jöt bi pïr.”

²³ Ku lueel tënë ke ëbën, “Na ye raan wïc bā buoθh, ka dhil nhom määär kəpuoθh bi γök piërde yic pinynhom ë tən. Ku dhil puöu riel ku buoθh γa akölaköl, cök alon wïc kəc kək ye bïk nök ë rienkië.”

²⁴ Rin raan wïc ye bi wëike kony abï muör. Ku na ye raan mär wëike ë rienkië, ka bi wëike muk akölrïëc ëbën.

²⁵ Yenö bi raan kuany thïn bi jak apeï pinynhom ku mër wëike?

²⁶ Na ye raan guöp yär ë γa ku piööcđië, ke Manh Raan abï guöp yär ye aya, aköl dhuk yen dieckde yic ku diik Wun yic, ku diik atuuc Nhialic.

²⁷ Ku le tueñ ku lueel, wek alëk yic ala kəc kək rëer ë tən, aacï bi thou agut të bi kek γa tñj, kek riel ye nyuoθh lön ye γen bëny cï Nhialic ləc.”

Jethu aci guäpde rot waan

(Mt 17:1-8; Mk 9:2-8)

²⁸ Nawën nin kabët cök cï yen kakkä lueel, ke Jethu cöl Pïter ku Jemith ku jöl a Joon, ku lek gət nhom bïk la röök.

²⁹ Tëwën röök yen ke wañ yenyin, ku yer aläthke apeï bïk la diardiar.

³⁰ Kaam thiim awën ke röör tul ku jïemkë kek ye. Ku keek aake ye yï Mothith ku Elija.

³¹ Keek aaci bɛn ke la gup dhɛɛŋ Nhialic ku jɛɛmkɛ tɛnɛ Jethu tɛ bi yen la thou thɪn Jeruthalem, rin bi yen kɛ wɪc Nhialic jəl thöl.

³² Ku Pɪtɛr kek kɔc awɛn cath ke ye, aake ye nin muɔr puɔth. Nawɛn liepkɛ kenɪn ke tɪŋ lɛc Jethu, ku rɔör karou ke kääc yelɔɔm.

³³ Nawɛn jɪl ɛ rɔörkɛ, ke lueel Pɪtɛr tɛnɛ Jethu, “Bɛny, apath buk rɛɛr ɛ tɛn. ʏok aabi duəl kadiak looi tɔk tɛnɛ ʏi, ku tɔk kek Mothiɪh ku tɔŋ dɛt kek Elija.” (Kɛnɛ jɛɛm yen kɛya, ee kuc kɛnɛ bi lueel.)

³⁴ Kaam wɛn ɲot jɛɛm yen, go kecɪt rur piny paat abi ciɛn tɛ yekɛ tɪŋ. Gokɛ riɔɔc wɛn kum rur ke piny.

³⁵ Ku piŋkɛ Nhialic ke jam luäät ʏic ɛlä, “Kɛnɛ ɛ Wɛndiɛ, yen aca lɔc, piɛŋkɛ wɛtde.”

³⁶ Nawɛn cik röl ben piŋ, ke ye Jethu yen tɪŋkɛ ɛ rot. Go kɔc Jethu buɔth kääkɛ muk kepuɔth ku cik ke lɛk raan dɛt.

Jethu aci dhɔŋ la guɔp jɔŋrac kony
(Mt 17:14-18; Mk 9:14-27)

³⁷ Nawɛn dhukkɛ piny got nhom aköl dɛɛtɛ, ke lor kɔc juɛc apɛi.

³⁸ Kaam awɛn ke raan tɔk thän awɛn ʏic, cɔt ke cie röl jɔt ku lueel, “Raan piöc, ʏin aläj bä manhdɛ tɪŋ, yen ɛ mänh tɔŋ tɔ yanhom.

³⁹ Tɛ dɔm ɛ jɔŋ ye, ka dhiau nyin ʏic, ku wit piny ku lɛth ku ʏik thok ayɔk. Jɔŋ kɛnɛ aci ʏe lac päl piny, ku aye cɔl anäk rot apɛi.

⁴⁰ ʏen aci kɔckun ʏi buɔth lɔŋ bik cuɔp wei yeguɔp, ku akɛckɛ lɛu.”

⁴¹ Go Jethu lɛk ke, “Wek kɔc cie lac gam, ba rɛɛr ke we, ke ʏa cɪi guɔp la cut wɛlkun?” Ku lɛk wun meth, “Bɛɛi manhdu tɛn.”

⁴² Kaam wɛn le dhök tɛnɛ Jethu, ke wit jɔk piny ku lɛth. Go Jethu jɔk ʏɔɔk bi jəl yeguɔp, ku kony dhök bi pial. Ku lɛk wun bi jəl kek ye.

⁴³ Ku jɔl raan ɛbɛn gäi riel Nhialic.

Jethu aci ben jam ɛ Thuɔnde
(Mt 17:22-23; Mk 9:30-32)

Tɛwɛn ɲot rɛɛr kɔc ke ci gäi käjuɛc ci looi, ke lueel tɛnɛ atuɔɔcke,

⁴⁴ “Piɛŋkɛ wɛlkɛ apath ku calkɛ ke aa lööny wepuɔth, rin Manh Raan abi thɪn kɔc bi ye nɔk.”

⁴⁵ Ku kɔcken ye buɔth aake kɛc wɛt kɛnɛ deet ʏic, wɛt ɛci moony tɛnɛ ke rin bik cɪi det ʏic. Ku keek aake ci riɔɔc bik thiɛɛc kɛ ci lueel.

Kɔc Jethu buɔth aaci wɛt tɛr
(Mt 18:1-3; Mk 9:33-37)

⁴⁶ Nawɛn ke kɔc ye buɔth teer wɛt lɔn yeŋa kamken yen dit apɛi.

⁴⁷ Ku Jethu ɛ ɲic kɛ tɔ kepuɔth. Ku dɔm meth ku cɔl akääc yelɔɔm.

⁴⁸ Ku lɛk ke, “Raan manh koor cit manh kɛnɛ lor ɛ rienkiɛ, acä lor. Ku raan ʏa lor, acie ʏɛn ye lor, ee Wä Aciɛŋ ɛ toc ʏa. Rin raan koor kamkun ɛbɛn, yen ɛ raandit.”

Raan cɪi ʏo man ɛ raanda
(Mk 9:38-40)

⁴⁹ Nawɛn ka atuny cɔl Joon bɔ tɛnɛ Jethu ku lɛk ye, “Bɛny, ʏok aaci mony dɛt tɪŋ keye jakrɛc cuɔp wei kɔc gup ɛ rienku, ku acuk pɛɛn rin acie raanda.”

⁵⁰ Go Jethu lɛk ye kek atuuc kɔk aya, “Duɔkkɛ ye pɛɛn, rin raan cɪi we man ɛ raandun.”

Jethu akɛc kɔc Thamaría lor

⁵¹ Nawën cī nīn bī Jethu yāth nhial thišk, go tak bī dhīel la Jeruthalem.

⁵² Ku tooc kōc yenhom tuenj bīk tē bī kek la nyuc thīn la guir pan tō wun Thamaria.

⁵³ Go kōc pan awën kuc rin njic kek ye lōn Jethu ala Jeruthalem.*

⁵⁴ Nawën le kōc Jethu buōth, Jemith ku Joon, njic lōn cī kōc baai kuc bīk Jethu lor ke luelkē, “Bēny, cuk mac cōl abō piny nhial bī pan kēnē rac?”

⁵⁵ Go Jethu ke dušm thook piny,

⁵⁶ ku bērkē pan dēt tō tuenj.

*Raan buōth Jethu adhīl pušu riel
(Mt 8:19-22)*

⁵⁷ Tēwën kueny kek dhēl yic, ke rām kek mony dēt cī ye bēn lēk Jethu ēlä, “Yīn aba biaath kuat tē ler yīn thīn.”

⁵⁸ Go Jethu bēēr, “Luōny aa la yōōtken yekē ke wuut, ku diēt pār aa la yōōtken aya. Ku yēn Manh Raan yēn acīn baai pinyhom tēn.”

⁵⁹ Ku luel Jethu tēnē mony dēt, “Buōth ya.” Go bēēr, “Bēny, cōl yēn akōŋ wā la thišk.”

⁶⁰ Go Jethu bēēr, “Cōl kōc cīt kōc cī thou aa thiāk kacken, ku yīn bāār ba Wēt Puōth Yam bēn la pišōc.”

⁶¹ Ku luel mony dēt, “Yīn aba buōth Bēny, ku cōl yēn akōŋ kacikē la tšōŋ.”

⁶² Go Jethu lēk ye, “Yīn acīt raan dhie pur, na tīŋ raan dēt cath, ke cuet pur piny ku kēŋ nhom ku ruēc. Kēya, raan ye kāk kōk nyaai luōi ca guir ye yic, acīn kēpuōth lēu bī looi rin bāāny Nhialic.”

10

Luōi kōc thiārdhorou ku rou

¹ Nawën ē kēnē cōk, ke Jethu kuany kōc kōk kathiārdhorou ku rou kam kōc ye buōth, ku tooc ke tuenj bī kōc karou aa cath, bīk la gēeth ku bēēi ke bī yen la thīn yiic.

² Ku lēk ke, “Kāk tem ajuēc ku kōc luōi aa lik. Ršōkkē Bēny la nhom kāk tem bī kōc luōi cōl aa juak rōt.

³ Lak! Ku njieckē, wek atuōoc cīmēn amēl ē kam gal.

⁴ Duškkē wēēu ku jōkgōo ku war kōk muk. Ku duškkē ye kšōc dhāl yiic bāk kōc aa mušōth.

⁵ Tē yeet wek baai ke kaŋkē luel, ‘Kōc baai yakē dšōr.’

⁶ Ku na ye kōc rēēr ē pan kōc nhīar dšōr, ke ršōkkun aabi ke dōoc. Ku na yekē kōc man dšōr, ke ršōkkun aacī ke bī kony.

⁷ Ku yakē rēēr ē pan ku miēthkē ku dēkkē kāk yekē yiēk we, rin apath bī raan luī ariōpde yōk. Duškkē ye jāl pan ku lak pan.

⁸ Na lor kōc gen cī wek la thīn we, ke we cam kuat miēth cīk gām we.

⁹ Ku kuanykē kōc tuany ku lēkkē ke, ‘Bāāny Nhialic acī thišk ke we.’

¹⁰ Ku na lak gen cīi we ye lor thīn, ke we jīēl ku luelkē,

¹¹ ‘Yōk aabi tōr gēndun tēŋ wei yōcōk bī dōŋ kek we.’ Ku dhīelkē deet apath, bāāny Nhialic acī thišk.

¹² Awuōc bī Nhialic tēm kōc Thidon akōl luŋdīt abī kuur tēnē awuōc bī tēm kōc ē gen.

* **9:53** Kōc Itharel la luōŋ Nhialic Jeruthalem, aake cīi kōc Thamaria ye lor rin mēn kek rōt. **9:54** 2Bŋ 1:9-16 **9:61** 1Bŋ 19:20 **10:2** Mt 9:37-38 **10:3** Mt 10:16 **10:4** Ith 10:7-14; Mk 6:8-11; Lk 9:3-5 **10:7** 1Kor 9:14; 1Tim 5:18 **10:11** Luōi 13:51 **10:12** Cāk 19:24-28; Mt 11:24; 10:15

Gεεth kęc luoi käreс puл thin

(Mt 11:20-24)

13 “Wek kęc gen Koradhin ku Bethaida, wek aa tiit käreс apei, rin kajuęc jāj gōi cāk tīj cī ke looi gεεthkun yiic, ku ke cī looi Tire ku Thidon, gεεth wāär ceη kęc rac, ηuōt kęc ē gεεthkā aaci kepuōth dhuōk ciēen theεr, ku pālķē luoi käreс.

14 Ku Nhialic abi we tēm awuōcdūt Akōl luηdīt, awuōc bī dīt apei tēnē awuōc bī tēm kęc Tire ku Thidon.

15 Ku wek kęc Kapernaum yakē tak lōn bī we jat nhial? Wek aabi cuat pan mac.”

16 Ku lueel Jethu tēnē kęc wēn cī tooc, “Raan piη wētduη ē wētđiē piη, ku raan we dhōl gup acā dhōl guōp, ku raan dhāl γaguōp ē raan toc γa dhōl guōp.”

Kęc wēn cī tooc aaci dhuk

17 Go kęc thiārdhorou ku rou wēn dhuk ke cī puōth miet ku luelķē, “Bēny agut jakręc aya aaci wētđa piη ē rienku.”

18 Go Jethu lēk ke, “Riel jōηrac acī riāāk ku tiēη ke lōōny piny cīmēn many nhial.

19 Wek aca yiēk riel bī wek aa cath kāpieny ku kith nhūim ē path. Ku wek aca yiēk riel wēr wek aleikun ku kęc man we. Ku acīn ķē kōη wē nōk.

20 Ku duōkkē puōth jōl miet rin cī jakręc wētduη piη, miētkē puōth rin cī rienkun gōt pan Nhialic.”

Jethu amit puōu

(Mt 11:25-27; 13:16-17)

21 Nawēn ke Wēi Nhialic cōl Jethu amit puōu ku lueel, “Wā, Bēny nhial ku piny! Yīn alēεc rin cī yīn kāk cī thiaan tēnē kęc ηic kāη cī piōc, nyuōth kęc kor ķęc piōc. Ee tēde, Wā, yen ē kēn yī yuum puōu.

22 Kēriēēc ēbēn aaci Wā gām γa. Acīn raan ηic Wēnde ē Wun ē rot, ku acīn raan ηic Wun ē Wēnde ku kęc cī Wēnde lōc bī nyuōth ke.”

23 Tēwēn rēer Jethu kek kōcken ye buōth ē rōt, ke wēl yenhom ke ku lueel, “Wek aala gup duaar bāk kāk tiēηķē tīj.

24 Ku alēk we, ēci kęc juēc kāk Nhialic tīj ku bānydīt wīc bīk kāk yakē tījķā tīj, ku aa ķēckē ke tīj. Ku ē cik wīc aya bīk kāk yakē piη, piη, ku aa ķēckē ke piη.”

Kāāη raan path pan Thamaría

25 Raan piōōc ē lōη kęc Itharel, ēci bēn ku wīc bī Jethu deep ē wēt ku thiēēc, “Raan piōōc, yeηō ba looi ba pīr akōlriēēc ēbēn pan Nhialic?”

26 Go Jethu bēēr, “Ye Lōη Mothith lueel ķēdē ē wēt kēnē? Yeηō ye deet yic thīn?”

27 Go bēēr, “Yīn adhīl Nhialic Bānydu nhiaar yīpuōu ēbēn, ku wēiku ēbēn, ku yīnhom ēbēn, ku nhīar raan đēt cīmēn nhīεr yīn rot.”

28 Go Jethu lueel, “Aca ηיע bēēr. Loi kākķā, ku pīr pan Nhialic akōlriēēc ēbēn aba yōk.”

29 Go monytui wīc bī wēt deet apath rin wīc yen ye bī rot kony, ku ben Jethu thiēēc, “Raandiēn ba nhīar yeηa?”

30 Go Jethu bēēr ku lueel, “Monytui, ke ye raan Itharel, ēci jāl Jeruthalem bī la Jeriko. Go rōm ke cuēr dhēl yic ku rumķē alāthke ku wēēuke ēbēn, ku nākķē ku jōlķē nyāāη piny ke duēr thou.

³¹ Nawën ke raan käk Nhialic, ke ye raan Itharel, b̄s ke kuany dhël kënë yic, go monytui t̄ij ku w̄eɛn thok piiny.

³² Nawën ke raan dhiënh Lebi ben b̄en, go mony kënë t̄ij ku b̄er.

³³ Go raan pan Thamaria b̄en ke kuany ë dhël kënë yic. Nawën t̄ij mony këñ piiny ke ɲeɛr yic.

³⁴ Go rot cuät ye, ku muɔɔc yäntöök yiic miök ku mušn abiëc ku der keyiic, ku jot akaja k̄su ku ȳeth pan j̄s̄öl, ku r̄eer yelšööm ë w̄ëɛr w̄en.

³⁵ Nayɔn nhiäk, ke gem w̄ëu t̄enë raan lui pan j̄s̄öl ku l̄ek ye, ‘Lök mony këñ töök apath, na la dhuk ku le w̄ëu ca l̄ök mušr ë rienke t̄ë lik w̄ëɛukië, ka ba b̄en cool.’ ”

³⁶ Ku wit Jethu w̄etde ku lueel ëlä, “Na ye ȳi, ke raan c̄i cuër ban, yeɲa kam k̄ɔc awën kadiäk ë raande?”

³⁷ Go lueel, “Raan c̄i ye kony yen ë raande.” Go Jethu lueel, “Lɔɔr, ku ye luui këya.”

Martha kek Maria

³⁸ T̄ewën cieth Jethu kek atušöcke ke la Jeruthalem, gokë nyuc gen thiin t̄ö dhël yic. Go t̄ij c̄öl Martha ke ȳath baai.

³⁹ Ku Martha a la nyankën c̄öl Maria, c̄i b̄en nyuc Jethu l̄šööm b̄i pišöcde piɲ.

⁴⁰ Go Martha pušu riääk rin këc Maria ye kony luoi miëth t̄enë j̄s̄öl. Go b̄en t̄enë Jethu ku lueel, “B̄ëny, ye këpath yen looi nyankäi ci yen ya päl luoi ë rot t̄eth̄eɛr awën? L̄ek ye b̄a b̄en kony.”

⁴¹ Go Bänyda b̄ëɛr ku lueel, “Ȳin Martha, ȳin adieɛr rin aw̄ic ba käjuëc t̄ö ȳipušu looi ëb̄en,

⁴² ku ë t̄ök yen aril, Maria acä aban ɲuëñ kuëny bei, ku ac̄i b̄i nyaai t̄enë ye.”

11

Jethu anyuth yo t̄ë b̄i yok aa r̄öök th̄in

(Mt 6:9-13; 7:7-11)

¹ Ȳon akäl t̄ök Jethu ë r̄öök, nawën c̄i r̄öökde jal thök, ke lueel raan t̄ök kam k̄ocken ye buəth t̄enë ye, “B̄ëny, pišöc yo t̄ë b̄i yok aa r̄öök th̄in, c̄imën w̄äär c̄i Joon raan k̄ɔc muɔɔc nh̄im k̄ocken ye buəth pišöc.”

² Go Jethu l̄ek ke, “Yakë lueel këlä t̄ë r̄öök wek, ‘Wādan t̄ö nhial, b̄i rienku aleec.

B̄i b̄äänydu b̄en yoyiic.

³ Muɔc yook miëth akölaköl.

⁴ Ku päl adumušömkua piny t̄enë yook, rin ye yok w̄et pušl t̄enë k̄ɔc r̄eɛc yook.

Ku duk yook c̄öl athem kërac.’ ”

⁵⁻⁶ Ku ben Jethu l̄ek k̄ocken ye buəth, “T̄ëdë, na ȳin ala m̄athdu ku lor t̄enë ye wak̄su w̄ëɛr ciel yic ku luël t̄enë ye, ‘M̄athdië ḡäm ya ayušp kadiäk. Rin m̄athdiën c̄i la keny ac̄i b̄en paandië, ku yen ac̄in miëth ḡäm ye.’

⁷ Ku b̄ëɛr ȳööt alɔɲ th̄in ku lueel, ‘Duk ya r̄eɛm nhom. Ȳöt ac̄i gur thok, ku yok aac̄i t̄öc yok miëthkië. Yen ac̄i rot ben jot ba ȳi ḡäm ayušp.’

⁸ Ku la Jethu tuen ku lueel, na c̄ök alɔn c̄i monyë rot jot b̄i ḡäm ayušp rin yen m̄athdu, ka jot b̄i rot jot b̄i ḡäm kuat kë w̄ic, rin ȳin ac̄i gušp bi r̄išöc ë ye, ku lɔɔr tuen ke thiëc.

⁹ Këya alëk we, thiëc, ku abi Nhialic ḡäm ȳi, na w̄ic këdäj t̄enë Nhialic ka yök. Ku ë t̄ëde aya, na gut yöt thok, ka ɲany thok t̄enë ȳi.

10 Raan thiëc aye gäm ke wïc, ku raan la kè wïc aye yök. Ku yöt aye ñaany thok tènè raan wïc ye.

11 Yenja kamkun na le meth, ku thiëc manhde miëth ke gëm këpiiny tẽ wïc yen rëc.

12 Ku na wïc tuəŋ ajïth, ke döm kieth ku gëm ye.

13 Na ñieckè wek koc è luui kàrec bāk miëthkun aa gäm kāpath, ke cāk lèu bāk ñic lön bī Wuurdun tō nhial ye ñic apeï bī Wëi Nhialic tušc koc thiëc ye.”

Jethu aye yōök lön le yen gušp jəŋrac
(Mt 12:22-30; Mk 3:20-27)

14 Nayon akāl tōk ke Jethu è cop jəŋrac wei raan gušp, ku ècie jam. Nawèn cī jəŋè jāl yegušp ke mony awèn jam. Go thän awèn tō thïn gāi apeï,

15 ku lueel koc kōk, “Ee Beldhebul bëny jakrɛc yen è ye yièk riël bī ke aa cuəp wei.”

16 Ku è wïc koc kōk bīk deep wët, ku thiëckè bī kènè jəŋ gōi looi, bī nyuəth ke lön ye Nhialic kākke gam.

17 Ku Jethu è ñic kè yekè tak, go lèk ke, “Na tek koc paan tōk keyiic ku thërkkè è kamken, ke pan kènè abī riääk. Ku na tuum dhiënh tōk yenhom aya ku thërkkè kamken è röt, ke dhiënh kènè abī wɛɛr aya.

18 Këya, na tek jakrɛc keyiic ku thërkkè è kamken ke cīi thök? Ayakè lueel lön ye yen jakrɛc cuəp wei riël ye Beldhebul gäm ya.

19 Ku na ye riël Beldhebul yen ye yen jakrɛc cuəp wei, ke ye riël ña yen ye kockun yakè buəth ke cuəp wei? Calkè ke aa lèk we yic.

20 Ku na ye riël Nhialic yen ye yen jakrɛc cuəp wei, ke ñieckè lön cī bääny Nhialic bën tènè we.

21 “Na tit raan ril paande thok è təŋ ku kōt, ke kākke aacī nyiëi.

22 Ku na mët raan dët ril, ka wer ye. Ku jəl kāk muk bī yen rot tiit nyaai èbèn, ku tek kāk cī rum.

23 “Raan kèc rot mät ya acie raandië, ku raan cīi ya kony bī koc lèk wët Nhialic, ee koc thiš.

24 “Tẽ cī jəŋrac jāl raan gušp, ee piny yōšp tɛdɛt bī yen ləŋ thïn. Na cīn tɛ yök, ka lueel, “Yen abī dhuk tènè raan wäär jiël yen thïn.”

25 Ku dhuk ku yök raan wäär, ke cīt yón cī guiir yic apath,

26 ku dhuk ku le bën kek jakrɛc apeï koc kadhrou wär ye, ku lek yegušp. Ku pīr è raan kènè è jāl rëc apeï tènè pīrden tuəŋ.”

27 Kaam wën jiëem yen kälä, ke tik jam röldit koc yiic ku lèk ye, “Tiŋ è dhiëth yī ku muk yī amit gušp apeï.”

28 Go Jethu bëër ku lueel, “Ee yic, ku koc mit gup alanden aa koc wët Nhialic piŋ ku loikè.”

Jethu akuec bī kènè jəŋ gōi looi
(Mt 12:38-42)

29 Təwèn cī koc juëc kenhiim kut Jethu lööm, ke lueel, “Yenö be riëc akölè rëc kälä? Ee riëc ye wïc bī kènè jəŋ gōi tiŋ. Ku acīn kè bī nyuəth ke. Ee kènè jəŋ gōi wäär cī rot looi tènè Jona yen abik tiŋ.

30 Cīmèn wäär cī Jona raan kāk Nhialic tiŋ jāl a kit tènè koc Ninibe, këya Manh Raan abī jāl a kit tènè koc akölè èbèn.

31 Tiŋ bëny wäär jiël pan Athia abī rot jət aköl lundit ku gëk riëc akölè, rin cī yen jāl tēmec apeï bī wël puəth bënyŋaknhom Tholomon la piŋ, ku yen jam kèn, yen adit tènè Tholomon.

³² Aköl lunđit kɔc gen Ninibe aabi we gɔk rin cī kek kepuŋth waar, ku palkē luoi kãrec wãär cī Jona ke lëk. Ku alëk we, Ʒen jam kënë, Ʒen adit tënë Jona.

*Kɔc cī gam aacit awai ku mermer
(Mt 5:10; 6:22-28)*

³³ “Acin raan cī mermer kan Ʒãth Ʒot ku kum nyin. Aye tōu tēn ye yen Ʒot mer yic thīn, bī piny amer tënë raan la Ʒot.

³⁴ Puŋ path acit nyin path. Raan path nyin ē daai apath, acī thōŋ kek raan cī cɔr cie daai apath.

³⁵ Kēya, luoi kē rōt bāk puŋth la cōk, ku duŋkkē puŋth cɔr.

³⁶ Na yīn aƷer puŋ, ke yīn acit raan kēc cɔr ē daai apath cīmēn dhie ye mac piny riaal.”

*Jethu ē kɔc piöc lööŋ ku Parathī lëk lon nhiem kek
(Mt 23:1-36; Mk 12:38-40)*

³⁷ Nawēn cī Jethu thōk ē jam, ke cɔl raan tōŋ akut Parathī paande bīk la mīth, go la ku nyuuc ku mīth ke kēc yecin ku yecōk lɔk cīmēn ciēŋ kɔc Itharel.

³⁸ Kënë, acī raan akut Parathī wēn la baai bēn gōi apei.

³⁹ Go Jethu lueel tënë ye, “Wek kɔc akut Parathī, aa wegup aƷer kek yakē lɔk, ku piãthkun aaci thiãŋ kãrec apei.

⁴⁰ Kɔc cīn kē ŋiackē! Kēc Nhialic yen cak guŋp, puŋu alon thīn cak aya?

⁴¹ Biökruēel aye nyuŋth puŋ Ʒer tē muŋc yīn kɔc, ku acie miŋc ye yīn biökruēel nyuŋth ē path.

⁴² “Tē rēc yen thīn tënë we, kɔc akut Parathī. Wek aa Nhialic juēr kãlik, kãk cit tōk ē thiãr yic kãkkun yakē ke puur ē dum yiic, ku kuat wēl kōk ebēn. Ku wēt la cōk ku nhiēr Nhialic akuŋckē looi. Kãkkã aa dhielkē looi, ku luoi kē kãkkã aya.

⁴³ “Tē rēc yen thīn tënë we, kɔc akut Parathī. Ayakē nhiaar bāk aa nyuc tuen thōc kɔc dīt nhīm tēn amat, ku ye we muŋth athēk Ʒōn ē Ʒōc yiic.

⁴⁴ Tē rēc yen thīn tënë we, wek aa thōŋ kek rēŋ cīn kē ye ke ŋic, ye kɔc cath kenhīm ē path, ku kãrec cik thiaan keyiic piiny aaci ŋic.”

⁴⁵ Nawēn, ke raan tōk kɔc piöc ē lööŋ jōt rot ku lueel tënë ye, “Bēny, tē jiēm yīn kēlä, ke yīn ē Ʒo lat aya.”

⁴⁶ Go Jethu bēer, “Wek kɔc piöc ē lööŋ, kãrec aa tit we aya. Wek aa kɔc piöc kãril apei cie lēu bī ke looi. Ku wek aacie kɔc kony aya ē luoiden.

⁴⁷ Tē rēc yen thīn tënë we. Awēēŋkui, wek aa rēŋ path buth tënë kɔc kãk Nhialic tīŋ, kɔc wãär nēk wãrkun dīt.

⁴⁸ Acãk gam lon kēwãär cī wãrkun dīt looi apath, ku na we tō thīn ŋuŋt wek cī nãk aya. Rin aaci kɔc kãk Nhialic tīŋ nōk ku buŋthkē rãŋken.

⁴⁹ Ku rin ē wēt kënë yen acī Nhialic ye lëk we elã, ‘Wek aaba tuŋc kɔc kãkkiē tīŋ ku atuuc. Ku wek aabi kɔc kōk nōk ku cuŋpkē kɔc kōk wei.’

⁵⁰ Riēc akölē abī tēm awuŋc rin cī yen kɔc kãk Nhialic tīŋ nōk tēwãär cek piny Ʒēt emēn,

⁵¹ jōk ē nãk Abel Ʒet nãk Dhãkaria wãär nãk luãŋ Nhialic. Ku ben Jethu lëk ke, riēc akölē abī tēm awuŋc rin ē kãkkã ebēn!

⁵² “Tē rēc yen thīn tënë we, wek aa yic moonny tënë kɔc ku acãk ye gam kek week ē rōt. Ku wek aa kɔc kōk wic yic bīk gam gēl!”

⁵³ Nawēn wic Jethu bī jãl, ke jiēm kɔc akut Parathī ku kɔc piöc lööŋ guŋp apei, ku thiēckē wēl juēc ku wickē bī ke dhiel dhuk nhīm,

54 rin wïc kek ye bik deep wët bik dóm, tē le yen wët rεεc lueel.

12

Duk rišc luel yic (Mt 10:26-27)

1 Wēn cī kākkā rōt looi, ke kōc juēc apei dīt aake cī kenhūim kut Jethu lōōm abī ciēn tē ye cōk cak la piny. Tēwēn ke Jethu kōŋ jam tēnē kōcken ye buōth ku lēk ke, “Tietkē rōt, ku duōkkē ye luui cimēn kōc akut Parathi, kōc ē kōc ruēēny.

2 Acīn kē ye moony arēk abī cī tiēc. Tēdē ke lēu bī kēdāŋ thiaan abī cī ŋic.

3 Na cōk a wēt luel wakōu ka ŋot piŋ nhiāk akōl. Ku kēriēēc ēbēn cāk ŋāāi weyīth yōōt alōŋthīn ke yōt cī thiōōk thok aŋot ye kōc kōk piŋ.

4 “Ku alēk we wek māthkiē, duōkkē rišc kōc guāpkun nōk ē path. Aa we nōk ku na lā ka cīn kēdēt ben kē looi.

5 Ee Nhialic yen adhīl kōc rišōc, rin na cī nōk ka la riel aya bī cuat pan mac. Alēk we, ee Nhialic ē rot yen adhīl kōc rišōc.

6 Diēt thii kor kadhiēc cīt amuōr, cī ke ye yōc wēēu lik? Ku acīn tōk ē kamken cī Nhialic kaŋ muōr nhom,

7 agut nhīmku tō yīnhom aŋic Nhialic akuēnden. Duōkkē rišc, wek aa awār amuōr juēc.

8 “Alēk we, raan ye gam kōc nhūim lōn ye yen raan Manh Raan, aba gam aya lōn ye yen raandiē atuuc Nhialic nhūim.

9 Ku raan jēi kōc nhūim lōn cī yen ye raandiē, abī Manh Raan kuc aya atuuc Nhialic nhūim.”

10 Ku ben Jethu lēk ke, “Kuat raan wēt rac lueel Manh Raan guōp abī pāl piny tēnē ye, ku raan lueel kērac Wēi Nhialic guōp, acī bī kaŋ pāl piny tēnē ye.

11 “Tē yēth yī tēn amat luk yic, bāny dīt ku bāny kor nhūim, duk diēr tē bī yīn rot kuōny thīn ku wēt ba lueel,

12 rin Wēi Nhialic abī cōl aŋic kē ba lueel.”

Raan ajak kuc kāŋ

13 Go mony dēt rot jōt kōc yiic ku lueel, “Bēny lēk wāmāāth bā yiēk abākkiē kāk cī wā nyāŋ yō yiic.”

14 Go Jethu bēēr, “Māthdiē, yeŋa cā kuany ba ya bēny, ba kāŋ tēk we?”

15 Ku lēk kōc awēn tō thīn, “Tietkē rōt, duōkkē jīēk cōl arum wepuōth. Acīn raan rēēr piērē yecin cōk alōn le yen kājuēc.”

16 Ku lēk ke kāāŋ kēnē, “Thēr raan ajak ē tō thīn, ku duōmde ēcī luōk rap juēc apei.

17 Go jal jam ku lueel, ‘Yeŋō ba jal looi? Yēn acīn duēl lāāu yic bī yēn ke tōōu thīn.’

18 Nawēn ke tēk ku lueel, ‘Kē ba looi akīn. Duēl kēnē aba ŋaany, ku ben duēldīt apei looi bī yēn rap ku kāk kōk baai tāāu thīn.

19 Ku jal lēk rot yātōk. Mony mit guōp, yīn ala mūith juēc apei bī run juēc nōk, jōl pīr apath, miēthē ku dēkkē, ku jōl puōu miēt!’

20 Go Nhialic lēk ye, ‘Raan kuc kāŋ! Ee wēēr kēnē, yīn abī thou ku kājuēc ca tāu rot kē, bik lōk aa kāk ē ŋa?’ ”

21 Ku wit Jethu wētde ēlā, “Kēnē, yen ē rot looi tēnē kōc kājuēc tōōu ē riēnken, ku acīn jīēk Nhialic tō wepuōth.”

Raan adhil Nhialic n̄s̄th

(Mt 6:26-34)

²² Ku wël Jethu yenhom kacken ye buōth ku lueel, “Këya alëk we, bāk röt cīi col anëk diëer kē bāk cam bāk pīr. Ku diëerkē aya kāk bāk ceñ.

²³ Wēi añuëñ tēnē miēth, ku guōp raan añuëñ tēnē alēth.

²⁴ Daaikē diet pār nhial, aacie pur rap ku temkē ke, ku tēukē ke atuok yic, ku aa ñot ke pīr rin ye Nhialic ke yiēk miēth. Ku wek aa ñuëñ apei tēnē ke.

²⁵ Yeña kankun na diir ē wēike ke juak ruōnke?

²⁶ Na cāk kāk thiikā ye lēu, yeñō ye wek diëer kāk kōk?

²⁷ Tiēnkē yōk cil tē dhēēñ kek thīn, aacie luui ku aacie luui alēth. Ku alëk we na cōk a bēnyaknhom Tholomon cimēnden wāār ē bāānyde yic, ēcīi la alēth la kīt dhēñ cimēn yāñ tōk ē yōkkē yiic.

²⁸ Ku na ye Nhialic wel cil ē path col adhēñ kēlā, wēl tō thīn akölē ku na nhiäk nīn lik ke ril wei ku took ke mac, ke Nhialic cīi we bī kuëc nhūm, wek aa kōc la gam thīn koor.

²⁹ “Duōkkē wenhūm ye yiēk kē bāk cam ku kē dekkē akōlakōl.

³⁰ Aa kōc kuc wēt Nhialic pinynhom ē tēn kek aa kepuōth yiēk kākā. Ku Nhialic Wuurdun añic lōn wīc wek kākā.

³¹ Na ye këya, yakē ke wīc kāk bāāny Nhialic, ku aabi yiēk we aya.

Jiëek cie rop atō pan Nhialic

(Mt 6:19-21)

³² “Duōkkē riōc wek kōc buōth ya rin Wuurdun amit puōu bī we yiēk ē bāānyē.

³³ Yaackē kākūn ku gāmkē wēēu kōc ñōñ. Kēnē abī jaakdun juak yic pan Nhialic. Ku jiëek pan Nhialic acie thōk, ku acie riāāk cimēn jiëek pinynhom, rin acīn cuēr tō thīn. Ku acīi aruōp ye rac.

³⁴ Ku piāndu abī ya rēer akōlakōl tē tōu jaakdu thīn.

Rēer yī cī rot guiir

³⁵ “Rēer yī cī rot guiir akōlakōl, ku rēer yī muk mermer rin kuat kē bī rot looi bī yōk wakōu,

³⁶ cimēn alony lui baai tit bānyden cī la yan thiēek yic ke bī dhuk baai. Na bī ke go yōt guō ñaany thok tēnē ye.

³⁷ Alony mit gup aa loony ye bānyden yōk ke tit tē dhuk yen baai. Alëk we alanden, bēny abā alanhdn luōi ruōk, ku col ke aa nyuc bīk mīth ku luui tēnē ke.

³⁸ Tēdē, ke bēny abī dhuk baai wēer ciel yic, tēdē ke dhuk bēek ē piny. Ku alony mit gup aa loony bī bāny yōk ke tit.

³⁹ Wek aa lēu kēnē bāk deet yic ē röt. Na raan ye wēer alōñ bī cuār bēn ñic, ka rēer ke yiēn bī cuār kākke cīi kual.

⁴⁰ Ke week aya rēerkē we tit, rin wek aa kuc akōl bī Manh Raan bēn.”

⁴¹ Go Pīter lueel, “Bēny, ye yōk lēk ē kāāñ kēnē aye kōc ēbēn?”

⁴² Go Bēny dhuk nhom ku lueel, “Na ye këya, yeña alony path ku ñic kāñ apei? Yeen alony bī bēny nyāāñ kākke yiic paande, bī kacke ya gām miēth akōlakōl.

⁴³ Alony mit guōp alony bī bēny yōk ke loi luōide apath tē dhuk yen.

⁴⁴ Alëk we, abī alony kēnē tāāu kākke yiic ēbēn.

⁴⁵ Ku na ye alony ye tak lōn cīi bānyde bī lac dhuk. Ku ye rēer ke nāk alony kōk, rōor ku diāār. Ku ye cool ke mīth ku dēk abī wiëet.

46 Ke bányde abí la luät yeguöp aköl cī ye tak lön yen aköl bí yen bēn. Ku yeen abí bēny tēm awuöcdit ku met tē rēer kōc rēc thīn.

47 “Ku aluaŋ ŋic kē wīc bányde bí looi, ku rēer ke cī rot guir bí kē wīc bēny looi, ka bí tēm awuöcdit apei.

48 Ku aluaŋ kuc kē wīc bányde ku looi awuöc bí yen that thīn, ka bí ya awuöc koor. Kājuéc aa wīc tēnē raan cī gām kājuéc, ku raan cī gām kājuéc apei awīc kājuéc apei tēnē ye.

49 Үен асi бēn ba piny bēn cuōny. Ku anhiaar diēt cī dēp thēer.

50 Үен аtiit kērac apei, Үен abí gum ku rem Үа apei yet aköl bí kēnē thök.

51 Yakē tak lön cī Үен bēn ba dōr bēn looi pinyhom? Alēk we acie ye. Ee lön bí kōc keyiic tek.

52 Many la yic kōc kadihēc abí yeyic tek. Kōc kadiäk aabā nhiaar ku man rou Үа. Tēdē, kōc karou aabā nhiaar ku man kōc kadiäk Үа.

53 Mīth rōor kek wārken aabí kenhūm tuōm ē rienkiē. Ku yen ē lön nyūr kek mārken. Ku man athiēk kek tīŋ wēnde aabí rōt maan aya.”

54 Ku ben Jethu lēk thān awēn tō thīn, “Na tiēŋkē luät nhial, ka guōkē lueel lön deŋ abí tueny, ku tueny ayic.

55 Ku na dōm bí la dīl, ku ruel aköl apei, ka luēkē lön bí piny tuōc, ku tuc ayic.

56 Yeŋa wiēckē bāk ruēēny! Awēēŋkui? Wek aa kē bí rot looi ŋic tē tīŋ wek kākā nhial. Ku cāk kē loi rot ēmēn ŋic ayic?

57 “Yeŋō cī wek yic bāk looi ye ŋic?

58 Cīmēn na Үēth raan yī luk yic, ke yī lōc wēt waar yic, ku dōrkē ke kēc yī guō Үāth luk yic. Na cī lōc looi kēlā, ka Үēth yī luk yic tēnē bāny, ku bēny abí la thōn apuruuk, ku mac yī.

59 Alēk yī, yīn acī bí kaŋ lony, yet tē bí yīn kēthiin kōny tēnē yī kaŋ cool.”

13

Na cī luoi käreс päl ke yīn acī pīr

1 Nawēn ke kōc bō tēnē Jethu, ku lēkkē ye lön cī bānydit Pilato kōc Galilia cōl anāk, kōc ke cī kāk Үiērē Nhialic la nōk luāŋ Nhialic Jeruthalem.

2 Go Jethu bēer. “Yakē tak lön kōc Galilia cī nōk ēmēn aa käreс apei wēr kek kōc Galilia kōk looi?

3 Acie yic! Ku cāk ŋic lön wek aabí thou aya cīmēnden, tē cī wek käreс yakē looi päl, ku wēlkē wepuōth Nhialic?

4 Ku na kōc wäär kathiäär ku bēt wīk yōn bäär apei kenhūm Thiloam bīk thou ēbēn, ye kek kōc käreс looi Jeruthalem kepēc?

5 Aacie ke! Ku alēk we, na cāk luoi käreс päl, ke wek aabí thou ēbēn cīmēnden.”

Kāāŋ tim cie luōk

6 Go Jethu ke lēk kāāŋ kēnē, “Monytui ēcī tim luōk com duōmde. Nawēn thōōŋ tē cī yen luōk, ke bō bí bēn bet. Go ciēn mīth yōk yenhom.

7 Go puōu riāāk apei, ku lēk raan lui dom yic bí Үep wei, ku lēk ye, ‘Aca tiit run kadiäk ku acin manh tōŋ ca yōk yenhom. Yeŋō pēl ye bí dom rooc ē path ke cie luōk?’

8 Go raan ē luoi bēer, ‘Bēny, päl ē ruōōn tōŋ kēnē ē path, aba guir ku tāau dhiāp yecök.

9 Na lok ruōōntui ka path, ku na cī lok, ka jōl cōl ayep.’ ”

Jethu aci tiŋ tuany kony aköl cii kɔc ye luui

¹⁰ Tɛwɛn aköl cii kɔc ye luui ke Jethu piöc tɛn amat kɔc Itharel,

¹¹ ke tik ɛ tɔ thɪn ke la guɔp ɔŋrac ci ye dhoŋ kɔu, bi yekɔu cii ye jɔt ruɔɔn thiäär ku bɛt.

¹² Nawɛn tiŋ Jethu ke cɔl ku lɛk ye, “Tik, yɪn aci kony.”

¹³ Ku tɛɛu yecin yekɔu. Ku kaam thiin awɛn ke la kɔu cök. Go Nhialic leec.

¹⁴ Ku raandit tɛn amat ɛci puɔu dak apɛi rin ci Jethu ye kony aköl cii kɔc ye luui. Ku lɛk kɔc awɛn tɔ thɪn, “Yok aa la nin kadatɛm ye kɔc luui. Ke raan alɛu bi bɛn akäl tɔk kam ɛ ninkä yiic bi bɛn kony, ku acie aköl cii kɔc ye luui.”

¹⁵ Ku Bɛny bɛɛr ke tɔn guɔp, “Aa wek kɔc la gup ruɛɛny! Le raan tɔk ɛ kamkon cie yäkke ye lony aköl cii kɔc ye luui bi ke la wiɛc wal ku piɔu?”

¹⁶ Ku tiŋ kɛnɛ, nyan many Abaram ci bɛny jak dhoŋ kɔu, bi ya rɛɛr ke duɔl ɛ runkä kathiäär ku bɛt, cii path bi kony aköl cii kɔc ye luui bi la cök?”

¹⁷ Tɛwɛn lueel yen ye kɛlä, ke kɔc awɛn man ye yär gup, ku mit thän dɪit awɛn tɔ thɪn puɔth kāk kɔc gɔi ci Jethu looi.

Kääŋ käu koor nyin ye tiɛmde dɪt apɛi

(Mt 13:31-32; Mk 4:30-32)

¹⁸ Ku la Jethu tuɛŋ ke jam ku lueel, “Bääny Nhialic cit ɲö? Yeŋö ba thɔɔŋ ke ye?”

¹⁹ Aba thɔŋ manh tim koor nyin ci raan com duɔmde. Go dɪt abi ya tim dɪttɛt ye dɪɛt yɔɔtken yik kɛrke kɔth.”

²⁰ Ku ben lueel, “Yeŋö ba bɛn thɔŋ bääny Nhialic?”

²¹ Acit lon ci tik puɔr ayumdɪt tet yic, na lä ke piäär ɛbɛn.”

Kuany dhɛl la pan Nhialic yic

(Mt 7:13-14, 21-23)

²² Ku bɛr Jethu ke kuany gɛɛth ku bɛɛi yiic ke la Jeruthalem.

²³ Go raan tɔk thiɛc, “Bɛny! Le kɔc lik bi poth bik la pan Nhialic?”

Go Jethu bɛɛr,

²⁴ “Thamkɛ bāk bak dhɛl ye kɔc gum thɪn yic, rin alɛk we lɔn wic kɔc juɛc ye bik la alɔnthɪn, ku acik bi lɛu.

²⁵ Tɛ jɔt wun baai rot ku riit yɔt thok, wek aabi kɔɔc ayɛer ku jälkɛ yɔt tɔɔŋ thok ku luɛlkɛ, ‘Bɛny, ɲany yɔt thok tɛnɛ ɲo,’ ku abi bɛɛr tɛnɛ we, ‘Akuɔc tɛ bii wek thɪn.’

²⁶ Ku abäk lɛk ye, ‘Yok aaci mɪth ku dɛkku kek yi, ku yɪn aci piöc ɛ gɛɛthkua yiic!’

²⁷ Ku abi dhuk nhom ku lueel, ‘Alɛk we bāk piŋ, wek aaci bɔ yɔt rin wek aacä ɲic. Jälkɛ, kɔc luui ɛ käreɛ!’

²⁸ Ku tɛ ci yi cuɔp wei, ke yɪn ariääk puɔu ku dhiau aba yiθok a kac tɛ tiŋ yɪn Abaram, ku Ithäk ku Jakop ku kɔc kāk Nhialic tiŋ, ke rɛɛr bääny Nhialic yic pan Nhialic, ku gɛl yi wei thɪn!

²⁹ Ku kɔc aabi bɛn pinyinhom ɛbɛn ku camkɛ yan bääny Nhialic.

³⁰ Ku kɔc tɔ ciɛɛn ɛmɛn aabi tɔ tuɛŋ. Ku kɔc tɔ tuɛŋ aabi dhuk ciɛɛn.”

Jethu ku Antipäth Yɛrot

(Mt 23:37-39)

³¹ Tɛɛn, ke kɔc akut Parathi bɔ tɛnɛ Jethu ku lɛkkɛ ye, “Jäl ɛ tɛn rin bɛny Antipäth Yɛrot awic bi yi nāk.”

³² Go Jethu lueel, “Lak ku lëkkë raan la gušp awandit lön ɣen abī la tuen akölë ayī nhiäk ɣa cop jakreɕ wei kɔc gup, ku luoi kāk jāŋ gōi ye ɣen kɔc kony. Ku na ye nin diäk ke ɣen abī luaidië thöl pinyhom.

³³ Ku akölë ku nhiäk ku aköl dëëtë, ɣen ala tuen ɣa lui rin acii path bi raan kāk Nhialic tɪŋ nök tädët cie Jeruthalem.

³⁴ “Kɔc Jeruthalem! Kɔc Jeruthalem! Kɔc ë kɔc kāk Nhialic tɪŋ nök, ku biškkë kɔc ci tuɕ we aleel. Ye arakdë ci ɣen ye wic ba we kušöt yiic, ku kuony we cimën adhie ye ajiŋ miëthke kušm piny yewušk, ku wek aaci kuec.

³⁵ Nhialic abī we nyāŋ pandun. Ku athön we bāk ŋic, wek aacii ɣa bi ben tɪŋ ɣet aköl bi wek röt guir, ku luarkë ɣa yai ke yakë lueel, ‘Lecku raan bö rin Bänyda.’ ”

14

Jethu aci raan tuany kony

¹ Nawën ke Jethu la pan raan akut Parathī aköl cii kɔc ye luui bi la mīth. Ku kɔc ke tō thīn aake döt Jethu apei.

² Go raan ci but ɣššm ku kōk ebën bën tēnē ye.

³ Go Jethu jam ku thiëc kɔc piöc ë lööŋ ku kɔc akut Parathī, “Cī löŋ pēen bi raan tuany kony aköl cii kɔc ye luui tädë ke kony?”

⁴ Gokë cii bēer. Go Jethu mony awën cɔl ku kony ku cɔl ajiël.

⁵ Ku jɔl lëk ke, “Yeŋa kamkun ë tēn, na cī manhde, ayī weŋde lööny yiith aköl cii kɔc ye luui, ke pël yiith ku cii bii bei nyin yic?”

⁶ Ku wēt kēnē aci ke nyōŋ nhīim kē bēer kek ye.

⁷ Wën cī yen ye tɪŋ aya ke jššl awën cī cɔl aaye ŋek tēden nyuuc yen thīn lɔc, ke luel kääŋ kēnē,

⁸ “Të cī yī cɔl yai yic, duk la ku nyuc tēn kɔcdit, tädë ke raan ben dit tēnē yī aci cɔl aya.

⁹ Na bii, ke raan awën cɔl we wedhie abī yššk ba rot jɔt ba thöc päl ye. Ku yin abī jäl dhuk thöc tō ciēen yiic ke yī cī gušp yar.

¹⁰ Të cī yī cɔl, ke yī la ku nyuc thöc tō ciēen yiic rin na la raan la baai bën, ka bö tēnē yī ku lueel, ‘Jɔt rot, bäär tuen tēn mähdië.’ Kēnē abī cɔl athiek yic jššl nhīim ebën.

¹¹ Kēya, kuat raan dit pušu rot ɣäth tuen ë rot abī Nhialic dhušk ciēen, ku raan lir pušu ë rot dhušk ciēen abī Nhialic ɣäth tuen.”

¹² Ku lueel Jethu tēnē mony awën cī ye gōŋ, “Na loi miëth bi yin kɔc gōŋ, ke duk ke cɔl mähku ku paan moor, ku kɔc ruäai kek yī ku kɔc ajiëk thiëk bääikun, rin aabi ben cɔl. Ku na looi rot kēya, ke kēwäär ca luši ke yen acolke tēnē yī.

¹³ Na loi miëth cɔl yin kɔc, ke cɔl ke kɔc ŋōŋ, ku kɔc cī duany, ku kɔc cī ŋɔl ku cōör,

¹⁴ rin na la kɔc röt jɔt thou yic aköldä, ke yin abī Nhialic cušöt rin wäär cī yin ke cɔl kɔc cii ye lēu bik miëethku cool.”

Jethu aci bäany Nhialic thōŋ yan thiëk

(Mt 22:1-10)

¹⁵ Go mony dët mīth kek kɔc lueel tēnē Jethu wën pin yen kēnē, “Kɔc mit gup aa kɔc bi cɔl yai yic, bäany Nhialic yic.”

¹⁶ Go Jethu lëk ye, “Monytui ëci yandit apei looi ku cɔl kɔc juëc.

¹⁷ Nawën cī mīth yai guiir, ke toc aluonyde bī kōc wīc ke yai yic la cōl, ‘Bāk, kēriēc ēbēn acī thōk ē guiēr.’

¹⁸ Gokē wēl juēc lueel kedhie bī kek kenhīim kōl. Ku lueel raan wēn cī alony kaŋ yōk ēlā, ‘Yēn acī piny γοοc, ku γēn adhil la ba la tīŋ. Lōr ku lēk bēny lōn acīn kē maan yen cīi γēn la yai yic.’

¹⁹ Ku lueel raandēt, ‘Yēn acī miōōr kathiāār ye kōc pur γοοc, γēn ala ba ke la them, lōr lēk bēny lōn acīn kē maan tēnē ye.’

²⁰ Ku lueel raan ye kōc diāk, ‘Yēn acī piac dōm nya, acā lēu ba la yai yic.’

²¹ “Go alony dhuk baai ku le wēlkā lēk bānyde. Go bānyde pušu riāāk ku lēk aluonyde, ‘Lōr dhōl yiic ku kam bēēi geeu, ku cōl kōc līm dhōl yiic ku kōc cī duany, ku kōc cī ŋōl ku cōōr bīk bēn.’

²² Go alony lueel, ‘Bēny, kē ca lēk γa aca looi ku piny aŋot lāāu.’

²³ Go bēny bēn lēk aluonyde, ‘Lōr kuany baai yic ku dhōl yiic geeu, ku lēk kōc ēbēn bīk dhīel bēn bī paandiē thiāŋ.

²⁴ Alēk yī, kōc wāār ca kaŋ cōl acīn miēth yai bik bēn yōk paandiē!’ ”

Kē dhil raan looi bī ya raan buoth Jethu

(Mt 10:37-38)

²⁵ Kōc juēc aake cath kek Jethu. Nawën ke wēl yenhom kōc ku lueel,

²⁶ “Na ye raan bō tēnē γa, ku cīi wun ku man ku tēŋde ku miēthke, ku wāmāthakēn ku nyiērakēn, ku wēike man, ka cie raan buoth γa.

²⁷ Ku raan cie gum ku buōth γa, acīi lēu bī ya raan buoth γa.

²⁸ Na wīc raan bī yōndīt bāār apei buoth, yeŋō bī kaŋ looi? Nadē ke cīi wēū muk bī kaŋ kuēēn nyīn bī ŋic lōn le yen wēū juēc bī yen yōt buoth bī thōl?

²⁹ Na jōk cōk ku le ciēn wēū juēc bī yen ye thōl, ka bī kōc yōt tīŋ ke kēc thōk aa bui, ku yekē lueel,

³⁰ ‘Mony kēnē acī yōt jōk bī buoth ku akēc thāap.’

³¹ “Na jōt bēnyŋaknhom tōŋ ke la apuruk tim thiāār bī la thōr kek bēnyŋaknhom dēt la apuruk tim thiār-rou, ke cīi bī kaŋ tak lōn bī yen tōŋ lēu kek ē bēny kēnē?

³² Na yōk ke cīi tōŋ bī lēu, ka toc kōc ke bēnyŋaknhom tui ŋot mec kek apuruōōkke bik dōr looi.”

³³ Kēlā aya, acīn raan kamkun lēu ye bī ya raan buoth γa agut tē bī yen kākke kaŋ puōl.

³⁴ “Awai, apath. Ku na thōōk kōu alēi ke ben dhuōk thīn kēdē?

³⁵ Awan cīt kēnē acie bēn piath. Aye puōk wei. Piēŋkē tē le wek yīth.”

15

Kāāŋ amēl cī mār

(Mt 18:12-14)

¹⁻² Kōc ajuēr kut ku kōc kārēc looi aake cī bēn tēnē Jethu bik piōōcde bēn piŋ. Ku kēnē, ee kēc kōc akut Parathī ku kōc piōōc lōōŋ nhiaar, rin ye Jethu kōc rēc mēen jāŋ lor, ku mīth ke ke aya.

³ Goke lēk kāāŋ kēnē.

⁴ “Na la raan tōk kamkun amāāl buōt, ku mār amāl tōk, ke cīi thiārthoŋuan ku dhoŋuan nyiēēŋ piny roor, ku le amāl tōŋ cī mār kaŋ wīc yet tē bī yen ye yōk?

⁵ Ku na yōk ka mit pušu apei ku jōt yekēt.

6 Ku na le yet baai ka cöl mähke ku kacken akeu nhom ku lëk ke, ‘Yen aci pušu miät rin cī yen amäldiën wäär cī mäǟr yök. Loiku yai.’

7 Kälä aya, miät pušu dīt abi tō pan Nhialic, rin raan tōḡ kërac looi cī yepušu dhušk ciëen rin adumuömk. Ku miät pušu kəc tō pan Nhialic, rin ë raan tōḡ, aciḡ bī thōḡ kek miät pušu rin kəc path kathiärdhoḡuan ku dhoḡuan cīn awuöc cīk looi, bī kek kepueth dhušk ciëen.”

8 “Tädë, tik ala wëeth thiǟr milänḡ yer, ku mär wënh tök. Yenö bī looi? Abi mac dë̄p ku wic apeḡ arëk bī yöt a weec yic agut tē bī yen ye yök.

9 Tē cī yen ye yök ka cöl mähke ku kəc akeu ëbën ku lëk ke, ‘Yen amit pušu apeḡ, wëëukiën wäär cī mäǟr aaca yök. Loiku yai.’

10 Kälä aya, atuuc Nhialic aa pueth miät rin raan tōḡ kärer looi cī yepušu waar ku dhuk Nhialic.”

Kääḡ manh cī mäǟr

11 Ku la Jethu tuenḡ ku lueel, “Monytui ë tō thin ku ë la wät karou.

12 Go wën koor lëk wun, ‘Gäm ya käk ba tək ya aköldä?’ Go wun känḡ tek tënë ke.

13 Nawën nin lik cök ke wën koor ḡöc kärke ëbën, ku jiël bī la wun dät, wun cī yen wë̄uke bën la thöl thin dëḡ ë mǟu ku wicwic adë̄jök.

14 Wën cī yen wë̄u thöl ke cöḡdīt apeḡ loi rot ye pan awën, ku jöl rëer ke nëk cök apeḡ.

15 Nawën le kärke dhal ke luëc rot pan raan tök ë kəc pan awën. Go raan la baai cöl aye dir baai biöök. Ku gëm ke kē camkë.

16 Ku ë ye wic diët cök yeyäc thiöḡḡ kē ye dir cam, ku acin raan cī ye gäm ye.

17 Nawën jöl kërëc cī looi tak yic yepušu ke lueel, ‘Ye kəc luoi kadë tō tënë wä ë kueth abi mieth döḡ piny, ku yen akin duër thou ë tën rin cök!

18 Yen abi dhuk tënë wä ku lëk ye, wä yen acä awuöc looi tënë Nhialic ku tënë yi.

19 Yen aciḡ ben a cöl yi, loi ya ke ya cit alony ye riöp.’

20 Ku jöl jäl pan awën ku dhuk tënë wun.

“Tëwën ḡoot yen tëmec ke baai, ke tḡḡ wun ke bö. Go pušu la yum ku riḡ tënë ye ku pëet yic ku cim gëm.

21 Go wëndë lueel, ‘Wä yen aci kërac looi tënë Nhialic ku tënë yi. Yen aciḡ ben piath nadë ke ya cöl ë yi.’

22 Go wun aluönyke cöl ku lueel, ‘Riëḡkë! Bë̄ikë alanh path ku tääkë yekö. Ku cuethkë cin joth milänḡ tōc ku tääkë war yecök.

23 Ku bë̄ikë muöor thiin cuai apeḡ ku näkkë bī yök yai looi,

24 rin manhdien kënë ë cit mänḡ cī thou ku aci bën pīr. Yeen ëcī mäǟr ku aci yök’ Ku jölkë yai cam.

25 “Tëwën looi kakkä röt, wëndit ëcī la luui dom yic. Nawën dhuk ku jöl bī baai dööt, ke piḡ löör yic ku diër.

26 Go aluöny tök cöl ku thiëc kē diër kəc baai.

27 Go alony awën lëk ye, ‘Wämuuth aci bën, ku wuur aci muöor wäär cuk muk apeḡ bī cuai nök bī yai looi rin cī yen dhuk ke puöl guöp.’

28 “Go wëndit pušu riääk apeḡ ku kuec bī cī la baai. Go wun bën tënë ye ku lḡḡ bī la baai.

29 Go lëk wun, ‘Yen aci luui apeḡ ë runkä ëbën tënë yi, ku acin tōḡ ca lëk ya ba looi cī yen kanḡ kuec ba cī loi. Ku ë runkä ëbën acin mën manh ë thök ca kanḡ yiëk ya bī yen luui yai yök mähkië.

³⁰ Ku wën dhuk wëndu ke cī wēḡuku la muṣr adējōk kōth, ke yī loi yai ku nāk muṣr tōṅ yen cuai apei yākkua yīic.’

³¹ Go wun bēḡr, ‘Manhdiē, yīn arēḡr kek ya akōlakōl, ku kāk muṣk ēbēn aa kākku.

³² Ku ē yic buk yai looi rin wāmuuth ē cīt manh cī thou, ku emēn aci pīir, ee cī mār ku emēn aci yōk.’ ”

16

Kāṅ raan luoi kony rot ruēny

¹ Ku ben Jethu lueel tēnē kōcken ye buṣōth ēlā, “Wāthēer raan ajak ē tō thīn, ku yeen ē la raan kākke guir baai, ku raan kēnē ēcī luom tēnē ye rin cī yen wēḡuke muṣr.

² Go cōl ku lueel, ‘Yeṅō kē ya piṅ keye lueel ē riēnku? Nyoth wēḡu ca ḍm ku wēḡu cī mār thook ēbēn, rin yīn aci bī ben ṅot yī lui tēnē ya.’

³ Go mony wën lueel yepuṣu ēlā, ‘Ba ṅō looi tē cop bēny ya luoidiē yic? Yen akuc puṣr ē dom ku yen abī guṣp yār tē ye yen lim.

⁴ Emēn, kē ba looi aca jāl ṅic, kē bī yen cōl ala kōc juēc māāth ke ya, bik ya aa lor bāāiken tē cop ya wei luoidiē yic.’

⁵ “Go kōc la gup kāny bānyde cōl ku lueel tēnē raan cī kaṅ bēn, ‘Kāk bēny kōny tēnē yī yekē dē?’

⁶ Go lueel, ‘Yen akōny tōnydīt miōk bian tōk.’ Go raan kāṅ guir baai lēk ye, ‘Kēnē aci ya akuḡndu, nyuc ku gāt thiārthiēc.’

⁷ Ku thiēc raan dēt, ‘Na yīin, kēny tō yīguṣp ye dē?’ Go lueel, ‘Ee gāny rap tiēm tōk.’ Go lēk raan wën, ‘Gāt buṣt kabēt.’

⁸ “Go wun baai raanden la guṣp awan leec wën cī yen rot kony. Rin tē ye riēc akōlē kākken luṣoi thīn kamken aṅuēn tēnē mīth bāāny Nhialic.”

⁹ Go Jethu la tuēṅ ku jiēm, “Kēya alēk we, luōikē jiēc pinynhom bī wek ke la mēth, rin na la jaakdun thōk ke wek aabi lor pīr akōlriēc ēbēn yic.

¹⁰ Raan ṅic kālīk muk apath ē kājuēc ṅiēc muk aya, ku raan kuc kālīk muk, acie kājuēc ē ṅiēc muk.

¹¹ Na yīn acie kāk ciēṅ pinynhom ē tēn ṅiēc muk, ke yī bī deet puṣu kēdē bī yī gām jiēc tō pan Nhialic?

¹² Na yīn acie ṅōṣth puṣu lan bī yīn kēn raandā ṅiēc muk, ke yeṅa bī gām kē cōk a kēdu?

¹³ “Acīn alony lēu ye bī luui tēnē bāny karou, ka man raan tuēṅ ku nhiēer raan ye kōc rou. Tēdē ka thek raan tuēṅ ku dhēl raan dēt guṣp. Acī raan lēu bī Nhialic ku jiēc nhiar kedhie.”

¹⁴ Go kōc akut Parathī, kōc nhiar wēḡu, kākka piṅ ēbēn ku ḍalkē Jethu guṣp.

¹⁵ Go Jethu lēk ke, “Wek aa rōt nyuṣōth kōc nhīim ciēt wek kōc path ku Nhialic aṅic kē tō wepuṣth. Rin kāk ye kōc juēc yiēc kepuṣth apei ciēt kek ril, aaye Nhialic tiṅ ke kor.

¹⁶ “Wāthēer agut tēwār tul Joon, kōc aake ye lōṅ Mothith ku wēl cī kōc kāk Nhialic tiṅ gōt, theek. Ku emēn, Wēt Puōth Yam rin bāāny Nhialic alēk kōc, ku awīc kuat raan ēbēn bī rot riēny thīn.

¹⁷ Ee kēya, apuṣl yic bī kāk tō nhial ku pinynhom riāāk, tēn tē bī wēt thiin koor tō Lōṅ yic cuat wei.

¹⁸ “Raan liṣi tiēṅde ku thiēc tiṅ dēt, ka cā akōr looi. Ku mony thiak tiṅ cī muṅyde liṣi, ka cī akōr looi aya.”

Raan cī jak kok miēth ku Ladhāro

19 Go Jethu kääŋ bēn thōōth ku lueel, “Raan tōk ē tō thīn ku ēcī jak apei, ku ē ceŋ alēth dhēŋ ku ē ye yai looi paande akōlakōl.

20 Ku raan laaŋ cōl Ladhāro la guōp tētōök juēc apei ē tō thīn aya. Ku ē ye nyuc yōn raan ajak thok,

21 bī lim awuthueei ē lōōny piny. Ku jōk aake ye bēn aya ku nyankē tētōök yiic.

22 “Nawēn ke laaŋ kēnē thou, go atuuc Nhialic wēike tāāu Abaram yōu nhial pan kōc path cī thou. Nawēn ke mony ajak lōk thou aya ku thiāk,

23 ku tēu wēike pan mac, ku rem thīn apei. Nawēn nēēr yenyin nhial ke tūŋ Abaram tēmec, ku Ladhāro ke tō yeyōu.

24 Go dhiau ku lueel, ‘Wā Abaram liec ya, ku toc Ladhāro bī ciēn tōk luōt thok pīu yiic, ku gōot yaliep bī liemdiē liec, rin yēn arem apei ē tēn!’

25 “Go Abaram bēēr, ‘Manhdiē, tak lōn cī yīn kāpath yōk wāār pīūr yīn ku yōk Ladhāro kārēc. Ku yēn awac puōu ēmēn ku yīn arem apei.’

26 Ku dēt aya, tēthuth mec yic apei atō kamkua bī ciēn raandan la lōŋtui, ku cīn raandun bō tēnē ya ē tēn.’

27 Go mony ajak wēn lueel, ‘Wā Abaram yīn alāŋ ba Ladhāro tuōc panda,

28 tēnē mīth wā kadhiēc bī ke la wēēt bīk cī bō ē tēn bī ke reem aya.’

29 “Go Abaram lēk ye, ‘Mothith ku kōc kāk Nhialic tūŋ aa tō thīn, cōl ke aa piŋ wēlken.’

30 Go mony ajak bēn lueel, ‘Kēnē acī ye lēu, Wā Abaram! Ku na jōt raan rot kōc cī thou yiic ku le tēnē ke, ka pāl kārēc yekē ke looi.’

31 Go Abaram lueel, ‘Na cīk wēl Mothith ku wēl kōc kāk Nhialic tūŋ piŋ, ka cī wēt raan cī thou ku bēn pīr piŋ aya.’ ”

17

*Ba raandēt thōōc kērac yic
(Mt 18:6-7, 21-22; Mk 9:42)*

1 Naŋon akāl tōk ke lueel Jethu tēnē kōcken ye buōōth, “Kāk kōc cōl aloi adumuōōm aa rōt dhiel looi akōlakōl. Ku raan kākā cōl aloi rōt abī kērac apei yōk.

2 Ee nūēēn tēnē ye diēt cī ruōk yeth aleldit tet, ku pik wīir bī mou, bī kōc thiikā cī cōl aloi adumuōōm.

3 Tietkē rōt!

“Na loi menhkuī adumuōōm, ke nyieny, ku na dhuk yepuōu ciēēn kērēc cī looi, ke yī pēl wēt piny tēnē ye.

4 Ku na looi kērac tēnē yī arak dhorou akāl tōk, ku bī tēnē yī arak dhorou aya, ku thiēc yī ba wēt pāl piny, ke yī pēl wēt piny tēnē ye.”

5 Naŋon akōl dēt ke lueel atuuc tēnē Bēny Jethu, “Yōk aa wīc gamdīt, lēk yō tē bī yōk ye yōk thīn.”

6 Go Bēny bēēr, “Na gamdun cōk kuur bī ciēt manh ŋaap, ka lēukē bāk tim dīit tui yōōk ēlā, ‘Nyūēn rot bei piiny agut mei, ku lōr pith rot wīir!’ Ke wētdun aloi rot.

7 “Na thōōŋku lōn raan tōk kamkun ala alony cī la pur, tēdē ke cī la biōök amēl. Na le dhuk dom yic, ye lēk ye, ‘Lōc bēn ba bēn mīth?’

8 Acī bī lēk ye kēya! Tēdē aba lueel tēnē ye, ‘Guir miēth tēnē ya, ku tīt ba kaŋ mīth ku dēk, na lā ciēēn ke yīn abī jāl mīth ku dēk.’

9 Ku aloony aa cie leec tē looi kek luōiden.

10 Athōj kek we aya, na luɔikē kē ca lēk we bāk looi, ka luɛlkē, ‘Yok aa loony ē path, ee luɔida yen acuk looi ku acin dēt.’”

Atuet thiäär acī kony

11 Nawēn la Jethu Jeruthalem, ke tēk kam Thamaria ku Galilia.

12 Nawēn yeet gen thiin tō dhēl yic ke rām kek atuet thiäär. Gokē kōōc tēmec,

13 ku luɛlkē, “Jethu Bēny, liec yō.”

14 Nawēn tīj ke ke lueel, “Lak ku nyuōthkē rōt kōc kāk Nhialic.”*

Tēwēn ŋoot kek dhēl yic, ke tuet jiēl kegup.

15 Go raan tōk dhuk tēnē Jethu wēn cī yen ye tīj ke tuet cī jāl yeguōp, ku leec Nhialic apēi rōldit,

16 ku cuet rot piny Jethu nhom ku leec. Ku mony kēnē ē raan Thamaria.

17 Kēnē acī Jethu cōl athiēc ku lueel, “Cie raan thiäär yen cī kony bī tuet jāl kegup? Kōc kōk kadhojwan aako?”

18 Yējō yen raan wun dēt yen dhuk bī Nhialic bēn leec?”

19 Ku lēk ye, “Jōt rot ku jāl. Gamdu acī pūr.”

Bääny Nhialic

(Mt 24:23-38, 37-41)

20 Naγon akāl tōk ke kōc akut Parathī thiēc Jethu, “Bī bääny Nhialic yecōk jōok nen?” Go Jethu bēēr ku lueel, “Bääny Nhialic acie kēnē na bīi ke tīj kōc nyin?”

21 Ku acin raan lēu ye bī lueel, ‘Daai tēn, yen akīn, tēdē ke lueel, yen akan.’ Rin bääny Nhialic atō wepuōth.”

22 Ku lueel Jethu tēnē kōcken ye buōōth, “Tē bī wek γa, γen Manh Raan nhiaar diēt γa cōk rēēr ke we akāl tōk abō. Ku γen acīi bī rēēr tēn.

23 Abī kōc kōk lēk we lōn cī γen dhuk γen atō tēn, ke duōkkē gam, ku duōkkē γa cōk wīc.

24 Rin tē dhuk Manh Raan, ka guō kē ŋic. Abāk tīj cimēn bir deŋ dhie yen nhial reet yic, ku tīj lōj ku lōjē.

25 Ku γen abi kaŋ gum apēl, ku riēc akōlē acīi wētidiē bī gam.

26 Tē le Manh Raan bēn, ke kē bī rot looi abī ciēt kēwäär loi rot wäär pūr Noa.

27 Ee nīnkā kōc aake rēēr ke mit puōth, keye mīth ku dēkkē ku loikē ruēi yet akōl le Noa riāi yic, ku bō aboor ku moukē ēbēn.

28 Ku bēndiē abī thōj aya kek kēwäär loi rot wäär pūr mony cōl Lot. Ee nīnkā kōc aake ye mīth ku dēkkē, ku γōckē kāŋ ku γōōckē ke wei, ku purkē ku loikē γōōt.

29 Ku akōl wēn jiēl Lot Thodom, ke Nhialic cōl deŋ atueny ē mac ku nēk kōc ēbēn,

30 yen abī ciēt akōl bī Manh Raan dhuk.

31 “Tē le akōlē bēn, ke raan rēēr ayeer acīi ben la γōt bī la guik kē muk. Ku raan tō dom yic acī dhuk baai aya.

32 Takkē kēwäär cī rot looi tēnē tīj Lot.†

33 Raan wīc ye bī wēike kony aabi muōr, ku na ye raan mār wēike ē rienkiē ka bī wēike muk akōlriēc ēbēn.

* 17:14 Rin bī kōc kāk Nhialic ke tīj lōn cī kek pial bīk aa rēēr ke kōc. (Leb 14:1-32) 17:26 Cāk 6:5-8
 17:27 Cāk 7:6-24 17:29 Cāk 18:20-19:25 17:31 Mt 24:17-18; Mk 13:15-16 † 17:32 Tīj Lot γon
 cī yenhom wel bī riāŋ Thodom tīj, nawēn ke yuōm abī ciēt ŋen awai. (Cāk 19:26) 17:33 Mt 10:39;
 16:25; Mk 8:35; Lk 9:24; Jn 12:25

³⁴ Wakşu ë ninkä kəc karou aabi tş yööt ke nin. Raan tők kamken abi ləc ku nyei ku dşn raan tők.

³⁵ Këlä aya, diäär karou aabi luui ë tők luoiden baai, tienj tők abi yäth nhial ku nyiëej tienj tők piny.

³⁶ Ku abi rot looi këlä aya tënë kəc lui dom yic. Raan dët abi yäth nhial ku nyiëej raan dët piny.”

³⁷ Go kacken ye buoath thiëc, “Bëny, bi ke yäth tēnen?” Go Jethu bëer, “Të rëer guşp kë ci thou thün, aye cor yenhom mat thün.”

18

Lëer ku bëny luşk

¹ Nayon aköl dët ke Jethu lëk kacken ye buoath kääj bi ke pişoc bik dhiel aa rök akölaköl ku cik dhşr.

² Ku lueel, “Wäthëer bëny luşk ë tş thün gen thün. Ku ëcie rişoc Nhialic ku ë dhäl kəc gup ëbën.

³ Ku tinj lëer ë tş ë gen kënë aya. Ku ë ye lac bën tënë bëny, ku lëj bi luşk yic tënë mony luk kek.

⁴⁻⁵ Go bëny wëtde cii kuëc nhom. Nawën le tak ke lueel, ‘Na cək alon cii yen ye rişoc ë Nhialic, ku cä kəc thek, ke rin ë tinj kënë ya rääm nhom ë bak, aba tinj ba dhiel luşk yic, na cä loi këlä, ka bi ya cool ë bën ku cut yaguşp.’ ”

⁶ Ku jol Jethu lëk ke, “Piejkë tş ye bëny kuc luk jiem thün.

⁷ Cii Nhialic lëu bi luk njec looi tënë kacken ci ləc, kəc ye rök aköl ku wëer? Bi ke cöl ke mec tënë ye?

⁸ Alëk we, abi luk njec looi tënë ke. Ku na la dhuk, yen Manh Raan, ye kəc kadë ba yök ke la gam pinyinhom?”

Kääj raan akut Parathï ku raan ajuër kut

⁹ Ku lueel Jethu kääj kënë aya tënë kəc röt yök ciët kek path keşec, ku dhälkë raan ëbën guşp.

¹⁰ “Kəc karou aake ci la luanj Nhialic bik la rök, raan akut Parathï nhiam apei ku raan ë kut ajuër kəc tuşşr nyin.

¹¹ Go mony nhiam akut Parathï bën ku këc ku rök ë rot ëlä, ‘Yin aleec Nhialic, yen acii thönj kek kəc kək, kəc käk kəc kək tuşşr nyin, kəc ë luui karec ë diäär kəc kək kşor. Yin aleec rin yen acii thönj kek raan ajuër kut kënë.

¹² Yen ë thek ba cii mïth, arak rou nin kadhorou yiic, ku yin aya juër tők thiäär yic käkkiën ya yök luoi yic ëbën.’

¹³ “Ku raan ajuër kut aci bën ku këc tēmec ku cii yenyin nşer nhial wën rök yen, ku gut yepuşu amääth bi nyuoath lon ë yen karec looi ku lueel, ‘Nhialic liec ya, yen ë raan la guşp adumuşm.’ ”

¹⁴ Ku jol Jethu lëk ke, “Mony kënë, ku acie raan akut Parathï, aci dhuk baai ka adumuşmke ci päl piny tënë ye. Rin raan nhiam rot yäth tuenj abi dhuşk ciëen, ku raan lir puşu rot tşşu ciëen abi yäth tuenj.”

Jethu adəc mïth

(Mt 19:13-15; Mk 10:13-16)

¹⁵ Kəc kək aake mïth bëei tënë Jethu bi ke bën dşoc. Go kəc Jethu buoath ke läät.

¹⁶ Go Jethu mïth caal yelşm ku lueel, “Calkë mïth aa bş tënë ya, duşkkë ke pën. Rin raan wic ye bi la bäany Nhialic yic adhil gam cimen ë mïth thiikä.

17 Alëk we, raan wïc ye bï bääny Nhalic yök adhil wët Nhalic gam, cïmën ye manh koor wët kóc ke dhiëth ye gam.”

Raan ajak

(Mt 19:16-30; Mk 10:17-31)

18 Go raandit kóc Itharel Jethu thiëc, “Raan piöoc path, yenjö ba looi ba pïr akölrïëc ëbën yök?”

19 Go Jethu lëk ye, “Yenjö ye yïn ya cöol raan path? Acïn raan path, ee Nhalic ë rot.

20 “Ku na bëer wëtdu, ke yïn anjic käk ye lööñ Nhalic lueel, ‘Duk tiñ raandä kør, duk raan näk, duk cuëer, duk kuëëñ wët lueth. Thek wuur ku moor.’ ”

21 Go mony wën bëer, “Lööñkä aaca muk nhïim ëbën tëwäär koor yen agut ëmën.”

22 Nawën piñ Jethu kënë, ke lueel tënë ye, “Ala löñ ñot këc ë looi. Yaac käkku ëbën ku gam wëëu tënë kóc ñöñ, yïn abï jïëk la yök pan Nhalic ku bäär buöth ya.”

23 Nawën piñ mony kënë ë wëlkä, ke mëen rin ë jak apeï.

24 Go Jethu tiñ ke cï puöu dak ku lueel, “Abï yic riël tënë kóc ajïëk bïk la bääny Nhalic yic.

25 Alëk we alanden, apuol yic bï thöröl bak with cök, tën të bï raan ajak la bääny Nhalic yic.”

26 Go kóc awën piñ ë wëlkä Jethu thiëc, “Na ye këya, yenja bï la pan Nhalic?”

27 Go Jethu bëer, “Käk cï raan ke lëu aaye Nhalic looi.”

28 Go Pïter lueel, “Na yook, yök aaci käkku nyään wei ku buöthku yï!”

29 Go Jethu lëk ke, “Wek alëk yic, raan nyiëëñ panden wei, ku tienje ku wämäthakën ku kóc ke dhiëth ye, ayï miëthke rin bääny Nhalic,

30 abï kajuëc yök ë riëc kënë yic, ku pïr akölrïëc ëbën bï bën aköldä yic.”

Jethu ajam ë Thuonde kën yic diäk

(Mt 20:17-19; Mk 10:32-34)

31 Nawën ke Jethu cöol kocken ye buöth kathiaär ku rou teden röt ku lëk ke, “Ëmën yok aa la Jeruthalem, të bï käwäär cï kóc käk Nhalic tiñ göt rin Manh Raan kenhïim la tiëñ thïn.

32 Abï la thön kóc cie kóc Itharel bïk bui ku lëëtkë, ku ñuutkë nyin,

33 ku abïk that ku näkkë, ku na ye aköl ye nïn diäk, ke yeen abï pïr ku jot rot raj yic.”

34 Ku kóc ye buöth aake këc käkka deet yiic. Wëtde yic aci thiaan tënë ke, ku keek aaci kën jïëem Jethu kuc.

Jethu aci cöor kony bï daai

35 Nawën dötkë Jeriko, ke mony cï cöor ë rëer dhël you ke lim.

36 Nawën piñ kóc cath röt, ke thiëc, “Yenjö loi rot?”

37 Go lëk ye bn ë Jethu raan Nadharet yen atëk dhël yic.

38 Go cööt, “Jethu, wën Debit liec ya.”

39 Go kóc ke tō tuenj läät ku lëkkë ye bï biet. Go ñot kiu apeï, “Wën Debit kony ya.”

40 Go Jethu kōsc ku lëk kóc bïk mony kënë thël tënë ye. Nawën cï yëët tēthišk, ke thiëc Jethu,

41 “Yenjö wïc ba looi tënë yï?” Go bëer, “Bëny awiëc ba bën daai.”

⁴² Go Jethu lëk ye, “Daaiè! Gamdu aci kony.”

⁴³ Go guo daai nyin yic, ku buoath Jethu ke lec Nhialic. Nawën tîŋ kôc juëc ke tó thîn kē cī rot looi, ke lec Nhialic ëbën.

19

Jethu ku Dhäkeo

¹ Nawën cī Jethu yet Jeriko ku ber yic.

² Ke raan ajak cöl Dhäkeo ë tó thîn ke ye raandit kam kôc ajuër kut,

³ ku yeen ë wíc bī Jethu tîŋ ku ë ciek apei. Go ciën tē tîŋ yen Jethu rin kôc aake juëc.

⁴ Go rin tuenj ku ler ŋaap nhom, ŋam bī Jethu tēek yecök.

⁵ Nawën yëët Jethu ŋam awën cök ke tîŋ Dhäkeo nhial, go cöl ku lueel, “Dhäkeo, lóc bën piny, yaköl ŷen abī cool paandu.”

⁶ Go Dhäkeo bën piny ku lor Jethu ke cī puşu miet apei.

⁷ Nawën tîŋ kôc ke tó thîn ë kënë, ke la ŋoomŋoom ku luelkë, “Mony kënë aci la cool pan raan rac.”

⁸ Go Dhäkeo wëlken cī kuëec nhīim ku jot rot ku lëk Bányda, “Bëny, ëmën thiin ŷen abā abëk ë wëëukië yiëk kôc ŋöŋ, ku na ca kën raandā cam ruëeny, ka ba dhuk arak ŋuan.”

⁹ Go Jethu lëk Dhäkeo, “Yaköl, yīin ku kacku wek aaci pīr akölrīëec ëbën yök, rin yīin aya yīn ë manh Abaram,

¹⁰ rin Manh Raan aci bën bī kôc cī määŋ wíc, ku kony ke.”

Kääŋ aloony kathiäär

¹¹ Tëwën piŋ kôc ë wëlkä, ke Jethu thóth kääŋ rin ëcī thiök ke Jeruthalem. Ku ë yekë tak lon bī bääny Nhialic rot guo la jök thîn.

¹² Ku jöl lueel, “Monytu, ke ye raan göl bëny, ëcī la wun dët mec apei bi la ruök bī ya bënyŋaknhom. Ku jöl dhuk wuşnden.

¹³ Ku wën këc yen guo jäl, ke cöl aluwoonyke kathiäär, ku ye ŋek gäm wëëu ku lëk ke, ‘Lökkë luui ë wëëukä yet aköl bī ŷen dhuk.’

¹⁴ Ku yeen ë mēen kôcken mec, gokë kôc tuwoc yecök bik la lueel, ‘Mony kënë acuk wíc bī ya bënyŋaknhom.’

¹⁵ “Cök awën cī kacke ye wíc ka ŋot cī ya bënyŋaknhom, ku dhuk ku cöl aloonyken wäär cī gäm wëëu, bī bën ŋic ye wëëu kadë cī raan tök ya juak wëëu wäär cī yiëk ye yiic.

¹⁶ Go alony tuenj bën ku lueel, ‘Bëny, wëëu wäär ca gäm ŷa, ŷen aci wëëu juëc tënë ke arak thiäär yök thîn.’

¹⁷ Go bëny lëk ye, ‘Aca ŋiec looi, yīn alony path, ku rin cī yīn kälík ŋiec muk apath, yīn abī ya bëny gëeth kathiäär.’

¹⁸ Go alony ye kek rou bën ku lueel, ‘Bëny, ŷen aci wëëu juëc arak dhiëc yök tēn wëëu wäär ca gäm ŷa.’

¹⁹ Go bëny lëk alony kënë aya, ‘Yīn abī ya bëny gëeth kadhiëc.’

²⁰ “Ku ben alony dët bën ku lueel, ‘Bëny, wëënkun wäär aa kīk. Aake ca der yiic alanthiin ye kôc kenyīn wuuny ku tääu ke.

²¹ ŷen ŷa cī rişoc yī, rin ye yīn raan cie këdu puşl. Yīn ë kë cie këdu lööm, ku yīn ë tem rap këc ë puur.’

²² Go bëny lëk ye, ‘Yīn alony rac, dak rot. Wëlkun ca lueel kek aabi luök wei. Aŋic lon ye ŷen kë cie këdië lööm, ku ŷen ë rap tem rap këc puur.

23 Yenö kəc yin wëëukië gäm kəc njic luui wëëu rin na la dhuk aköldä ke yşk ke cī keyiic juak?”

24 “Ku yöök bëny kəc wën kääc thïn, ‘Nyaaike wëëu tënë ye ku gamkë ke tënë raan la wëëu juëc.’

25 Gokë lëk ye, ‘Bëny yeen ala wëëu juëc apeı.’

26 Go bëny lëk ke, ‘Raan la kãnj abi gäm kãjuëc kök, ku raan cïn kãnj, abi këthiin tō tënë ye nyaai aya.

27 Ku kəc man yen kã, kəc cïi yen wïc ba ya bányden, bëëikë ke yanhom tën ku nãkkë ke ya daai ë ke.’”

*Jethu aci la Jeruthalem ke ciëm yai
(Mt 21:1-11; Mk 11:1-11; Jn 12:12-19)*

28 Wën cī Jethu kãkkã lueel, ke jiël bī la Jeruthalem ke wat atuşöcke nhīim.

29 Tëwën cī kek thişk ke Bethpeec ku Bethani, tēthiääk kek gøn Olip, ke tooc kəc ye buoath karou tuenj

30 ku lëk ke, “Lak bëëi tō tuenj yiic. Të yeet wek, wek aabi manh akaja cïn raan cī kãnj cath ye yök ke mac. Luonykë ku bëëikë tën.

31 Na le raan thiëc we, yenö lony wek ye? Ke lëkkë ye, awïc Bányda.”

32 Gokë la ku yökkë manh akaja cīt tëwën cī Jethu ke than thïn.

33 Tëwën lony kek manh akaja, ke lëk raan la akaja ke, “Yenö lony wek manh akaja?”

34 Gokë bëër, “Awïc Bányda.”

35 Gokë manh akaja yãth tënë Jethu ku kumkë kōu alãthken, ku nyuc Jethu yekōu.

36 Tëwën lööny yen dhöl, ke kəc juëc thieth alãthken dhël yic.

37 Ku wën lør yen piny gøn Olip nhom, go kocken ye buoath puoath miët ëbën, ku leckë Nhialic rin kãjuëcdit jãnj göi cik tıj ku wekkë apeı ëlä,

38 “Bī Nhialic bënyñaknhom cī bën rin Bányda döoc.

Döör pan nhial ku lec tënë Nhialic.”

39 Go kəc akut Parathı kök ke tō kəc yiic lueel tënë Jethu, “Bëny cöl kockun yī buoath aa bit.”

40 Go Jethu bëër, “Alëk we, na cak kë biët, ka aleel ë röt, aa loi wuöu.”

41 Nawën lek Jeruthalem dööt, ke dhiau wën tıj yen geu nhom,

42 ku lueel, “Döör akölriëëc ëbën ëci we dööt kəc Jeruthalem, ku wek aaci jai ë ye. Ku ëmën acäk bī ben tıj.

43 Ala aköl bī kəc aterdun bën ku golkë we abi ciën tēyör bakkë.

44 Aabi we nöc ëbën agut mıth rëër ke we. Ku gen Jeruthalem abi thuör piny ëbën, abi ciën alal kääc alal dët nhom, rin kəc wek aköl cī Nhialic bën bī we kony njic.”

*Jethu aci la luaj Nhialic
(Mt 21:12-17; Mk 11:15-19; Jn 2:13-22)*

45 Nawën lek yet Jeruthalem ke Jethu la luaj Nhialic. Ku cop kəc kãnj yaac ayeer kal luaj Nhialic yic.

46 Ku lëk ke, “Acı gõt athör theër wël Nhialic yic lon cī Nhialic ye lueel ëlä, ‘Luandıë aci looi bī ya tën ye kəc ëbën röök thïn.’ Ku yeen acäk wel bī ya luaj cuër.”

47 Ku jöl a piöoc luaj Nhialic akölaköl. Go kəc kãk Nhialic ku kəc gët lööj ku kœcdit baai wïc bık nöc.

⁴⁸ Ku acin dhël cîk lëu bîk yök bî kek ye looi, rin ye kɔc ëbën rëer yelëëm ke piŋ wëlke, ku wickë bî ciën tōŋ cîk piŋ.

20

Bäny Itharel aa riel Jethu yööŋ yic

(Mt 23:27; Mk 4:27-33)

¹ Naŋon akäl tōk, tēwën piöoc Jethu kɔc ë Wët Puoth Yam luanŋ Nhialic, ke bënydit kāk Nhialic, ku kɔc gät lööŋ ku kɔcdit baai bō tēnë ye.

² Ku thiëckë, “Ee yin, lëk ɣo ye riel nō tō yiguap ye yin luui këlä? Ku yeŋa yîk yî ë riel kënë?”

³ Go Jethu bëër tēnë ke, “Wek aba thiëc aya, lëkkë ɣa,

⁴ riel ye Joon kɔc gäm lökwëi yök tēnë Nhialic aye rielde ë rot?”

⁵ Gokë kaŋ guëek yic kamken ë röt ku luelkë, “Na luelku ka yök tēnë Nhialic, ka luel ëlä, yeŋö këc wek wëtde gam?”

⁶ Ku na luelku ke rielde ë rot, ke ɣok aa näk, rin cî raan ëbën ye gam lan Joon ë ye raan kāk Nhialic tîŋ.”

⁷ Gokë dhušk Jethu, “Yok aa kuc tē yök yen rielde thin.”

⁸ Go Jethu lëk ke, “Na ye këya, ke wek aacä lëk riel ye ɣen kakkä looi.”

Jethu ajam ë waal bî rëec bäny nyuwoth

(Mt 21:33-46; Mk 12:1-12)

⁹ Ku ben Jethu jam ë waal tēnë kɔc ku luel, “Monytui ëcî dom looi ku cum yic tiim ë luok, ku riöp yic kɔc kōk. Ku keny wun dët, ku le pëi juëc nōk wei.

¹⁰ Nawën le tē cî tiim luok thōŋ, ke tooc aluonyde tēnë kɔc wäär cî riöp dom yic bîk la gäm abäkke. Gokë alony döm ku thatkë ku copkë ciën yecin.

¹¹ Go alony dët ben tooc, gokë ben döm ku thatkë ku banjë apëi. Ku toockë ciën ke cîn kë cîk gäm ye.

¹² Go alony dët ye kek diäk ben tooc, gokë yiëk tëtök aya ku copkë wei.

¹³ Go wun dom luel, ‘Yeŋö ba looi? ɣen abî manhdiën nhiaar tooc, tēdë ka bîk la theek.’

¹⁴ Nawën tîŋ kɔc cî riöp dom yic manhde, ke luelkë, ‘Kënë ë manh raan yen la dom, ku ë yen abî kaŋ lök thon aköldä. Bäk näkku ku kakkä aabi döŋ ke ɣo.’

¹⁵ Ku thelkë ayeer dom yic ku näkkë.” Ku jol Jethu ke thiëc, “Yeŋö bî raan la dom looi tēnë ke?”

¹⁶ “Abî bën ku nëk kɔc awën cî riöp dom yic, ku riöp dom yic kɔc kōk.” Nawën piŋkë ë wët kënë ke luelkë, “Diët cî rot loi!”

¹⁷ Go Jethu ke döt apëi ku thiëc ke, “Yeŋö ye wët kënë cî göt këlä thëer teet yic,

‘Mën wäär yen cî atëet kuëc, yen acî bën a mën ril.’ ”

¹⁸ Ku lëk Jethu ke, “Na deeny raan yecök mën ka duony bî ruoth. Ku na wîk raan nhom ka niöon yic.”

Jethu awic bî wëëŋ wët ajuër

(Mt 22:15-22; Mk 12:13-17)

¹⁹ Go kɔc piöoc lööŋ ku bäny kāk Nhialic wic bîk Jethu döm nyin yic, rin cî kek ye njic lan aa kek ke jiëem Jethu gup ë waal. Ku keek aacî riöoc kɔc awën tō thin.

²⁰ Gokë kɔc kōk riöp thook bîk röt looi ciët ke ye kɔc path tēnë Jethu, bîk aa la thiëc bîk deep rin na le wët rëec luel, ke dōmkë ku ɣëthkë tēnë bënydit mac baai.

²¹ Ku bĭk tĕnĕ Jethu ku thiĕckĕ ělä, “Raan piöoc, anĭcku lön wĕt ye lueel ku kĕ ye piöoc ee yĭc. Yin acie dĭt raan ye kuĕĕc nhom. Ku yĭn ě koc piöoc bĭk kĕ wĭc Nhialic looi dhĕl la cök.

²² Lĕk yo, na ye taktäku buk ajuĕr dhĭel aa gam, yok koc Itharel tĕnĕ bĕnyĭaknhom Cithĕr kua cuk bĭ gam ye.”

²³ Ku Jethu ěcĭ ruĕnyden ĩc, ku bĕĕr,

²⁴ “Nyuöthkĕ ya wĕĕu, ku thiĕc ke, ye nhom ũa ku ye rin ũa käckä cĭ giĕt ě wĕĕth kĕu?” Gokĕ bĕĕr, “Aa käk Cithĕr bĕnyĭaknhom.”

²⁵ Go Jethu lĕk ke, “Na ũĕckĕ kĕya, gämĕkĕ Cithĕr bĕnyĭaknhom kĕde ku gämĕkĕ Nhialic kĕde.”

²⁶ Ku acĭn wĕt rĕĕc cĭ Jethu lueel koc nhĭim lĕu bĭ ya awuoc bĭ kek ye döm. Ku wĕt cĭ lueel ěcĭ ke gōi ku bitkĕ.

*Nhialic abĭ koc cĭ thou cöl aa ben pĭr
(Mt 22:23-33; Mk 12:18-27)*

²⁷ Go koc kök akut Thaduthĭ. Akut cĭi yeen ye gam lön bĭ Nhialic koc cĭ thou ben cöl apĭr, bĕn tĕnĕ Jethu ku thiĕckĕ ělä,

²⁸ “Raan piöoc, Mothith acĭ löŋ gōt ělä tĕnĕ yo, ‘Na thou wämĕnh ě raan ku nyĭĕñ tik piny ke cĭn mĭth, ke wämĕnh koor ala yōt tik bĭ mĭth dhiĕĕth yōn mĕnhĕ.’

²⁹ Na thöŋku lön tō mĭth tik thĭn kadhrou, ku thiĕk wĕn dĭt, ku thou ke cĭn mĭth.

³⁰ Go wämĕnh buöth ye la yōt tik, ku thou aya ke cĭn mĭth cĭ dhiĕĕth.

³¹ Ku looi rot kĕya tĕnĕ mĕnhĕ ye kek diäk. Ku kĕya tĕnĕ ke ěbĕn kadhrou, aacĭ thou ke cĭn mĭth cik nyäñ piny.

³² Nawĕn ke tik thou aya.

³³ Ku lek tuĕñ ku thiĕckĕ, tĕ le koc cĭ thou rōt jōt aköldä, bĭ ya tĭñ ũa, rin cĭ yen rĕĕr ke ke ěbĕn kadhrou?”

³⁴ Go Jethu bĕĕr, “Thiĕñ ye koc rōt thiaak ě kĕn pinynhom tĕn.

³⁵ Ku koc path bĭ rōt jōt thou yĭc, koc ye pan Nhialic kĕden, aacie thiĕĕk ku aacie ě thiaak,

³⁶ ku aacĭ bĭ ben thou rin aa thōñ kek atuuc Nhialic. Ku aa mĭth Nhialic rin cĭ kek rōt jōt thou yĭc.

³⁷ Ku Mothith guöp ě jam lön ye koc cĭ thou ben pĭr, wäär gĕt yen tĕ cĭ Nhialic rot nyuöth ye ě bun dĕp yĭc, ku jĕĕm rin Bĕny ělä, ‘Ee Nhialic Abaram, ee Nhialic Ithäk ku ee Nhialic Jakop.’

³⁸ Wĕtde yĭc ě lön ye yen Nhialic ě koc pĭr, ku acie Nhialic koc cĭ thou, rin koc ěbĕn aa pĭr tĕnĕ ye.”

³⁹ Go koc piöoc lööñ ke kääc thĭn jam ku luelĕkĕ, “Aa ũĭc dhuk nhom raan piöoc.”

⁴⁰ Ku thök jamden rin ě cik wĭc bĭk ben thiĕĕc.

*Jethu acĭ koc piöoc lön yen raan ě tooc Nhialic
(Mt 22:41-46; Mk 12:35-37)*

⁴¹ Ku lueel Jethu tĕnĕ ke, “Yenjö ě ye lueel lön raan cĭ loc ku dōc ya raan dhiĕnh Debit?”

⁴² Rin aye Debit guöp luel athör waak yĭc ělä, ‘Acĭ Nhialic lueel tĕnĕ Bānydiĕ, ‘Nyuc ě tĕn kōñdiĕn cuĕc,

⁴³ yet tĕ bĭ ũen koc atĕrdu dhuök ciĕĕn yĭcök.’

⁴⁴ “Ye kĕdĕ ye yen manh Debit, ku yeen aye Debit cöl, ‘Bānydiĕ?’ ”

Jethu alëk kəc bīk röt tiit kəc gät lööŋ Itharel

(Mt 23:1-36; Mk 12:38-40)

⁴⁵ Tēwēn piŋ kəc ēbēn wētde, ke Jethu wēl yenhom kəcken ye buəθh ku lueel,

⁴⁶ “Tiētkē röt ku duškkē kəc piöoc lööŋ Itharel ye kiēt. Kəc cath kek alēthken dīt bār, röt teem ɣən ɣəc yiic bī ke aa muəθh athēək. Ayekē nhiaar bīk nyuc tuəŋ thōc kəcdīt tēn amat, ku ɣən path aköl yai.

⁴⁷ Ku keek aa kāk lēer tuəsr nyin, ku röökkē apēi bīk kəc wēŋ lən puəθh kek. Kəckä aabī tēm awuəc ril apēi.”

21

Ajuēr lēer

(Mk 12:41-44)

¹ Kaam wēn ke Jethu cī nyuc tē ye wēū juaar thīn luanŋ Nhialic, ku döt kəc wēū cuat kēn ajuēr yic. Ke kəc juēc ajiεek aake cī wēū aa tāū thīn.

² Nawēn ke tiŋ lēer anääŋ bö ku cuet wēū reen lik thīn aya.

³ Go Jethu lueel, “Wek alëk yic, lēer kēnē aci Nhialic kēden cī juaar nhiaar tēnē kəc kək ēbēn.

⁴ Rin aa cik juaar wēūken juēc yiic, ku yen anjäŋē, aci kēn bī yen pīr dhuol thīn ēbēn.”

Luanŋ Nhialic Jeruthalem abī thuəsr piny

(Mt 24:1-2; Mk 13:1-2)

⁵ Tēwēn jiēl kek luanŋ Nhialic, ka atuuc kək jam tē dhēēŋ luanŋ Nhialic thīn ku aleel pəth cī ye buth, ku kädhēŋ cī gām Nhialic bī ye door. Go Jethu bēēr,

⁶ “Käkkih yakē tiŋ emēn, ala aköl bī ke thuəsr piny ēbēn, ka cīn alel tōŋ bī kōc alel dēt nhom.”

Acī Jethu lëk atuəccke lən bī ke maan

(Mt 24:3-14; Mk 13:3-13)

⁷ Go kē thiēc, “Raan piöoc, ye nen bī kēnē rot looi, ku yeŋö bī ye nyuəθh lən tē bī kēnē rot looi aci thišk?”

⁸ Go Jethu lëk ke, “Tiērkē nhīm ku duškkē röt cəl aduəŋ. Rin kəc juēc aabī bēn ē rienkiē ku ye ŋek lueel, ‘Ke ɣen raan cī ləc ku dəc, aköl bī ɣen bēn akīn.’ Duškkē ke buəθh.

⁹ Ku duškkē riəc aköldä tē tiŋ wek təŋ, ku aliäap baai ke loi röt. Käkkä abī röt kaŋ dhiel looi tuəŋ, ku acie lən cī thōk piny guə thišk.”

¹⁰ Ku ben Jethu lueel ēlä tēnē ke, “Wuəst aabī kenhīm tuəsm ku thērkē, ku bēi mēc bānydīt abī thōr kamken.

¹¹ Ayiēkyiēk piny dīt juēc aabī röt looi, ku tuaany ku cəŋdīt apēi aabī röt looi ɣən juēc yiic. Ku käreç kək aabī röt looi, ku kädīt kəc cəl arlōc aabī tiŋ nhial.

¹² Ku tuəŋ bī kākä röt looi, wek aabī gum apēi, ku wek aabī ɣəth tēn amat ku mēc we. Ku wek aabī ɣəth luk yic bāny nhīm ē rienkiē.

¹³ Ku ē yen tēn bī wek kəc ēbēn lëk Wēt Puəθh Yam thīn.

¹⁴ Ku duškkē diēer tē bī wek röt kuəny thīn,

¹⁵ rin wek aba kony ba we cəl aŋic wēl puəθh bāk lueel, kāk cī kəc aterdun we bī jōsny, tēdē ke dhäl kākkuŋ yakē lueel.

¹⁶ Wek aabī kəc ke dhiēth we, ku wāmāthakun, ku kəc ruäi ke we ku māthkun gaany. Ku kəc kək kamkuŋ aabī nök.

¹⁷ Ku raan ēbēn abī we maan ē rienkiē,

¹⁸ Ku wek aabī kony na cək a nhiēm tōŋ nhom ka cūi bī mäǟr.

¹⁹ Deet bī wek wepuōth d̄eet abī we cəl apīr.

Jethu ajam w̄et riāŋ Jeruthalem

(Mt 24:15-21; Mk 13:14-19)

²⁰ “Akōl tīŋ wek Jeruthalem ke cī apuruuk wuōt kōk gool, ke ŋieckē lən tē bī ye rac acī b̄en.

²¹ Ke kōc r̄ēer Judia aa dhil rinŋ gat nhūim, ku kōc r̄ēer geu Jeruthalem aa dhil jāl, ku kōc tō b̄ēēi yiic ayeer aaciī la geu.

²² Rin t̄enē, kek aa nin bī kōc tēm awuōc bī kē cī gōt athōr th̄eer w̄el Nhialic yic yenhom t̄ieenŋ.

²³ Diāār liēc ku diāār muk mīth kor aabī gum apeidit ē n̄nkā. Kōc ē wunē, aabī gum apeī ku aabī Nhialic tēm awuōc.

²⁴ Kōc kōk aabī nōk t̄əŋ yic, ku kōc kōk aabī d̄əm ku la ke mac wuōt kōk yiic. Ku Jeruthalem abī wuōt kōk d̄əm ku reckē apeī, ku mackē yet akōl bī b̄ānyden thōk.

Akōl bī Manh Raan b̄en

(Mt 24:29-31; Mk 13:24-27)

²⁵ “Kāk k̄ec kaŋ tīŋ aabī rōt looi t̄enē akōl ku p̄eī ku kuēl. Ku kōc wuōt pinynhom ēb̄en aabī puōth j̄ieŋ, ku riōockē atiaktiak d̄it loi rot w̄er yiic.

²⁶ Ku kōc aabī riōoc apeī rin kāk loi rōt pinynhom. Kāk tō nhial ēb̄en, akōl ku p̄eī ku kuēl aabī rōt yāāk.

²⁷ Ku Manh Raan abī tīŋ ke bō nhial pial yiic kek diik ku riēd̄it apeī.

²⁸ Tē looi kākā rōt, ke we deet wepuōth ku r̄ēerkē ē cōk rin tē bī we luōk k̄arec yiic acī ȳēet.”

²⁹⁻³⁰ Ku ben Jethu ke l̄ek k̄āāŋ k̄enē, “Tē tīŋ wek tim cit ŋaap ayī tiim kōk ke loi ȳth yam, ka ŋieckē lən cī k̄er thiōk.

³¹ K̄ēya, na tiēŋkē kākā ke loi rōt, ke ŋieckē lən cī b̄āny Nhialic thiōk.

³² Al̄ek we, wek aaciī bī mäǟr tē cək kākā rōt looi.

³³ Nhial ku piny aabī liu, ku w̄etdiē acī bī kaŋ mäǟr.

R̄ēerkē we cī rōt guir

³⁴ “Guir̄kē rōt, ku r̄ēerkē we t̄ir nhūim. Duōkkē akōl bī ȳen b̄en cəl ayōk we ke we k̄ec rōt guir̄. Duōkkē rōt cəl ayōk we p̄ir p̄ir rac, bāk aa r̄ēer we cī wiēet ē mōu akōlakōl, ku yakē r̄ēer we t̄ek kāk p̄ir pinynhom. Akōl k̄enē abī la ciel wegup ke cāk ŋic,

³⁵ cim̄en lān adhie w̄ei adēep. Ku k̄enē abī b̄en t̄enē kuat raan p̄ir pinynhom ēb̄en.

³⁶ R̄ēerkē we t̄it ku r̄ōkkē akōlakōl bāk la riel bī wek kē bī rot looi gōok, bāk k̄ōc yanhom ȳen Manh Raan we cūi diēer.”

³⁷ Ku j̄əl Jethu ē n̄nkā nōk ke ye piōoc luāŋ Nhialic, na bō th̄ei ke jiēl bī la nin gōn Olip nhom.

³⁸ Ku kōc aake ye guēer luāŋ Nhialic rial b̄ik piōocde b̄en piŋ.

22

Amat n̄ek Jethu

(Mt 26:1-5; Mk 14:1-2; Jn 11:45-53)

¹ Naw̄en la tē bī Yan Ayum c̄in yic luōu looi thiōk.

² Ke kəcdit kāk Nhialic ku kəc piöoc lööŋ wic dhël path bi kek Jethu nək, rin riöc kek ciët la aliäm bi rot looi.

³ Ku raan tök kam kəc ye buəth kathiäär ku rou cəl Juda Ithkariöt, ëci bëny jəŋrac la yepušu.

⁴ Go la tənë kəcdit kāk Nhialic ku bëny apuruuk luaŋ Nhialic tiit, bi tē bi yen ke kuəny thün, bik Jethu dəm la guëek yic.

⁵ Gokë puəth miët wën piŋ kek ye lən bi yen ke kony, ku thənkë lən bi kek ye riəp.

⁶ Go gam, ku wic tēpəth bi yen Jethu dəm thün ke cün kəc ŋic ye.

Jethu aci miëth thëi cī guuir rin yai cam
(Mt 26:17-25; Mk 12:21; Jn 13:21-30)

⁷ Aköl bi Yan Ayum cün yic luəu looi ëci bən, aköl ye aməl nək rin yai.

⁸ Go Jethu Piter ku Joon tooc ku lək ke, “Lak bāk miëth yai la guuir tənë yo.”

⁹ Gokë thiëc, “Ye tənən wic yin yo buk miëth yai la guuir thün?”

¹⁰ Go Jethu bëer, “Tē le wek geuu Jeruthalem, ke wek aabi rəm kek mony yëc töny ë piü. Biaathkë pan le yen thün.

¹¹ Ku lëkkë raan la baai, aye Raan piöoc lueel, ‘Ye yön nen bi yən miëth yai cam thün yok kockiën ya buəth?’

¹² Ku abi we nyuəth yön nhial lääu yic cī guuir yic. Guierkë miëth ë tēen.”

¹³ Gokë la ku yökkë kəriëc ëbən cit tēwən cī Jethu ye lək ke thün. Ku jəlkë miëth yai guuir.

Guirku röt apath buk guəp Bëny rəm
(Mt 26:26-30; Mk 14:22-26; 1Kor 11:23-25)

¹⁴ Tēwən bi kek jəl miith ke Jethu nyuc tēde ku nyuc atuöccke aya,

¹⁵ ku lək ke, “Aca wic apai ba miëth Yan Ayum cün yic luəu kënë cam kek we ku ba jəl gum.

¹⁶ Alək we lən acä bi bən cam yet tē bi wët tō yeyic yok bäəny Nhialic yic.”

¹⁷ Ku lööm adun cī thiəŋ muən abiëc, ku leec Nhialic ku lueel, “Ləmkë kënë ku təkë ë kamkun.

¹⁸ Alək we lən yən acin muən abiëc dët ba bən dek yet aköl bi bäəny Nhialic bən.”

¹⁹ Nawən ke löm ayup ku leec Nhialic, ku bëny yic ku gëm ke ku lueel, “Kënë ë guäpdië cī juaar rienkun. Yakë looi kälä bāk ya ya tak.”

²⁰ Nawən miëth cök ke ben adun la yic muən abiëc lööm aya ku lueel, “Kënë ë döŋ yam ke Nhialic cī thany ë riemdië bi kuër ë rienkun.”

²¹ “Ku yen kün, raan bā luəm arëer tən, ku amith kek ya!

²² Ku ë tēde, Manh Raan adhil thou cit tē cī Nhialic guier ye. Ku raan bā luəm abi gum apai!”

²³ Gokë röt thiëc tök, tök, yeŋa kamkua lëu bi ya yen loi kënë.

Atuuc aaci wët tər raan dīt kamken

²⁴ Kaam wən aya ke kəc ye buəth teer wët lən nadë, “Yeŋa kamken yen bi ya raan dīt apai.”

²⁵ Go Jethu lək ke, “Pinyhom tən bëny kəc cie kəc Itharel aa la riël tənë kəcken meckë, ku kəc mac baai aa röt cəl, ‘Kəc määh ke kəc baai.’

²⁶ Ku acie tēde tənë we, rin raandit kamkun adhil rot dhušk piny bi ciët raan koor. Ku raan tō tuen adhil rot dhušk ciëen bi luui tənë kəc kək.”

27 Ku thiëc ke, “Yen̄a yen dīt, ye raan ye luṣṣi aye raan ë luui? Cie raan ye luṣṣi? Ku yen kamkun yen acīt raan ë luui.

28 “Wek aaci kṣṣc ke ya kārīl cā yōk yiic,

29 ku cīt mēnē cī Wā ya looi ba ya bēny, wek aba yiēk ë bāāny kēnē aya.

30 Wek aabī mīth ku dēkkē kek ya bāānydiē yic, ku nyuṣṣckē thōc nhīim bāk luṅ thān Itharel yic thiāār ku rou looi.”

Jethu aci kē bi Pīter ye jai lueel

(Mt 26:31-35; Mk 14:27-31; Jn 13:36-38)

31 Ku ben Jethu lueel, “Thaimon piṅ wētdiēnē, bēny jakrēc aci thiēc bi gām riēl bi we them ēbēn, bi kṣc path tek thook tēnē kṣc rēc, cimēn dhie ye rap kṣṣm bi miēl tek thok rap yiic.

32 Ku yen aci rōök riēnku yīn Thaimon bi gamdu dhie riēl. Ku na ca jal dhuk tēnē ya, ke yī kony wāmāthakui kṣk.”

33 Go Pīter bēēr, “Bēny acīn kē bā gēl bi ya cīi mēc kek yī, ku thuṣṣu kek yī aya.”

34 Go Jethu lueel tēnē ye, “Alēk yī Pīter, nhiāk bēēr piny ke thōn ajith kēc kiu, yīn abā jai arak diāk lōn kuc yīn ya.”

35 Nawēn ke Jethu thiēc kṣcken ye buṣṣth, “Tē tooc yen we bāk Wēt Puṣth Yam la lēk kṣc, ku wek aacīn wēēu ku jṣkṣṣ la keny ayī war, yakē yōk lōn le yen kē liu tēnē we?” Gokē bēēr, “Acīn kēdāṅ.”

36 Go Jethu lueel, “Ēmēn, na la raan wēēu ke muk ke, ku muk jṣkṣṣ aya. Ku na yīn acīn pal, ke yī yṣṣc alēth abēk wei ku yṣc.

37 Luṣikē ē kēnē rin aye wēl cī gōt thēer ē riēnkiē lueel, lōn ye yen raan tōk kam kṣc kārēc looi. Ku wēt kēnē abī yēnhom tiēēṅ ēmēn.”

38 Go kṣc ye buṣṣth lueel, “Bēny, paal karou aa kīk.” Go bēēr, “Aa juēc.”

Jethu arṣṣk ke ṅic lōn bi ye nāk

(Mt 26:36-46; Mk 14:32-42)

39 Nawēn ke Jethu jiēl ku ruēc kṣcken ye buṣṣth, ku ler gān Olip nhom cimēnden yen ye looi akōlakōl.

40 Nawēn lek yet tēden adhie, ke lēk ke, “Rṣṣkkē Nhialic bi we cīi them jakrēc.”

41 Ku nyiēēṅke piny ku le tuēṅ tēthin-nyṣṣ, ku gut yēnhīal piny ku rōök,

42 ku lueel, “Wā, na lēu rot ke kērēc tit ya acīi bṣ. Ku acie wētdiē ē wētdu.”

43 Go atuny nhial rot nyuṣth ye ku deet puṣu,

44 rin ē dhiau apeī yepuṣu. Ku ben rōök apeī abī tuc kuēr yeguṣp cimēn riēm.

45 Ku jṣt rot tēwēn rōök yen thīn ku dhuk tēnē kṣc ye buṣṣth, ku yōk ke ke nīn rin cī riāāk ē puṣu ke cāl agōk.

46 Go lueel tēnē ke, “Yenō nīn wek? Jatkē rōt ku rṣṣkkē bi we cīi them jakrēc.”

Jethu aci dām

(Mt 26:47-56; Mk 14:43-50; Jn 18:3-11)

47 Jethu ē ṅot jam tēwēn bīi kṣc juēc ke wēt Juda nhīim, raan tōk kam kṣc ye buṣṣth kathiāār ku rou. Ku ler tēnē Jethu ku muṣṣth ke cim.

48 Go Jethu lueel, “Juda ca ya ciim ba Manh Raan nyuṣth kṣc dām ye?”

49 Nawēn tīṅ kṣc ye buṣṣth ke rēēr kek ye kē bi rot looi, ke luelkē, “Bēny, cuk thār? Yōk aa muk paalkua.”

50 Go raan tök kamken palde miëet bei, ku tök alony lui pan raandit kāk Nhialic ku teem yinyden cuëc wei.

51 Go Jethu lueel, “Acie këya.” Ku gəot mony awən yic tēwən cī tök pal, ku kony bī dēm.

52 Ku jəl Jethu jam tənē raandit kāk Nhialic ku bāny apuruuk luanj Nhialic tiit, ku kəcđit baai cī bēn bik ye dəm, ku lueel, “Cāk bēn we muk paal ku atuel ciēt ɣa ye raan kəc rum?”

53 ɣən ē rēer kek we luanj Nhialic akōlakōl, ku akēckē kanj them bāk ɣa dəm. Ku ēmən wek aaci puəl bāk kē tš wepuəth looi. Ku tənē jəŋrac abī la riel bī kēreec wic looi.”

Pīter ajei Jethu

(Mt 26:57-58, 69-75; Mk 14:53-54, 66-72; Jn 18:12-18, 25-27)

54 Gokē Jethu dəm ku ɣəthkē pan raandit kāk Nhialic. Ku Pīter ē biöth ke mec kəc cök ciēen.

55 Ku apuruuk aake cī many ɣöckē took kal yic. Go Pīter rot māt ke ku nyuuc bī ɣöc.

56 Nawən tīj nyan lui pan bēny Pīter ke nyuc mac lōöm, ke döt apei ku lueel, “Mony kēnē ē ye rēer kek Jethu aya.”

57 Go Pīter jai ku lueel, “Mony kēnē acā cək ŋic yīn nyenē!”

58 Ku kaam thiin awən ke mony dēt tīj Pīter ku lueel, “Yīn ē raanden aya.” Go Pīter bēer, “Acie ɣən mätthdiē.”

59 Ku kaam awən, ke wēt yen raan Jethu, ben mony dēt mušk yeguöp apei ku lueel, “Acin diu lən ye mony kēnē rēer kek Jethu, rin ē raan Galilia.”

60 Go Pīter bēer! “Mätthdiē, kē ye lueel acā cak deet yic.” Ku kaam wən ŋot jicēm yen ke thən ajith kiu.

61 Go Jethu yenhom wel ku döt Pīter. Go Pīter kēwäär cī Bēny Jethu lək ye ēlä, “Tuej ke thən ajith kēc kiu ya akōl, aba lueel arak diäk lən kuc yīn ɣa.”

62 Ku ler ayeer ke cī guöp yār ku dhiεu apei.

Jethu aci bui ku that

(Mt 26:67-68; Mk 14:65)

63 Tēn awən ke kəc ke tit Jethu, ee yekē bui ku thatkē,

64 ku derkē nyin ku guutkē kecin ku yöökkē, “Mεεkē! Yenja yī gut?”

65 Ku lueelkē käreec apei yeguöp.

Jethu aci ɣäth luj bāny Itharel yic

(Mt 26:59-66; Mk 14:55-64; Jn 18:19-24)

66 Nawən bak piny, ke kəcđit Itharel ku kəcđit kāk Nhialic, ku kəc piöoc lööŋ mat kenhūm. Ku bīi Jethu lušŋden yic.

67 Ku lēkkē ye, “Na ye Raan cī ləc ku dəc, ke lək ɣo.” Go Jethu bēer, “Na lək we ke wek aaci wētdiē bī gam,

68 ku na thiēec we, ka cāk bī bēer.

69 Ku ēmən ler tuej, Manh Raan abī nyuc ləŋ cuëc Nhialic Madhəl.”

70 Gokē rek yic ēbēn, “Na ye këya, ye Wēn Nhialic?” Go Jethu bēer, “Ee ɣən, cit tē cāk luəl ye.”

71 Gokē lueel, “Acin dēt wicku kəc kək bī bēn jam kāk cī looi. ɣok aaci wəl cī lueel ē thuəŋde piŋ.”

23

*Koc Itharel aaci Jethu gaany tēnē Pilato
(Mt 27:1-2, 11-14; Mk 15:1-5; Jn 18:28-38)*

- 1 Go koc luk röt jot ebēn ku yēthkē Jethu Pilato nhom raan Roma.
 2 Ku gōonykē ku luelkē, “Yok aaci mony kēnē yök ke rēc kackua nhīm, ke ye lēk ke bikajuēr cī ye tāau piny tēnē bēnyṅaknhom Roma. Ku aye luel aya lōn ye yen Raan cī lōc ku dōc, bēnyṅaknhom.”
 3 Go Pilato thiēc, “Ye yīn bēnyṅaknhom koc Itharel?” Go Jethu bēēr, “Ee ya, cīt tē ca luēl ye.”
 4 Go Pilato yenhom wēl kocdit kāk Nhialic ku thān awēn ku luel, “Acin awuōc ca yök ee raan kēnē guōp.”
 5 Gokē ṅot ke jam apeī ku luelkē, “Tēden yen koc piōōc thīn ajok aliāap Judia yic ebēn. Acī jōk Galīlia ku yen kīn cī bēn Jeruthalem ēmēn.”

Jethu aci yāth Antipāth Yērot nhom

- 6 Nawēn piṅ Pilato ē wēlkā ke thiēc lōn yen raan Galīlia.
 7 Nawēn le ṅic lōn ye Jethu raan wun mēc Antipāth Yērot, ku yeen ē rēēr Jeruthalem ē nīnkā, ke cōl Jethu ayēth yenhom.
 8 Go Antipāth Yērot puōu miet wēn tīṅ yen Jethu, rin ēcī kājuēc piṅ ē rianke. Ku ēcī Yērot wīc apeī bī Jethu tīṅ, ku ṅōōth aya bī kāk ye Jethu ke looi tīṅ.
 9 Go Jethu jal thiēc wēl juēc, go Jethu biēt kecīn wēt tōṅ dhuk nhom.
 10 Go kocdit kāk Nhialic ku koc piōōc lōōṅ röt cuot tuen, ku luelkē wēl rēc apeī Jethu guōp.
 11 Go Antipāth Yērot kek apuruōōkke Jethu bui ku lēētkē. Ku rukkē alanh dhēṅ apeī cīt alanh bēny yekōu, ku toockē ciēn tēnē Pilato.
 12 Ku jōl Antipāth Yērot kek Pilato, wāar man röt jal māath akōlē.

Jethu aci tēm thou

(Mt 27:15-26; Mk 15:6-15; Jn 18:39-19:16)

- 13 Go Pilato kocdit kāk Nhialic ku kocdit baai, ku koc kōk cōl ebēn,
 14 ku lēk ke, “Wek aaci mony kēnē bēēi ṅanhom, ku luelkē lōn ē yen raan rēc koc nhīm bik aliāap looi. Ku ēmēn ṅen aci wēt wīc yic wenhīm, ku akēc yök ke la guōp awuōc cōk alōn cī wek ye gaany kājuēc apeī.
 15 Na cōk a Antipāth Yērot ka kēc yök ke la guōp awuōc, yen ale yen ye cōl adhuk ṅanhom. Acin awuōc cī mony kēnē looi lēu bī ye nōk.
 16 Aba cōl athat ku luōny.”
 17 Ruōōn ebēn akōl Yan Ayum cīn yic luōu, Pilato ē raan tōk kam koc cī mac lony tē wīc koc baai ye bī lony.
 18 Go thān awēn tō thīn wuōou looi, “Nāk! Ku lony Barabath tēnē yo.”
 19 Barabath ēcī mac rin aliām cī rot looi geeu, ku rin cī yen raan nōk.
 20 Ē wīc Pilato bī Jethu lony, ku ben jam tēnē ke.
 21 Gokē bēn kiu apeī, “Apiēt tim cī rīu kōu.”
 22 Go Pilato bēn jam tēnē ke, kēnē yen yic diāk ku luel, “Yēō? Ye awāc ṅō cī looi? Acin awuōc ca yök ke cī looi lēu bī ye nōk! Aba cōl athat ku cal ajīēl.”
 23 Gokē ṅot ke kiu apeī rōldīt, lōn dhil Jethu piāat tim cī rīu kōu. Ku kēden wēn yekē luel aci yenhom bēn guōt.
 24 Go Pilato wētden gam ku tēm Jethu awuōc wēn wīckē.
 25 Ku lony Barabath, raan wāar cī mac rin aliāap, ku rin cī yen raan nōk. Ku yīk ke Jethu bik la luōi tēden wīckē kepuōth.

Jethu aci piāat tim cī rīu kōu

(Mt 22:32-44; Mk 15:21-32; Jn 19:17-27)

26 Gokë Jethu kuaath ayeer. Ku wën kuεeth kek ye, ke mony cöl Thaimon raan pan Thirene bö baai, nawën cï tim cï rïü Jethu göök, gokë däm ku cölkë aket tim ke buoath Jethu cök.

27 Ku buoath kóc juéc apei ku diäär dhiau rienke aya.

28 Go Jethu yenhom wël ke ku lueel, “Diäär Jeruthalem, duökkë dhiau ë rienkië, dhiaaukë ë rienkuu ku rin miéthkuu.

29 Rin nin bë ye lueel ëlä aaci thiök, ‘Diäär mit gup aa diäär këc mïth kan thuëët!’

30 Ku ë yen tën bë ye aa lueel thïn aya ëlä, ‘Anuëën buk ciët kóc cï thou, kóc cï wiëk nhüim, kóc cï kë cï wiïk kenhüim kuüm piny.’

31 Na ye këcït këné rot looi ke tim töc, ke yenö yakë tak ke bë rot looi tē le yen riël.”*

32 Ku kuath apuruuk kóc karou aya, kóc la gup awuöcdït tet bik ke la nöc kek Jethu.

33 Nawën lek tē cöl Ithkal dööt, ke piëët Jethu tim cï rïü köu ku kóc awën karou, raan tök löj cuëc ku raan dët löj cam.†

34 Go Jethu lueel, “Wä, päl piny tēné ke, keek aa kuc kë loikë.”

Ku cuet apuruuk gek bik alëth Jethu tek kamken.

35 Ku jöl kóc juéc kösc ë tēën ke daai ye. Ku tën awën ë ye köcdït Itharel bui ku luelkë, “Ee kóc kök kony, cöl akony rot tē ye yen Raan cï Nhialic löc ku döc.”

36 Ku bui apuruuk aya. Ku bik tēné ye ku gëmkë muön abiëc cï wac,

37 ku luelkë, “Na ye bëny kóc Itharel ke yï kony rot.”

38 Ku piëëtkë tim cï ye göt thïn këlä nhial tim Jethu nhom, “KËNË Ë BËNYÑAKNHOM ITHAREL.”

39 Go raan tök kam kóc awën cï piäät kek ye lat ku lueel, “Cü ye Raan cï Nhialic löc ku döc? Kony rot ku kony yo aya.”

40 Go raan dëëtë puöu riääk ku nyieeny, “Cü ye cak riöc Nhialic agut tē thou yïn aya? Yok aaci tēm thou cïmënde.

41 Ku awäcda adhilku jöt rin yok aa col kë cuk looi, ku mony këné acïn këreec cï looi.”

42 Ku lueel tēné Jethu, “Tak ya tē yeet yïn Bäänydu yic.”

43 Go Jethu lëk ye, “Yïn alëk yic, yaköl yïn abi rëer kek ya pan Nhialic.”

Jethu aci thou ayic

(Mt 27:45-56; Mk 15:33-41; Jn 19:28-30)

44 Nawën tēcït aköl ciël yic ke muöth loi rot pan awën, ku cü aköl ruel yet tãñ aköl.

45 Ku tēwën ka alanh ye gëën bë luaj Nhialic tek yic alöj thïn rëet yic rou.

46 Ku cöt Jethu röldït ku lueel, “Wä, wëikië aaca than yïcin.” Acï wëlkä lueel ku thou.

47 Nawën tïj bäny apuruuk kë cï rot looi, ke lec Nhialic ku lueel, “Mony këné ë ye raan path alanden.”

48 Nawën tïj kóc ke cï kenhüim kut tēën bik daai kë cï rot looi, gokë dhuk baai ke gut kepuöth.

49 Kóc ke njëc kek Jethu ëbën, agut diäär ke buoath ye wäär jïël yen Galilia, aake daai ë käckä ëbën.

23:30 Yoth 10:8; Ny 6:16 * 23:31 Wëdte yic ee duër a këlä, “Na ye kë cït këné rot looi tēné raan cïn awuöc cï looi, ke ye tak yenö bë rot looi tēné raan la guöp awuöc.” † 23:33 Tën këné ee ye cöl këlä rin thiëek yen kek göndit la guen-ñen cït apen nhom raan. 23:34 Wk 22:18 23:35 Wk 22:7 23:36 Wk 69:21 23:45 B.bei 26:31-33 23:46 Wk 31:5 23:49 Lk 8:2-3

*Jethu aci thišk**(Mt 27:57-61; Mk 15:42-47; Jn 19:38-42)*

⁵⁰⁻⁵¹ Mony cəl Jothep è tš thïn. Ku yeen è raan gen Arimatheo, pan Judia. Jothep è ye raan path la cök, ku yeen è n̄sth b̄en b̄ääny Nhialic. Ku yeen è ye raan akut luk kəc Itharel.

⁵² Nawën le t̄ij lön c̄i Jethu thou, ke la t̄enē Pilato ku thiëc guşp Jethu.

⁵³ Ku b̄ii piny tim k̄su ku der alath, ku t̄ëu raŋ c̄i wec kuur yic, raŋ c̄in raan c̄i kaŋ thišk thïn.

⁵⁴ Ee ya aköl n̄in dhiëc, aköl ye kəc röt guuir rin aköl c̄ii kəc ye luui, ee b̄i guo b̄ën.

⁵⁵ Nawën c̄i guşp Jethu b̄ëi piny tim k̄su, ke diäär wäär b̄s kek Jethu Galilia, buəth Jothep ku t̄ij k̄ë t̄ë c̄i guşp Jethu t̄äü thïn raŋ yic,

⁵⁶ ku dhukkë baai ku lek miök n̄ir guuir b̄i kek guşp Jethu b̄ën təc. Nawën aköl c̄ii kəc ye luui, ke ke l̄ŋj cit t̄ë ye l̄ŋj Mothith luël ye.

24*Jethu aci rot jət raŋ yic**(Mt 28:1-10; Mk 16:1-8; Jn 20:1-10)*

¹ Naŋon nhiäk rial aköl Nhialic, ke diäär la raŋ nhom kek miök n̄ir c̄ik guuir.

² Ku yökkë alal c̄i raŋ kum nhom ke c̄i laar wei.

³ Nawën lek raŋ yic ke c̄ii guşp Jethu yök thïn.

⁴ T̄ëwën k̄ëc kek ke c̄i ḡai, ke r̄öör karou ceŋ alëth yer ap̄ei c̄i la toptop b̄s, ku k̄ëc k̄ë kelöŋ.

⁵ Go diäär rişc ku gutkë kenh̄im piny. Go r̄öör wën lueel t̄enē ke, “Yeŋö ye wek raan p̄ir b̄en w̄ic t̄en kəc c̄i thou?”

⁶ Ac̄i t̄s t̄enē, ac̄i rot jət. Takkë k̄ewäär c̄i lek we ëlä wäär ŋoot yen Galilia,

⁷ l̄on Manh Raan abi th̄on kəc r̄ec b̄ik piäät tim c̄i r̄iu k̄su, ku abi b̄en p̄ir aköl ye n̄in diäk.”

⁸ Go diäär wël wäär c̄i Jethu lek ke tak.

⁹⁻¹⁰ Maria Magdalena, ku Joanan, ku Maria man Jemith ku diäär k̄ök, kek aake c̄i la raŋ nhom. Nawën dhukkë ke la kəc Jethu buəth kathiäär ku t̄ök ku atuuc k̄ök, lek k̄ë c̄i rot looi.

¹¹ Go atuuc tak l̄on è yen w̄et lueth, ku c̄ik gam.

¹² Go P̄iter rot jət ku riŋ raŋ nhom b̄i la t̄ij. Nawën guŋ yek̄su piny ku t̄ij raŋ yic, ke t̄ij alëth wäär c̄i guşp Jethu der kep̄ec. Go dhuk baai ke c̄i ḡai aya k̄ë c̄i rot looi.

*Jethu aci rot nyuəth k̄acken ye buəth karou**(Mk 16:12-13)*

¹³ Ya aköl t̄öŋ awën, ke kəc Jethu buəth karou jət r̄öt b̄ik la pan c̄ol Emauth, ku è mec kek Jeruthalem t̄ë c̄it kilomiter thiäär ku t̄ök.

¹⁴ T̄ëwën ciëth kek ke jam ku takkë k̄äk c̄i r̄öt looi,

¹⁵ ke Jethu b̄s ku ciëth ke kuany keyöth.

¹⁶ Ku m̄är k̄ed̄arj kepuəth b̄ik c̄ii ŋic.

¹⁷ Go Jethu ke thiëc, “Yeŋö bakë lueel t̄ëth̄er awën ciëth wek?” Gokë k̄öc ku d̄ötkë piny ke c̄i ken̄yin wel.

¹⁸ Go raan t̄ök kamken c̄ol Kliöpath w̄etde b̄ëer, “Adhil a ȳin raan t̄öŋ r̄ëer Jeruthalem kuc k̄äk c̄i r̄öt looi th̄in ye n̄ink̄a yiic.”

19 Go Jethu thiëc, “Ye kähö?” Gokë bëër, “Aa käk cī röt looi tēnē mony cəl Jethu, raan Nadharet. Käk cī looi ku wël cī lueel aye nyuöoth lön ye yen raan ril käk Nhialic tñj. Ku aci Nhialic ku kəc ëbën gam lön ril yen keriëëc ëbën yic ye lueel ku looi.

20 Aci kockuan dit käk Nhialic ku kəc piöoc lööñ döm ku gëmkë bāny mac baai bī tēm thou, ku piëtkë tim cī rñu kōu.

21 Ku ë yeku nōöth lön ye yen raan bī kəc Itharel waar käreç yic. Ku ë nñ kadiäk ëmën tēn looi kakkä röt.

22-23 Diäär kək akuşta yic, aake cī riæl rañ nhom wën anhiäk, ku lek dhuk ke wët cī yook bën cəl agëi lön liiu guäpde rañ yic. Ku lön cī kek atuuc Nhialic cie lëk ke lön piür Jethu tñj.

24 Go kəc kək kamkua riñ bīk la tñj. Ku yökkë ayic lön liiu guöp Jethu rañ yic, cīt tē cī diäär ye lueel thñn.”

25 Go Jethu lëk ke, “Wek aa kəc cīn kē njieckë! Wek aacie käk cī kəc käk Nhialic tñj lëk we ye lac gam!

26 Këc kəc käk Nhialic lueel wäär, lön bī Raan cī ləc ku dəc kajuëckä kañ guum bī jal la Bäännde yic.”

27 Ku tët Jethu ke käk cī lueel rienke wël thëer Nhialic yiic, jock athör Mothith agut käk cī kəc käk Nhialic tñj gët.

28 Nawën cīk thiök kek pan awën le kek thñn, ke Jethu loi rot ke cīt raan bër tuenj.

29 Gokë pëen ku luelkë, “Rëër ke yo, akşl aci cuşl.” Go la baai ke ke.

30 Tëwën cī kek nyuc bīk mñth, ke Jethu löm ayup ku dəc ku bëny yic, ku gëm ke.

31 Nyin yic tēwën ke njickë ku mër bīk cñi ben tñj.

32 Gokë röt thiëëc ë röt, “Yo këc puşth ayum tēwën jiëem yen kek yo, ku teet wël cī gët thëer tēnē yo.”

33 Ku jatkë röt nyin yic ku dhukkë Jeruthalem. Ku yökkë kəc Jethu buöoth kathiäär ku tøk ku kəc kək ke cī kenhñm mat, ku lëkkë ke,

34 “Bëny aci rot jət ayic, ka cī rot nyuöth Piter.”

35 Ku jəl kəc wën bö Emauth karou kē cī rot looi dhël yic teet, tē cī kek bëny njieç thñn wën bëny yen ayup yic.

Jethu aci rot nyuöth atuşckë

(Mt 28:16-20; Mk 16:14-18; Jn 20:19-20; Lusi 1:6-8)

36 Wën ñot jiëem kek, ke Bëny bö ku këëc kamken ku lueel, “Bī döör arëër ke we.”

37 Gokë pək wei ku rişockë ëbën ku takkë lön yen atiëp yen yekë tñj.

38 Goke thiëëc, “Yenö rişoc wek? Yenö ye wek diu lön cñi yen ye ya?”

39 Tiëñkë yacin! Ku tiëñkë yacök, ee yen ayic. Gatkë ya, ku abäk tñj rin atiëp acie la adişöñ ku yom cimën ye wek ke tñj kek ya.”

40 Ku wën lueel yen kënë, ke nyuth yecin ku yecök ke.

41 Ku ñot cīk gam, rin miët diit cī kek puşth miët ku gäi diit cī kek gäi. Go Jethu ke thiëëc, “Le miëth camkë tş thñn?”

42 Gokë gäm rëç cī tuak

43 ku cuet ke dëci kek ëbën.

44 Ku jəl lëk ke, “Kakkä gup aa käk ca lëk we wäär ñot rëër yen ke we, lön bī keriëëc ëbën cī gët Löñ Mothith yic, ku athör kəc käk Nhialic tñj ku diët Nhialic yic aya ë rienkië, aa dhil röt tiëen tēden.”

45 Ku kony ke bīk wël thëer Nhialic deet yiic,

⁴⁶ ku lək ke, “Ayakē tīŋ tē cī ye gät thīn lən Raan cī ləc ku dəc, ɛ bī gum ku jət rot ran yic aköl ye nīn diäk.

⁴⁷ Ku acī wəl cī gət lueel aya lən dhil kəc pinyhom ɛbən, jəc Jeruthalem lək bīk kepuəth wəl Nhialic, bī kāracken päl piny.

⁴⁸ Wek aacī kākä tīŋ ke cī kenhīm tiεεŋ.

⁴⁹ Ku wek abī tuəc Wēi Nhialic wäär cī Wā lueel. Rēēr kē geeu yet aköl bī riəl nhial kēnē bən tēnē we.”

Jethu acī yāth pan Nhialic

(Mt 16:19-20; Luoi 1:9-11)

⁵⁰ Nawən ke Jethu jiəl ke ke ku lek Bethanī. Ku jət yecin nhial ku dəc ke.

⁵¹ Tēwən dəc yen ke, ke jiəl tēnē ke ku jət ɛ nhial.

⁵² Gokē door ku dhukkē Jeruthalem ke cī puəth miət.

⁵³ Ku keek aake ye lac rēēr Luanj Nhialic ke lec Nhialic.

Wël Jethu cï Joon gõt

Wët nhom

Wël cï Joon gõt aa Jethu nyuaoth ke ye Wët theer Nhialic tã thïn ë lanayon ku emën, ku abi tã thïn ë lanayon ku emën, ku abi tã thïn athær, “Ku Wët aci bën a raan ku ciëŋ kek yo.” Cimën ye athöör nhom guöp ye lueel, Joon ë gät wëlkä rin bï kóc kuen ye njic lön nadë ke Jethu yen Aluëëk, Wën Nhialic wäär cï lëk kóc. Ku kóc bï wëtde gam aabi pïr. (20:31)

Jethu aye nyuaoth abañ tuen yic, lön ë yen Wët Nhialic. Ku wël kök bõ ciëen ë kënë cök, aa käk juëc jän göi cï Jethu looi. Ku kakkä aa Jethu nyuaoth aya lön ë yen Wën Nhialic, ku ë yen Aluäj wäär cï lueel. Kakkä cök, käk jän göi cï röt tieŋ aaci teet yiic. Abañ athör kënë ë yo lëk tã cï kóc kök wët Jethu gam thïn ku buothkë. Ku dhäl kóc kök wëlke ku cik wëtde gam.

Jök cökdit 13 yet 17 ala yic tã cï Jethu kek kocken ye buaoth rëer thïn ë tök wëer aköl wäär dam ye. Ku ëcï jam tënë kocken ye buaoth näakde nhom tuen tã bï kek röt guëer thïn, ku deet kepuoth. Cök ciëen aa yo lëk dömdöm Jethu, ku luönde ku piëet cï ye piäat tim cï rïu ksu, ku jön rotde. Ku jöl a nyooth cï yen rot nyuaoth tënë kocken ye buaoth jön rotde cök ciëen. Anyiköl tin cï koor ye yök cökdit 8 yic, jök cök koor 1 yet 11 aci nyään wei käk cï gõt theer yiic. Ku akëc kóc tuen kek ke war gëtgët wël Jethu yiic gõt. Ku aye kóc kök gõt aya tädët.

Joon ë miäc pïr akölrïëc ëbën bï gäm kóc tã gem wët Raan cï lóc ku döc, deet kóc puoth. Ku ë miäc bï rot jök emën ke bï gäm kóc bï Jethu gam, lön ye yen dhël ku yic ku pïr.

Käk tã thïn

Käk cï gõt tuen 1:1-18

Joon raan kóc muöc nhïim ku kóc cï Jethu kan buaoth 1:19-51

Piöc ë Jethu 2:1-12:50

Nïn ciëen kadhrouu thuonde nhom tuen 13:1-19:42

Jön rot ku nyooth rot Bëny 20:1-31

Käk cï gõt ciëen nyooth rot dët Galilia 21:1-25

Wët Pïr

¹ Wättheer këc nhial ku piny cak, Wët ë tã thïn, ee rëer kek Nhialic, ku Wët ë ye Nhialic.

² Wët ë rëer kek Nhialic wäär cök käj.

³ Kajuëc rëer nhial ku piny ëbën aake cak ë ye. Ku acin käk tã thïn këc ke cak ke yeen liu thïn.

⁴ Kuat käk tã thïn ëbën aa pïr yök tënë ye. Ku piërde aci ruel gäm raan ëbën.*

⁵ Piërde yen ë ruel dëp apei muöth yic, ku akëc lëu bï kuöm nyin piny.

⁶ Nhialic ëcï atuönjde tooc, raan cal Joon.

⁷ Aci bën bï kóc bën lëk bik ruel njic. Aci bën bï lëk ke bï raan ëbën wët pin ku gem.

⁸ Yeen ëcie yen ruel, aci bën bï kóc bën lëk ruel.

⁹ Ku Wët yen ë ye ruel ayic, ruel cï bën pinynhom tënë raan ëbën.

¹⁰ Wët ë tã pinynhom, ku Nhialic ë cak piny ë ye, ku akëc kóc pinynhom njic.

¹¹ Yeen aci bën tënë käk ke cï cak, ku akëc kocken cï cak lor.

¹² Ku aci kóc abëk bën lor ku gamkë wëtde, goke gäm riel bik aa mith Nhialic.

* 1:4 Wët yen aci bën aa pïr 1:6 Mt 3:1; Mk 1:4; Lk 3:1-2

¹³ Keek aacie mïth Nhialic cït tē ye kɔc dhiëeth thïn, cimën ye mïth la wun dhiëeth ke. Ee Nhialic gušp yen ë Wunden.

¹⁴ Wēt aci bēn a raan ku ciēŋ ke ɣo. Ku diekde acuk tïŋ, diik Wēn tōŋ Nhialic. Ku ë yen bïi yic, ku lier pušu Nhialic tēnē ɣo.

¹⁵ Ku Joon aci tušl ku lēk kɔc ë rienke ëlä, “Kēnē yen ë raan wäär ye ɣen jam ë rienke, raan wäär ya lueel ëlä, ‘Yen abi lōk bēn ɣacōk, ku adit tēnē ɣa. Yeen ë rēēr thïn wäär ke ɣa kēc cak dhiëeth.’ ”

¹⁶ Rin kăpuoθ ë yen Wēn Nhialic, yen aci ɣo dɔɔc ëbën, dɔc tōk ë dɔc dēt cōk.

¹⁷ Wäthēer lōŋ ëcï Nhialic gām kɔc ë Mothith, ku ëmën Nhialic aci yic ku lier piände gām kɔc ë Jethu raan cï lɔc ku dɔc.

¹⁸ Acïn raan cï Nhialic kaŋ tïŋ tēɣɔn. Ee Wēn tōŋ thōŋ kek Nhialic, rēēr Wun löm yen aci ɣo cɔl aŋic Nhialic.

Athōn Joon raan kɔc muɔɔc nhïim

(Mt 21:12-13; Mk 1:1-8; Lk 3:1-18)

¹⁹ Kɔcdit Itharel Jeruthalem aake cï kɔc kāk Nhialic ku kɔc kuat Lebï tuɔɔc tēnē Joon, bïk la thiëc ëlä, “Ye yïn ŋa?”

²⁰ Ku Joon akēc bēn jai bï wētden dhuk nhom. Aci bēn bēēr ë cōk ku lueel ëlä, “Acie ɣen Raan cï lɔc ku dɔc.”

²¹ Gokë thiëc, “Aye yïn ŋa? Ee yïn Elija?” Go bēēr, “Acie ɣa.” Gokë bēn thiëc, “Ye yïn raandit kāk Nhialic tïŋ bï bēn?”† Go dhušk ke, “Yei! Acie ɣa.”

²² Gokë lueel, “Lēk ɣo, ee yïn ŋa? ɔok aa dhil wēt dhušk kɔc ke toc ɣo. Ye rot yök ë yïn ŋa?”

²³ Go Joon bēēr, “Yen ë jam apēi roor tē cïi ceŋ, ‘Guierkë dhël Bēny bï la cōk cimën wäär cï Ithaya raan kāk Nhialic tïŋ ye lueel.’ ”

²⁴ Rōörkă aake tooc kɔc akut Parathï,

²⁵ ku jolkë Joon bēn thiëc ëlä, “Yenjö ë yïn kɔc muɔɔc nhïim tē cïi yïn ye Raan cï lɔc ku dɔc, ku yïn acie Elija ku cïi ye raandit kāk Nhialic tïŋ?”

²⁶ Go Joon dhušk ke, “Yen ë kɔc muɔɔc nhïim pïu ë path, ku raan arēēr kamkun ë tēn ku acäk ŋic,

²⁷ raan yen lōk bēn ɣacōk ciëen, ku acä lēu ba warke dōk.”

²⁸ Kēn ë loi rot pan cɔl Bethanï, wär Jordan kōu tēwäär ye Joon kɔc muɔɔc nhïim thïn.

Amälthiin Nhialic

²⁹ Naɣɔn aköl dēt ke Joon tïŋ Jethu ke bō tēnē ye, go lueel, “Tiēŋkë Amälthiin Nhialic yen bā adumušm kɔc pinynhom nyaai, kan abō.

³⁰ Yen ë raan ye ɣen jam ë rienke wäär ë ɣen ye lueel ëlä, ‘Yen abi lōk bēn ɣacōk, ku adit tēnē ɣa. Yeen ë rēēr thïn wäär ke ɣa kēc cak dhiëeth.’

³¹ Aacä ŋic bï ya yen ŋa, ku ɣen aci bēn ku ya kɔc muɔɔc nhïim pïu rin bï ɣen ye cɔl aŋic kɔc Itharel.”

³² Ku ëcï Joon lueel aya ëlä, “Yen aci Wēi Nhialic tïŋ ke bō kecit kuur ë dit, ku nyuuc yenhom.

³³ Ku ë ŋot kēc ŋic, ku ëcï Nhialic raan toc ɣa ba kɔc aa muɔɔc nhïim pïu, lēk ɣa ëlä, ‘Raan bï yïn Wēi Nhialic tïŋ ke bō ku nyuuc yenhom yen ë raan bï kɔc muɔɔc nhïim Wēi Nhialic.’

³⁴ Ee yic, aca tïŋ ku alēu ba lueel, wenhïim lɔn ë yen Wēn Nhialic.”

Kɔc cï Jethu kaŋ buoθh

³⁵ ɔɣɔn aköl dēt, Joon ë kääc kek kɔcken ye buoθh karou tēwäär aköl.

† 1:21 Raan kāk Nhialic tïŋ bï tušl, bï bēn Raan cï lɔc ku dɔc bēn lueel. Tïŋ L.rou 18:15, 18; Mt 4:5 1:23 Ith 40:3

³⁶ Nawën tñj Jethu ke tøk tæthišk ke ke, go Joon dõt apei ku lueel, “Tienkë, yen akan yen Amäl Nhialic.”

³⁷ Ku jol pinj kóc ye buoath awën karou këya, gokë Jethu buoath.

³⁸ Nawën wel Jethu yenhom, ke tñj ke ke buoath ye, go ke thiëc, “Yenö wiëckë?” Gokë lueel, “Rabi, rëër ténen?” (Ku wëtde yic, “Raan Piöoc.”)

³⁹ Go lëk ke, “Bäk, bäk bën tñj.” Gokë la ku tñjkë tæ rëër yen thïn. Ku ë ye täänj aköl, ku jolkë rëër kek ye abi piny cuol.

⁴⁰ Raan tøk kam kóc wën karou cï wët Joon pinj ku buoath Jethu, ee ye Andria wämënh Thaimon Pïter.

⁴¹ Nayon nhiäk rial, ke Andria räm ke mënñë, go lëk ye, “Yok aaci Methaya yök.” (Ku wëtde yic Raan cï lóc ku dóc.)

⁴² Ku yëth Thaimon tënë Jethu. Go Jethu dõt apei ku lueel, “Yin ë Thaimon wën Joon, yin abi cal Kepa.” (Ku yen Pïter wëtde yic ee kuur.)

Jethu aci Pilipo ku Nathaniel cöol

⁴³ Nawën aköl dët ke Jethu la Galilia, ke räm kek Pilipo, go lëk ye, “Buoath ya.”

⁴⁴ Ku Pilipo ë raan Bethaida, ku ë gen yi Andria ku Pïter aya.

⁴⁵ Go Pilipo Nathaniel yök ku lëk ye, “Yok aaci raan wäär cï Mothith gät ë rienke athör lööñ yic, raan yen cï kóc käk Nhialic tñj gät ë rienke aya, acukyök. Yen ë Jethu wën Jothep raan Nadharet.”

⁴⁶ Go Nathaniel lueel, “Ye këpiath njö lëu bi tuöl Nadharet?” Go Pilipo bëër, “Bäär ba tñj.”

⁴⁷ Nawën tñj Jethu Nathaniel ke bö, ke jam rin Nathaniel ku lueel, “Raan kënë ë raan Itharel ayic guöp, kecïn guöp ruëñny.”

⁴⁸ Go Nathaniel lueel, “Ca njic kädë?” Go Jethu bëër, “Yin guo njic wën rëër yin ñaap cök, tëwën këc Pilipo la bi yi la cöol.”

⁴⁹ Go Nathaniel bëër ku lueel, “Raan piöoc, yin ë Wën Nhialic, yin ë Bëny Itharel.”

⁵⁰ Go Jethu bëër, “Ca jäl gam rin cï yen ye lëk yi lon cï yen yi tñj wën rëër yin ñaap cök? Yin abi kädit kök wär ë kakkä tñj!”

⁵¹ Ku ben mat thïn, “Wët yic alëk we, wek aabi nhial tñj ke liep rot, ku atuuc Nhialic aa bäk tñj ke bö piny tënë Manh Raan ku lek nhial.”

2

Yan thiëk pan Kana

¹ Nïn kadiäk cök ciëen, ke ruääi loi gen Kana pan Galilia. Ku man Jethu ë tö thïn,

² ku Jethu ëci cöol yai yic aya kek kocken ye buoath.

³ Nawën la möu thök, ke lëk man ye, “Möu aci liu tënë ke.”

⁴ Go Jethu lueel, “Tñj, yin acii kë luoi dhil lëk ya. Akäldië anjot këc yëët.”

⁵ Go man lëk kóc luoi, “Luoi kë käk bi lëk we ëbën.”

⁶ Ku tönjdät kadätëm aake cäp kóc löm. Tönykä aake ye ke pïu tääu thïn bi kóc kecök aa lök, cit tæ ye löñ ciëñj kóc Itharel ye nyuoath thïn. Ku tönny tök ë jöt tæ cit tën adušk thiär-rou, tädë adušk thiärdiäk.

⁷ Go Jethu lëk kóc luoi, “Thiänkë tönnykä pïu.” Gokë tönny thiöñj abik thook alic.

⁸ Ku jol Jethu lëk ke, “Gëmkë ye tönnykä yiic, ku gämkë ke raan yen wun ruääi.” Gokë looi këya,

⁹ ku jol raandit kɔc athiɛk awɛn piu thiɛp, piu ci waar bi ya mɔu. Ku akuc tɛ bi mɔu thin, aa kɔc luoi wɛn thiɔŋ tɔny kek aa ŋic ye. Go raandit kɔc athiɛk wun nya cɔl,

¹⁰ ku lɛk ye, “Raan ɛbɛn ɛ muɔn path kaŋ gam tuɛŋ, ku na ci kɔc jɔl kuɛth ke muɔn lir ajɔl lɔk gam. Ku yin ci muɔn path waan ciɛɛn agut ɛmɛn.”

¹¹ Kɛnɛ yen ɛ kɛdit jɔŋ gɔi ci Jethu kaŋ looi gen Kana pan Galilia. Ku yen aci diɛtde nyuɔɔth, ku aaci kɔcken ye buɔɔth jɔl gam.

¹² Nawɛn ɛ kɛnɛ cɔk, ke Jethu la Kapernaum kek man ku wɛɛt wun ku kɔcken ye buɔɔth, ku rɛɛrkɛ thin ɛ tɛɛn nin lik.

Jethu aci la luaj Nhialic

(Mt 21:12-13; Mk 11:15-17; Lk 19:45-46)

¹³ ʎɔn ci Yan Ayum cin yic luɔɔ jɔl thiɔk, ke Jethu la Jeruthalem.

¹⁴ Ku jol ler kal luaj Nhialic yic, ke yɔk kɔc ke ʎɔc wei thin ɛ yɔk ku amɛl ku jol aa kuɔr. Ku kɔc wɛɛu waar yiic aake ci nyuc thin aya.

¹⁵ Go waat nai ɛ wiɛn, ku cop kɔc wei kal luaj Nhialic yic kek ʎɔkken ku thɔkken ku weer wɛɛu wei, ku wel agɛnken yiic.

¹⁶ Ku lɛk kɔc kuɔr ʎaac wei, “Nyaaikɛ kɔkkɛ ɛ tɛn, ku duɔkkɛ ʎɔn Wɔ cɔl aye ʎɔn ʎɔc.”

¹⁷ Go kɔcken ye buɔɔth wɛl ci gɔt athɔr thɛɛr wɛl Nhialic yic tak. Wɛl ye lueel ɛlɛ, “Yin Nhialic, nhiɛr ʎɔndu adɛp ʎapuɔu cimɛn mac.”

¹⁸ Go kɔcdit Itharel bɛn ku thiɛckɛ, “Ye kɛdit jɔŋ gɔi yindɛ ba looi ba nyuɔth ʎo, lɔn le yin yic ba kɛcit kɛnɛ looi?”

¹⁹ Go Jethu bɛɛr ku lɛk ke, “Rackɛ luaj Nhialic kɛnɛ, ku aba bɛn looi nin kadiɔk.”

²⁰ Gokɛ lueel, “Aci ruɔɔn thiarnʎuan ku dɛtem nɔk bi jɔl thɔk, ku luel ka ba looi nin kadiɔk yiic?”

²¹ Ku luaj Nhialic jɛɛm Jethu ɛ guɔpde.

²² Ku na wɔar la jɔt raŋ yic, ke kɔcken ye buɔɔth tak kɛwɔar ci lueel. Ku gamkɛ wɛl thɛɛr Nhialic ci gɔt, ku wɛl ci Jethu lɛk kɔc.

²³ Tɛwɔar rɛɛr yen Jeruthalem yai yic, ke kɔc juɛc gam wɛtde wɛn tɔŋ kek kɔkken jɔŋ gɔi ci looi.

²⁴ Ku aake ŋic Jethu ɛbɛn ku yen akɛc rot nyuɔth ke.

²⁵ Ku acin kɛn nadɛ ke wic raan dɛt bi ye nyuɔth kɔc, rin aŋic kɔk tɔ raan puɔu.

3

Jethu ku Nikodemo

¹ Raan akut Parathɔ cɔl Nikodemo, ku ɛ ye raandit kɔc Itharel ɛ tɔ thin,

² naʎɔn akɔu wɛɛr tɔk ke la tɛnɛ Jethu ku lueel, “Raan piɔɔc, aŋicku yin ɛ raan piɔɔc ci Nhialic tooc. Rin acin raan loi kɔk jɔŋ gɔi cimɛn yin, tɛ liu Nhialic kek ye.”

³ Go Jethu bɛɛr, “Yin alɛk yic, acin raan bi bɔany Nhialic tɔŋ, tɛ ciɔ ye bɛn dhiɛth dhiɛn dɛt.”

⁴ Go Nikodemo lueel, “Bi raan bɛn dhiɛth kɛdɛ? Lɛu bi dhuk man ʎɔc bi jɔl bɛn dhiɛth?”

⁵ Go Jethu bɛɛr, “Wɛt yic alɛk yi, raan kɛc bɛn dhiɛth ɛ piu ku Wɛi Nhialic, aci bɔany Nhialic bi yɔk.”

⁶ Raan aye dhiɛth kɔc ɛ path, ku Wɛi Nhialic ɛ pɔr yam ye Nhialic gɔm kɔc.

7 Duk ye gäi tē lēk ɣen yī, lən dhil we bən dhiēeth.

8 Wēi Nhialic acit mēn dhie ye raan yom piŋ ke wuu, ku cii tē bii yen thīn ku tē le yen thīn ŋic. Yen ē tēn kōc bi bən dhiēeth Wēi Nhialic.”

9 Go Nikodemo thiēc, “Bī kēnē rot lēu kēdē?”

10 Go Jethu lēk ye, “Yin ē raan piōoc kōc pan Itharel ku kuc kēnē!

11 Wēt yic alēk yī, ɣok aa jam kāk ŋicku ku luelku kāk cuk tūŋ. Ku ŋot we jai bāk wētda cii gam.

12 Na cāk wētdiē gam tē jīēm ɣen kāk pinyňhom, ke we bī wētdiē gam kēdē tē jīēm ɣen tēnē we kāk Nhialic?

13 Acin raan cii kaŋ la nhial bī kāk Nhialic bēēi, ee raan bō nhial Manh Raan bō piny nhial.”

14 Cimēn wäär cī Mothith luŋ wēeth cit kēpiiny jat nhial roor bī yen kōc cī kēpiiny cam aa dōoc, ke Manh Raan adhil ɣāth nhial,

15 rin bī raan gam wētde ēbēn pīr akōlriēēc ēbēn yōk.

16 Nhialic anhiar kōc pinyňhom apei. Yen aɣem yen Wēnden juŋl, bī raan ēbēn wētde gam cii mār, ku pīrēē akōlriēēc ēbēn.

17 Ku Nhialic akēc Wēnde tušoc piny bī kōc bēn lušk wei, ee rin bī thāi pinyňhom pīr ē rienke.

18 Raan gam wētde acii bī lušk wei, ku raan cī jai bī wēt cii gam aci lušk wei, rin kēc yen wēt Wēn tōōŋ ē Nhialic gam.

19 Ku kēn bī ke lušk wei akīn, ruel aci bēn pinyňhom ku kōc aa nhial mušōth tēn ruel rin aa luui kārēc.

20 Raan ēbēn kārēc looi ē ruel maan ku cii la ɣer yic, rin cii yen kārēc ye looi wic bī ke ŋic.

21 Ku raan luui kāpath ē bēn ɣer yic bī luoiide nyuōōth, rin cī ke luši Nhialic.

Joon aci ben jam rin Jethu

22 Nawēn ke Jethu kek kocken ye buōōth la pan Judia, ku rēer thīn ke ke, ku muōoc kōc nhīim pīu.

23 Ku Joon ē ye kōc muōoc nhīim aya tē cōl Aenon thiāāk kek Thalim la yic pīu juēc. Ku kōc aake ye la bī ke la muōoc nhīim.

24 (Ku Joon ē ŋot kēc guō mac.)

25 Nawēn ke kōc Joon buōōth kōk jōl teer kek raan Itharel rin lōk ye kōc kegup lōok,

26 gokē la tēnē Joon ku luelkē. “Raan piōoc, lēu ba mony wäär rēer kek yī wār Jordan alŋŋtū tak, raan ye yin jam ē rienke? Yen amuōc kōc nhīim ēmēn, ku kōc juēc aala tēnē ye!”

27 Go Joon bēer, “Acin tē bī raan kēdāŋ yōk tē kēc Nhialic ye gām ye.

28 Week wepēc acāk piŋ ke lēk we ēlā, ‘ɣen acie Raan cī lōc ku dōc, ku ɣen aci tušoc tueŋ ē path yenhom.’

29 Raan thiěk yen ē raan bī gām nya, ku mātħde ē kōc ku ē pušu miet tē piŋ yen rōlde. Yen ē miet piāndiē aya ēmēn.

30 Yen abī dhiel dīt apei ku ɣen abī kuur.”

31 Raan bō nhial adīt tēnē kōc ēbēn, ku raan piiny ē kēn piny. Raan bō nhial atō kōc nhīim tueŋ ēbēn.

32 Ee kōc lēk kāk cī tūŋ ku kāk cī piŋ, ku acin raan wētde gam.

33 Ku raan cī gam, aci gam lōn ye Nhialic yic lueel.

34 Raan cī Nhialic tooc yen ē jam wēl Nhialic, rin aye Nhialic gām riel Wēike ēbēn.

35 Wun ë Wënde nhaar ku tɛɛu këriëc ëbën yecin.

36 Raan gam wët Wën ë Nhialic abï pïr akölrïëc ëbën, ku raan cïi wët Wën Nhialic bï gam acïi pïr akölrïëc ëbën bï yök, rin acïn kë bï riääk puðu ë Nhialic nyaai tënë ye.

4

Jethu ku tinj pan Thamaria

1 Nawën ke njic Jethu lön cï kəc akut Parathï ye pinj, lön nadë ke kəc aa bën tënë ye bï ke bën muɔc nhïim, ku lön cï yen la kəc juëc ye buɔth wär kəc Joon buɔth.

2 (Ku acie yen ye kəc muɔc nhïim, aa kacken ye buɔth.)

3 Nawën pinj wët ye lueel, go jäl pan Judia ku dhuk Galilia.

4 Ku ë bï dhiel yet pan Thamaria rin yen ë dhël tëëk yen thïn.

5 Go yet pan Thamaria col Thikar thiääk ke piny wäär cï Jakop gäm wënde Jothep.

6 Ku yinh cï Jakop col awec ë tɔ thïn. Nawën cï Jethu dak ë cäth, go nyuc yith lööm. Ku ë ye aköl ciël yic.

7 Go tinj pan Thamaria bën yiith bï bën gem pïu, go Jethu lëk ye, “Muɔc yen pïu ba dek.”

8 (Ku kacken ye buɔth aake cï la geeu bik la ɣɔc miëth.)

9 Go tinj pan Thamaria lëk ye, “Këdë wën? Yïn ë raan Itharel ku thiëc ɣa, ɣen raan Thamaria ba yï muɔc ë pïu?” (Kəc Itharel aake cie dek kek kəc Thamaria.)

10 Go Jethu bëër, “Na yï njic miöc Nhialic ku raan thiëc yï pïu nuöt aca thiëc, ku nuöt acï muɔc pïu pïr.”

11 Go tik lueel, “Bëny, yïn acïn kë gem yïn pïu, ku yith amec yic, ba pïu pïr yök tënë?”

12 Ye yïn düt tënë wädit Jakop raan cï ɣo gäm yinh këne, ku dëk thïn yen ye nhom kek miëthke ku ɣäkke?”

13 Go Jethu bëër, “Kuat raan dek piukä abï rou ben nök,

14 ku raan bï dek pïu ba yiëk ye acïi rou bï ben nök, ku pïu bï yiëk ye aabi ya dhiamä yeyic ye pïu pïr kuër thïn, ku yïk ye pïr alanden.”

15 Go tik lëk ye, “Bëny, yiëk ɣen piukä bï rou ɣa cïi ben nök, ba cïi ben bën tën ba bën gem pïu.”

16 Go Jethu lëk ye, “Lɔr col muonydu bäk bën tën.”

17 Go tik lueel, “Yen acïn moc.” Go Jethu bëër, “Këdu ë yic, lön cïn yïn moc.

18 Yïn acï kan rëër kek röör kadhiëc, ku mony rëër kek yï ëmën acie muonydu. Yïn acï yic lueel.”

19 Go tik lueel, “Bëny aca njic, yïn ë raan käk Nhialic tinj.

20 Wärkuan thëër pan Thamaria aake ye Nhialic door ë gön këne nhom, ku ayakë lueel wek kəc Itharel lön dhil ɣok Nhialic la door Jeruthalem.”

21 Go Jethu lueel, “Gam wëtdië, yïn tinj tɛ bï wek Wä door acï thiök, ku acie gön këne nhom ku acie Jeruthalem.

22 Wek kəc Thamaria wek kuc raan yakë door, ku ɣok kəc Itharel ɣok aa njic raan yeku door rin pïr abö tënë Itharel.

23 Ku aköl ajol bën, ku acï guɔ bën ëmën guöp, tɛ bï riël Wëi Nhialic kəc col aa dor Wä cïmënde, kek aa kəc wïc Wä bik ye door.

24 Nhialic ë Wëi, ku rin riël Wëike yen alëu ye bï door cïmënde.”

25 Go tik bɛn lɛk ye, “Aɲiɛc lɔn bɪ Raan cɪ lɔc ku dɔc bɛn. Na le bɛn ka bɪ ɣo nyuɔth kɛriɛɛc ɛbɛn.”

26 Go Jethu bɛɛr, “Yɛn ɛ ɣɛn, raan jam kek yɪ.”

27 Ku kaamthiin wɛn jɛɛm kek, ke kɔcɛn ye buɔɔth bɔ ku gɛikɛ apei rin jɛɛm yɛn kek tik. Ku acɪn raan tɔk kamken cɪ tik thiɛɛc, “Yɛnɔ wɪc, ku yɛnɔ jɛɛm yɛn kek ye?”

28 Go tik tɔnyden piu nyɔɔn piny, ku ket ke dhuk geeu ku lɛk kɔc.

29 “Bɔk tiɛnkɛ mony cɔ lɛk kɛriɛɛc ɛbɛn ca looi. Nadɛ ke ye Raan cɪ lɔc ku dɔc?”

30 Gokɛ bɛn bei geeu bik la tɛnɛ Jethu.

31 Ku kaamthiin wɛn, ke lɛk kɔcɛn ye buɔɔth ye, “Raan piɔɔc, jɔl mɪth.”

32 Go bɛɛr, “Yɛn ala miɛth, cɪn kɛ nɛckɛ thɪn.”

33 Go kɔcɛn ye buɔɔth rɔt jal aa thiɛɛc kamken, “Tɛdɛ le raan cɪ miɛth bɛɛi tɛnɛ ye?”

34 Go Jethu lɛk ke, “Miɛthdiɛ ee lɔn ba wɛt raan toc ɣɛn looi, ku thɔɔp luɔi cɪ gɔm ɣa.

35 Cɔk kɔɔn ye lueel dhie ɛlɔ, ‘Pɛi kanuan aɲoot ku rap abɪ tem.’ Ku alɛk we, jatɛ wenyɪn bɔk dum tɪn, yemɛn rap aacɪ luɔk ku apath bɪ ke tem!

36 Raan rap tem aye riɔp ku ɛ kɔth pɪr tem alanden, kɛya raan cumcum ku raan tɛmtɛm aabɪ puɔth miɛt kedhie.

37 Kɔɔn acɪ ya yic. ‘Raan tɔk ɛ com ku tɛm raan dɛt.’

38 Wek tuɔɔc bɔk rap la tem dom yic ku ɛ dom kɛc wek luui thɪn. Kɔc kɔk aacɪ luui thɪn ku wek aa rɔt kony luɔiden.”

39 Go kɔc juɛc Thamaria ɛ gen wɛn yic wɛt Jethu gam, rin cɪ tik wɛt lueel ɛlɔ, “Kɛriɛɛc ɛbɛn ca looi acɪ lɛk ɣa.”

40 Nawɛn bɔ kɔc Thamaria tɛnɛ ye ke lɔnkɛ bɪ rɛɛr ke ke. Go Jethu nɪn karou nɔk thɪn tɛɛn.

41 Go kɔc kɔk juɛc wɛtde jɔl gam rin wɛl ye lɛk ke,

42 ku lɛkkɛ tik, “ɛmɛn, ɣok aacɪ wɛt jɔl gam, ku akɛcku gam rin wɛlkun ca lueel, ku ɛ rin cɪ ɣok wɛtde piɲ ku nɪcku lɔn ɛ yɛn Aluɔn kɔc pinynhom ɛbɛn alanden.”

Jethu acɪ manh bɛny kony

43 Nawɛn cɪ nɪn karou nɔk thɪn tɛɛn, ke Jethu jɔl jɔl ku ler lɔn Galilia.

44 Rin yɛn Jethu guɔp ɛcɪ lueel lɔn, “Raan kɔk Nhialic tɪn acie theek wuɔnden.”

45 Nawɛn yeet Galilia ke lor apei, rin wɔɔr cɪ kek kɔk cɪ Jethu looi yai yic tɪn, wɔɔr cɪ kek la Yan Ayum cɪn yic luɔu yic Jeruthalem.

46 Go Jethu bɛn dhuk gen Kana tɔ Galilia, tɛwɔɔr cɪ yɛn piu waar thɪn bɪ ya muɔn abiɛc. Ku raandit kam kɔc mac baai cɪ manhde tuaany Kapernaum ɛ tɔ thɪn.

47 Nawɛn piɲ lɔn cɪ Jethu jɔl Judia ku ben dhuk Galilia, ke la tɛnɛ ye ku lɛn bɪ la Kapernaum bɪ manhden cɪ thiɛk ke thou kony bɪ pial.

48 Go Jethu lɛk ye, “Acɪn raan bɪ ye gam kamkun tɛ kɛc wek kit ku kɔdit jɔn gɔi tɪn.”

49 Go raandit awɛn bɛɛr ku lueel, “Bɛny, bɔɔr lokku ba manhdiɛ dɔɔt.”

50 Go Jethu lɛk ye, “Lɔɔr, manhdu abɪ pɪr.” Go mony wɛn wɛt Jethu gam ku jɛl.

⁵¹ Wën cieth yen dhël yic, ke räm kek kocken luoi ku luelkë, “Manhdu aci yöi.”

⁵² Go ke thiëc aköl alon jol manhde nuëën. Gokë lueel, “Waraköl täänj aköl yen ë jiël juäi yeguöp.”

⁵³ Go wun njic lon ë yen aköl alonj wäär ci Jethu ye lëk ye ëlä, “Manhdu abi pir.” Ku jol wët Jethu gam kek kacke ëbën.

⁵⁴ Kënë, yen aye kädit jänj göi ci Jethu looi rou, wäär le yen dhuk Judia ku ler Galilia.

5

Raan tuany ruöön 38 aci kony

¹ Nawën ke yan koc Itharel ë tš thïn, go Jethu la Jeruthalem yai yic.

² Ku tšthiäak kek tš cöl Kal Amël Thok, pul ë tš thïn, pul cöl Bethaida thon koc Itharel.

³ Ku koc juëc tuany aake ye tšc thïn, koc ci cöör ku koc ci njol ku koc ci duany. Ku keek aake ye piu tiit bik la tiaktiak,

⁴ rin atuny Nhialic ë ye bën pul yic, ku cöl piu ala tiaktiak, ku raan ci kanj la wüir tš ci piu röt tiak, ke kony kuat tuany tš yeguöp.

⁵ Ku raan tuany ruöön thiärdiäk ku bët ë tš thïn.

⁶ Nawën tünj Jethu puök yic ke ci tšc, ku njic lon ci ye tuaany run juëc, go thiëc, “Wic ba pial?”

⁷ Go raan tuany bëër, “Bëny, acin raandiën tš tën bi ya yäth wüir tš tiak piu röt thïn, rin na them ba la thïn, ke raan dët ë kanj wër thïn.”

⁸ Go Jethu lëk ye, “Jot rot ku löm biöndu ku cathë.”

⁹ Go raan wën guöp pial ku kueny biönde ku cieth. Ku aköl looi kën rot ë ye aköl cii koc Itharel ye luui,

¹⁰ go koc Itharel lëk mony ci kony, “Yaköl, aköl cii koc ye luui, ku akëc puöl tënë yi ba biöndu ket.”

¹¹ Go bëër, “Acı raan cá kony ba pial lëk ya ëlä, ‘Löm biöndu ku cathë.’ ”

¹² Gokë thiëc, “Yenja yen raan ci lëk, ‘Löm biöndu ku cathë?’ ”

¹³ Ku raan ci kony ë kuc raan kony ye, rin koc juëc aake tš ë tšwën ku Jethu ëci la lieplänj wei.

¹⁴ Nawën ke yök Jethu luanj Nhialic, go lëk ye, “Tünj yin aci pial ëmën, päl adumuööm, tädët ke kädët rac apeı abi röt ben luoi yi.”

¹⁵ Go mony wën jal ku le lëk bäny Itharel lon ë Jethu yen aci ye kony bi pial.

¹⁶ Gokë jöök bik Jethu aa jöör rin ci yen raan kony aköl cii koc ye luui.

¹⁷ Go Jethu bëër tënë ke ëlä, “Wä ë luui akölaköl, ku yen adhil luui aya.”

¹⁸ Ku jam kënë aci bäny Itharel rac pušt apeı, ku wickë bik nök, ku acie rin ci yen lönj aköl cii koc ye luui thonj rot, ee rin ci yen ye lueel lon ye Nhialic Wun, ku këya aci rot looi bi thönj kek Nhialic.

¹⁹ Go Jethu jal bëër, “Wët yic alëk we, acin kë ye Wät looi piände ë rot, kë ye looi ë tók, ee kë ci tünj kë ye Wun looi. Ku kë ye Wun looi aye Wënde looi aya.

²⁰ Rin Wun ë Wënde nhiaar, ku nyuth këriëc ye looi. Ku kädit tënë këwën aabi nyuöth ye, ku wek aabi jal gäi ëbën.

²¹ Cımën ye Wun koc ci thou jot ku yik ke pir, ke Wënde aya ë pir yiëk koc wic ye.

²² Wun guöp acin raan ye luök wei. Ku aci Wënde yiëk riel bi looi tënë ke ëbën.

²³ Rin bi kɔc ebən Wēnde theek cimēn ye kek Wun theek. Kuat raan cie Wēnde ye theek, acie Wun ye theek raan toc ye.

²⁴ “Wēt yic alēk we, raan piŋ wētdiē, ku gem wēt raan toc ɣa piŋ akōlriēēc ebən atō tēnē ye. Acī bi luōk wei, yeen acī jāl thou yic ku yōk piŋ.

²⁵ Wek aa lēk yic, akōl bi bēn, ku acī guō bēn tē bi kɔc ci thou rōl Wēn Nhalic piŋ, ku kɔc bi ye piŋ aabi piŋ.

²⁶ Cimēn ye piŋ bēn bei tēnē Wun, kēya, yeen acī Wēnde looi bi ya tē ye piŋ bēn bei thīn aya.

²⁷ Ku yeen acī Wēnde yiēk riēl bi luk looi tēnē kɔc, rin ye yen Manh Raan.

²⁸ Duōkkē gēi ē wēt kēnē, akōl bi kɔc ci thou rōlde piŋ rēŋ yiic abō,

²⁹ ku keek aabi bēn bei rāŋken yiic, kɔc ci ŋiēc luui apath aabi rōt jōt ku aabi piŋ, ku kɔc ci luui kārēc aabi rōt jōt ku aabi luōk wei.

³⁰ “Acīn kē lēu ba looi piāndiē ē rot, ɣen ē wēt teem kecīt kē ci Nhalic lēk ɣa, kēya wēt ca teem ala cōk rin acie wēt piāndiē yen wiēc ba looi, ee wēt wīc raan toc ɣa ē rot.

³¹ “Na jaam ē rienkiē ke kē luēl acie gam ciēt ye yic.

³² Ku raan dēt jam ē rienkiē atō thīn, ku aŋiēc lōn kē ye luēl rienkiē ē yic.

³³ Atuc aa cāk tuōc tēnē Joon ku yeen acī wēt yic luēl.

³⁴ Acie lōn bi ɣen la raan jam ē rienkiē, aya luēl yen kēnē rin bi wek piŋ.

³⁵ Joon ē ye kecīt mermer dēp ku mer piŋy, ku week ē yakē wīc kaam thīn-nyōt bāk puōth miēt thīn ruēlde.

³⁶ Ku raan jam ē rienkiē atō thīn, ku wētdē aril tēnē wēt ci Joon luēl ē rienkiē luoi ya ke looi, luoi ci Wā yiēk ɣa ba ke looi, keek aa jam ē rienkiē ku nyoothkē lōn ci Wā ɣa tooc.

³⁷ Ku Wā aya, raan toc ɣa, yen ajam ē rienkiē aya. Wek aa kēc rōlde kaŋ piŋ ku akēckē kaŋ tīŋ,

³⁸ ku wēt ci luēl acāk ye muk wepuōth, rin cīi wek wēt raan ci tooc ye gam.

³⁹ “Athōr Nhalic ayakē kuen, rin ye wek ye tak lōn bāk piŋ akōlriēēc yōk thīn. Ku keek aya aa jam ē rienkiē!

⁴⁰ Ku ŋot cāk wīc bāk bēn tēnē ɣa bāk piŋ yōk thīn.

⁴¹ “Acā wīc bi kɔc ɣa leec.

⁴² Ku wek ŋiēc, ku aŋiēc lōn tōu nhiēr Nhalic wepuōth.

⁴³ ɣen acī bēn kek riēl ē Wā, ku kueckē bāk ɣa lor, ku na bō raan dēt kek riēlde ē rot ke yen abāk lor.

⁴⁴ Anhiarkē bāk lēc yōk tēnē raan dēt, ku acāk ye them bāk lēc yōk tēnē Nhalic, ye kēdē yen bi wek ɣa gam?

⁴⁵ Ku emēn duōkkē tak lōn bi ɣen we luōm tēnē Wā. Mothith guōp yen abi we luōm, ku ē Mothith yen acāk ŋōōth wepuōth.

⁴⁶ Na we ci Mothith gam alanden, ke wek ŋot we gam ɣa aya, rin ci yen wēl gōt ē rienkiē.

⁴⁷ Ku rin ye wek kuec gām wēl ci gōt, ke lēukē kēdē bāk wēl ca lēk we gam?”

6

*Jethu acī miēth koor juak bi kɔc juēc cam
(Mt 14:13-21; Mk 6:30-44; Lk 9:10-17)*

¹ Ye tēēn ke Jethu tem wār Galilia cōl Tiberia aya.

² Go kɔc juēc buōōth rin ci kek kādīt jāŋ gōi, ci yen kɔc tuany kony tīŋ.

³ Go Jethu la gōt nhom ku nyuuc kek kōcken ye buōōth.

4 Ku yan kɔc Itharel, Yan Ayum cīn yic luɔu ɛcī thišk.

5 Nawēn ciɛth Jethu piny ke tīŋ kɔc juɛc ke bɔ tēnē ye, go Pilipo thiëc, “Ye tēno bī yɔk miëth kueth kɔc ɛbēn yɔɔc thīn?”

6 Acī kēnē luel ku bī Pilipo them, rin ŋic yen kē bī looi.

7 Go Pilipo bēer, “Rin bī raan tɔk ayum thin-nyɔt yɔk, ka wīc wēū juɛc apɛi bī ayuɔp yɔɔc.”

8 Go Andria, mēnh Thaimon Pitɛr, ku ɛ ye raan tɔk kam kɔcken ye buɔth luel,

9 “Dhɔk atɔ thīn tēn ke muk ayuɔp kadhiɛc ku rec karou, ku aacī kɔckā ɛbēn bī lēu.”

10 Go Jethu lɛk ke, “Calkē kɔc anyuc piiny.” (Ku noon ɛ dīt thīn ɛ tēn. Go kɔc nyuc ɛbēn piiny.) Ku rōör kepɛc aake ye tɛcīt tēn tiim kadhiɛc.

11 Go Jethu ayuɔp lööm ku leec Nhialic, ku tek ke tēnē kɔc wēn cī nyuc ɛbēn. Ku ben looi kēya kek rec, bī raan ɛbēn kueth cīt tē wīc.

12 Wēn cī kek kueth ɛbēn, ke lɛk kɔcken ye buɔth, “Kuanykē abɛk cī döŋ piny, bī cīn kē riääk.”

13 Gokē ke kuany ɛbēn, ku thiŋkē gäc thiäär ku rou abɛk ayuɔp cī döŋ piny, tēnē ayuɔp kadhiɛc wēn cī ke tɛk kɔc bīk cam.

14 Nawēn tīŋ kɔc wēn luai ril cī Jethu looi ke luelkē, “Kēnē ɛ raan kāk Nhialic tīŋ yen bī dhiel bēn pinyhom.”

15 Go Jethu jäl ŋic lɔn bī kek bēn bīk ye bēn dɔm riɛl, ku loikē bī ya bēnyaknhom, go ben dhuk gat nhūm ɛ rot.

Jethu acī cath pīu nhūm (Mt 14:22-33; Mk 6:45-52)

16 Nawēn cī piny cuɔl, ke kɔcken ye buɔth la piny wär thok,

17 ku lek riäi yic, ku dhukkē ciëen wär alɔntui löŋ Kapernaum. Nawēn ke wēer jɔl yic dīt ke Jethu ŋot kɛc bēn tēnē ke.

18 Kaam wēn ke yomdīt jɔt rot ku loi atiaktiak rot apɛi.

19 Ku kɔcken ye buɔth, aake ye tɛcīt meel kadiäk ayi ŋuan wēn tīŋ kek Jethu ke cath pīu nhūm, ke bɔ tɛthišk kek riäi, gokē rišɔc apɛi,

20 Go Jethu lɛk ke, “Duškkē rišɔc, ee yɛn.”

21 Gokē jat riäi yic, ku go riäi guɔ yet wär thok tɛwēn le kek thīn.

Kɔc aa wīc Jethu

22 Nayɔn nhiäk ke tīŋ kɔc ke cī döŋ wär alɔntui, lɔn ɛ yen riän tɔkaliŋ yen acī döŋ. Ku aŋickē lɔn kɛc Jethu la riäi yic kek kɔcken ye buɔth, ku aake cī jäl ɛ röt.

23 Go riëth kɔk ke bɔ Tiberia bēn wär thok tɛthiääk ke tɛwäär ciem kɔc juɛc ayup thīn, wēn cī Bēny lɛc gam.

24 Nawēn tīŋkē lɔn liu Jethu thīn, ku liu kɔcken ye buɔth aya, gokē keɛc riäth yiic ku lek Kapernaum bīk Jethu la wīc.

Jethu ayum ɛ pīr

25 Nawēn lek Jethu yök wär alɔntui ke lëkkē ye, “Raan piöc, ye nen bī yīn ɛ tēn?”

26 Go Jethu bēer, “Wēt yic alɛk we, wek aa wīc ya rin cī wek ayup cam tɛcīt tē wiëkkē, ku acie rin cī wek luɔikiēn ril deet yiic.

27 Duškkē lui rin miëth riääk, luššikē rin miëth rēer rin pīr akölrüëc ɛbēn. Miëth kēnē abī Manh Raan yiëk we rin Wun, Nhialic acī rielde gām ye ku tooc.”

28 Gokē thiëc, “Buk ŋö looi buk luai wīc Nhialic looi?”

29 Go Jethu bæ̃r, “Luoi wic Nhialic bæk looi akîn, ë lön bæk wët raan cî tuššc gam.”

30 Gokë lueel, “Ye kîn riel nõ ba looi buk tîj ku buk wëtdu gam? Yenõ ba looi?”

31 Wårkuan thẽr aacä ayum löny nhial cam roor, cîmën cî ye gõt athör thẽr wël Nhialic yiic ëlä, ‘Ayum nhial acî yiëk ke bik cam.’ ”

32 Go Jethu lueel, “Wët yic alëk we, kë cî Mothith yiëk we acie ayum pan nhial, ee Wä yen ë we yiëk ayum yic bõ pan nhial.

33 Rin ayum ye Nhialic gam ë yen raan bõ piny pan nhial, ku yik thäi pinyhom pîr.”

34 Gokë thiëc, “Bëny, muoc ɣo ayum kënë akölaköl.”

35 Go Jethu lëk ke, “Yen ayum ë pîr;” Ku raan bõ tënë ɣa acii cök bi kañ nök, “Ku raan gam wët dië acii rou bi nök.

36 Ëmën, aca lëk we lön cî wek ɣa tîj, ku aɲot këckë gam.

37 Raan ëbën cî Wä yiëk ɣa, yen abi bën tënë ɣa. Ku raan bi bën tënë ɣa acä bi cuɔp wei,

38 rin cî ɣen bën pan nhial ba wët raan toc ɣa bën looi, ku acie wët piändië.

39 Kë wic raan toc ɣa ba looi akîn, bi ciën kë mår kam kæk cî yiëk ɣa, ku ba ke jot ëbën aköl ciëen.

40 Rin kë wic Wä akîn, lön raan ëbën tîj Wënde ku gem wëtde, abi pîr aköriëc ëbën yök thîn, ku keek aaba jot bik pîr ëbën aköl ciëen.”

41 Go kɔc Itharel luššp gušp rin cî yen ye lueel ëlä, “Yen ayum cî bën piny pan nhial.”

42 Ku luelkë, “Monyë cie Jethu wën Jothep? Wun ku man aa ɲicku. Ku yenõ ye yen ye lueel lön cî yen bën piny pan nhial?”

43 Go Jethu bæ̃r, “Duškkë lum kamkun.

44 Acin raan lëu ye bi bën tënë ɣa të këc Wä ë toc ɣa ye thël ɣen, ku aba jot bi pîr aköl ciëen.

45 Acî kɔc kæk Nhialic tîj gõt ëlä, ‘Kɔc ëbën aabi Nhialic ke piššc.’ Raan ëbën piñ wët Wä ku piöc tënë ye ë bën tënë ɣa.

46 Ku acie rin nadë yen raan cî Wä kañ tîj, raan bõ tënë Nhialic, yeen ë rot, yen ë raan cî Wä kañ tîj.

47 Wët yic alëk we, raan gam wët ala pîr alanden.

48 Yen ayum ë pîr.

49 Wårkuan thẽr aacä ayum löny nhial cam roor ku aaci thou.

50 Ku ayum bõ piny pan nhial, yen acit kë na ciem raan ka cie bën thou.

51 Yen ayum ë pîr cî bën piny pan nhial. Raan cam ayum kënë, ka pîr aköriëc ëbën. Ayum yen ba yiëk ye ë riëñdië ya gam bi kɔc ëbën pîr.”

52 Go kɔc Itharel teer apei kamken, ku thiëckë, “Lëu mony kënë këdë, bi riëñde yiëk ɣo buk cuet?”

53 Go Jethu bæ̃r, “Wët yic alëk we, të cî wek Manh Raan cuet ku dëkkë riemdië ka cîn pîr bæk yök wëikun yiic.

54 Raan cuet riëñdië ku dek riemdië ala pîr alanden, ku abi jot aköl ciëen bi pîr.

55 Rin riëñdië ë miëth alanden, ku riemdië ë këdek alanden.

56 Raan cuet riëñdië ku dek riemdië abi pîr ɣayic, ku ɣen abi pîr yeyic.

57 Wä pîr acä tooc, ku ë rin rienke yen abi ɣen aya, ku këya raan cuet ɣen abi pîr ë rienkië.

58 Ku yen kīn ayum bō piny pan nhial, acīi thōŋ kek ayum cī wārkun theer cam ku lökkē thou. Raan cam ayum kēnē abī pīr akōlriēec ēbēn.”

59 Wēlkā acīi Jethu lueel wāär piöoc yen kōc tēn amat Kapernaum.

Wēl pīr akōlriēec

60 Nawēn piŋ kōc juēc ye buoath wēlkā, ke luelkē, “Piöoc kēnē aril apēi. Yenja lēu bī ke piŋ?”

61 Go Jethu ŋic lōn jīem kek wēl wēn, ku lēk ke, “Wiēckē bāk jāl rin ē wēlkā?”

62 Yenō bāk looi tē tiŋ wek Manh Raan ke dhuk nhial tēwēn rēer yen thīn?

63 Ee Wēi Nhialic yen ē pīr gam, ku riel raan acīn kē ye kony. Wēl ca lēk we aa wēi ku aa pīr.

64 Ku kēya acīi kōc kōk kamkun ye gam.” (Rin ēcī Jethu guō ŋic tuerŋ lōn ye yīŋa cīi bī gam, ku yenja bī ye gaany.)

65 Ku ben lueel, “Ee rin wēt kēnē guōp yen alēk ŋen ye we, lōn acīn raan lēu ye bī bēn tēnē ŋa, tē kēc Wā ye looi bī yic pial tēnē ye.”

66 Ku rin ē wēlkā, ke kōc juēc kam kōc ye buoath dhuk ciēen, ku cik ben cath kek ye.

67 Go Jethu atuōōcke thiāär ku rou thiēec, “Na week, wiēckē bāk jāl aya?”

68 Go Thaimon Pīter bēer tēnē ye, “Bēny, buk la tēnē ŋa? Yīn ala wēl pīr alanden.

69 Ku emēn acuk gam ku acuk ŋic lōn ē yīn raan dhēŋ bō tēnē Nhialic.”

70 Go Jethu bēer, “Cie ŋen ŋa kuany we wathiāär ku rou? Ku raan tōk kamkun aŋot ye jōŋrac.”

71 Yeen ē jam rin Judath, wēn Thaimon Ithkariöt. Rin Judath, na cōk alōn ē yen raan tōk kam atuōōcke kathiāär ku rou, ka wīc bī ye luōm.

7

Jethu ku wāmāthakēn

1 Wēn ē wēlkā cōk ciēen, ke Jethu kueny bēei Galilia yīic, ku ē kēc wīc bī la keny Judia, rin wīc bāny Itharel tō Judia ye bīk nōk.

2 Ku yan kōc Itharel cōl Yan Duēl ēcī thiōk.

3 Go wāmāthakēn lēk ye, “Jāl ē tēn ku lōr Judia bī kōckun yī buoath luōidun ye looi tiŋ.

4 Acīn raan kē looi thiaan tē wīc yen ye bī ŋic apath. Rin ye yīn kākā looi, ke yī cōl kōc pinyhom aa ŋic yī.”

5 Agut wāmāthakēn aakēc wētde gam, yen aa lueel kek ye kēya.

6 Go Jethu lēk ke, “Akāldiē guōp aŋot kēc yēēt. Ku na ye we, ke kuat akōl ēbēn apath.

7 Acīn tē bī kōc pinyhom we maan, ku keek aa man ŋa rin aya lueel, lōn rēec luōiken.

8 Lak yai yic, ku ŋen acīi la ē yan kēnē yic, rin akōldiēn bī ŋen la akēc guo bēn.”

9 Yeen acī jam kēya ku jōl rēer pan Galilia.

Jethu ala Yan Duēl yic

10 Nawēn cī wāmāthakēn la yai yic, ke Jethu lōk la aya, ku akēc la ke ŋic, yeen acī la ke mony rot.

11 Ku bāny Itharel aake wīc Jethu yai yic, ku thiēckē, “Tō monyē tēnen?”

12 Ku aluōp ē dīt apēi ē rienke. Aye kōc kōk lueel, “Yeen ē raan path.” Ku lueel kōc kōk, “Acie kēya, yeen ē raan kōc duōŋŋ.”

13 Ku acin raan ye jam ë rienke koc nhüim, rin rišoc kek bäny Itharel.

14 Wën cī nin abëk yai thök, ke Jethu la kal luanj Nhialic yic ku jol koc pišoc.

15 Go bäny Itharel gai apei ku luelkë, “Ye raan kënë käh njic kädë ku akëc kan pišoc.”

16 Go Jethu bëër, “Wël ya pišoc acie wëlkië aa wël bö bei tënë Nhialic, Aciëj cī ya tooc.

17 Raan wic ye bi kë wic Nhialic looi, abi njic lon nadë kë ya pišoc abö tënë Nhialic, ku acie riöldië ë rot.

18 Raan jam rielde ë rot ë læc yen aye wic, ku raan wic læc tënë raan toc ye, yen ë raan path, ku acin ruëeny tš yepušu.

19 Këc Mothith löj Nhialic nyuöth we? Ku acin raan löj theek kamkun. Yenö ye wek ye wic bäk ya nöc?”

20 Go koc juëc wën bëër, “Yin ala gušp jönrac, yenja wic ye bi yī nöc?”

21 Go Jethu bëër, “Këdit jäh göi tök aca looi guökë gai wedhie.

22 Mothith aci we thön bäk miëthkun aa noot, ku acie Mothith gušp yen cī wët kënë jök, aa wärkun theer, ku këya wek a dhök noot aköl cii koc ye luui.

23 Ku ëmën na noot dhök aköl cii koc ye luui rin bi löj Mothith cii dhäl yic, yenö ye wek pušth riäk tënë ya, rin cī yen raan tök kony bi pial aköl cii koc ye luui?

24 Duškkë raan ye guo tëm awuöc wët köu ayeer, yakë raan tëm awuöc wët ë yic.”

Ye Jethu raan cī löc ku döc?

25 Go koc kök Jeruthalem luel ëlä, “Cie raan kënë yen wickë bik nöc.

26 Tiëjkë! Yen kin jam koc nhüim, ku acin kë luelkë ë rienke. Tëdë, cii bäny njic lon ë yen Raan cī löc ku döc?

27 Na la Raan cī löc ku döc bën, ka cin raan bi ye njic tš bi yen thün, ku anjicku ëbën yen tš bii mony kënë thün.”

28 Nawën pišoc Jethu luanj Nhialic ke luel röldit, “Ee tädë, wek aa njic ya ku anjickë yen tš bi yen thün. Ku yen akëc bën wëtdië ë rot, ku yeen raan toc ya ala yic ku yeen akuöckë,

29 Ku yeen anjic rin bi yen tënë ye, ku yen acä tooc.”

30 Gokë wic bik döm, ku acin raan cī yecin tääu yegušp rin këc akälde guo bën.

31 Go koc juëc thän wën yic wëtdë gam ku luelkë, “Të bi Raan cī löc ku döc bi kädit jäh göi looi cimën ë raan kënë?”

Apuruuk aaci tooc bik Jethu la döm

32 Nawën pin koc akut Parathi lon ye koc juëc wën wëlkä loop kamken rin Jethu, ke keek ku bäny käk Nhialic toc apuruuk luanj Nhialic tiit bik Jethu la döm.

33 Go Jethu luel, “Yen abi rëer kamkun tethin-nyöot, ku yen abi la tënë raan yen cä tooc.

34 Wek abä wic, ku wek aaci ya bi yök, rin acin tš bi wek la tš rëer yen thün.”

35 Go bäny Itharel luel kamken, “Bi la dä buk cii ben yök? Ci bi la geeth Girik yiic tš ciëj koc Itharel thün, ku bi koc Girik pišoc?

36 Aye luel, wek abä wic ku wek aaci yen bi yök, ku wek aaci bi la tš rëer yen thün, yenö wic bi luel?”

Kuëer piir ë piir

³⁷ Aköl ciëen yen aköl düt nïn yai. Akölë, Jethu aci rot jot ku lueel röldüt, “Kuat raan nêk rou abi bën tënë ya ku bi dek.

³⁸ Cïmën ci ye gôt athör theer wël Nhialic yic ëlä, ‘Raan gam wëtdië, kuëer piu ë pir abi rëer yepušu.’ ”

³⁹ Kënë aci Jethu lueel rin Wëi Nhialic, bi kōc gam wëtde lōk yōk. Ku tënë, Wëi Nhialic a kēc guō gam tënë kōc, rin kēc Jethu guō la diēkde yic.

Kōc aaci keyiic tek

⁴⁰ Kōc kōk kam kōc wën aaci kënë piŋ ku luelkë, “Raan kënë ë raan kāk Nhialic tiŋ alanden!”

⁴¹ Go kōc kōk lueel, “Yen ë Raan ci lōc ku dōc!” Ku lueel kōc kōk, “Raan ci lōc ku dōc aaci bi bën pan Galilia!

⁴² Aci gôt athör theer wël Nhialic yic lōn Raan ci lōc ku dōc abi ya raan dhiēnh Debit, ku abi dhiēeth Bethalem, gen wäär ciēŋ Debit thiin.”

⁴³ Go kōc wën keyiic tek ë rienke.

⁴⁴ Ku wickë bik dōm, ku acin raan ci yecin tääu yeguōp.

⁴⁵ Nawën dhuk apuruuk ciëen tënë bāny kāk Nhialic ku kōc akut Parathī, gokë ke thiëc, “Yenō kēc wek ye bēēi?”

⁴⁶ Go apuruuk bēer, “Acin raan ci kaŋ jam cïmën ë mony kënë!”

⁴⁷ Go kōc akut Parathī ke thiëc, “Ci we duōŋ aya?

⁴⁸ Le raan tōk kam bāny, ayi kam kōc akut Parathī ci wëtde gam cāk kaŋ piŋ?

⁴⁹ Kōckā aa kuc lōŋ Mothith, ku aa kōc ci Nhialic lām kērac.”

⁵⁰ Go raan tōk kam kōc akut Parathī, raan ci kaŋ la bi Jethu la tiŋ, cōl Nikodemo lēk ke,

⁵¹ “Na ye lōŋ ciēēŋ panda, ka cïn tē bi yōk raan luōk wei ke kēcku kaŋ piŋ thok tuēŋ, ku ŋicku kē cī looi.”

⁵² Gokë bēer, “Yiin aya, ye raan Galilia? Kuen athör theer wël Nhialic, ku aba ŋic lōn acin raan kāk Nhialic bën Galilia.”

⁵³ Nawën ci raan ëbën dhuk paande,

8

Tiŋ ci kāl piny ke kōr

¹ ke Jethu la gōn Olip nhom.

² Nayōn nhiäk dur yic ke dhuk luan Nhialic. Go kōc ëbën guëer yelōōm, ku nyuuc piiny ku jōck piōōc cōk tënë ke.

³ Go kōc piōōc lōōŋ ku kōc akut Parathī tik bēēi, ku ë tiŋ ci kāl piny ke kōr. Ku cōlkë akāac kōc nħiim ëbën,

⁴ ku luelkë tënë Jethu, “Raan piōōc, tiŋ kënë aci kāl piny ke kōr.

⁵ Mothith aci lōŋ lēk yō athör yic lōn kuat tiŋ loi kēcīt kënë, adhil biōōk aleel bi thou. Na yiin ëmën, ye lueel kēdē?”

⁶ Keek aake jam kēlä bik Jethu deep bik wēt yōk bik la luōm. Go Jethu guŋ ku gēt piny yecin.

⁷ Nawën ŋot ke kāac ku yekë thiëc, ke jot yekōu ku lēk ke, “Na le raan kamkun cïn adumuōōm cii kaŋ looi, ke biōk alel tuēŋ yeguōp.”

⁸ Ku ben guŋ ku gēt piny yecin.

⁹ Nawën cik wēt kënë piŋ, ke jiël ëbën ke wath rōt, ku kōŋ kōcdit jāl tuēŋ, agut tē dōŋ Jethu ë rot, ku tiŋ wën ke ŋot kāac yenhom.

10 Go yeksu jot ku læk ye, “Täkë tēno? Cīn raan cīi döŋ bi yī lušk wei?”

11 Go bēēr, “Acīn raan Bēny.” Go Jethu lueel, “Apath, ke yīin acā bi lušk wei aya. Lōr ku duk adumušōm ben looi.”^{*}

Jethu ee mermer pinyinhom

12 Go Jethu bēn jam tēnē kōc ku lueel, “Yēn ē ruel pinyinhom, kuat raan buoθh ya abi ruel pīr yōk, ku acīi bi kaŋ cath mušōθh yic.”

13 Go kōc akut Parathī læk ye, “Ēmēn, yīn ajam ē rienku, ku wēt ca lueel acīn kē ye nyuōθh.”

14 Go Jethu bēēr, “Acie kēya, na cōk alōn jīēm yēn ē rienkiē, ke wēt lueel ē yic, rin yēn anjic tē bīi yēn thīn. Ku wek aa kuc tē bīi yēn thīn ayī tē ler yēn thīn.

15 Wek aa wēt teem cīmēn wēt raan, ku yēn acīn raan ya gām awuōc.

16 Ku tē bi yēn wēt teem, ke wēt ba teem abī jal a yic, rin acie yēn tem wēt, Wā ē toc yēn arēēr ke ya.

17 Wēt acī gōt lōndun yic lōn tē lueel kōc karou wēt tōk luk yic, ke wētden ē ya yic.

18 Yēn ajam ē rienkiē, ku Wā cā tooc ajam ē rienkiē aya.”

19 Gokē thiēēc, “Tō Wuur tēno?” Go Jethu bēēr, “Wek aacīi ya ŋic, ku wek aacīi Wā ŋic. Na we ŋic ya, ŋuōt wek aa ŋic Wā aya.”

20 Wēlkā ēbēn aacī Jethu lueel wāār piōōc yēn luar Ŋhialic, yōn cī kākken ajuēr tōu thīn. Ku acīn raan cie dōm rin kēc akālde guō bēn.

Wek aacīi la tēdiēn ler yēn thīn

21 Go Jethu bēn læk ke, “Yēn abi jāl ku wek abā wīc, ku wek aabi thou awāckun yiic. Tē le yēn thīn, acie yēn tē bi wek la thīn.”

22 Tēwēn, ke lueel bāny Itharel, “Aye lueel lōn cīi yōk bi la tē le yēn thīn. Ye ciēt bi rot nōk?”

23 Go Jethu bēēr, “Wek aa kōc piny tēn, ku yēn ee raan bō ŋhial. Wek aa kōc piny kēnē nhom, ku yēn acie raan pinyinhom tēn.

24 Ee rin kēnē yēn acī yēn ye lueel lōn bi wek thou adumušōmkun yiic. Ku wek aabi thou adumušōmkun yiic tē kēc wek ye gam, lōn ē Yēn tō thīn, yēn ē Yēn.”

25 Gokē thiēēc, “Ye yīn ŋa?” Go Jethu bēēr, “Wēt aca læk we tēwēn jōok yēn wēt cōk.[†]

26 Yēn ala wēl juēc ba ke lueel ē rienkun, ku wēl juēc bi yēn ke we lušk wei. Ku raan cā tooc gušp ala yic, ku yēn ē kōc læk kuat kē ca piŋ tēnē ye.”

27 Gokē kēc deet lōn jīēm Jethu wēt Wun.

28 Go Jethu bēn lueel tēnē ke, “Akōl bi wek Manh Raan jat ŋhial, ka bāk jāl ŋic lōn, ‘Yēn tō thīn Yēn ē Yēn.’ Ku abāk deet yic aya lōn acīn kē ya looi ruōtdīē, ku aa ya ke lueel wēl cī Wā piōōc tēnē ya.

29 Ku raan cā tooc arēēr ke ya, ku akēc ya nyāāŋ piny yatōk, rin ye yēn wēt ŋhiēēr looi akōlakōl.”

30 Go kōc juēc cī Jethu piŋ ke jam ē wēlkā wētde jāl gam.

Kōc lāūu nhīim ku kōc aloony

31 Go Jethu læk kōc Itharel cī wētde gam, “Na piēŋkē wēl ca piōōc, ke wek aa kōckiēn buoθh ya ayic,

32 ku wek aabi yic ŋic, ku yic abi we wēēr bei.”

* **8:11** Athōr thēer juēc aacie (7:53–8:11) ye mat thīn. Ku athōr kōk ee bēn Jn 21:24 cōk, ku kōk ē Lk 21:38. Ku athōr tōk ee lōk bēn Jn 7:36 cōk. **8:12** Mt 5:14; Jn 9:5 **8:13** Jn 5:31 [†] **8:25** Yēnō ben yēn jam tēnē we.

33 Gokë bēēr, “Yok aa kɔc dhiēnh Abaram, ku acin kɔc kɔk cii yo kan loony. Ku na luel, ‘Wek aabi wēēr bei,’ ke yenō wic ba lueel?”

34 Go Jethu lēk ke, “Yic alēk we, raan ebēn cā adumušm looi yen alony adumušm.

35 Alony acie raan mac thok alanden, ku Wāt yen ee raan thīn lanayon.

36 Na cī Wāt we wēēr bei, ke wek aabi rēēr ke cīn loony alanden.

37 “Anjɛc lɔn ye wek dhiēn Abaram. Ku anjot wiēckē bāk ya nɔk, rin pišōcdiē acāk ye gam.

38 Kē cī Wā nyuōth ya yen aya lueel, ku wek aa loi kē cī wārkun lēk we.”

39 Gokë bēēr tēnē ye, “Abaram yen ē wāda.” Go Jethu wēt dhuk nhom ku lueel, “Na we mīth Abaram alanden, ŋuōt wek aa loi kēcīt kē cī Abaram looi.

40 Kēriēc ebēn ca looi ē rin ba we lēk yiny ca piŋ tēnē Wā, ku anjot wiēckē bāk ya nɔk. Abaram acin kē cī looi cit kēnē!

41 Wek aa loi kē cī wārkun looi.” Gokë lueel, “Nhialic yetōk yen ē Wāda, ku yok aa miēthke gušp.”

42 Go Jethu bēēr tēnē ke, “Tē ye Nhialic wuurdun gušp, ŋuōt wek nhiaar ya, rin cī yēn bēn tēnē Nhialic, ku emēn yēn atō tēn. Yēn akēc bēn wētdiē ē rot, ee yen acā tooc.

43 Yenō cii wek kē ya lueel ye deet yic? Ee rin cii wek ye lēu bāk wētdiē piŋ.

44 Ee jōŋrac yen ē wuurdun, ku ayakē nhiaar bī ya kēn wuurdun yen yakē looi. Yen ē raan ē tir tēthɛɛr yon, ku akēc yic kan lueel rin ye yen alueeth, ku ye wun lueth ebēn.

45 Yēn aluel yic, ku rin ē kēnē yen akēc wek ya gam.

46 Yeŋa kamkun lēu ye bī awušc nyooth yagušp rin adumušm ca looi? Na lueel yic, ke ye rin nō cii wek ya ye gam?

47 Raan bō tēnē Nhialic ē wēt Nhialic piŋ, wek aacii bō tēnē Nhialic, ku yen ē kē cii wek wēt bī piŋ.”

Jethu ku Abaram

48 Go kɔc Itharel bēēr tēnē Jethu, “Kēcku wēt yic lueel wēn lɔn ē yīn raan pan Thamaria, ku jōŋrac atō yīgušp?”

49 Go Jethu bēēr, “Acin jōŋrac tō yagušp, yēn ē Wā theek ku wek aa ya dhōl gušp,

50 Yēn acii lēcdiē wic. Raan wic ye atō thīn, ku ē wēt teem bā kony.

51 Wēt yic alēk we, raan piŋ wētdiē acii bī thou akōlriēc ebēn.”

52 Go kɔc Itharel lēk yen. “Emēn, anjicku alanden lɔn tō jōŋrac yīgušp. Abaram aci thou, ku kɔc kāk Nhialic tīŋ aaci thou aya ku ŋot ye lueel, ‘Raan piŋ wētdiē acii bī thou akōlriēc ebēn.’

53 Abaram wāda aci thou, nadē ye lueel lɔn dīit yīn tēnē Abaram? Ku kɔc kāk Nhialic tīŋ aaci thou aya. Ye tak ye yīn ē ŋa?”

54 Go Jethu bēēr, “Na ya cī rot leec, ŋuōt lēc kēnē acie lēc acin. Ee Wā yen ē raan ya leec, ku yeen gušp ayakē lueel ke Nhialicdun.

55 Yeen akēckē kan ŋic, ku yeen anjɛc. Na lueel lɔn kuc yēn ye, ke yēn abi ya alueeth cīmēndun, ku yeen anjɛc, ku yēn ē wētdē looi pušu ebēn.

56 Wuurdun Abaram aci pušu miet apeī lɔn bī yen akōl bēndiē tīŋ, aci tīŋ ku aci pušu la yum.”

57 Go kɔc Itharel lēk ye, “Yīn anjot yī kēc rušōn thiārthiēc dōōt, ku yīn ca Abaram tīŋ?”

⁵⁸ Go Jethu bɛɛr, “Wɛt yic alɛk we, wäär kɛc Abaram guo dhiëeth, ‘Ke ʎen atɔ thɪn.’”

⁵⁹ Gokë aleel kuany bi kek ye biɔɔk, go Jethu rot thiaan ku jiël ʎon Nhialic.

9

Jethu aci raan ci dhiëeth ke ci cɔɔr kony

¹ Tɛwɛn ciɛth Jethu, ke tɪŋ raan ci dhiëeth ke ci cɔɔr. Go kɔcken ye buoath thiëc,

² “Raan piöoc, ye adumuɔɔm ci ŋa looi cɔl ye adhiëth ke ci cɔɔr? Ye adumuɔɔmde aye adumuɔɔm kɔc ke dhiëth ye?”

³ Go Jethu bɛɛr, “Kë ci yen cɔɔr acie rin adumuɔɔm ci looi, ayi rin adumuɔɔm ci kɔc ke dhiëth ye looi, yeen aci cɔɔr bi riel luɔi Nhialic tɪŋ yeguɔp.”

⁴ ʎok aa dhil la tuen ʎo lui luɔi raan cã tooc ʎet tɛ ŋot ruel akɔl, wakɔu abɔ, ku acin raan bi ye lɛu bi luui.

⁵ ʎet akɔl ŋoot ʎen pinyinhom, ke ʎen ë ruel tɛnɛ kɔc.”

⁶ Tɛwɛn ci yen jam kɛlä, ke ŋuut piny ku nueen tiɔp luɛeth, ku rɔoath tiɔp mony wɛn nyin,

⁷ ku lɛk ye, “Lɔɔr lɔk ʎinyin wär Thiloam.” (Ku wɛtde yic, “Ci tooc.”) Go mony wɛn la ku lɔk yenyin, ku le dhuk ke ye piny tɪŋ.

⁸ Go kɔc akeu nhom ku kɔc ci ye kaŋ tɪŋ ke lim thiëc, “Cie mony dhie cool nyuc piiny ke lim kɛnɛ?”

⁹ Go kɔc kɔk lueel, “Ee yeen guɔp.” Ku lueel kɔc kɔk, “Acie ye ë raan thöŋ kek ye.” Go mony wɛn nhom lueel, “Ee ʎen raan wɛn guɔp.”

¹⁰ Gokë thiëc, “Ci rot lɛu kɛdɛ ba bɛn daai?”

¹¹ Go bɛɛr, “Mony cɔl Jethu aci tiɔp nueen ku rɔoath ʎanyin ku lɛk ʎa, ‘Lɔɔr wär Thiloam ku lɔk ʎinyin.’ Guo la, ku kaam wɛn lɔk ʎen ʎanyin, ke ʎa tɪŋ piny nyin yic.”

¹² Gokë thiëc, “Yen ako?” Go bɛɛr, “Akuɔc.”

Akut Parathɪ awic wɛt tɛ ci cɔɔr kuony thɪn

¹³ Gokë mony wɛn ci cɔɔr thɛl tɛnɛ akut Parathɪ.

¹⁴ Akɔl nueen Jethu tiɔp ku rɔoath raan nyin bi daai, ee ya akɔl ci kɔc ye luui.

¹⁵ Go kɔc akut Parathɪ mony wɛn bɛn thiëc tɛ ci ye liep nyin thɪn. Go lɛk ke, “Yeen aci tiɔp tãau ʎanyin, ku laak ʎanyin, ku emɛn alɛu ba piny tɪŋ.”

¹⁶ Go kɔc kɔk akut Parathɪ lueel, “Raan ci kɛnɛ looi aci lɛu bi bɛn tɛnɛ Nhialic, rin aci löŋ ci kɔc ye luui thek.”

Go kɔc kɔk lueel, “Lɛu kɛdɛ bi raan la guɔp adumuɔɔm kädit jãŋ gɔi, ci kãkkã, looi?” Gokë keyiic tek kamken.

¹⁷ Go kɔc akut Parathɪ mony wɛn bɛn thiëc, “Yiin ye lueel lɔn ci yen yi liep nyin apath, ku yiin ye lueel ye yen ŋa?” Go bɛɛr, “Ee raan kãk Nhialic tɪŋ.”

¹⁸ Ee kɛc bãny Itharel gam lɔn ci yen cɔɔr ku bɛn nyin kuɛk, agut tɛ bi kek kɔc ke dhiëth ye cɔɔl,

¹⁹ ku thiëckɛ ke, “Ye manhdun kɛnɛ? Ayakë lueel lɔn ci ye dhiëeth ke ye cɔɔr, lɛu kɛdɛ, bi piny tɪŋ?”

²⁰ Go wun ku man bɛɛr, “Anɪcku lɔn ye yen manhda, ku lɔn ci ye dhiëeth ke ye cɔɔr.”

²¹ Ku akucku tɛ ci yen piny jãl tiɛŋ thɪn, ʎok aa kuc raan ci ye liep nyin aya. Thiëckɛ, yeen aci dit ku alɛu bi kɛde bɛɛr ë rot.”

22 Wun ku man aaci jam këlär rin rišöc kek bäny Itharel, rin cī kek ye mat lön kuat raan gam Jethu lön è yen Raan cī lóc ku döc, ka dhil cuöp wei tēn amat kóc Itharel.

23 Rin kēnē, yen è lueel wun ku man ye älä, “Yeen aci düt, thiëckē!”

24 Gokē mony wēn cī dhiëeth ke cī cöör bēn cööl arak dēt, ku lëkkē ye, “Kuēēñj è Nhialic nhom lön bī yīn yic lueel. Anjicku lön mony kēnē è raan adumušööm.”

25 Go mony wēn bēēr, “Akušc lön ye yen raan la guöp adumušööm, wēt yen njic, yen a ya ye cöör ku emēn yen è piny tñj.”

26 Gokē thiëc, “Yeñö cī looi tēnē yīn? Cī nyiēnku kuek kēdē?”

27 Go bēēr, “Aca lëk we wēnthēer, ku acäk ye piñ. Ye rin njö wic wek wēt bäk bēn piñ? Tēdēt wiëckē aya bäk ya kacken ye buöoth?”

28 Gokē lat ku luelkē, “Yīn aci ya raanden ye buöoth, yok aa kóc Mothith.

29 Anjicku lön cī Nhialic jam tēnē Mothith, ku na ye monytui, ka cökku kuc aya tē bīi yen thīn!”

30 Go mony wēn bēēr, “Kē gēi kóc akīn! Akušckē tē bīi yen thīn, ku yeen guöp aci nyiēnkiē liep!”

31 Anjicku lön cī Nhialic wēt kóc adumušööm ye piñ, ku yeen è wēt kóc thek ye ku loikē lušiden cī lëk ke piñ.

32 Ÿonthēer cək pinyinhom akēc kañ piñ lön le yen raan cī dhiëeth ke ye cöör cī kuek nyin.

33 Na cie lön bīi raan kēnē tēnē Nhialic, ka cīi lēu bī kēcīt kēnē looi.”

34 Gokē bēēr, “Yīn aci dhiëeth ku muk yī adumušööm yic, ku wic ba yo pišöc?” Ku cöpkē wei tēnē amat.

Cöör è pušu

35 Go Jethu piñ lön cī kek ye cuöp wei. Nawēn yök ke lueel, “Ye wēt Manh Raan gam?”

36 Go mony wēn bēēr, “Bēny, lëk ya ye ña, rin ba lēu ba gam.”

37 Go Jethu lëk ye, “Yeen aca tñj, ku yen è raan jam kek yī emēn.”

38 Go mony wēn lueel, “Bēny aca gam.” Ku gut yenhiöl piny Jethu nhom.

39 Go Jethu lueel, “Yēn aci bēn pinyinhom tēn ba wēt teem, rin bī cöör piny tñj, ku bī kóc piny tñj jäl cöör.”

40 Go kóc kök akut Parathī rēēr kek ye wël cī lueel piñ ku thiëckē, “Ee ciēt wic ba lueel lön ye yok cöör aya?”

41 Go Jethu bēēr, “Na we ye cöör ke wek aa cīn gup awušc, ku rin ye wek ye lueel lön ye wek piny tñj, ke wēt kēnē aye nyooth lön le wek gup awušc.”

10

Kääñj abiöök

1 Go Jethu lueel, “Wēt yic alëk we, raan cie tēek kal amël thok, ku lir nhom tēdēt, yeen è cuär, ku è raan rum kääñj.

2 Ku raan tēk kal thok yen abiöñ amël.

3 Raan tit kal abī kal ñaany thok tēnē ye, ku piñ amël röldē tē cööl yen amälke è rienken, ku thel ke ayeer.

4 Ku tē cī ke yäth ayeer, ka cath tueñj kenhīim ku buöoth amël cök rin njic kek röldē.

5 Aacī raan dēt bī buöoth cök, aabī kat ye rin kuc kek röldē.”

6 Kääñj kēnē aci Jethu thäth ke, ku wēt lueel tēnē ke akēckē deet yic.

Jethu abiöñ path

7 Go Jethu bēn lueel, “Wēt yic alëk we, yen ee kal thok tēnē amël.

⁸ Kɔc kɔk ɛbɛn cɪ kan bɛn ɣanhom tuɛŋ, aa cuär ku aa kɔc rum käj, ku rɔlden akɛc amɛl piŋ.

⁹ ʎɛn ɛ kal thok. Raan bɔ thɪn thuɔŋdiɛ abɪ lušk, yeen abɪ bɛn alɔŋthɪn ku ler ayeer, ku yök wɛl path.

¹⁰ Cuär ɛ bɛn rin bɪ cuɛɛr, ku nɛk käj ku rɛc ke. ʎɛn aci bɛn bɪk pɪr yök, pɪrdit alanden.

¹¹ “ʎɛn abiöŋ path. Abiöŋ path aye wɪc bɪ thou rin amälke.

¹² Raan lui ariöp ku cie raan abiöök ku cie wun amɛl, ku tɪŋ ɔl ke bɔ, ka päl amɛl ku kɛt, bɪ ɔl thuɛt amɛl yiic ku thiɛi ke roor.

¹³ Raan lui ariöp ɛ kat rin ɛ raan lui ariöp ɛ path, ku aliu pušu kegup.

¹⁴⁻¹⁵ “ʎɛn abiöŋ path. Cɪmɛn ŋic Wä ʎɛn ku ŋic Wä, kɛya ʎɛn aŋic amälkiɛ ku amälkiɛ aa ŋic ɣa. Ku awiɛc ba thou ɛ riɛnken.

¹⁶ Amɛl kɔk aa tɔ thɪn ku aa käkkiɛ ku aa liu thɪn kal kɛnɛ yic. Keek aaba bɛɛi aya, ku aabi rɔldiɛ piŋ, ku keek aabi ya lušny tɔkalin kek raan tɔŋ biöök ke.

¹⁷ “Wä anhiar ɣa rin awiɛc ba piɛrdiɛ pušl rin bɪ ʎɛn ye bɛn yök.

¹⁸ Acɪn raan bɪ piɛrdiɛ nyaai tɛnɛ ɣa. Yeen aya pušl wɛt piändiɛ ɛ rot. ʎɛn ala riel ba päl wei, ku ʎɛn ala riel ba bɛn lööm.”

¹⁹ Go kɔc Itharel keyiic bɛn tek kamken rin ɛ wɛlkä.

²⁰ Kɔc juɛc kamken aa yekɛ lueel, “Yeen ala guöp jɔŋrac! Yeen amuöl! Yeŋö ye wek wɛlke piŋ?”

²¹ Go kɔc kɔk lueel, “Lɛu raan la guöp jɔŋrac bɪ jam cɪmɛn yen! Lɛu jɔŋrac kɛdɛ bɪ cɔɔr cɔl akuek yenyin?”

Kɔc Itharel aa kuec Jethu

²² Aköl looi Yan Dɔc luan ʎhialic Jeruthalem aci bɛn, ku piny ɛ ye mɛi.

²³ Ku Jethu ɛ cath puak yic, cɔl puak Tholomon tɔ luan ʎhialic.

²⁴ Go kɔc Itharel guɛɛr yelɔɔm ku luelkɛ, “ʎɛt nɛn bɪ yɪn ɣo cɔl arɛɛr ɣo diu puəth? Lɛk ɣo yic la ɣɛi, ye yɪn Raan cɪ lɔc ku dɔc?”

²⁵ Go Jethu bɛɛr, “Wɛt aca lɛk we ku wek aacie wɛtdiɛ ye gam. Luɔikiɛn ya looi ɛ riel Wä, kek ajam ɛ riɛnkiɛ.

²⁶ Ku wek aacie wɛtdiɛ ye gam rin cɪi wek ye amälkiɛ.

²⁷ Amälkiɛ aa rɔldiɛ piŋ ku keek aŋic ku keek aa ɣa buɔoth cök.

²⁸ Pɪr akölrɛɛc ɛbɛn aya yiɛk ke, ku keek aaci bɪ kan thou athɛɛr, ku acɪn raan lɛu ye bɪ ke rum tɛnɛ ɣa.

²⁹ Kɛ cɪ Wä yiɛk ʎɛn awär kɛriɛc ɛbɛn, ku acɪn raan lɛu ye bɪ ke rum Wä cin.

³⁰ Wä ku ʎɛn ɣok aa tɔk.”

³¹ Go kɔc Itharel aleel bɛn kuany bɪk bišök.

³² Go Jethu lɛk ke, “Luɔi puəth juɛc cɪ Wä yiɛk ʎɛn ba ke looi, aa ca looi wenhɪm, ye luɔi tɔŋ nɛn kamken yen wɪc wek ye bäk ɣa bišök aleel?”

³³ Go kɔc Itharel bɛɛr, “Yɪn acuk wɪc buk yɪ bišök aleel rin luɔi path, ku ɛ rin ye yɪn ʎhialic dɔl guöp. Yɪn ɛ raan ɛ path, ku wɪc ba rot looi ba ya ʎhialic!”

³⁴ Go Jethu bɛɛr, “Acɪ ɔt lɔŋdun yic guöp lɔn cɪ ʎhialic ye lueel, ‘Wek aa ʎhialic.’”

³⁵ Aŋicku lɔn wɛt cɪ ɔt athör wɛl thɛɛr ʎhialic yic ɛ yic alanden, ku kɔckä aci ʎhialic cɔl, ‘ʎhialic,’ kɔc cɪ ʎhialic thɔn wɛtde.

³⁶ Ku na ʎɛn, ke Wä cɔl ku tuuc ɣa pinynhom, ku ye kɛdɛ ye wek ye lueel lɔn cɪ ʎɛn ʎhialic dɔl, ye rin cɪ ʎɛn ye lueel lɔn ye ʎɛn Wɛn ʎhialic?

³⁷ Duškkɛ wɛtdiɛ gam tɛ cɪi ʎɛn luɔi Wä loi.

³⁸ Ku na ya ke looi, ku cək alɔn cii wek wətɔiɟ gam, ke we dhil luɔikiɟ gam, bək ɲic alanden lɔn Wä arɛɛr kek ɟa ku ɟen atɔ Wä yic.”

³⁹ Gokɛ wic bik dɔm, go ke käl nyin.

⁴⁰ Go Jethu bɛn dhuk ciɛɛn wär Jordan alɔɲtui tɛwäär ye Joon kɔc muɔɔc nhim thin, ku rɛɛr thin tɛɛn.

⁴¹ Go kɔc juɛc bɛn tɛnɛ ye ku luelkɛ, “Joon akɛc kārɩl looi, ku kəriɛɛc ɛbɛn ci luel rin ɛ mony kɛnɛ aaci ya yith.”

⁴² Ku gam kɔc juɛc wɛtde ɛ tɛnɛ.

11

Thon Ladhäro

¹ Raan cɔl Ladhäro, ku ɛ rɛɛr Bethani, ɛci tuaany. Bethani ɛ gen rɛɛr Maria thin kek nyankɛn cɔl Martha.

² Maria kɛnɛ yen ɛ nyan wäär ci Bänyda tɔc cök miök ɲir, ku wuuny ke nhiɛmke. Ku ɛ mɛnhɛ Ladhäro yen ɛci tuaany.

³ Go nyiɛrakɛn wɛt tuɔc Jethu, “Bɛny, mähɔdun nɲiar aci tuany.”

⁴ Nawɛn piɲ Jethu ke luel, “Tuɛny kɛnɛ acii Ladhäro bi nɔk, kɛnɛ aci rot looi bi Nhialic leec thin. Ku yen ɛ tɛ bi Wɛn Nhialic lec yök thin.”

⁵ Ku Jethu ɛ nɲiar Martha kek nyankɛn ku Ladhäro.

⁶ Nawɛn cək piɲ lɔn ci Ladhäro tuaany, ke nak nin karou tɛwɛn rɛɛr yen thin.

⁷ Ku ɟɔl lɛk kɔc ye buɔɔth, “Benku dhuk ciɛɛn pan Judia.”

⁸ Go kɔc ye buɔɔth luel, “Raan piöoc, wäär ɛmɛn thiɔɔk, ee wic kɔc Itharel bik yi biɔɔk aleel, ku ye wic ɛmɛn ba bɛn dhuk thin?”

⁹ Go Jethu bɛɛr, “Akäl tɔk ci yic la aköl ku wakɔu? Tɛ ciɛth raan ke ruɛl düt ke yeen acie kɔth, rin ala ruɛl yen piny tiɲ.

¹⁰ Ku na ciɛth wakɔu ka kɔth, rin liu ruɛl tɛnɛ ye.”

¹¹ Jethu aci wɛlkä luel ku met dɛt thin, “Mähɔda Ladhäro aci nin wit, ku ɟen ala ba la puɔɔc.”

¹² Go kɔc ye buɔɔth luel, “Bɛny, na ci nin ka bi ɲuɛɛn.”

¹³ Ku wɛt wic Jethu bi lɛk ke ɛ lɔn ci Ladhäro thou. Gokɛ tak lɔn ɲiɛɛm yen wɛt nin ɛ path.

¹⁴ Go Jethu gai yic tɛnɛ ke, “Ladhäro aci thou,

¹⁵ ku ɟen aci puɔu miɛt ɛ rienkun ba kɛc rɛɛr kek ye, rin bək gam. ɟɔlku la tɛnɛ ye.”

¹⁶ Go Thomath, cɔl Acueek, lɛk atuuc, “Lokku ɟodhie kek Raan piöoc, rin buk la thou kek ye.”

Jön rot ku p̄r aabɔ tɛnɛ Jethu

¹⁷ Nawɛn ɟet Jethu ke yök lɔn ci Ladhäro thiɔk ka la nin kanɟan raɲ yic.

¹⁸ Bethani amec kek Jeruthalem tɛcit tɛn meel karou,

¹⁹ ku kɔc juɛc Itharel aake ci bɛn bik Martha kek Maria bɛn dɛɛt puɔth, rin wämɛnhɔn ci thou.

²⁰ Nawɛn piɲ Martha lɔn bi Jethu, ke la aɟeer bi la rɔm kek ye, ku dɔɲ Maria bei.

²¹ Go Martha lɛk Jethu, “Bɛny, na yi tɔ thin, ɲuɔt wämääth akɛc thou.

²² Ku aɲɲec lɔn na cək amɛn ke Nhialic abi kəriɛɛc ɛbɛn ba thiɛɛc ye, gäm yi.”

²³ Go Jethu lɛk ye, “Wämuuth abi rot ɟɔt bi p̄r.”

²⁴ Go Martha bɛɛr, “Aɲɲec lɔn bi yen rot ɟɔt bi p̄r aköl ciɛɛn.”

²⁵ Go Jethu læk ye, “Yen ë jön rot ku pír. Raan gam wëtdië, na cök alon thou yen ka bí pír.

²⁶ Ku kuat raan pír ku gem wëtdië ací bí kanj thou. Ca kënë gam?”

²⁷ Go lueel, “Ee këya, Bëny. Aca gam lon ye yin Raan cí lóc ku dóc, Wën Nhialic, bí dhiel bën pinyinhom.”

Jethu adhiâu

²⁸ Nawën cí Martha wëlkä lueel, ke dhuk ciëen ku cöl nyanakën Maria amäath ku lueel, “Raan piöc atö tën ku awíc yl.”

²⁹ Nawën piñ Maria wët kënë, ke jöt rot ku lóc la ayeer bí la röm kek ye.

³⁰ Ku Jethu ë ñot këc yet baai, a ñot rëër tëwën rëm yen thïn kek Martha.

³¹ Go kóc Itharel wën rëër yööt kek Maria rin bík deet puöu, buöth cök, wën tñj kek ye ke cí rot jöt ku bën yeköu ayeer. Ee cik tak lon ler yen ranj nom bí la dhiau thïn.

³² Wën yeet Maria tëwën rëër Jethu thïn, ke cuet rot piny yecök ku lueel, “Bëny, na yí tó thïn tën ñuöt wämäath akëc thou.”

³³ Nawën tñj Jethu ke dhiau, ku kóc Itharel awën ruec ye ke dhiau aya, go keñ yepuöu ku ñeer yic apeí.

³⁴ Go ke thiëc, “Cäk thiök tëno?” Gokë lueel, “Bëny, bäär ba tñj.”

³⁵ Go Jethu dhiau.

³⁶ Go kóc Itharel lueel, “Tiëñkë të nhiëer yen ye thïn.”

³⁷ Go kóc käk kamken lueel, “Ací raan cí cöör liep nyin, këc looi? Ku yenö këc yen Ladhäro kuöny bei thou yic?”

Ladhäro ací bën pír

³⁸ Go Jethu yic bën ñeer apeí ku ler ranj nom, ku ranj ëcí wec kuur yic, ku kuurdít ací tääu yethok.

³⁹ Go Jethu ke yöök, “Nyaaike kuur.”

Go Martha, nyanakën raan cí thou bëër, “Bëny, ací nhiany. Nïn cí ye thiök aa ñuan.”

⁴⁰ Go Jethu læk ye, “Këc læk yí lon bí yin læc Nhialic tñj të gem yin?”

⁴¹ Gokë kuur laar wei. Go Jethu yenyin ñäär nhial ku lueel, “Wä yin alæec rin ye yin ya piñ,

⁴² ku anjæc lon ye yin ya piñ akölaköl, ku aluæel rin bí kóc tó thïn tën ye gam, lon cí yin ya tooc.”

⁴³ Kaam wën cí yen wëlkä lueel ke cöt röldít, “Ladhäro, bäär ayeer.”

⁴⁴ Go bën ayeer ke cí duut cök ku cin alanh thiëkthiëk, ku ací der nyin alath. Go Jethu læk ke, “Däkkë ku calkë acath.”

Amat nek Jethu

(Mt 26:1-5; Mk 14:1-2; Lk 22:1-2)

⁴⁵ Go kóc juëc Itharel cí bën bík Maria bën neem, kë cí Jethu looi tñj, ku gamkë wëtdë.

⁴⁶ Ku dhuk kóc kök ciëen kamken tënë kóc akut Parathí, bík käk cí Jethu looi la læk ke.

⁴⁷ Go kóc akut Parathí ku kóc käk Nhialic mat kek bëny luk, ku luelkë, “Buk ñö looi? Mony kënë ee luoi ril apeí looi!

⁴⁸ Na päku bí la tuenj këlä, ke kóc ëbën abí wëtdë gam, ku bány Roma aabí bën bík luaj Nhialic thuör piny ku ræckë panda.”

⁴⁹ Go Kaipa yen ye raandít kóc käk Nhialic ë ruösn kënë lueel, “Wët tök akuöcké!

⁵⁰ Cäk ye t̄ij lön anuëen tēnē we bī raan tōk thou rin kōc, tēn tē bī wuōnda riääk ebēn?”

⁵¹ Ku akēc wēt kēnē lueel piānde ē rot, ku ē rin ye yen raandit kōc kāk Nhialic ē ruōšn kēnē. Ku ē luel kāk tuen̄ bī rōt looi lön bī Jethu thou rin thān Itharel,

⁵² Ku acie rienken kepēc, abi thou aya bī mīth Nhialic cī thiēi pinynhem kušōt yiic bīk aa tōk.

⁵³ Joōk akōl kēnē ke bāny aake guir bīk Jethu nōk.

⁵⁴ Kēya, go Jethu kēc bēn acath ē path kam kōc pan Judia, ku jiēl bī la gen cōl Epraim tēthiōk ke ror, ku rēer thīn kek kōc ye buōōth.

⁵⁵ Ku Yan Ayum cīn yic luōi kōc Itharel ēcī thiōk, go kōc juēc jāl bāāiken yiic bīk la Jeruthalem, bīk kōc wuuny kek kegup yandit nhom tuen̄ la looi.

⁵⁶ Gokē Jethu wic, ku thiēcckē rōt kamken wēn cī kek guēr luān Nhialic, “Yenō yakē tak? Bī bēn yai yic, kua cī bī bēn?”

⁵⁷ Ku kōc kāk Nhialic ku kōc akut Parathī aake cī wēt lueel, lön raan njic tē rēer Jethu thīn adhīl wēt lēk ke, ku bī dōm.

12

Maria acī tē theek yen Jethu thīn nyuōōth

(Mt 26:6-13; Mk 14:3-9)

¹ Nīn kadātem Yan Ayum cīn yic luōu nhom tuen̄, ke Jethu la Bethanī, pan ciēn Ladhāro thīn, raan wāār cī jōt bei thou yic.

² Gokē miēth guir tēnē ye, miēth cī Martha bēn luui thīn apēi. Ku Ladhāro atō kam kōc ke rēer thīn aya.

³ Go Maria karjac cī thiān miōk njir cōl naar, ye yōoc wēū juēc lōōm, ku puk Jethu cōk ku wuuny nhīmken nhom. Go an̄ir miōk yōt rum yic ebēn.

⁴ Go raan tōk kam kōc Jethu buōōth, cōl Judath Ithkariōt, raan bī ye luōm lueel,

⁵ “Yenō kēc miōk njir kēnē yaac wēū juēc wār wēū ye dōm raan tōk, ku yīk ke kōc njōn?”

⁶ Ku ēcie rin nhiēr kōc njōn yen lueel yen kēnē, ee rin ye yen cuār, ee ye wēū akut muk, ku ē ye rot kony thīn.

⁷ Go Jethu lueel, “Pālkē, calkē amuk miōk rin akōl bī ya thiōk.

⁸ Kōc njōn aabi rēer thīn akōlakōl kek we, ku yēn acī bī rēer kek we akōlakōl.”

⁹ Go kōc juēc Itharel jāl njic lön tō Jethu Bethanī, gokē la thīn, ku acie rin Jethu yetōk, ee rin bīk Ladhāro la t̄ij aya, raan wāār cī Jethu jōt kam kōc cī thou.

¹⁰ Go kōc kāk Nhialic wēt mat yic bīk Ladhāro nōk aya,

¹¹ rin wēt Ladhāro yen aye kōc juēc Itharel bānyken puōl ku gamkē wēt Jethu.

Jethu acī la Jeruthalem ke ciēm yai

(Mt 21:1-11; Mk 11:1-11; Lk 19:28-40)

¹² Naγon nhiāäk dēt ke akudit kōc cī bēn Yan Ayum cīn yic luōu yic, pinj wēt lön bī Jethu Jeruthalem.

¹³ Gokē ayōr agēp lōōm, ku lek bīk la lor, ku ketkē ēlä, “Lec tēnē Nhialic!

Nhialic dōc raan bō rin Bēny!

Nhialic dōc Bēny Itharel!”

¹⁴ Go Jethu akaja yōk ku nyuuc yekōu, cit tē cī gāt ye athōr thēer wēl Nhialic yic,

¹⁵ “Duōkkē riōc kōc Itharel! Yen kīn, Bānydun abō, ke cī nyuc akaja kōu.”

16 Ku kääkä aake kēc kacken ye buoθh deet yiic, nawën cī Jethu rot jət ke læc, ke jolkē njic lən cī kääkä gət athör theer wël Nhhialic yic, ku lən cī kek kääkä looi tēnē ye.

17 Ku kəc juēc ke rēer thīn wäär cī Jethu Ladhāro caal ayeer ran yic, ku jət kam kəc cī thou, aake kē cik tīj tēt kəc.

18 Ku rin wēt kēnē aya yen aa lor kəc juēc ye, rin cī kek luoidit jān gōi cī looi piŋ.

19 Go kəc akut Parathī lueel kamken, “Cäk ye tīj lən cīn yen kē yökku thīn. Tiēŋkē, aye thēi ēbēn buoθh cök.”

Kəc Ġirik kək aa wïc Jethu bik tīj

20 Kəc Ġirik kək aake tō kam kəc cī la Jeruthalem bik Nhhialic la door thīn.

21 Gokē bēn tēnē Pilipo, raan Galilia pan Bethaida ku luelkē, “Bēny, yök aa wïc Jethu buk tīj.”

22 Go Pilipo wēt lēk Andria, ku lekkē karou tēnē Jethu bik la lēk ye.

23 Go Jethu bēer, “Ēmēn, aköl bī Manh Raan ya leec apei acī guo yēēt.

24 Wēt yic alēk we, nyin rap ē rēer ke ye tōk ē path, tē kēc ye tāau tiap yic bī ciēt kē cī thou. Na le yic pāt bī ciēt kē cī thou, ka jəl luok mīth juēc.

25 Raan nhīar piērde, abī muor ku raan man piērde pinynhom tēn abī muk tēnē pīr akölrīēc ēbēn.

26 Kwat raan wïc ye bī yēn luōi ka dhil ya buoθh cök, rin tē rēer yēn thīn, aluonydiē abī rēer thīn aya, ku Wā abī kwat raan luui ya leec.

Jethu ajam wēt Thuonde

27 “Piändiē arem ēmēn, ku ba nō lueel? Ba lueel, ‘Wā, duk kēreec tit ya cəl abō?’ Ku kēnē ē yen cī yēn bēn thīn, rin ba areem aköl kēnē thöl.

28 Wā, cəl riēnku alec!”

Go röl jam nhial ku lueel, “Aca cəl alec ku aba bēn cəl alec.”

29 Go kəc ke kääc thīn tēēn röl piŋ ku luelkē, “Deŋ acī mār.” Go kəc kək lueel, “Atuny Nhhialic aci jam tēnē ye.”

30 Tēēnē, go Jethu lēk ke, “Ēe cie tēnē ya yen jīem röl kēnē, ee riēnkun.

31 Ēmēn, ē tē bī luk teem tēnē kəc tō pinynhom, ku bēny jakrec abī cuap wei.

32 Tē cī ya jat nhial, ke yēn abī kəc ēbēn miēt tēnē ya.”

33 Ku wēn lueel yen kēnē, ke wïc bī nyuoθh yen tē bī yen thou thīn.

34 Go akut bēer tēnē ye, “Wēt cī gət athör yic ē yök lēk lən bī Raan cī ləc ku dəc, pīr akölrīēc ēbēn. Na yīn lēu kēdē ba lueel lən bī Manh Raan jat nhial? Ku yeŋa yen Manh Raan?”

35 Go Jethu bēer, “Anoot tēthīn nyoot bī ruel rēer kamkun. Lakkē tuēŋ dhöldun yic ēmēn tōu ruel tēnē we bī muōθh we cī döt, rin raan cath muōθh yic akuc tē ler yen thīn.

36 Gamkē ruel ēmēn noot yen kek we, rin bāk aa kəc ruel.” Tēwēn cī Jethu wēlkā lueel ke la ayeer ku thiēen rot tēnē ke.

Kəc Itharel aa kuec ē gam

37 Na cək amēn cī yen luoi rilkā ēbēn looi kenhīim guōp, ke keek aa kēc wētde gam,

38 bī wēt cī Ithaya, raan kək Nhhialic tīj kaŋ lueel theer yēnhom tiēeŋ, wētde wäär lueel ēlä,

“Bēny, yeŋa cī wēt cuk lēk kəc gam?

Yeŋa cī Bēny nyuoθh riel?”

³⁹ Ku rin ë kënë acin tē bī kek gam, rin wēt kënë aya, aci Ithaya lueel ëlä,
⁴⁰ “Aaci Nhialic dhöny nyin, ku mēr kepuōth.
 Bīk kārj cī tīj kenyin, ku cīk wēt det kepuōth.
 Bīk rōt wēl yen ku ba keek kony.”

⁴¹ Ithaya aci kënë lueel rin cī yen lēc Jethu tīj ku jīem rienke.

⁴² Ku emēn aya, ke bāny kōc Itharel aake cī wēt Jethu gam, ku akēckē lueel kōc nhīm, rin riōc kek kōc akut Parathī bīk ke cī cop wei tēn amat.

⁴³ Aake lēc kōc nhiaar tēnē lēc Nhialic.

Jethu abī luk looi tēnē kōc ebēn

⁴⁴ Go Jethu lueel rōldīt kōc nhīm, “Raan gam wēt diē acie wēt diē rot yen ye gam, ee wēt raan toc ya gam aya.

⁴⁵ Ku raan tīj ya, ka tīj raan cā tooc aya.

⁴⁶ Yen aci bēn cīmēn ruel pinyinhom, bī raan ebēn gam wēt diē cī ben rēer muōōth yic.

⁴⁷ Raan piñ wēt diē ku cī lōk looi, ke yen acin wēt ba tēm ye, rin kēc yen bēn ba kōc pinyinhom bēn luk, yen aci bēn ba ke bēn pīr.

⁴⁸ Raan kuc ē ya ku cī wēt diē gam, raan bī ye tēm awuōc abī tō thīn, ku wēt diēn ca lēk kōc abī ye luk akōl ciēēn.

⁴⁹ Ku ē këya, rin kēc yen jam wēt piāndiē rot, ku ē Wā Aciēj toc ya, yen aci ya thōn kē ba dhiēl lueel ku jaam ē yic.

⁵⁰ Ku anjēc lōn ye wētde pīr akōlriēc ebēn bēēi. Kāk ya lueel aa kāk cī Wā nyuōth ya ba ke lueel.”

13

Jethu aci kōcken ye buōōth lōk cōk

¹ Ee ye akōl Yan Ayum cīn yic luōn nhom tuēj. Go Jethu njic lōn cī akōl jiēl yen pinyinhom tēn jāl bēn, ku bī la tēnē Wun. Yeen aci kōcken rēer pinyinhom nhiaar alanden, ku nhiēer ke yet tē bī wēt thōk.

² Jethu ku kōcken ye buōōth aake cī nyuc bīk miēth thēi cam. Ku jōjrac ēcī wēt tāau Judath, wēn Thaimon Ithkariōt pušu, bī Jethu gaany.

³ Go Jethu njic lōn cī Wun riel ebēn tāau yecin, ku ē njic lōn cī yen bēn tēnē Nhialic, ku ē ben dhuk tēnē ye.

⁴ Go rot cuōt wei tēwēn mīth kek thīn ku dēk alanh kōu, ku ruk alanh wuōny ye anjum.

⁵ Ku jōl piū puōk aduōk yic ku lōk kōcken ye buōōth cōk, ku wuuny ke alanh wuōny wēn cī ruōk ye anjum.

⁶ Ku jōl bēn tēnē Thaimon Pīter, go Pīter lēk ye, “Ye yīn bā lōk cōk, Bēny?”

⁷ Go Jethu bēer tēnē ye, “Ke luōl acī ye deet yic emēn, ku aba lōk deet yic.”

⁸ Go Pīter lueel, “Yīn acī ya bī kañ lōk cōk acīn.” Go Jethu bēer, “Na cā yī lōk cōk, ke yīn acīn tē bī yīn bēn a raandiē.”

⁹ Go Thaimon Pīter lueel, “Bēny, na ye këya ke yī duk ya lōk cōk ē rot, lōk yacin ku yanhom aya.”

¹⁰ Go Jethu lueel, “Raan cī laak acīn guōp acuōl, ku abī yecōk lōk rot. Wek aa yer ebēn, ke raan tōk kamkun yen acī yer.”

¹¹ Jethu ē njic raan bī ye gaany, yen ē lueel yen ye ëlä, “Wek aa yer wedhie, ke raan tōk yen acī yer.”

¹² Nawēn cī Jethu ke lōk cōk, ke ben alanhde ruōk ku nyuuc tēden wēn rēer yen thīn, ku thiēc ke, “Cāk kāk ca looi tēnē we emēn deet yiic?”

13 Wek aa ʒa ɕool raan piöök ku Bëny, ku yeen apath bäk looi këya, rin ë ʒa.

14 ʒen ë Bëny ku Raan piöök tënë we, ku ɲot we laak cök. Ke week aya, wek abäi wecök loök kamkun, ɲek kek ɲek.

15 Wët path aca nyuõth we, bäk looi cïmën cï ʒen ye looi tënë we.

16 Wët yic alëk we, acïn alony dīt tënë bānyde, ku acïn atuny dīt tënë raan toc ye.

17 Ēmën ɲic wek wët yic kënë, tē looi wek ye, ke miēt puṣu dīt abäk yök thïn.

18 “ʒen acïi jam ë rienkun ëbën, ʒen aɲic kɔc ca kuëny bei. Ku wët cï gõt athör theer wël Nhialic yic ëlä, ‘Raan mīth ʒok aduāɲ tōk yic acie nhom wël ʒa,’ adhil yehom tiëɲ.

19 Wek aa lëk wët kënë ěmën ke kēc rot ʒuṣ looi, rin aköl bi yen rot looi ka bäk jäl gam lön, ‘Ye ʒen Yeen.’

20 Wët yic alëk we, raan lor raan ca tooc, acä lor aya, ku raan lor ʒen ka lor raan toc ʒen aya.”

Kë cïn Judath puṣu acï lueel

(Mt 26:20-25; Mk 14:17-21; Lk 22:21-23)

21 Nawën cï Jethu wëlkä lueel, ke ɲeer yic ku lueel, “Wët yic alëk we, raan tōk kamkun abï ʒa gaany.”

22 Go kɔc ye buõth kenýin liäāth kamken ke cï nhïim la dīl apei wët ye lueel.

23 Ku raan tōɲ nhiëer Jethu kam kɔc ye buõth, ěcï nyuc Jethu lōõm,

24 go Pīter nieu nyïn ku lueel, “Thiëc, ye raan nen yen jīem yen rienke.”

25 Go atuny kënë rot cuõt Jethu ku thiëc, “Bëny, ye yen ë ɲa?”

26 Go Jethu bëër, “Ee raan bi ʒen ayup luõt kada yic ku yiëk ye.” Ku lōõm ayum ku lut kada yic ku yīk Judath, wën Thaimon Ithkariót.

27 Tëwën lōõm Judath ayup, ke ɔɲrac go la yeguõp. Go Jethu lëk ye, “Kë wic ba looi, loo looi.”

28 Ku acïn raan kam kɔc ke mīth kek ye cï wët deet yic, ye rin ɲō yen jīem Jethu këya tënë ye.

29 Ku rin yen Judath yen wëëuken muk, ke cï kɔcken kōk tak lön cï Jethu ye lëk ye bi la ʒɔc kã wickë rin yai, tēdë ke cï lueel bi kɔc ɲōɲ muõc.

30 Ku kaam wën lōõm Judath ayup, ke la ayeer. Ku ë ye wakõu.

Lōɲ Yam

31 Wën cï Judath jäl, ke lueel Jethu, “Ēmën lëc Manh Raan acï nyuõth kɔc, ku lëc Nhialic acï nyuõth kɔc ë ye.

32 Ku tē cï lëc Nhialic nyuõth kɔc ë ye, ke Nhialic abi lëc Manh Raan nyuõth yeguõp, ku abï lac looi nyin yic.

33 Miëthkië, ʒen acïi bi rëer kek we apei. Wek abä wic, ku alëk we ěmën yen wët ca lëk kɔc Itharel, ‘Acïn tē bi wek la tē ler ʒen thïn.’

34 Lōɲ yam ayiëk we, nhiarkë rōt kamkun, cïmën cï ʒen we nhiaar, këya, ke wek aa dhil rōt nhiaar kamkun.

35 Na nhiarkë rōt kamkun ka bi ɲic kɔc ëbën lön ye wek kɔckiën ʒa buõth.”

Pīter ajei Jethu

(Mt 26:31-35; Mk 14:27-31; Lk 22:31-34)

36 Go Thaimon Pīter thiëc, “Na yīn lordë Bëny?” Go Jethu bëër, “Tē ler ʒen thïn acïn tē buõth yīn ʒacök ěmën, ku yīn abä buõth aköldä.”

37 Go Pīter thiëc, “Bëny, yenjō cïi ʒen ye lëu ba yī buõth ěmën? Atõu ʒapuõu ba thou ë rienku.”

38 Go Jethu bɛɛr, “Lɛu ba thou alanden ɛ rienkiɛ? Wɛt yic alɛk yɪ. Tɛ ɲot kɛc thɔn ajiθ kiu, aba lueel arak diäk lɔn kuc yɪn ɣa.”

14

Jethu ee dhɛl la tɛnɛ Wun

1 Go Jethu lɛk ke, “Duökkɛ diɛɛr ku rɛɛrkɛ we rac puθth. Gamkɛ Nhialic ku gamkɛ ɣa aya.

2 Pan Wä ala yic ɣööt juɛc, ku ɣɛn ala ba piny la guiri tɛnɛ we. Na cie yic wɛt kɛnɛ, ɲuot akɛc lɛk we.

3 Ku tɛ cɪ ɣɛn la ba piny la guiri tɛnɛ we, ke ɣɛn abɪ dhuk ba we mat tɛdiɛ rin bäk rɛɛr tɛ tɔu ɣɛn θɪn.

4 Ku dhɛl bɪ wek ɣɛt tɛ le ɣɛn θɪn aɲiɛckɛ.”

5 Go Thomath lɛk ye, “Bɛny, ɣok aa kuc tɛ le yɪn θɪn, ku buk dhɛl bɪ ɣok ɣɛt tɛ tɔ yɪn θɪn ɲic kɛdɛ?”

6 Go Jethu bɛɛr tɛnɛ ye, “ɣɛn ee dhɛl ku yic ku pɪr, acɪn raan la tɛnɛ Wä tɛ cɪi yɛn rienkiɛ.”

7 Ku lɛk ke, “ɛmɛn cɪ wek ɣa ɲic, ke wek aabɪ Wä ɲic aya, ku ɛmɛn ɣɛt tuɛɲ, aɲiɛckɛ ku acäk tɪɲ.”

8 Go Pilipo lueel, “Bɛny, nyuθth ɣo Wuur, yɛn ee kɛ wɪcku yetök.”

9 Go Jethu bɛɛr, “ɣɛn acɪ cɛɲ aɲɛi kek we, ku yɪn aɲot yɪ kɛc ɣa ɲic, Pilipo? Raan cä tɪɲ, acɪ Wä tɪɲ aya. Yɛɲö ɛ yɪn ye lueel, ‘Nyuθth ɣo Wuur?’

10 Kɛc gam yɪn Pilipo, lɔn rɛɛr ɣɛn Wä yic ku Wä ɣayic?” Ku ɲol Jethu lɛk kɔcken ye buoθth, “Wɛl ca lɛk we acie wɛl bö bei tɛnɛ ɣa. Wä rɛɛr ɣayic, yɛn ɛ luɔide looi.

11 Gamkɛ wɛtdiɛ lɔn rɛɛr ɣɛn Wä yic ku lɔn tɔ Wä ɣayic. Na liu gam ke gamkɛ rin luɔikiɛ.

12 Wɛt yic alɛk we, raan gam wɛtdiɛ abɪ luɔi ya looi a looi, ku tɛdɛt abɪ luɔidit tɛnɛ luɔidiɛ a looi, rin ler ɣɛn tɛnɛ Wä.

13 Ku kɛriɛc ɛbɛn bäk θiɛc ɛ rienkiɛ aba looi, rin bɪ lɛc Wun nyuoθth rin Wɛnde.

14 Tɛ θiɛc wek kɛdɔɲ ɛ rienkiɛ, ka ba looi.

Aθhɔn bɪ Wɛi Nhialic bɛn

15 “Na nhiarkɛ ɣa, ke we piɲ lɔɲkiɛ.

16 ɣɛn abɪ Wä θiɛc ku abɪ we yiɛk raan dɛt kɔc kony, ku ye Wɛi ɛ yic bɪ rɛɛr kek we akɔlriɛc ɛbɛn.

17 Acɪn tɛ bɪ kɔc pinynhom ye gam, rin acɪk lɛu bɪk tɪɲ ku cɪk lɛu bɪk ɲic. Ku yɛn aɲiɛckɛ rin yɛn adɔɲ kek we ku aciɛɲ kek we.

18 “Wek aacä bɪ puθl wepɛc, ɣɛn abɪ dhuk tɛnɛ we.

19 Aɲoot tɛθɪn-nyoot ku kɔc pinynhom aacɪi ɣa bɪ bɛn tɪɲ ku wek aabä tɪɲ, ku rin pɪr ɣɛn, ke wek aabɪ pɪr aya.

20 Tɛ ler akɔltui bɛn ka bäk ɲic lɔn tɔ ɣɛn Wä yic ku lɔn rɛɛr ɣɛn weyiic.

21 “Raan gam lɔɲkiɛ ku looi ke, yɛn ɛ raan nhiar ɣa. Ku raan nhiar ɣa abɪ Wä nhiar, ku yɛn aba nhiar aya, ku ɣɛn abɪ rot nyuθth ye.”

22 Go Judath lueel, ku yɛn acie Judath Iθhariot, “Bɛny, bɪ rot lɛu kɛdɛ ba rot nyuθth ɣo ku cɪi rot nyuth kɔc pinynhom?”

23 Go Jethu bɛɛr tɛnɛ ye, “Raan nhiar ɣa, ka piɲ wɛtdiɛ ku yɛn abɪ Wä nhiar, ku ɣok aabɪ bɛn tɛnɛ ye ɣok Wä buk pɪr kek ye.

24 Raan cɪi ɣa nhiar acie wɛtdiɛ ye piɲ. Wɛt cäk piɲ tɛnɛ ɣa acie wɛtdiɛ, ee wɛt bö tɛnɛ Wä raan toc ɣa.

25 “Wêlkä aaca lëk we ëmën ηoot γen kek we.

26 Ku raan kɔc kony, Wëi Nhialic bï Wä tušöc ë rienkië yen abï we pišöc këriëc ëbën ca lëk we.

27 “Döör aya nyaäh piny ke we, ku döördië guöp ayiëk we. Acä ye gäm we cïmën ye kɔc piny ye yiëk kɔc. Duškkë yiic ηeer ku duškkë rišc.

28 Acäk piñ ke luɛl tënë we ëlä, ‘γen ajiël ku γen abï la dhuk tënë we.’ Na nhiarkë γa ke wek aabi puöth miɛt rin ler γen tënë Wä, rin adit tënë γa.

29 Kënë aca lëk we ëmën ke ηot këc rot guɔ looi, na le rot looi ke bäk gam.

30 Acä lëu ba jam apeï kek we ëmën, rin jəñ pinyhom abö. Ku yeen acin riɛl tënë γa.

31 Ku adhil kɔc pinyhom ηic lɔn nhiɛɛr γen Wä, yen ë rin ye γen këriëc ëbën ye thön γa looi.

“Bäk, jiëlku tën.

15

Jethu yen abiëny yic

1 “γen abiëny yic ku Wä ë raan dom,

2 yen ee kuat kër cie luɔk tš yaköu tɛem wei, ku teem kuat kër luɔk nhom, rin bï nyäc bï ηiɛc luɔk apeï.

3 Wek aaci jäl piath rin piöoc ca yiëk we.

4 Rëërkë akut yic kek γa, ku γen abï rëër akut yic kek we. Kër acie luɔk ë rot, alëu bï looi tē rëër yen abiëc yic. Këya, acäk lëu bäk luɔk tē cïi wek rëër γayic.

5 “γen abiëc ku wek aa kër. Raan rëër γayic ku γen yeyic abï luɔk apeï, rin week acin kë lëukë bäk looi tē liu γen tënë we.

6 Raan cie rëër γayic ka ya cuat wei cïmën kër tim ku bï riɛl, ku kuat kërkä aabi kušöt yiic ku cuet ke mɛɛc tē bï kek dëp thïn.

7 Na rëërkë γayic, ku rëër wëlkië wepuöth ke këriëc ëbën bäk thiëc ku wiëckë, ka bäk yök.

8 Lɛc Wä aye nyuöoth tē lok wek apeï, ku këya, ke wek aabi ya kockiën γa buöoth.

9 Wek aa nhiaar cïmën nhiɛɛr Wä γen, rëërkë nhiërdië yic.

10 Na thekkë löñkië ke wek aabi rëër nhiërdië yic cïmën cï γen lööñ Wä buöoth yiic, ku rëër nhiërde yic.

11 “Kënë aca lëk we, bï miɛt pušu tš tënë γa täu wepuöth aya, ku bï miɛt piändu thäap ë dit.

12 Ku löñdië akïn, nhiarkë röt cïmën cï γen we nhiaar.

13 Nhiërdit tet lëu raan bï yiëk mäthke, ee gem wëike ë rienken.

14 Ku wek aa mäthkië tē looi wek käk ca lëk we.

15 Wek aacä bï bɛn cɔl aloony, rin alony akuc käk ye wun baai looi. Ku wek aaya cɔl mäthkië, rin cï γen këriëc ëbën ca piñ tënë Wä nyuöth we.

16 Aacie wek cä lɔc, ee γen aci we lɔc, ku wek aaca tooc bäk la bäk la luui apeï, luoi bï döñ athɛɛr. Ku Wä abï këriëc ëbën cäk thiëc ë rienkië yiëk we,

17 kë thön we akïn, nhiarkë röt kamkun.

Män kɔc pinyhom

18 “Na man kɔc pinyhom we, ke dhielkë tak lɔn cï kek γa kañ maan.

19 Na we kɔc pinyhom, ke kɔc pinyhom aabi we nhiaar rin ye wek kacken, ku wën cï γen we kuëny bei pinyhom, ke wek aacie kɔc pinyhom, ku rin ë wët këné, kɔc pinyhom aa man we.

²⁰ Muskkë wēt ca lək we nhom, ‘Acin alony dīt tēnē bānyde.’ Na jörkë ya, ke keek aabi we jöör aya, na pinjë wētidiē, ke keek aabi wētduon pinj aya.

²¹ Ku keek aabi kakkä looi ebēn tēnē we rin ye wek kackiē, rin kuc kek raan cā tooc.

²² Na ya kēc bēn ku cā jam tēnē we, ηušt aa kēc gup la adumušom, ku cit emēn kēlä, acin tē bi ke bēn pušl rin adumušomken.

²³ Raan man ya, ee Wä maan.

²⁴ Na ya kēc luwikä kanj looi kamken, kāk cīn raan ci ke kanj looi, ηušt aa cīn gup adumušom, cit emēn kēlä, aaci kāk ca looi tīj, ku keek aa ηot ke man ya ku Wä aya.

²⁵ Ku kēnē adhil rot looi këya bi wēt cī göt löjden yic rot tiεη, ‘Keek aa man ya ē path ke cīn wēt yic.’

²⁶ “Raan kušony abi bēn, Wēi Nhialic abi yiny Nhialic nyooth, ku yeen abō tēnē Wä. Yeen aba tušc we tēnē Wä, ku yeen abi jam ē rienkiē.

²⁷ Ku week aya wek aabi jam ē rienkiē rin ci wek rēer ke ya thεεr.

16

¹ “Kēnē aca lək we bāk gamdun cīi päl.

² Wek aabi cuop wei tēn amat. Ku kaam abi bēn, tē bi kuat raan näk we ye tak lön na looi kēnē, ke yeen aluui Nhialic.

³ Keek aabi kakkä looi tēnē we, rin kuc kek Wä ku kuckë ya.

⁴ Kakkä aaca lək we, rin aköi bi kek kakkä looi, ka jälkë tak lön cī yen ye kanj lək we.

Luoi Wēi Nhialic

“Wēlkä aa kēc lək we wäär tuelj rin rēer yen kek we.

⁵ Ku emēn yen ala tēnē raan cā tooc, ku anjot cīn raan kamkun ya thiēc, ‘Na yīin lor dē?’

⁶ Ku emēn cī yen ye lək we, wek aaci pušt jiet.

⁷ Wēt yic alək we, anjēn tēnē we lön jiel yen, rin na cā jiel ke raan kōc kony acīi bi bēn tēnē we. Ku na jäl ke yen aba la tušc we.

⁸ Ku na biī, ka bi nyušt kōc pinynhom lön rεεc kek rin wēt adumušom, ku rin wēt ciεεη path ku wēt luη Nhialic.

⁹ Keek aa rεc rin wēt adumušom, rin kēc kek ya gam,

¹⁰ rin wēt ciεεη path cī ladiē tēnē Wä nyušt, ku kē cīi wek yen bi bēn tīj.

¹¹ Ku keek aa rεc rin luk, rin cī bēny pinynhom tēn lušk wei.

¹² “Yen ala käjuēc kōk ba lək we, ku emēn aril yic bāk ke muk wenhīim.

¹³ Ku na bō Wēi Nhialic yen ē yic, ka bi we nyušt wēl yith ebēn. Yeen acīi bi jam wēlke ē rot, ku kāk ye pinj aabi lək we.

¹⁴ Yeen aba leec, rin bi yen kēdiēn ba lueel lööm ku nyuth we.

¹⁵ Kāk Wä ebēn aa kākkiē, ku ē yen aci yen ye lueel lön bi Wēi kāk ba yiēk ye lööm, ku jöl ke lək we.

Rēec pušu ku miεt pušu

¹⁶ “Anjoot kaam thin nyōot, ku wek aaciī ya bi tīj, ku na ben a kaam thin nyōot ke we abi yen bēn tīj.”

¹⁷ Go kōc kōk kam kōcken ye bušt lueel, “Kēnē wētde yic yerō? Aye lək yo, kaam thin-nyōot ke week aaciī ya bi bēn tīj, ku ben a kaam thin-nyōot ku wek aabi ya tīj? Ku lueel aya, ‘Ee rin ler yen tēnē Wä.’ ”

18 Gokë thiëc, “Kam thin-nyoot kënë wëtde yic ako? Kë wïc bï lueel akucku!”

19 Go Jethu ñic lön wïc kek ye bïk thiëc, ku lëk ke, “Aca lueel, ‘Kam thin nyoot ke wek aaciï ya bï tïñ, ku na ben a kaam dët ke wek aabi ya tïñ.’ Ye wët kënë yen yakë thiëc kamkun?”

20 Wët yic alëk we, wek aabi dhiau ku dhuöörkë apei, ku kɔc pinyinhom aabi puöth miët, ku wek aabi puöth rëëc, ku rëëc piändun abi wel tënë we bï ya miët puöu.

21 Na thiök tik kek dhiëth ka rac puöu rin cï aköl reem ye yëët, ku na cï meth jäl dhiëth ka arëem wën acï ben tak rin cï yen puöu miët, rin cï yen meth dhiëth pinyinhom.

22 Ku acit kënë tënë we aya, wek aa rëc puöth ëmën, ku wek aabä ben tïñ, ku wek aabi kuëth miët ë puöu, kuat miët puöu cïn raan bï ye ben nyaai tënë we.

23 “Na la aköl kënë bën ke wek aaciï ya bï ben thiëc kädän. Wët yic alëk we, këriëc ëbën bäk thiëc ë rienkië abi Wä yiëk we.

24 Yet yaköl acin kë cäk thiëc ë rienkië, thiëckë ku abäk yök, bï miët puöu dît tënë we.

25 “Käkkä aake ya lëk we waal, ku të cïï yen bï ben jam waal acï thiök, ku yen abi ya jam tënë we wël la gei rin Wä.

26 Të le aköl kënë bën, ke wek aabi Wä thiëc ë rienkië. Ku acä bï lëk we lön bï yen ya röök ë rienkun tënë Wä,

27 rin Wä anhiar we rin nhïer wek ya, ku rin cï wek ye gam lön yen a ya bö tënë Nhialic.

28 Yen abö tënë Wä ba bën pinyinhom, ku pinyinhom aba puöl ku dhuök tënë Wä.”

29 Go kacken ye buöoth lëk ye, “Tïñ, yïn ajam gei ëmën ke yï cïï ben jam waal.

30 Acuk ñic ëmën lön ñic yïn këriëc ëbën, ku yïn aaciï tit bï yï thiëc, rin wët kënë acuk ñic lön bïï yïn tënë Nhialic.”

31 Go Jethu bëër tënë ke, “Cäk jäl gam ëmën?”

32 Piëñkë tädän abi bën, ku acï thiök ayic, të bï wek wëer bï ñek ala panden, ku wek aabä nyään piny yatök. Ku acie yen yatök rot, rin Wä arëër kek ya.

33 Wek aaca lëk kënë rin bäk aa tök kek yen, bäk döör yök. Kɔc pinyinhom aabi we jöör, ku deëtkë wepuöth yen acï käreëc pinyinhom lëu!”

17

Jethu aröök rin kacken ye buöoth

1 Nawën cï Jethu wëlkä thöl lueel, ke ñëër yenyin nhial ku lueel, “Wä, aköl acï yëët. Yiëk lëc Wëndu ku bï Wëndu yï yiëk lëc.

2 Rin yïn acï bäány yiëk ye kɔc nhïim ëbën, bï pïr akölrïëc ca gäm ye yiëk kɔc ëbën.

3 Ku pïr akölrïëc akïn, bï kɔc yï ñic lön yïn ë Nhialic la cök, ku ñickë Jethu raan cï lɔc ku dɔc wäär ca tuöc pinyinhom.

4 Yen acï lëcdu nyuöoth pinyinhom, ku luöl ca yiëk ya ba looi aca thääp.

5 Wä, gäm ya lëcdu yïnhom tën ëmën, lëc wäär rëër kamkua yok yï, wäthëer ke piny këc cak.

6 “Yïn aca nyuöoth tënë kɔc ca yiëk ya pinyinhom. Keek aake ye kacku, ku ë yïn acï ke gäm ya, ku keek aaci wëtdu gam.

7 Ke ëmën anjickë lön këriëc ëbën ca yiëk ya abö tënë yï.

8 Wä yen acï wët ca lëk ya lëk ke, gokë gam, ku anjickë ayic yen lön bïï yen tënë yï, ku acik gam lön cï yïn ya tooc.

⁹ “Ÿen ë röök ë rienken. Ÿen acie röök rin kəc tš pinyňhom, ee rin kəc ca yiök ya rin ye kek kacku.

¹⁰ Käkkië ëbën aa käcku, ku læcdië aye nyuəoth keyiic.

¹¹ Ku ëmën Ÿen abš tënë yī, Ÿen acī ben a raan rëër pinyňhom, ku keek aatš pinyňhom. Wä dhëj, tit ke riel ë rienku, rin wäär ca yiök ya, bik aa tők cīmën yok yo yī.

¹² Wäär rëër Ÿen ke ke, aaca muk riel ë rienku, keek aaca ke tiit ku acin tönj cī mäǟr kamken. Arëk ke raan wäär yen bī dhiel mäǟr ë rot, rin bī wët cī göt athör theer wël Nhialic yenhom tiëj.

¹³ Ku ëmën Ÿen abš tënë yī, ku käckä aa ya lueel ya ɲoot pinyňhom bī miët piändië rëër kepuöth ke dit alanden.

¹⁴ Ÿen aci wët lëk ke, go kəc pinyňhom ke maan, rin cī kek ye kəc pinyňhom tën. Cīmën cī Ÿen ye raan pinyňhom tën aya.

¹⁵ Yīn acä bī thiëc ba ke nyaai pinyňhom, ku yīn aya thiëc ba ke tiit jəɲrac.

¹⁶ Keek aacie kəc piiny tën cīmën cī Ÿen raan piny tën.

¹⁷ Mac ke wët yic, rin wëtdu ë yic.

¹⁸ Keek aca ke tuəoc pinyňhom cīmën cī yīn ya tušöc pinyňhom.

¹⁹ Ÿen ë rot mac ë rienku, ku bik röt mac aya wët yic.

²⁰ “Ÿen acī ršök rienken röt, Ÿen aršök aya rin kəc bī gam rin pišöcden.

²¹ Ÿen aršök rin bi kek aa tők. Wä, cəl ke aaye tők yoyic cīmën tš yīn kek ya ku Ÿen kek yī. Cəl ke aaye tők rin bī kəc pinyňhom ye gam lən cī yīn ya tooc.

²² Ÿen aci læc ca yiök ya, aca yiök ke bik aa tők cīmën ye yok tők.

²³ Ÿen arëër keyiic cīmën rëër yīn yayic bik aa tők ëbën, bī kəc pinyňhom ɲic lən cī yīn ya tooc, ku lən nhiëer yīn ke cīmën nhiëer yīn ya.

²⁴ “Wä, keek aaca yiök ya, ku awiëc bik rëër tē rëër Ÿen thīn, bik læcdië tiñ, læc ca yiök ya, rin nhiëer yīn ya wäär këc piny guə cak.

²⁵ Wä raan la cök, kəc pinyňhom aa kuc yī, ku yīn anjiec, ku käckä anjickë lən cī yīn ya tooc.

²⁶ Yīn aca nyuəoth tënë ke, ku aba ɲot luəoi këya, rin bī nhiërdu tënë ya tš keyiic, ku ba tšu keyiic aya.”

18

Jethu aci dəm

(Mt 26:47-56; Mk 14:43-50; Lk 22:47-53)

¹ Tëwën cī Jethu röök këya, ke jiël kek kacken ye buəoth ku teem wär cəl Kidron. Ku gör ë tš thīn tšëñë, go Jethu la thīn kek kacken ye buəoth.

² Ku Judath raan gəony ye ë ɲic tš cī yen la thīn, rin cī Jethu kanj rəm thīn kek kacken ye buəoth arak juëc.

³ Go Judath la gör yic kek akut apuruuk, ku kəc kək luanj Nhialic tiit, cī kəc kək Nhialic ku kəc akut Parathī tuəoc thīn. Keek aake muk təɲj ku mermer,

⁴ ku Jethu ë ɲic këriëc ëbën bī rot looi tënë ye, go ke lor nhīm ku thiëc ke, “Yenja wiëckë?”

⁵ Gokë bëër, “Ee Jethu raan Nadharet.” Go lueel, “Ee Ÿen.” Ku Judath, raan gəony ye ë tš thīn ke ke.

⁶ Kaam wën lëk Jethu ye ke, “Ee Ÿen,” Ke riñj ciëñ keköth ku wīkkë piny.

⁷ Go Jethu ke ben thiëc, “Yenja wiëckë?” Gokë lueel, “Ee Jethu raan Nadharet.”

⁸ Go Jethu lueel, “Aca læk we wenthεer lön ye yen γa. Na wiäckë γa, ke we päi kockä bik jäl.”

⁹ Yeen aci jam kälä bi wēt cī kaŋ lueel elä rot tiεη tädë, “Wä, na cök a raan tökalin kam kóc ca yiék γa, ka kēc muör.”

¹⁰ Ku Thaimon Piter ë muk pal. Go miëet bei ku tök alony raandit käk Nhialic ku teem yinyden cuéc wei. Ku alony ë cöl Malko.

¹¹ Go Jethu læk Piter, “Dhuşk paldu jökgöde yic. Ye tak lön cī γen arεem cī Wä yiék γa bi guum.”

Jethu aci yäth Anath nom

¹² Go akut apuruuk kek bänyden ku kóc Itharel ke tit, Jethu döm ku derkë,

¹³ ku kørjkë yäth tënë Anath. Ku Anath ë ye wun tinj Kaipa, raandit käk Nhialic ye ruöön kënë.

¹⁴ Ee Kaipa yen ëci ye kaŋ læk kóc Itharel lön nuëen yen bi raan tök thou rin kóc.

Piter ajei Jethu

(Mt 26:69-70; Mk 14:66-68; Lk 22:55-57)

¹⁵ Go Thaimon Piter kek raan dët Jethu buöth, ku raan Jethu buöth kënë ë ηic raandit käk Nhialic guöp apci, go la kal pan raandit käk Nhialic yic kek Jethu.

¹⁶ Ku döŋ Piter ayeer kal thok. Go atuny wën ηiéc kek raandit käk Nhialic dhuk ayeer, ku jieem kek nyen tit kal thok, ku biï Piter alørthiin.

¹⁷ Go nyen tit kal thok Piter thiëc, “Cii ye raan tök kam kóc mony kënë buöth?” Go Piter bëer, “γei, yen acie raande.”

¹⁸ Ku wiir ë tö thün, go aloony ku kóc tit many cool took, ku kēëckë many wën lööm bik γöc. Go Piter la ku kēëc ke ke bi γöc aya.

Jethu aluk raandit käk Nhialic nom

(Mt 26:59-66; Mk 14:55-64; Lk 22:66-71)

¹⁹ Go raandit käk Nhialic Jethu thiëc rin wēt kacken ye buöth, ku rin wēt piöcde.

²⁰ Go Jethu bëer, “γen ë cool jam akölaköl tënë raan ëbën kóc nhüim, ku piöcdië ëbën aya looi tën amat ku luanj Nhialic tē ye kóc Itharel guëer thün. Ku γen acin kë ca kaŋ lueel ke muöny.

²¹ Ku yenjö thiëc yin γa? Thiëc kóc cī wëlkië pinj. Thiëc ke wël ca læk ke, rin aa ηic wël ca lueel.”

²² Tëwën cī Jethu jam kälä, go raan tök kam kóc tit ke kääc thün buöök nyin ku lueel, “Cii riöc ba jam kälä tënë raandit käk Nhialic?”

²³ Go Jethu bëer tënë ye, “Na ca kuöc jam, ke læk kóc tē cī γen kuöc jieem thün. Ku na ye yic yen ca lueel, ke yenjö maŋ yin γa?”

²⁴ Go Anath tuöc tënë Kaipa raandit käk Nhialic, ke ηot der cin.

Piter aci Jethu ben jai

(Mt 26:71-75; Mk 14:69-72; Lk 22:58-62)

²⁵ Piter ë ηot kääc tēwën ke γöc mac. Go kóc kök lueel tënë ye, “Cii ye raan tök kam abiöth ë mony kënë?” Go Piter jai ku lueel, “γei, yen acie raande.”

²⁶ Go muöny tök kam aloony raandit käk Nhialic, ruääi kek raan wën cī Piter tök yic wei, jam ku thiëc, “Këc yī tinj kek ye gör yic?”

²⁷ Go Piter ben jai, ku kiu thön ajith nyin yic.

*Kɔc Itharel aaci Jethu gaany tēnē Pilato**(Mt 27:1-2, 11-14; Mk 15:1-5; Lk 23:1-5)*

²⁸ Gokē Jethu thel wei pan Kaipa ku Ƴethkē pan bēnydīt Roma, Pilato. Ku piny ē ye nhiäknhiaäk dur yic. Go kɔc Itharel cū la alɔnthīn pan bēnydīt, ku bik rɔt tūt ajuēc rin ci yai thiök, ku bik mieth Yan Ayum cīn yic luɔu cam.

²⁹ Go Pilato la aƳeer tēnē ke ku thiēc ke, “Ye awäc Ƴö cäk yök ye mony kēnē guöp?”

³⁰ Gokē bēer, “Na cīn awuöc cī looi Ƴuöt akēcku bēxi tēnē yi.”

³¹ Go Pilato lēk ke, “Week gup lömkē ku luöikē luk kē cīt löƳ ciēƳ pandun.”

³² Go kɔc Itharel bēer, “Akēc puöl tēnē Ƴo buk raan tēm thou.”

³³ Kēnē aci rot looi bī wēt ci Jethu lueel rot tiēƳ tēde, wēn lueel yen kuat thon bī yen thou.

³⁴ Go Pilato dhuk kal yic ku cɔl Jethu ku thiēc, “Ye yīn Bēnyɔaknhom kɔc Itharel?”

³⁵ Go Jethu bēer, “Wēt kēnē ye wētdu aye kɔc kɔk kek cī ye lēk yi ē rienkiē?”

³⁶ Go Pilato bēer, “Ye tak lon ye Ƴen raan Itharel? Aa kacku guöp kek kɔcken dīt kāk Nhialic, kek aa bī yi tēnē Ƴa. Yenö ca looi?”

³⁷ Go Jethu bēer, “Bäänydiē acie bääny pinyhom. Na bäänydiē ye kēn pinyhom, Ƴuöt kackiē aaci thör bī Ƴen cī tēu kɔc Itharel cīn. Acie këya, bäänydiē acie kēn pinyhom tēn.”

³⁸ Go Pilato ben thiēc, “Yīn, ye bēnyɔaknhom?” Go Jethu bēer, “Aye lueel lon ye Ƴen bēnyɔaknhom. Ƴen aci dhiēth ku Ƴen aci bēn pinyhom rin wēt tōƳ kēnē, ba jam wēt yic. Ku kuat raan cī yic Ƴic ē wētdiē piƳ.”

³⁹ Go Pilato thiēc, “Ku yic ye kēn Ƴö?” Ku ben dhuk aƳeer tēnē kɔc Itharel ku lēk ke, “Acīn awuöc ca lēu ba yök yeguöp bī ye luök wei.

⁴⁰ Ku yeen ē wēt piändun ba raan tōƳ cī mac lony rin Yan Ayum cīn yic luɔu. Wičkē ba Bēnyɔaknhom kɔc Itharel luöny we?”

⁴¹ Gokē dhuök ye ke loi kiēu, “Acie këya! Acie yen wicku. Barabath yen awicku.” Ku Barabath ē ye cuär kɔc rum.

19*Jethu aci tēm thou**(Mt 27:15-31; Mk 15:6-20; Lk 23:13-25)*

¹ Go Pilato Jethu däm ku cɔl athat.

² Ku Ƴal apuruuk kēr thii tim la kuöth riic yiic ku Ƴek kek yenhom, ku tēukē alanh mathiäh yeköu,

³ ku bikkē tēnē ye ku luelkē, “Madho, Bēnyɔaknhom, Bēny kɔc Itharel,” ku mankē nyin.

⁴ Go Pilato ben dhuk aƳeer ku lēk kɔc wēn cī kenhīm kut, “Yeen aba thel aƳeer tēnē we tēnē, ku bāk tiƳ lon cīn yen tē bī Ƴen awuöc yök yeguöp ba luök wei.”

⁵ Këya, go Jethu bēn aƳeer ke ceƳ ƳakƳak cī looi kuöth ku alanh mathiäh yeköu. Ku lueel Pilato tēnē ke, “Yen kīn, yen raan!”

⁶ Nawēn tūƳkē, ke kɔc kāk Nhialic ku kɔc tūt kiu ku luelkē, “Piäät tim cī riü kōu.” Go Pilato lēk ke, “Damkē kek we bāk piäät tim cī riü kōu, Ƴen akēc awuöc yök yeguöp.”

⁷ Gokē wēt dhuk, “Ƴok aa la löƳ ciēƳda ye lueel lon dhil ye nök, rin aci lueel lon ye yen Wēn Nhialic.”

⁸ Nawēn piƳ Pilato wēt kēnē, ke riöc apei.

⁹ Ku dhuk kal yic ku thiëec Jethu, “Yiin bäär tēnen?” Go Jethu biēt ku cii bëer thok acin.

¹⁰ Go Pilato lēk ye, “Cii wic ba jam kek ya? Tak yinhom lon nadē ke yen ala riel ba yi puöl, ku yen ala riel aya ba yi cöl apiëet tim ci riiu kōu.”

¹¹ Go Jethu bëer, “Yin ala riel tēnē ya rin ci Nhialic ye yiēk yi, ku ē yen ale raan cā tāau yicin guöp awuöc rac apēl.”

¹² Nawēn piŋ Pilato wēlkā, ke wic apēi bi dhēl yök bi yen Jethu puöl. Go kōc Itharel kiu tēnē ye ku luelkē, “Tē lon yin ye ka ye nyooth lon cii yin mäath kek Bēnyŋaknhom. Kuat raan rot looi bi ya bēnyŋaknhom, ee raan ater Bēnydan ŋaknhom.”

¹³ Nawēn piŋ Pilato ē wēlkā, ke thel Jethu ayeer ku nyuuc thōny luk tō laar cöl, “Piny ci guuir kuör,” Ku ē cöl Gabata thoŋ kōc Itharel.

¹⁴ Ku aköl kēnē yen aköl guuir kōc röt rin Yan Ayum cīn yic luou. Nawēn tēcit aköl ciel yic, ke lēk Pilato kōc Itharel, “Bēnydun ŋaknhom akīn!”

¹⁵ Gokē kiu tēnē ye, “Nāk! Nāk! Piäät tim ci riiu kōu!” Go Pilato ke thiëec, “Wiëckē ba Bēnydun ŋaknhom piäät tim ci riiu kōu?”

Go kōc kāk Nhialic bëer, “Bānyda ē tōk, ee bēnyŋaknhom Roma!”

¹⁶ Go Pilato ke yiēk Jethu bik la piäät tim ci riiu kōu.

Jethu aci piäät tim ci riiu kōu

(Mt 27:32-44; Mk 15:21-32; Lk 23:26-43)

Gokē Jethu dām.

¹⁷ Ku ler ayeer ke ket timden ci riiu, ke jiēl geeu bi la tē cöl Golgotha. (Ku wētde yic, gōn la guer-ŋer cit apen nhom raan.)

¹⁸ Ku jōlkē piäät tim ci riiu kōu. Ku piëtkē kōc karou aya tiim ci riiu kōöth, raan tōk loŋ cuēc ku raan dēt loŋ cam. Ku Jethu ciel kamken.

¹⁹ Go Pilato awuöc göt bi tāau tim ci riiu nhom. Ku kēn ci göt akīn, “JETHU RAAN NADHARET, BĒNYŊAKNHOM ITHAREL.”

²⁰ Ku kōc juëc aake ci kēnē kueen, rin tēn ci Jethu piäät tim ci riiu kōu thīn, aci mec ke geu. Ku wēt ēci göt thoŋ kōc Itharel ku thoŋ kōc Roma ku thoŋ Giriik.

²¹ Go kōcdit kāk Nhialic Itharel lēk Pilato, “Duk ye göt, ‘Bēnyŋaknhom kōc Itharel,’ anuëen ba göt, ‘Aci mony kēnē lueel, yen ē bēnyŋaknhom kōc Itharel.’”

²² Go Pilato bëer, “Kē ca göt arëer ke ca göt.”

²³ Nawēn ci apuruuk Jethu piäät tim ci riiu kōu, ke lōm alāthke ku tekkē keyiic ŋuan, abar tōk tēnē apuruök tōk. Ku lōmkē alanh kōu aya ci kōoc kēdiēt tōk, jōak yeyeth yet piny.

²⁴ Ku luelkē kamken, “Dukku tem kōu, cuetku gek buk tiŋ bi lööny tēnē ŋa.” Kēnē aci rot looi bi wēt ci göt athör theer wēl Nhialic yic rot tiēŋ tēde, “Keek aci alāthkiē tek kamken, ku cuetkē gek rin alanhdiēn kōu.”

Kēnē yen aci apuruuk looi ayic.

²⁵ Ku tēthiök kek tim ci riiu Jethu, diäär aake kääc thīn, man ku nyankēn ē man, Maria tiŋ Klopath ku Maria Magdalena.

²⁶ Nawēn tiŋ Jethu man ku raan ye buöth nhiëer ke kääc aya ē tēen, ke lēk man, “Tik manhdu akīn.”

²⁷ Ku ben lēk raan ye buöth wēn, “Moor akīn.” Ku yaköl guöp ke wic raan ye buöth awēn piny paande.

Jethu aci thou ayic

²⁸ Nawēn ɲic Jethu lɔn cī kēriēēc ēbēn thāāp, ke lueel bī wēt cī gēt athör theer wēl Nhialic yic rot tiēēŋ, “Yēn anēk rou.”

²⁹ Ku tōny cī thiāŋ mušn wac ē tō thīn, gokē alath lušt mōu yic, ku tēükē wai thok, ku ɣɔɔkkē yethok.

³⁰ Nawēn cī Jethu mušn wac jooc ke lueel, “Wēt aci thāāp.” Ku gut yenhom piny ku thou.

Jethu aci gut pušu

³¹ Go kɔc Itharel Pilato thiēēc bī ke pušl bik kɔc cī piāät tiim cī rīūu kōth dhoŋ kušl, ku nyēikē guāpken tiim cī rīūu kōth. Ku ē loikē kēlä rin ye yen akōl niēn Dhiēc, ku acik ye wic bi guāpken rēer tiim cī rīūu kōth akōl niēn Dätēm, rin yen akōl yandit apei.

³² Go apuruuk la ku dhoŋkē kušl raan tōk ku kušl raan dēt, ē kɔc cī piāät tiim cī rīūu kōth kek Jethu.

³³ Nawēn bikkē tēnē Jethu, ke tīŋkē lɔn cī yen thou ku cīk ben dhoŋ kušl.

³⁴ Go apuruōŋ tōk Jethu gut pušu tōŋ, go riēm ku piū kuēr nyin yic.

³⁵ Ku raan cī kēnē tīŋ aci lueel rin bī wek ye gam aya. Wēt cī lueel ē yic, ku yeen aŋic lɔn ye yen wēt yic yen lueel.

³⁶ Kēnē aci rot looi bī wēt cī gēt athör theer wēl Nhialic yic rot tiēēŋ, “Acin yuɔɔmden bī dhoŋ.”

³⁷ Ku ben lueel tēdēt athör yic ēlä, “Ku aabi daai raan yen cīk gut.”

Jethu aci thišk

³⁸ Nawēn ē kēnē cōk ciēēn, ke Jothep raan gen Arimatheo bō tēnē Pilato ku thiēēc bī guōp Jethu nyaai. (Jothep ē ye raan Jethu buɔɔth cī gam, ku aye moony rin rišōc yen bāny Itharel.) Go Pilato lēk ye lɔn cī guōp pušl tēnē ye. Go Jothep la ku le nyaai.

³⁹ Go Nikodemo, raan wäär cī kaŋ la tēnē Jethu wakōu, rot māt Jothep ku ē muk miök ɲir cɔl mira cī liäāp wäl dēt cɔl aloe.

⁴⁰ Go rōör wēn karou guōp Jethu lööm ku derkē kōu alath ke cī wäl ɲir tāau thīn, rin kēnē yen ē tē ye kɔc Itharel guiēr guōp raan cī thou bī jāl thišk.

⁴¹ Ku tēwēn cī Jethu nōk thīn gōr ē tō thīn, ku raŋ yam ē tō gōr yic, ku ē cīn raan cī kaŋ thišk thīn.

⁴² Ku rin bī yen akōl yan kɔc Itharel nhiäk, ku rin thišk raŋ aya, gokē guōp Jethu tōšu thīn.

20

Raŋ aci yic lääu

¹ Riēl yic akōl Nhialic ke piny ɲot la durdur, ke Maria Magdalena la raŋ nhom, go alēl tīŋ ke cī nyaai raŋ thok.

² Go riŋ tēnē Thaimon Pīter, ku tēnē raan dēt Jethu buɔɔth nhiēer Jethu, ku lēk ke, “Kɔc aaci Bēny nyaai raŋ yic ku akucku tē cī kek ye tāau thīn.”

³ Go Pīter ku raan Jethu buɔɔth dēt wēn lööny dhöl, ku lekkē raŋ nhom.

⁴ Ku keek aake la ke kat kedhie, go raan Jethu buɔɔth dēt wēn kat apei tēnē Pīter, ku ye yen kaŋ yet raŋ nhom.

⁵ Go guŋ ku tīŋ alanh wäär cī Jethu der, ku akēc la alonhthīn.

⁶ Go Thaimon Pīter guɔ bēn ku ler raŋ yic. Go alēth tīŋ ke rēer piiny,

⁷ ku alanh cī Jethu kum nhom ēcī rēer kek alēth kōk, ēcī mat yic tēde rot.

⁸ Go raan Jethu buɔɔth dēt wēn cī kaŋ yet raŋ nhom jāl la alonhthīn, ku gem.

⁹ (Ku keek aake ɲot ke kɛc wɛt athɔr theɛr wɛl Nhialic deet yic, athɔr ye lueel lɔn bɪ yen rot dhiɛl jɔt thou yic.)

¹⁰ Go kɔc ye buoɔth jal dhuk bei.

Jethu aci rot nyuɔth Maria Magdalena

¹¹ Kaam wɛn Maria ɛ kɔac ayeer tɛthiɔk kek ranj ke dhiau. Ku tɛwɛn ɲot dhiɛu yen ke guɔɲ ku luit ranj yic,

¹² Ku tɪɲ atuuc nhial ci ruk alɛth ɲer karou, ke rɛɛr tɛwɔar ci guɔp Jethu tɔɔu thɪn, tɔk tɛ la yenhom ku dɛt tɛ la yecɔk.

¹³ Gokɛ thiɛc, “Tik, ye rin ɲɔ dhiɛu yɪn?” Go lueel, “Keek aaci Bɔnydiɛ nyaai, ku akuɔc tɛ ci kek ye tɔau thɪn.”

¹⁴ Kaam wɛn lueel yen kɛnɛ, ku jɔl wel yenyin ke tɪɲ Jethu ke kɔac yelɔɔm, ku akɛɛ ɲic lɔn ɛ yen Jethu.

¹⁵ Go Jethu thiɛc, “Tik, ye rin ɲɔ dhiɛu yɪn? Yeɲa wɪc?” Go tak lɔn ɛ yen raan luɪ dom yic, ku lɛk ye, “Bɛny, na ye yɪn ci ye nyaai, ke lɛk ɲa tɛ ci yɪn ye tɔɔu thɪn, ku ɲen abi la ba la lɔɔm.”

¹⁶ Go Jethu lɛk ye, “Maria.” Go yenhom wɛl ye ku lueel thonj kɔc Itharel, “Rabuni,” ku wɛtde yic, “Raan piɔɔc.”

¹⁷ Go Jethu lɛk ye, “Duk ɲa gɔt rin ɲen ɲot ɲa kɛc ɲet nhial tɛnɛ Wɔ. Ku yɪn lɔɔr tɛnɛ wɔmɔthkiɛ ku lɛk ke, ‘ɲen adhuk ciɛn tɛnɛ ye, yen ɛ Wɔ, ku ye Wuurdun, Nhialicdiɛ ku ye Nhialicdun.’”

¹⁸ Go Maria Magdalena jal ku le lɛk kɔc ye buoɔth lɔn ci yen Bɛny tɪɲ, ku lɛk ke wɛl ci Jethu lɛk ye.

Jethu aci rot nyuɔth kacken ye buoɔth

¹⁹ Naɲon thɛɛi ya akɔl Nhialic wɛn, ke kɔc ye buoɔth aake ci rɔt mat ɲɔn ci riit thok, rin riɔɔc kek bɔny Itharel. Go Jethu bɛn ku kɛɛc kamken ku lueel, “Bɪ dɔɔr rɛɛr kek we.”

²⁰ Wɛn ci yen jam kɛlɔ, ke nyuth ke yecin ku yelɔm. Go kɔc ye buoɔth puɔth miɛt apɛi wɛn tɪɲ kek Bɛny.

²¹ Ku ben Jethu lɛk ke, “Bɪ dɔɔr rɛɛr kek we, cimɛn ci Wɔ ɲa tooc, ke wek aa ba tooc aya.”

²² Wɛn ci yen jam kɛlɔ, ke jɔl wɛɛi kɛnhɪm ku lueel, “Lɔmkɛ Wɛi Nhialic.

²³ Na pɔlkɛ adumuɔɔm kɔc piny, ka pɛl piny, na cɔk ke pɛl piny, ka ciɪ pɛl piny.”

Jethu ku Thomath

²⁴ Ku Thomath, cɔl Acueek, raan tɔk kam kɔc kathiɔar ku rou ye buoɔth, ee liu thɪn wɛn bɪi Jethu.

²⁵ Go abiɔth kɔk lɛk ye, “Bɔnyda acuk tɪɲ.”

Go Thomath lɛk ke, “Na cie tɛtɔɔk wɔar ci ye piɔat kek tiɛɲ yecin, ku tɔau yacin ɛ tɛtɔɔkkɔ yic, ku tɔau yacin yeyɔu aya, ka cɔ kɔɲ gam.”

²⁶ Nawɛn nin kabɛt cɔk, ka abiɔth aake ci rɔt bɛn mat ɲɔt ku Thomath ɛ rɛɛr thɪn ke ke, ku ɲɔt ɛci riit thok. Go Jethu bɛn kɔɔc kamken ku lueel, “Bɪ dɔɔr rɛɛr kek we.”

²⁷ Ku jɔl lɛk Thomath, “Tɔau yicin tɛn, ku tɪɲ cienkiɛ ku jɔt yikɔk ba yicin tɔau gayɔu. Pɔl kɛnɛ yɪn kɔɲ dhɔl yic, ku gam!”

²⁸ Go Thomath bɛɛr, “Bɔnydiɛ ku Nhialicdiɛ.”

²⁹ Go Jethu lɛk ye, “Ca gam rin ci yɪn ɲa tɪɲ? Ye kɛpuɔth bɪ yiɛndɛ tɛnɛ kɔc bɪ gam ke kɛc ɲa tɪɲ!”

Wēt wic athör kënë bi nyusth koc

³⁰ Jethu aci kädit jāŋ göi looi kocken ye buoath nhüim, ku keek aa kęc göt athör kënë yic.

³¹ Ku kakkä aaci göt rin bāk gam lön ye Jethu Wën Nhialic ci lōc, ku bāk pīr yök ē rienke tē ci wek gam.

21

Jethu aci rot nyusth koc ye buoath kadhorou

¹ Nawën ē kakkä cök ciēen ke Jethu ben rot nyusth kocken ye buoath wār Tiberia yau. Ku tē ci luši ye akīn.

² Thaimon Pīter kek Thomath (cəl Acueek), ku Nathaniel (raan Kana pan Galilia), ku wēēt Dhubedī, ku koc kōk karou Jethu buoath, aake rēēr tētök ebēn.

³ Go Thaimon Pīter lēk koc wën, “Yēn ala mei.”

Gokē lēk ye, “Yok aabi cath kek yi.” Gokē la ku lek riāi yic, ku acin kē cik dōm ē wēēr kënë yic ebēn.

⁴ Tēwën biī aksl nyin, ke Jethu ē kääc wār yau, ku akęc kocken ye buoath ŋic lön ē yen Jethu.

⁵ Go lēk ke, “Riēnythii, cīn kē cāk dōm?” Goke bēēr, “Acin kēdāŋ.”

⁶ Go lēk ke, “Cuatkē buoi lōŋ cuēny riāi, ku kāŋ aa bāk dōm thīn.” Gokē buoi cuat ku göök ke bik miit rin juęc rec apēi.

⁷ Go raan Jethu buoath nhīēr Jethu lēk Pīter, “Kēn ē Bēny.” Nawën piŋ Thaimon Pīter lön ye yen Bēny, ke ruk alanhde yekōu (rin cī yen alāthke dāk bei ebēn) ku thuēr wāir.

⁸ Go abiōth kōk lōk bēn ke cath riāi, ke thel buoi ke cī thiāŋ rec. Ku keek aake cīi mec apēi kek agör, aake cīt akääth bian tōk.

⁹ Nawën keeckē piny ke tiŋ many ē miim ke dēp ku rec ke cī tāau mēec kek ayup.

¹⁰ Go Jethu lēk ke, “Bēēikē rec abēk rec awën cāk dōm.”

¹¹ Go Thaimon Pīter la riāi yic ku miit buoi wār thok ke cī thiāŋ rec dīt, ku rec ebēn aa buoat ku thiārdhiēc ku diäk. Tēwën cök rec juęc kēlä, buoi akęc yic rēēt.

¹² Go Jethu lēk ke, “Bāk, miēthkē.” Ku acin raan tōk kam koc ye buoath cī ye cak thiēc, “Ye yīn ŋa?” Rin ŋic kek ye lön ye yen Bēny.

¹³ Go Jethu rot cuat ku lööm ayup ku yik ke ku ben looi kēya kek rec.

¹⁴ Kēlä, Jethu aci rot nyusth koc ye buoath kēn yen yic diäk, tēwën cī yen rot jot kam koc cī thou.

Jethu ku Pīter

¹⁵ Wën cī kek mīth ke lēk Jethu Pīter, “Thaimon wën Joon, nhiar ya apēi tēn tē nhīēr kōckä ya?”

Go bēēr, “Ee kēya Bēny, aŋic lön nhīēr yen yi.”

Go Jethu lēk ye, “Biōök amālkiē apath.”

¹⁶ Ku ben Jethu lēk ye, “Thaimon, wën Joon nhiar ya apēi?”

Go bēēr, “Ee kēya Bēny aŋic lön nhīēr yen yi.”

Go Jethu lēk ye, “Biōök amālkiē apath.”

¹⁷ Ku ben Jethu thiēc arak dēt ye kek diäk, “Thaimon, wën Joon nhiar ya?”

Go Pīter pušu dak rin cī Jethu ye thiēc arak dēt ye kek diäk, “Nhīar ya?” Ku lēk ye, “Bēny, yīn aŋic kēriēc ebēn, ku yīn aŋic lön nhīēr yen yi.”

Go Jethu lēk ye, “Biōök amālkiē apath,

¹⁸ Wēt yic alæk yī, wäär ɲot ye yīn riénythii ke yīn ye rot guir ku ləɔr tɛ wīc piändu, ku tɛ bī yīn dhiɔp ke yīn abī yīcin ɣaak tuenɲ, ku raan dɛt abī der ku thel yī tɛ cīi wīc ba la thīn.”

¹⁹ Käkä aaci Jethu lueel bī nyuõth Pīter tɛ bī yen thou thīn, ku bī kɔc cɔl aaye Nhialic leec thīn. Ku jɔl Jethu lɛk ye, “Buõth ɣa.”

Jethu ku raan dɛt ye buõth

²⁰ Go Pīter yenhom wel ku tīɲ raan dɛt ye buõth nhiɛɛr Jethu ke buõth ke, raan wäär thiäak kek Jethu wäär mīth kek, cī Jethu bɛn thiëc ëlä, “Bɛny, yenja bī yī la gaany?”

²¹ Wɛn tīɲ Pīter ye, ke lɛk Jethu, “Bɛny, na raan dɛtɛ, bī yiëndɛ?”

²² Go Jethu bɛɛr, tɛnɛ ye, “Na wiëc bī pīr ɣet aköl bī ɣen bɛn, ke yenjõ tɛnɛ yī? Yīn ëmɛn buõth ɣa.”

²³ Go wɛt thiëi piny kam kɔc buõth Jethu lɔn raan Jethu buõth kɛnɛ acīi bī thou. Ku akɛc Jethu lueel lɔn cīi yen bī thou. Acī lueel, “Na wiëc bī pīr ɣet aköl bī ɣen bɛn ke yenjõ tɛnɛ yī?”

²⁴ Raan kɛnɛ yen ë raan Jethu buõth jam kāk cī tīɲ, ku yen ë gɛt ke aya, ku aɲic lɔn wɛt cī lueel ë wɛt yic.

²⁵ Ëmɛn kajuëc kɔk aatõ thīn, kāk cī Jethu looi. Na ke cī gāt piny ëbɛn, tɔk ku tɔk, ke ɣen aya thõõɲ lɔn piny ëbɛn acīi lɛu bī athør gāt jɔt.

Luoi Atuuc Jethu Wēt nom

Luoi Atuuc Jethu, athör buoath athör Wēi Jethu cī Luka göt. Wēt ril yen gēt Luka athör kēnē, ee lön bī nyuoath tē cī Wēi Nhialic kōc ke kōn Jethu buoath kuony thīn, ku bīk Wēt Puoath Yam rienke thiāi piny Jeruthalem ku Judia yic ēbēn, ku Thamarīa ku jōl a pinyhom ēbēn aya. (1-8) Yeen, anyikōl ē cāth kōc cī gam, cīmēn wāār jōk yen rot kam kōc Itharel agut tē bī yen jāl a gam tēnē kōc pinyhom ēbēn. Ee wīc raan gāt athör bī kōc ye kueen njic ku detkē yic aya, lön kōc cī gam aacie kōc ke man kōc Roma mac baai, ku lön nadē, gam kōc cī gam ē tē ye kōc Itharel yanhdēn thēek thīn yen ē jōl thāāp.

Alēu bī luoi Atuuc Jethu tek yic ē diāk, ku bī nyooth tē cī Wēt Puoath Yam ye lueel rin Jethu thiēi piny thīn, ku jōk akuut kōc cī gam kecōk. Luoi Atuuc aci tek yic kēlā, (1) Cāth kōc cī gam, jōk Jeruthalem la nhial Jethu cōk ciēen, (2) Wēt Puoath Yam aci yet wuōt kōk yīic pan Palethtinia, (3) Ku ler tuenj aya lōn wārdit Adēkdīeet agut bī yet Roma.

Kēdīt cī tic Luoi Atuuc Jethu yic, ee luoi Wēi Nhialic cī bēn kek riel kōc cī gam gup Jeruthalem akōl Yan Ayum cīn yic luou, ku ler tuenj ke tiit ke. Ku yīk akut kōc cī gam kek kōcken dit riel, kājuēc cī rōt looi yīic cī lueel athör yic. Wēt kōc cī gam tuenj aci gōt kāk cī lēk kōc yīic, ku kāk cī rōt looi cī gōt athör Luoi Atuuc Jethu yic, aa riel ē wēt kēnē nyuoath pīr kōc cī gam yic, ku jōl amēt ē rot akut kōc cī gam yic aya.

Kāk tō thīn

Guier kōc njic kāk cī rōt looi 1:1-26

Lōj cī Jethu lueel ciēen ku athōnde 1:1-14

Raan cī kuany nyin Judath 1:15-26

Kē cī nyooth Jeruthalem 2:1-8:3

Kē cī nyooth Judia ku Thamarīa 8:4-12:25

Luoi Paulo 13:1-28:31

Atuc tuenj 13:1-14:28

Amat nom gen Jeruthalem 15:1-35

Atuc ē rou 15:36-18:22

Atuc ē diāk 18:23-21:16

Paulo aci mac Jeruthalem ku Cetharia ku Roma 21:17-28:31

¹⁻² Tēnē Thiōpiluth athōrdiēn tuenj yic, yen aci gēt kāk cī Jethu looi, ku kāk cī piōc tēwāār jōk yen luoidē cōk, agut akōl jōt ye nhial. Tēwēn kēc Jethu guo yāth nhial, ēcī wēt than piny ē riel cī Wēi Nhialic yīēk ye, tēnē kōc cī lōc bīk atuōōcke.

³ Nīn thiārnuan thuōnde cōk ciēen, Jethu ēcī rot nyuoath arak juēc tēnē atuōōcke, ku bīk njic, ke cīn diu, lön nadē ke yeen anōt pīr. Yeen ēcī atuōōcke tīn ku jīeem ke ke kāk bāāny Nhialic.

⁴ Ku nawēn cā atuōōcke kenhīim mat tētōk, ke thōn ēlā, “Duōkkē jīēl Jeruthalem. Tietkē Wēi Nhialic cī Wā than bī tuōc we, wāār ca lēk we.

⁵ Joon aci kōc muōoc nhīim ē pīu, ku nīn lik, Wēi Nhialic bī we muōoc nhīim abī tuōc we.”

Jethu aci yāth nhial

⁶ Nawēn cī Jethu rōm kek atuōōcke, ke thiēcckē, “Bēny, ba kōc Itharel cōl aa ben mac ēmēn?”

⁷ Go Jethu bæer ëlä, “Aköl le yen kë bï looi, ku käk bï looi, aaye Wä guiri rielde, ku acin këdun thin bäk njic ye nen bï kek röt looi.

⁸ Ku na la Wëi Nhialic bën, ka bï we yiék riel, ku wek aabi jam rienkië Jeruthalem ku Judia, ku Thamaria, ku jol a pinyinhom ëbën.”

⁹ Wën cï yen jam këya, ke jot nhial, ku ë dëei kek, ku kum luät bik cï ben tñj.

¹⁰ Ku jalkë lüth ke döt nhial, ku Jethu ke jiël. Tëën nyin yic ke rööor karou cï ruk alëth yer bö, ku këëckë atuuc lóm,

¹¹ ku luelkë, “Koc Galilia, yenö ye wek kööc ke we döt nhial? Yen Jethu, cï nyaai tënë we ku yëth nhial, abi la dhuk tëcüt të cï wek ye tiëj thin ke la nhial.”

Mathayo aci kuany nyin Judath

¹² Kaam wën, ka atuuc Jethu jiël gon Olip nhom thiäak kek geu ke cit kilomiter tök, ku dhukkë geeu Jeruthalem.

¹³ Keek aaci jäl yet geeu ku lek yon yen ciëj kek thin. Atuuc Jethu, aake yï Piter ku Joon, ku Jemith ku Andria, ku Pillipo, ku Thomath, ku Bartholomeo, ku Matheo, ku Jemith wën Alpawuth, ku Thaimon, raan man koc thäi bik panden mac, ku jol a Judath wën Jemith.

¹⁴ Keek aake ye lac röm ku röökkë ke ya akut, kek diäar kök ku Maria man Jethu ku wämäthakën.

¹⁵ Nin lik cök, ke koc cï gam cit raan buöot ku thiär-rou ëbën, aake cï kenhüim mat. Go Piter rot jot ku jüem,

¹⁶ “Wämäthkië, wët cï göt athör Wël Nhialic yic abi rot dhiel tiëj. Wëi Nhialic ëci wët lëk Debit kë bï rot looi aköldä tënë Judath, raan bï Jethu nyuöth koc dam ye.

¹⁷ Judath ë ye raan akuötda, ku yeen ëci Jethu kuany bï la abanj lusi bï looi luöide yic.”

¹⁸⁻¹⁹ (Wëüu cï Judath riöp lusi rëc cï looi, aaci yen ke dom yöoc, dom yen reet yen yeyic thin ku thou. Kënë, aaci koc ke ciëj Jeruthalem pinj ëbën, ku jalkë dom këné aa cöal thuöjden, rin col Akeldama, ku wëtde yic “Ee Dom Riëm.”)

²⁰ “Ku aci göt athör Waak Nhialic yic ëlä,

‘Bï yönde yic ciën kë tó thin, ku cin raan ciëj thin.’

“Ku ëci göt aya këlä,

‘Bï raan dët nyiende löök yic luoi yic.’

²¹⁻²² “Këya, raan adhil rot mät yo, ku bï njic cimënda lon cï Jethu Bányda rot jot ranj yic. Raan buk mät yoyiic adhil a raan töj akuötda. Ku ë raan njic käj tÿon jök Joon luöiden miöc nhom cök, ku jol a tÿwäär ye yok cath kek Jethu agut aköl jiël yen tënë yo bï yäth nhial.”

²³ Ku jalkë koc karou gut rin, Jothep ku ë njic aya ke col Barthabath (ë col Juthtuth aya), ku Mathayo.

²⁴ Ku röökkë ëlä, “Bëny, yin anjic kë tó raan ëbën puöu, këya, nyuöth yo raan töj nhiar kamken karou,

²⁵ ku bï luui ke ya atuuc nyin Judath wäär cï nyääj piny, ku ler tënë yen ye tède.”

²⁶ Ku jalkë cuet gek, ku bik raan tök kuany kam ë köckä karou. Ku raan yen cik bën loc ë ye Mathayo, ku jol met akut atuuc kathiäär ku tök yic.

2

Bën Wëi Nhialic

1 Na la aköl Yan Ayum cïn yic luou bën, ka atuuc Jethu kuut kenhüim yön tök.

2 Kam wën ke pek wei arööl dät pinjë nhial, ku yen arööl kënë ë cit arööl yomdit ril. Ku jol arööl yön awën rëer kek thün thiöñj yic.

3 Ku tijnjë lök mac cit liep ke tek rot piny, ku raan tök kamken ë ye kë cit liem mac nyuc yenhom.

4 Keek ëbën, aake ci Wëi Nhialic lööny kegup ku jüemkë thok kök, rin ci Wëi Nhialic ke yiék riel ku bik jam thok kök cie thuakken.

5 Koc juéc Itharel ke ciëñ wuöt kök yiic pinyinhom, koc ke ye Nhialic door aake rëer Jeruthalem ë ninkä.

6 Wën ci kek arööl pinj, go koc juéc röt kuööt. Koc ke ci röt kuööt aake ci gai, kë ye atuuc Jethu jam thuakken.

7 Wën ci kek gai apeidit gokë jam ke ci keröt jot apëi, “Keek koc jam kälä aa koc Galilia!

8 Ye këdë, bik aa jam thuakkua?

9 Yook ëbën yok aa koc wuöt kök cimën Parthia, Mede ku Elam, ku jol aa Methopotamia, Judia, ku Kapadokia, ku Pontuth ku Athia.

10 Ku jol aa Prigia ku Pampilia. Ku jol a Ijip ku bëëi kök pan Libia thiäak kek Thirene. Ku koc kök yoyiic aa koc wun col Roma.

11 Koc kök aa kuat Itharel. Ku koc cie koc Itharel ci yäthken waar bik yanh Itharel gam. Ku koc kök yoyiic aa koc pan Kret ku pan Arab. Ku ë yen not ye yok ke pinj ke jam thuakkua, ke luel kädit ci Nhialic looi.”

12 Aake ci gai, ku muumkë nhüim kë bik luel, gokë röt aa thiëec kamken, “Yenö ye nyuöth yen kënë?”

13 Go koc kök atuuc Jethu bui, ku luelkë ëlä, “Kockä aaci wiëet möu!”

Jam Piter tënë koc Itharel

14 Tënë, ke Piter kam atuuc Jethu kathiaär ku tök jot rot, ku këec ku jol jam ke ci yeröl jot tënë koc Itharel awën ci röt kuööt, “Wek wärkië, wämäthkië Itharel, ku jol aa wek koc ciëñ gen Jeruthalem, piënkë wëtdië apath, ku ba we lek kë ci rot looi.

15 Koc yakë luel ka ci muöl möu, aa këc wiëet, tëcit të ye wek ye tak thün, aköl akëc tööñ, anot ye riel.

16 Ku wët ci Juel raan käk Nhialic tijn luel wäär akïn,

17 Acï Nhialic luel, lon kë bi looi aköl le nin thök akïn,

Yen abi Wëikië tuöc koc ëbën.

Wätkun ku nyierkun aabi kë bi rot looi aköldä lek koc.

Riënythii kun aabi nyuöth, ku röörkun dit aabi nyuääth arak juéc aya.

18 Ee yeen, agut aluakkië röör ku diäär, ninkui bi bën.

Yen abi wëikië tuöc koc ë ninkä, ku keek aabi käk bi röt looi aa lek koc.

19 Yen abi kädit jän göi looi nhial, ku käjuéc jän göi aaba looi pinyinhom.

Pinyinhom abi thiän riem, ku mac, ku jol a tol dittet.

20 Aköl abi nüip nyin, ku pëei abi thieth cimën riem

ee kaam këc aköldit puöth bën Bányda guo yëët.

21 Ku raan bi Nhialic röök ku bi ye kony abi poth bi cii la pan mac.’

22 “Piënkë wëlkä, wek wämäthkiën col Itharel! Jethu raan pan Nadharet ë ye raan ci riel Bányda nyuöth ke cïn diu käkken dit jän göi ci Nhialic looi rienke. Ee kë njëckë kek we, rin aaci röt looi kamkun.

23 Cit të ci Nhialic ye guieer thün, Jethu ë bi thön we, ku bäk nök cimën ci wek ye puöl ku bi koc rec la gup adumuööm nök, ku piëtkë tim ci riü käu.

24 Ku yeen aci Nhalic col aben pir thou yic, wen ci yen Jethu nyaai rielde thou yic, rin ecii rot kon leu yen lon bi Jethu teem thou yic.

25 “Anjicku lon ecii rot bi leu rin eci Debit lueel ela,
‘Yen ee Nhalic tin yanhom akolriec ebën,
ku yen athiak kek yen, ku yen acin ke ba diir.

26 Rin ee wet kene, yen amit puu.
Ku wel ya lueel aa wel raan mit puu.

Ku cak amen bi yen thou, ke yen abi thiak ke ya nth ke bi Nhalic luai yen,
27 rin Nhalic acii guapdie bi puul bi reer kam koc ci thou,
ku Nhalic acii ya bi puul ba dhiath ran yic yen raande.

28 Yin Nhalic, yin acä nyuoth dhel pir akolriec ebën,
ku jol aa rerdu kek yen, abä col amit puu.’

29 “Wamathkie, wek aaba dhel lek ke njeec rin wadan dit ci welkä lueel. Yen Debit aci thou ku thiak, ku rande kin aa deei yok, agut ci ya akol.

30 Yen Bënyaknhom wäär pir yen e ye raan kan tin, kak bi rot looi aköldä, ku lek ke koc, ku e njic ke ci Nhalic lueel ke bi luai ye. Nhalic eci yepuu ton lon nadë ke bi raan tok kuate yic, looi keye bëny cimende.

31 Debit eci ke bi Nhalic looi tin, go jal jam lon bi Raan ci koc ku dac rot jot ran yic wen ci yen ye lueel ela, ‘Yen e kec nyaan kam koc ci thou, guapde e kec dhiath ran yic.’

32 “Nhalic eci Jethu jot bei ran yic bi ben pir, ku yen ku atuuc koc Jethu acuk tin yen yiny ci rot looi.

33 Jethu aci jat nhial ku nyuuc kon cuec Wun, ku e yen aci yok tuoc Wei Nhalic, cit tewäär ci Nhalic ye lueel thin. Ku ke cak tin ku piengkë emen e ye ken ci Nhalic lueel ka bi tuoc yen aci loony yogup.

34 Acie Debit yen ci la nhial, ee ci lueel,
‘Ee ci Nhalic lek Banyiä, “Nyuc e ten kondien cuec,
35 agut akol bi yen koc man yin col aloi nhim, ku bik yicok.” ’

36 “Wek koc pan Itharel ebën, dhiekë njic alanden lon nadë ke Jethu yen cak piäat tim ci riin kou, yen aci Nhalic looi bi ya yen Bëny, ku ye Raan ci koc ku dac.”

37 Wen ci koc ci rot kusot wet Piter pin, gokë ya tak yic ke dier ke bik looi, ku thieckë Piter ku atuuc koc Jethu, “Buk no looi wamathakua?”

38 Go Piter bër, “Dhuökkë wepuoth ciëen adumuömkun yiic, ku calkë rot aa muoc nhim bak aa koc Jethu Kritho, ku bi Nhalic adumuömkun pal piny, ku wek aabi Nhalic muoc weilke, ku bi loony wegup.

39 Kene yen ci Nhalic yepuu ton, ka bi yiëk we ku miethkun, ku koc bëi koc mec, ku koc ebën ye Banya Nhalic col bik aa kacke.”

40 Piter aci koc lek ku jieem kenhim ela, “Konykë rot ku bak liu awuoc yic, awuoc yen bi tem koc rec akole!”

41 Koc juëc e koc awen yiic aaci ke ci Piter lek ke gam, ku calkë rot amuoc nhim, ku e cit tenë raan tim kadiak kek aaci ben muoc nhim akol kene, ku methken akuöden yic.

42 Keek aaci reer bi atuuc Jethu ke piöc, ku yekë atuuc Jethu kony kak yekë looi yiic ku mithkë tetök, ku yekë rom ku roökkë tetök.

Të ci koc ci wet Jethu gam pir thin kamken

43 Kajuëc jan gsi aaci Nhalic col aa looi atuuc Jethu, ku yen aci koc juëc col arioc.

⁴⁴ Kɔc cī gam ebən aaci rēer bīk ceŋ tətök, ku yekē röt kony kedhie bīk kən aa wēer kamken.

⁴⁵ Aaci kāk tō ke ke bēēi yiic aa yaac wei, ku yekē wēū tēk röt, ku raan tōk ē ye yiēk wēū bī kākken wīc lēu.

⁴⁶ Kek kɔc cī wēt Jethu gam aake ye rōm akōlakōl luēk Nhialic kɔc Itharel yic, ku yekē rōm bāāiken yiic ku mīthkē ke cīi mūith bēth ku rēer kē ke mit pusth,

⁴⁷ ku yekē Nhialic leec ku lec kɔc kōk ke aya. Ku ye Nhialic akuōt den juak yic akōlakōl kɔc kek cī Nhialic cōl aa poth kērac yic.

3

Raan aduany aci kony

¹ Yon akāl tōk, tāāŋ akāl, tē ye kɔc rōök, Pīter ku jōl a Joon aake cī la kal luan Nhialic ye kɔc Itharel rōök thīn bīk la rōök.

² Wēn cī kek yet kal cōl Kal Dhēŋ thok, ke yōk mony cī dhiēēth ke ye aduany. Yen mony kēnē ē ye cool tē jōt ye kal thok, ku bī kɔc la kal luan Nhialic ya lim wēū.

³ Nawēn tīŋ Pīter ku Joon ke la kal yic goke lim.

⁴ Gokē dōt nyin ku lēk Pīter ye, “Daai ē yook!”

⁵ Goke dōt, ku ye yōk yepuōu ciēt la kē bī yōk tēnē ke.

⁶ Go Pīter lēk ye, “Yēn acīn wēū ba yiēk yī, ku yīn aba yiēk kē tō kek ya, ‘Yīn aya yōök, rin Jethu raan Nadharet, jōt rot ku ba cath!’ ”

⁷ Ku dōm kōŋ cuēc, ku kony bī rot jōt. Kaam wēn ke cōk ku kuiēc monytui go guō riel,

⁸ ku puur rot nhial ku kēēc cōkke ku ciēth. Ku ler kal luan Nhialic ke keek ke cath ke thuēet nhial, ke lec Nhialic.

⁹ Ku kɔc tō luan Nhialic ebən ē cīk tīŋ ke cath, ke lec Nhialic,

¹⁰ ku wēn cī kek ye ŋic ke mony dhie nyuc kal cōl Kal Dhēŋ thok ku lim, gokē gāi apēidit ku nyamkē kethook, ku yekē röt thiēēc kē cī rot looi tēnē ye.

Jam Pīter luan Nhialic

¹¹ Wēn cī mony aduany Pīter ku Joon kuak yiēth, go kɔc ke tō kal luan Nhialic yic gāi ebən, ku riŋkē tēwēn rēer kek thīn kāt cōk, Kān Tholomon kal luan Nhialic yic.

¹² Nawēn tīŋ Pīter kɔc, ke lueel, “Wek kɔc Itharel, yenjō ye wek gāi kē cī rot looi, ku yakē līth yō? Yakē tak lōn nadē ke ye rielda ku piathda yōpēc yen kony yōk mony kēnē bī cath?”

¹³ Nhialic wārkuan dīt Abaram, ku Ithāk, ku Jakop yen aci riel yiēk aluōnyde Jethu. Ku yen aa cāk gam tēnē kɔc kek ke mac baai, ku wek aaci jai bī Pilato cīi lony cōk alōn wīc yen ye bī lony.

¹⁴ Yen Jethu ē ye raan Nhialic ku ē ye raan path, ku wek aaci kuēc ye, ku lēkkē Pilato bī wēt dun gam bī raan yen cī kɔc nōk lony, ku ye Jethu yen nēk.

¹⁵ Ku ē kēya, wek aaci raan nōk raan yen dhēl pīr nyooth, ku yēen aci Nhialic jōt raŋ yic bī pīr ku acuk tīŋ ke cī rot looi.

¹⁶ Ee rielde yen Jethu, yen aci mony aduany cōl acath. Kē cāk tīŋ, ku ŋiēckē ē loi ku wēt cī yōk Jethu gam, ee wēt cī yōk wēt Jethu gam yen aci ye cōl apuōl, agut tē ciēth yen wenhīim cīt ēmēn.

¹⁷ “Ku ēmēn wek wāmāthkiē, anjēckē yen kē cāk looi kek we ku bānykun cī wek Jethu nōk, ee luōikē ke kuōckē.

18 Ēcī Nhialic lēk kōc kāk Nhialic tīŋ theer lōn bī raan luāk kōc gum, ku yen acī rot dhiēel thīn ke ye yic kēya.

19 Ke yeen, pālkē luoi kārec, ku ye wēt Nhialic yen gamkē, ku bī Nhialic adumuōm cāk looi pāl piny,

20 ku na luōikē kēya, ka akōldā ke Nhialic abī we yiēk riel Wēike, ku abī we tuōc Jethu yen cī lōc tēnē we ku bī we kony.

21 Jethu abī rēer pan Nhialic agut akōl bī kāŋ ēbēn bēn waar piiny bīk aa yam, cīt tē cī Nhialic ye luēel thīn theer wāar tēnē kōcken kākke tīŋ.

22 “Yeen ēcī Mothith lueel ēlā, ‘Nhialicdun abī we tuōc raan kāŋ tīŋ, cīmēn cī yen ya tuōc we, ku yeen abī ya raan kuatdun.

23 Ku wek aadhil kēriēec ēbēn bī lēk we gam. Ku raan cīi wēl raan kāŋ tīŋ bī gam, acīi bī mat kōc Nhialic yiic.’

24 Ku kōc kāŋ tīŋ, la kē cik lueel agut cī Thamuel, ku kōc cī lōk bēn yecōk aacī kē loi rot ē nīnkā lueel.

25 Kāk cī Nhialic lueel ka bī luoi we, kāk cī kōc kāŋ tīŋ lēk we aa kākku. Ku week dhiēlkē rōt mat thīn, ku bāk kē cī Nhialic lēk wārku dīt ka bī yiēk ke tek wedhie. Cīmēn yōn cī yen ye lēk Abaram ēlā, ‘Ku kuatdu yic yen abī yen kōc pinynhom dōc.’

26 Ke yen Nhialic acī raan bī kēde bēn looi lōc, cōl Jethu ku tuuc tuēŋ, ku bī we dōc, ku bī we cōl awel wepuōth wei luoi kārec yiic.”

4

Pīter ku Joon aacī yāth luk yic

1 Tēwēn jīem Pīter tēnē kōc ku Joon ke kāac yelōm, ke kōc kōk kāk Nhialic, ku bēny apuruuk yōn Nhialic tiit, ku jōl aa kōcdīt kōk, kōc akut Thaduthī bō.

2 Keek aake cīi puōth mit wēt ye Pīter ku Joon kōc piōc lōn nadē ke Jethu acī rot jōt kam kōc cī thou. Kēnē aye nyuōth lōn nadē raan cī thou alēu bī bēn pīr.

3 Gokē ke dōm ku lek ke mac agut yōn nhiāk, rin cī akōl cuōl.

4 Ku kōc juēc cī wēt Pīter piŋ aacī gam, ku juakkē rōt bīk ciēt tiim kadhiēc.

5 Nawēn akōl dēētē ke bāny Itharel ku kōcdīt baai, ku jōl aa kōc piōc lōōŋ, kuut kenhīim Jeruthalem.

6 Keek aacā amat jāl looi kek raandīt kāk Nhialic cōl Anath, ku jōl aa Kaipa, ku Joon, ku Alekdhāndēr, ku kōc kōk many Anath thok.

7 Keek aacī Pīter ku Joon cōl aabi kenhīim, ku jōlkē ke thiēec, “Ee luōikē kēde ku bī raan aduany cath? Ye riel nō yen tō kek we ku ye rin ŋa yen looi wek ye?”

8 Go Pīter ke cī guōp thiārŋ riel Wēi Nhialic, dhuōk ke, “Wek bāny ku kōcdīt baai.

9 Na yakē yō thiēec yakōl kēpuōth cī looi tēnē raan aduany ku tē cī ye kuony thīn,

10 ka dhiēlkē ŋic, ku adhil kōc Itharel ŋic ēbēn, lōn raan kāac wenhīim ke cī pial, ee riel Jethu raan Nadharet wāar cāk piāāt tim cī rīiu kōu, ku jōt Nhialic raŋ yic.

11 Jethu ē yen raan cī wētde gōt athōr theer wēl Nhialic yic ēlā, ‘Mēn yen cī wek kuēc wek atēēt loi yōt, yen acī bēn yōk ke ye mēn ril apeidīt.’

12 “Ee yen Jethu yen abī kōc cōl apoth la pan mac, ee yen raan tōōŋ yen cī Nhialic yiēk riel pinynhom ku bī yō kony.”

13 Go bāny luk jāl gāi wēn cī kek Pīter ku Joon tīj tē cī kek puŋth ril thīn, ku keek aake ye kōc ē path kēc piōc. Yeen acīk ŋic lōn nadē ke keek aake ye cath kek Jethu.

14 Ku acīn kē cīk lueel, rin cī kek raan aduany wēn cī kony tīj ke kääc kek Pīter ku Joon.

15 Go bāny Pīter ku Joon yōök bīk la ayeer yōöt ku lökkē jāām yic kepēc.

16 Ku jōlkē rōt jāl thiēc kamken, “Ye kēn nō buk luŋi ē kōckā? Raan ebēn Jeruthalem aŋic kē cī rot looi, kēdīt jāŋ gōi cīt ē kēn cīk looi, ku acī lēu buk jai.

17 Ku rin buk cīi pāl, bī kē cī rot looi thiēi baai yic, ke keek abuk yōök bīk cīi ben jam tēnē raan dēt rin Jethu.”

18 Ku jōlkē Pīter ku Joon caal yōt ku lēkkē ke, cōk alōn ben nō yiēndē, ke duŋkkē ben jam, duŋkkē kōc ben piōc rin Jethu.

19 Go Pīter ku Joon dhuŋk ke, “Week nhīim alēukē bāk guō luk tē ye Nhialic tiēŋ ye lōn bī ya wēt dun yen buk gam, ku lōn ye yen wēt Nhialic.

20 Yook acuk lēu buk kōōc, buk cīi ben jam rin Jethu, rin cī yōk kākken cī looi tīj, ku piŋku wēl cī lueel.”

21 Go bāny luk ke thōn apeī bīk cīi ben jam rin Jethu, ku lonykē ke bīk jāl. Ee cī bāny luk tīj lōn ril yen yic, bīk ke tēm awuōc, rin kōc aake tō kelōm ku aake ye kiu, ku aake lec Nhialic wēt kēpuōth cī rot looi.

22 Mony aduany yen cīk cōl apuōl ē ye raandīt, ruōnke aake ye thiārŋuan ku tē kac.

Kōc cī gam aaci rōök bīk cīi riēc

23 Nyin yic tēwēn cī ke lony, ke Pīter ku Joon dhuk tēnē kōc akuōt den, ku lēkkē ke kā cī kōcdīt kāk Nhialic ku kōcdīt baai lēk ke.

24 Nawēn piŋkē ē wēlkā, ke rōök Nhialic puŋu ebēn ēlä, “Bēny, yīn Aciēŋ nhial ku piny ku wēr ku kāk pīr thīn ebēn!

25 Yīn acī Wēiku tooc bī Wādan dīt theer Debit, raan ye aluonydu wētdu lēk kōc, ku ēcī lueel ēlä,

‘Yeŋō cī kōc cie kōc Itharel puŋth riāāk apeī kēlä, yeŋō cī kōc kekōōth wel bīk kārēc aa looi tēnē Nhialic?’

26 Bānydīt ē pinyhom aake cī rōt guīir, ku mat kōc ke mēc bēi kenhīim, bīk kērac luŋi Nhialic ku jōl a Raan cī lōc ku dōc, raan bī Nhialic tuōōc piny.’

27 “Ku yeen ē ye yic, Antipāth Yērot ku Pilato aake cī mat kedhie Jeruthalem ē tēn kek kōc cie kōc Itharel, ku jōl aa kōc Itharel rin Jethu aluan dūn cīn guōp acuōl, ku yeen ē yen ca looi ke ye Raan cī lōc ku dōc.

28 Keek aake cī kenhīim mat, ku bīk kāk kun ke ca tak rieldu theer, ka bī rōt looi, bīk ke looi.

29 Ku yeen emēn bēny, tīj ke aaci yōk cuēk thook, kony yōk, yōk aluakku, ku buk wētdu aa lēk kōc ke cīn riōōc.

30 Kony yō, tar yīcin riel kōŋdu, buk kōc aa kony ku yiēk yō riel buk kādīt kōc gōi aa looi rin aluan dūn cīn guōp acuōl Jethu.”

31 Wēn cī kek jāl thōk rōök, ke la kē yiēk tēn awēn mēt kek thīn. Keek aake cī Wēi Nhialic bēn kegup, ku jōlkē guō jōök bīk wēt Nhialic piōōc tēnē kōc ke cīn riōōc.

32 Akut kōc cī gam ēcī mat ē tōk. Ee cīn raan tōōŋ ye luel kamken lōn nadē kāk tō kek ye aa kākke yetōk, ku aake kāk rēer ke ke rōm.

³³ Atuuc Jethu aake cī Nhialic yiëk riëldīt, ku bīk aa lueel ke cīi rišc lōn cī Jethu Bānyda rot jōt raŋ yic. Ku keek aya, aake cī Nhialic dōoc apeidīt.

³⁴⁻³⁵ Ē cīn raan tōŋ nōŋ akuštden yic. Kōc ke la dum kamken ku yōōt aake cīk yaac, ku bīkē wēēu cīk kek kāŋ yaac, ku yekē ke gām atuuc Jethu. Ku wēēu aake yekē tēk rōt cīt kēwīc raan tōk kamken.

³⁶⁻³⁷ Ku kēya, Jothep raan dhiēnh Lebī, dhiēth pan Thaipruth, ku yeen ē ye atuuc Jethu cōl, ke cōl Barnaba (ku wētde yic “Ee raan kōc riēl puōth”) ecī duōmde yaac wei aya, ku bīi wēēu ēbēn ku gēm ke atuuc Jethu.

5

Anyikōl Ananiath kek Thapira

¹ Mony cōl Ananiath ē tō thīn ku jōl a tiēŋde Thapira. Keek aake cī abēk kākken baai yaac wei.

² Ku yen Ananiath ecī wēt mat yic kek tiēŋde ku bīk wēēu abēk thiaan, ku yīkkē atuuc Jethu abēk.

³ Go Pīter Ananiath jāl thiēēc ēlā, “Yīn Ananiath, ē rin nō cōl yīn rot alēu jōŋrac, ku ba Wēi Nhialic bēn lēk lueth, ku yīn amuk abēk wēēu kek cī yīn ke kākku yaac wei?”

⁴ Tēwāār kēc yīn kāk paandu yaac, aake ye kākku, ku wēēu cī yīn ke yaac aa kākku aya. Ye rin nō tēk yīn kē cīt kēnē ba looi? Yīn aacie yok ca wēēŋ, ee Nhialic yen aca wēēŋ!”

⁵ Kaam wēn piŋ Ananiath ye, ke wiēēk piny ku thou. Ku kōc ke cī ye piŋ aaci bēn rišc.

⁶ Go riēnythii ke rēēr yōōt guāpde kuōth ku jōtkē, ku lek thišk.

⁷ Kaam wēn looi kēnē rot, ke tiŋ Ananiath bō yōn wēn tō Pīter thīn, ku ē kuc kē cī rot looi.

⁸ Go Pīter thiēēc ēlā, “Lēk ya yic, ye kākā kek wēēu ēbēn cī wek kāŋ yaac wek muōnydu?” Go Thapira bēēr, “Ee tēden, aa kek wēēu ēbēn.”

⁹ Go Pīter lēk Thapira ēlā, “Yeŋō tēk wek ye wek muōnydu bāk Wēi Nhialic them? Yeŋō looi wek kēcīt kēnē, ca kōc bō kā piŋ cōk? Aa kōc ke cī muōnydu la thišk, ku ēmēn aya aabi jōt bīk yī la thišk.”

¹⁰ Kaam wēn, ke Thapira wiēēk piny ku thou nyin yic. Go riēnythii bēn yōt, ku tīŋkē ke cī thou, gokē jōt ku lek thišk muōnyde lōōm.

¹¹ Kōc ke tō yōn Nhialic ku kōc kōk cī kē cī rot looi piŋ, aaci bēn rišc apeidīt.

Kākdīt jāŋ gōi cī rōt looi

¹² Kākdīt jāŋ gōi apei aake cī atuuc Jethu aa looi kam kōc. Kōc ke cī wēt Jethu gam aake ye mat ke ya akut Kān Tholomon cōk.

¹³ Ee cīn raan tōk kam kōc cie kōc akuštden cī ye tak bī met keyiic, cōk aa lōn ye kōc juēc ke leec.

¹⁴ Ku kōc juēc apeidīt, yōōm rōōr ku diāār ke cī wēt Jethu gam, aake ye rōt mat akuštden yic.

¹⁵ Wēt kāpuōth ye kōc Jethu looi, aake cī kōc tuany cōl aaye kōc ruāāi ke ke jat dhāl yiic, ke cī tāac biōk yiic, ku bī Pīter ke dōoc tē ciēth yen. Na cie kēya, ku cōk a atiēmde ke kum ke piny ku bīk pial.

¹⁶ Ku kōc juēc bēēi thiāāk kek Jeruthalem yiic, aaci kōcken tuany ku kōcken kōk la gup jakrēc bēn aa bēēi, ku aaci ke bēn aa kony.

Atuuc Jethu aaci gum

17 Tēwēn, ke raandit kāk Nhialic, ku kōcken rēēr ke ye, ku jol aa kōc ye buōoth tō akut Thaduthi yic, aake cī puōth mit tēnē atuuic Jethu. Gokē tak ku bīk kērac looi tēnē ke.

18 Ku dōmkē atuuic Jethu ku riitkē ke yōn ye kōc mac thīn.

19 Ku ē wēēr kēnē, ka atuny Nhialic bō ku tuērke ke bei yōōt, ku wēt kenhūim ayeer, ku lēk ke ēlä,

20 “Lakkē luaj Nhialic, ku bāk kōc la piōōc wēt pīr yam cī Jethu lēk we.”

21 Go atuuic Jethu wēt cī lēk ke piñ, ku lek luaj Nhialic durdur yic, ku jōkkē piōōc wēt Nhialic. Go raandit kāk Nhialic kek kacke, kōcdit baai Itharel cōl ku bīk bēn luk yic, ku bīk mat. Ku jōlkē thok tuōoc tēnē apuruuk tit yōn mēc, ku bīk atuuic Jethu kuēēth luk yic.

22 Tēwēn yeet kōc wēn cī tooc, ke keek akēc atuuic Jethu la yōk yōt, gokē dhuk ku lek thok lēk bāny luk ēlä,

23 “Wēn yeet yok, yok aaci yōt yōk ke riēt thook ku kōc tit ke kāac yethok. Nawēn ŋanyku thok ka cīn raan tōōŋ cuk yōk alŋthīn.”

24 Nawēn piñ bēny apuruuk luaj Nhialic tiit ku jol aa kōcdit kāk Nhialic, gokē gāi kē cī rot luši atuuic Jethu.

25 Kaam wēn, ke raan bō yōt ku lēk ke ēlä, “Piēŋkē kēdiēēn, kōc kek ke cāk riēt yōt, aa rēēr luaj Nhialic ēmēn, ku aa piōōc kōc wēt Jethu!”

26 Tēēn, go bēny apuruuk la kek apuruuk bīk ke diēc, ku bīkē ke luk yic. Keek akēc atuuic Jethu kuaath, wēt riōōc kek ciēt ke bī kōc ke nhīar atuuic Jethu biōōk aleel.

27 Tēwēn cī apuruuk atuuic Jethu jāl bēēi luk yic, go raandit kāk Nhialic ke thiēc ēlä,

28 “Wek aa we cī thōn apēidit ku bāk kōc cī ben piōōc wēt Jethu. Tiēŋkē kē cāk looi! Cī wek kōc piōōc ēbēn Jeruthalem, ku week awiēcckē ku bī aa yōk ye gōk lōn nadē ka yōk aa cōl Jethu anak.”

29 Go Pīter kek atuuic Jethu wēt raandit kāk Nhialic dhuk nhom ēlä, “Yook, ee Nhialic yetōk yen alēuku buk theek, ku aacie kōc ē path.

30 Wek aaci Jethu nōk, ku piātkē tim cī rīiu kōu, ku yeen aci Nhialic wārkuan dīt jōt thou yic.

31 Jethu aci Nhialic jōt bei rañ yic, ku le nyuōōc kōŋden cuēc ku looi ye bēny, ku ē raan bī kōc kuōny bei kārec yiic. Ku yeen abī kōc Itharel pāl kaam, ku bīk kenhūim waar bīk cī ben luui kārec, ku bī Nhialic adumuōōmken pāl piny.

32 Yōk aaci kāk cī Nhialic looi tiñ, ku Wēi Nhialic aya, yen cī Nhialic tuōc kōcken wētde gam, ee kāk cī Nhialic looi nyuōth kōc.”

33 Tēwēn piñ bāny luk wēt cī atuuic Jethu lēk ke, gokē puōth riāāk apēidit, ku wīckē bīk ke nōk.

34 Go raan tōk kam bāny, Gamaliel, raan akut Parathi. Ku yeen ē ye raan piōōc lōōŋ. Ku ē ye raan theek kōc Itharel apēidit, rot jōt luk yic ku lēk apuruuk ku bīk atuuic Jethu kuaath ayeer luk yic.

35 Ku jol bāny luk lōk jāām nhūim ēlä, “Wek kōc wuōnda Itharel, takkē wenhūim apath kē wiēcckē bāk luši ē kōckā.

36 Wāār ē run thiōkkā yiic raan cōl Theudath ēci tuōl, ku nyooth rot ke ya aciēŋ dīt ril tōr, abī raan buōt kañuan rōt māt ye. Yen Theudath aci bēn nōk, ku kōc ke cī wētde gam aaci bēn thiāi, ku ē yen thōk wētde.

37 Raan cōl Judath ku ē ye raan wun cōl Galilia, ēci bēn tuōl aya ruōōn yōn kueen kōc, ku yeen ēci kōc rac nhūim agut bī raan tēdit wētde gam, ku yekē buōoth cōk. Yeen aya aci bēn nōk, ku wēer kōcken wāār ye buōoth.

³⁸ Ku emën alëk we, anuëën bi ciën kërëec luoi kē tēnē ke. Anuëën bāk ke pušl! Na yekē loikē, kē ci raan tak bi looi, ka ŋuot bi guo yāi.

³⁹ Ku na ye Nhialic yen ci ke yiëk riël, ka cāk bi lēu. Rin wek aabi rōt yōk ke ye Nhialic yen thār kek we. Go bāny luk wēt Gamaliel gam.”

⁴⁰ Ku cōšlkē atuuc Jethu yōt, ku tēmkē ke awuëc bi ke that, ku thōnkē kenhīim bik cī ben jam rin Jethu. Ku jōlkē ke lony.

⁴¹ Tēën atuuc Jethu aaci jal jāl luk yic ke ci pušth la yum wēt ci Nhialic ke cōl agum, rin ci ke that wēt Jethu.

⁴² Ku yekē kōc piōōc wēt Puōth Yam Jethu Krītho akōlakōl luanj Nhialic kōc Itharel, ku bāāiken yiic aya.

6

Kōc kadhrou ē kōc kony lusi aaci kuany

¹ Tēwēn ci akuēn kōc biōth rot juak, akēëk ēci rot looi kamken, kōc Itharel kek ke ciēŋ Jeruthalem, ku kōc Itharel jam thoŋ Giriik. Kōc Itharel jam thoŋ Giriik ē yekē lueel lōn nadē ke lēērken aake cie kuëëc nhīim, rin cī ke ye muōoc tē tek wēū ye tēk lēēr akōlakōl.

² Go atuuc Jethu kathiäär ku rou kōc ci gam ebēn cōl ku lēkkē ke elā, “Yeen acie yic tēnē yo buk lusi piōōc wēt Nhialic pušl ku ye wēū kek yeku tek.

³ Ke yen, wek wāmāthkua, kuanykē kōc kadhrou weyiic, kōc path la gup riël Wēi Nhialic ŋic kāŋ. Ku keek abuk cōl aaye wēū muk, ku yekē ke tek.

⁴ Ku yōk aabi yonhīim yiëk rōōk ku jōl a piōōc wēt Nhialic.”

⁵ Kōc ke ci gam aake ci pušth miēt wēt ci atuuc Jethu lēk ke, ku kuanykē kōc. Kōc ke cik kuany aake yi Ithipin, raan la gam la guōp Wēi Nhialic, ku jōl aa Pilipo, ku Prokoruth, ku Nikanora, ku Timon, ku Parmena, ku Nikola, ku yeen ēcie raan Itharel, ee ye raan pan cōl Antiōk ci yanhde pušl ku gēm yanh kōc Itharel.

⁶ Ku jōl kōc ci kuany yāth tēnē atuuc Jethu, gōkē rōōk riēnken ku tēëukē kecin kenhīim bik ke dōoc.

⁷ Ku piōōc wēt Nhialic ēci la tuerŋ ke juak rot. Akuēn kōc biōth Jeruthalem ē yic juak akōlakōl, ku akuëndit apēi kōc kāk Nhialic aci bēn gam.

Bāny Itharel aaci Ithipin dām

⁸ Ithipin ēci Nhialic dōoc bi cōl aril apēi, go kākdiēt jāŋ gōi apēidit looi kam kōc.

⁹ Ku kōc abēk akut amat tēn kōc Itharel aake cie wētde ye gam, ku keek aake ŋic lōn ye ke cōl kōc lāū nhīim, wēt ye kek kōc aa loony ci pušl. Ku yen akut kēnē, ee la yic kōc wun cōl Thirene ku Alekdhāndria ku Cilicia ku Athia, ee cik jōk bik aa teer kek Ithipin.

¹⁰ Ku yen Ithipin ēci Wēi Nhialic yiëk riël ŋic yen ke wēl apēi, na lueel wēt, ka cīn raan lēu ye bi wētde dhōl yic.

¹¹ Gokē kōc kōk riōp, ku bik aa lēk kōc Itharel elā, “Yōk aaci Ithipin piŋ ke jiēēm Mothith ku Nhialic gup!”

¹² Tēwēn ci kōc ci riōp aa jam kēya, tēën ke keek aaci kōc Itharel, ku kōcken diēt, ku jōl aa kōc piōōc lōōŋ rac nhīim. Ku dām kōc Itharel Ithipin ku yēthkē luk yic.

¹³ Ku biikē kōc kōk bik Ithipin bēn cāk thok ku luelkē elā, “Mony kēnē, cōl Ithipin ē luanjan Itharel ku lōōŋkuan Mothith dhōl yic.

¹⁴ Acuk piŋ ke ye lueel lōn nadē ke Jethu raan pan Nadharet abi luanjan Itharel thuōr piŋy, ku wēer ciēŋdan thēer Mothith yic.”

¹⁵ Go kɔc ke cī nyuc luk yic ebēn Ithipin jāl dōt apɛi, ku tūŋkē ke cīt nyin atuny Nhialic.

7

Jam Ithipin

¹ Ku jɔl raandit kāk Nhialic Ithipin thiëc elä, “Yekē yith kek kāk cī kɔckä yī gaany?”

² Go Ithipin dhuk ku lueel, “Wek wärkië ku wämäthkië, piɛŋkē wëtdië! Nhialic Madhəl yen ye leec raan ebēn, ëcī rot nyuōth wādan dīt Abaram yon ɲot ciëŋ yen pan Methopotamia, wäär kēc yen guɔ kōk bī la ceŋ pan Yāran.

³ Ku yen Abaram ëcī Nhialic yōök elä, ‘Nyāāŋ paandu ku kacku piny ku lɔr piny ba nyooth tēnē yī.’

⁴ Go Abaram wuōnden nyāāŋ piny ku ler bī la ceŋ gen Yāran. Na wäär cī wun Abaram thou, go Nhialic Abaram yōök bī bēn ceŋ ē wun yen ciëŋ wek thīn emēn.

⁵ Acīn aban piny cīi Nhialic yiëk Abaram, ku ëcī than lɔn bī yen Abaram gām ē piny kēnē bī ya piɛnyde kek mīthken bī lōk dhiëëth aköldä. Tëwäär yen lēk Nhialic Abaram ē wēt kēnē, ke Abaram ē cīn mīth cī dhiëëth.

⁶ Nhialic ē cā Abaram yōök elä, ‘Miëthku aabī ceŋ wun thāi kōk run buɔt kaŋuan. Ku keek aabī ya aloony kɔc ē wun bī kek ceŋ thīn, ku aabī ya jōör apɛidit.

⁷ Ku yēn abī kɔc kek bīk aa luōōi mac, ku na la run juëc thōk, ke keek aabī jāl ye wun kēnē. Ku aabī bēn bīk yēn bēn door ē tēn.’

⁸ Ku ē tēēn acī Nhialic lēk Abaram bī miëthke aa ɲoot, ku yen ē kīn ye nyuōoth lɔn cī kek dōōr. Ku Abaram acī wēnden Ithāk bēn ɲoot nīn kadhorou cōk ciëēn wäär dhiëëth ye. Ku ɲot Ithāk Jakop, ku ɲot Jakop wātke kathiāār ku rou. Aa kek wārken dīt kuat Itharel emēn.”

⁹ “Wëēt Jakop aake man mēnhdn col Jothep. Gokē yaac ku bī a lony pan Ijip. Ku Nhialic ē nhīar Jothep.

¹⁰ Go Jothep kony bī puut bei kārɛc yiic. Na la Jothep yāth bēnyŋaknhom Ijip nhom, ke yīk Nhialic riɛl bī kāŋ ɲic ku ye raan path. Go bēnyŋaknhom ruōk bī ya yen bēny pan Ijip. Ku looi aya bī a yen tō tuen kāk paande yiic.

¹¹ Ku cɔk ëcī tuōl pan Ijip ebēn ku jɔl a Kanaan. Ku yen cɔŋ kēnē ëcī ban apɛi. Ee ril yic ku bī wärkuan dīt miëth yōk.

¹² Nawēn le Jakop piŋ lɔn tō rap Ijip, go wātke kek wärkuan dīt emēn tooc ku bīk la.

¹³ Na ben wärkuan dīt bēn dhuk cāth yic rou, go Jothep rot tēt ke lɔn ē yen mēnhdn ku jɔl bēnyŋaknhom Ijip manyde ɲic aya.

¹⁴ Ku tuc thok wun Jakop, ku bī lēk wun kek manyden ebēn kathiārdhorou ku dhiëc bīk bēn Ijip.

¹⁵ Go Jakop jāl la, ku ē yen tē cī Jakop ku wärkuan dīt bēn la thou thīn.

¹⁶ Gup wärkuan dīt aake cī bēn la thiōk tē col Cikem, ku tē cī ke thiōk thīn, ee ye piny yōoc Abaram wēu tēnē thāi col Yāmor.

¹⁷ “Na la nīn thiōk, nīn kek ke cī Nhialic ke Abaram yōök lɔn nadē ka la kēpuōoth bī luōi ye, ke akuēn kōckuan ke tō Ijip ëcī ye yic juak apɛi.

¹⁸ Ku ëcī rot looi bī bēny dēt kuc Jothep pan Ijip mac.

19 Ku yen bëny këñë ë ye wärkuan dīt wëëj ku kuc ke ciëëj. Ku ye ke cal acuet miëthken roor ku bë miëth thou.

20 Ku tēën ë yen ë dhiëëth Mothith, ku yen ë ye manh adhëj tēñë Nhialic, ku muk baai pëi kadiäk.

21 Ku nawën la cuat wïir, go nyen bënyjakhom la kuany ku muk ku looi ye manhde.

22 Mothith aci piösc tēcīt tē njic kōc Ijip käh thïn, agut abi ya raandīt tet ku ye raan njic käh apeidīt jam yīth, ku jol a luoi aya.

23 “Na la run Mothith yet thiärñuan, go yenhom tak ku bë wämäthakën Itharel la tñj tē ciëj kek thïn.

24 Tëwën cī yen wämäthakën la tñj, go raan tök keyiic yök ke nēk raan Ijip, go mēnhden näk kony, ku guur raande agut tē nēk yen raan awën thär kek raande.

25 (Ee cī Mothith tak lōn nadë ka bë kacke deet yic, lōn bë Nhialic ye looi bë ke wëër bei loony yic. Ku akëckë deet.)

26 Nayōn nhiäk ke yök kōc Itharel karou ke thär, go la ku dōk ke. Ku jol ke yōök ëlä, ‘Piejke këdië wek röörkä. Wek aa kōc ruäai. Yenjö kuc wek cej kamkun?’

27 “Go raan töj wën cī raan tiaam Mothith piäk wei, ku thiëec ëlä, ‘Yenja cī looi ba ya bänyda. Ku ye bëny dēt lëu ba luñda luk?’

28 Wīc ba ya nōk cīmēn wäraköl nēk yīn ke raan Ijip?’

29 Tëwën piñ Mothith ë wēt këñë, go kat ku le cej Midian. Ku aci bën la dhiëth dhäk karou ë tēën.

30 “Wën cī Mothith cej ruöön thiärñuan Midian, go atuny Nhialic rot nyuöth ye. Ku atuny nhial ëcī Mothith tñj kecīt bun dëp roor liëet tēthiääk kek gōn Thinaï.

31 Go Mothith gäi kë cī tñj, ku cot rot but lööm ku bë tñj apath. Go röl Nhialic piñ ke ye lueel,

32 ‘Ee yen Nhialic ye wärkuön dīt door. Nhialic Abaram, ku Ithäk, ku Jakop.’ Go Mothith riösc arëk bë lath ku cū këwën ben döt.

33 Go Nhialic Mothith yōök, ‘Dëk war bei, rin tē këec yīn thïn, ee tē thek.

34 Yen aci tēreec guum kackië thïn pan Ijip tñj. Yen aci dhiënden piñ. Ku yen aci bën ku ba ke bën kony. Bäär ëmën, ba yī tuöc Ijip.’ ”

35 Ithipin aci la tuenj ke jam luk yic ëlä, “Mothith ëcī kōc Itharel kuc bëk wëtde cū piñ. Ee cīk thiëec ëlä, ‘Yenja looi yī ba ya bänyda ku ye luökkua luk?’ Yen Mothith ë yen cī Nhialic tooc ku bë ya bëny, ku ye raan kony Itharel. Ku yen abi atuny Nhialic cī rot nyuöth ye bun dëp yic, kony luoid yic.

36 Yen Mothith aci kōc Itharel wēt nhīm bei Ijip ke loi kāk jäh göi pan Ijip, ku wäär teem wär aruöör, ku jol a wäär rëer kek ror liëet run kathiärñuan.

37 Mothith ëcī kōc Itharel yōök, ‘Nhialic abi we tuöc raan bë we bën piösc wëtde, raan kāk Nhialic tñj cīmēn cī yen ya tuöc we. Ku yen raan bë tuöc we abi ya raan kuatdun.’

38 Mothith ë yen rëer kek kōc Itharel ke ciëj ror liëet. Ee rëer kek wärkuan dīt. Ku jol a atuny nhial yen cī jam tēñë ye gōn Thinaï nhom. Ee yen ye Nhialic yōök ku bë wëtten pīr akölriëec ëbën bën lëk kōc.

39 “Ku wärkuan dīt aake cī kuc ku bëk wēt Mothith cū piñ, keek aakëc luui wëtde. Ku wickë bëk dhuk Ijip.

40 Gokë Aron yösk, ‘Thäth yo jak bi ke aa ket tuen kōc wat yonhūim tē cieth yok. Akucku yen kē cī rot looi tēnē Mothith yen wäär wēt yo bei Ijip.’

41 Keek aaci mülān thöth ke ye jōn cit manh wen, ku loikē yai bi kek yanhden cik looi aa door. Ku yekē jal nāk.

42 Tēēn Nhialic aci yekōu bēn wēl ke. Ku pēl ke bik aa kuēl tō nhial kek yekē door, cimēn cī ye gōt athōr kōc kāk Nhialic tīn yic ēlä, ‘Wek kōc Itharel! Ee cie yen, yen yakē nāk yōk.

Yōn tō wek ror liēet run kathiārjuan.

43 Ee ye duēl jōndun cōl Molok yakē ket.

Ku jōl atim ciēer, jōndun cōl Repan cāk guan.

Aa kek ke jakkun cāk ke looi, bāk keek aa door.

Ke wek aaba tuōc wei, bāk yet Babilon kōu ciēen.’

44 “Wärkuan dīt aake la Duēl yen ye nyuōth lōn nadē ke Nhialic arēer ke ke ror liēet. Duēl aci yīk tēcit tē cī Nhialic ye lēk Mothith thīn, cī looi tēcit tē cī ye nyuōth Mothith thīn.

45 Ku yen duēl kēnē ēci wärkuan dīt aa thōn miēthken wäthēer, agut tē bīi Jōcua ye ē piny cuk bēn rum tēnē kōc ke la ye. Wäär ye Nhialic ke cuōp wei tē bīi yōk. Ku jōl duēl rēer agut wäär ye Debit bēnyjakhom.

46 Debit ē nhiēer Nhialic. Ku ēci Nhialic thiēec ku bī puōl bī luak yīk, luan bī Nhialic Wundit Jakop cej thīn.

47 Ku ē Tholomon yen aci luak bēn buth.

48 “Ku yen Nhialic Madhōl acie cej yōōt yiic yōōt ke yīk. Cimēn ye kōc kāk Nhialic tīn ye luel ēlä,

49 ‘Aci Nhialic luel, ke nhial yen tō thōnydiē thīn, ku piny yen aye yen yacōk tāau thīn.

Ye yōn yīndē yen bāk yīk tēnē yen?

Ye tēnen yen lēu bī yen lōj thīn!

50 Cie yen ya looi kākā ēbēn!’

51 “Tēril wek nhūim thīn! Wek aaci kuc bāk wēt Nhialic cīi piñ, rin thōj wek puōth kek kōc kēc Nhialic gam cimēn wärkun dīt thēer. Wek aaci kuc bāk wēt cī Wēi Nhialic lēk we cīi gam.

52 “Le raan kāk Nhialic tīn cī wärkuōn dīt puōl ke kēckē nāk? Wärkuōn dīt aaci kōc cī Nhialic tooc nāk, kōc ke cie ya luel lōn raan bī kē wīc Nhialic bī looi, abī bēn. Ku ēmēn yen acāk gaany ku acāk cōl anāk.

53 Aa wek cī lōōj Nhialic thōn, lōōj kek ke cī atuny nhial thōn wärkuōn dīt. Ku keek aa kēckē ke gam!”

Ithipin aci biōk aleel

54 Tēwēn piñ bāny luk wēl Ithipin, gokē puōth riāak apeidit ku kackē kethook tēnē ye.

55 Ku yen Ithipin ēci Wēi Nhialic thōj guōp, go yenyin wēl nhial ku dēei, ku tīn riel dīit Nhialic, ku tīn Jethu aya ke kāac Nhialic lōōm kōj cuēc.

56 Go Ithipin bāny luk yōsk jalkē tīn, “Yēn aci nhial tīn ke liep yethok, ku yen aci Manh Raan tīn ke kāac Nhialic lōōm kōj cuēc.”

57 Go bāny luk keyīth kum ku reelkē apeī. Ku riñkē Ithipin guōp,

58 Ku yēthkē ayeer geeu ku lek biōk aleel agut tē thou yen. Kōc kek ke nāk ye aake cā alēthken nyāj riēnythii cōl Thawul ku bī ke lōk tiit.

⁵⁹ Keek aaci Ithipin jäl bisök aleel, ku Ithipin ë ye Nhialic cöl, “Bänydië Jethu, lor wëikië!”

⁶⁰ Ithipin ëci yenhial guät piny ku lueel ke cie röl jot apeidit, “Nhialic! Duk ke gäk kërεεc cïk luši ya!” Wët kënë aci lueel, ku thou nyin yic. Nääk cï Ithipin nök ëci raan cöl Thawul gam. Ku mony cöl Thawul ë tš thïn. Ku yeen ëci lön nök Ithipin gam.

8

Thawul aci kóc cï gam cöl agum

¹ Aköl nök Ithipin, yen aköl jöök yen rot bi kóc ke cï wët Jethu gam Jeruthalem gum apeidit. Kóc ke cï wët Jethu gam aake cï kat bik röt thiäi wušt kök yiic, wušt Judia ku Thamaria, ku atuuc Jethu kek aake cï döŋ Jeruthalem kepëc.

² Kóc ke cï wët Nhialic gam piänden ëbën, aa kek cï Ithipin bën la thišk, ku jölkë dhiau apeï rienke.

³ Ku ëci Thawul them bi kóc cï wët Jethu gam cöl agum, rin yeen ë ye la panë ku panë, ke kuany bëëi yiic ëbën, ku ë ye kóc cï wët Jethu gam yoc bei yööt yiic, röör ku diäär, ku kuεεth ke bi ke la mac.

Wët Puøth Yam aci piöcc Thamaria

⁴ Kóc ke cï wët Jethu gam, cï thiëi wušt kök yiic aake cï la cath wušt yiic ëbën, ku piöockë kóc wët Nhialic.

⁵ Pilipo ëci cath bi la gen Thamaria ku le kóc piöcc thïn wët Jethu Kritho.

⁶ Kóc ke cï kenhüim aa kuööt, aake cï kepuøth aa tääu piny ku bik kë lueel Pilipo aa piŋ apath. Keek aaci wët Pilipo aa piŋ ku tiŋkë käk jäh göi cï aa looi.

⁷ Kóc juëc aaci jakrεc aa bën bei kegup ke dhiau apeï, ku kóc cï ruai, ku kóc kök cï nöl aaci Pilipo cöl aa puöl.

⁸ Këya, kóc Thamaria aaci puøth bën miët apeidit.

⁹⁻¹⁰ Ku mony cöl Thaimon ë ciëŋ gen Thamaria, ku yeen ëci kóc cöl agëi käkken ye looi. Yeen ëci rot looi ke ye raandit apeï, ku kuat kóc ke ciëŋ geeu ëbën aake cï kepuøth tääu piny ku piŋkë wëtde. Ku ë cïk aa lueel ëlä, “Jöŋ cöl Rieldit yen aci bën piny cimën Thaimon.”

¹¹ Ku ë yic, Thaimon ëci kóc Thamaria cöl agëi tšwäär yen käkken kë looi jöŋ tš yeguöp, ku kóc aake ye wëtde buöøth yic ku detkë yic.

¹² Nawën la kóc Thamaria wët Pilipo gam, wët piöcc yen kóc Wët Puøth Yam rin bääny Nhialic, ku rin Jethu Kritho, go röör ku diäär gam bik röt cöl aa muoc nhüim.

¹³ Yen Thaimon aya ëci wët Nhialic gam, ku cöl rot amuoc nhom, ku jölkë rëer tök kek Pilipo, ku yeen ëci bën gäi tšwën tiŋ yen käkdit jäh göi ye Pilipo looi.

¹⁴ Go atuuc Jethu ke tš Jeruthalem piŋ lön nadë ke kóc Thamaria aake cï wët Nhialic yet tënë ke. Gokë Pïter ku Joon tooc bik la tënë ke.

¹⁵ Nawën cï Pïter ku Joon yet Thamaria, gokë röök ku bi Wëi Nhialic lööny kóc Thamaria gup.

¹⁶ Kóc Thamaria aake cï muöcc nhüim rin Jethu Kritho ku Wëi Nhialic ë ŋuot këc lööny kegup.

¹⁷ Go Pïter ku Joon kecin tääu kenhüim go Wëi Nhialic lööny kegup.

¹⁸ Tšwën cï Thaimon ye tiŋ ke Wëi Nhialic cï lööny kegup, wën cï Pïter ku Joon, atuuc Jethu, keek döcc, go wïc bi Pïter ku Joon gäm wëü,

¹⁹ ku jal ke yöök, “Yiëkkë ya riel kënë aya, rin na le raan daac, ke Wëi Nhialic lööny yeguöp.”

²⁰ Go Piter wët Thaimon dhuk nhom ku lueel, “Anuëën diët yī ku wëëuku cuet pan mac ëbën, rin ë yīn ye tak diët yī yoc miöc Nhialic wëëu.

²¹ Yīn acie raan akuötda ku acin kënë yī mat ke yo, rin piändu acī la cök tēnë Nhialic.

²² Dhuök yīpuöu ciëen, ku päl luoi kärec, ku rööc Nhialic ku bī kärec ye tak cimën ë kënë päl piny.

²³ Yen aye tīj yīguöp lön til yīn yo apeidit, ku yīin aci kärec ye ke looi muör.”

²⁴ Go Thaimon Piter ku Joon yöök. “Röökkë tēnë Nhialic rienkië, ku bī ciën këreëc loi rot tēnë ya kāk cā lueel yīic.”

²⁵ Tëwën cī Piter ku Joon koc Thamaria lëk lön ye wët Nhialic ye lëk ke yic, gokë dhuk Jeruthalem. Ku tēwën dhuk kek, aake ye koc piöcc Wët Puöth Yam Nhialic ë bëëi juëc cik tēëk yīic pan Thamaria.

Pilipo ku bëny wëëu Ithiöpia

²⁶ Atuny Nhialic ëcī Pilipo lëk ëlä, “Guir rot ku kueny dhöl yic, dhöl jiël Jeruthalem bī la Gadhā.” (Dhöl kënë acie ben tēëk ëmën.)*

²⁷ Go Pilipo rot guiri ku lööny dhöl. Ku tēën, ke yök raan Ithiöpia, raan cī la Jeruthalem bī Nhialic la door. Ku yen mony kënë ëcī roc. Ku ë ye bëny wëëu muk wëëu tīj cöl Kandake, tīj ye bëny Ithiöpia,

²⁸ ku yen ë dhuk Ithiöpia riän thel mathiäñ. Tëwën cieth yen dhöl yic, ee kuen athör Ithaya raan kāk Nhialic tīj.

²⁹ Ku ëcī Wëi Nhialic lëk Pilipo, “Löör ku cath keyi thiäk rot riän thel mathiäñ.”

³⁰ Go Pilipo jäl rin tēthiääk kek ye ku pinj ke kuën athör Ithaya yic. Go jal thiëc, “Ye deet yic yen kë kuen?”

³¹ Go bëny tössu wëëu dhuk nhom, “Ba jal deet yic kädë, ke cīn raan cie tët yic ya?” Ku yöök Pilipo bī la nhial riäi yic, bī cath kek ye.

³² Kënë yen kuen athör theer wël Nhialic yic akīn,

“Yen ee cit amäl thel ku bī la teem röl,
acit manh amääl cie dhiau tē teem nhiëmde wei, ee cīn wët ye lueel.

³³ Yeen ee cī rac guöp, ku koc aake cīi kuéc bik yienyde cīi gam.

Acin raan mīthken bī döñ bī lök lueel,

bī kärec riëc akölë lök a lueel, rin cīi piërde pinynhom guö cöl athök.”

³⁴ Ku jal bëny tössu wëëu Pilipo yöök, “Lëk ya, Ithaya jiëem rin ña, jiëem rienke aye rin raandä?”

³⁵ Go Pilipo jal jam, ku jöök jamde këthiöök awën cī bëny tössu wëëu kuen athör theer wël Nhialic yic. Ku jal lëk Wël Puöth Yam rin Jethu.

³⁶ Tëwën cieth kek dhöl yic, ke yet tē tōu piü thin, go bëny tössu wëëu Pilipo jal thiëc, “Piü akīk, yenjö bā pëen ke ya cī muoc nhom?”

³⁷⁻³⁸ Bëny tössu wëëu pan Ithiöpia aci raan kuath riäi yöök bī riäi cöl akäac, ku jal Pilipo ku bëny wëëu la piny ku lek piü yīic, ku muoc Pilipo bëny wëëu Ithiöpia nhom.

³⁹ Nawën cik jäl bën bei piü yīic, go Wëi Nhialic Pilipo diër piny. Ku bëny tössu wëëu akëc Pilipo bën tīj, go lööny dhöl ke dhuk panden, ku yeen ë mit puö apeī.

⁴⁰ Pilipo aci rot yök ke cī yet gen cöl Adhotuth, ku ler ku piöcc koc Wël Puöth Nhialic gëeth yīic ëbën, gut tē yet yen gen cöl Cetharia.

* **8:26** Dhöl kënë acie ben tēëk ëmën rin düit liëet thin. **8:33** Ith 53:7-8

9

Thawul aci wët Jethu gam
(Lusi 22:6-16; 26:12-18)

¹⁻² Thawul aci la tuen ke riëc ye yen koc buoth Bëny riääc lön nek yen ke. Ee ci la tènë raandit käk Nhialic, ku bi ye la yiëk athöör tènë bány akut yanh Itharel rëer gen Damathkuth, ku aye athörkã lëk koc Itharel tš Damathkuth, lön na la Thawul koc ci wët Jethu gam yök, diäär ku röör, ke bi döm, ku kuëeth ke Jeruthalem.

³ Tëwën cieth Thawul dhöl yic ke la Damathkuth, ku wën ci yen jal thiök kek geu, ke kam thiin wën ke tün mac la biliny nhial, ku yer piny ëbën yelššm.

⁴ Ku wïik piny ku pin raan röl ke jam ku lëk ye, “Thawul, Thawul! Ye rin nõ cöl yin ya agum?”

⁵ Go Thawul thiëc ëlä, “Ee yin ŋa Bëny?” Go röl wën ci pin dhuök ye, “Ee yen Jethu, yen raan jör.

⁶ Ku yin jot rot ëmën ku bœr geeu, ku yin abï lëk kē ba dhiel looi.”

⁷ Röör ke cath kek Thawul aake ci kššc, ke bit, ku keek ë cin raan cik tün, ku aake ci röl raan jam pin.

⁸ Go Thawul rot jot, nawën liep yenyin, ke cie piny ye tün. Go koc ke cath kek ye döm cin ku thelkē, ke la Damathkuth.

⁹ Ku jöl rëer nïn kadiäk ke cie daai, ku yeen ë nïnkã yiic kadiäk ëcie dek piü ku ëcie mïth.

¹⁰ Raan cöl Ananiath ci wët Nhialic gam ë rëer Damathkuth. Ku ë la kën ci rot nyuöth ye, ku ë ye tën ci Nhialic ye cöl thïn, “Ananiath.” Go Ananiath gam ku bëer, “Yen akin Bëny.”

¹¹⁻¹² Go Bëny lëk ye, “Jot rot, ba la dhöl cöl, ‘Dhöl la cök,’ ku na yëet pan raan cöl Judath ke yi thiëc raan cöl Thawul, raan wun Tarthuth. Yen Thawul arššk, ku yeen ala kē ci rot nyuöth ye lön ci yen ke raan käk Nhialic cöl Ananiath tün ke bš yöt, bi ye bën dœc, rin bi yen ke piny ben tün.”

¹³ Go Ananiath bëer, “Bëny, koc juëc aacã lëk kãrec apei ye raan kënë luši koc ci wëtdu gam tš Jeruthalem.

¹⁴ Ku yeen aci bën Damathkuth tènë, ke ci raandit käk Nhialic yiëk riel, ku bi koc yi door bën döm.”

¹⁵ Go Nhialic lëk Ananiath, “Lœr yen aca bœc, ku bi ya aluan dië. Yen abï ya cöl anic koc cie koc Itharel, ku jöl aa bánydīt pinynhom ëbën, ku jöl aa koc Itharel.

¹⁶ Ku aba nyuöth ye, yen yen, yen tš bi yen guum thïn wët dië.”

¹⁷ Go Ananiath lööny dhöl ku ler yön wën rëer Thawul thïn, ku jöl dœc. Ku yöök Ananiath ëlä, “Yin wãmääth Thawul, Jethu yen Wën Nhialic nom, yen ci rot nyuöth yi dhöl yic wäär bii yin acã tooc. Acã tooc, ku ba yi bën dœc ku ba ben daai, ku bi Wëi Nhialic lööny yigušp.”

¹⁸ Kaam wën, ke kacit kuëc rëc lööny piny Thawul nyin ku ben piny tün. Ku jot rot bi kššc ku cöl rot amuœc nom,

¹⁹ nawën ci jäl mïth, ke ben riel yök. Thawul aci jäl rëer nïn lik Damathkuth kek koc ci gam.

Thawul aci koc piššc Damathkuth

²⁰ Nawën ke la tën amat koc Itharel ku jiem rin Jethu. Ee ci koc aa lëk ëlä, “Jethu ë ye Wën Nhialic.”

²¹ Koc ke ci wët lueel Thawul pin aaci bën gäi, ku yekë röt thiëc kamken, “Cie yen mony kënë wäär tš Jeruthalem, yen koc ci wët Jethu gam nek? Ku cie yen bii yen tènë ëmën, bi koc ci wët Jethu gam bën döm ku kuëeth ke tènë raandit käk Nhialic?”

22 Ku yen Thawul eci riel piöoc yic apeidit, rin käk ke ye lueel, aaye nyuoöth lon nadé ke Jethu yen é raan bi Nhialic tooc bi koc ben luök, aake ye yith koc rac nhüim, ku é cin ken ye koc Itharel tö Damathkuth ben bëër.

23 Nawën ci nin juéc thök, ke koc Itharel kuut kenhüim ku jolké té bi kek Thawul näk thin cât.

24 Ku yen Thawul eci ben lek ké ci koc Itharel mat yic, ké bik luäi ye. Aake ci dhäl la ayeer kal geeu yic ben aa tiit thook aköl ku wëër, rin na téék thin ke näk.

25 Naçon akäl tök ke tēxu kacken ye buoöth alom yic, ku luëñkë tēyör pany kōu, ku jolké luaac piny é wiën.

Thawul aci dhuk Jeruthalem

26 Thawul aci ben dhuk Jeruthalem ku them bi rot mat akut yic, akut abiöth. Ku akéc koc ke ci wët Jethu gam, gam lon ci Thawul rot wel ku bi ya raanden, ku keek aake ye riöcc é ye.

27 Go Barnaba döm cin ku yëth tēnē atuuc Jethu. Ku jöl tēt yic atuuc Jethu yen té ci Thawul Jethu tiëñ thin dhöl yic ke la Damathkuth, ku lon ci Jethu jam tēnē ye. Ku yeen aya eci tēt yic atuuc Jethu, yen té ci Thawul koc piöcc thin ke ci riöcc Damathkuth rin Jethu.

28 Ku këya Thawul aci ben rëer ke ke. Ku jöl a cath gen Jeruthalem yic ke piöcc koc rin Jethu ke cie nyin ye riöcc.

29 Yeen aya aci ya jam ku teer wël kek koc Itharel jam thon Girik, ku eci kockä duër ben näk.

30 Nawën le koc akuštde yök lon wic ye bi näk, gokë nyaai ku yëthkë té cöl Cetharia ku jolké la tuöcc Tarthuth.

31 Ku tēen, yen é té ci koc ci wët Nhialic gam nhüim ben lääu, ku rëerkë ke cin riöcc geeth yiic ebën, Judia, ku Galilia ku jöl a Thamaria. Akut koc ke ci wët Nhialic gam eci yeyic juak, ku eci dit rin ye Wëi Nhialic ke kony, rin é kek rëer ke thek bëny Jethu.

Piter aci la Lida ku Jopa

32 Piter aci bëëi juéc téék yiic, na ye çon akäl tök ke la koc ci wët Nhialic gam ciëñ pan cöl Lida neem.

33 Go Piter mony cöl Ainiëth yök Lida, ku yen mony kënë akéc cath run kabët rin ci yen ruai.

34 Go Piter lek Ainiëth ëlä, “Ainiëth, Jethu Kritho aci cöl apuäl. Jöt rot ku löm biñdu.” Go Ainiëth rot jöt nyin yic.

35 Go koc ke ciëñ Lida ku Caron Ainiëth tiñ ke cath, gokë wët bëny Jethu gam.

36 Ku tiñ cöl Tabitha ci gam é ciëñ Jopa. (Ku rienke yen tiñ ken thon Girik é cöl Dorkath, ku wëtde yic, “Ee löcc.”) Ku é ye käpath looi ku kony koc nñh.

37 Ke tēen eci tuany nawën ke thou. Go guäpde lök ku tšu yön nhial.

38 Pan cöl Jopa eci mec apei ke Lida. Nawën piñ koc akut ci wët Jethu gam lon rëer Piter Lida, gokë koc karou tooc bik la lek ye ëlä, “Löc ben tēnē ço.”

39 Go Piter rot jal guuir ku lööny dhöl kek röör awën karou. Nawën le Jopa, ke yëth yön nhial. Ku guöp eci diäär lëer gööm piny ke dhiau. Ku yekë alëth ci koc yen Tabitha çon piür yen jäl aa nyuöth Piter.

40 Go Piter koc cöl ala ayeer yööt, ku jöl yenhiöl guöt piny bi röök, ku wël yenhom guöp raan ku lueel, “Tabitha, jöt rot!” Go Tabitha ye nyin jäl liep. Nawën tiñ Piter go yekäu jöt piiny.

41 Go Piter döm kök ku kony bi rot jöt. Ku jöl Piter koc akut ci wët Jethu gam cöl, ku jöl aa diäär lëer, ku jöl ke nyuöth Tabitha ke ci pir.

42 Thonj cī Pīter Tabitha cōl aben pīr aci jāl thiēi Jopa yic ēbēn. Ku tēēn kōc juēc aaci wēt bēny Jethu bēn gam.

43 Ku jōl Pīter ceŋ nīn juēc pan raan biōk duny cōl Thaimon.

10

Kornelio aci Pīter caal paande

1 Mony cōl Kornelio ē tō gen Cetharia. Ku yen ē ye bēny mac apuruk buōt, “Ke ye cōl apuruuk Italia.”

2 Ku yeen ē ye raan path riōc Nhialic. Yeen ku kacke aake ye Nhialic door. Ee ye kōc Itharel nōŋ nyīn kony, ku ē ye lac rōōk tēnē Nhialic.

3 Nayōn akāl tōk, tōōŋ akōl, ke kēdāŋ bō kēcīt nyuōth, ku tīŋ atuny nhial ke bō ku lueel tēnē ye, “Kornelio!”

4 Go Kornelio atuny nhial dōt ke cī riōc ku lueel, “Ye kēnē nō Bēny?” Go atuny nhial dhuōk ye, “Nhialic aci rōōkku piŋ, ku aci kuōny ye looi tēnē kōc nōŋ nyīn tīŋ aya. Ku awic bī ke dhuk nhūm.

5 Tuōc kōc Jopa ēmēn bīk mony cōl Thaimon Pīter la cōl.

6 Yeen arēēr pan raan duny biōk cōl Thaimon, wār nhom.”

7 Tēwēn cī atuny nhial awēn luel ē wēlkā jāl, ke Kornelio cōl kōc karou ken lui baai, ku cōl apurukden tūit baai ē Nhialic door,

8 ku lēk ke wēt cī atuny nhial lueel, ku tooc ke Jopa.

9 Nayōn akōl dēēt, ke rōōr awēn nōot dhōl yic, ke cī thiōk kek Jopa, ke Pīter la yōn nhial thok tēcīt akōl ciel yic bī la rōōk.

10 Ku jōl cōk nōk, ku wic bī mīth. Tēwēn guiir miēth ke kēcīt nyuōth loi rot tēnē ye,

11 ku tīŋ nhial ke cī rot liep, ku luēc kēdāŋ rot piny, kēdūit la tēyēi, la guōk kaŋuan,

12 la yic kuat lāāi ēbēn, ku kāk wuc keyōth piiny ku diet pār nhial.

13 Ku piŋ rōl ke lēk ye, “Jot rot Pīter, nāk lēi ku cuet.”

14 Go Pīter lueel, “Acie tēde Bēny! Yēn akēc kaŋ mīth kāk cie cam cīt kākā.”

15 Go rōl bēn jam tēnē ye, “Duk tak lan le yen ke cūi path bī cam tē cī Nhialic ye lueel ka path.”

16 Kēnē aci rōl awēn ber yic arak diāk, nawēn ke wiēn mit, ku dhuk nhial.

17 Ku gēi Pīter kē wic Nhialic bī lēk ye ē nyuōth kēnē yic. Ku ē kaam awēn ke kōc cī Kornelio tooc aaci tē rēēr pan Thaimon thīn njic, ka kāac yōl thok.

18 Ku cōōtkē ku thiēcē, “Le jāl tō baai tēn cōl Thaimon Pīter?”

19 Tēwēn nōt wic Pīter ye bī nyuōth deet yic, ke lēk Wēi Nhialic ye, “Pīter, piēŋ yīyic, ala kōc kadiāk cī bēn wic yī.

20 Guir rot ku lōr piny, ku duk wēt ciēth kek yōŋ yic ba cūi la ke ke, ee yēn acōl ke aabō.”

21 Go Pīter la piny ku lēk ke, “Ee yēn raan wiēcē. Yenō būi wek?”

22 Gokē bēēr, “Yok aaci bēny apuruuk Kornelio tooc. Yeen ē raan path Nhialic door, ku yeen atheek kōc Itharel ēbēn. Aci atuny Nhialic lēk ye bī yī caal paande, rin bī yen wēt ba la lēk ye piŋ.”

23 Go Pīter ke cōl, “Bāk niēnkē ē wēēr kēnē.”

Nawēn bak piny ke Pīter jiēl ke ke, ku cath kōc kōk cī gam Jopa kek ye aya.

24 Na akōl dēēt ke yēt Cetharia tē tiit Kornelio ye thīn, kek kacke ku mātken cī cōl.

25 Tēwēn dōōt Pīter baai, ke lor Kornelio ku gut yenhiaal piny yenhom.

26 Go Pīter cōl ajōt rot bī kōōc ku lueel, “Yēn guōp, yēn ē raan ē path.”

²⁷ Ku jəl Pīter jam kek Kornelio agut tē yeet kek yōt, ku yök kōc juēc ke cī kenhūim mat,

²⁸ ku lueel tēnē ke, “Anjickē lōn lōḡdan Itharel ē raan pēen bī cīi la bēēi kuat dēt yiic, ku cīi mēt ke ke. Ku aci Nhialic nyuōth ya lōn aciṅ raan luēel ka la guōp kārēc.

²⁹ Kēya, wēn cī yīn ya tuōc, yēn aci bēn ke cīn diu, ku awiēc ba ḡic aya, yeḡō tuc yīn ya.”

³⁰ Go Kornelio lueel, “Wäär nīn kadiāk cōk yēn ya rōōk yōōt ē tēn, tēcīt mēnē tāāḡ akōl, kaam wēn ke raan ceḡ alēth yēr apēi bō ku kēēc yanhom,

³¹ ku lueel, ‘Kornelio! Nhialic aci rōōkku piḡ, ku aci kuōny ye looi tēnē kōc ḡōḡ nyīn tīḡ.

³² Tuōc raan Jopa bī mony cōl Thaimon Pīter la cōl. Yeen arēēr pan raan duny biōk cōl Thaimon tō wār nhom.’

³³ Guō yī tuōc nyīn yic. Ku yīn aci kēpath looi ba bēn. Ēmēn, yōk aa rēēr tēn ēbēn yō dēēi Nhialic, buk kē cī Nhialic lēk yī ba lueel, piḡ.”

Lōḡ Pīter

³⁴ Go Pīter jāl jam ēlā, “Aca deet yic ēmēn lōn ē yic, Nhialic acie kōc ē poc yiic.

³⁵ Kuat raan ye door ku looi kāpath, aye gam. Acīn kēde kek kuat.

³⁶ Yīn anjic wēt cī lēk kōc Itharel, Wēt Puōth Yam cī Jethu Bēny mac kōc ēbēn bēēi bī kōc dōōr ke Nhialic.

³⁷ Yīn anjic kākdīt cī rōt looi pan Itharel ēbēn, jōk wun Galilia, lōk wēi wäär ye Joon lēk kōc cōk ciēn.

³⁸ Yīn anjic Jethu raan Nadharet, raan cī Nhialic lōc ku cōl Wēike abō tēnē ye ku gēm riēl. Jethu ē ye la yōn juēc yiic, ku looi kāpath tēnē kōc. Ku kony kōc la gup jakrēc.

³⁹ Yōk aaci kājuēc cī looi gen Jeruthalem ku pan Itharel ēbēn tīḡ, ayī kē cī ye piāāt tim cī rīū kōu bī nōk.

⁴⁰ Ku ben Nhialic cōl apīr ku jōt bei piiny raḡ yic akōl ye nīn diāk, ku cōl anyuth rot yō.

⁴¹ Ku acie kōc ēbēn aa yōok kōc yōk cī Nhialic lōc buk ḡic. Yōk aaci mīth ku dēkku kek ye wäär jōn rotde cōk ciēn.

⁴² Ku lēk yō buk wētde lēk kōc, ku luelku lōn ē yen aci Nhialic lōc bī luk looi tēnē raan ēbēn, kōc pīr ku kōc cī thou.

⁴³ Kōc ēbēn, kōc kāk Nhialic tīḡ aaci jam rienke, ku luelkē na gam raan wēt Jethu, ke Nhialic apēl kāracke piny rienke.”

Kōc cie kōc Itharel aaci Wēi Nhialic lōōny kegup

⁴⁴ Tēwēn ḡot jēēm Pīter, ke Wēi Nhialic lōōny kōc awēn piḡ gup.

⁴⁵ Ku kōc Itharel wäär bō Jopa kek Pīter aake cī gāi, rin cī kek Nhialic tīḡ ke cī mīōcde gām kōc kuat dēt cie kōc Itharel aya.

⁴⁶ Rin aa cik tīḡ ke jam thok kōk, ku luelkē, “Nhialic adīt.” Go Pīter jam,

⁴⁷ “Kōckā aaci Wēi Nhialic bēn tēnē ke cimēnda aya. Nadē, le raan bī ke pēen bī ke cīi muōc nhūim?”

⁴⁸ Ku cōl ke aa muōc nhūim rin Jethu Krītho. Ku lēk Kornelio Pīter bī rēēr ke ke nīn lik.

11

Pīter acā akut Jeruthalem lēk kē cī looi

1 Atuuc Jethu ku kɔc kɔk cī gam pan Judia yic ebēn, ee cīk piŋ lɔn nadē ke kɔc cie kɔc Itharel aake cī wēt Nhialic yet tēnē ke.

2 Tēwēn cī Pīter yet Jeruthalem, go kɔc ke wīc ye ku bī kɔc cie kuat Itharel aa ŋoot ye jāam guŋp ēlā,

3 “Yīn yī ye jāl pan kɔc cie ŋoot, ku yīn yī ye rɔm ke ke!”

4 Go Pīter ke tēt kēriēēc ebēn cī rot looi,

5 “Wāär ē la kēn ca tīŋ ke ya rōök gen Jopa. Ee la kēdīit la tēyēi, la guŋk kaŋuan, ca tīŋ ke luēc piny nhial, ku tēyū piny yalōōm.

6 Ku jāl luiit yic, guō lāāi baai ku lāāi roor ku jɔl aa lāāi wuc keyiic, ku diet roor tīŋ thīn.

7 Ku piŋ rōl ke ye lēk ya, ‘Jot rot Pīter, nāk lāāi ku cuet!’

8 Guō lueel, ‘Acie yic, Bēny! Acīn mīith rēc ca kaŋ cam cīt kākā.’

9 Guō rōl bēn piŋ nhial. ‘Duk tak lɔn le yen kē cī path bī cam tē cī Nhialic ye lueel ka path.’

10 Kēnē acī rot looi arak diāk, ku jɔl kēdīit la tēyēi la guŋk kaŋuan awēn tō lāāi thīn, miit ku dhuk nhial.

11 Kaam thīn awēn ke rōör kadiāk cī tuŋc ya tē cɔl Cetharia yēēt pan awēn rēer yēn thīn.

12 Ku ēcī Wēi Nhialic lēk ya, ba nhom cī thiek ba cath ke ke. Ku jɔl kɔckā kadātem akutdan kɔc cī gam yic ya ruac, jāl Jopa agut Cetharia, ku lok pan Kornelio.

13 Ku lēk Kornelio yo lɔn cī yen atuny nhial tīŋ ke kāāc yenhom yōnde ku lēk ye, ‘Tuōc raan Jopa tēnē mony cɔl Thaimon Pīter bī bēn.

14 Yen abī lēk wēl bī yīn ku miēthku cɔl apoth kērac yic.’

15 Nawēn jaam, ke Wēi Nhialic lōōny kegup cīmēn yon tuen kɔŋ yen lōōny yogup.

16 Ku jal kēnē cī Bēny Jethu lueel yon tak, ‘Joon ē ye kɔc muōc nhīm ē pīu, ku wek aabī muōc nhīm Wēi Nhialic.’

17 Acie kē lēu bī baai dhōl lɔn cī Nhialic kēnē yen cī yiēk yo, yiēk kɔc cie kɔc Itharel aya, ku ē yīk yo wēt cī yok wēt Bēny Jethu gam, ke yēn ya ŋa, ba them ba Nhialic gēl nhom!”

18 Nawēn piŋkē wēl cī Pīter lueel, gokē cī ben jāam guŋp ku leckē Nhialic ēlā, “Kēn yen ē wīc Nhialic aya, ku bī kɔc cie kɔc Itharel kārēc yekē looi puŋl, ku bīk met pīr akōlrīēc ebēn yic!”

Kɔc cī gam pan cɔl Antiök

19 Kɔc ke cī gam aake cī wēer rin cī kek riōōc lɔn nēk ke cīmēn wāär cī Ithipin nāk. Kɔc kɔk ke yiic aacī yet pan cɔl Ponicia ku Thaipruth ku Antiök. Ku keek aake ye kɔc Itharel kepēc kek aake ye lēk wēt yam Jethu.

20 Ku kɔc kɔk ke cī gam, ku aake ye kɔc pan Thaipruth ku Thirene, aake cī la Antiök ku lek Wēt Puōth Yam lēk kɔc cie kɔc Itharel aya. Aa cīk aa lēk thoŋ puōth yam rin Bēny Jethu.

21 Aake cī Nhialic yiēk riel. Go kɔc juēc gam ku yekē Nhialic door.

22 Thoŋ cī kɔc cie kɔc Itharel gam Antiök acī yet tēnē kɔc cī gam Jeruthalem. Gokē Barnaba tuōc Antiök.

23 Wēn cī yen yet ku tīŋ tē cī Nhialic kɔc Antiök daac thīn, ke jɔl puŋu miēt ku jiēem kenhīm ku bīk aa kɔc path yer puōth, nhiar Nhialic piānden ebēn.

24 Barnaba ē ye raan path cī Nhialic gam piānde ebēn, ku ē la guŋp Wēi Nhialic. Kɔc juēc aacī wēt Bēny bēn gam.

25 Ku jɔl Barnaba jāl ku ler pan cɔl Tarthuth ku bī Thawul la wīc.

²⁶ Nawën le yök, gokë bën Antiök. Ku jolkë rëer Antiök ë rušön, ku keek aake ye röm kek kəc cī gam, ku aaci akut dīt apei bën pišöc. Antiök yen ë tēn kəŋ kəc cī gam aa cəl thīn ka Krīthiaan.

Barnaba ku Thawul aaci tušöc Jeruthalem

²⁷ Rušön yen rëer Barnaba kek Thawul Antiök, yen ë tēn jiël kəc kək kək Nhialic tīŋ Jeruthalem ku lek Antiök.

²⁸ Raan tök ke yiic cəl Agabuth ëcī Wēi Nhialic yiëk rial, ku bi lëk kəc lön le yen cəŋdīt bi bën pinynhom ëbën. (Cəŋ kënë aci bën bën ɣon ye Klaudiöth bënyŋaknhom.)

²⁹ Ku abiöth aaci raan tök keyiic ëbën la kënë cī ya tušc wämäthaken cī gam ciëŋ wun Judia.

³⁰ Ku keek aaci wëü kušöt yiic, ku jolkë Barnaba ku Thawul tooc bik ke ɣäth tēnë kəc dīt akut kəc cī gam.

12

Kəc cī gam aaci ŋušt ke gum apei

¹ Ē runkă cək ëcī baai kööl agut Judia, go bēny Judia cəl Ƴërot Agrīpa kəc abëk kəc cī gam yiic cəl aban.

² Yeen aci mēnh Joon cəl Jemith cəl atök yeth pal.

³ Na le tīŋ ke kəc Itharel mit pušt kē cī looi, go Pīter cəl adəm ku mac, (yen kënë ë loi rot ɣon ciem Yan Ayum cīn yic luəu.)

⁴ Nawën cī Pīter dəm ku mac, ke thōn akuut apuruuk kaŋuan bik aa tiit. Ku akušt tök ë la yic kəc kaŋuan. Ee cī Ƴërot Agrīpa tak ku bi Pīter ɣäth luk yic aköl Yan Ayum cīn yic luəu cök ciëen.

⁵ Ku Pīter aci jäl rëer męc yic. Ku kəc cī gam aake ye rök rienke apei tēnë Nhialic.

Atuny Nhialic aci Pīter lušny bei ɣön męc

⁶ Wëer yen bi Ƴërot Agrīpa ye cəl abī luk yic rial, Pīter ë nin kam apuruuk karou ke tit ye. Ee cī rek cīn arëk karou, ku ɣön męc ë tit thok apuruuk kek ke lui akölë.

⁷ Tëwën nyin yic ka atuny Nhialic bō ku kēec ɣöt thok ku mer ɣöt yic. Ku mēŋ Pīter kēt ku pušc bi rot jət ku lëk ye, “Loc rot jət! Ku ban yīkəu!” Nyin yic, ke lušŋ awën cī ye rek lööny wei yecin.

⁸ Ku lueel atuny nhial, “Dut yīyic ku rušk warku.” Go Pīter yeyic duut ku ruk war, ku lëk atuny nhial ye, “Paat alanhdu yīkəu ku bušt ya.”

⁹ Go Pīter jäl biaath cök aɣeer, Pīter ë kēc kēn loi rot deet yic, lön nadë ke kē looi atuny nhial ë yic. Ēcī tak ciët ye nyušt.

¹⁰ Keek aaci jäl tēek akušt tök lööm, akut apuruuk ke tit, ku benkë rëet akut dēt ye kek rou lööm ku jolkë yet kal thok, kal ye gur thok wëeth cī yethok wəl geeu. Go kal yethok ŋaany ë rot ku lek aɣeer. Keek aaci jäl la ke cath dhël yic, nawën ka atuny nhial măr.

¹¹ Ku jöl Pīter kē lui rot ye deet yic ku lueel, “Ēmën aca jal ŋic lön ye yen yic kënë awën ya tīŋ kēcīt nyušt! Nhialic acä tušc atušnyde bā bën kušny bei Ƴërot Agrīpa cīn, ku jöl aa kək ke ye kəc Itharel tīŋ ke bik lušī ya.”

¹² Nawën ŋic lön rëer yen tērac, go la pan Maria man Joon Marko. Ku kəc juëc aake cī kenhīm kut thīn ë ke rōšk.

¹³ Ku jöl Pīter ɣöt təŋ thok aɣeer, go nyan aluaak lui baai cəl Roda la bi raan ɣöt gut thok la tīŋ.

14 Ku ěci Pĭter ȳic röl, go pušu miēt apēi, ku go guō kat ke kēc yōt liep thok, ku le lĕk kōc lōn yen ke Pĭter yen akāāc aȳeer.

15 Go kōc awēn rĕĕr yōt lĕk ye, “Yin aci muōl!” Go lĕk ke lōn ē yic yen aci lĕk ke. Gokĕ lueel, “Ka atiēmde yen aci bĕn.”

16 Ku la Pĭter tueŋ ke tōŋ yōt thok, gokĕ yōt ŋaany thok. Gokĕ tŋŋ ku gĕikĕ.

17 Go Pĭter lĕk ke bik biēt, ku jōl tĕt yic ke yen tĕ cĭ Nhialic ye bĕxi bei thĭn yōōt ē mĕc yic ku lĕk ke, “Lĕkkĕ Jemith ku wāmāthkuan kōk yen kĕ cĭ rot looi.” Ku jiĕl bĭ la tĕdĕt.

18 Na la piny bak, go apuruuk ke tĭt nhĭim la cōt, ku yekĕ rōt thiĕēc kamken, “Yeŋō cĭ rot looi tĕnĕ Pĭter?”

19 Go Yĕrot Agrĭpa apuruuk yōōk bik yōōp. Ku akĕc kĕ bĕn yōk. Go apuruuk cōl adet thook, ku lĕk kōc kōc nōk bĭ ke nōk. Tĕwĕn cĭ ē kĕnĕ rot looi go Yĕrot Agrĭpa jāl Judia, ku ben la ceŋ Cetharia.

Antipāth Yĕrot aci thou

20 Nawĕn cĭ Yĕrot Agrĭpa pušu riāāk tĕnĕ bāny Tire ku Thidon, gokĕ la ke ya akut bik la tŋŋ. Ku ē cĭk kaŋ lĕk Blatuth raan kāk pan bĕny tiit bĭ wĕtden gam. Ku jōlkĕ la tĕnĕ Yĕrot Agrĭpa ku thiĕckĕ bĭ dōōr ke ke, rin keek aake ye mĭith yōk wun yen mĕc Yĕrot Agrĭpa.

21 Naȳon akōl yen cĭ Yĕrot Agrĭpa lueel bĭ yen mat ke ke, go ruk alĕthken bāāny ku nyuuc thōnyde nhom ku jiĕem ke kōc.

22 Ku jōl kōc duōōt aa looi ělā, “Acĭe raan yen jam, Acĭĕk.”

23 Ee tĕĕn, Yĕrot Agrĭpa aci atuny Nhialic bĕn cōl atuany, rin cĭ yen rot looi bĭ a yen ye door ku cie Nhialic yen ye door. Nawĕn ke cuet kām tō yeyāc yic, ku thou.

24 Wĕt Nhialic aci bĕn la tueŋ ku kōc juĕc aaci bĕn gam.

25 Ku Barnaba kek Thawul aaci luoiden bĕn thōl, ku dhukkĕ Jeruthalem ke cath kek Joon Marko.

13

Barnaba ku Thawul aaci lōc ku toc ke

1 Kōc ke cĭ gam Antiōk aake la yiic kōc ke ye kāk Nhialic tŋŋ, ku jōl aa kōc ē kōc cĭ gam piōōc, ku keek aake ye yĭ Barnaba ku Thaimon. (Raan cōl) ku Lukiōth (raan pan Thirene) ku Maneen (ku yen ē ye mĕthĕ bĕny cōl Antipāth Yĕrot) ku Thāwul.

2 Tĕwĕn ye kek rōōk thĭn tĕnĕ Bānyda, ku yekĕ mĭith theek ke ye dhĕl dĕt dōōr kek Nhialic, go Wĕi Nhialic lĕk ke ělā, “Pālkĕ Barnaba ku Thawul ku bik luoi ca lōc ke aa looi.”

3 Ku jōl kōc cĭ gam miĕth aa theek ku rōōkkĕ ku jōlkĕ Barnaba ku Thawul dōōc ku jōlkĕ ke cōl ajiĕl bik luoi cĭ Nhialic lōc ke la luoi Nhialic.

Barnaba ku Thawul aaci keny Thaipruth

4 Barnaba ku Thawul aake cĭ Wĕi Nhialic tooc bik la gen cōl Theleukia ku lek teem kōu riāi ku lek gen tō gool nhom wār ciel yic cōl Thaipruth.

5 Na lek yet gen dĕt cōl Thalamith, gokĕ kōc aa piōōc wĕt Nhialic tĕn amat kōc Itharel. Ku Joon Marko ē cath ke ke rin bĭ keek aa kony luoi.

6 Keek aaci cath ku temkĕ Thaipruth kōu, ku lek gen Papoth yen le kek raan dĕt tiēt cōl Bar-Jethu ke ye raan Itharel, yōk thĭn. Ku ěci rot a nyuōōth ciēt ye raan kōc lĕk wĕt Nhialic.

7 Yen Bar-Jethu ē ye mĕthĕ bĕnydĭt cōl Therjiuth Pauluth, bĕny wun tō gool nhom wār ciel yic. Ku yeen ē ye raan pel nyin apēi. Bĕny ěci Barnaba kek Thawul tuōc ku bik bĕn tĕnĕ ye, rin ē wĭc bĭ piōōc wĕt Nhialic.

⁸ Ku yen luaiden bi kek bəny piöcc eci tiət Elimath (aa kek rienke thonj Girik) duer rac, rin ci yen ye them bi bəny rac nom bi wət Nhialic ci gam.

⁹ Ke Thawul, ku anjic aya lon col ye Paulo, eci Wēi Nhialic la yeguöp, go tiət tijn ku dot apej,

¹⁰ Ku lek ye, “Yin mänh jonrac. Yin raan la ater kek käpath ebən. Yin athianj guöp käreç, ku aye them akolaköl ba yith Nhialic wel bik aa lueth!

¹¹ Yin abii Nhialic jak guöp emən. Yin abi cöör ku yin abi nin näk ke yi ci piny ben tijn.” Nyin yic Elimath, eci kən macär guöp paat nyin piny, ku jol cath ke wic raan bi ye däm cin bi thel.

¹² Nawən tijn bənydit kē ci rot looi, go wət Nhialic gam rin yeen eci gai apaidit kāk ci ke ye piöcc wət Nhialic.

Barnaba ku Paulo aaci la Antiök tō Pithidia

¹³ Paulo ku jol aa kacken cath kek ye aaci wär teem riäi ke jiel Papoth ku lek Perga, wun col Pampilia. Təwən, Joon Marko aci bən puşk ke ke ku dhuk Jeruthalem.

¹⁴ Ku ben kē jal Perga ku yeetkē Antiök tō wun col Pithidia. Nawən aköl lonj, aköl ci kōc ē luui, go Barnaba ku Paulo la tən amat ku nyuuckē thin.

¹⁵ Nawən ci löönj Mothith, ku jol aa wəl kōc kāk Nhialic tijn kueen, go bāny tən amat wət lek Barnaba ku Paulo elä, “Wämäthakua wek aa wicku bāk kōc jāām nhüim, tē le yen wət bi ke riel pušt bāk lek ke.”

¹⁶ Go Paulo rot jot, ku nyooth yecin bi kōc biet. Ku jol jam elä, “Wek mēthkiē pan Itharel, ku jol aa kōc cie kōc Itharel Nhialic door, pienkē wētdiē.

¹⁷ Nhialic kōc Itharel eci wärkuan dit löc ku looi ke ke ye kuatdit ril tör təwäär ciēnj kek ke ye alai wun col Ijip. Keek aake ci Nhialic bēi bei Ijip rielde.

¹⁸ Ku aci käreç yekē luži ye gum roor rušön thiärjuan.

¹⁹ Ku Nhialic aci wušt kadorou cuöp wei pan Kanaan. Ku looi kacke bi aa kek la piny,

²⁰ tēcit run buot karjuan ku thiärthiēc.

“Wən ci kən rot looi, go Nhialic ke yiek kōc mac ke agut tē tul raan kāk Nhialic tijn col Thamuel.

²¹ Nawən thiēckē Nhialic bi ke yiek bənyjaknom, go Nhialic ke yiek Thawul raan many Kic, kuat Benjamin yic, ku bi ya bəny rušön thiärjuan.

²² “Nawən ci Thawul nyaai bāäny yic, go Nhialic Debit looi ke ye bənyjaknomden. Ku kən ci Nhialic lueel rienke akın, ‘Aca yök lon Debit, wən Jethe yen ē raan yen wiēc. Ku ē yen raan bi kāk wiēc kē bik röt looi, aa looi.’

²³ “E ye Jethu raan kuat Debit, yen ci Nhialic looi ke ye raan bi kōc Itharel luşk, tēcit tē ci yen ye luēl thin wäär.

²⁴ Wäär kēc Jethu luaide jōk, ke Joon eci kōc Itharel kanj lek wət Nhialic. Ku ye ke yōšk bik muöl luai käreç, ku colkē röt aa muoc nhüim pü.

²⁵ Na wäär ci luai Joon thišk kek thök, go kōc thiēc elä, ‘Yakē tak ya ŋa? Acie yen raan tietkē. Raan tietkē abi lök bən yacök. Ku acie yen raan lēu ye ba warke dāk bei yecök.’

²⁶ “Wek wämäthkiē Itharel, mīth Abaram, ku jol aa wek kōc cie kōc Itharel rēer tən Nhialic door. Wēt bi kōc kony bi kōc ci la pan mac aci lek yo.

²⁷ Ku yeen akēc kōc ke ciēnj Jeruthalem ku bānyken ŋic, lon nadē ke yen raan bi kōc bən kony. Ku keek akēc wəl deet yiic aya, wəl ke ye kōc kāk Nhialic tijn

lëk ke wäär ye kueen akölaköl, aköl löŋ. Ku keek aaci wël kóc kāk Nhialic tūŋ cöl aa tiŋŋ kenhūm, rin cī kek Jethu cöl anāk.

²⁸ Cak alon cīn yen yiny cik yök bī ke ye tēm thou, gokē ŋuət ke thiēc Pilato bī dhieł nök.

²⁹ Ku wēn cī kek keriēc ebēn looi, kāk ke cī gōt athōr thēer wēł Nhialic yic rienke, gokē jat piny tim cī rīū kōu ku lek thišk raŋ yic.

³⁰ Ku yeen aci Nhialic cöl aben pīr.

³¹ Ku aaci rot nyuəth kóc ke ye cath kek ye kam Galilia ku Jeruthalem nīn juēc yiic. Kek kōckā, kek aaci kāk cī rōt looi tūŋ, ku lēkkē ke kóc Itharel.

³²⁻³³ “Ku yök aaci bēn buk we bēn lēk thoŋ path cī Nhialic yepuəu tōŋŋ ke bī luŋi wārkuan dīt. Acī luŋi yō emēn yök miēthken, rin cī yen Jethu cöl aben pīr ke cī thou. Cīmēn cī ye gōt elā waak rou athōr thēer wēł Nhialic yic, ‘Yīn ee wēndiē, yēn aci ya Wuur akölē.’

³⁴ “Ku yen kēnē yen ē kē cī Nhialic lueel, lōn bī yen ye cöl aben rot jōt thou yic, ku bī cīi kōŋ dhiəth raŋ yic, ‘Yīn aba yiēk yath, ku yīn aba dōc cīt tēwäär, cī yēn yapuəu taan thīn tēnē Debit.’

³⁵ “Ku ē yic alanden, ēcī lueel kēlā wēt dēt cī gōt yic, ‘Yīn acā aluonydu bī puəl bī dhiəth raŋ yic.’

³⁶ “Ku yen Debit ē ye kāk Nhialic looi wäär pīir yen, ku jōl thou ku thiäk tē cī wārken dīt thišk thīn. Ku guəpde aci bēn dhiəth raŋ yic.

³⁷ Ku kēn akēc rot looi tēnē raan cī Nhialic jōt bei raŋ yic.

³⁸⁻³⁹ “Awiēc bāk ŋic wek wāmāthkiē Itharel, lōn nadē ke rin Jethu yen abī kārēc pāl piny tēnē kóc. Raan bī wētde gam abī adumuəəmke pāl piny tēnē ye. Ku kēnē ē kēc löŋ Mothith looi wäär tēnē we.

⁴⁰ Tääukē wenyīn piny apath bī kē cī kóc kāk Nhialic tūŋ, cik lēk kóc elā rot cīi lui we,

⁴¹ ‘Tiēŋkē wek kóc kóc dōl gup! Gäikē ku wek aabi liu, rin kē luəoi akölē! Acie kē bāk gam, cōk alon bī raandā ye teet yic tēnē we!’ ”

⁴² Wēn jiēł Paulo ku Barnaba tēn amat, goke yōšk ku bīk bēn bēn aköl dēēt amat bīk wēt lööŋ Nhialic bēn ber yic.

⁴³ Wēn cī kóc jāl amat yic, ke Paulo ku Barnaba ruēc kóc juēc Itharel, ku kóc juēc cie kóc Itharel cī ciēŋŋ kóc Itharel gam. Ku jōl Paulo kek Barnaba lēk ke bīk kepuəth dēet, ku bīk pīr ke ŋōth piath Nhialic.

⁴⁴ Nawēn aköl dēt amat, ke kóc juēc apei bō amat yic aabi ciēt kóc ebēn geu kek cī guēer bīk bēn piŋ wēt Nhialic.

⁴⁵ Nawēn tūŋ kóc Itharel akut dīit kēnē ke dām tiēel ke. Ku yekē wēt lueel Paulo dhōł yic ku yekē lat.

⁴⁶ Ku Paulo kek Barnaba aaci bēn jam apei kēlā ke cīi rōc, “Kēn yen bī rot kaŋ looi tuēŋ, ee lōn bī we lēk wēt Nhialic. Ku na cāk kuēc bāk wēt Nhialic cīi gam, ku yakē rōt yök ke we cie kóc wīc pīr akōlriēc ebēn, ke wek aa buk nyāāŋ piny ku lok tēnē kóc kōk cie kóc Itharel.

⁴⁷ Rin yök aaci Nhialic yōšk elā, ‘Wek aaca looi ke we cīt mermer tēnē kóc cie kóc Itharel, rin bī raan ebēn pinyhom poth la pan mac.’ ”

⁴⁸ Nawēn piŋ kóc cie kóc Itharel wēt kēnē, gokē puəth miēt ku leckē wēt Nhialic cik piŋ. Ku kóc ke cī lōc bīk aa kóc pīr akōlriēc ebēn aake cī bēn gam.

⁴⁹ Wēt Nhialic aci bēn yēt bēiikē yiic ebēn.

⁵⁰ Go kɔc Itharel, kɔcdit baai γευ yic eb̄en b̄en rac nhiim agut diäär kɔcdit cie kɔc Itharel Nhialic door. Ku aaci Paulo ku Barnaba b̄en cuɔp wei panden.

⁵¹ Go atuuc Jethu m̄el kuē̄ɲ ku tenjē kecök rin ci kek puõth riääk tēnē ke. Ku jiēlkē ku lek pan cɔl Ikonia.

⁵² Kɔc ke cī gam Antiök aake cī Wēi Nhialic la kegup, ku keek aake mit puõth apeɪ.

14

Paulo ku Barnaba aa kɔc Ikonia l̄ek Wēt Puõth Yam

¹ Kēcit kēwäär cī rot looi tēnē Paulo ku Barnaba Antiök acie yic b̄en ber aya tēnē ke Ikonia. Paulo ku Barnaba aake cī la yōn ye kɔc Itharel mat th̄in, ku jiēmkē arēk bī kɔc juēc Itharel ku kɔc cie kɔc Itharel wēt Jethu gam.

² Ku kɔc kōk Itharel cī kuc b̄ik wēt cīi gam, aaci kɔc Ikonia luõm thook b̄ik kenhiim w̄el Paulo ku Barnaba.

³ Ku Paulo kek Barnaba aaci r̄ēer Ikonia nin juēc. Ku jiēmkē apeɪ rin Jethu ke cīi riõc, ku wēt yekē lueel eb̄en ē yic, rin cī Jethu ke yiēk riel b̄ik kāk jāɲ gōi aa looi.

⁴ Ku kɔc juēc tō geeu aake cī keyiic tek, kɔc kōk aake w̄el kɔc Itharel piɲ ku gam kɔc kōk wēt atuuc Jethu.

⁵ Nawēn ke m̄et kɔc Itharel yic kek kɔcken dit ku kɔc Konya b̄ik agaac jɔok, ku wickē b̄ik ke nōk.

⁶ Nawēn la kɔc piōoc wēt cī mat yōk cōk, gokē rinj tē cɔl Likonia tō gēeth Lithtra ku Derbe th̄in.

⁷ Ku piōockē Wēt Puõth Yam Bāny Jethu ē gēethkā yiic.

Paulo aci dūer n̄ak Lithtra

⁸ Mony cī ruai, cie cath, yecök yōc piiny tēwäär dhiēeth ye ē tō gen Lithtra.

⁹ Ku ē ye w̄el Paulo piɲ. Go Paulo tiɲ ke cī gam ku peth bī kony. Go dōt,

¹⁰ ku lueel, “Jot rot ba kōõc!” Go rot wuõl nhial ku cieth.

¹¹ Nawēn tiɲ kɔc juēc kē cī Paulo looi, gokē jam apeɪ thonjen Likonia, “Aciēek cīt kɔc aaci b̄en piny nhial tēnē yoi!”

¹² Ku ciēkkē Barnaba ke cɔl Deuth ku ciēkkē Paulo ke cɔl Ȳermith rin ē yen raan ye w̄elken lueel.*

¹³ Go raandit jɔɲ cɔl Deuth door, jɔɲ r̄ēer yiēɲde kal thok miōor la yiēth adir cī cuēc yōok b̄ēi. Ku wic kek kɔcken juēc r̄ēer ke ye b̄ik atuuc door ē ke.

¹⁴ Nawēn piɲ Barnaba ku Paulo ke wickē b̄ik looi, gokē alāthken ret yiic kekõth b̄ik nyuõth lɔn cīi kek kēcit kēnē wic, ku rinjē ciel th̄an awēn yic ku lueelkē,

¹⁵ “Yenō looi wek kēnē? Yōk aa kɔc ē path cimēndun. Yōk aaci b̄en buk Wēt Puõth Yam Jethu b̄en lueel, ku buk we nyaai kāk yakē doorkā yiic rin c̄in kek w̄ēden yic, ku bāk aa door Nhialic tōɲ pir, cī nhial ku piny ku w̄er kek kākkih tō th̄in eb̄en cak.

¹⁶ Wāth̄eer Nhialic ēcī kɔc puõl b̄ik kākken cik tak aa door.

¹⁷ Ku Nhialic ē rot nyuõth akōlakōl k̄apuõth ye looi yiic tēnē kɔc. Ee denj cɔl atuyu ku lok k̄āɲ eb̄en cīt tēden ye kek luok, ku mitkē puõth.”

¹⁸ Cɔk awēn kēc kockā w̄elken lac gam, ka cik b̄en lēu b̄ik kɔc d̄ak b̄ik miōor cīi n̄ak.

¹⁹ Nawēn ke kɔc Itharel kōk bō Antiök gen tō Pithidia, ku bō kɔc kōk Ikonia, ku r̄eckē kɔc nhiim ku biōökkē Paulo ku yōckē ayeer geeu, ku takkē lɔn cī yen thou.

²⁰ Nawën la kɔc cī gam kenhiim kut yelššm, ke jɔt rot ku dhuk geeu. Naγɔn nhiäk ke la Derbe kek Barnaba.

Paulo ku Barnaba aacī dhuk gen Antiök tš Thiria

²¹ Paulo ku Barnaba aacī Wēt Puoth Yam lək kɔc Derbe ku gam kɔc juēc wēt Jethu. Nawën ke dhuk Lithtra. Ku lek Ikonía ku jəl a Antiök tš Pithidia.

²² Ku lëkkë kɔc cī gam bik gamden muk apath, ku lek tuɛj ke nhiar Jethu. Ku lëkkë ke pišɔcɔden yic ëlä, “Kɔc cī gam ëbën aa dhil gum é pir kënë yic rin bí kek met báány Nhialic yic aköldä.”

²³ Ku kuanykë kɔcɔdit akuut kɔc cī gam yiic ëbën, ke cī kaɲ röök tënë Nhialic. Ku thekkë miéth rin bí kek Nhialic kaɲ door. Ku jolkë ke than Bëny Jethu cin, raan cī kek wëlke gam.

²⁴ Tëwën kueny kek Pithidia yic, gokë bën Pampilia.

²⁵ Ku piöockë Wēt Puoth Yam tënë kɔc gen Perga ku lek Atalia.

²⁶ Ku tšën ke gër, ku dhukkë Antiök, tšwäär cī kɔc cī gam ke thõn Nhialic thïn rin luoiden cīk thõl.

²⁷ Wën cī kek yëët Antiök, ke kuut kɔc cī gam nhiim ku lëkkë ke kajuéc cīk looi riel Nhialic, ku nyooth Nhialic lɔn alëu bí kɔc cie kɔc Itharel gam aya.

²⁸ Ku rëerkë Antiök pëi juéc kek kɔc cī gam.

15

Löj Mothith

¹ Kɔc kɔk pan Judia aacī bën Antiök, ku piöockë kɔc cī gam ëlä, “Wek aacīi Nhialic bí kony tš cīi we dhil ŋoot, cīt tš cī löj Mothith luël ye.”

² Go Paulo kek Barnaba jam apëi rin é wët kënë kek kɔc awën bš Judia. Nawën ke mat yic, bí Paulo ku Barnaba ku kɔc kɔk Antiök la Jeruthalem bik wët kënë la jáam yic kek atuuc Jethu ku kɔcɔdit kɔk.

³ Go akut kɔc cī gam ke jal tooc, ku wën tëek kek Ponicia ku Thamaría, ee cīk lək kɔc lɔn cī kɔc kɔk cie kɔc Itharel wët Nhialic gam. Wët kënë acī kɔc cī gam ëbën cɔl amit pušh.

⁴ Nawën yëëtke Jeruthalem é ke lor akut kɔc cī gam, ku atuuc Jethu ku kɔcɔdit, kɔc cīk bën lək kajuéc cī Nhialic ke kony bik ke looi.

⁵ Go kɔc kɔk akut Parathī cī gam röt jat nhial ku luelkë, “Keek aa dhil ŋoot ku lək ke bik löj Mothith dhiel theek.”

⁶ Go atuuc Jethu ku kɔcɔdit kenhiim mat bik wët kënë tak yic.

⁷ Wën cī kek wët jáam yic apëi, ke Píter jɔt rot ku luel. “Wek kackië anjeckë lɔn yen acī Nhialic lɔc wäär kamkun, ba Wēt Puoth Yam lək kɔc cie kuat Itharel, rin bí kek wët Bëny piɲ ku gamkë.

⁸ Ku Nhialic anjic kë tš raan ëbën pušu, acī nyuwoth lɔn yeen alëu kɔc kɔk cie kɔc Itharel bik gam aya cimën cī yen Wëike cɔl abš tënë ke, cimën wäär cī yen ye luši yo aya.

⁹ Acī nyuwoth lɔn yok kɔc Itharel ku thäi kɔk, yok aa thõj ëbën, ku nyëei käreɔ kepušh rin cī kek gam.

¹⁰ “Na ye këya, ke yeŋö looi wek kë cī Nhialic nyušt we bäk cīi loi, rin wíc wek ye é path bäk tš bí yen pušu riëek thïn tūj. Tš jɔt yok kɔc cī gam nhiim kërill këc wärkuan dīt ku yo aya, kaɲ lëu buk yäac?”

¹¹ Acie tède! Ayeku gam lɔn bí yo kony rin piath Bëny Jethu, ku abī ya tède aya tënë ke.”

12 Go akut ebën biēt ku piŋkē kāk jāŋ gōi cī Nhialic cōl aa looi Barnaba ku Paulo ke, kam kōc kōk cie kōc Itharel.

13 Wēn cī kek thōk jam, ke Jemith jōt rot ku bēer ēlā, “Piēŋkē wētdiē wek kōc akuōtda!

14 Acī Thaimon tēt ɣo tē cī Nhialic ye nyuōōth thīn lōn ye kōc cie kuat Itharel kacke aya, rin cī yen kōc kōk nyaai keyiic bīk aa kacke.

15 Ku wēl kōc kāk Nhialic tīŋ aacī rōm kek ē wēlkā alanden. Cīmēn cī ye gōt athōr thēer wēl Nhialic yic ēlā,

16 ‘Ku lueel Bēny, ɣen abī dhuk, ku ɣen abī many Debit cī riāāk bēn jōt nhom. Ku bēn kākken cī riāāk cōk piny bīk riēl.

17 Ku kēya, kōc ebēn aabī Bēny wīc, kōc cie kōc Itharel ca cōl bīk aa kackiē.

18 Yen ee wēt cī Bēny lueel akan, Bēny yen cī wēt kēnē cōl anjic thēer.’

19 “Ku la Jemith tueŋ ku lueel, na ye ɣen, ke ɣok aacī kōc cie kōc Itharel cī Nhialic dhuōk rēēm nhūim.

20 Anuēēn buk ke gāt athōr ku lēkku ke, bīk cīi mīth kuat miēth cī ke jakrēc door, ku titkē rōt bīk gup cīi la akōr. Ku cik riēm cam ku cik cuēt riŋ lān kēc teem rōl bī riēm kuēr.

21 Rin lōŋ Mothiath acī kueen run juēc yiic, ɣōn ye kōc Itharel mat thīn akōōl cīi kek ē luui yiic, ku wēlkā aaye piōōc ɣēeth yiic ebēn.”

Athōr cī gāt kōc cie kōc Itharel cī gam

22 Nawēn ke atuuc Jethu, ku kōcdit kek kōc akut kōc cī gam ebēn, mat wēt yic bīk rōōr abēk akut yic kuany, ku bīk ke tuōōc Antiōk kek Paulo ku Barnaba. Gokē Judath cōl Barthabath aya, ku Thilath kōc theek akut rin luōiden, kuany.

23 Ku ɣēmkkē ke athōr kēnē tēnē kōc cī gam Antiōk,

“ɣok atuuc Jethu ku kōcdit, miēthakun, ɣok aacī miāthda tuōc miēthakua cie kuat Itharel ciēŋ gen Antiōk, ku pan Thiria ku Cilicia.

24 Acuk piŋ lōn cī kōc kōk akuōtda yic la ku rēckē wepuōth kāk yekē lueel, ku keek aa kēcku ke tooc bīk kākka aala lueel.

25 Kēya, ɣok aacī ɣonhūim mat ku gamku buk kōc kuany ku tucku ke we. Ku aabī la kek wāmāthkuan nhiarku Barnaba ku Paulo,

26 cī wēiken gam bīk luui rin Jethu Kritho.

27 Wek aa tucku Judath ku Thilath, bīk we lēk wēl cī gōt athōr kēn yic aya.

28 Acī Wēi Nhialic tāau ɣopuōth bī ciēn lōŋ ril dēt metku ē lōōŋ cī gāt we kā yiic.

29 Ku wek aa cīi kākka dhil loi, duōkkē ye mīth miēth yeke jakrēc door, duōkkē riēm cam, duōkkē cuēt riŋ lān kēc teem rōl bī riēm kuēr, ku tiētkē rōt bāk gup cīi la akōr. Na luōikē kākka cīt ēmēn cī ɣok ke lēk we, ke luōidun abī piath. Yenakan.”

30 Ku toockē atuuc Antiōk. Nawēn cik ɣet, ke mat kōc cī gam ebēn nhūim ku ɣēmkkē ke athōōr.

31 Wēn cī kek athōōr kueen ē ke mit puōth rin cī wēl cī gōt athōōr yic ke dēet puōth.

32 Judath ku Thilath, kōc ke jam nyin Nhialic aya, aacī jam apei kek kōc cī gam bīk ke dēet puōth ku rilkkē puōth.

33 Tēwēn cī kek nin nōk ke ke lony wāmāthakua dhōl bīk dhuk ke puōl gup tēnē kōc ke toc ke. [

³⁴ Ku Thilath acie nhom bën waar ku döŋ.]

³⁵ Paulo ku Barnaba aake cī pēi nōk Antiök, ke piöoc wēt Bēny kek kōc juēc kōk tēnē kōc Antiök.

Paulo ku Barnaba aaci pušk

³⁶ Nawēn cik pēi nōk Antiök, ke Paulo yöök Barnaba, “Dhukku ciēn gēeth wäär yiic cī yok Wēt Puōth Yam pišoc thīn, buk wāmāthakua la neem, ku buk tīŋ lōn le kek tuenj apath kek gamden.”

³⁷ Ku ē wīc Barnaba bī Joon Marko cath ke ke,

³⁸ ku akēc Paulo tak lōn puōth yen bī cath ke ke rin aci bēn dhuk Pampilia, ku cī rēēr ke ke bīk luaiden thāāp kedhie.

³⁹ Wēt kēnē acik tēer apēi nawēn ke pušk. Ku jiēl Barnaba kek Joon Marko ku geerkē Thaipruth.

⁴⁰ Ku cōl Paulo Thilath bī cath kek ye, ku pēl miēthakēn ke dhōl bī Nhialic ke cōl aa cath ke puōl gup.

⁴¹ Ku jōlkē la Thiria ku Cilicia kek Thilath, ke deet kōc cī gam puōth bīk gamden muk apath.

16

Timothī aci cath kek Paulo ku Thilath

¹ Paulo aci cath bī la Derbe ku Lithtra tē ciēŋ Krīthian cōl Timothī thīn. Man Timothī ēcī gam aya, ku yeen ē ye nyan kuat Itharel, ku wun ē ye Girik.

² Kōc le yok gam tōk ēbēn Lithtra ku Ikonía, aake ye ŋiec jam rin Timothī.

³ Go Paulo Timothī cōl anjot rin wīc yen ye bīk cath. Ee looi kēya rin anjic kōc Itharel ke ciēŋ Derbe ku Lithtra ēbēn lōn ye wun Timothī Girik, kuat cie ŋoot.

⁴ Tēwēn ye kek jāl gen ku lek gen, aake lōōŋ cī atuuc Jethu ku kōcdit tō Jeruthalem guir tēt kōc cī gam, ku lēkkē ke bīk aa luui cit tē wīc atuuc Jethu ku kōcdit tō Jeruthalem ye thīn.

⁵ Kēya, kōc akut kōc cī gam aaci cōk puōth bīk gamden cīi war, ku kōc cī gam aaci rōt aa juak akōlakōl.

Paulo ku Thilath aaci la Troath

⁶ Paulo ku Thilath aaci Prigía ku Galatia bar yic, rin cī Wēi Nhialic ye nyuōth ke bīk Wēt Puōth Yam cīi piöoc ē bēēi Athia kā yiic.

⁷ Tēwēn cī kek aken Mithia dōōt, ke wīckē bīk la pan cōl Bithinia, ku keek aaci Wēi Nhialic nyuāāth bīk cīi tēk thīn.

⁸ Gokē Mithia bar yic ku lek Troath.

⁹ Ku ē wēēr kēnē Paulo aci kēdāŋ tīŋ kēcīt raan Mathedonia ke kāac yenhom ku lēŋ. “Bäär yīn Paulo Mathedonia ba yo bēn kony.”

¹⁰ Wēn cī Paulo nyuōth ē kēnē, goku rōt guir buk la Mathedonia, rin acuk ŋic lōn cī Nhialic yo cōl buk Wēt Puōth Yam la pišoc tēnē kōc Mathedonia.

Paulo ku Thilath aaci la Pilipi

¹¹ Goku jāl Troath ē riāi ku gērku buk teem Thamodhraki, naŋōn nhiāk dēēt yo la Nipolith.

¹² Ku jiēlku Nipolith ku lok Pilipi gen tuenj ye kaŋ thiōk tē le kōc Mathedonia, ku yen ē ye gen rēēr kōc Roma thīn. Ku nākku nīn juēc geeu.

¹³ Nawēn akōl cīi kōc Itharel ē luui ke yo jiēl geeu, ku lok wāryōu tē yeku tak lōn ye kōc Itharel kenhīim mat thīn bīk rōök. Ku nyuucku piiny ku jīemku tēnē diāār ke ci kenhīim mat thīn aya.

14 Kam kɔc cī wēlkua piŋ ē kɔc ke tō thīn yiic, ee tiŋ gen Thiatira cɔl Lidia, ku ē ye ɣɔc wei alēth mīthiōōŋ ril ɣōnyden yic apeī. Lidia ē ye Nhialic door, ku ēcī Nhialic cōk pušu bī wēt lueel Paulo piŋ.

15 Wēn cī ye gām lōkwēi kek kɔc ciēŋ baai kek ye, ke cɔl ɣo ku lēk ɣo, “Bāk, rērkē paandiē, tē cī wek ye gam lɔn cī ɣen gam ayic.” Ku lēŋ ɣo buk la baai.

Paulo ku Thilath aaci mac Pilipi

16 Naɣɔn akāl tōk, tēwēn le ɣok tē ye kɔc la rōōk thīn, ke ɣo rām kek nyan alony la guōp jɔŋ ye cɔl alēk kɔc kē bī rot looi. Ku yeen ēcī wēū juēc apeī bēēi tēnē kɔcken cī ye loony.

17 Nawēn ke buōth Paulo ku ɣo ēbēn ke loi duɔt, “Kōckā aa lui rin Nhialic Madhɔl. Aa yīn lēk tē bī Nhialic yī kuōny thīn.”

18 Ku looi kēya nīn juēc, agut bī Paulo pušu riāāk, ku wel yenhom ku lēk jɔŋ tō nya guōp, “Rin Jethu Krītho bāār bei ē nya guōp!” Ee kaam wēn, ke jɔŋrac jiel yeguōp.

19 Nawēn le kɔc cī yeen loony tiŋ, ke nyan alony cīn wēū ye bēn bēēi tēnē ke, gokē Paulo dɔm ku Thilath ku thelkē ke luk yic.

20 Ku ɣēthkē ke bāny nhīim ku luelkē, “Rōōrkā aa kɔc Itharel, ku keek aa loi aliāāp genda.

21 Aa ɣook piōc buk kāk liu ciēŋda ku lōōŋkua yiic, aa looi. ɣok aa kuat Roma. Kēya, ɣok aaci dhil luui kāk yekē lēk ɣo buk ke looi.”

22 Ku met thān awēn kāāc luk kōu wētden yic ku biēkkē ke, ku ret bāny alēth Paulo ku Thilath yiic kekōth, ku cōlkē ke aa that.

23 Wēn cī apuruuk Paulo ku Thilath that ku biēkkē ke apeī, ku riitkē ke yōn mēc, ku yōōk bēny apuruuk ē tūt kɔc cī mac, bī ke der rin bī kek cī kat.

24 Nawēn piŋ apuruuk ē wēt kēnē, ke riitkē yōn tō ciēn ku rekkē kecōk, ku mēckē ke gurgurdit thiek kōu.

25 Nawēn tēcīt wēēr ciel yic, ke Paulo ku Thilath aake rōōk ku ketkē waak door kek Nhialic, ku kɔc kōk ke cī mac kek keek aake piŋ.

26 Kaam awēn ke piŋy yiēk rot apeī, ku yiēk tēwēn cī yōn mēc buth thīn aya. Nyin yic tēwēn ke ɣōōt ŋany kethook, ku dāk luōŋ werwer kecōk.

27 Go bēny apuruuk wēn tit ɣōt thok rot puur ku tiŋ ɣōōt ke ŋaany thook, ku tek lɔn cī kɔc cī mac rōt kual, go palde miēēt bei, ku wic bī rot nōk.

28 Go Paulo rēl apeī, “Duk rot nāk! ɣok aatō tēn ēbēn!”

29 Go bēny apuruuk mac cɔl, ku rin ɣōt ku wīk Paulo ku Thilath cōk ke leth.

30 Nawēn ke wēt nhīim aɣeer ku thiēc ke, “Wek bāny, yerō ba looi bī ɣa kony?”

31 Gokē lueel, “Gam wēt Bēny Jethu, ke yīn akony wek kacku.”

32 Nawēn ke jɔl wēt Bēny Jethu piōc tēnē ye ku tēnē kɔc kōk tō paande ēbēn.

33 Ku ē wēēr kēnē, ke Paulo ku Thilath nyēci bēny apuruuk wēn ke bī tētōōkken la lōk yiic ku dēr keyiic, ku muɔc nhom nyin yic kek kacke ēbēn.

34 Ku ɣēth Paulo ku Thilath paande ku gēm ke miēth. Ku jɔl pušu miēt kek kacke rin cī yen wēt Nhialic jal gam.

35 Naɣɔn nhiāk ke bāny geeu toc bāny apuruuk, “Lak, lēkkē bēny apuruuk tīt yōn mēc bī Paulo ku Thilath lony.”

36 Go bēny apuruuk tīt lēk Paulo, “Bāny aaci wēt tooc rienkun bī we lony. Kēya, wek aaci puōl bāk jal ke cīn awuōc yīk we.”

37 Go Paulo lueel tēnē bēny apuruuk, “ɣok aa kēc ɣāth luk yic, ku ɣok aaci bāny cɔl athat thēi nhom ku mac ɣo, ku ɣok aa kɔc Roma! Ku ēmēn, awickē

buk jäl yo cii njic? Acie tēde! Kek bāny nhūim, aa dhil bēn tēn bīk yo bēn lušny bei.”

³⁸ Go bāny apuruuk wēt cī Paulo ku Thilath lēk ke la kuany yic tēnē bāny geeu. Nawēn pinjē lōn ye Paulo ku Thilath kōc Roma, gokē rišōc.

³⁹ Ku lek bīk ke la lōn, bīk wēt pāl piny tēnē ke, ku bīkē ke bei yōn mēc ku lēkkē ke bīk jāl geeu.

⁴⁰ Go Paulo ku Thilath jāl ku lek pan Lidia. Ku matkē kenhūim thīn kek kōc cī gam, ku jīemkē tēnē ke wēl deef kek kepušth ku jīelkē.

17

Kōc Thethalonika aacī wēt Paulo maan

¹ Paulo ku Thilath aacī tēek gēeth karou yiic, gen Ampipoli ku Apolonia, ku jōlkē bēn Thethalonika tē rēer tēn ye kōc Itharel kenhūim mat thīn bīk rōök.

² Go Paulo, cimēnden thēer, la tē ye kōc Itharel kenhūim mat thīn, ku akōōl yiic kadiäk, akōōl cī kōc Itharel ye luui, ke Paulo jōl kāk cī gōt athōr thēer wēl Nhialic yic aa tēer kek kōc.

³ Ku nyuth ke kē cī gōt athōr thēer wēl Nhialic yic, ee lōn bī Jethu Kritho raan cī Nhialic tooc abī dhīel gum, ku jōt rot thou yic. Ku lueel Paulo ēlä, “Jethu jīem yēn rīenke tēnē we ēmēn, yen aci Nhialic lōc ku dōoc.”

⁴ Go kōc kōk kāk cī Paulo lueel yōk ke ye yith, ku mētkē rōt Paulo ku Thilath, ku yen lan kōc juēc Gīrik Nhialic door aya, ku diäär kōk kōcdīt.

⁵ Ku kōc Itharel aake cī tiēel dōm rin cī kōc juēc wēt Paulo gam, ku kuutkē kōc aliäp dhāl yiic, ku matkē keyiic ku loikē duōt, ku mēkkē pan Jathon ku wickē Paulo ku Thilath yōōt yiic bīk ke bēxi ayeer tēnē kōc.

⁶ Nawēn cīk ke yōk, gokē Jathon ku kōc kōk cī gam thel tēnē kōcdīt geeu ke loi duōt ēlä, “Rōörkā aacā liäp looi gēeth juēc yiic, ku ēmēn aacī bēn gēnda.

⁷ Ku aacī Jathon nyušōc paande. Keek aacī lōōn bēnyḡaknhom Roma dhāl yiic, ku luelkē ka la bēnyḡaknhom dēt yam cōl Jethu.”

⁸ Ku wēlken kā, aacī thāndīt geu ku bāny liäp nhūim.

⁹ Ku jōl bāny Jathon ku wāmāth kōk awēn cōl aa tēu wēu piny bīk rōt waar, ku pālkē ke bīk jāl.

Paulo ku Thilath aacī la Beria

¹⁰ Tēwēn cī piny cuōl, ke kōc cī gam cōl Paulo ku Thilath aa la Beria. Nawēn cīk yet, ke la tē ye kōc Itharel mat thīn.

¹¹ Aye kōc Itharel tō Beria nhīaar bīk wēt Paulo pinj tēnē kōc Thethalonika. Ku aake wēl Nhialic kueen akōlakōl, bīk tīn lōn ye kāk ye Paulo lueel yith.

¹² Kōc juēc aacī wēt Jethu ye Paulo lēk kōc bēn gam. Ku diäär juēc kōcdīt Gīrik, ku rōōr juēc Gīrik aacī wēt ye Paulo lueel bēn gam aya.

¹³ Nawēn le kōc Itharel tō Thethalonika pinj lōn cī Paulo wēt Nhialic la pišōc Beria aya, gokē bēn ku kuutkē kōc thook bīk aliäp looi.

¹⁴ Tēwēn nyin yic, ke kōc cī gam cōl Paulo ajiēl kek kōc kōk bīk la wath thok, ku dōn Thilath ku Timothī Beria.

¹⁵ Ku kōc awēn ruēc Paulo aacī bēn ger kek ye, bīk yet Athen. Ku dhukkē Beria kek athōn Paulo tēnē Thilath ku Timothī, bīk rōt lac māt ye.

Paulo aci la Athen

¹⁶ Tēwēn tiit Paulo Thilath ku Timothī Athen, ee kēc pušū la yum wēn tīn yen geu ke cī thiān yīik ye kek jakken door thīn.

¹⁷ Go jāl a teer kek kōc Itharel, ku kōc wušt kōk Nhialic door tē ye kōc Itharel mat thīn kek thān dēt guēr tē ye kōc kenhūim mat thīn geeu, bīk wēlkā bēn pinj.

18 Go kɔc kɔk piöc Epikuria ku Ithtɔk jam kek ye aya. Ku lueel kɔc kɔk, “Yenö wic raan kënë kęc piöc, bi lueel?” Ku ben kɔc kɔk lueel, “Yen ë ciët jam rin jak kucku.” Ee luelkë këya rin Paulo ë piöc rin Jethu, ku lɔn ye kɔc röt jöt jöt thou yic.*

19 Gokë Paulo cɔl amat yic, amat ë rɔm gɔn cɔl Ariöpakuth nhom ku luelkë, “Awicku buk piöcɔdun yam ye lueel kënë njic.

20 Kɔk yeku piŋ ke ye lueel, aaci thöŋ kek kɔk cuk kaŋ piŋ, ku awicku buk wëtɔden yic, njic.”

21 (Rin anhiεεr kɔc ke dhiëth Athen, ku thäi kɔk la rëer thün, bik kɔc aa lëk wël yam cik piŋ, ku piŋkë kɔk yam tënë kɔc kɔk aya.)

22 Go Paulo rot jöt ku këc amat Ariöpakuth nhom ku lueel. “Kɔc Athen! Aya tiŋ kajuëc yiic lɔn ye wek jak juëc theek.

23 Rin të ciëth yen gendun yic, ku daai kakkun yakë door, yen ë yik yök aya ke ci göt nhom këlä, ‘Tënë Nhialic kuc.’ Yen kë yakë door kënë, yen ë kënë ya lëk we, ku acä ye njic.

24 Nhialic ci piny cak ku kɔk tɔ thün ëbën, yen ë Bëny nhial ku piny. Ku acie ceŋ luëc ci buh yiic bi ye aa door thün.

25 Ku yeen aya, acie wic kɔk bi luäi ye, rin ë yen atɔ piir yecin, ku ë yen këriëc ëbën wic raan, gäm raan.

26 Nhialic aci raan tök kaŋ cak tuen, ku raan töŋ kënë yen abii thäi bei thün ëbën, ku jöl ke aa thiëi pinyhom ëbën bi kek ceŋ thün. Ku tuen këc yen ke cak, ëci guir, ye nen, ku ye tənən bi kek cien thün.

27 Aci cak rin bi kek ye wic bik njic, tädë abik yök të wic kek ye. Ku ë yic Nhialic aci mec kek yo.

28 Cimën ci raan dët ye lueel ëlä thεεr, ‘Yen acɔl yo aa piir, ku ciëŋku cimën kënë!’ Ku aci kɔckun wak lueel aya ëlä, ‘Yök aa miëthke aya.’

29 “Cimën ye yok mith Nhialic, acuk dhil tak lɔn Nhialic acit miläŋ, ayi alal ci atët guaŋ bi thöŋ Nhialic.

30 Akëc Nhialic kuëc nhom, bi kɔc tēm awuöc wäär këc ye njic, ku ëmën ë kɔc lëk pinyhom ëbën, bik käreç yekë looi puäl.

31 Rin aci guir bi la aköl töŋ bi raan ci lɔc luk looi tënë kuat raan ëbën pinyhom. Ku yen aci nyuöth raan ëbën lɔn bi yen kënë looi, jön ci yen raan bi luk looi jöt raŋ yic!”

32 Tëwën piŋ kek Paulo ke jam jön rot thou yic, ke bui kɔc kɔk, ku lueel kɔc kɔk ëlä, “Awicku, ba kënë ben ber yic, buk piŋ.”

33 Go Paulo jäl amat yic.

34 Ku mët röör kɔk röt ye, ku gamkë wët ci lueel, kam ë röörkä ë ye raan kɔc amat cɔl Diönithiöth, ku tiŋ cɔl Damarith, ku kɔc kɔk ke ci gam aake tɔ thün aya.

18

Paulo aci la Korinth

1 Wën ci Paulo jam amat yic, ke jiël Athen ku ler Korinth.

2 Ku rëm thün kek mony Itharel cɔl Akuila, dhiëth Pontuth, ke puç bën Italia kek Prithkila tiŋde, rin ci Klaudiöth, Bënyŋaknhom kɔc Itharel cuap wei Roma. Go Paulo la bi ke la neem.

3 Ku rëer ku luui ke ke, wën ci yen ke yök ke ye cuëc alëth dhil ye guät piny cit duël, ku yöckë ke cimën yen aya.

4 Ku ë ye jam apɛi të ye kɔc Itharel mat thün akööl cii kɔc ye luui yiic, bi ke lëk yith, rin bi kɔc Itharel ku kɔc Girik wët Nhialic gam aya.

* 17:18 Aa kɔc akut ë këŋ lueel pan Girik. 17:25 1Bŋ 8:27; Ith 42:5; Lusai 7:48

⁵ Nawën la Thilath ku Timothï bën Mathedonia, ke Paulo päl kâkken ke ye looi ku yik yenhom piöoc wët Jethu, ku têt koc Itharel lon Jethu yen aluanj bi Nhialic tuöcc pinyinhom.

⁶ Nawën ke jönykë ku luelkë kârec rienke, go yecök tenj ku lëk ke, “Na cäk määb bäk Nhialic kuc, ka wek aabi röt gök ë röt! Acin raan bäk gök. Ëmën wek aba pußl ku la wët Jethu piöcc tënë koc cie koc Itharel.”

⁷ Goke jal nyääñ piny, ku ler pan raan cie raan Itharel Nhialic door cöl Titiöth Juthuth bi la rëer thün. Ku pan Titiöth ë thiääk kek tën amat koc Itharel.

⁸ Raandit tën amat cöl Krithputh ëci wët Nhialic gam, yeen ku kacke ëbën ku koc kók Korinth aake ci wët Jethu pinj ku gamkë, ku muoc Paulo kenhüim.

⁹ Nayon wëer tök, ke Paulo tññ kädäj këcit nyuöth, ku lëk Nhialic ye ëlä, “Duk riöc ë köckä, löer tuenj yi jam tënë ke, ku duk dhör kë loi yic,

¹⁰ rin yen arëer kek yi. Acin raan bi ye lëu bi yiëk tëtök, rin koc juëc rëer ë tën aa kackië.”

¹¹ Go Paulo rëer geeu ruöön tök ku abak, ke piöoc koc wët bö tënë Nhialic.

¹² Nawën ci Galio bënyñaknhom Roma, jal looi bi ya bënydit pan Girik, ke koc Itharel mat keyiic ku dömkë Paulo ku yëthkë luk yic tënë Galio.

¹³ Ku luelkë tënë ye, “Mony kënë, awic koc bik Nhialic aa door dhöl cii thääny kek löñda.”

¹⁴ Tëwën wic Paulo ye bi jam, ke luel Galio tënë koc Itharel ëlä, “Na ye awuöc yen ci looi, nuöt yen acä yic päl piny ku piñj wëtdun.

¹⁵ Ku ëmën nek ater we ë path wët rin ku wël ku löñkun, wek aa dhil këdun luel wepëc. Yen acie bëny käk cit kakkä.”

¹⁶ Ku cöl ke aa nyëei luk yic.

¹⁷ Gokë Thothenth, raandit tën amat döm ku biëkkë luk yic. Ku kënë akë Galio kuëcc nom.

Paulo aci dhuk Antiök

¹⁸ Paulo ëci nin juëc nöc Korinth kek koc ci gam, nawën ë ke töññ ke, ku ler riäi yic kek Prithkila ku Akuila, riän la Thiria. Ku wën këc kek guo la wüir bik ger, ee ci kuëññ Kankëria tënë Nhialic, ku cöl rot amut nom.

¹⁹ Nawën ë ke yet Epethuth, të ci Paulo Prithkila ku Akuila bën nyääñ thün. Ku ler tën amat koc Itharel, ku jiem apei ke ke.

²⁰ Ku pëen koc amat bi lök rëer kek ke, go cii gam.

²¹ Ku lëk ke ëlä wën jiël yen, “Na ye yen kë wic Nhialic, ke yen abi dhuk tënë we.” Ku ler riäi yic ku jiëlkë Epethuth.

²² Wën le yen yëet Cetharia, ke la Jeruthalem ku muöth akut koc ci gam, ku jöl la Antiök.

²³ Nawën ci nin nöc Antiök ke jiël ku ler wuöt Galatia ku Prigia ku deet koc ci gam thün ëbën puöth.

Apolo ë koc Epethuth ku Korinth piöcc

²⁴ Go raan Itharel cöl Apolo, dhiëth Alekdhändria pan Ijip, bën Epethuth. Yen ë njic wël theer ci göt athör theer wël Nhialic yic, ku ë njic jam apei.

²⁵ Ku ëci piöcc dhël Bëny ku nhieer ke ku jiem ku piöcc koc yith rin Jethu. Ku kakkä aake pek thook miöc nom wäär ye Joon looi.

²⁶ Ee ye këriëcc ëbën njic teet yiic apath tën amat ke cii riöc. Tëwën pinj Prithkila ku Akuila wëlkä, gokë yäth panden ku tëtök dhöl ci Nhialic nyooth tënë koc.

²⁷ Ku jəl Apolo tak bī la pan Gīrīk, go kəc cī gam Epethuth kony ku gətkē athōör tēnē kəc cī gam tō pan Gīrīk, ku lēkkē ke bīk ηיע lor apath tē yeet yen. Ku yeen aci bēn aa raan cī kəc cī Nhialic kuony dhēηde bīk gam, bēn kony apei wēn yeet yen.

²⁸ Rin wēlken ril cī lueel aaci yen kəc Itharel thōl nhūim amat yic, ku nyuth ke yith wēl theer Nhialic cī gət yiic lən Jethu yen ē raan cī ləc ku dəc.

19

Paulo aci la Epethuth

¹ Tēwēn rēer Apolo Korinθ, ke Paulo jəl cath bī wušt kuany yiic ku yeet Epethuth. Tēēn, aci kəc kək abiōth yök thīn

² ku thiēc ke, “Cī Wēi Nhialic lööny wegup wēn cī wek gam?” Gokē dhušk ye, “Akēcku cak piη lən tō Wēi Nhialic thīn.”

³ Go Paulo ke thiēc, “Na ye këya, ye mišc nomη ηō cək yök?” Gokē bēer, “Ee mišc nomη ye Joon gām kəc.”

⁴ Go Paulo lək ke, “Mišc ye Joon kəc muəc nhūim aye looi tēnē kəc cī kepušt wəl wei käreç yiic. Ku lək kəc Itharel wek aa dhil Jethu raan bī lək bēn yacök gam.”

⁵ Wēn piη kek ē wēt kēnē, ke muəc nhūim bīk jəl aa kəc buōth Jethu.

⁶ Ku tēēu Paulo yecin kenhūim, ku bō Wēi Nhialic kegup, ku jieemkē thok kək, ku jolkē wēt cī bēn tēnē Nhialic aa luēl.

⁷ Ku rōör aake cīt thiäär ku rou ēbēn.

⁸ Ku tēn pēi kadiäk, Paulo ē ye la tē ye kəc Itharel mat thīn, ku jieem ke ke apei lən ye wēt ye lueel rin bääny Nhialic yic.

⁹ Go kəc kək nhūim riel keyiic ku cik gēm, ku luelkē käreç apei kəc nhūim rin dhēl pīr cī Bēny nyooth. Go Paulo ke nyään piny ku jiēl kek kəc cī gam, ku jolkē wēt aa jaam yic akōlakōl, yōndīt ye mony cəl Tiranuth jam thīn tēnē kəc juēc.

¹⁰ Ku la Paulo tuēη run karou ke loi kēnē, abi kəc ke rēer wun Athia, kəc Itharel ku kəc cie kəc Itharel, wēt Bēny piη.

Aye wēēt Ithkiba them bīk jakrēc cuəp wei

¹¹ Nhialic ēci Paulo cəl aloi kək kəc gōi kēc röt kaη looi.

¹² Alanh yen tuc wuuny, ku alanh ye ceη tēn luoi, aake ye yāth tēnē kəc tuany. Ku tē cī ke yāth, aa tuaany cəl ajiēl ku jiēl jakrēc kegup aya.

¹³ Eci kəc kək Itharel kēc gam baai kuany yic ke ye jakrēc cuəp wei kəc gup, aa them aya bīk rin Bēny Jethu aa lueel, ku yekē jam tēnē jakrēc ēlä, “Yīn ayōšk rin Jethu, ye Paulo jam rienke.”

¹⁴ Wēēt raandīt kək Nhialic cəl Ithkiba kadhorou kek aake ye kēnē looi.

¹⁵ Go jəηrac lueel tēnē ke, “Yēn anjic Jethu, ku yēn aci wēt Paulo piη ku week yakē tak ye wek yī ηa?”

¹⁶ Go raan tō jəηrac yeguəp thuēet kegup ku yīk ke tētōök, ku ret alāthken yiic kekōth. Nawēn ke kat paande kecin kōth alēth, ke kuēr gup aya.

¹⁷ Kəc Itharel ēbēn ku kəc cie kəc Itharel ke ciēη Epethuth, aake cī kē cī raan la guəp jəηrac looi piη, gokē rišc apei, ku jəl rin Bēny Jethu aa leec apei.

¹⁸ Go kəc juēc cī gam bēn ku lekkē kəkken rēc cik looi kəc nhūim.

¹⁹ Go acör juēc luui ē kakkā athörken bēēi ku cuānykē ke ke dēēi raan ēbēn. Ku matkē wēēu ke yəc athör yiic gokē aa wēēu juēc apei.

²⁰ Käjuēc ril cī röt looiäk aaci kəc cök pušt apei, ku jəl wēt Bēny la tuēη ke thiēi piny, ku gēm kəc juēc.

Kɔc Epethuth aacä aliäap looi

21 Wën cī kakkä röt looi, ke bō Paulo pušu bī la Jeruthalem ke tēk Mathe-donia ku Gīrik, ku lueel, “Tē cī yēn la ē bēēikā yiic ke yēn abī dhiel la Roma aya.”

22 Go Timothī ku Eratuth kacken ye kony tuɔɔc Mathedonia, ku lōk rēēr Athia.

23 Tēwën rēēr yēn Athia yēn ēcī aliāmdīt rot looi Epethuth rin dhēl pūr cī Bēny nyooth.

24 Mony thōth milsōŋ cɔl Demetriōth ē tō thīn. Ku yēn ē ye kāŋ thōōth milāŋ kēcīt luēk kor ye ke jōŋ tik cɔl Artemith door thīn. Ku kacken luoi aake wēū juēc yōk ē luoiden kēnē yic.

25 Go kacken luoi cɔl ēbēn, ku cɔl kɔc kōk milsōŋ thōōth kēcīt luēk Artemith cīmēnden aya, ku lēk ke, “Week, anjēckē lōn ye yōk wēūkuan pūr yōk yōk ē luoi kēnē yic.

26 Ayakē piŋ ku tiēŋkē yēn kē looi raan cɔl Paulo. Aye lueel lōn kāk ye thōōth aacie Nhalic acīn, ku yēn acī kɔc juēc wel nhīm Epethuth ē tēn, ku jōl a Athia ēbēn.

27 Kērac abī rot looi rin kɔc aacī bī njēc aa jam ē luoidan kēnē. Ku acie kēya rot, acīn kɔc bī ye bēn aa tak lōn ye luanj jōŋdan cɔl Artemith kē thiek yic. Ku acīn kɔc bī jōŋdan cɔl Artemith bēn aa theek, jōŋdan ye raan ēbēn Athia ku pinynhom, door!”

28 Wën piŋ thān awēn cī kenhūim mat kē cī Demetriōth lueel, ke tuuc kegup ku riēēkkē puōth apēi, ku loikē wuɔu ku yekē lueel ēlā, “Artemith Epethuth adīt apēi alanden!”

29 Ku jōl kɔc juēc geu yic ēbēn, duɔɔt looi. Ku dōm thān awēn Gaiōth ku Arithtarkuth, kɔc pān Mathedonia ke cath kek Paulo, ku riinjkē ke tē ye kɔc geeu kenhūim mat thīn.

30 Go Paulo wīc bī la jam kek kɔc wēn cī kenhūim mat. Go kɔc cī gam pēēn bī cīi la.

31 Ku kɔc kōk njēc kek ye kɔcdīt geeu yiic aake cī wēt tooc aya bīk lēk, bī cīi bō bī bēn jam kɔc nhīm.

32 Tēwën kɔc ke cī bēn amat yic aake loi duɔɔt. Ku ye kɔc kōk jam wēl cīi thōŋ kek wēl kɔc kōk, rin kɔc juēc keyiic aake cɔk kēnē mēt kɔc kenhūim kuc.

33 Go kɔc kōk tak lōn ē yēn Alekdhändēr yēn cī kēnē looi, rin cī kɔc Itharel ye cɔl ala kɔc nhīm tuēŋ. Go Alekdhändēr yecin jōt bī kɔc cɔl abit, ku bī tēt ke lōn cīi kek cōk tō ē wēt kēnē yic.

34 Nawēn lek Alekdhändēr njic lōn ē yēn raan Itharel, ē ke ŋot ke loi duɔɔt ku ŋuot yekē kiit yic, “Artemith Epethuth aril apēi alanden.”

35 Nawēn ke jōl raandīt bēny geeu lēu bī kɔc duōm thook piny ku lueel, “Kɔc Epethuth anjic raan ēbēn, lōn yēn gen Epethuth yēn ala riēl bī luanj Artemith tiit, ku jōl a kuōr yath cī lōny nhial.

36 Acīn raan dhāl ē kakkā. Kēya, pālkē röt piny, ku duōkkē lui luoi mīth.

37 Wek aacī rōörkā bēēi ē tēn, cɔk alōn cīn yēn kē yaath cī nyaai luēek, ku lōn cīn yēn kārēc cik luēel janḍa guōp aya.

38 Na la Dimitriōth kek kacken luoi raan yekē gaany, ka akōōl ye kɔc luk aatō thīn ku bāny aa rēēr thīn, alēukē bīk raan wīckē la gaany akōlē.

39 Ku na le kēdēt ŋuot wīēckē, ka bī luk amatdīt yic.

40 Rin alēu bāny Roma kuan mac yō bīk lueel lōn cī yōk aliäap looi rin kē cī rot looi akōlē, rin acīn raan lēu ye bī lueel, lōn ala wēt puōth looi aliäap, ku acīn wēt yic lēuku buk lueel aya rin aliām kēnē.”

41 Wën cī yēn wēt kēnē lueel, ke dāk amat nhom.

20

Paulo aci la keny Mathedonia ku pan Girik

¹ Tëwën cī kōc ke wīc Paulo bīk nōk rōt pāl piny, go Paulo kōc cī gam cōl ku mēt ke ke, ku lēk ke wēl deet yen kepuōth ku jōl ke tōōŋ, ku jiēl bī la Mathedonia.

² Ku jōl cath wuōt juēc yiic ku lēk kōc cī gam wēl juēc deet yen kepuōth bēxi cī ke tēēk yiic. Ku jōl la wun Girik.

³ Ku rēēr thīn pēi kadiāk. Tëwën guir yen rot bī la Thiria, go ŋic lōn cī kōc Itharel ye thīēn dhēl yic bīk nōk. Go tak ku dhuk ciēēn bī la tēēk Mathedonia bī jāl la Thiria.

⁴ Kōc cī yen bēn ruac aayī Thopater, wēn Piruth, raan pan Beria, ku Arithtarkuth, ku Thekunduth kōc Thethalonika, ku Gaiōth, raan Derbe, ku Tikikuth ku Tropimuth, kōc wun Athia, ku jōl aa Timothī.

⁵ Keek aaci la tuenŋ ku lek ŋa tiit yok kōc kōk ke cath kek ŋa Troath.

⁶ Ku yok aaci cath riāi jāl Pilipi ke ŋo cī Yan Ayum cin yic luōu kaŋ cam. Nawēn nīn kadhiēc cōk, goku ke jal la dōōt Troath, ku ē yen tē cī yok nīn kadhorou bēn nōk thīn.

Paulo aci dhuk Troath

⁷ Naŋon thēēi akōl nīn dātem, ke yok aa ŋo cī yonhūim kut ku buk ayup bany yic ku camku yok kōc cī gam. Ku jōl Paulo jam, ku le tuenŋ ke jiēēm kōc nhūim yet wēēr ciēl yic, rin ē bī jāl ŋon nhiāk.

⁸ Ku mēc juēc aake dēp ŋōn nhial tēwēn mēt yok thīn.

⁹ Ku mony riēnythii cōl Eyutikuth ēcī nyuc aluūt nyin. Nawēn cī jam Paulo kōu bēr apēi, go nīn nōk abī nīn, ku lōōny piny aluūt nyin aŋeer. Ku yōt ēcī buth ke cōōc nhom arak diāk. Nawēn lek jōt ke yōkkē ke cī thou.

¹⁰ Go Paulo bēn ku cuet rot yekōu ku pēet yic. Ku lēk kōc, “Duōkkē riēc, aŋot pīir!”

¹¹ Ku dhuk nhial, ku le rōōk ku banykē ayup ku camkē. Nawēn cī jam ke ke apēi agut bī piny bak, ke jiēl.

¹² Ku ŋēthkē riēnythii wēn baai ke pīir, ke cī puōth miēt apēi.

Paulo aci jāl Troath ku ler Miletuth

¹³ Yok aaci la tuenŋ buk la riāi yic, ku ger ŋo buk la Athoth tēn yen bī Paulo la mēt riāi yic thīn. Ku ēcī lēk ŋo ku buk looi kēya, rin ē wīc bī la Athoth yecōk.

¹⁴ Nawēn le rōm ke ŋo Athoth, go cath kek ŋo riāi ku lokku Mitilene.

¹⁵ Ku tēmku ē riāi ku ŋeetku Kayoth ŋon nhiāk dēt. Na akōl dēēt ke ŋo la Thamothe, nawēn ben bak goku yet Miletuth.

¹⁶ Ku ēcī Paulo tak ku bī Epethuth waan thok, rin cī yen ye wīc bī gāau wun Athia. Ku ē ban yekōu rin ē wīc bī them apēi bī yet Jeruthalem akōl looi Yan Ayum cin yic luōu.

Paulo aci kōcdūt Epethuth tōōŋ

¹⁷ Tëwën cī Paulo yet Miletuth go thok tuōc tēnē kōc Epethuth, ku bī kōcdūt kek bāny kōc cī gam rōm kek ye.

¹⁸ Tëwën cī kek ŋēēt go lēk ke, “Wek aa ŋic luōidiē, ku tē cī ŋen ciēŋ thīn kek we akōl tōōŋ ŋon ŋēēt ŋen wun Athia.

¹⁹ ŋen akēc rot looi ke ŋa ye raan nhiam. Ku ŋen ŋa loi luōi ŋa ya aluanŋ Nhialic. Ku ŋen ŋa ye rēēr ke ŋa dhiau puōu wēt pīr ril yic ye kōc Itharel ye wīc bīk ŋen nōk.

²⁰ ŋen acīn kē ca muōny we, kēn yen bī we kony tēwāār ye ŋen kōc lēk, ku ya kōc piōōc wēt Nhialic agut bāaikun yiic.

²¹ Kɔc Itharel ku kɔc cie kɔc Itharel, aa ca ke aa lɛk alanden ku bik kepuθth dhuθk ciēn ku gamkē wēt Bānyda Jethu.

²² Ku ɛmēn, rin theek ɣen wēt ci Wēi Nhialic lɛk ɣa, ke ɣen adhuk Jeruthalem, ku akuθc yenθ bi rot la looi tēnē ɣa tətui.

²³ Kēn yen nɛc ē kē ci Wēi Nhialic thōn ɣen gēeth ca tēek yiic ē lɔn bi ɣa mac, ku kāreɔ bi luθi ɣa gēeth yiic ēbēn aatit ɣa.

²⁴ Ku piērdiē acā ye kuēc nom lɔn ye yen kēpath tēnē ɣen, ku ē rin wic ɣen ye ku ba luθi yen ci Bēny Jethu yiēk ɣa ba thōl, yen lɔn bi ɣen ye aa lɛk kɔc, yen thoŋ path tēnhieɛr Nhialic kɔc thīn.

²⁵ “ɣen aci cath kamkun, ke ɣa jam wēt bāāny Nhialic. Ku anɛc ɛmēn lɔn cīn yen raan dēt kamkun bā bēn tīŋ.

²⁶ Kēn yen alɛk we ku bāk muk wenhūim akōlē, tē le yen raan bi dhēl ca nyooth lōk puθl bi mār, ka cīi ɣen bi gōk.

²⁷ Rin acīn kēdēt ca moony kēc lɛk we ye kē wic Nhialic ēbēn ku bi looi.

²⁸ Tiētkē rōt apath ku tiētkē kɔc ci Wēi Nhialic we looi bāk aa kɔc mēc ke. Calkē rōt aaye abiōk kɔc ci wēt Nhialic gam, kɔc ci looi bik aa kacke thon Wēnde.

²⁹ Anɛc na la jāl ke kɔc ater Nhialic, cīt gal ci wāth aabi bēn kamkun, ku keek acīn raan tōk kam kɔc ci gam bik puθl.

³⁰ Nīnkui bi bēn kɔc kōk akuθtdun yic aabi lueth aa lueel na lēukē ka wēŋ kɔc ci gam.

³¹ Tiētkē wenhūim, ku duθkkē nhūim mār, anɛc wek aca piθc piū nyin akōl ku wēɛr tēn run kadiāk.

³² “Ku ɛmēn wek aca pāl Nhialic bi we tiit dhēɛrden nhieɛr yen we. Yen ala riel bi we dɔc bāk kāpath yōk, kāpuθth kek ye yiēk kɔcken ci lɔc.

³³ Acīn kāpuθth raan dēt cimēn luŋ thith, ku milāŋ tōc, ku alēth ca tuθr nyīn.

³⁴ Anɛckē wepēc lɔn ke luθi ca looi, ci ɣen ke wēu juēc yōk thīn aa kek ci yen kākkiē ku kāk kɔc rēɛr kek ɣen ɣɔc.

³⁵ Aca nyuθth we kājuēc yiic ēbēn, lɔn nadē raan luui apēi yen ē kɔc niθp kony, ku wēl ci Bēny Jethu lueel aake muθk ɣanhom ɣon ci yen ye lueel ēlā, ‘Raan kɔc muθc ē yen puθi miēt apēi tēn lɔn bi raan dēt ye muθc!’ ”

³⁶ Tēwēn ci Paulo thōk jam, gokē kenhiol guθt piny ku rōökkē Nhialic.

³⁷ Keek aaci dhiau tēwēn ye kek Paulo paat yic, ku yekē ciem ke tōŋkē.

³⁸ Keek aake rec puθth wēt ci yen ye lueel ēlā, wek aaci ɣa bi bēn tīŋ. Ku jōlkē ruac riāi yic.

21

Paulo aci la Jeruthalem

¹ ɣok aaci kɔc ci gam ke bō Epethuth tōŋ ku jiēlku. Tēwēn ci ɣok wār teem riāi, goku yet tē cɔl Koth. Naɣon akōl dēɛtē ke ɣo yet pan cɔl Rodeth, ku jiēlku thīn ku lokku tē cɔl Patara.

² Ee tēn ɣok aaci riān la Ponicia bēn yōk thīn, goku keec thīn ku ger ɣo.

³ ɣok aaci bēn yet tē ye ɣok Thaipruth tīŋ thīn, ku jōl riāi cath ke Thaipruth tō kōŋ cam ke ɣo la Thiria. ɣok aaci bēn la piny riāi yic Tire, ku ē yen tēn bi kāk ke tō riāi yic la jat piny thīn.

⁴ ɣok aaci kɔc kōk ci gam bēn yōk Tire, goku rēɛr ke ke nīn kadhorou. Keek kɔc Tire aake ci Wēi Nhialic yōk ku bik Paulo lɛk ku bi cīi la Jeruthalem.

⁵ Na la ninkuan ke buk nök ke ke Tire thök, goku jäl. Keek ebën agut diäär ku miethken aaci yo bën ruac. Nawën yeetku wath thok ke yo gut yonhiäl piny agör thok ku röökku Nhialic.

⁶ Ku tönku ke ku lok riäi yic ku dhukkë baai.

⁷ Yok aaci ger jäl Tire agut Ptolimiath, tē yen cī yok kockuan cī gam bën la mušth thün ku rēerku ke ke niēn tōk.

⁸ Na aköl dēētē ke yo jiēl ku yeetku Cetharia. Tēēnē, yok aaci bën la pan Pilipo raan kōc pišōc Wēt Puoth Yam Nhialic, ku rēerku kek ye. Yeen ē ye raan tōŋ kōc kadhrou ke cī kuany Jeruthalem.

⁹ Yeen ē la nyūr kanuan kēc thiaak ku keek aake cīt kōc kāk Nhialic tīŋ.

¹⁰ Tēwēn cī yok nin nök paande ke raan kāk Nhialic tīŋ cōl Agabuth bō wun Judia,

¹¹ bī yo bën tīŋ. Ku lööm gōm ye Paulo yeyic duut, ku duut yecōk ku yecin ku lueel, kē cī Wēi Nhialic lēk ya akīn, raan la gōm kēnē abī kōc Itharel la der Jeruthalem cīt ēmēn cī yēn ye nyuōth, ku abīk thōn kōc cie kōc Itharel.

¹² Tēwēn piŋ yok ē wēt kēnē, yook ku jōl aa kōc ē pan wēn, goku Paulo lōŋ bī cīi la Jeruthalem.

¹³ Go dhušk yo ēlä, “Yeŋō luōikē ēmēn dhiεeu wek kēlä, bāk ya cōl akōc puōu? Acie lōn bī yēn la der Jeruthalem yetōk yen ca gam, awiēc aya ku ba la thou thün rin Bēny Jethu.”

¹⁴ Ee kēcku lēu buk dōk, goku pušl, ku jōlku lueel, “Pēlku Nhialic ku bī kē cī tak looi.”

¹⁵ Tēwēn cī yok nin ē tēēn, ke yo jōl rōt guiir ku jiēlku buk la Jeruthalem.

¹⁶ Kōc kōk kam abiōth Cetharia aaci yo bën ruac, ku yēthkē yo pan raan bī yok la rēer thün cōl Menthon, raan Thaipruth, ku ē ye raan tōōŋ kam kōc tueŋ ke kōŋ wēt Jethu gam.

Paulo aci Jemith la tīŋ

¹⁷ Nawën yeetku Jeruthalem go kōc cī gam yo lor ke mit puōth.

¹⁸ Na la aköl dēētē bën, goku la yok Paulo buk la jam kek Jemith, ku kōcdīt kāk Nhialic aake tō thün.

¹⁹ Keek aaci Paulo jäl mušth ku jōlke kuēny yic kāk cī looi ebën tēnē kōc cie kōc Itharel riel cī Nhialic yiēk ye.

²⁰ Nawën cīk kāk cī Paulo kuany yiic piŋ, gokē Nhialic leec. Ku jōlkē lēk ye, “Alēu ba tīŋ ēmēn yīn wāmāāthda. Kōc juēc apeidīt ke ye kōc Itharel aaci gam, ku keek aa thek lōŋ Mothith apeidīt.

²¹ Ku acīk piŋ lōn ye yīn kōc Itharel tō wušt kāk yiic pišōc ku bīk Lōŋ Mothith pušl. Ku aca aa lēk ke bīk miethken cīi ye ŋoot ku pālke tēcīt tē ye kōc Itharel cīeŋ thün.

²² Abīk dhiel piŋ yen lōn cī yīn yēēt. Yeŋō buk looi ēmēn?

²³ Anuēēn ba kē buk lēk yī looi. Ala kōc kanuan ē tēn cī kuēēŋ.

²⁴ Cath ke ke, ku māt rot kōc bī kegup wušōny wei, bāk rōt kōc ē tōk ku tāāu wēūken piny, wēū kāk kek bī kek rōt kōc, ku keek aabi kenhiim muut. Kēya, abīk jal ŋic ebën lōn wēl cī lēk ke rienku aa lueth, ku yīnhom yīn adhil ceŋ tēcīt tē ye lōŋ Mothith ye lueel thün.

²⁵ Ku kōc cie kōc Itharel cī gam, aa cuk tušc athōōr buk lēk ke bīk mūth cī ke jakrεc door cīi ben ya cam, ku jōl aa riem ku lān dēt cī dec, ku titkē rōt bīk gup cīi la akōr.”

²⁶ Go Paulo rot mät röör wën, naγon nhiäk ke kōc rot ke ke. Ku jəl la luanj Nhialic, ku lək kōc tē bī nīn kōc thōk, tēn yen bī kōc jəl a looi tēnē raan tōk keyiic ēbēn.

Paulo aci thel ayeer luanj Nhialic

²⁷ Nawēn cī nīn kadhorou thišk ke thōk, go kōc kōk Itharel ke bō wun Athia Paulo tīj luanj Nhialic. Gokē kōc rac nhīim ēbēn ku dōmkē Paulo.

²⁸ Ku luelkē ke cī kerōt jət, “Kōc Itharel! Kuōnykē γo! Yen raan kēn, ee yen piny kuanj yic ke piōōc kōc ku ye lueel kōc Itharel aa kōc rεc, ku ē lōj Mothith, ku jəl a luanj Nhialic kēnē yōōj yīic. Ku ēmēn aci kōc cie kōc Itharel bēēi luanj Nhialic aya, ku bīk bēn yīek yic buōōl yen tēn athēēk Nhialic!”

²⁹ (Ee luelkē yen kēn, wēt cī kek Tropimuth raan Epethuth tīj ke cath kek Paulo geeu, gokē tak lōn cī Paulo bēn kek ye luanj Nhialic.)

³⁰ Go aliāap thiēi kal yic ēbēn, ku jəl kōc kat ku lek Paulo dōm, ku thelkē ayeer luanj Nhialic. Ku thiōkkē kal thok nyin yic.

³¹ Tēwēn wīc kek ye bīk Paulo nōk, ke thok ēcī tuōōc tēnē bēny apuruuk Roma lōn nadē ke kōc ēbēn Jeruthalem aa loī ariεεr.

³² Go bēny apuruuk lōōny dhōl nyin yic kek bāny kōk apuruuk ku apuruuk, ku riņkē tēn tō yōōm thīn. Nawēn tīj thān awēn wīc Paulo bīk nōk apuruuk, gokē puōl.

³³ Go bāny apuruuk la tēnē Paulo ku dōmkē, ku yōōkkē apuruuk bīk der cīn arēk karou. Ku jōlkē thiēc, “Yenja yen monyē, ku yenjō cī looi?”

³⁴ Go kōc ke tō yōōm yic wēl cī thōj aa lueel. Ku jəl aliāap rot looi agut bī bāny apuruuk ciēn kē detkē, kē cī rot looi yic. Gokē apuruuk yōōk bīk Paulo kuaath tēden rēer kek thīn.

³⁵ Nawēn cik jəl cath ku rēetkē tēthōny, ke yōōm juak rot apeī, go apuruuk Paulo jət.

³⁶ Gokē buōōth ku yekē kiu ēlā, “Bāk, dhilku nōk.”

Paulo aci rot kony

³⁷ Tēwēn dōōt kek tē ye apuruuk rēer thīn, go Paulo lək bēny apuruuk, “Cī ya pāl ku ba yī lək wēt diēēnē?”

Go bēny apuruuk jəl thiēc, “Ye jam thoŋ Girīk?”

³⁸ Ku yīn, cī ye raan Ijip wāar cī raan tim kaŋuan muk dhēj wat nhīim roor, ku wīc ba thōr kek kōc mac baai?”

³⁹ Go Paulo dhuk nhom, “Yēn ē raan Itharel, dhiēth pan cōl Tarthuth wun Cilicia, yēn ē raan gen dīit ŋic. Pāl ya ku ba jam tēnē kōc.”

⁴⁰ Ke yēen aci bēny apuruuk bēn puōl ku bī kōc jāam nhīim, ku jəl Paulo kεεc nhial tēthōny ku nyōoth yecin bī kōc biēt. Nawēn cik biēt, go Paulo jam tēnē ke thuōjden.

22

¹ “Kōckīēn dīt ku wek wāmāthkiē ku wek wārkuā, piējē apath yēn acīn kērεεc ca looi nēk ya.”

² Nawēn piņkē ke jam thuōjden, gokē biēt, abī piny la dīl ku jəl Paulo la tuēj ke jam,

³ “Yēn ē raan Itharel, dhiēth Tarthuth wun Cilicia, ku yēn ya dīt Jeruthalem tēn ku ē Gamaliel yen acā piōōc. Yēn aci piōōc tē bī yēn lōōj wārkuān dīt theεk thīn, cimēndun wek kōc tō tēn akōlē.

⁴ Yēn aci kōc ke buōth dhēl kēn yic cōl agum. Yēn aci rōōr ku diāar cōl amac.

⁵ Raandit kāk Nhialic ku kōc akut luk ēbēn alēukē ku bīk lueel lōn nadē ke yic yen kē ya lueel. Keek aacā yīēk athōr ku ba ke la yīēk kōckuan Itharel tō Damathkuth. Ke yēn aci kōc cī gam bēn la dōm ku rēk kecin, ku kuēēth ke ciēēn Jeruthalem rin bī ke bēn tēm awuōc.”

Paulo aci tē cī yen a raan cī gam teet yic

⁶ “Yōn akōl ciēl yic ke ya cath, ya cī thišk kek Damathkuth, ke kēcīt mac la biliny nhial ku go ya guō gōōl piny.

⁷ Ku wiēēk piny ku piēŋ rōl raan ke jam ku lēk ya, ‘Thawul! Thawul! Ē rin ŋō cōl yīn ya agum?’

⁸ Guō thiēc, ‘Ye yīn ŋa Bēny?’ Go lēk ya, ‘Ee yēn Jethu raan Nadharet, ē rin ŋō cōl yīn ya agum.’

⁹ Kōc ke cath kek ya aake cī mac tīŋ, ku aa kēc rōl jam tēnē ya piŋ.

¹⁰ Guō thiēc, ‘Yēŋō ba looi, Bēny?’ Ku aci Bēny bēn lēk ya, ‘Jōt rot ku lōr Damathkuth, ku yīn abī la lēk kēriēēc ēbēn yen cī Nhialic tak ku ba looi tēnē ye.’

¹¹ Yēn ya cī many cā bir nyin cōr, go kōc ke cath kek yēn ya thel ku yēthkē ya Damathkuth.

¹² “Ku mony cōl Ananiath ē tō Damathkuth, ku ē ye raan Nhialic door ku ē thek lōŋ kōc Itharel, ku yēn ē thekkē apēi.

¹³ Yēn ēcī bēn tēnē ya, ku kēēc yalōōm ku lueel, ‘Wāmāāth Paulo, ba pial ba bēn daai!’ Nyin yic nyiēndiē aci rot bēn liep ku tiēŋ piny.

¹⁴ Ku lueel, ‘Nhialic ye wārkuan dīt door aci lōc ku ba kē wīc ba looi tēnē ye ŋic, ku tīŋ Aluanjēen puōth kākā looi, ku piŋ rōlde ke jam.

¹⁵ Ku yīn abī ya raan ŋic ē wēt kēnē, ku ba raan ēbēn lēk kē ca tīŋ ku kāk ca piŋ.

¹⁶ Ku ēmēn, yēŋō ŋuōt tit? Jōt rot ku bī yī muōc nhom, ku cōl adumuōōmku aa lōk wēi, ku ba Nhialic ya rōōk.’

Nhialic aci Paulo yōōk bī kōc cie kōc Itharel piōōc

¹⁷ “Ku jal dhuk Jeruthalem, ku wēn cī yēn la ba la rōōk luanŋ Nhialic, ke ya tīŋ kecīt nyuōth,

¹⁸ ku tiēŋ Jethu ke lēk ya, ‘Jāl ēmēn Jeruthalem ku ban yīkōu, rin kōc tō tēn, aaci wēlkun ba ya lueel riēnkiē bī gam.’

¹⁹ Guō dhuk nhom, ‘Bēny, anīckē apath lōn cī yēn a la yōn amat Itharel yiic, ku dam kōc cī gam ku cal ke aa that.

²⁰ Ku ē ca gam wār ku bī Ithipin nōk raan ye kōc piōōc wētdu, ku ē yēn ya cā alēth kōc ke nēk ye lōk tiit.’

²¹ Go Jethu lēk ya, ‘Lōr, rin yīn aba tuōc tēmec tēnē kōc cie kōc Itharel.’ ”

²² Go kōc wēn wēl Paulo piŋ, agut lōn lueel yen wēt bī ye tuōc tēnē kōc cie kōc Itharel. Gokē duōt bēn looi, “Nyaaikē raan cīt kēn ē pinyinhom! Nākkē! Acie raan path bī pir!”

²³ Ku jōlkē aa kiū, ke ya alēthken piēer nhial ku yekē liēet wēer nhial.

²⁴ Go bēny apuruuk Roma apuruuk yōōk bīk Paulo yāth yōt tē ye apuruuk tīt thīn, ku lēkkē ke ku bīk that, rin bī Paulo wēt ye kōc Itharel ye jāām guōp lek.

²⁵ Ku wēn cī kek ye der ku bīk that, go Paulo lēk bēny apuruuk wēn kāac kelōm ēlā, “Ye lōŋ lueel lōn nadē ke raan Roma that ē path ke kēc yāth luk yic, bī la awuōc yōk yeguōp?”

²⁶ Nawën piñ bëny apuruuk wët cī Paulo lëk ye, go la tənë bënydit apuruuk ku thiëc, “Yenjö loi? Yen monyë ë raan kɔc pan Roma.”

²⁷ Go bënydit apuruuk la tənë Paulo ku thiëc, “Lëk ɣa, ye raan Roma?” Go Paulo bëër, “Ee yic.”

²⁸ Go bënydit apuruuk lueel, “Yen ë raan kɔc pan Roma rin cī yen wëëu juëc tãau piny tənë kɔc mac baai.” Go Paulo bëër, “Yen ë raan pan Roma rin ye kɔc ke dhiëth ɣa kɔc pan Roma.”

²⁹ Go kɔc kɔk ke bī Paulo bën thiëc, dhuk ciëen ku nyiëëñkë thīn, ku bënydit apuruuk ëci rišɔc wën cī yen ye ñic lɔn ye Paulo raan kɔc Roma, ku rin cī yen ye cɔl ader aya.

Paulo aci yãth luk yic

³⁰ Na aköl dëët, wën wic bëny apuruuk Roma ye bī awuɔc ye kɔc Itharel Paulo gaany ñic, go Paulo cɔl adëk apuruuk cin, tëwën cī ye rek ku yöök kɔcđit kãk Nhialic ku kɔc amat ëbën bīk röm. Ku bīi Paulo kenhīim.

23

¹ Go Paulo kɔc amat döt ku lueel, “Kackië, acīn kãk tš ɣapuɔu, ba ke thiëc rin piërdië, ya dëei Nhialic agut cīt akölë.”

² Ee tšën, ke raandit kãk Nhialic cɔl Ananiath yöök kɔc wën kãäc tēthišk kek Paulo bīk bušɔk thok.

³ Go Paulo lëk ye, “Nhialic abi dhiel bušɔk aya, yīn kē cie gušp ye yār! Yīn aci nyuc ba luk looi tənë ɣa cīt tē ye lōñ ye luëel thīn, ku yīn aɔot yī cī lōñ dhoñ kšu rin cī yīn kɔc yšɔk bīk ɣa biäk!”

⁴ Go kɔc thiääk kek Paulo lëk ye, “Yīn alat raandit kãk Nhialic!”

⁵ Go Paulo bëër, “Acã ñic, kackië lɔn ye yen raandit kãk Nhialic. Aye athör theër wël Nhialic lueel, ‘Yīn aci kërac dhil luëel bëny mac kacku gušp.’”

⁶ Nawën tīñ Paulo, ke kɔc kɔk aa kɔc akut Thaduthī ku kɔc kɔk ke ye kɔc akut Parathī, ke jam apeī rōldit tənë kɔc luk, “Kackië! Yen ë raan akut Parathī, kɔc ke dhiëth ɣa aake kɔc akut Parathī. Yen aci bëëi luk yic rin ye yen ye ñšöth lɔn bī kɔc cī thou röt jot aköldäl!”

⁷ Nyin yic tëwën lueel yen wët kënë, ka agöth la nhial kam Parathī ku Thaduthī ku tekkë keyiic.

⁸ Rin aye Thaduthī lueel lɔn cīi kɔc röt bī jot thou yic, ku acīn atuuc nhial ayī atīp kɔc cī thou. Ku Parathī aa kãkkã gam ëbën kadiäk.

⁹ Ku juak jam rot apeī kam Parathī ku Thaduthī. Go kɔc kɔk piöc lööñ, ke ye kɔc akut Parathī, röt jot ke cī pušth riääk apeī ku luelkë, “Acīn kërɛc cī yök ke cī looi! Tëdë, ke atuny nhial, yen aci diët jam tənë ye!”

¹⁰ Ku la agöth nhial apeī, nawën ke bëny apuruuk rišc ciët ke bī Paulo cak nãk. Go apurušɔkke tooc bīk Paulo la nyaai luk yic, ku yëthkë tēden ye kek rëer thīn.

¹¹ Naɣon akšu ke Bëny kãäc Paulo lšöm ku lueel, “Dëet yīpuš! Aca nyuəth Jeruthalem, lɔn ë yīn raandië, ku yīn adhil kəcīt ë kënë looi Roma aya.”

Ee wic kɔc Itharel bīk Paulo nãk

¹² Naɣon nhiäk ke kɔc kɔk Itharel mat kenhīim, ku kuëëñkë lɔn cīi kek kuat miëth bī kañ cam ku dëkkë tē kęc kek Paulo kañ nãk.

¹³ Kɔc ke mat kënë yic, aake thiärñuan ku tē kac.

¹⁴ Ku lek tənë kɔc kãk Nhialic ku kɔcđit baai ku luelkë, “Yök aaci kuëëñ apeī yodhie buk cīi mīth, yet tē bī yök Paulo kañ nãk.

15 Ku emèn, week ku kɔc kɔk akut, tuɔɔckè wèt tènè bənydīt apuruuk raan Roma bī Paulo bēēi tènè we, ku luelkè lɔn wíc wek ye bāk kè cī looi bən deet, ku yók aabī rôt guuir buk nɔk kè kēc yēēt wenhūim.”

16 Ku wən nyankən è Paulo ècī wèt nək nər piŋ, go riŋ tē rēer apuruuk thīn ku le wēt lək Paulo.

17 Go Paulo raan tók kam bāny apuruuk cɔl ku lək ye, “Yāth riēnythii kənè tènè bənydīt apuruuk, ala wèt wíc bī lək ye.”

18 Go bəny apuruuk riēnythii wən yāth tènè bənydīt apuruuk ku lueel, “Yen aci Paulo, raan mac, cɔl ku lək ya ba riēnythii kənè bēēi tènè yī, rin ala wèt bī bən lək yī.”

19 Go bənydīt apuruuk dɔm cin ku yēth tēden rôt ku thiēc, “Yenō wíc ba lək ya?”

20 Go lueel, “Aci kɔcdīt Itharel mat yic bīk yī thiēc bī Paulo yāth luk yic nhiäk, rin wíc kɔc luk ye bīk kāk juēc cī Paulo looi la deet.

21 Ku duk wētden piŋ, rin abī la raan thiərŋuan ku tē kac bī ye thiēn bīk nɔk. Aaci kuēēŋ bīk cīi mīth ku dēkkē yet tē bī kek ye nɔk. Ku emèn aaci rôt guuir bīk looi, ku aa tit wētdu bīk piŋ.”

22 Go bənydīt apuruuk lək ye, “Duk ben lək raan dēt lɔn cī yīn ya lək wēt kənè.” Ku cɔl riēnythii ajiël.

Paulo aci yāth tènè bənydīt Pelik

23 Nawən ke bənydīt apuruuk cɔl bānyken apuruuk karou ku lueel, “Kuanykè apuruuk buət karou ku jɔl aa raan thiərđhorou cath mathiāŋ, ku raan buət karou ke muk tɔŋ bīk la Cetharia, ku rēerkè ke cī rôt guuir bīk lööny dhöl emèn akāu.

24 Ku wiēc kè mīthiōŋ bī Paulo ke cath, ku yāthkè tènè bənydīt Pelik ke cīn kēreec yök ye dhël yic.”

25 Ku jɔl bənydīt apuruuk athör gōt elä,

26 “Yen, Klaudiōth Lithiath yen agēt athör kənè tènè yī bənydīt Pelik path apēi. Yīn aca muōth.

27 Kɔc Itharel aake cī mony kənè dɔm ku duerkè nɔk. Ku aca piŋ lɔn ye yen raan Roma, guɔ la kek apuruōkkiē bīk la kony.

28 È wiēc ba awuōc ye kek ye gaany ŋic, guɔ yāth amat yic tènè ke.

29 Aca yök lɔn acīn awuōc cīi looi bī yök ye nɔk, nadè ke macku. Ayekè gaany kāk la thiääk kek löōŋken.

30 Nawən la lək ya lɔn cī kɔc kɔk Itharel wēt mat yic bīk mony kənè nɔk, guɔ tak ba tuɔc tènè yī. Ku lək kɔc awən gɔony ye, week lak tènè Bənydan dīt bāk awuōc cī monyè looi la lueel yenhom.”

31 Go apuruuk kēwən cī lək ke looi. Ku nyēikè Paulo è wēer kən bīk yet Antipatrīth.

32 Nawən bak piny, ka apuruuk ke cath kecök dhuk Jeruthalem, ku nyiēŋkè Paulo apuruuk cath mīthiōŋ bīk la kek ye.

33 Ku yēthkè Cetharia, ku gēmkè athōör tènè bəny Pelik ku thōnkè Paulo.

34 Nawən cī bənydīt Pelik athōör kueen, ke thiēc Paulo, “Ye raan wun nən?” Nawən yök lɔn è yen raan wun Cilicia

35 ke lueel, “Yen abi wētdu piŋ tē le kɔc gɔony yī yēēt.” Ku yōök apuruuk bīk Paulo la muk ku titkè pan wäär buth Antipāth Yērot.

1 Nawën nïn kadhiëc cök ciëen, ka Ananiath raandit käk Nhialic la Cetharia kek kacdit käk ë baai, ku jol a raan bi wëtden njec la kuany yic luk yic cöl Tertuluth. Ku lek bënydit Pelik nhom ku lëkkë wëlken gəony kek Paulo.

2 Go Tertuluth cöl ku jol Paulo gaany ëlä, “Yin bënydit! Wët ye yin raan njic kac mac ë yen aci yok rëer run juëc dšor yic ke cin aliäap. Ku kajuëc peth ca looi kek aaci wušnda yäth tuenj.

3 Käpuothkä aa nhiarku ke ëbën akölaköl. Ku yin acuk leec yopuöth apëi.

4 Acä wic ku ba jam apëi, ku yin alän ba wël kuënkü yi piñ.

5 Yok aaci mony kënë yok ke ye raan rac. Yen acä aliäap a looi kam koc Itharel pinynhom ëbën. Ku yeen ë bëny koc akut Nadharet.

6 Yeen awic bi luaj Nhialic yiëk yic bušöl. Ku yeen acuk döm. Acuk them buk tëm awuöc təcit të ye lööñ panda ye luëel thïn.

7 Ke yeen aci bënydit apuruuk Lithiath bën döm bei yocin riel ku nyiëi.

8 Ku yöök koc ci Paulo gaany ku bik bën luk yic yinhom. Të thiëëc yin ye, ka ba guo njic kek käk ci yok ye gaany.”

9 Ku met koc Itharel thïn aya ku luelkë lön käk ci Paulo gaany aa yith.

Paulo aci rot kony Pelik nhom

10 Go bënydit baai Paulo jäl yšök bi jam, ku jol Paulo lueel ëlä, “Anjiec lön ye yin raan ci luk luök run juëc ë wundaan. Ke yen amit pušu ku ba rot kony yinhom.

11 Të lëu yin ye ba yic njic, ke wäär təcit nïn kathiäar ku rou ëmën, yen ë le yen Jeruthalem ba la röök thïn.

12 Ku koc Itharel acin raan cik yok ke göth ke yen luaj Nhialic. Ku keek aakëc ya yok ke ya ye koc rac nhüim tën amat Itharel. Ku jol aa yön käk yiic aya.

13 Ku keek acik bi lëu bik yi lëk kën ye nyuöth lön ye käk cik kuëen yaguöp yith.

14 Wët lëu ba gam akïn. Yen ë Nhialic ye wärkuan dit door, door aya dhël yen yekë lueel ka cie yic. Ku yen ë këriëëc ëbën ci göt lööñ Mothith ku athör koc käk Nhialic tñj yiic gam.

15 Yen ala nšth cit nãthden aya tënë Nhialic lön bi koc ëbën, koc path ku koc rac röt jot thou yic aköldä.

16 Ke yeen aya them ku ba kë la cök looi tënë Nhialic ku koc ëbën.

17 “Yen aci run nök wei Jeruthalem, ke yen ya ci la wëüu ba yäth tënë kackië ku la rot koc.

18 Ee wën looi yen ë kënë yen ë yok kek ya luaj Nhialic ke ya cä guöp wušöny wei käreëc. Ee cin yšöm rëer kek ya, ku ë cin aliäm ci rot looi.

19 Ku koc Itharel ke bö wun Athia aake rëer thïn. Ku keek nhüim, njuöt aaci dhiël bën yinhom ku bik kë ca wušöc bën lueel.

20 Na cie këya, ke ë röör rëer ë tën, ka luel awuöc cik yok ca looi wäär ci ya yäth luk yic.

21 Kë njec ë kë tönj ca lueel ëlä ke ya kääc kenhüim, ‘Yen aci bëi luk yic aköl wët ci yen ye gam lön nadë ke koc ci thou aabi röt jot bik pir.’ ”

22 Ku ë njic Pelik apath yen të ye dhël pir koc Itharel theëk thïn. Go luk pušl ku lëk ke ëlä, “Na la bënydit apuruuk Lithiath yëët ke luöñdun aba tñj.”

23 Ku lëk bëny apuruuk rëer apuruuk Paulo tiit nhüim ku bi Paulo ci tiit apil yic, ku yekë koc mäath kek ye pušl bik kækken wic aa bëi tënë ye.

Paulo aci jam tënë Pelik ku Druthila

²⁴ Na la nïn lik thök, ke Pelik bō kek tienḁe Druthila, ku ē nyan kōc Itharel. Ku tuc Paulo bī bēēi bī wēt ye Paulo gam rin Jethu Krītho bēn piñ.

²⁵ Nawēn la Paulo tuenḁ ke jam wēt path ku lōn bi raan rot tiit kāreċ, ku jol a bēn akōl luñḁit, go Pelik rišōc ku lueel, “Yīn alēu ba jāl ēmēn. Yīn aba bēn cōl tē cī yēn nhom bēn lāāu.”

²⁶ Ku ye nḁōth lōn bī Paulo ye riōp wēēu. Ku rin ē wēt kēnē acī bēn a tuōc akōlakōl ku jīem kek ye.

²⁷ Na la run karou thök, ke Porkiōth Pethtuth wēer nyin bēnyḁit Pelik ke ye bēny. Pelik ē wīc ku bī kōc Itharel nhiaar, go Paulo nyāāḁ mēc yic.

25

Paulo acī thiēc ku bī tuōc tēnē Bēnyḁaknhom

¹ Nin kadiāk cōk ciēen wēn cī Pethtuth yēēt Cetharia, ke jīel thīn bī la Jeruthalem.

² Tēwēn ke kōcḁit kāk Nhialic ku jol aa bāny Itharel ke gōony Paulo la tēnē ye, ku lēkkē wētḁen. Ku lāḁkē Pethtuth,

³ ku bī ke luōi kē wīckē kepuōth ku bī Paulo bēēi Jeruthalem, rin ē cīk mat yic ku bīk Paulo nōk dhēl yic.

⁴ Go Pethtuth bēer, “Paulo abī rēer ke mac Cetharia, rin yēn adhuk ē nīnkā.

⁵ Calkē bānykun aa la Cetharia kek ya, ku bīk jāl la kuēn guōp tē le yēn awuōc cī looi.”

⁶ Go Pethtuth nīn kabēt aduērkkē aa thiāār kaḁ nōk ke ke, ku jol la Cetharia. Na akōl dēētē ke la luk yic, ku jol apuruuk yōk ku bīk Paulo kuēēth yēnhom.

⁷ Na la Paulo yēēt, go kōc Itharel ke bō Jeruthalem ke kāāc, ke cīk gōōm piny, jōk bīk kāreċ apēi lueel yeguōp, ku acīn kē cie nyuōth lōn ye kākā yith.

⁸ Go Paulo rot kony ēlā, “Yēn acīn kē ca wuōc lōōḁ kōc Itharel yiic, ku acīn aliām ca looi luāḁ Nhialic, agut Bēnyḁaknhom Roma acīn wēt rēec ca lueel yeguōp.”

⁹ Ku wēn wīc Pethtuth ye bī nyuōth kōc Itharel lōn nhiēer yēn ke, go Paulo thiēc, “Cī lēu ba la Jeruthalem ku ba luōḁdu la luk thīn lōn ye kāk cī kuēen yīguōp yith?”

¹⁰ Go Paulo lueel, “Tē kēēc yēn thīn ē luḁ bēny yic, ku ē yēn tē lēu ye bī luōḁdiē tiḁ thīn. Acīn kēreec ca looi tēnē kōc Itharel, cimēn ḁic yīn ye apath.

¹¹ Na ca lōḁ dhoḁ kōu, ku le kēreec ca looi lēu bī ya tēm awuōc bī ya nōk, ka cā lēu ku ba thiēc bī yēn puōl. Ku na cīn yiny tō thīn kāk cī kuēen yaguōp, ka cīn raan lēu ye bā thōn ke bīk ya nōk. Ke yēn awiēc ku bī ya bēny yēn bī luōḁdiē la luk.”

¹² Go Pethtuth wēt cī Paulo lueel kaḁ guēēk yic kek kōc akutḁen luk, ku jol dhuk nhom, “Wēt cī yīn ye lueel ke Bēny Agrīpa yēn abī luōḁdu luk, ke yīn abuk tuōc ye.”

Pethtuth acī luḁ Paulo tēt yic Bēny Agrīpa

¹³ Nin lik cōk ciēen ke Bēny Agrīpa kek Bernike bō Cetharia bīk Pethtuth kēny, bīk la lēk ye lōn mīt kek puōth wēt cī yēn yēēt.

¹⁴ Tēwēn cī kek rēer nīn juēc, ke Pethtuth jol wēt Paulo kuēny yic bēny, “Ala raan rēer ē tēn cī Pelik nyāāḁ piny ke mac.

¹⁵ Na wāār lar Jeruthalem, go raandit kāk Nhialic kōc Itharel ku bānyken, gaany tēnē ya ku wīckē ba tēm awuōc.

¹⁶ Guō lēk ke lōn nadē kōc pan Roma aacie raan cī gaany ye gam, wēt kēreec cī looi ke kēc kaḁ tuōōm nhom kek kōc cī ye gaany, ku bī rot kony awuōc cī ye gaany.

17 Na wäär ca bën ë tën, ke yen akëc bën gääu. Yen aci bën la luk yic aköl bi niënkië aa rou ë tën, ku yöök apuruuk ku bik ë mony kënë bëëi ba luõnde tñj.

18 Koc aterde aaci röt bën jot, ku acin këreec diit cik bën kuëen yeguõp tëcit tën ye yen ye tiñ thïn.

19 Kë ca bën yök ë lön ye kek teer kek ye tē ye yen Nhialic duõr thïn, ku jol aa mony dëet col Jethu ci thou, ku yen ë mony kënë aye Paulo lueel ka pñr.

20 Ee cá dhal ba yic yök rin ë wëlkä, guõ Paulo thiëëc bi la Jeruthalem ku ba luõnde la looi thïn.

21 Go Paulo lueel ka wïc bi puõl ke tiit apuruuk agut tē bi bënyñaknhom luõnde tñj. Guõ apuruuk yöök ku bik tiit agut tē bi yen ye tuõc tënë bënyñaknhom.”

22 Go Agrïpa lëk Pethtuth, “Luñ ë mony kënë aba luk yen ya nhom.” Go Pethtuth dhuk nhom ëlä, “Abi bëëi yïnhom nhiäk.”

23 Nawën bak piny ke Agrïpa ku Bernike bõ ku lor ke yai, ku luëñkë yön luk kek bënydit apuruuk ku jol aa bëny ë geu. Ku yöök Pethtuth apuruuk bik Paulo kuëeth luk yic alon thïn.

24 Ku lueel, “Yin bëny Agrïpa, ku jol aa wek koc rëër tën kek yo. Mony yen dëei wek kënë ë yen raan ci koc Itharel rëër ë tën ku jol aa Jeruthalem gaany tënë ya. Ayekë lueel ke loi duõot lön nadë ka cii päl ke pñr.

25 Ku yeen acin awuõc ca yök ci looi lëu bi ye tēm awuõc bi nõk. Ku yeen nhom aci wïc bi ya bëny yen luk luõnde, guõ gam ku ba tuõc tënë ye.

26 Ku yen acin yiny puõth ca yök ba göt ë rienke tënë bëny. Ke yeen aca bëëi yïnhom, ku ë yin bëny Agrïpa, rin ba wëtde wïc yic, rin ku bi la kë jäl göt.

27 Aya tñj lön cii yen path ku bi raan ci mac tooc ke cin kën wën ci rot deet ye nyuõth, kek käk ci ye gaany.”

26

Paulo aci rot kony Agrïpa nhom

1 Go Agrïpa Paulo yöök, “Yin aca puõl ku ba jam ba rot kony.” Go Paulo yecin nyuõth bi koc biet ku jol jam ëlä bi rot kony.

2 “Bëny Agrïpa! Yen ë rot yök aköl kënë ke ya mit guõp rin bi yen rot kony yïnhom käk ci koc Itharel ya gaany ëbën.

3 Kënë adhil a yic alanden rin yïin anjic apath, yen tē ye koc Itharel cien thïn, ku käk ye kek wääc thïn. Yin aba lõñ ëmën ku ba yïguõp päl piny ku ba wëlkä pñj.

4 “Koc Itharel ëbën anjickë yen tën piir yen thïn tēyon koor yen. Anjickë tē ci yen piërdië jaak thïn yon tuen panda ku jol a Jeruthalem.

5 Anjickë akölaköl, ku acik bi dhäl lön nadë ke yen aci kanj cien ke ya ye raan akut Parathi koc ke muk löõñ Nhialic cök apëi.

6 Ku ëmën yen a kääc luk yic ë tën rin ye yen wët ci Nhialic lëk wärkuan dit nõõth,

7 kën yen ye kuat kackua kathiaär ku rou nõõth ka bik yök, tē ye kek Nhialic door aköl ku wëër. Ku ë rin nõõth kënë, yin Bënydit, yen aci koc Itharel ya gaany!

8 Yenõ ye wek ye yök wek koc Itharel ke ril yic bäk gam lön ye Nhialic raan ci thou jot bei thou yic?

9 “Aca them yen yen ku ba këriëëc ëbën looi, käk bi rin Jethu raan Nadharet rac guõp.

¹⁰ Yen ë kën aca looi Jeruthalem. Yen ya ye bënydit kāk Nhialic yiëk riel ku ba kōc juëc cī wēt Jethu gam aa dām ku mac ke. Ku aca ya gam aya, yen lōn nēk kōc cī tēm awuōc bi ke tēm thou.

¹¹ Aaca cāl aaye tēm awuōc arak juëc yōn amat kōc Itharel yiic, ku aca them ba ke cōl aban bik wēt Jethu puōl, ku riāak puōu apēi tēnē ke, agut ba ke aa luōp wuōt kōk yiic ku cal ke agum apēi.

Paulo aci tē cī yen a raan cī gam teet yic

(Luisi 9:1-19; 22:6-16)

¹² “Ee rin ë wēt kēnē yen ë ler yen Damathkuth ke ya cī raandit kāk Nhialic yiëk riel.

¹³ Nawēn akōl ciel yic, Bënydit, ke ya ηoot dhēl yic, ke ya tūj many yer apēi, wār akōl, ke ruel nhial ke cā gōōm piny kek kōc ke cath kek ya.

¹⁴ Ku wīlku piny ëbēn, ku piēj rōl ke ye lēk ya thuōndiē, ‘Thawul, Thawul! Yenō cōl yīn ya agum? Yin aci rot ban, rin ye yīn ye wīc ku ba kēcit kēdhie ye akaja looi, kē ye yen wai ye raan la ye ye yup ke kuεeth, wεc ciēēn.’

¹⁵ Guō thiēc, ‘Ye yīn ηa Bëny?’ Go Bëny lueel, ‘Ee yen Jethu, raan ca cōl agum.

¹⁶ Ke yeen jōt rot ku kāac cōkku. Yen aci rot nyuōth yī, rin yīn aca lōc ku ba ya aluanđiē, yīn abī kōc kōk lēk kē ca tūj tēnē ya akōlē, ku kē ba nyuōth yī akōldā.

¹⁷ Yin aba tiit bī ciēn kēreεc yī yōk kōc Itharel ku kōc cie kōc Itharel cin, kōc bī yen yī tuōc thīn.

¹⁸ Keek aaba piōc bik kāη ηic, ku bik luoi kāreεc puōl, ku jiēlkē riel jōηrac yic ku lek tēnē Nhialic, rin gām bī kek wētdiē gam, yen aabi kāreεc cik looi pāl piny ku tēu ke kam kōc cī Nhialic lōc.’

Paulo aci tē cī yen kōc piōc thīn teet yic

¹⁹ “Kēya, Bëny Agrīpa, yen akēc wēt kē ca tūj nhial cīt nyuōth dhōl yic.

²⁰ Wāār tūēj Damathkuth ku Jeruthalem, ku jōl aa wuōt kōc Itharel yiic ëbēn, ku kam kōc cie kōc Itharel, aake ya lēk lōn bik luoi kāreεc puōl ku dhukkē Nhialic, ku yekē luoi kāpath ye nyooth lōn cī kek muōl kāreεc.

²¹ Ee rin ë wēt kēnē, yen aa dām kōc Itharel ya ke ya tō kal luaj Nhialic, ku wīckē bik ya nōk.

²² Ku agut cī akōl kēnē Nhialic acā kony, ku ë wēt kēn, yen akēεc yen ë tēn ku ba kē ηiεc lēk raan ëbēn, kōckor ku kōcđit. Kāk ya lueel ka bī rōt looi aa thōj kek kāk ye kōc kāk Nhialic tūj ku Mothith lueel,

²³ lōn nadē Raan cī lōc ku đoc abī gum, ku ë yen bī rot kan jōt thou yic, ku ë yen abī kōc Itharel ku kōc cie kōc Itharel lēk wēt bī kōc kuōny bei kāreεc yiic.”

²⁴ Tēwēn jiēεm Paulo ke kony rot ë wēlkā, go Pethtuth rēl, “Paulo! Yin aci muōl. Piōc cī yīn piōc aci cōl amuōl!”

²⁵ Go Paulo bēεr, “Bënydit! Yen akēc muōl. Wēl ya lueel aa yith cīn yic muōl.

²⁶ Bëny Agrīpa! Alēu ku ba jam tēnē yī ke ya cīi riōc, rin yīn aηic kākā ëbēn. Aηiεc alanden lōn nadē ke keek aaca lēk yī ëbēn rin kēnē acie kē cīi thiaan, aa kāk ηic jāj ëbēn.

²⁷ Bëny Agrīpa! Cī wēl kōc kāk Nhialic tūj ye gam? Aηiεc lōn ye yīn ke gam!”

²⁸ Go Agrīpa lēk Paulo, “Ye yōk yīpuōu ë kaam thīn lōn bī yīn ya wel ba ya Krīthian?”

²⁹ Go Paulo bēεr, “Na cōk aa kaamkoor ku kaamdīt, rōōkđiē tēnē Nhialic ë lōn bī yīn ku kōc kōk piη kāk luēl ke akōl rōt wel bik ciēt ya, ku acie rin bī ke mac.”

³⁰ Go bëny ku Pethtuth ku Bernike, ku kɔc kɔk ke cī nyuc luk yic röt jət,

³¹ Ku wën cī kek jäl aacī jal aa jam kamken, ëlä, “Acīn kë cī ë mony kënë looi, kë lëu bī ye cɔl anak ku mac aya.”

³² Ku jəl Agriṗa lëk Pethtuth, “Yen ë mony kënë njušt acī lony, ke rin cī yen ye wïc ku bī ya Bënyñaknhom yen bī luõnde la tiṅ.”

27

Paulo ayëth Roma

¹ Tëwën cī ye mat ku buk cath riäi buk la Italia, gokë Paulo ku jəl aa kɔc kɔk cī mac thön Juliöth, bëny akut apuruuk Roma, akut cɔl, “Akut Bënyñaknhom.”

² Ku lok riän bö Adramitiöm, riän cī guiir bī jäl wath thok wun Athia. Aritharkuth raan pan Mathedonia wun cɔl Thethalonika ë cath kek yo.

³ Na aköl dëätë ke yo yet Thidon. Juliöth ë ye raan path, ee cī Paulo pušl ku bī kɔc määth kek ye la tiṅ, rin bik la yiëk kāk wïc.

⁴ Yok acī bar, ku rin cī yok yonhüm wël yom, goku riäi gëer tē bī yen cath thün apath, ku ë ye aləṅ ye aköl bën thün rial pan tō gool nhom wär ciel yic cɔl Thaipruth.

⁵ Ku jəlku wär teem buk la Cilicia ku Pampilia ku lok Mira pan tō wun cɔl Likia.

⁶ Tënë, ke bëny apuruuk yök riän jäl Alekdhändria ke la Italia, go yo yäth thün.

⁷ Ku riäi ë cath amääth rin yom ë dīt apēi. Ku yok aacī nün juëc bën nök dhël yic buk jäl yet gen cɔl Kniduth. Yom ë këc yo pušl ku buk la dhëldan yen buøthku yic, goku ret wanh cɔl Thalmone tən yen bī pan thiin tō gool nhom cɔl Kret yook kol ë yom.

⁸ Ku ciethku ke yo göök yom ke yo kuany agör yəu, ku yok aacī bën yet tē cɔl Wanh Path ë riël, ku ë tən cūi mec kek gen cɔl Lathia.

⁹ Ku ciëṅku thün nün juëc, ku ril yic buk la tuenṅ yo cath wüir, rin ë nünkä aköl Yan lək kɔc kegup wüir ëci bar, tən yen ye yom rut rot jət apēi. Go Paulo ke lëk ëlä,

¹⁰ “Kackië, aya tiṅ lön cäthda jäl ë tən abī yic riël, riäi abī riääk ku kāk tō thün aabī puk wüir, ku kɔc aabī mou aya.”

¹¹ Ku bëny apuruuk ë wët raan kuath riäi ku raan la riäi yen aye piṅ, ku kueec wët cī Paulo lueel.

¹² Ku wath thok tē ye riäi mac thün ëci path bī kɔc mäi thün. Go kɔc juëc keyiic wïc ku bik la tuenṅ bik yet Ponik tē lëu yen rot. Yen ë wanh tō Kret, ku ëcie yethok wël ləṅ bër tē ye aköl lööny piny thün.

Yomdīt acī rot jət wüir

¹³ Yom thöön rot ëci jət ke bö ciëem tē cī raan yenhom wël tē ye aköl lööny piny thün, go kɔc ke cath riäi tak lön nadë ka lëukë bik la tuenṅ ke cath, gokë riäi lony ku gerkë ke kuënykë agör Kret yəu.

¹⁴ Ku kaam thiin awën ke yomdīt ril apēi bö cuëëc tē cī raan yenhom wël tē ler aköl thün, ben bën ke ye piṅ apēi.

¹⁵ Ku yiëk riäi bī la bëëṅbëëṅ, ku ril yic apēi bī gëer tuenṅ tē bī yom thün, goku pušl buk cɔl akuëeth yom.

¹⁶ Yok aacī bën ləṅ wën tēëk yok ləṅ ye yom rut yenhom wël thün, pan thiin tō gool nhom cɔl Kauda. Tëën, acuk bën lëu buk riän koor dušöt riändit cök.

¹⁷ Ku rin dūit yom apēi, gokë dušöt riändit kəu rin bī yom tiim cī ke riäi looi cūi piir wei, ku jəlku dušöt piny wüin. Keek aake riöc ciët riänden bī la döt liëet yic wanh Libia thok, gokë alëth ye yom ke riäi kuaath dāk bei, ku cɔlkë riäi ajəl yom kuaath.

18 Yomdīt ril awēn aci la tuenj ke pīu apēi, nawēn akōl dēētē ke jōkkē bīk kāk tō riāi yic cuat wīr.

19 Nawēn akōl ye nīn diāk ke cuet abēk kāk gēr wīr cienken.

20 Ku cuk akōl ku kuēl tīj nīn juēc, ku yom aci la tuenj ke pīu apēi. Akēcku ben bēn nōōth lōn bī yōk pīr.

21 Nawēn cī kōc nīn juēc nōk ke cīn miēth cīk cam, go Paulo rot jōt ku kēēc kenhīim ku lueel, “Kackiē, na we cī wētdiē piņ wāār bāk riāi cīi geer wei Kret nūōt yōk aa kēc mam kēlā.

22 Ku ē mēnē wek aa lāņ, dēetkē wepuōth! Acīn raan tōj bī thou weyiic, ē riāi yetōk yen abī riāāk.

23 Ku wēn akōu atuny Nhialic yen ye yēn raande, ku yen ya door aci bēn tēnē ya,

24 ku lueel, ‘Duk riōc, Paulo! Yin abī yet Bēnyņaknhom nhom, ku rin ē wēt kēnē Nhialic aci yī pēl wei, ku kōc cath kek yī riāi yic aabī pīr.’

25 Kēya, kackiē, dēetkē wepuōth! Nhialic aca deet puōu, abī kēpath looi tēcīt tē cī ye lēk ya thīn wēnakōu.

26 Ku yom abī riāi kuaath bī cōl ala gool nhom cōk alōn bī yen la riāāk thīn.”

27 Ku nīn aake cī ya thiāār ku űuan, ku yomdīt apēi ē kuath riānda wārdīt Adēkdīēet yic. Na ye tēcīt wēēr ciel yic, ke ye kōc ger riāi yōk kepuōth ciēt yō cī thiōk buk yet agōr thok.

28 Gokē wīn cī duōt thok kēthiek luaac piny pīu yiic, ku wēn ye kek ye luaac piny ēmēn ku mēn, ke yōkkē lōn thiōk wār yic.

29 Gokē riōc ciēt riāi bī rot dēeny kuōr tō pīu yiic, gokē wīn cī duōt thook aleeldīt ye riāi dōm luaac piny riāi thar ciēēn, ku jōkkē bak piny nōōth.

30 Ēcī agēr kōk them ku bīk rōt kuēl bei riāi yic. Ku jōtkē riān thīn koor tō riāndīt yic bei, ku tēēukē wīr ke ye kōc ciēt ke la wīn cī duōt thook aleel luaac piny riāi nhom tuenj.

31 Go Paulo lēk bēny apuruuk kek apuruōōkke, “Na cā agēr rēēr riāi yic, ke kōc tō riāi yic aaci bī pīr.”

32 Go apuruuk wīn cī riāi mac piny teem kōōth ku cōlkē ke aa buōk kuēēr.

33 Nawēn bak piny, go Paulo ke lōj bīk mīth ku lēk ke, “Wek aaci tīt nīn thiāār ku űuan ēmēn, ku keek ē nīnkā yiic acīn kē cāk cam.

34 Wek ya lōj, ku bāk la miēth camkē, wek aa wīc miēth rin ku bāk pīr. Acīn raan tōk weyiic la kē bī ye gōot.”

35 Tēwēn cī yen wēt kēnē lueel, go Paulo ayup lōōm, ku rōōk ke lec Nhialic kenhīim ēbēn, ku bēny ayup yic, ku kōj jōk bī mīth.

36 Keek aaci kepuōth bēn dēet, ku mīthkē ēbēn.

37 Yōk kōc yō tō riāi yic, yōk aa yō ye buōt karou ku thiārdhorou ku dātem.

38 Nawēn cī raan ēbēn mīth, gokē rap ke tō riāi yic dhēēth wīr rin bī riāi pial.

Riāi aci atiaktiak rac

39 Nawēn cī piny bak, ke kōc ger riāi aake kēc tē cī kek yēēt thīn űic, keek aaci tē cī wār yekōu tot thīn, la yic liēet tīj, gokē tak bīk riāi gēer thīn bīk la mac.

40 Gokē wīn yeke riāi mac piny teem wei bīk dīr piny, ku dākkē wīn cī ke alau duōōt piny. Ku jōtkē alēth nhial ku bī yom riāi kuaath tuenj, bī la agōr thok.

41 Ku riāi aci bēn la tē cāāl ku dōōt liēet yic bī ciēn tē ben yen rot nyoōj, ku cī abāņ ciēēn dhoj atiaktiak abī dōj ke ya apēt.

42 Ēcī apuruuk tak bīk kōc cī mac ēbēn nōk, bī ciēn raan tōōj kuēēņ ayēer bī kat.

⁴³ Ku ë wïc bëny apuruuk bï Paulo kony bï cïi nāk, go apuruuk yōōk bïk ciën kē loikē tēnē kōc mac. Ku yōōk kōc ñic kuañ bïk kañ thūēt wūr tuen ku bïk kuεεñ ayeer,

⁴⁴ ku kōc kōk aake bï jal lōk kuañ, ke cï tiim riäi cï duōny kuōk bïk ke yāth ayeer. Ku ë yen tē cï yōk bēn kuεεñ ayeer thīn akan ke yo puəl gup.

28

Kē cï rot looi tēnē Paulo Malta

¹ Wēn cï yōk yet wār alōntui yo puəl gup, ke jōlku ñic lōn cōl pan tō gool nhom Malta

² ku kōc ke ciēñ thīn aaci yo lor, ku nyuuckē yo apath. Tēwēn ke den tueny ku lir piny apei, gokē mac took ku cōlkē yo buk yōc.

³ Go Paulo tiim kuar piiny ku tēū ke mēεc, tēwēn ke kēpiiny bō bei tiim yiic, ku kεc cin abi nuet thīn.

⁴ Ku tīñ kōc awēn tō thīn kēpiiny ke cï nuet Paulo cin, ku jīεmkē kamken, “Mony kēnē ala cin rim. Ku kēnē aci yen bï pīr, cōk alōn cï yen poth wūr ke kēc mou.”

⁵ Ku tēn awēn ke Paulo yīr kēpiiny mēεc, ke cīn kērεεc cīi rot looi tēnē ye acīn.

⁶ Ku ë titkē bïk tīñ ke cï but cin, nadē ke wiēk piny nyin yic ke cï thou. Ku tēwēn cï kek tiit apei ku cīn kē tīñkē ke cï rot looi tēnē Paulo, ke war kenhūm ku luelkē, “Yeen ala guōp jōñril apei.”

⁷ Dum raandit baai cōl Publiōth, aake cï mec kek tēwēn looi kēnē rot thīn tēnē Paulo. Ku yeen aci yo ñic lor aya, ku rēerku yo ye jāälke nin kadiäk.

⁸ Wun Publiōth ē rēer biōōk yic ke cï juäi dām ku yiāny riem. Go Paulo la yōt tēnē ye, ku rōōk ku dōc, go pial.

⁹ Wēn cï kēnē rot looi, go kōc juēc ke tuany bēn, go Paulo ke dōc bïk pial.

¹⁰ Ku gēmke yo kājuēc, ku wēn jīel yōk, gokē kāk bï yōk dhēl tēk tāäu riäi yic.

Paulo aci jāl Malta bï la Roma

¹¹ Nawēn pēi kadiäk cōk, ke yo jīel riān cōl, “Jak Acuek,” bō wanh cōl Alekdhāndria ku yen aci pēi bēn nōk ke kääc Malta rin yom ē dit apei.

¹² Ku yeetku gen cōl Thirakuthe, ku nākku nin kadiäk thīn.

¹³ Ku jīelku thīn, ku lok gen cōl Regium. Nawēn bak piny ke wel yom nhom, ku yeetku gen cōl Putōli nin karou cōk.

¹⁴ Ku yōkku kōc cï gam thīn, ku thiēcē yo buk rēer ke ke nin kadhrou. Ku jōlku jāl tēn ku lok Roma yōcōk.

¹⁵ Wāmāthkuan tō Roma aake cï yo piñ lōn bīi yōk, go kōc kōk bēn gen yōc cōl Apiōth ye jōl nin thin bïk yo lor. Wēn tīñ Paulo ke, ke lec Nhialic, ku riil kēnē puū.

Paulo aci yēēt Roma

¹⁶ Wēn cï yōk yēēt Roma, Paulo aci bëny mac Roma puāl bï rēer ē rot kek apuruk tōñ tit ye.

¹⁷ Nawēn nin kadiäk cōk, ke Paulo cōl kōcdit Itharel rēer Roma bïk rōm kek ye. Nawēn cīk kenhūm mat, ke luel tēnē ke, “Wāmāthkiē! Wēn cōk yen ciën kērεc ca looi tēnē kackua, ayi lōn kēc yēn ciēñ wārkuandit dhāl yic, yēn aci mac Jeruthalem ku thōn ya apuruuk Roma.

¹⁸ Gokē yēn thiēc awuōc ca looi, ku wīckē bïk ya lony, rin acik yōk ke cīn kē ca looi lēu ye bï ya nōk.

19 Nawën la kɔc Itharel kuc wët bī ya lony, guo luŋndië cɔl ayëth tənë bēnyaknhom Roma mac wuōnda aya, cɔk a lɔn cīn yen kē gɔony yēn ē kackua.

20 Yen ē kē wīc yēn we buk rōm, ku jaam kek we, rin yēn acath ya mac rin wët raan yen n̄sōth kɔc Itharel.”

21 Gokē lueel tənë ye, “Acīn athōr cī yēēt tənë yo Judia rienku, ku acīn wāmāthdan cī bēn kek wët, lɔn le yen kēɛɛc ca looi.

22 Anhiarku buk wēlku piŋ rin anjicku lɔn ye kɔc juēc akut tō yīn thīn, jāām guōp.”

23 Kēya, gokē akōl bī kek rōm kek Paulo mat yic, ku kɔc juēc aacī bēn akōl kēnē tē rēer Paulo thīn. Ku jol Paulo wët bāāny Nhialic teet yic tənë ke, jɔk riel yet thēēi. Ēcī them bī nyooth tənë ke lɔn kē ye lueel rin Jethu ē yic, ku nyooth lɔn thōj lōj Mothith ku kāk kɔk cī gōt kɔc kāk Nhialic tīj, kek wët ye lueel.

24 Go kɔc kōk wët ye lueel gam, ku kuc kɔc kōk.

25 Gokē jāl ke tēer kamken, wēn cī Paulo ye lēk ke ēlä, “Ee yic apēi, yen tē cī Wēi Nhialic raan kāk Nhialic tīj cɔl Ithaya lēk thīn bī lueel ēlä tənë wārkuan dīt.

26 Rin acī lueel ēlä,
 ‘Lɔr luel tənë kɔc Itharel,
 Wek aabī weyīth diēl piny apēi ku acāk bī deet,
 wek aabī wenyīn pāl piny apath, ku acāk bī tīj.

27 Rin kɔckā aa ril nhūm,
 keek aacī keyīth cuōk,
 ku keek aacī kenyīn niēen.
 Nuōt keek aa daaī, ku nuōt keek aa piŋ, ku detkē kāŋ yīc, ku lueel Nhialic.
 Na cī rot looi kēya,
 nuōt aacī kepuōth wēl yēn ku kuōny ke.’ ”

28 Ku wit Paulo wētde ēlä, “Alēukē bāk dhiel njic, lɔn wët bī kɔc kony bī kɔc pīr, bō tənë Nhialic, acī lēk kɔc cie kɔc Itharel. Ku abik piŋ.”

29 Wēn cī Paulo ē wët kēnē lueel, ke kɔc Itharel jiēl ke tēer apēidīt kamken.]

30 Ku jol Paulo rēer run karou pan ye riap yic, ku ē ye kɔc bēn bīk ye bēn tīj lor ku nyuuc ke.

31 Ee ye piōoc wët bāāny Nhialic, rin Bēny Jethu Krītho, ku jiēem tənë kuat raan ēbēn ke cīi riōc, ku acīn kēnē ye gēl bī cīi ye piōoc.

Athör cī Paulo gät kɔc Roma

Wēt nom

Athör Paulo tēnē kɔc Roma ē gät rin bī ke lēk lɔn cī yen ye guir bī akut kɔc cī gam Roma la neem. Ee cī Paulo guir bī lōk la rēer bī luui kam kɔc cī gam tētui, ku bik jāl kuony dhōl bī la Ithpania. Acī gät bī kɔc cī gam Roma tēt kē njic rin gam, ku tē ye gam pīr kɔc cī gam luōi thīn. Athör kēnē ala yic wēt ril yen gēt Paulo athōr rin Wēt Puoth Yam.

Wēn cī yen akuut kɔc cī gam Roma muōth ku lēk ke lɔn ē yen rōok riēnken, ku jol gōc wēt lēk ke ēlä, “Wēt Puoth Yam aye nyuōth tē ye Nhialic kɔc kuony thīn bik la cōk yenhom.” Ku kēnē aye Nhialic jōk ku rēer thīn kēya rin gam ē raan, cimēn ye athör thēr wēl Nhialic ye lueel ēlä, “Ku raan la cōk Nhialic nhom abi pīr ē gam.” (1:17)

Ku jol Paulo ē gōc kēnē teet. Raan ēbēn, kɔc Itharel ku kɔc cie kɔc Itharel, aa dhil la cōk tēnē Nhialic rin keek ēbēn aatō adumuōm yic. Kɔc aa la cōk tēnē Nhialic tē gem kek Jethu Krītho. Ku ben Paulo mǎn rot kek Jethu raan cī lɔc ku dɔc, yen pīr ē yam teet, lɔn raan cī gam ala dōr ke Nhialic. Ku aye Wēi Nhialic bēēi bei riel adumuōm yic ku thou. Cōkdīt ē 5 yet 8; Paulo acī jam aya rin lōj Nhialic, ku riel Wēi Nhialic rot nyuōth pīr raan cī gam yic. Ku gēt Paulo lɔn ye kɔc Itharel ku kɔc cie kɔc Itharel nhīm thōj kē cī Nhialic guir tēnē raan ēbēn yic.

Ku wit wētde lɔn kuc cī kɔc Itharel kuc Jethu ē luoi Nhialic, rin yen ē tē bī raan ēbēn cɔl ayōk dhēj Nhialic dhēl Jethu raan cī lɔc ku dɔc. Ku aye Paulo njic lɔn cī kɔc Itharel bī la tuēj ke kuc Jethu akōlakōl. Ku jol Paulo gät ciēn tē dhil raan cī gam pīr thīn, ku nhiēr bī raan kɔc kōk nhiaar. Paulo acī kārīl gät ke ye luōi tēnē Nhialic, ku luoi raan cī gam tēnē baai ku tēnē raan dēt, ku puōn la cōk njic kēpath ku kērac. Ku thīk athör cī gät cōk muōth ku wēl lēc tēnē Nhialic.

Kāk tō thīn

Wēt nom ku gōc 1:1-17

Kē wic raan bī pīr 1:18-3:20

Dhēl Nhialic rin pīr 3:21-4:25

Pīr yam rin Raan cī lɔc ku dɔc 5:1-8:39

Kɔc Itharel ē guir Nhialic yic 9:1-11:36

Njic ciēn raan cī gam 12:1-15:13

Thōk ē wēt ku muōth 15:14-16:27

¹ Ee yen Paulo alony Jethu Krītho. Yen raan cī Nhialic cɔl ba ya atuuc ba Wēt Puoth Yam luēl.

² Wēt Puoth Yam, ee wēt cī Nhialic thōn thēr, ku ēcī kɔc kākke tīj lueel tēcīt tē cī gät ye wēl thēr Nhialic yic.

³ Wēt yam kēnē ē wēt Wēn Nhialic cī bēn a raan kuat Bēnyjakhom Debit.

⁴ Ku Jethu acī nyuōth ē Wēi Nhialic ke ye Bānyda, Wēn ril Nhialic, wār jōt ye bei raj yic.

⁵ Ku ē riēnke yen acī Nhialic yen yiēk dhēj de ku cɔl yen aye atuny Jethu, ku ba kɔc pinynhom ēbēn cie kɔc Itharel cɔl bik gam ku thekkē Nhialic.

⁶ Ku wek kɔc cī gam tō Roma aya, wek acī Nhialic cɔl bāk aa kɔc Jethu raan cī lɔc ku dɔc.

⁷ Kēya, yen agēt tēnē we ēbēn, wek kɔc nhiēr Nhialic, cī ke cɔl bāk aa kacke, Bī Nhialic Wāda ku Bēny Jethu we tuōc dhēj ku dōr.

Ajōth Paulo lɔn bī yen la Roma

⁸ Tuenj, yen alec Nhialicdië rin Jethu raan cî lóc ku dác è rienkun, rin koc ëbën pinynhom aaci gamdun njic ëbën.

⁹ Nhialic yen luöoi piändië ye yen koc lëk Wët Puoþh Yam cî Wënde lëk koc, anjic tē ye yen we

¹⁰ tak thïn akólaköl è röökkië yiic. Yen è röök lön bï Nhialic ya puöl tē wïc yen ye ba we la neem.

¹¹ Rin awiëc apeidit ba we la tñj ku ba we gam athiëi Wëi Nhialic bák riel è gamdun yic.

¹² Ku kē lueel akïn, rin bï gamda we ku yen yo dëet puoþh yodhie.

¹³ Awiëc bák njic miëthakâi lön è ca guuir arak juëc ba la tēnē we, ku ala kēn ye yen gël ba cïi la. Ee wiëc ba la tēnē we ba koc kök lëk bïk gam kamkun aya, cimën le yen koc kök pinynhom cî gam cie koc Itharel.

¹⁴ Rin ala kē cî yiëk ya ba dhïel looi tēnē koc ëbën, koc pëth ciëñj ku koc rëec ciëñden, ku tēnē koc cî piöc ku koc këc piöc.

¹⁵ Ku è wët kēnē yen awïc yen ye apeï ba we dhïel lëk Wët Puoþh Yam wek koc rëër Roma aya.

Riel Wët Puoþh Yam

¹⁶ Yen acie guöp è yär Wët Puoþh Yam, rin è yen riel Nhialic koc cî ye gam kony, koc Itharel ku koc pinynhom cie koc kök Itharel aya.

¹⁷ Ku Wët Puoþh Yam aye nyuoþh tē ye Nhialic koc kuony thïn bïk la cök yenhom. Ku kēnē aye Nhialic jök ku rëër thïn këya rin gam è raan, cimën ye athör theer wël Nhialic ye lueel ëlä, “Ku raan la cök Nhialic nhom abï pïr è gam.”

Awuöc è raan

¹⁸ Rëëc puöu è Nhialic è rot nyuöoþh pan Nhialic tēnē koc man Nhialic. Ku käreec yekë ke looi aa yic gël bi cïi cöl anjic.

¹⁹ Nhialic è puöu rëëc tēnē ke rin kē lëu raan bï njic rin Nhialic ala gei apeï, aci Nhialic tääu raan ëbën puöu bï njic.

²⁰ Tëthëer yon cek Nhialic nhial ku piny, alëu raan ëbën bï njic è gai lön riel Nhialic è rëër thïn akölrïëc ëbën, ku yeen è Nhialic alanden. Kājuëckä aacie tñj ku aaye njic rin kājuëc cî Nhialic cak. Këya, acin kē kñj kek röt kony.

²¹ Keek aake njic Nhialic ku not ke kuec bïk cïi dor. Ku kueeckë bïk cïi gëm alëcdden è yen Nhialic. Ku jöl käkken yekë tak ciënkë konykë ku la piäthken biþh.

²² Na cök alon ye kek ye lueel lön njic kek kähj, ku acin kē njickë.

²³ Ku lön bï kek ye aa door è Nhialic pïr akölrïëc ëbën, ka yekë ke door käk cïi pïr ku raan è thou. Ku kök ci kiëet ke cit diet ku lääi. Ku käkök wuc piiny keyöth cimën käpieny.

²⁴ Ku rin è kēnē, aaci Nhialic ke puöl bïk aa luui käreec wïc piäthken, käk la biþh. Ku wïcwic è diäär ku käkök yekë ke looi kamken käk koc cöl ayär gup.

²⁵ Ku lön bï kek kēn yic njickë rin Nhialic gam, ka yekë gam è lueth ku yekë ke door käk ke cek Nhialic, ku kueeckë Aciëñj yen cak käkä yen dhil ya door akölrïëc ëbën. Yenakan.

²⁶ Ku è yen aci Nhialic ke puöl bïk aa luui käreec koc yöör gup. Ayï diäärken aya aaci tē cî koc cak thïn puöl, ku aa röt lööm è röt.

²⁷ Këlä aya, röör aaci töc ye kek töc kek diäär, cit tē cî koc cak thïn puöl, ku rum bal kepuoþh bïk ke aa lööm röör kök cit ke. Röör tuil röör kök, ku yekë

kärec cīt käckä looi, aaye tēm awuɔc thōŋ kek kärec yekē ke looi. Käk kēc pušl bī ke aa looi këya.

²⁸ Ku yeen aya rin cī kek kuc bīk yiny Nhialic cīi ŋic, aaci Nhialic pušl aya bīk aa tak kärec ku yekē luui kärec cīi ke lēu bī raan ke looi.

²⁹ Ku aaci pušth thiāŋ aya ē tiēl, nāāk, thōr, ruēēny ku kuiith, ku aa lum.

³⁰ Ku aa kegup tör lueth ku aa man Nhialic. Aa kɔc nhiam, kɔc dhäl kɔc gup cīn gup athēk. Kɔc tak dhöl juēc bī kek kärec looi. Kɔc cie kɔc ke dhiēth ke ē theek.

³¹ Kɔc cīn gup nhīm, kɔc kēdāŋ gam ku cīk loi. Kɔc cīn pušth cie yiic ē ŋeēr raandā.

³² Cɔk alɔn ŋic kek ye lɔn kärec yekē ke looi, alēu ke bī Nhialic ke tēm thou, ke keek aacie käckä ē looi kepēc, aa kɔc kɔk ke looi lec nhīm aya.

2

Luŋ Nhialic

¹ Yin acīn tē bī yīn rot kony tē luk yīn kɔc kɔk wei. Rin tē ye yīn kɔc kɔk luək wei, ku loi kāwēn yekē ke looi aya, ke yīn ē rot dɔm ē rot.

² Ku emēn aŋicku lɔn Nhialic ala yic tē luk yen kɔc wei, kɔc käckä looi.

³ Ku na ye kɔc luək wei, yīn raan ē path, ku ŋot yī loi ē käckä, ke ye tak lɔn bī yīn luŋ Nhialic ban?

⁴ Tēdēt aya, yīn ē kajuēc rēēr piath Nhialic yiic cīmēn piathden dīt, gum, ku lääu ē pušu yōŋ yiic, rin akuc lɔn aye piath Nhialic nyooth ba yīpušu dhuək ciēn.

⁵ Ku riēl ē nhom, ku rin cī yīn kuc ba yīpušu cīi dhuk ciēn abā awācdu juak yic akōl bī riāāk pušu Nhialic, ku tē bī yen ŋiēc luk thīn abī rot nyuōth.

⁶ Rin Nhialic abī ŋek a gām kē thōŋ kek tē ci yen luui thīn.

⁷ Kɔc bī kepušth dēet ku luuikē kāpath ku wickē duaar, lec ku pīr akōlakōl, aabī Nhialic gām pīr akōlriēec ebēn.

⁸ Ku kɔc ke looi kāk wīc piāthken ku kueckē yic ku buōthkē kärec jōŋrac, aabī Nhialic pušu riāāk tēnē ke.

⁹ Kɔc ebēn ē luui kärec aaba arēem ku gum rac apei yōk. Ku abī rot kaŋ looi tēnē kɔc Itharel, ku tēnē kɔc cie kɔc Itharel aya.

¹⁰ Ku Nhialic abī duaar ku lec ku dōŋr gām kɔc luui kāpath, tueŋ tēnē kɔc Itharel ku jōl aa kɔc kɔk cie kɔc Itharel,

¹¹ rin Nhialic ē luk ŋiēc looi tēnē kɔc ebēn.

¹² Ku kɔc cie kɔc Itharel kuc lōŋ Mothith, ku aa kärec looi luk abī looi tēnē ke cɔk alɔn kuc kek lōŋ. Ku kɔc Itharel aa ŋic lōŋ Mothith, aa kärec looi ku luk aye looi tēnē ke tēcīt tē ye lōŋ ye luēl thīn.

¹³ Rin acie pīŋ ē lōŋ yen kɔc cɔl aye kɔc path tēnē Nhialic, aa kɔc ye looi kē ye lōŋ luēl kek aabī ya kɔc la cōk Nhialic nhom.

¹⁴ Ku ē yic, kɔc kɔk cie kɔc Itharel cīn lōŋ, tē looi kek kēdāŋ tēcīt tē ye lōŋ tō kepušth ē path ye luēl thīn, ke keek aa cīt kɔc la lōŋ cɔk alɔn cīn kek lōŋ Mothith.

¹⁵ Tē ye kek luui thīn aye nyuōth lɔn kāk wīc lōŋ aaci gōt kepušth, aa kāpath ku kärec yekē ke looi ŋic rin aaye piāthken nyuōth ke.

¹⁶ Ku kēlā aya, cīmēn Wēt Puōth Yam ya lēk we, yen ē kē bī rot looi akōl luk tē bī Jethu Krītho luk looi rin Nhialic tēnē kɔc ebēn, ŋek kek kēden cī thiaan yeyic.

Koc Itharel aacie löŋ ye theek

¹⁷ Ku yīn emēn, yīn ē rot cəl aye raan Itharel, ku yīn ē rot cəl aye raan muk löŋ, ku ye jam nhiaam lən ye yīn raan Nhialic.

¹⁸ Yīn anjic kē wīc Nhialic ba looi ku yīn anjic yic rin cī löŋ ye lək yī.

¹⁹ Aca gam lən yīn awat koc cī cəər nhūim, ku yīn ē ruel tēnē koc tō mušōth yic,

²⁰ ku yīn ē koc pišōc, koc kuc kāŋ, ku yīn ē raan piōoc mīth. Ku rin le yīn löŋ aye tak lən ŋic yīn kāŋ ebēn.

²¹ Yīn ē koc kək pišōc yenjō cīi yīn rot ye pišōc? Yīn ē koc wēēt ēlä, “Duškkē ye cuēēr.” Ku yīn cīi ē cuār ē yīenhdū?

²² Aye lueel, “Duškkē ye kōör.” Cīi akər ye looi? Yīn aman jak cī kiēēt, cīi kəpuōth tō yīik jak cī kiēēt yīic ye rum?

²³ Yīn ē jam nhiaam lən ŋic yīn löŋ Nhialic, cīi Nhialic ye dhəl gušp tē cīi yīn ləŋde loi?

²⁴ Aye athōr theēr wēl Nhialic lueel ēlä, “Koc cie koc Itharel aa kārēc lueel Nhialic gušp ē rienkun.”

²⁵ Cīeŋ koc Itharel ye ke ŋoot ē piath tē theek kek löŋ, ku na cīi löŋ thek ke yīn acīt raan kēc ŋoot.

²⁶ Na raan cie raan Itharel kēc ŋoot, raan cīi kē wīc löŋ ē dhəl yic, cīi bī ciēt koc cī ŋoot?

²⁷ Ke wek koc Itharel wek aabi koc kēc ē ŋoot, ku aa löŋ theek ya yšōk lən acīn raan bāk gšk, tē le we tēm awušc rin wek aacie löŋ ye theek, cək alən ŋic wek kē cī gšt ku ŋot we.

²⁸ Yeŋa yen raan Itharel ayic, yen cī ŋoot? Acie raan yeke ŋušt tīŋ yegušp ē path yen ya raan Itharel.

²⁹ Raan Itharel gušp, ee ya raan yepušu aləŋthīn cī piānde ŋoot Wēi Nhialic, ku acie löŋ cī gšt. Ku raan kēnē acie lēc yōk tēnē koc, aye yōk tēnē Nhialic.

3*Nhialic acie athōnde ye waar yic*

¹ Ye kəpuōth nen wēr koc Itharel koc cie koc Itharel? Tēdēt ye kēpiath ŋō ye yōk ŋušt yic?

² Kājuēc aaye yōk ayic! Tuen, koc Itharel aaci Nhialic thōn wētde bīk muk apath.

³ Ku yenjō bī yiēndē tē cīn koc kək Itharel gam? Bī kē cīn kek gam Nhialic cəl awar athōnde yic?

⁴ Acīi bī waar yic! Yiny Nhialic adhīl tō thīn akōlakōl cək alən ye koc alueth. Cīmēn ye athōr theēr wēl Nhialic ye lueel ēlä, “Kēya, bī ŋic lən le yīn yic, wēl ye lueel yīic, ku luk yīn yic.”

⁵ Ku na kārēc yeku ke looi ye Nhialic nyuōth lən le yen cōk alanden, ke yenjō buk lueel? Buk lueel Nhialic acīn yic tē tēm yen ŋo awušc? (Ee tē ye koc jīeem thūen.)

⁶ Acie tēde! Na Nhialic cīi la cōk ke lēu bī luk looi tēnē koc pinynhom?

⁷ Alēu raan dēt bī lueel ēlä, “Na ye lueth ya ke lueel yic Nhialic nyuōth thīn alanden ku juək duaarde yic, ke yenjō ŋot ye ŋa cəl aye raan cī kārēc looi ku tēm ŋa awušc?”

⁸ Yenjō cīi ye luel, cīmēn ye koc kək ŋa cāk thok ku luelkē lən cī ŋen ye lueel ēlä, “Loiku kārēc bī kēpath bēn.” Ee yic bī kōckā tēm awušc.

Acin raan la cök

⁹ Këya, ye yok ñuëñ tënë koc cie koc ë kuatda yok koc Itharel?

Acie yic! Aca nyooth wënthëer lön yok koc Itharel ku koc cie kuatda yok arëër adumuööm yic yodhie,

¹⁰ cimen ye athör theer wël Nhialic ye lueel ëlä,

“Acin raan töñ la cök,

¹¹ acin raan käñ deet yiic, acin raan wïc yeen bi Nhialic ñic.

¹² Koc aaci keköth wël Nhialic, keek aaci rëëc ëbën ka ci la biñh, acin raan këpath looi, acin mën raan tök.”

¹³ “Wël yekë keek lueel aa nhiany, aa cit ran ci ñaany nhom, liëpken aaci lueel lueth ñic.”

“Wël yekë keek lueel aa cit wäl këpiiny koc luaañ.”

¹⁴ “Aa wël ye koc lam ku wël rem apëi kek aatö kethook.”

¹⁵ “Aa koc lac nöc path,

¹⁶ riääk ku mam aa döñ të ci kek tëëk thïn,

¹⁷ ku keek aacii dhël döör ñic.”

¹⁸ “Ku riöc, riöc kek Nhialic aliu käk yekë looi yiic.”

¹⁹ Ku anjicku kuat kë ye löñ lueel, aye lueel tënë koc la ye rin bi ciën raan la kë kony yen rot, ku bi raan ëbën köc Nhialic nhom.

²⁰ Këya, acin raan bi la cök Nhialic nhom të cok yen ye them bi kë wïc löñ looi. Kë ye löñ looi ë lön bi nyuöth raan lön ci yen kërac looi.

Të ye Nhialic koc cök thïn

²¹ Ku ëmën të ye Nhialic koc cök thïn yenhom aci nyooth. Aci löñ ku koc käk Nhialic tññ lueel theer.

²² Nhialic ë koc cök të le kek gam tënë Jethu Kritho. Ee këñë looi tënë kuat raan ëbën ci Raan ci lac ku döc gam, koc Itharel ku koc cie koc Itharel aa thöñ ëbën.

²³ Ku rin ci kek ëbën kërac looi, ee keek cöl amec tënë duaar Nhialic.

²⁴ Ku keek aaci Nhialic muöc dhëñde piände ëbën bik la cök tënë ye. Ku dhëñ ye yok tënë Raan ci lac ku döc Jethu yen ë koc kony bik kërac ci looi.

²⁵ Jethu aci Nhialic gam rin bi thuonde a kë ye adumuööm päl piny të le raan gam tënë ye. Kënë aci Nhialic looi bi nyuöth thïn lön le yen cök. Ku wäthëer Nhialic ë lir puöu, ëcie koc ye tëm awuöc rin kërac cik looi.

²⁶ Ku ëmën aci adumuööm ci looi ëbën päl piny bi nyuöth lön le yen cök. Nhialic aci këñë looi rin le yen cök. Ku të looi yen këñë ë raan ëbën ci Jethu gam cöl ala cök.

²⁷ Na ye këya, yenö ye yok jam nhiaam ë path? Acin këdäñ! Ku ye wët nen ye yok nhiam? Ye rin ci yok löñ theek? Acie tède, ee të ci yok gam.

²⁸ Rin anjicku raan ë la cök tënë Nhialic rin gam ku acie thëk löñ ë rot.

²⁹ Ye Nhialic, Nhialic koc Itharel kepëc? Yeen ciï ye Nhialic koc cie koc Itharel aya? Ee yic ë Nhialic koc cie koc Itharel aya,

³⁰ rin yen Nhialic töñ bi koc Itharel cöl ala cök ë gamden, ku cöl koc cie koc Itharel aala cök rin gamden aya.

³¹ Yeku löñ dhäl yic të le yok gam këñë? Acie tède acin, yok aa löñ juak bi riël.

4*Gam Abaram*

3:12 Wk 14:1-3; 53:1-3

3:13 Wk 5:9; 140:3

3:14 Wk 10:7

3:17 Ith 59:7-8

3:18 Wk 36:1

3:20 Wk 143:2; Gal 2:16

3:21 Gal 2:16

3:30 L.rou 6:4; Gal 3:20

¹ Yenjö buk jäl lueel rin Abaram wundit theer koc Itharel? Yenjö cī rot looi tēnē ye?

² Na Abaram la kēnē cī looi bī yen la cök tēnē Nhialic, nuöt ala kēnē ye yen nhiam. Ku acī loi kēlä tēnē Nhialic.

³ Cīmēn ye wēl cī gōt athōr theer wēl Nhialic yic ye lueel ēlä, “Abaram aci Nhialic gam ku rin gamde aci Nhialic cōl ala cök tēnē ye.”

⁴ Raan luui aye riōp, ku wēū ye ye riōp aacie miōc, ariōpden cī yen luui.

⁵ Ku raan cie luui la gam tēnē Nhialic, Nhialic yen koc cī kārēc looi cōl aala cök, ke gamde yen ē ye cōl ala cök tēnē Nhialic.

⁶ Ku Debit aci wēt thōŋ kek ē wēt kēnē lueel wäär yen jam rin raan mit puōu cī Nhialic gam ke la cök tēnē ye, ke cie luoi puoth ye looi,

⁷ “Koc mit puōth aa koc cī Nhialic awäcken päl piny, ku wuuny adumuōmken wei.

⁸ Raan mit puōu ee raan cī Bēny bī kuēn guōp kārēc cī looi.”

⁹ Ye miēt puōu cī Debit jam kēn koc Itharel ē rōt? Aacie kēden kepēc. Ee kēn koc cie koc Itharel aya, ku wek aa we yeku lēk kē cuk yōk athōr wēl Nhialic yic, rin aci wēt cī gōt theer lueel lōn, “Abaram aci Nhialic gam, ku gamde aci yen a raan la cök tēnē Nhialic.”

¹⁰ Ye nēn yen looi kēnē rot? Loi rot tuenj wäär kēc Abaram ŋoot aye wäär cī ye ŋoot? Ee tuenj, aacie nuöt cök ciēēn.

¹¹ Ku nuōtden jōl ye lōk ŋoot ciēēn, aye nuuōth lōn gam Abaram aci Nhialic ye gam ke ye raan la cök tēnē ye tuenj wäär kēc ye cak ŋoot. Ku kēlä, Abaram ē wundit koc cī Nhialic gam, ku aaye gam ke ye koc la cök tēnē ye cök alōn kēc ke ŋoot.

¹² Ku yen ē wundit koc cī ŋoot aya. Ku aacie rin cī ke ŋoot, ee rin cī kek dhēl pīr gam thōŋ ke pīr wāda Abaram buōth yic wäär kēc ye cak ŋoot.

Athōn ku lōŋ

¹³ Nhialic acā Abaram thōn ku mīth bī lōk dhiēēth lōn bī pinyhom a kēden. Nhialic akēc athōn kēnē looi rin theek Abaram lōŋ, ee rin cī yen gam, ku gam yen aci yen a raan la cök tēnē Nhialic.

¹⁴ Rin na ye kē ye Nhialic thōn koc gām koc lōŋ theek, ke gam acīn wētde yic, ku cīn kēpuoth tō athōn Nhialic yic.

¹⁵ Lōŋ ē rēēc puōu Nhialic bēēi, ku tē cīn yic lōŋ, acīn lōŋ ye dhōl yic.

¹⁶ Nhialic ē loī athōnde rin gam ku rin dhēēŋde, bī athōnde a kēn yic tēnē mīth bī lōk dhiēēth tēnē Abaram ebēn. Ku aacie tēnē koc la lōŋ ē rōt, ee tēnē koc cī gam aya cīmēn Abaram. Rin Abaram yen ē wādan wēikua yōdhie,

¹⁷ cīmēn cī ye gōt athōr theer wēl Nhialic yiic ēlä, “Yīn aca looi ba ya wun koc wuōt juēc.” Abaram aci ya Wāda Nhialic nhom, Nhialic cī gam, Nhialic yen koc cī thou cōl aben pīr, ku wēt ye lueel ke liu thīn cōl aloi rot.

¹⁸ Abaram aci gam ku ŋēēth kē cīn kē ŋōth thīn, ku yen aci yen bēn a wun koc wuōt juēc cīmēn cī Nhialic ye lēk ye ēlä, “Kockun bī lōk dhiēēth aabī juēc ka bī ciēt kuēl.”

¹⁹ Wēn cī Abaram cak dhiōp ē ruōnke aa cīt buōt, ku ŋic lōn tiēŋde Thara ke cī dhiōp ke kēc dhiēth, ke ŋot kēc dhōr gamde yic.

²⁰ Ku rēer ke ŋōth ku cī diu athōn Nhialic, ku gamde aci ye bēn yiēk riēl ku leec Nhialic.

²¹ Ee ŋic, ke cīn diu lōn bī Nhialic la riēl bī kē cī thōn dhiel looi.

²² Ku ē yen aci Nhialic Abaram gam ke ye raan la cök tēnē ye.

²³ Ku wëlkä, “Yen aci gam ke ye raan la cök,” aa kéc güt rienke ë rot.

²⁴ Aake gët rienkua yok koc bi Nhialic gam aya ke yo la cök, yok koc ye gam lon yen Nhialic yen ci Jethu Bányda jot thou yic.

²⁵ Yen aci col athou rin adumuömkua, ku jot bi pir bi yo col aala cök tënë Nhialic.

5

Gam yen abi yo lusik

¹ Këya rin gamda Nhialic aci yo col ala cök tënë ye, ku yok aala döör kek ye rin Bányda Jethu raan ci loc ku dac.

² Yok aaci gamda col abi Jethu dhëej Nhialic yic, dhëej yen rëer yok thin emën. Ku ayeku njöth yo mit puöth lon yok aa duaar Nhialic rom kek ye.

³ Ku acie këlä rot, yok aa puöth miet aya tē guum yok, rin gum ë deet puöu bëëi,

⁴ ku gum ku deet ë puöu aye Nhialic gam. Ku gem ye Nhialic ye gam yen ë njöth bëëi.

⁵ Ku njöth acie yo col ayär gup rin ci Nhialic nhiërde col athiön yopuöth, Wëiken ci gam yo.

⁶ Rin wäär jot cin yen tē ye yok röt kuony thin, ke Raan ci loc ku dac thou rin koc kuc Nhialic aköl ci Nhialic loc.

⁷ Aril yic bi raan thou rin raan la cök, cok alon lëu yen rot bi raan dët thou rin raan path.

⁸ Ku Nhialic aci nhiër nhiër yen yo nyuöth ë kënë yic, rin tēwäär jot ye yok koc la gup adumuööm, Raan ci loc ku dac aci thou rienkua.

⁹ Ku emën thuonde aci yo col ala cök tënë Nhialic. Ku na ci kënë looi, ke ciü yo bi wëer bei ayic riäj puöu Nhialic yic aköl ciëen?

¹⁰ Ku wäär ye yok koc ater tënë Nhialic, yok aaci thon Wënde col aben döör kek ye. Ku na ye këya, ke pir Raan ci loc ku dac ciü yo bi kony?

¹¹ Ku acie kënë ë rot, yok amit puöth aya tënë Nhialic rin Bányda Jethu raan ci loc ku dac aci yo döör ke Nhialic.

Adam ku Jethu

¹² Adumuööm aci bën pinyhom rin raan tök, ku adumuööm ci looi yen aci bën ke thou. Ku këlä, thou aci bën tënë raan ebën rin ci kek adumuööm looi ebën.

¹³ Adumuööm ë tō pinyhom wäär kéc löj Mothith gam koc, ku tē cin yic löj tō thin, adumuööm acie kuëc nom.

¹⁴ Ku jök Adam bi bën Mothith, thou ë jot ye tēm koc agut koc kéc löj Nhialic dhäl yic, cimën wäär ci Adam wët ci Nhialic lëk ye dhäl yic.

Adam yen ë ye kin raan yen bi bën.

¹⁵ Ku keek karou aaciü thöj, rin miöc Nhialic ci gam koc ë path aciü thöj kek adumuööm Adam. Raan tök, Adam, acä adumuööm looi, ku aci thou bëëi tënë koc juëc. Ku kedit apei aya, raan tök, Jethu raan ci loc ku dac aci miöcüt dhëej Nhialic bëëi tënë koc juëc.

¹⁶ Ku miöc Nhialic aci thöj kek adumuööm ë raan kënë. Ku adumuööm töj kënë cök koc juëc aaci tēm awüsc, ku adumuööm juëckä cök, miöc töj Raan ci loc ku dac Nhialic aci bën ku col koc aa ben la cök yenhom.

¹⁷ Rin adumuššm raan tók thou aci bēn pinynhom. Ku kēdit apai koc ci mišcdit Nhialic yök ci jäl la cök, aabi mac ku pürkē akölrüēc rin Raan ci löc ku dɔc.

¹⁸ Kēya, cimēn ye adumuššm tók koc cöl aa tēm awušc ebēn, ke kēlä aya, luoi tōŋ la cök ē koc ebēn cöl aala cök Nhialic nhom, ku bii pür akölrüēc tēnē raan ebēn.

¹⁹ Ku cimēn ci raan tók wēt Nhialic dhäl yic, ku bi koc juēc cöl aala gup adumuššm, ke kēlä aya, rin ci raan tók wēt Nhialic theek, koc juēc aabi la cök.

²⁰ Löŋ ē gēm ē rin bi luoi käreç rot juak, ku tē ye käreç röt juak thün, dhēēŋ Nhialic ē rot jäl juak apai.

²¹ Ku cit lön ye adumuššm koc mac ku bii thou tēnē raan ebēn, ke yeen aya awic Nhialic bi dhēēŋde koc mac ku looi ke bik la cök tēnē ye. Ku gēm ke pür akölrüēc ebēn rin Jethu raan ci löc ku dɔc, Bänyda.

6

Pür rin Jethu

¹ Yeŋö buk lueel emēn? Buk la tuen ke yo loi adumuššm rin bi dhēēŋ Nhialic yeyic juak?

² Acie tēde! Acit kē ci thou tēnē yo, aaci yo bi ben mac. Ye kēde bi yok la tuen yo pür kēlä?

³ Rin anjickē ayic lön riel adumuššm aci dhoŋ köu wäär mušoc yonhüim buk aa koc Jethu raan ci löc ku dɔc, ku yok aaci mušoc nhüim ē thuände.

⁴ Ku yeen aya, wäär mušoc yonhüim, yok aa yo cit koc ci la ran tók yic kek ye thuände yic. Ku cimēn wäär ci Raan ci löc ku dɔc jət thou yic duaar Wun, ke yok aabi pür ē pür yam aya.

⁵ Na cuk röt mat kek ye thuände yic, ke yok aabi röt dhil jət thou yic kek ye aya.

⁶ Rin yok aa yo ye koc adumuššm, pirdan theer ēci thou tim ci riü köu kek Raan ci löc ku dɔc, bi tē ye yok koc adumuššm ciēn kē ben lēu tēnē yo. Ku buk cii ben aa koc tš adumuššm yic,

⁷ rin raan ci thou aci ben rēer riel adumuššm yic.

⁸ Na yo ci thou kek Raan ci löc ku dɔc, ka yeku gam aya lön bi yok pür kek ye.

⁹ Rin anjicku lön na ci Raan ci löc ku dɔc jət thou yic, ka cii ben thou, rin thou aci ben la riel tēnē ye.

¹⁰ Acit thou arak tók rin koc ebēn bi riel adumuššm nyaai, ku piērde emēn ē pür mit Nhialic pušu tēnē ye.

¹¹ Kēlä aya, yakē röt cöl aacit koc ci thou tēnē adumuššm, ku wek aci pür tēnē Nhialic rin Raan ci löc ku dɔc Jethu.

¹² Duškkē adumuššm cöl amec piērdun bāk ke aa theek käreç wic guäpkun.

¹³ Ku duškkē guäpkun pël adumuššm bi ya käreç kek yakē ke looi. Wek aa dhil röt thön Nhialic, ciēt we koc ci thou ci ben pür. Wek aa dhil guäpkun thön Nhialic ku bāk aa kacken ye looi kē la cök.

¹⁴ Adumuššm aci we dhil mac rin wek aaci ŋoot löŋ theer yic, wek aatö dhēēŋ Nhialic yic.

¹⁵ Ye kē pür yok ē dhēēŋ Nhialic ke cie löŋ, yook pušl buk adumuššm aa looi ē path? Acie tēde!

¹⁶ Anjickē alanden lön na thönkē röt raan dēt ku yakē theek we cit aloony, ke wek aa loony ē raan kēnē cök ben adumuššm we yäth thou yic, ku kēya, thekkē Nhialic bāk la cök tēnē ye.

17 Lecku Nhialic, rin wek aa we ye aloony adumuššm, ke wek aaci yith yakë yök käk ye piššc tēnē we yiic, gam piäthkun ebën.

18 Wek aaci wēēr bei adumuššm yic, ku wek aaci ya aloony luoi käk la cök.

19 Yen ajam kälä ē path cimēn tēdun ye wek jīem thīn, rin bī wek kē luēel deet yic. Cimēn wek aa we ye guāpkun ebën thōn luoi käreç rin cī luoiden we rum puōth. Ēmēn, wek aa dhil röt cöl aaye aloony käk la cök rin luoi kēpath.

20 Wäär ye wek aloony adumuššm, wek aa we cie diēer luoi la cök.

21 Yenō kēn cäk yök luoi ē kakkä yiic, käk ye wek gup yār thīn ēmēn? Kakkä, ee thou yen ē yakë yök thīn.

22 Ku ēmēn, wek aaci wēēr bei adumuššm yic, ku wek aaci ya aloony Nhialic. Ku piērdun ebën ē kēde, ku kē yakë yök thīn ē pīr akölrīēç ebën.

23 Rin kē ye yök luoi adumuššm yic, ee thou. Ku mišc Nhialic ē pīr akölrīēç ebën rin Raan cī lōc ku dōc, Jethu Bānyda.

7

1 Anjēc, wek aa kē luēel deet yic miēthakāi cī gam rin wek aa njic lōj. Lōj ē la riel bī raan dām tē njot pīr yen.

2 Tē thōōj yok ye, ke tiñ cī thiaak aci lōj ye pušl bī wīc mony dēt. Ku na thou muonyde ka cīn lōj ben ye gēl.

3 Na wīc mony dēt ke muonyde pīr, ka cī ya tiñ cī kōor. Ku na cī moc thou, ke lōj gēl yeen aliu. Na thiēçk mony dēt ka cīn akōr.

4 Ku ē yen tēde aya tēnē we miēthakāi cī gam. Tē thōj yok ye lōj, ke wek aa cīt koc cī thou tēnē lōj rin wek abanj gušp Raan cī lōc ku dōc. Ku ēmēn wek aa kacke yen raan cī jot thou yic, rin bī wek aa koc puōth loi wēt Nhialic.

5 Wäär njot pīr yok ciējdan thēer cī yo cak thīn, käreç ke cī lōj tāau yopuōth aake lui apei yogup. Ku aa käk thou kek aake yeku ke looi ebën.

6 Ku ēmēn yok aaci bēn bei lōj thēer yic rin cī yok thou tēnē lōj wäär yen meç yo. Ku yok aa jōl luui dhēl yam Wēi Nhialic, ku acie lōj thēer cī gōt.

Lōj ku adumuššm

7 Yenō buk jāl lueel ēmēn? Ye lōj yen adumuššm? Acie tēde! Na ye kēya ayic, njōt yen akēc adumuššm njic tēn cīi yen ye lōj. Rin njōt akēc njic yen kēreç wīny kēnē raandā yīpušu tēn kēc lōj ye lēk yen ēlä, “Duk kēn raandā wīç yapušu.”

8 Ku adumuššm aci lōj wel bī yen yen a duššj ba pušu ayiēk kakkök. Ku na cie lōj njōt acīn adumuššm.

9 Wāthēer, yen a ya ciēj ke ya kuc kē ye lōj lueel. Ku wäär le yen lōj njic, aca bēn yök yapušu lōn cī yen lōj dhoj kōu ku ya raan ē thou.

10 Aca bēn yök lōn lōj puōth wēn njic ke yen bī pīr bēi, aci bēn a kēn thou bēi.

11 Ku adumuššm aci lōj wel bī yen ke yen a duššj, ku rin lōj, yen aci adumuššm cöl athou.

12 Ku ē cīn kēreç tš lōj yic, ee ye lōj Nhialic la cök ku peth.

13 Ye kälä, lōn nadē ke kēpath yen aci thou bēi tēnē ya? Acie kēya! Adumuššm yen ē looi ye. Acī kēpath lōōm bī yen thou bēi tēnē ya rin bī tēreç yen thīn, yen adumuššm tic. Ku kälä, rin ē lōj, adumuššm aye nyuōth ke ye kēreç apeiđit.

14 Anjicku lōj ē bēn tēnē Wēi Nhialic, ku yen ē raan ē path, alony adumuššm.

¹⁵ Үен асие кә ҫа лои ҫе деет ҫи, рин ҫен асие кә ҫиәк ба лои ҫе лои, ку аҫа лои ҫ кә маан ба лои.

¹⁶ Ку на луәи кә сә ҫиәк ба лои, ка ҫа гам лән лөҫ аҫа.

¹⁷ Кәҫа, асие ҫен ҫ кәнә лои аҫи, ку адумуәәм рәәр ке ҫа.

¹⁸ Анҫиә, асән кәпуәтһ рәәр ке ҫа, рин сит тә сә ҫа сак тһн кек адумуәәм. Рин на сәк алән ҫиәк ҫен ҫе ба кәҫаһ лои, ка сә ҫ ләу ба лои.

¹⁹ Рин кә ҫа лои асие кәпуәтһ ҫа ҫиәк ба лои, ку кәҫа кә сәи ҫаһ сә ҫ ҫиәк ба лои, ҫен аҫа лои.

²⁰ Әмән на ҫа лои кә сә ҫиәк ба лои, ка сие ҫен ҫе лои, адумуәәм рәәр ке ҫен ҫен ҫе ҫе лои.

²¹ Кәҫа, аҫа ҫөк лән луи лөҫ кәнә. Тә ҫиәк ҫен ҫе ба кәҫаһ лои, ке кә сәи ҫаһ ҫен ҫе рәәр тһн.

²² Ку пиәндиә гуәп аһиәр лөҫ Нһалиә,

²³ ку ҫен ҫ лөҫ дәт тһн ке луи ҫагуәп, лөҫ сие ла пин ҫек лөҫ сә пиәндиә гам. Ку ҫен ҫ ҫа сәл аҫе алон ҫ адумуәәм ҫен лөҫ луи ҫагуәп кәнә.

²⁴ Үеҫө бе кәраә ҫа ҫөк кәлә! Үеҫа бә кон ҫуәп ҫа ҫәтһ тһу ҫиәк?

²⁵ Леку Нһалиә рин сә ҫен Бәндә ҫетһу раан сә ләк ку дәк, сәл акон ҫа.

Кәҫа, кәнә ҫен ҫ тәдиә, ҫен нһом пиәндиә ҫиәк алон лөҫ Нһалиә, ку сит тә сә ҫа сак тһн алон адумуәәм.

8

Пир Вәи Нһалиә ҫиәк

¹ Ку кәҫа, асән аҫуәк ҫе тәм кәк сә ҫа тәк кек Раан сә ләк ку дәк ҫетһу,

² рин лөҫ ҫа, Вәи Нһалиә ҫ пир бәәи рин ҫетһу раан сә ләк ку дәк, асә ҫәәр беи лөҫ адумуәәм ҫиәк, лөҫ тһу.

³ Кән кәк лөҫ ләу бә лои рин тә сә ҫа сак тһн ке ҫа сәи рил рин адумуәәм, асә Нһалиә лои ҫ туәк сә ҫен Үәнде нһом туәк ке ҫе раан сәмәнда, ку бә нәк бә адумуәәм нҫаәи. Ку тә лои ҫен кәнә, асә адумуәәм тә кәк гуәп сәл асән рәл.

⁴ Кәнә асә Нһалиә лои рин бә луәи ҫиәк лөҫ дһиәл ла сәк ҫогуәп ҫөк кәк пир Вәи Нһалиә, ку асие тә сә ҫа сак тһн.

⁵ Кәк пир сит тә сә ке сак тһн кек адумуәәм, ааке нһим ҫиәк кәк ҫе тә сә сәк ке ҫиәк, ку кәк пир сит тә ҫиәк лөҫ Вәи, ааке нһим тәәу кәк ҫиәк лөҫ Вәи ҫиәк.

⁶ Тә ҫиәк раан ҫенһом луәи кәк адумуәәм, ка тһу. Ку на ҫиәк раан ҫенһом кә ҫиәк лөҫ Вәи, ка ҫөк пир ку дәәр.

⁷ Ку раан ҫ ла атер кек Нһалиә тә ҫиәк ҫен ҫенһом кәк луәи адумуәәм рин асие лөҫ Нһалиә ҫе тһек, ку асәи ләу бә лөҫ Нһалиә тһек.

⁸ Ку кәк ҫе тһек тә сә ҫа сак тһн аасие Нһалиә сәл амит пуәу.

⁹ Ку кәҫа ҫек аасәи сәиәк сит тә сә ҫе сак тһн, ҫек аа сәиәк сит тәнә лөҫ Вәи тә рәәр Вәи Нһалиә ке ҫе аҫи. Ку на ҫе раан сәи рәәр кек Вәи ҫетһу раан сә ләк ку дәк, ка сие раанде.

¹⁰ Ку на рәәр Раан сә ләк ку дәк кек ҫе, ке гуәпкун аасәи тһу рин адумуәәм ку ҫәикун аҫот ке пир рин сә ке лои бәк ла сәк тәнә Нһалиә.

¹¹ На Вәи Нһалиә ҫен ҫетһу тһу ҫиәк рәәр кек ҫе, ке раан ҫәт Раан сә ләк ку дәк тһу ҫиәк, ка бә гуәпкун тһу сәл аа пир рин рәәр Вәике ҫегуәп.

¹² Кәҫа, миәтһакәи ҫөк аала кә дһилку лои, ку асие лән бә ҫөк рәәр пирдан тһәәр сә ҫа сак тһн ҫиәк.

¹³ Рин на пиәркәк сит тә сә ҫе сак тһн, ке ҫек аабә тһу, ку на пәлкә кәраә ҫәкә ке лои рин Вәи Нһалиә, ке ҫек аабә пир ҫөк.

14 Kɔc ye Wëi Nhialic nyuɔ̄sth, aa mïth Nhialic.

15 Rin Wëi cï Nhialic gã̄m we acie we cɔl aye bɛn ya aloony adumuɔ̄m, ku looi we bāk riɔ̄c. Ku Wëi Nhialic ẽ ʒo cɔl aye mïth Nhialic, ku wek aacï Wëi Nhialic cï we looi bāk aa miẽthke yɔk. Ku Wëi acï ʒo cɔl aye Nhialic lɔ̄n, “Wā! Wā!”

16 Aye Wëi Nhialic guɔ̄p kek wëikua lueel lɔn ye ʒok mïth Nhialic.

17 Ēmën ye ʒok miẽthke, ʒok aabi kākken muk tẽnẽ kacke thɔn. Ku kãpuoth muk rin Raan ci lɔc ku dɔc aya rin tẽ guum ʒok cïmẽnde, ke duarde abi ya kẽda aya.

Duaar aköldä

18 Aya tak lɔn kāk yeku guum piẽrda yic ěmën, aacï kɔ̄n thɔ̄ɔ̄n kek duaar bi Nhialic nyuɔ̄th ʒo, duaar bi rëer kek ʒo aköldä.

19 Kāk cï Nhialic cak pinyhom ẽbën aa rëer ke nɔ̄th apɛi, ke tit aköl bi Nhialic miẽthke nyuɔ̄th.

20 Ku kāk cï cak, kɔc pinyhom aake bi rëer ke cï puɔ̄th mum, ku aacie kek ke cïi yen tak, ee Nhialic yen loi ye këya. Ku nɔ̄th kënẽ ẽ ɲot tɔ̄ thïn.

21 Ku kāk cï cak aabi waar aköldä rin bik cïi riääk, ku bik läǟu nhomdit mïth Nhialic rɔm ke ke.

22 Rin anjicku agut cït ěmën, kāk cï cak aa rëer ke dhiau ke rem, arɛɛm cït arɛɛm tīn rɔ̄p.

23 Ku aacie kāk cï cak ẽ röt, ʒok kɔc cï Wëi yök ke ye miɔc tuɛ̄n ẽ Nhialic, ʒok aa rëer ʒo dhiau ʒo rem puɔ̄th aya, ke ʒo tit apɛi tẽ bi Nhialic ʒo luɔ̄i thïn buk aa miẽthke, ku cɔl guãpkua aa waar röt bik aa yam.

24 Rin ẽ nɔ̄th yen ẽ cɔl ʒo apoth, ku na yeku kẽ nɔ̄thku tīn, ka cie nɔ̄th acïn. Rin ye ɲa kẽ tɔ̄ kek ye nɔ̄th?

25 Ku na yeku nɔ̄th kẽ cïi tɔ̄ ke ʒo, ka yeku tiit ke ʒo lir puɔ̄th.

26 Ku cït mën aya, Wëi Nhialic ẽ bën aya ku kony ʒo rin ye ʒok cïi ril, rin kuc ʒok tẽ dhil ʒok Nhialic rɔ̄k thïn, ke yeen ẽ Nhialic lɔ̄n rienkua, ku lɛ̄n ke dhiau dhiën cïn wël ye teet.

27 Ku Nhialic yen kẽ rëer raan puɔ̄u tīn, anjic kẽ lueel Wëike, rin Wëike ẽ rök rin kacke cït tẽ wïc Nhialic ye thïn.

28 Ku anjicku keriẽc ẽbën yic, Nhialic ẽ luui kãpath rin kɔc nhiār ye, kɔc cï cɔl bik keden wïc looi.

29 Kɔc kek cï Nhialic lɔc thɛɛr, aacï looi aya bik ciẽt Wẽnde, ku bi Wẽnde a kaai wãmãthakën juẽc yiic.

30 Këya, Nhialic acï kɔc cï lɔc cɔl ku looi ke bik la cök tẽnẽ ye, ku kɔc cï cɔl aala cök tẽnẽ ye aacï la duarde aya.

31 Këya, yenjɔ buk lueel rin ẽ kënë? Na Nhialic akääc kek ʒo, ke yenja bi ʒo maan?

32 Na Nhialic akęc Wẽnde nhom guɔ̄p ɲuään wäär ku cɔl athou rienkua ẽbën. Na cï ʒo gã̄m Wẽnde, ke cïi ʒo bi gã̄m kã̄n ẽbën ẽ path aya?

33 Yenja bi la wët bi lueel kɔc cï Nhialic lɔc gup? Ee Nhialic nhom guɔ̄p yen aci ye lueel lɔn le kek cök tẽnẽ ye.

34 Le raan dët lëu ye bi ke tẽm awuɔ̄c? Acïn raan agut Jethu aya raan cï lɔc ku dɔc cï thou, ku jɔt rān yic bi bɛn pïr, ku arëer kɔ̄n cuẽc Nhialic, ee Nhialic lɔ̄n rienkua.

35 Yenja bi ʒo tẽk bei nhiër Raan cï lɔc ku dɔc yic? Lëu aliääp, tẽdẽ ba gum rin ye yïn raan cï gam, ayï nɔ̄ɔ̄n, ayï riɔ̄c rin kãrec, ayï lɔn bi yï nãk ba thou?

³⁶ Cīmēn cī ye gōt athōr thēer wēl Nhialic yic ēlā,
 “Rin wētdu yok aa rēer kāk
 nāk yokk yūic akōl thok ēbēn,
 yok aaye looi cīmēn amēl la teem rōt.”

³⁷ Acie tēde, kākā yūic ēbēn yok aala riel dīt ye yok kāŋ tiaam rin raan yen
 nhiar yo.

³⁸ Rin anjēc alanden lōn acin ke tēk yo bei nhiērde yic. Cok athou ayi pīr, cok
 atuuc nhial ayī jakrēc, cok aa kāk loi rōt ēmēn, ayi kāk bī rōt looi akōldā, ayī
 kākōk ril.

³⁹ Ayī nhial, tēdēt wērdīt cōk piiny, acin kē lēu ye kuat kākā yūic ēbēn bī yo
 tēk bei nhiēr Nhialic yic, yeen ē kēda rin Raan cī lōc ku dōc, Jethu Bānyda.

9

Nhialic ku kacke

¹ Kē ya lueel ē yic. Ÿen acie jam lueth rin Ÿen ē raan, Raan cī lōc ku dōc. Aye
 pušndiēn mēc Wēi Nhialic lēk ya apei lōn Ÿen aciū lueth luel.

² Rin dak piāndiē adīt apei, ku tē reem piāndiē thīn rin kackiē acie yop. Ÿen
 ajam rin koc kuatdiē, koc Itharel.

³ Ku na lēu rot ba ke kony, ŋuōt awiēc bī Nhialic Ÿa tēm awuōc ku cā ben a
 raan Raan cī lōc ku dōc.

⁴ Keek aa koc cī Nhialic lōc ku cōl ke aaye kacke, ku nyuth ke duarde ku
 looi dōōr ke ke ku gēm ke lōŋ. Ku nyuth ke tē bī kek ye aa duōōr thīn apath. Ku
 yokkē kāk cī Nhialic thōn ke.

⁵ Keek aa ke ye kuat koc ŋic thēer. Ku Raan cī lōc ku dōc, wāār cī yen jāl a
 raan cīmēnda ē ye raan kuatden. Raan ēbēn adhīl Nhialic yen mēc kāŋ ēbēn a
 leec akōlriēc ēbēn. Yenakan.

⁶ Acā ye lueel lōn kē cī Nhialic thōn akēc rot looi. Kē cī Nhialic thōn aci rot
 dhiēl looi, rin acie koc Itharel kek ke cī Nhialic lōc ēbēn.

⁷ Acī Nhialic lueel tēnē Abaram, “Acie mīth ēbēn bī dhiēēth tēnē yī kek bī
 ya mīth Nhialic, aa mīth bī dhiēēth many Itharel kek aabi ya miēthku kek ca
 thōn yī.”

⁸ Kēya, aye kēnē nyooth lōn aacie mīth bī dhiēēth Abaram ēbēn kek ke bī ya
 mīth Nhialic, aa mīth ke cī Nhialic thōn ye kek aake bī ya miēthke.

⁹ Kēnē cī Nhialic lueel akīn wāār thōn yen wēt tēnē Abaram, “Tē le akāldē
 bēn, ke Ÿen abi dhuk ku Thara abi manh moc yok.”

¹⁰ Kē cit ē wēt kēnē aya, mīth Rabeka karou, wunden ē ye tōk, wādītda Ithāk.

¹¹⁻¹² Acī Nhialic lueel tēnē Rabeka, “Wēndun dīt yen abi ya luui tēnē wēndun
 koor.” Acī kēnē lueel rin bī nyooth lōn kē cī yen raan tōk lōc keyiic ku pēl raan
 dēt, ee wīc piānde ē rot bī looi kēya. Nhialic ē luel wēt kēnē tēnē Rabeka, ke
 Rabeka kēc mīth cak dhiēēth, ke cīn kēpath ku kērēc cī ŋek looi. Kēnē cī rot looi
 ē kē cī Nhialic raan tōk cōl ku pēl raan dēt. Ku acie kēnē cī ŋek looi kamken.

¹³ Cīmēn ye athōr thēer wēl Nhialic ye lueel ēlā, “Jakop aca lōc ku kuēc
 Ethau.”

¹⁴ Abī koc kōk aa lueel lōn Nhialic acin yic, ku acie tēde.

¹⁵ Rin aci Nhialic lueel tēnē Mothith ēlā, “Na wiēc ba raan dēt ŋuāān, ka
 luōōi, na wiēc ba pušu lōny tēnē raan dēt, ka luōōi aya.”

¹⁶ Kēya, acie kē wīc raan, tēde kē ye looi, ee lier pušu ē Nhialic.

¹⁷ Rin aci Nhialic lueel wēl thēer cī gōt yūic tēnē bēny Ijip ēlā, “Yīn aca looi
 ba ya bēny rin bī rieldiē yī nyuōōth, rin bī koc pinynhom ēbēn Ÿa piŋ.”

18 Këya, na wic Nhialic bi raan nuään, ka looi. Ku na wic raan dët bi cöl aril nhom, ka looi aya.

Nhialic ë koc nuään ku tëm koc awuöc

19 Tëdët yen abi raan dët thiëc ëlä, “Na ye yen të ye Nhialic luui thün akan, ke yenö ye yen raan tëm awuöc? Ku yenja lëu ye ku bi kë wic Nhialic jöony?”

20 Ye tak ye yin ë ña ba yinhom jääm kë ci Nhialic looi? Töny acie tin cuëc ye ye thiëc, “Yenö cuëc yin ya këlâ?”

21 Tin cuëc töny ala yic bi tiöp cuëc teden wic yepuöu, ee töny karou cuëc ë tiöm töñ yic, amuc yen jööl muöc ku tööny ye yen luui baai ë path.

22 Kë ci Nhialic looi athön kek ë këñë. Awic bi riääk piände nyuöth ku cal rielde anjic. Ku not pël yepuöu piny tënë koc rëec yen puöu thün, koc rëer ke bi tëm awuöcdit apei.

23 Ku ee wic aya bi duaarden düt nyuöth yo, duaarden düt ci yen yo mat thün yok kacken ci nuään. Yok kacken ci guiir theer buk duarde yök.

24 Ku yok koc ci cöl yok aa yo la yic koc Itharel ku koc cie koc Itharel aya.

25 Ku këñë ci Nhialic luel akün, kë ci göt athör Yocia yic raan käk Nhialic tñj, “Aba cöl kackië, të jiem yen koc cie kackië ayic.

Aba cöl kackiën nhiaar,

të jiem yen rin koc cá ke nhiaar.”

26 Ku tënë yen aci Nhialic ye luel thün ëlä,

“Wek aacie kackië,

tëñ aabi cöl ka wëet Nhialic tö pir yecin.”

27-28 Ku Ithaya raan käk Nhialic tñj aci jam apei theer rin koc Itharel ëlä,

“Na cök koc Itharel juëc abik ciët liëet agör,

ka koc lik keyiic kek aabi poth,

rin Nhialic abi luk lac looi luñ cii yeyic dhuk tënë koc pinynhom ëbën.”

29 Acit wët ci Ithaya raan käk Nhialic tñj luel wätheer ëlä,

“Na Nhialic Madhöl këc yook nyäj koc ë kuatda yic,

nuöt yok aaci ciët koc gen Thodom ku Gomora.”*

Wët Puöth Yam ee luel tënë koc Itharel aya

30 Kënë yen ë luel, “Ee këc koc cie koc Itharel them bik la cök tënë Nhialic. Ku aaci Nhialic bën cöl aa la cök rin ci kek ye gam.

31 Ku ëci koc Itharel them bik la cök Nhialic nhom rin thëk ë löñ, ku acin kë cik bën yök.”

32 Ku raan dët abi thiëc ëlä, “Yenö cin yen kë cik yök?” Acin kë cik yök rin acik them bik looi ë röt ku cik Nhialic gam. Këya, aa cit koc ci kecök dëeny alë,

33 alë yen ye athör theer wël Nhialic jam ye ëlä,

“Piëñkë apath, yen abä alë bi koc cöl aaye kecök dëeny.

Töü Jeruthalem, alë bi koc cöl awiëk.

Ku raan bi wëtde gam acii bi rac puöu.”

10

1 Miëthakäi, kë wic piändië ku röökkië tënë Nhialic rienken, ee lon bi kackiën Itharel njic të bi Nhialic ke kuony thün.

² Alëu ba ya raan njic ye lon awickë bik luui apeï bik Nhialic cöl amit puşu tënë ke. Ku dhël ye kek ye wïc bik Nhialic cöl amit puşu, acik ye deet yic apath.

³ Ku rin këc kek dhël ye Nhialic koc cöl aala cök tënë ye deet, acik them bik dhël yök ë röt, dhël bï ke cöl aala cök tënë Nhialic. Ku aa këc dhël ye Nhialic koc cöl aala cök tënë ye gam.

⁴ Ku Raan cï lóc ku dác yen aye lõŋ thök thïn. Ku këya, Nhialic ë kuat raan cï gam ëbën cöl ala cök tënë ye.

Acïn raan cï Nhialic ye kony

⁵ Mothith acï tē ye koc la cök thïn tënë Nhialic tē theek ë lõŋ gõt ëlä, “Na loi raan kë ye lõŋ lueel, ke yeen abï lõŋ cöl apïr.”

⁶ Kë ye wël Nhialic cï gõt theer lueel rin bï raan la cök tënë Nhialic rin gam akïn, “Duk rot ye thiëc, yeŋa bï la pan Nhialic.” Rin bï yen Raan cï lóc ku dác la thiëc bï bën piny tënë yo.

⁷ “Duk rot ye thiëc aya, yeŋa bï la piny.” Ku wëtde yic bï Raan cï lóc ku dác la bëïi bei kam koc cï thou.

⁸ Kë ye wël Nhialic cï gõt theer lueel akïn, “Wët Nhialic athiök kek yï, arëër yïthok ku yïpuşu.” Ku këne yen ë wët tõŋ yeku lëk we.

⁹ Na ye lueel koc nhïim ëlä, “Jethu ë Bëny ku gam yïpuşu lon cï Nhialic ye jät thou yic, ke Nhialic abï kony.

¹⁰ Gam ë bën bei yopuõth ku cöl yo aala cök tënë Nhialic, ku lueel ye yok gam lueel yothook koc nhïim aye Nhialic yo kony.”

¹¹ Cïmën cï ye gõt athör theer wël Nhialic yic ëlä, “Ku raan bï wëtde gam acïi bï rac puşu.”

¹² Kënë atş raan ëbën thïn, rin Nhialic Bëny athõŋ tënë koc ëbën, koc Itharel ku cie koc Itharel aya. Ku ë koc röök tënë ye ëbën gäm kajuëc path apeï.

¹³ Cïmën ye wël Nhialic cï gõt theer ye lueel ëlä, “Na le raan Bëny cöl ke yen akony Bëny.”

¹⁴ Ku yeen acik bï cöl ayic tē këc kek gam. Ku keek aacïi bï gam tē këc kek wët piŋ. Ku wët acik bï piŋ tē këc ye lëk ke.

¹⁵ Ku bik wët piŋ këdë tē cïn yen raan cï tuöc ke. Cïmën cï ye gõt athör theer wël Nhialic yic ëlä, “Ee këpath apeï, koc bïi wët puõth yam aa bö.”

¹⁶ Ku acie raan ëbën yen cï Wët Puõth Yam gam. Acï Ithaya nhom guşp lueel ëlä, “Bëny yeŋa cï wëtda gam?”

¹⁷ Këya, keek aa wët kaŋ piŋ tuen ku jölkë gam. Ku wët këne aye piŋ tē piöc koc rin Raan cï lóc ku dác.

¹⁸ Ku ë yic alanden, keek aaci wët piŋ. Cïmën cï ye gõt athör theer wël Nhialic yic ëlä,

“Wël cik lueel apeï aaci thiëi piny.

Wël thuandjen aaci yet pinyinhom ëbën.”

¹⁹ Ku koc Itharel guşp ë njickë. Mothith nhom ke jam nyin Nhialic, yen abï ye kaŋ lueel,

“Wek wundiën Itharel, wek aaba cöl adöm tiëel.

Rin koc cïi cök a wut, wek aaba cöl ariäak puõth rin koc wun cïn kë cik deet.”

²⁰ Ku jam Ithaya nyin Nhialic, ku gei yic ëlä,

“Yeŋ acï koc ke cïi yeŋ wïc yök.

Yeŋ acï rot nyuõth koc ke cie yeŋ ë thiëc.”

²¹ Ku acï lëk yo lon cï Nhialic ye lueel rin koc Itharel ëlä,

“Yen acä cin taar aköl thok ebën tēnē koc dhēl yēn, koc cie wētdiē ye piŋ.”

11

Nhialic ē ŋuānde nyuōth koc Itharel

¹ Kē thiēc, cii Nhialic kuc kacke? Acie tēde. Yen nhom guōp, yēn ē raan Itharel, yēn ē raan kuat Abaram, raan many Benjamin.

² Nhialic akēc kuc kacke, koc yen lōc ke thēer. Wek aa ŋic kāk cī gōt athōr thēer wēl Nhialic yic, kāwāār ye Elija Nhialic cōl rin kārēc cī koc Itharel looi,

³ “Bēny, keek aaci koc kākku tīŋ nōk ku thurkē ariākku piny, ee yēn raan tōŋ kākku tīŋ cī dōŋ, ku keek awickē bīk ya nōk.”

⁴ Ku tē cī Nhialic ye bēēr thīn tēnē ye akīn, “Ku yēn aci rōōr tiim kadhrou cōl arēēr kek ya, rōōr kēc jōŋ cōl Baal ye koc kōk cōl aye Nhialicden kaŋ door.”

⁵ Ēmēn kē thōŋ kek ē kēnē aci rot looi, Nhialic aci koc lik lōc rin dhēēŋde.

⁶ Nhialic acie koc ē lōc rin kāk cik looi. Rin na Nhialic ē koc lōc rin kāk cik ke looi, ke ŋuōt acii dhēēŋde ye nyuōth acin.

⁷ Ku ē yic koc Itharel aa kēc kēnē yen wickē apei yōk, ku aa koc ke cī Nhialic lōc kek aaci ye yōk. Ku Nhialic aci koc kōk looi bīk kē ye lueel cii piŋ.

⁸ Cīmēn cī ye gōt athōr thēer wēl Nhialic yic ēlä, “Keek aaci Nhialic looi bīk kāŋ cii ye deet yiic agut cīt akölē, aacit koc cie piŋ ku cōrkē.”

⁹ Ku aye Debit lueel,
“Yēn ee rōōk tēnē Nhialic
lōn bī yen ke deep ku dām keek yāiken yiic.
Bīk wīik bī keek tēm awuōc.

¹⁰ Ku cōl Nhialic keek aa la nyīn dum bīk ciēn kē yekē tīŋ.
Bī kākken rēc yekē keek looi ciēt kāthiek kekōth.”

¹¹ Aluel piändiē ebën lōn na cōk alōn cī koc Itharel kecōk dēeny bīk wīik, ke keek aa kēc gēēk piny. Ku rin cī kek adumuōōm looi, ke kuōny Nhialic aci bēn tēnē koc cie koc Itharel. Kēnē aci rot looi rin bī tiēl koc Itharel nōk ē riēnken.

¹² Ku rin cī koc Itharel adumuōōm looi, ke koc kōk pinyinhom aaci dōōc. Ku rin kēc koc Itharel kepuōth yiēk dhēl pīr, dōōdit aci gam tēnē koc cie koc Itharel. Ku bī dōc jāl dīt kēdē tē jōl koc Itharel met thīn.

Koc cie koc Itharel aabi kony

¹³ Kē luēl ēmēn ē kē lēk koc cie koc Itharel. Cīmēn ye yēn atuny koc cie koc Itharel, yēn abi nhiam luoi cī Nhialic yiēk ya ba looi.

¹⁴ Tēdē, ke yēn abi koc kuatdiē cōl adōm tiēl, ku rin luōidiēn ca looi, Nhialic aabi koc kōk kony keyiic.

¹⁵ Tēwēn cī Nhialic kuc ke, go koc kōk pinyinhom cōl aala dōōr kek ye. Ku tē le koc Itharel gam aya, ka bī ciēt koc cī thou cī bēn pīr.

¹⁶ Na gēm raan abaŋ ayup tēnē Nhialic, ka ayup ebën ē kēnē Nhialic aya. Ku na ye mei tim kāk Nhialic ke kēr aa kākke aya.*

¹⁷ Kēr kōk tim ye com cōl Olip aaci yep wei, ku nuet kēr Olip cil roor ē rot tēden wēn, ku jōl dīt apei abi ciēt Olip ye com baai, ye ŋic muk apath. Kēya, wek koc cie koc Itharel kōk bēn tēnē koc Itharel, wek aa kāpath yōk thīn aya cīmēn ye kēr Olip piērden yōk tēnē Olip dēt cī ye nuet yekōu.†

10:21 Ith 65:2 **11:1** Pili 3:5 **11:3** 1Bŋ 19:10, 14 **11:4** 1Bŋ 19:18 **11:8** L.rou 29:4; Ith 29:10

11:10 Wk 69:22-23 * **11:16** Paulo aluel kēnē bī nyuōth lōn koc Itharel aa ŋot ke ye koc Nhialic, cōk alōn cī kuōny gām koc cie koc Itharel ēmēn. † **11:17** Koc cie koc Itharel aa kāpath yōk tēnē koc Itharel cīmēn ye kuēl ayi acieek piērden yōk tēnē tim cī yen cil yekōu.

¹⁸ Këya, duşkkë koc cî Nhialic yep wei cîmën kër tim ye bui. Acîn kënë yî cəl anhiam, acie yîn meei looi bî riæl, ee meei yen ë yî looi ba riæl.

¹⁹ Abî raan dët kamkun lueel ëlä, “Kër aaci yep wei rin bi yo nuet nyiënken yiic.”

²⁰ Kënë ë yic. Aaci yep wei rin kęc kek gam, ku dşnkë nyiënken yiic alanden rin cî wek gam. Ku duşkkë nhiam ë kënë, riääckë kë bî bën.

²¹ Na kęc Nhialic koc Itharel puşl bî ke cî tēm awuşc, koc cît kër tim cî com baai ka cîi we bî puşl aya.

²² Ayeku tiŋ emën yen tē peth Nhialic thîn, ku tē yen koc tēm awuşc thîn. Ee koc ca adumuşm looi tēm awuşc. Ku ë piath tēnē yî tē ye yîn rēer ke yî ŋşth piathde ku looi kāk ye cəl apath puşu tēnē yî. Ku na cîi kënë loi, ke Nhialic abî yî yep wei aya.

²³ Ku na dhuk koc Itharel kepuşth ciēen ku gamkë wēt Nhialic, ka dhuk tēden thēer wäär yep ke wei thîn, rin alēu Nhialic bî ke bēn dhuşk thîn.

²⁴ Këya, wek koc cie koc Itharel wek aa cît kër tim Olip cî yēp bei Olip cil roor kōu, ku nuēt ke kek tim Olip ye com. Koc Itharel aa cît tim cî com kënë, ku abî yic pial tēnē Nhialic bi kër cî yep wei bēn nuēt kek tim yēp ke bei thîn.

Koc Itharel ebën aabi kony

²⁵ Ala yic kęc kē kan ŋic wāmāthkiē więc ku bāk ŋic. Na ŋieckë ë yiny kënë, ka cāk bi ya tak piāthkun ku luelkë, “Yok aa ŋic kāj.” Ku yiny kënë akîn. Wēt cî koc kōk Itharel kuc bîk cîi gēm acîi bî tō thîn akōlakōl, abî rēer thîn yet akōl bî akuen koc cie koc Itharel wic Nhialic bēn bāanyde yic tēnē ye.

²⁶ Ku ë yen tē bî Nhialic koc Itharel ebën kuony thîn, cîmën ye athōr thēer wēl Nhialic ye lueel ëlä, “Raan luäk koc abî bēn Jeruthalem ku nyēi adumuşm koc Itharel gup.

²⁷ Ku lueel Nhialic, yen abî dşr kënë looi ke keek, tē le yen adumuşmken nyaai.”

²⁸ Rin cî kek kuc Wēt Puşth Yam, aaci ya koc ater tēnē Nhialic, ku kënë aci rot wel ke ye kuony tēnē ye, wek koc cie koc Itharel. Ku rin cî Nhialic ke lōc, aci wārken dît than lōn kuatden aabi ya mātke akōlakōl.

²⁹ Rin Nhialic acie yenhom ë waar tēnē koc cî lōc ku dōc ke.

³⁰ Ku wek koc cie koc Itharel, wek aa we cî kuc Nhialic wāthēer, ku emën wek aaci Nhialic ŋuään rin cî koc Itharel Nhialic dhōl.

³¹ Kēlä aya, rin ŋuēen cāk yōk, ke koc Itharel aa dhāl Nhialic emën, rin bî kek ŋuēen yōk emën aya.

³² Nhialic aci koc ebën cəl aa cît koc cî mac rin cî kek ye dhōl guşp, ku bî ŋuäände nyuşth ke ebën.

Yok aa dhil Nhialic leec

³³ Kāpuşth Nhialic aa juēc apēi. Ku yeen acîn kënë ye wuşşŋ, anjic kāj ebën. Yeŋa lēu ye bî tē yen tək thîn teet yic? Acîn raan lēu ye bî tē yen kākke luşoi thîn deet yic.

³⁴ Cîmën ye athōr thēer wēl Nhialic ye lueel ëlä, “Acîn raan ŋic tē ye Bēny tek thîn, acîn raan lēu yeen bî Bēny wēt?”

³⁵ “Acîn raan lēu yeen bî Nhialic gām kēdāŋ, rin bî Nhialic yeen kōşny.”

³⁶ Rin ë Nhialic yen ë cak kēriēc ebën, ku ë yen amuk kēriēc ebën, ku kēriēc ebën aa tō thîn ë rienke. Yok aa dhil Nhialic leec akōlriēc ebën! Yenakan.

12

Yok aa p̄ir rin b̄i yok Nhialic lūssi

¹ Kēya mīthakāi, rin c̄i Nhialic yo nyūōth lier ē piānde, alēk we piāndiē ēbēn, tē juēr wek rōt Nhialic bāk ciēt kē nek ye, ku week ke we pīir, ke we loi ē kēnē bāk aa kākke alanden. Kēnē yen ē dhēl dhil wek Nhialic door wepūōth.

² Dūskkē tē ye koc pinyhom ē tēn luui th̄in ye būōōth yic, calkē Nhialic awar wepūōth papot, b̄i we gām nhom yam ku bāk kē w̄ic Nhialic ŋic, ku kē w̄ic Nhialic ē kēpeth ye col amit pūsu, ku le cōk.

³ Ku rin dhēēŋ pūōth c̄i Nhialic yiēk ya, alēk we ēbēn. Dūskkē ye tak lōn ye wek kocd̄it wēr koc kōk ŋiny kāŋ, tēn tē rēēr wek th̄in ēmēn wek koc ē path, ku ye ŋek rot t̄ōsu tēden thōŋ kek gam c̄i Nhialic yiēk ye.

⁴ Yok aa le ŋek ke gūp, ku gūp ala kājuēc, ku kākka aa ye tōk la kēden ye looi.

⁵ Kēlā aya, yok aa juēc, ku yok aa c̄it gūp tōk rin yok aa tōk kek Raan c̄i loc ku d̄oc, yok aaci mat ē tōk c̄imēn kāk c̄i thōŋ tō gūp tōk yic.

⁶ Kēya, ŋek kamkua adhil kē c̄i gām ye lūōi tēc̄it tē c̄i Nhialic ye gām ye b̄i looi. Na ye kē c̄i Nhialic gām yo lōn b̄i yok wētde lēk koc, ka dhilku looi tēc̄it tē d̄iit gamdan c̄i Nhialic yiēk yo th̄in.

⁷ Na c̄i Nhialic yo col aye koc lūssi, ka dhilku kony. Na c̄i yo col aye piōoc, ke yok aa pīōc.

⁸ Na c̄i yo looi buk koc kōk aa d̄eet pūōth, ka dhil looi kēya. Raan kē t̄ōu kek ye tek kek koc kōk, adhil looi pūōn biōkrueel. Raan c̄i Nhialic yiēk riel b̄i yen koc mac adhil looi pūsu ēbēn, ku raan lier pūsu nyūōōth tēnē koc kōk, adhil looi ke dal, ke mit pūsu.

⁹ Dūskkē rōt ye nyūōōth ciēt we nhiaar koc, dhieikē koc nhiaar pūsu ēbēn. Mankē kērac ku mūskkē kēpath riel.

¹⁰ Nhiarkē rōt piāthkun ēbēn c̄imēn ŋek ke wāmēnh, ku nyūōōth tē ye ȳin raan dēt theek th̄in, ku duk tē b̄i ȳi theek th̄in ȳik ȳinhom.

¹¹ Dūskkē rōt dak, lūssiēk ap̄ei. Lūssiēk Bēny piān tōk.

¹² Rēērēkē we mit pūōth tē cōk koc kōk we jōor rin le wek ŋōth, ku rōskkē Nhialic akōlakōl.

¹³ Gāmkē koc c̄i gam kē wickē mūskkē liu tēnē ke. Ku luōrkē j̄ōl bō bāāikun yiic.

¹⁴ Rōskkē Nhialic rin b̄i yen koc jōr we d̄ooc, ku dūskkē rōsk tēnē ye rin b̄i yen ke tēm awūc.

¹⁵ Miēt pūsu kek koc kōk mit pūōth, ku dhiaaukē kek koc dhiau.

¹⁶ Calkē yer piāndun athōŋ tēnē koc ēbēn. Dūskkē nhiam, dhūskkē rōt piny ku lūssiēk tēnē koc kor tēnē we. Ku dūskkē ye tak lōn ē wek ŋic kāŋ.

¹⁷ Na loi raan dēt kērac tēnē we, ke dūskkē col kēreec dēt. Loi kē ye raan ēbēn tak ke path.

¹⁸ Luōikē kāpūōth lēukē ke bāk ke looi rin b̄i wek ŋiee ceŋ kek koc.

¹⁹ Dūskkē kēdāŋ guur māthkiē, calkē aguur Nhialic. Rin aye Bēny lueel athōr wēl theer yic ēlā, “Yēn abi kēreec c̄i koc kōk looi gūōr.”

²⁰ Dūskkē kēnē kōŋ looi, luōikē kē ye athōr theer wēl Nhialic lueel, “Na raan aterdu anēk cōk, ke gām miēth, na nek rou, ke gām kē dek, rin tē looi ȳin kākka ka ba col ayār gūp.”

²¹ Dūskkē kērac col arum wepūōth, luōikē kēpath b̄i wek käreec gēl wei.

13

Raan adhil koc mac baai theek

¹ Week ebën wek aa dhil bány mɛc baai theek rin acin raan koc mac tɛ kɛc Nhialic ye gam bi koc mac. Ee Nhialic yen ɛ koc yiɛk bääny.

² Këya, raan cie wɛt bëny mɛc baai ɛ gam, ee bääny ci Nhialic gam dhöl yic, ku raan loi kɛ cɪt kënë abi tɛm awuɔc.

³ Rin bány aacii koc kápath looi ye riɔɔc, aa koc kárec looi kek aa riɔɔc ke. Ye looi kəpath yen abi bëny yi aleec.

⁴ Rin yen aluui Nhialic kápath kony yen yi, ku na loi kárec, ke yi riɔc ye rin riɛl tɔ kek ye acii muk ɛ path. Rin bëny ɛ Nhialic luɔɔi ku nyooth riáak puɔu Nhialic, ku tɛm koc kárec looi awuɔc. Ee koc awuɔc looi cəl agum.

⁵ Këya, wek aa dhil bány theek ku acie rin ɛ wɛt kënë rot, ku yeen aya anɛckɛ wɛpuɔth lɔn ɛ kɛ dhiɛlkɛ looi.

⁶ Kënë yen ɛ wɛt dhil wek ajuɛr tääu piny aya, rin bány aa luui tənɛ Nhialic tɛ looi kek luɔiden ɛ cök bik koc mac.

⁷ Tääu ajuɛr piny ajuɛr yen ba juaar tənɛ ke, ku nyuɔthkɛ athɛɛkdun ebën tənɛ bány.

Koc aa dhil röt nhiaar ɛ kamken

⁸ Duɔkkɛ röt cəl aköony raan dɛt, kɛ tɔ thɪn ɛ tók yen adhil looi, ku ɛ kɛ bi wek röt nhiaar kamkun, ku raan nhiaar koc ebën ɛ kɛ wɪc löŋ yen aye looi.

⁹ Löŋkä, “Duk akor loi, duk raan näk, duk cuɛɛr, duk kënë raandä wɪc yɪpuɔu,” löŋkä ku löŋ kək aa met löŋ tōŋ ye lueel ɛlä, “Yin adhil koc ebën nhiaar cimɛn nhiɛɛr yin rot.”

¹⁰ Raan nhiaar raan dɛt ka cɪn kéréɛc ye raan kënë looi tənɛ ye. Këya raan nhiaar koc kək, ee kɛ wɪc löŋ yen aye looi.

¹¹ Wek aa dhil kënë looi rin anɛckɛ lɔn aköl dhil wek nhüim tɪr aci bɛn. Rin aköl bi Nhialic yo kony aci thiɛk ɛmɛn tɛn tɛwäär tuɛŋ gɛm yok wɛt.

¹² Acit lɔn nadɛ ke wakɔu athök ku aköl abɔ, pälku kárec yeke looi muɔɔth yic wakɔu, ku këya lömkɛ kək bi yo cəl apir apath aköl bi Jethu dhuk.

¹³ Yok aa dhil röt mac apath cimɛn koc ɛ rɛɛr ɣɛr yic aköl cɪn kɛ yekɛ thiaan. Wek aacii röt met akut luui kárec yic, kárec cimɛn wɪɛt ɛ mäau ku wɪny ɛ diáar. Ku duɔkkɛ ater ye looi ku tiɛlkɛ röt kamkun.

¹⁴ Lömkɛ Bény Jethu Kritho, bi thiáak ke we. Duɔkkɛ wɛpuɔth ye yiɛk kək we cəl aloi adumuɔm, bák kënë yen wɪc piándun looi.

14

Duk koc kək ci gam luk wei

¹ Gamkɛ raan koor gamde bi rɛɛr ke we, ku duɔkkɛ ye teer ke ke kək yekɛ tak, kək cii ril.

² Gam raan dɛt, ee ye cəl acam kuat miɛth ɛ path, ku raan koor gamde acin kuat riŋ ye cuet.

³ Ku raan cɪn kɛn ye yen ke kucɛ bi cam, acii raan kucɛ müth kək dhäl guɔp. Ku raan kucɛ müth kək acii raan cɪn kɛn ɛ yen kucɛ bi cam ye yɔɔk lɔn ɛ yen kɛrac looi, rin kɛ ye raan cɪn kɛn ye yen kucɛ looi aci Nhialic gam.

⁴ Ye yin ɛ na, ba kɛ ci alony raan dɛt looi, lueel ke yic, tɛdɛ ke cie yic? Ee wun alony yen alɛu ye bi lueel lɔn le aluɔnyde cök ku lɔn cii yen la cök. Ku yen abi la cök rin abi Bény cəl ala cök.

⁵ Aye kɔc kɔk tak lɔn ala akɔl dīt tɛnɛ aakɔɔl kɔk, ku aye kɔc kɔk tak lɔn akɔɔl aa thɔŋ ɛbɛn. Nɛk adhil kɛ ye yen ye tak kɛya ŋic apath.

⁶ Raan kɛn looi aye looi rin wic yen Bɛny bi theek. Ku raan cɪn kɛnɛ ɛ yen ke kuec bi cam, aye looi rin wic yen ye bi athɛɛk nyuɔɔth tɛnɛ Bɛny, rin ɛ Nhialic leec rin miɛth. Ku raan kuec bi miih kɔk cii cam aye looi kɛya rin athɛɛk tɛnɛ Bɛny, ku athɛɛk gɛm Nhialic.

⁷ Acɪn raan tɔk kamkua pɪr rienke ɛ rot, ku na thou raan acie thou rienke ɛ rot.

⁸ Na pɪrku ke rin Bɛny, ku na thouku, ke rin Bɛny aya. Tɛ pɪr yok ayi tɛ thou yok, ke yok aa kɔc ɛ Bɛny.

⁹ Rin Raan ci lɔc ku dɔc aci thou ku jɔt rot bi pɪr rin bi yen a Bɛny kɔc pɪr ku kɔc ci thou.

¹⁰ Ku kɛya, yenjɔ ye wek miɛthakun lušk wei, tɛdɛ ke dhɛlkɛ gup, rin yook yodhie yok aabi kɔɔc Nhialic nhom luk yic akɔldɛ.

¹¹ Cimɛn ye athɔr thɛɛr wɛl Bɛny ci gɔt ye lueel ɛlɛ, “Cimɛn pɪr yɛn ayic, aluɛɛl alanden lɔn raan ɛbɛn abɔ door. Ku abi raan ɛbɛn lueel lɔn ye yɛn Nhialic.”

¹² Kɛya, ŋek yoyiic abi Nhialic ya tɛt kɛden ci looi, ku ye rin ŋɔ yen looi yen ye.

Duk kɔc ci gam thɔɔc adumuɔɔm yic

¹³ Yok aaci rɔt dhil tɛm awuɔc kamkua, ku duk kɛ bi raan dɛt cɔl aloi awuɔc loi.

¹⁴ Ku rin ye yɛn raan buɔth Bɛny Jethu aŋiɛc alanden lɔn acɪn miɛth rɛɛc yetɔk ɛ rot. Ku na gɛm raan lɔn miɛth arac, ka rac tɛnɛ ye.

¹⁵ Na cɔl wɛmuuth arac puɔu rin cɛm yɪn miɛth ye tak lɔn rɛɛc yen, ka ye kɛ loi nyuɔɔth lɔn yeen aci nhia. Ku duk wɛmuuth ci Raan ci lɔc ku dɔc thou rienke rɛc miɛth ye cam.

¹⁶ Duk tɛ ye yɪn kɛkkun path luɔɔi thɪn cɔl aye kɔc kɔk tak lɔn rɛɛc yen.

¹⁷ Rin bɛɛny Nhialic acie cɛm ku dɛk, ee la cɔk ku dɔɔr ku miɛt puɔu ye Wɛi Nhialic gam.

¹⁸ Ku kuat raan, Raan ci lɔc ku dɔc luɔɔi kɛlɛ ɛ Nhialic cɔl amit puɔu, ku cɔl raan ɛbɛn agam kɛden ye looi.

¹⁹ Kɛya, adhilku them buk kɛk kɛk nyaai ku loiku kɛk kɔc kɔk kony bɪk riɛl gamden yic.

²⁰ Na ye kɛya, duk kɛ ci Nhialic looi rɛc rin miɛth, miih aa path ɛbɛn. Ku na ye raan dɛt cɔl aloi adumuɔɔm rin kɛ ye cam, ka cii path.

²¹ Kɛpath akɪn, duk riŋ cuet ku duk mɔu dek, ku duk kuat kɛ bi wɛmuuth cɔl aloi adumuɔɔm loi.

²² Kɛya, kɛ ye tak ke path ɛ kɛkkɛ, muk kamkun wek Nhialic. Na cii raan ye lueel lɔn kɛ ci looi awuɔc, tɛ looi yen kɛ ye tak ke ye yic, ke yeen amit puɔu.

²³ Ku na ye raan puɔu rou tɛ cɛm yen kuat miih kɔk, ka ye Nhialic cɔl aye kɛrac yen looi tɛ cɛm yen ye, rin acie gam yen cɔl ye aloi ɛ kɛnɛ. Ku na yeku kɛdɛŋ looi ɛbɛn ke cɪn gam, ke yeen adumuɔɔm.

15

¹ Yok kɔc ril ɛ gamda yic, yok aadhil kɔc cii ril kony bɪk la tuɛŋ kek gamden apath, ku acie kɛnɛ yɔ cɔl amit puɔth yen dhilku aa looi.

² Nɛk yoyiic adhil wɛmɛɛthdan ci gam luɔi kɛpath, kɛ bi yeen cɔl amit puɔu. Yok aa dhil kɛnɛ looi rin bi yok gamde cɔl adhil riɛl.

³ Rin Raan ci loc ku doc akec ke ci looi looi rin bi yen ke puɔu miɛt, cimɛn ye athor theer wɛl Nhialic ye lueel ɛlɛ, “Waar let yi, lɛɛt aaci bɛn aa kakkɛi.”

⁴ Keriɛɛc ɛbɛn ci gɔt athor theer wɛl Nhialic yic ɛ ɔo piɔɔc, rin wɛl theer Nhialic aa ɔo cɔl anjɔth, ku aa ɔo deɛt puɔth.

⁵ Bi Nhialic yen koc cɔl agum, ku deet kepuɔth we yiɛk dɔɔr kamkun, cimɛn ye wek koc buɔth Raan ci loc ku doc Jethu.

⁶ Rin week ɛbɛn bak Nhialic wun Banya Jethu Kritho aa leec.

Wɛt Puɔth Yam aci lek koc cie koc Itharel

⁷ Nhiarkɛ rɔt kamkun rin bi koc ɛbɛn Nhialic leec, luɔikɛ kɛnɛ cimɛn tɛ ci Jethu we nhaar thin.

⁸ Rin alɛk we lon ci Raan ci loc ku doc a raan luui koc Itharel, ku nyuth ke lon kɛ ci Nhialic lueel ɛ yic, rin bi kɛk ci thɔn warkuan dit aa yith.

⁹ Ku dɛt aya, bi koc cie koc Itharel cɔl aa lec Nhialic rin lier piande, cimɛn ci ye gɔt athor theer wɛl Nhialic yic ɛlɛ, aci Bɛny Debit lueel, “Kɛya, tɛ rɛɛr ɣɛn kam koc cie koc Itharel ke wek ba gam lec. Ku waak alɛɛc aba ket tɛnɛ yiin.”

¹⁰ Ku ben athor theer wɛl Nhialic lueel ɛlɛ, “Mietkɛ puɔth wek koc cie koc Itharel kek koc ci Nhialic loc.”

¹¹ Ku ben athor theer wɛl Nhialic lueel aya, “Wuɔt ɛbɛn aa dhil Bɛny leec, ku koc ɛbɛn aa dhil ye leec apei.”

¹² Ku ben Ithaya lueel athor theer wɛl Nhialic yic ɛlɛ, “Ala raan many Jethe wun Debit bi bɛn. Abi Nhialic looi bi ya Bɛny koc cie koc Itharel. Ku nɔthden abi tɔ tɛnɛ yeen.”

¹³ Bi Nhialic nɔth bɛɛi ku cɔl we athiɛn miɛt puɔu dit apei ku dɔɔr, cimɛn ye wek ye gam bi Wɛi Nhialic we cɔl aala nɔth dit apei.

Luɔi Paulo kam koc cie koc Itharel

¹⁴ Wamathkiɛn ci gam, ɣɛn nhom, anjɛc alanden lon week nhuim wek aa path apei, wek aa njɛ kɛ bak dhil looi ku alɛukɛ bak rɔt piɔɔc kamkun.

¹⁵ Wek aca gat athoor puɔu ɛbɛn ke cin kɛ muɔɔny rin kɛk wiɛc ba ke bɛn lek we, rin dhɛɛn ci Nhialic gam ɣa,

¹⁶ ba ya raan luui Jethu Kritho, ba luui rin koc cie koc Itharel. ɣɛn ɛ luɔi kɛk raan Nhialic looi tɛ lek ɣɛn koc Wɛt Puɔth Yam. Rin bi koc cie koc Itharel ciɛt kɛ ci Nhialic door, kɛ ci Nhialic gam apei. Ku bi Wɛi Nhialic ke cɔl aye kacke.

¹⁷ ɣɛn anhiam luɔidiɛn ya luɔi Nhialic, rin ci ɣɛn mat kek Raan ci loc ku doc Jethu.

¹⁸ ɣɛn abi jam kɛk ci Raan ci loc ku doc cɔl aluɔɔi ɛ rɔt, kɛk ya lueel ku kɛk ya looi aaci koc cie koc Itharel cɔl athek Nhialic,

¹⁹ rin kɛril ku kɛk koc gɔi, ci Wɛi looi dhɛl ril. Kɛya, ɣɔn ca ke tɛk ɛbɛn jal Jeruthalem ku wun cɔl Dalmatia, ɣɛn aci koc lek Wɛt Puɔth Yam rin Raan ci loc ku doc.

²⁰ Kɛn yen tɔ yapuɔu ɛ tɔk ɛ path, ee lon ku ba koc lek Wɛt Puɔth Yam tɛ kɛc rin Raan ci loc ku doc kan pin thin, rin bi ye ci luel lon ye yen luɔi ci koc kɔk jɔk yen luɔi.

²¹ Cimɛn ci ye gɔt athor theer wɛl Nhialic yic ɛlɛ, “Koc kɛc kan lek wɛtde abik tin. Ku koc kɛc ye pin abik deet yic.”

Awic Paulo bi la kery Roma

22 Ku rin ë wët kënë, aca them ku yen aci pëen arak juëc ba la tënë we.

23 Ku ëmën ci yen kë luoi thöl tē rëer yen thün tēn, ku tēyon wic yen ye run juëc ba we la tūj,

24 anääth ba jäl looi ëmën. Ku ëmën le yen Ithpeen, wek aa bar ba we tūj. Ku awiëc bāk ya kony ba yet thün, tē ci yen kañ rëer ke we tēthin-nyoot.

25 Ëmën thiin yen ala Jeruthalem ba kuöony la gam tënë koc Nhialic rëer thün.

26 Ku akuut koc ci gam tō Mathedonia ku Giriik aaci puöth miët, ku matké bik wëu juaar tënë koc nōn kam koc Nhialic tō Jeruthalem.

27 Kek aa mat yeyic ë röt bik looi këya, ku ë yic keek aa dhil koc nōnkā kony. Koc Itharel aa kăpuöth yekë yök tënë Nhialic rin wëiken rom kek koc cie koc Itharel. Këya, koc cie koc Itharel ci gam aa dhil koc Itharel ci gam kony bik ke yiek kāk yekë wic akōlakōl rin piërden.

28 Tē ci yen kënë thöl, ba ke gām wëu ke ci kuööt yiic rienken, ke yen abi la Ithpeen, ku wek aaba kañ neem ba jäl la Ithpeen.

29 Te yeet yen tënë we, anjic yen abi dācdit Raan ci lōc ku dōc la rom ke we.

30 Rin gamda tënë Bëny Jethu raan ci koc ku dōc, ku rin nhiër ci Wëi Nhialic gām yo, wek aa lāñ matké röt yen aterdië yic bāk rōök kek yen apeï tënë Nhialic rienkië.

31 Yen arōök bi koc Judia këc wët Jethu Kritho gam yen cii banj, ku bi koc Nhialic tō Jeruthalem puöth miët bik kë ca looi bi yen ke kony gam.

32 Ku këya, na wic Nhialic, ke yen abi bën tënë we ke miët puöu, ku mitku puöth nēm bi yo ben puöc.

33 Yen arōök bi Nhialic yen ye yök döör yök thün, rëer kek we ëbën. Yenakan.

16*Paulo ë koc Roma muöth*

1 Awiëc ba lëk we, lōn nyankäida Pobi luui akut koc ci gam Kankëria ë raan path.

2 Luorkë cimën raan Bänyda, ku cit tē ye koc Nhialic röt luor thün kamken, ku yiëkkë kuat kuöony bi thiëc tënë we. Yeen ë path tënë koc juëc, ayi yen aya.

3 Yen ë Prithkila ku Akuila, koc ci röt māt ya buk luui rin Jethu raan ci lōc ku dōc, muöth apeï,

4 koc këc diëer kë bi ke nök rienkië. Yen amit puöu tënë ke apeï. Ku acie yen ë rot, akuut koc cie koc Itharel ci gam aa mit puöth aya.

5 Yen akut koc ci gam, yenhom mat panden, muöth aya.

Yen ë mäthdië Epanetuth, raan ci Raan ci lōc ku dōc kañ gam wun Athia,

6 ku Maria raan ci luui apeï rienkun, aaca muöth aya.

7 Andronikuth ku Juniëth, koc Itharel cimëndië, wäär ci mac ke ya aaca muöth aya. Keek aa njic apeï rin ye kek atuuc aya, ku kek aake kōn gam tënë ya.

8 Miäthdië tënë Ampliatuth, yeen ë mäthdië apeï, ku yeen aci rot māt Bëny.

9 Muöth tënë Urbano, raandan lui rin Raan ci lōc ku dōc. Ku muöth aya tënë mäthdië apeï, Ithakith.

10 Muöth tënë Apeleth, raan ci tē këëc yen thün kek Raan ci lōc ku dōc nyuöth käril yiic. Ku muöth tënë koc many Arithtobuluth.

11 Muöth tënë Yërodiön raandan Itharel ku wämäthakua, koc ci gam many Narkithuth.

12 Miäthdië tēnē Tripina ku Tripotha, diäär cī luui rin Bēny ku tēnē mäthdië apeī Perthith raan cī luoidit looi rin Bēny.

13 Ÿen ē muōth tuōc Ruputh raan njic luōide apeī rin Bēny ku tēnē man, raan Ÿen kony akōlakōl ciēt ya ye manhde.

14 Miäthdië tēnē Athinkrituth, Plegon, Ÿermath, Patrobath, Ÿermath ku wāmāthakua ebēn cī gam rēēr ke ke.

15 Muōth tēnē Pilologuth ku Julia ku tēnē Nerioth kek nyankēn, ku tēnē Olimbath ku tēnē koc cī gam rēēr kek ē tōk.

16 Miäthkē rōt kamkun puōu ebēn. Akuut koc cī gam ebēn aa we tuōc miäthden wek akut koc cī gam Roma.

Paulo ē koc tō Roma lēk kē dhilkē looi

17 Wek aa lēk apeī wāmāthkiē bāk nhīm tūr koc ē koc tek yiic, ku rēckē koc nhīm bik gamden cī muk apath, koc cī piōōcden ē thōj kek tē cī we piōōc thīn, duōkkē rōt ye thiäk ke.

18 Rin koc kākā looi acie luui rin Raan cī lōc ku dōc Bānyda, aa lui rienken ē rōt. Aa wēl mit apeī lueel, ku aa koc cīn kārēc yekē ke looi wēēj.

19 Acī raan ebēn piñ yen tē muk wek wēt yam cāk gam thīn. Kēya wek aa ya col amit puōu apeī. Awiēc bāk kāpath ku kārēc kan njic, ku bāk kāpath aa njic ku duōkkē rōt col aaye tōu luoi kērac yic.

20 Ku Nhialic yen ye yok dōōr yōk thīn abī riēl jōnjrac rac, ku col adhuk wecōk ciēn.

Ÿen arōōk bī Bānyda Jethu raan cī lōc ku dōc la tuēj ke nyuth we dhēējnde.

21 Timothī, raandiēn luui yok ē tōk, ee we tuōc miäthde, ku yen lan Lukiōth, Jathon ku Thothipater kōckiēn Itharel.

22 Ÿen Tertiath, Ÿen raan ya gāt wēl cī Paulo lueel athōr kēnē yic, wek aa ya tuōc miäthdiē ke ya ye raan cī gam aya.

23 Gaiōth, raan rēēr Ÿen paande, ku yen ye akut koc cī gam rōm thīn, ee we tuōc miäthde. Eratuth, raan wēū mir (akuma) mec geu muk ku wāmāāthda Kuartuth, aa week tuōc miäthden.

[24 Bī dhēēj Bānyda Jethu raan cī lōc ku dōc rēēr kek week ebēn. Yenakan.]

Paulo ē lēc gam tēnē Nhialic

25 Lecku Nhialic bī we looi bī gamdun riēl. Yen ē kē ya lueel tē lēk Ÿen koc Wēt Yam rin Jethu raan cī lōc ku dōc, ku ē yen acī yic cī moony run juēc apeī nyuōth.

26 Ku emēn kāk cī koc kāk Nhialic tīj gōt aaci yiny kēnē col anic koc juēc, aci Nhialic tō thīn tēyon ku abī rēēr thīn athēer lueel bī wuōt pinynhom ebēn yic kēnē dhiel njic. Kēya, rin bī koc ebēn Nhialic gam ku thekkē.

27 Tēnē Nhialic tōk, Nhialic kēriēc ebēn yic, yen njic kāj, aa leec. Kēnē adhil rot looi akōlriēc ebēn rin kē cī Jethu raan cī lōc ku dōc looi. Yenakan.

Athör tuenj cï Paulo gät kɔc gen Korinth Wët nom

Athör tuenj cï Paulo gät tēnē kɔc cï gam gen Korinth, ee gēt rin aliām cï rot lək jat nhial, cï pïr ku gam lək wāac apei akut kɔc cï gam yic, akut wāar cï Paulo jɔk cɔk gen Korinth.

Pan Giriik yen tɔ gen Korinth thïn ē mɛc bēnydüt kɔc Roma. Ku Korinth, tēwāar gēt Paulo athör ē ye gendit wun cɔl Akaya, ku ē ciēŋ kɔc juēc thïn. Gen kēnē ēci ŋic apei ē wēt γɔc ye looi thïn, ku ciēŋ ē nhiaam ku luoi kārɛc cimēn luoi kāk ē bal ku thēk yiēth juēc.

Kē cï akut kɔc cï gam yeyic tek, ku wīny ē diäär ku ciēŋ rɛɛc tɔ kam rōör ku diäär, ku wēt ē thiēek, ku wēt ciēŋ path, ku tēpeth ye Nhialic duɔr thïn, ku miśc ē Wēi Nhialic ku jōn ē rot thou yic. Kākkā ēbēn, kek aa wēl ril kek gēt Paulo athōör tēnē kɔc cï gam Korinth. Acï them piānde yic ēbēn bi nyuɔoth yen kē ye Wēt Puoth Yam lək kɔc rin ē kākkā ēbēn.

Kāk tɔ thïn

Muōth tuenj 1:1-9

Tē cï kɔc cï gam keyiic tek thïn akuut 1:10-4:21

Wīny ē diäär ku pïr baai 5:1-7:40

Kɔc cï gam rēer kam kɔc kēc gam 8:1-11:1

Tē dhil kɔc aa rōök thïn ēbēn 11:2-14:40

Jōn e rot Jethu ku kɔc cï gam 15:1-58

Ajuēr tēnē kɔc cï gam Jeruthalem 16:1-4

Wēl ciēn ē Paulo 16:5-24

¹ Athör kēnē abō tēnē Paulo, raan cï cɔl ē wēt Nhialic bï ya atuny Jethu Krītho, ku tēnē wāmāāthdan cï gam Thothenth.

² Yēn agēt tēnē Krīthiaan rēer gen Korinth, kɔc cï Nhialic cɔl bik aa kacke, rin cï kek mat kek Jethu Krītho, cimēn kɔc kɔk cï gam, kɔc ē Jethu door, Bānyden ku Bānyda aya.

³ Bï Nhialic Wāda ku Bēny Jethu Krītho, we yiēk dhēen ku dɔr.

Nhialic aci γo dɔc rin Jethu

⁴ Yēn ē Nhialic ya door leec ē rienkun akōlakōl, rin kē cï looi tēnē we. Acï we nyuōth piathde, ku gēm we kajuēc yakē yōk rin Jethu Krītho.

⁵ Rin rēer wek ke we ye tōk kek Raan cï lɔc ku dɔc, Nhialic aci we muɔc bāk kajuēc ŋic aa looi cimēn ye wek kɔc lək wētde, ku ŋiɛckē kajuēc.

⁶ Nhialic aci wēt Raan cï lɔc ku dɔc cɔl awēi wepuōth apei,

⁷ ku kēya acin miśc tōŋ Nhialic liu tēnē we emēn rēer wek ke we tit akōl bï Nhialic Bānyda Jethu Krītho cɔl aben dhuk.

⁸ Ku Jethu abï we kony bï gamdun riel bï Nhialic we tūŋ ke we cïn gup awuɔc akōl le Bānyda Jethu Krītho dhuk.

⁹ Anjɛckē kecïn diu, lɔn Nhialic akōlakōl ē kē cï thɔn ke bï looi, looi. Ee yen aci we cɔl bāk aa tōk kek Wēnde Jethu Krītho Bānyda.

Kɔc cï gam Korinth aaci keyiic tek

¹⁰ Wek aa lāŋ wāmāthakua rin riel Jethu Krītho, bï ya wēt tōk yen yakē lueel, ku bāk weyiic cï ye tek. Matkē rōt ēbēn ku calkē tāktākdun aye tōk.

¹¹ Acï kɔc kɔk ē many Kulowi lək ya lɔn wek aa gōth ē kamkun.

¹² Kē wiēc ba lueel akīn, aye kōc kōk ē kamkun lueel ēlā, “Yok buōth Paulo.” Ku lueel kōc kōk, “Yok aa buōth Apolo.” Ku lueel kōc kōk, “Yok aa buōth Pīter.” Ku kōc kōk, “Yok aa buōth Raan cī lōc ku dōc.”

¹³ Ye tēde bī Raan cī lōc ku dōc ya tek yic akuut? Ye yēn Paulo yēn cī thou tim cī rīū kōu ē riēnkun? Nadē le raan cī we muōoc nhīim rin bī wek aa kōc buōth yēn Paulo?

¹⁴ Yēn alec Nhialic rin acīn raan ca muōoc nhom ē kamkun, ee Krīthputh ku Gaiōth kepēc.

¹⁵ Kēya, acī raan luel ye lōn cī we muōoc nhīim bāk aa kōc buōth ya.

¹⁶ (Aca bēn tak, yēn acī Ithipanath kek kacke muōoc nhīim. Ku acā ye tak lōn le yen raan dēt ca muōoc nhom.)

¹⁷ Raan cī lōc ku dōc akēc ya tooc ba kōc aa muōoc nhīim. Acā tooc ba kōc aa lēk Wēt Puōth ē Yam. Ku lēk ke ē cōk ke cie wēl raan njic kāṅ ē path, rin ba nyuōth lōn thon cī Krītho thou tim cī rīū kōu, ala rieldit apeī.

Jethu ē njiny kāṅ ku riel Nhialic nyuōth

¹⁸ Aye kōc mār, kōc kuc tē bī ke kuony thīn tak lōn thon cī Raan cī lōc ku dōc thou tim cī rīū kōu, acīn kē ye kony tēnē ke. Ku yook, kōc cī lušk thon cī Raan cī lōc ku dōc thou tim cī rīū kōu, ee Nhialic nyuōth tē ril yen thīn.

¹⁹ Ku yeen acī gōt athōr thēer wēl Nhialic yiic ēlā, “Yēn abi kāṅ gēl bik rōt cīi loi tēnē kōc njic kāṅ ku kōc cī piōc apeī.”

²⁰ Na ye kēlā, yēṅō buk lueel rin kōc njic kāṅ ku kōc cī piōc apeī, ku kōc njic teer wēl ē riēēc akōl yic? Acī Nhialic nyuōth lōn njiny ē kāṅ ē kōckā acīn wētde yic!

²¹ Rin njīēc ē kāṅ tōu kek Nhialic, akēc kōc pinyinhom ye lēu ku bīk ye njic cōk alōn njic kek kāṅ. Ku Nhialic acī wēt yeku lēk kōc, wēt yen ye yōṅṅ yic, looi bī yen kōc ye gam kony.

²² Ku awīc kōc Itharel bīk kārīl ē kōc gōi tīṅ, kāk bī ye nyuōth lōn Nhialic alui. Ku kōc cie kōc Itharel ē wīckē bīk kāṅ aa njic.

²³ Ku yook wēt yeku lueel, ee Raan cī lōc ku dōc cī thou tim cī rīū kōu cīi kōc Itharel ye lēu bik gam. Ku yōṅṅ kōc cie kōc Itharel yic lōn cīn yen wētde yic.

²⁴ Ku tēnē kōc cī Nhialic cōl, kōc Itharel ku kōc cie kōc Itharel, wēt cī Raan cī lōc ku dōc thou, ee riel Nhialic ku njīēc kāṅ Nhialic nyuōth.

²⁵ Rin kē ye tīṅ ciēt Nhialic cīn kē njic, anjic kāṅ apeī ka wār raan njic kāṅ. Ku kē ye tīṅ ciēt Nhialic cī ril, aril apeī ka wār riel ē raan.

²⁶ Takkē emēn miēthakāi, we ye kōc yīndē wār kēc Nhialic we cōl bāk aa kōc buōth Jethu. Cīt tē cī raan cak thīn, aa kōc lik ē kamkun kek aake njic kāṅ, tēde ke kek la riel, tēde ke ye kōc ke dhiēēth kōc cī jak.

²⁷ Nhialic acī kōc ye tīṅ kecin kēpeth tō ke ke lōc, rin bī yen kōc rōt cōl ka kōc njic kāṅ cōl ayār gup. Ku lōc kōc ye yōk ciēt ke niōp, rin bī yen kōc rōt yōk ke ril cōl ayār gup.

²⁸ Ku Nhialic acī kōc cīi ke ye kuēēc nhīim lōc, rin bī yen riel kōc rōt yōk ke kek ye kōc ril rac.

²⁹ Ku aye kēnē nyuōth lōn acīn raan lēu ye bī nhiam Nhialic nhom.

³⁰ Ku ē rin Nhialic yen acī wek ya kōc Jethu Krītho. Ku njīēc ē kāṅ tōu kek Nhialic, ayeku yōk tēnē Jethu. Ee riēnke yen aye yok la cōk tēnē Nhialic ku yeku kōcken path, ku wēer yo bee adumuōōmkua yiic.

³¹ Këya, aci gõt athör theer wël Nhialic yic ëlä, “Na ye raan wïc ye bï nhiam rin kē cï ye cöl amit puşu, ka dhil nhiam rin kē cï Bëny looi.”

2

Të cï Paulo kəc Korinth lək thïn

¹ Wäär cï yen bën tənë we miethakäi, ba we bën lək wët ë Nhialic cï moony, wek aa kəc bën aa jääm wël ril ye nyooth ciët ya ye raan cï piöc apei tənë we.

² Rin wäär rëer yen kek we, aca bën tak bï ciën dët lək we, ee wët rin Jethu Kritho, wët cï yen thou tim cï rïü kşu.

³ Këya, wäär bïl yen tənë we, yen ë ya bş ke ya cï rişşc rin cïl yen ril. Yen ë ya ye lath.

⁴ Ku yen akēc piöc ku lək kəc Wët Puoth ë Yam wël puoth ñיע. Ee Nhialic yen aci ye looi bï pişşcdië ku tē ye yen kəc lək thïn la cök ë riel Wëi Nhialic.

⁵ Këya, acie wël puoth yakē ke piñ kek cöl we aa gam Raan cï ləc ku dəc, ee riel Nhialic.

Ñiny ë kån bş tənë Wëi Nhialic

⁶ Kē ya pişşc ë wët ñיעc tənë kəcdit cï gam. Ku acie ñיעc tşu kek kəc pinynhom. Tēdē ke ñיעc ë kån tşu kek kəc męc ěmën, kəc la riel bï rielden guş liukä.

⁷ Ñיעc ë kån ya lueel, ee ñיעc tşu kek Nhialic kęc cöl aləc tic tənë kəc. Ku aci Nhialic guir theer kęc piny cak lon ñיעc ë kån kēnē yen abï duaar bēi tənë yo.

⁸ Ku ñיעc kək Nhialic kēnē ë kęc kəc męc ěmën ñיע. Na cik ñיע ñuşt aa kęc Bëny rəm duaar kek Nhialic piäät tim cï rïü kşu.

⁹ Kū ë yen kē ye athör theer wël Nhialic lueel ëlä, “Acin raan cï ye kañ tñ, acin raan cï ye kañ piñ, lon bï yen rot looi, yen kē cï Nhialic guir tənë kəc nhia ye.”

¹⁰ Ku aa yok aci Nhialic bën cöl anic kəkken kęc cöl aləc tic riel ë Wëike. Wëi Nhialic anic kəriëc ebën agut kək cï Nhialic moony.

¹¹ Ee puşn raan rot yen ë kək ye raan tak ñיע. Kēlä aya, ee Wëi Nhialic yen anic tēktēk ë Nhialic ebën.

¹² Yok kəc cï gam, yok aacie kån ye tak təcit tē ye kəc pinynhom, kəc cie kəc cï gam ke tak thïn. Yok aaci Wëi cï Nhialic tuşc yo yok. Ku aci yok kony buk kək cï Nhialic yiëk yo ya deet yiic apath.

¹³ Këya, tē jיעm yok, yok aacie jam wël cï yo piöc təcit tē ñיע kån thïn pinynhom. Yok aa jam ë wël ye gäm yo ë Wëi Nhialic, tē jיעm yok kək Nhialic tənë kəc rëer Wëi Nhialic ke ke.

¹⁴ Raan liü Wëi Nhialic tənë ye, acie kək ye Wëi Nhialic pişşc ye gam, aa cïn wētde yic tənë ye. Ku aaci ke ye deet yiic, rin alëu raan bï piath ë kəkä ñיע tē rëer Wëi Nhialic kek ye.

¹⁵ Raan rëer Wëi Nhialic kek ye, alëu bï kërac ku kēpath deet yic, ku acin raan lëu bï ye jşşny.

¹⁶ Cimën cï ye gõt athör theer wël Nhialic yic ëlä, “Yenja ñיע kē tek Bëny? Yenja lëu bï yeen wēët?”

Ku yok aa tak cimën Raan cï ləc ku dəc.

3

Yok aa lui rin Nhialic

¹ Miethakäi le yok gam tök, akëc lëu ba jam tënë we təcit tən bī yen jiem thīn tënë kōc rēer Wēi Nhialic ke ke. Yen a ya ye jam tënë we ciēt ye kāk pinynhom kek yakē ke tak kepēc. Ku ciēt we ye kōc cīt mīth ē tēdun ye wek piōōc kōc cī gam dēet yic thīn.

² Wek aa we cā gām kāk bāk ke dek ku acie miēth ril kōu, rin wek aa we kēc guō cam miēth ril kōu. Agut cīt emēn, acāk lëu bāk liek,

³ rin wek anōt we ciēj cīmēn kōc pinynhom kepuōth yiēk kāk ye piāthken wīc. Tē rēer tiēl ē kamkun, ku yakē rēer ke nek gōth ke nek cīi ye nyuōth lōn ciēj wek cīmēn kōc pinynhom?

⁴ Yen anjic ē kēnē tē ye nek kamkun ye lueel, “Yen abuōth Paulo.” Ku raan dēt. “Yen abuōth Apolo,” Ke wek aa tak cīmēn kōc kēc gam.

⁵ Yenō Apolo ku Paulo col aaye kōc ril apeī? Nhialic aci yo luōōi buk we kony bāk gam. Nek ē kamkua ē luoi cī Bēny tēk ye looi.

⁶ Yen aci käu com ku yor Apolo, ku ē Nhialic yen acōl ye acil.

⁷ Raan cī kēdānj com ku raan cī ye yor aacie kek ril. Ee Nhialic yen aril apeī, rin ē yen aci käu col acil.

⁸ Raan cī käu com ku raan cī ye yor aa thōj rin yok aa loi luoi tök yodhie rin ē Nhialic. Ku Nhialic abī nek ya gām ariōp thōj kek luōiden cī looi.

⁹ Rin yok aa cīt dom luui Nhialic thīn. Wek aa cīt yōn buth Nhialic.

¹⁰ Yen aci Nhialic gām tēēt ye yen njec buth. Ku ē yen aye yen atēn kāk buth njec jōok cōk, kāk ye raan dēt buth thīn aya. Ku nek adhīl yenhom tāau piny apath tē buth yen thīn.

¹¹ Rin Nhialic aci jethu Krītho yetōk looi bī a yen ē jōk ē cōk. Kēya, acīn raan dēt ben jōk ē cōk dēt ben yam.

¹² Kōc aabi aleel ril apeī lōōm ku bī kek kē cī jōok cōk buth, ku kōc kōk aabi luui ē tiim ku bel.

¹³ Ku kōc aabi kē yen puōth luoi ē nek tīnj akōl le Raan cī lōc ku dōc dhuk. Rin akōl kēnē, mac abī luoi cī looikā them ebēn, ku luoi bī mac gōōk abī tīnj.

¹⁴ Nhialic abī raan buth kē cī jōok cōk ē kāk cīi mac ye rac, yiēk ariōp.

¹⁵ Ku na le raan rēc mac luōide, ka cīn ariōp yōk. Ku yeen nhom abī poth cīmēn raan yōōt rot bei mac yic.

¹⁶ Cāk njic lōn wek aa cīt luanj ē Nhialic, ku Wēi arēer kek we?

¹⁷ Na ye raan loi luanj ē Nhialic bī yic la buōōl, ke raan kēnē arēc Nhialic. Rin luanj Nhialic ē kēde ē rot. Ku aa wek aa ye nek ke luanj ē Nhialic.

¹⁸ Acīn raan mēth rot. Na ye raan ye tak ka wār we njiny ē kānj, ka dhil rot col acīt raan cīi kānj njic ē riēēc akōlē yic, rin bī yen a raan njic kānj.

¹⁹ Kē ye kōc akōlē pinynhom tēn tak kepuōth ciēt ke njic kānj, acīn njiny ē kānj tōu thīn cīt tē ye Nhialic tiēj ye. Cīmēn cī ye gōt athōr theer wēl Nhialic yic ēlā, “Nhialic ē kōc deep njinyden ē kānj yic.”

²⁰ Ku aci gōt alōnj dēt yic ēlā, “Anjic Bēny lōn tēktēk kōc njic kānj acīn kēpuōth tō thīn.”

²¹ Duōkkē ye nhiam lōn buōōth wek nek ku nek. Kāk piōōc ebēn aa kākkun.

²² Paulo, Apolo ku Pīter, kēriēēc ebēn pinynhom, pīr ku thou, kāk tōu thīn emēn ku kāk akōldā, kākā ebēn, aa kākkun bī wek kāpath yōk thīn.

²³ Ku week ku yook aatō Raan cī lōc ku dōc cōk. Ku Raan cī lōc ku dōc atō Nhialic cōk.

4

Ƴok atuuc Raan cĭ lɔc ku dɔc

1 Wek aadhil Ƴo ya tĭŋ ke Ƴok kɔc lui rin Raan cĭ lɔc ku dɔc, kɔc cĭ Nhialic looi buk yithken cĭ moony lueɛl.

2 Kē tōŋ ye wĭc tēnē raan lui, ee lɔn bĭ kāk wĭc bānyde ēbēn bĭ ke looi, looi.

3 Ƴen acie dɛɛr rin acie wek la yic pinynhom tēn, tē looi wek luk tēnē Ƴen tēdē ke ye kɔc kɔk ku bāk ŋic lɔn puəth luəidiē tēdē ke rac. Ku Ƴen acie rot ye luək yic ē rot.

4 Acĭn kē ya tak ke ca kušc looi. Ku kēnē acie Ƴen cɔl acĭn gušp awušc. Ee Bēny ē rot yen abĭ luk looi tēnē Ƴa.

5 Kēya, duk raan dēt luk wei ke tē bĭ ye luək wei kēc bēn. Luŋ ciēen adhil Bēny tiit bĭ dhuk, yen abĭ kārɛc ye thiaan cɔl atiɛc ku nyooth kārɛc ye puən ŋek tak. Ku tēnē, ŋek abĭ lɛc a yōk tēnē Nhialic rin kăpuəth cĭ looi.

6 Ēmēn miəthakāi, kāk ca ke lueel ēbēn, ee ciēt Ƴa jam rienkiē ku Apolo, rin bĭ wek kāk cĭ gət ēlā deet yiic, “Duk kāk cĭ gət thɛɛr lir nhĭim yĭpušu.” Acĭn raan kamkun loi rot bĭ nhiam rin ē yen raan buəth ŋek ku dhēl raan cĭi buəth gušp.

7 Yeŋa cɔl yĭ aye raan ŋic kăŋ tēnē kɔc kɔk? Cie Nhialic yen gēm yĭ kēriēɛc ēbēn tō kek yĭ? Na ye kēya, yeŋō yĭ cɔl anhiam ciēt kāk tō ke yĭ cie kāk ke gēm yĭ.

8 Cāk kăjuɛc wiɛckē ke yōk ēbēn? Cĭ Wēi Nhialic we yiēk miəc wiɛckē ke ēbēn? Cāk aa bāny mac kɔc, cɔk alɔn cĭi yōk mɛc? Ee tēde, aya wĭc bāk aa bāny mɛc ayic, rin ku buk aa bāny Ƴodhie ke we.

9 Aya yōk Ƴapušu lɔn cĭ Nhialic Ƴo tšūu ciēen Ƴok atuuc, cĭmēn kɔc cĭ tēm awušc bĭ Ƴo nək bĭ kāk cĭ cak ēbēn, kɔc ku atuuc nhial aa daai ē Ƴo.

10 Rin ye Ƴok kɔc Raan cĭ lɔc ku dɔc, Ƴok aa cĭn kē ŋicku, ku wek aa ŋic kăŋ tē ye wek tōk kek Raan cĭ lɔc ku dɔc. Ƴok aacĭi ril ku wek aa ril! Ƴok aaye bui ku wek aaye leec.

11 Agut cĭt akölē, Ƴok aa rēɛr ke Ƴo nək cɔk ku Ƴok aa rēɛr ke Ƴo nək rou. Ƴok aa ciēŋ alēth cĭ riāāk cĭ la yueryuɛr, Ƴok aa ye biāk, Ƴok aa cĭn nhĭim tē ceŋku, Ƴok aa rēɛr Ƴo kuany baai yic.

12 Ƴok aa luui apɛi Ƴocin. Tē wēi kɔc Ƴo kārɛc, Ƴok aa Nhialic thiēɛc bĭ ke dɔc. Tē bɛŋ Ƴo ka yeku guum,

13 tē bui Ƴo, Ƴok aa kɔc jāam ē wēl path. Ƴok aa cĭt kădhie cĭn kēpuəth tšūu kegup ye cuat wei.

14 Ƴen acĭi kăkkă gət rin bĭ Ƴen we cɔl ayār gup, ē rin bĭ Ƴen we lək cĭmēn miŋkiēn nhiaar.

15 Rin na cɔk alɔn le wek kɔc juɛc apɛi kony we pirdun kɔc cĭ gam yic, ke wek aa cĭn wurkun juɛc. Rin pirdun ye wek tōk kek Raan cĭ lɔc ku dɔc, Jethu, Ƴen acĭt wuurdun rin cĭ Ƴen Wēt Puəth Yam bēi tēnē we.

16 Wek aa yōšk bāk Ƴa aa kiēt.

17 Ku rin ē wēt kēnē yen atooc Ƴen Timothĭ tēnē we. Rin ē manhdiē apɛi, ku aca deet pušu. Abĭ we cɔl aa tak yith rin tē piir Ƴen thĭn, ke Ƴa ye tōk kek Raan cĭ lɔc ku dɔc, Jethu. Yithkă, kek aa ya pišc tēnē akuut kɔc cĭ gam Ƴon juɛc yiic.

18 Kɔc kɔk kamkun aa tak lɔn cĭi Ƴen we bĭ la neem, ku kēya, aacĭ nhiam.

19 Na wĭc Bēny, ke Ƴen abĭ lac la ba we la neem, ku ba riɛl cĭ kɔckă nhiam la yōk, ke cie wēt yekē lueel ē path.

20 Nhialic ē määcde nyuəəth tē ye kɔc luui thĭn ē piɛrden yic, ku acie tē ye kek jiɛem thĭn

21 Yenjö wiäckë ba looi tɛ le ɣen ba we la neem, bi dhial a yic ba we tɛm awuɔc, kua ba nhiardiɛ nyuɔth we ku njɛc we aa jãam.

5

Cuɔpkë raan kãk bal looi akut yic

1 Ëmɛn, yic aci kɔc kɔk lɛk ɣen lɔn raan tɔk akuɔtdun yic, aloi adumuɔɔm rac apeɪ, rin ɛ yen tɔc kek tiŋ ruɛɛi kek. Na cɔk aa kɔc cie Nhialic la cɔk ɛ door, ka ci adumuɔɔm cit kɛnɛ nhiaɾ.

2 Yenjö ye wek nhiam? Kɛnɛ adhiɛlkɛ maan, ku wek aa dhil raan adumuɔɔm cit kɛnɛ looi cuɔp wei akuɔtdun yic.

3 Na cɔk alɔn ci ɣen rɛɛr kek we ke piãndiɛ arɛɛr ke we, ku ɣen aci raan ci kɛnɛ looi tɛm awuɔc ciɛt ɣa rɛɛr ke we.

4 Tɛ rɛm wek rin Bãnyda Jethu ke piãndiɛ arɛɛr kek we, ku riel Bãnyda Jethu arɛɛr thɪn.

5 Cuɔpkë raan kɛnɛ wei bi la rɛɛr jɔŋrac cin, na cɔk alɔn rɛc yen guãpde, ke wɛike abi kony akɔl bi Bãnyda dhuk.

6 Acii rot lɛu bãk nhiam. Wek aaci kɛ ci lueel ɛlã thɛɛr piŋ, “Lon thin koor ayup col apiããr ɛbɛn.”

7 Kɛya, nyaaikɛ adumuɔɔm cit luɔu ku bãk bɛn aa kɔc ɛ gam. Ku wek aabi jãl ciɛt ayum ɛ yam cin yic luɔu, cimɛn njic ɣen ye lɔn wek aa cit kɛnɛ alanden. Rin Raan ci lɔc ku dɔc, amiɔcdan Yan ayum cin yic luɔu aci nɔk.

8 Tɛ cɛm ɣok ayumdan Yan ayum cin yic luɔu, ka cuk cam ke ɣo la puɔth luɔi kãrɛc ku adumuɔɔm, kãk cit ayum kɛc yiɛk yic luɔu. Apath buk ciɛn ruɛɛny ku loiku yic, kãk cit ayum kɛc yiɛk yic luɔu.*

9 Aca lɛk we athɔr wããr ca gãt we yic bãk ciɛn buro kek kɔc ɛ rɛɛr ke wic diããr.

10 Ku aacie kɔc ci Nhialic la cɔk ye door, ayi kɔc dit puɔth nhiaɾ kãjuɛc ku cuɛr, kek luɛɛl. Na ye kat tɛnɛ kɔc cit ɛ kɔckã, ke yin acii cit raan pinynhom tɛn ceŋ.

11 Kɛn yen luɛɛl ɛ lɔn bãk ciɛn buro kek wãmuuth ci gam wic ɛ diããr, ku nhiɛɛr kãjuɛc ku ye jak ci kiɛt door, ku ye kɔc jããm gup ɛ lueth, ku ye wiɛɛt ɛ mããu ku ye cuãr. Duk cɔk mĩth ke wãmuuth cit ɛ kɛnɛ.

12-13 Yic akĩn, acie luɔidiɛ ba luk looi tɛnɛ kɔc kɛc gam. Ee Nhialic yen abi luk looi tɛnɛ ke. Ku ci ye luɔidun bãk luk looi tɛnɛ kɔckun ci gam? Cimɛn ci ye gɔt athɔr thɛɛr yic ɛlã, “Nyaaikɛ raan rac akuɔtdun yic.”

6

Kɔc ci gam aa kɔcken kãk ɣãth luk yic

1 Na ci raan gɔth ɛ kamkun kek wãmɛnhɛ dɛt ci gam, ke ye yic njɔ tɔ kek ye bi yen raan la gaany tɛnɛ kɔc cie Nhialic la cɔk ɛ door, ku ci ɣɛth tɛnɛ kɔc ci gam bĩk luk looi?

2 Cãk njic lɔn bi kɔc ci gam la riel bi kek luk looi tɛnɛ kɔc ɛ pinynhom? Ku na luɔikɛ luk tɛnɛ kɔc pinynhom, ke cãk lɛu bãk kãthii tɔ kamkun luk?

3 Cãk njic lɔn bi ɣok luk looi tɛnɛ atuuc jɔŋrac? Na ye kɛya, alɛuku aya buk kãk rɔt looi piɛrda yic akɔlɛ aa luk.

4 Na yakɛ la luɔk cit kãkkã, ke yenjö ye wek ke ɣãth tɛnɛ kɔc kɛc gam bi ya kek luɔkkun la looi?

⁵ Calkë röt aa thiëec lõj bī we rac gup. Cīn raan ñic kǎñ tǎ weyiic bī kǎk cī wǎac kam kǎc cī gam ya luk?

⁶ Ku Krīthian ē wǎmēnh dēt ē Krīthian yǎth tēnē kǎc kēc gam, bī ya kek la luk looi.

⁷ Ku rin ye wek röt yǎth luk yic ē röt bǎk kǎk we kēēk la luk, aye nyooth lõn cī ciēñ path we gōök. Ee bī ñuēñ tēnē we bǎk kēreec cī luši we ya guum. Ku ē bī ñuēñ tēnē we bǎk kǎc kǎk cǎl aa lõm kǎkkun.

⁸ Alēuku buk ñic aya lõn ye yök kǎreec looi tēnē kǎc kǎk, agut tēnē miēthakāi kuan cī gam.

⁹ Aya dhiel tak lõn ñic wek ye lõn Nhialic acīi kǎc reec bī pušl bīk bǎanyde rǎm kek ye. Wek aa dhil ē kēnē ñic. Kǎc luui kǎk bal, tēdē kǎc diäär kǎar, tēdē kǎc jak cī kiēēt door, ku kǎc lõm rōör kǎk cīt ke.

¹⁰ Cuēr ku kǎc kepušth yiēk kǎjuēc. Kǎc wiēet ē māäu, ku kǎc kǎc kǎk jǎam gup ku kǎc kǎñ tušör nyīn. Kǎckǎ ēbēn aacīi Nhialic bī pušl bīk bǎanyde rǎm ke ye.

¹¹ Kǎc kǎk ē kamkun aake cīt ē kǎckǎ. Bēny Jethu Krītho ku Wēi Nhialic acā adumušm nyaai wegup, ku wek aacī jǎl aa kǎc ē Nhialic, ku cǎl we aala cök kek Nhialic.

Luši kǎk bal

¹² Abī raan dēt lueel ēlä, “Acīn lõj ya gēl ba kē wiēc cīi loi.” Ee tēde, ku kēriēec ēbēn acīi path tēnē yī. Alēu ba lueel lõn cī ya pušl ba kuant kē wiēc looi, ku yen acīi rot loi ba ya alony kǎk ya ke looi.

¹³ Abī raan dēt lueel, “Miēth ē kēn yǎc ku yǎc ē kēn miēth.” Ee tēde, ku keek aabī Nhialic rac kedhie. Gušp acie lušši wēt bal ē path, aye lušši kē wīc Bēny rin gušp ē kēde.

¹⁴ Nhialic acī Bēny jot thou yic ē rielde, ku abī yook jot aya ē rielde.

¹⁵ Anjēckē lõn ye guāpkun tōk kek Raan cī lõc ku dǎc. Lēu ba gušp abañ Raan cī lõc ku dǎc looi bī ya gušp abañ a dējök? Acīi rot lēu.

¹⁶ Cǎk lēu bǎk ñic, mony guāpde cǎl aye kēn adējök lõn guāpken aabī ya tōk? Acī gōt athōr theer wēl Nhialic yic ēlä, “Ku keek karou aabī ya guāp tōk.”

¹⁷ Ku raan rot mat kek Bēny, ee ya tōk kek ye wēike yiic.

¹⁸ Nyaai yīpušu kǎk bal yiic. Adumušm kǎk ye raan ke looi aacīi guāpde ye rac, ku raan yepušu yiēk bal, adumušm guāpde rac yen aye looi.

¹⁹ Anjēc lõn ye ñek ye ñic lõn gušp acīt luanj ye Wēi Nhialic rēer thīn. Acie wek we cak röt wepēc. Wek aa kǎk Nhialic.

²⁰ Nhialic acā arīōp dēt apēi tššu piiny bī yen yī yōoc. Kēya, calkē guāpkun aaye wek Nhialic leec.

7

Thiēek

¹ Ēmēn, yen abī jǎl jam wēl wǎar cī wek ya gāt athōör. Ee yic, apath bī raan cīi thiēk.

² Ku rin bī ciēñ reec kǎk bal pušl, apath bī moc ala tiēñde ku ye tik la muonyde.

³ Moc ku tik aa dhil rēer apath ē rēer moc kek tiēñde ku rēer ē tik kek muonyde, ke cīn raan kuc ē ñek.

⁴ Gušp rēer ke tik acie kēde ē rot, ee kēnē muonyde. Ku gušp rēer ke moc acie kēde ē rot, ee kēnē tiēñde aya.

⁵ Cii ɲek kuc bī cii tōc ke ɲek. Apath bāk kaɲ mat lɔn bī ɲek atōc ē rot, rin bāk la nīn lik bī wek ke rōōk. Kaɲkē mat yic ku gamkē wedhie. Na la nīnkā thōk ke we rōm biōōk cimēndun thēer. Tē looi wek ye kēlā, ke jōɲrac acii we bī piēk adumušōm yic. Rin acāk bī lēu bāk bal gōōk.

⁶ Wek aa cā yōōk bāk rēēr ē rōt kēlā, wek aa pāl bāk looi cīt tē wic wek ye thīn.

⁷ Ee ba nhiaar apēi tēcīt wek ya. Ku ɲek ē la kēden cī Nhialic gām ye. Raan ē la miōcde ē rot ku raan dēt kek miōcde ē rot.

⁸ Emēn, awiēc ba lēk rōōr kēc thiēk ku diäär cī rōōrken thou rēēr ē rōt, lɔn apath bīk rēēr ke cii ben thiaak, ku cii rōōr thiēk aya cimēn ɲen.

⁹ Ku na cāk lēu bāk rēēr ē rōt, ke we thiēk ku thiak diäär rin aɲuēēn bak thiēk tēn tē bī wek aa tuil akōlakōl.

¹⁰ Alēk kōc cī rōt thiaak ē riēl bānyda ku acie riēldiē, tik acii muōnyde pāl.

¹¹ Ku na pāl moc, ka dhil rēēr ke cii mony dēt wic, tēdē ke dhuk tēnē muōnyde. Ku moc acii tiēɲde liši.

¹² ɲen acie Bēny, ku ɲen aluel wēt kēnē ke ya ye raan ē path. Na le wāmāāth cī gam la tiɲ kēc gam, ku wic tik kēnē bī rēēr ke ye, ka cii tik dhil liši.

¹³ Ku na cī tiɲ cī gam thiaak ē mony kēc gam, ku wic mony kēnē bī rēēr ke ye, ke tik acii moc pāl.

¹⁴ Rin Nhialic ē mony kēnē gam rin cī yen tiɲ cī gam thiaak. Ku yeen ē tiɲ kēc gam cōl aye raande rin cī ye thiaak mony cī gam. Na cii cīt kēnē, ɲuōt miēthken aa cīt mīth kōc cie Nhialic la cōk ē door. Ku rin cīt yen kēnē, mīth aaye Nhialic mat ē kacke yic.

¹⁵ Ku na wic raan kēc gam bī raan cī gam rēēr kek puōl, ka dhil raan kēnē looi kēya. Acīn kēnē ɲek duut ē kamken kedhie, moc ku tik, bī rēēr ke ɲek. Rin yok aaci Nhialic puōl buk rēēr apath.

¹⁶ Tiɲ cī gam, ye ɲic kēdē lɔn cii yīn muōnydu bī kony bī gam? Ku yīn mony cī gam, ye ɲic kēdē lɔn cii yīn tiēɲdu bī kony bī gam?

¹⁷ Wēt ya lēk akuut kōc cī gam, ee lɔn bī raan a pīr dhēl cī Bēny nyuōth ye. Ku ɲek adhil pīr tēcīt tēwäär pīr yen thīn ɲon cōl Nhialic ye bī wētde gam.

¹⁸ Kē luēl akīn, na raan cī ɲoot cī cōt Nhialic gam, ka cii ɲuōt man, ku ye wic diēt kēc ē ɲoot. Na raan kēc ē ɲoot cī cōt Nhialic gam, ka cii rot cōl aɲot.

¹⁹ Athōɲ ēbēn tēnē Nhialic tē cī raan ɲoot ayī tē kēc ye ɲoot. Kēn yen ril ē lɔn bī yīn lōōɲke gam.

²⁰ Raan ēbēn adhil rēēr cīt tēden wäär rēēr yen thīn ɲon cōl Nhialic ye.

²¹ Na yī alony wäär cōl Nhialic yī, ke yī duk ye diēer. Ku na le kē kony yī ba nhom lāāu, ke loi.

²² Raan alony cī Bēny cōl bī ya tōk kek Raan cī lōc ku dōc, ke ye alony cī Raan cī lōc ku dōc looi bī nhom lāāu. Ku yeen aya, raan cī Nhialic cōl bī ya tōk kek Raan cī lōc ku dōc, ee ya alony Raan cī lōc ku dōc.

²³ Nhialic acā ariōpdīt tāāu piny ē riēnkun. Duōkkē rōt loi bāk ya alony ē kōc.

²⁴ Miēthakāi cī gam, ɲon cōl Nhialic we, ɲek ē la tēden ciēɲ yen thīn. Cimēn wäär ciēɲ wek ɲon cōl Nhialic we. Rēēr kē kēya we ɲic Nhialic. Ciēɲkē kēya.

²⁵ Awiēc ba wēt cāk thiēēc ē ɲen rin kōc kēc thiēēc dhuk nhom. Bēny akēc ya lēk kē ba looi. Ku wek aa ba lēk wēt ē piāndiē, ke ya cīt raan cī Nhialic ɲōōth puōu bī la kēden luōoi.

²⁶ Tē tiɲ yok kāril bī rōt looi, ka ɲuēēn bī raan rēēr ē rot ke cii thiēk.

²⁷ Na yīn ala tik, ke duk liši. Na kēc thiēēc, ke yī duk thiēk.

²⁸ Na wïc bī yī thiaak, ka cīn adumuššm tš thīn. Ku kəc cī thiëek aabi gum apei piërden yic, ku awiëc bāk cīi gum.

²⁹ Kē luεεl akīn miēthakāi cī gam, tē cī dōŋ piërda yic aciek. Ku emēn le tuen rōör cī thiëek aa dhil cien ciēt ke kēc thiëek.

³⁰ Kəc dhiau ku yekē nyuəəth ciēt ke cīi dhiau. Kəc dal ku yekē nyuəəth ciēt ke cīi puəth mit, kəc ē ɣəc, ku yekē nyuəəth ciēt kāk cik ke ɣəc cie kākken.

³¹ Ku kəc kāk pinynhem luššl, apath bīk cīi ye diεεr apei ciēt cīn kaam dīt cik nək ke lui. Piny kēnē kek kākken tš thīn ebēn, acīi bī cien apei.

³² Anhihaar bāk rēer ke we cie diεεr. Kam kəc cī gam, raan kēc thiëek ē yenhom yiək luəi kāk Bēny, rin bī yen Bēny cəl amit pušu.

³³ Ku raan cī thiëek ē yepušu yiək kāk pinynhem, rin bī yen tiεnde cəl amit pušu.

³⁴ Ku kēya, piānde ē nhom rou. Ku tiŋ kēc bēn thiaak, tēdē nyan kēc kaŋ thiaak, ee yepušu yiək luəi kāk Bēny, bī guāpde ku wēike aa kāk Bēny kedhie. Ku tiŋ la moc ē yenhom yiək kāk pinynhem, rin bī yen muənyde cəl amit pušu.

³⁵ Kākkā ebēn aa ca lək we rin wïc ɣen ye ba we kony, ku cā we gəl bāk kāk wiëckē ke cīi ye looi. Awiëc bāk kēn yic aa looi ku piērəkē dhēl la cök, ku bāk Bēny luššl pušu ebēn.

³⁶ Na ye moc tak, lən kē cī yen thiëek ɣəəu tēnē nyan cī meek acīi path, ku yeen ala pušu thiëek, ka thiεεk tēcīt tē wïc yen ye thīn. Acīn adumuššm tš thīn.

³⁷ Ku mony cī ye guiri piānde ē rot, ke cīn kəc thōoc ye thīn, ku ŋic aya apei lən bī yen ye lēu bī rēer apath ke cīi thiëek, ke kēpath yen alooi bī nya cīi thiak.

³⁸ Kēya, mony thiak nya ē kēpath looi, ku mony cīi nya thiak ē kē ŋuēēn apei looi.

³⁹ Acīi path bī tik mony dēt wïc ke muənyde pīr, ku na cī moc thou, ka lēu bī mony dēt nhiεεr thiaak, ku yeen adhil a raan cī gem.

⁴⁰ Ku na ye wētidiē, ke yeen abī pušu miēt tē rēer yen ke cīi ben thiaak. Aya tak lən ye Wēi Nhialic ɣa kony tāktākdīē yic aya.

8

Müth ye gām jak cī kiëēt

¹ Emēn ɣen abī jāl jam müth ye ke gām jak. Ee yic, ɣok anjic kajuéc rin ē wēt kēnē. Ku ŋiëc kajuéc ē raan cəl anhiam, ku nhiēr ē raan juak bī riεl.

² Na ye raan tak lən cī yen kaŋ ŋic, ka ŋot kēc tē bī yen kaŋ jāl ŋic doöt.

³ Ku raan nhiar Nhialic aye Nhialic ŋic.

⁴ Ku dēt rin ye ke müth cī gām jakrεc cam, anjicku lən nhialic ye kiëēt ē kəŋ, acīi tš thīn. Acīn Nhialic dēt, Nhialic ē tők.

⁵ Ee yic, kəc aa jam lən tš jak cīt kākkā thīn nhial ku piny. Ku na cək alən tš jak juéc cīt kākkā thīn,

⁶ ke tēnē ɣo ē Nhialic tők yen atš thīn. Yen acī kəriëéc ebēn cak, ku ē rienke yen aye ɣok pīr. Ku Bēny ē tők, Jethu Krītho, ku ē rienke yen acī kəriëéc ebēn cak, ku ē yen piir ɣok.

⁷ Ku acie raan ebēn yen ŋic ē yic kēnē. Kəc kək aa ŋoot nhīm kāk cī kiëēt yiic, na camkē müth cī gām jak cī kiëēt, ka yekē tak ciēt ke cī müth cik cam yiək gup ajuëc.

⁸ Miëth yeku cam acie ɣo ē looi buk la cök tēnē Nhialic. Acīn kē ye nyaai tē cəm ɣok ye, ku acīn kē ye juak thīn tē cəm ɣok ye aya.

⁹ Wek kɔc cī gam, duškkē kē cīn yen mīth ya ke theek loi bī wek kɔc koor gamden muš, bīk tak lɔn ē yen adumušm yen cīk looi cem kek ē mīthkā, tē cī kek we tīj ke camkē ke.

¹⁰ Na tīj raan koor gamde yī raan ŋic kāŋ, yī mīth kāk yai cī gām jak cī kiēēt, ke cī kēnē bī riēel nyin abi miēth cī gām jak cī kiēēt cam?

¹¹ Kēya raan koor gamde, wāmuuth cī gam cī Raan cī lɔc ku dɔc thou ē rienke, abī tēdun ŋic yīn kāŋ thīn rac.

¹² Tē looi yīn adumušm tēnē wāmāthkun cī gam, ba gamden koor rac kēlā, ke yīn adumušm looi tēnē Raan cī lɔc ku dɔc alanden.

¹³ Kēya, na ye miēth ya cam wāmāath cī gam cɔl aloi adumušm, ke ŋen acī miēth kēnē ben cam rin ba wāmāath cī cɔl aloi adumušm.

9

Yic ku luoi atuuc

¹ ŋen ala yic ba kāk piērdiē wīc. ŋen acī Jethu Bānyda tīj ku ŋen atuonyde. Ee gamdun yen ē luoi ca looi tēnē Bēny.

² Na cɔk alɔn cī kɔc kāk ye ye gam lɔn ye ŋen atuuc, ka ŋic lɔn ŋic wek ye lɔn ye ŋen atuuc, rin aye kē piir wek, ke we ye tɔk kek Bēny nyuɔth lɔn ye ŋen atuuc.

³ Yen ē tē ye ŋen rot kuony thīn tē jōšny kɔc kāk ŋen.

⁴ ŋen ala yic bī ŋen yiēk miēth ku kē dɛk rin luoidiē,

⁵ cīmēn ye atuuc kɔk ku wāmāthakēn ē Bēny, ku Pīter la keny kek diārken, cā la yic ba thiēk tīj cī gam ba ya keny kek ye?

⁶ Nadē ke ye Barnaba ku ŋen ŋopēc, ŋok aa tuuc dhil luui ŋocin rin piērda?

⁷ Apuruk acie rot riɔp ē rot. Raan tim ē luok com aye ŋōth lɔn bī yen mīth abēk cam. Aye abiōk ŋōth lɔn bī yen dek cɛk ye yōk tēnē amālke.

⁸ Acie kāk yakē tīj ke loi rōt akōlakōl kek luēl kepēc, rin kā cīt kākā aaci gōt lōj Mothith yic.

⁹ Acī gōt lōj Mothith yic ēlā, “Duk muɔr der thok tē luui yīn ye bī rap kōšm. Ye miōr kek ye Nhialic yiēk yenhom?”*

¹⁰ Cie ŋok ye lueel yen wēt kēnē? Ee gāt rienkua, rin raan pur ku raan tēm ayekē ŋōth rin le yen kē bīk yōk rap cīk looi yiic.

¹¹ ŋok aaci luui buk kāk wēi tiēŋ wepuθh, ke yakē tak lɔn cī ŋok puθh dit tē ŋēēth ŋok ye lɔn le yen ariōp bāk gām ŋo?

¹² Ku na le kɔc kāk la yic bīk kākā yōk tēnē we, ke ŋo cī la yic wār yienyden? Ku akēcku kaŋ them buk la kē yōkku, tē cɔk alɔn ē yen ke yienyda. Ku kēriēc ēbēn acuk guum rin buk kɔc cɔl aa gam Wēt Puθh Yam rin Raan cī lɔc ku dɔc.

¹³ Anjic lɔn ŋic wek ye lɔn rōr ē luui luaj Nhialic aa miēthden yōk ē luoi luaj Nhialic yic. Ku kɔc kāk cī bēi luaj Nhialic juaar ariāk nhom aa bēk lōom kāk cī juaar yiic.

¹⁴ Kēlā aya, acī Bēny looi bī kɔc ē kɔc lēk Wēt Puθh Yam, kē piir kek aa yōk thīn.

¹⁵ ŋen akēc luui ē yiθhkā. Ku ŋen acī athōr kēnē gāt ēmēn rin bī ŋen ē yiθhkā wīc ē rienkiē. Anjēn ba thou tēn tē looi ŋen ē kēnē. Acīn raan bī wētdiēn nhiem ŋen kēnē nyaai tēnē ya.

¹⁶ Acie rin ye ŋen kɔc lēk Wēt Puθh Yam yen ya cɔl anhiam. Ku yic ē rin cī Nhialic ŋa yōk ba kɔc lēk, ku abī rēēc apēi akōldā tēnē ya tē cī ŋen kɔc ē lēk Wēt Puθh Yam.

* **9:9** Aliu ciēŋ ē Jiēēj yic, L.rou 25:4; 1Tim 5:18 **9:11** Rom 15:27 **9:13** L.rou 18:1 **9:14** Mt 10:10; Lk 10:7

17 Na luoi ë luoi këñë tẽ cĩ ƣen ye tak ba looi, ke ƣen adhil ariöŕ wïc. Ku na cie ƣen tak ye, ku ye Nhialic yen lëk ye ƣa ba looi, ke ƣa bã ariöŕ wïc këdë?

18 Yenjö yen ariöŕdië? Ariöŕdië ë kë bĩ ƣen koc lëk Wët Puoŕh Yam ke ƣa cĩi thiëc ariöŕ, ku cã yinydiën bĩ akut koc cĩ gam yiëk ƣa wïc.

19 ƣen raan ë rot. ƣen acie alony raan dët. Ku ëmën ƣen ë rot cöl aye alony raan ëbën, rin bi ƣen koc juëc löu bĩk gam.

20 Të luui ƣen kek koc Itharel, ƣen ë cienj cìmën raan Itharel rin bi ƣen ke lëu, cök alon cĩi yen ë këdit tënë ƣa ba cienj ciëŋden. ƣen ë cienj cìmën raan wïc ye bi lööŋ cĩ Mothith göt theek, tẽ luui ƣen kek koc ë lööŋkä, rin ba ke lëu bĩk aa buoŕth Raan cĩ löc ku döc.

21 Këlä aya, tẽ luui ƣen kek koc cie koc Itharel, ƣen ë cienj cìmënden ke ƣa cĩi lööŋ koc Itharel thek. Kënë aya looi rin bi ƣen koc cie koc Itharel cöl aa buoŕth Raan cĩ löc ku döc. Ku acie lon ciëŋ ƣen ke ƣa kuc löŋ Nhialic, ƣen abuoŕth löŋ Raan cĩ löc ku döc yic.

22 Të rëër ƣen kek koc ë gam, ƣen ë ciët raan tök kamken, rin bi ƣen ke lëu. Këya, ƣen ë rot looi ba thöŋ ke koc ëbën rin ba koc kök kony keyiic bĩk gam, kuat dhël bĩ ƣen ye lëu thĩn.

23 ƣen ë kãkkã looi ëbën rin bi ƣen Wët Puoŕh Yam ë rin Jethu ƣäth tuenj. Ku rin bi ƣen döc ye yök tẽ ƣëth Wët Puoŕh Yam tuenj yök aya.

24 Aŋiëckë, tẽ wëër koc, ee raan töŋ cĩ koc wuŕr yen ë këñ wëër koc nyaai. Wek aa dhil kat cìmën koc wëër bãk ë këñ lööm.

25 Raan tuk, ee lööŋ ë tuk dhiel theek apei, rin bi yen kë ye gãm raan tã tuenj, këñ bën ƣäi aköldã, nyaai.

26 Yen ë këñë ye ƣen kat ke ƣa cök ƣanhom ba tẽ rinj koc thĩn thap thok piny. Ku ƣen acie pëër ë gut yic ë path.

27 ƣen ë rot looi ba riël, ba Jethu buoŕth, rin na ca koc juëc piöc ke Nhialic cĩi ƣa reec aköldã.

10

Paulo ë koc cĩ gam piöc rin jak ye kiëet

1 Miëthakã cĩ gam, awiëc bãk këwäär cĩ rot looi tënë wärkuan dīt wäär buoŕth Mothith ror liëet tak. Keek aake tiit luët, nawën ke tem Wër Lual ë path.

2 Tëwäär buoŕth kek luët, ku wäär teem kek wär, keek aake cīt koc cĩ muöc nhũm bĩk aa koc buoŕth Mothith.

3 Keek ëbën aaci miëth töŋ thöŋ cam, miëth yik Nhialic ke ë rielde,

4 ku dëkkë ë piu ke looi Nhialic bĩk kuër kuur yic, kuur cath ke ke. Kuur ë ye Raan cĩ löc ku döc guŕp.

5 Cök alon cĩ kãpuoŕthkã röt looi ëbën, ke Nhialic ëcĩi puŕu mit kek wärkuan dīt juëc. Go Nhialic ke nöc ku weer guäpken roor tẽ cĩ cienj.

6 Ëmën, Nhialic aci wärkuan dīt wäär cĩi yen puŕu mit tënë ke tēm awuöc, bi yo wëët buk ƣopuŕth cĩi ye yiëk kãrec cìmën wäär cĩ kek ye looi,

7 tädë ke yo dor jak cĩ kiëët cìmën cĩ koc kök keyiic ye looi ƣon. Rin aci göt athör theer wël Nhialic yic ëlä, “Koc aaci nyuc bĩk mĩth ku dëkkë ku jolkë dier.”

8 Dukku ƣopuŕth ye yiëk bal cìmën wäär cĩ koc kök keyiic ye looi, nawën ke raan tim thiär-rou ku ŋuan thou akäl tök.

9 Acuk lëu buk Bëny them cìmën ƣon cĩ koc kök keyiic ye looi, nawën ke thööŋ kãpieny ke.

¹⁰ Duškkë ye rëer we jiëem wenhüim cïmën wäär ye kɔc kɔk keyiic ye looi, ku aaci Nhialic bën tušc atušnyde bï ke nɔk.

¹¹ Kakkä ëbën aaci röt looi tënë kɔc Itharel bï ke ɣo lëk. Ku kakkä aaci gät piny rin bï ɣo lëk thïn aya. Rin ɣok aa pïr tē bï thök piny guɔ bën thïn.

¹² Raan cï gam ye tak lɔn atiit gamde, adhil yenhom tääu piny bï ciën kërɛc ye.

¹³ Na them yï ba adumuššm looi ke ɲic lɔn cï kɔc kɔk kaŋ them këlä aya. Nhialic ë kē cï thɔn dhïel looi. Acïn raan bï Nhialic pušl bï them arëk aba athëmde cïi gök. Ku tē them yï ka la dhël kony Nhialic yï ba athëm göök.

¹⁴ Këya, miëthakäi nhiaar, duškkë jak cï kiëët kaŋ door acïn.

¹⁵ ɣen ajam tënë we rin anjɛc lɔn ye wek kɔc cï nhüim bak, takkë wët luɛɛl kënë yic wepušt ë röt.

¹⁶ Tē dëk ɣok biny ye ɣok dek mušn abiëc miëth Bëny yic ye ɣok Nhialic leec thïn, ke ɣok aa rɔm rïem Raan cï lɔc ku dɔc. Ku tē biny ɣok ayup ku camku, ke ɣok aa rɔm gušp Raan cï lɔc ku dɔc.

¹⁷ Rin ayušm tók yen atō thïn, ke ɣo ëbën cɔk alɔn juëc ɣok, ɣok aa guäp tók rin ɣok ayušm tók rɔm.

¹⁸ Takkë kɔc Itharel tē ciëm kek käk cï juër Nhialic, ke keek aa ya tók kek Nhialic.

¹⁹ Yeŋö wiëc ba lueel tē jiëem ɣen këlä? Ye nadë ke jak cï kiëët, ayï miëth cï juër ke aa la wëtten yic?

²⁰ Acie këya! Kē luɛɛl ë lɔn käk ye kɔc cïn gam la cök juaar, ee tënë jakrɛc acie tënë Nhialic. Ku acä wïc bäk röt aa mat käk jakrɛc yiic.

²¹ Yin acïi dëk biny mušn abiëc ë Bëny, ku bën dek biny käk jakrɛc. Yin acïi röm kek Bëny ku bën rɔm kek jakrɛc.

²² Na loiku ë kënë, ke rin wïc ɣok ye buk Bëny rac pušu. Yeku tak lɔn ril ɣok apei buk Bëny dhäl ku cïi ɣo tēm awušc?

²³ “Ayeku lueel ɣok aaci pušl buk käk wïcku ke looi.” Ee yic, ku acie kəriëëc ëbën yen path. “Kəriëëc ëbën acï pušl buk looi.” Ku acie kəriëëc ëbën yen ɣo kony.

²⁴ Yin adhil luui käk kɔc kɔk cɔl amit pušt, tēn lɔn ye yïn luui käk yï cɔl amit pušu ë rot.

²⁵ Apath tënë yï ba kuat rïŋ ye ke ɣaac tē ye rïŋ ɣɔc thïn cuet, ke yï cïi pušu diu.

²⁶ Rin acï göt athör theer wël Nhialic yic ëlä, “Piny ku kəriëëc ëbën tō thïn aa käk ë Bëny.”

²⁷ Na cï yï cɔl ba la mïth pan raan cïn gam ku ca gam ba la, ke yï cam kuat miëth cï bëëi tënë yï ke yï cïi thiëc.

²⁸ Ku na lëk raan dët yï, “Miëth kënë acï juër jak cï kiëët,” Ke yï duk ë miëth kënë cam, ku acie rin diu tō yïpušu, ee rin wët rëer raan cï ye lëk yï pušu.

²⁹ Këya, acie kē tō piändu yic, ë kē tō pušn raan dët yic. Raan dët abï thiëc ëlä, “Yeŋö ye kē rëer pušn raan dët yic ɣa gël ba kēdiën tō ɣapušu cïi loi?”

³⁰ Na lɛɛc Nhialic rin miëth, ke yeŋö bï raan dët ɣa nyieeny miëth cï ɣen Nhialic leec?”

³¹ Këya, kuat kē loi, tē mïth yïn ayï tē dëk yïn, loi ke ëbën dhël ye ke Nhialic leec thïn.

³² Duk kē ye kɔc kɔk ɣök ke rac loi cïmën kɔc Judia, tēdë kɔc cie kɔc Judia, ayï kɔc akut kɔc cï gam.

³³ Luššikē cīmēndiē, aya looi ba raan ēbēn cəl amit pušu kāk ya ke looi yiic, ke cā loi kēpath tēnē yen ē rot, ke ye kāpath tēnē kōc ēbēn rin bī raan ēbēn lušk.

11

Dhēl puoth ē rōök

¹ Luššikē cīmēndiē, cīmēn ye yen luui cīmēn Raan cī lōc ku dōc.

² Wek aa ya leec rin ye wek luoidiē ku kāk ya pišōc muk n̄hīm akōlakōl. Ku wek aa kāk cī pišōc tēnē kōc cī gam, kāk ca ke ŋic tēnē kōc kōk ku nyuōth ke we, buōth yiic.

³ Ku awiēc bāk ŋic lōn Raan cī lōc ku dōc atō moc n̄hom ku moc atō tik n̄hom, ku Nhialic atō Raan cī lōc ku dōc n̄hom.

⁴ Kēya, mony ē rōök, tēdē ke lēk kōc wēt Nhialic ke cī yenhom kum, ee Raan cī lōc ku dōc rac guōp.

⁵ Ku tinj ē rōök tēdē ke lēk kōc wēt Nhialic ke kēc yenhom kum ē muonyde rac guōp, athōŋ ke tinj cī muut n̄hom bī rac guōp.

⁶ Na cī tik yenhom ye kum, tē rōök kōc, ke ye rac guōp cīmēn tinj cī muut n̄hom. Kēya, adhil yenhom kum.

⁷ Moc acī yenhom kum rin acī Nhialic looi bī ciēt ye, ku gēm kēnē ye cəl athōŋ kek ye. Ku athēk tik tēnē moc aye nyuōth lōn cī ye looi ke cit moc.

⁸ Rin acin kē cī Nhialic lōom tēnē tik bī yen moc cak, ee tik yen acī cak kē cī lōom tēnē moc.

⁹ Ku moc akēc cak rin ē tik, ē tik yen ē cak rin ē moc.

¹⁰ Kēya, rin ē wēt kēnē ku rin atuuc nhial, tik adhil yenhom kum bī nyuōth lōn tō yen moc cōk.

¹¹ Ku cit lōn ye yōk kōc cī mat kek Bēny, tik acie kē puəl yic tēnē moc cīmēn ye moc kē cī yic puəl tēnē tik.

¹² Ee yic, ee lōm ē moc yen acī lōom bī ke tik cak ku ē yic aya, lōn ē tik yen ē moc dhiēeth ku keek kedhie aabō tēnē Nhialic raan cī kēriēc ēbēn cak.

¹³ Takkē yic, kek we ē rōt lōn puoth yen bī tik rōök tēnē Nhialic ke kēc yenhom kum tē rōök kōc juēc thīn.

¹⁴ Aye ciēŋ nyooth lōn bēn n̄hīm n̄hom apēi aacī path ke moc.

¹⁵ Ku tēn tik ē kēn dhēēŋ. N̄hiēm bāār acī Nhialic gām ye bī ya kēn yen yenhom kum.

¹⁶ Ku na le raan ye tak lōn wēt luēl acie yic, ke yen ku akuut kōc cī wēt Nhialic gam, yōk aa cīn tēdēt ye yōk Nhialic duōr thīn.

Guirku rōt apath buk guōp Bēny rōm

¹⁷ Wek aa cā bī leec wēl lēk we kā yiic, rin tē rēm wek bāk Nhialic door, kārēc yakē ke looi kek aa juēc tēn kāpuoth yakē ke looi.

¹⁸ Tuenj, acī kōc kōk lēk ya lōn tē rēm wek, wek aa weyiic tek. Ku acie wēt tōk yen yakē lueel. Ku kēnē alēu bī ya yic.

¹⁹ Ee tēde, alēukē bāk weyiic tek ē kamkun rin bī kōc luel yic ŋic.

²⁰ Tē rēm wek ēbēn ke we ye akut, ku cōk alōn ye wek ye tak lōn ē yen kē cī Bēny dōr looi kam kōc yen camkē, ka cie yic.

²¹ Rin tē mīth wek, wek aye ŋek mīth ē rot ke we cī rōt tit. Kōc kōk aa rēer ke nek cōk ku wiēt kōc kōk.

²² Ciēnkē n̄hīm bēi ye wek mīth thīn ku dēkkē thīn? Aye akut kōc cī gam yen yakē bēn rac guōp, ku guōtkē kōc cīn kajuēc nyin? Yakē tak yenō ba lueel tēnē we rin luoi cit kēnē? Ba we leec? Acā kōŋ looi acin.

²³ Rin ɣen aci piöoc yök tənë Bëny. Ku ë yen aca bën gäm we aya, lön Bëny Jethu, ee wëer wäär bi ye luəm, ee cä ayup lööm,

²⁴ nawën cī Nhialic leec, ke bëny ayup yic ku lueel, “Kënë ë guäpdië cī looi rienkun. Camkë ayum kënë bi wek ɣen aa tak.”

²⁵ Kälä aya, wën cī miëth thök ke löm aduŋ cī thiän mušn abiëc ku lueel, “Aduŋ mušn abiëc kënë ë döör yam kek Nhialic cī thany riemdië. Të dek wek ye, luoikë këya bi wek ɣen aa tak.”

²⁶ Wek aa thon ë Bëny luëel, yet aköl bi yen ben dhuk tē cem wek ayum kënë ku dëkkë mušn abiëc adušk yic.

²⁷ Këya, na cam raan ayum Bëny ku dëk aduŋ mušn abiëc yic, dhël yen ye dhël guöp, ke yeen ala guöp awuöc, rin cī yen adumuööm looi tənë guöp ku riem ë Bëny.

²⁸ Raan adhil yepuöu kaŋ caath käreec cī ke looi bi jäl mïth ayup ku dëk adušk yic.

²⁹ Na cam raan ayup ku dëk adušk yic, ku cii tēden ye kek tök thün kek guöp ë Bëny yik yenhom bi ɲic, ka bi Nhialic tēm awuöc tē cem yen ayup ku dëk adušk yic.

³⁰ Yen ë kē cī kōc juëc weyiic gup riaam ku tuany ke ku thou kōc juëc.

³¹ Na kōŋku yopuöth wïc käreec cuk ke looi, ka cīn kē tēm Bëny ɣo awuöc.

³² Ku luk aye Bëny looi ku tēm ɣo awuöc, rin na nhiäk la piny thök ke Nhialic cii ɣo tēm awuöc kek kōc pinyŋhom ëbën.

³³ Këya, miëthakäi cī gam, tē met wek wenhüim bäk mïth, ke we ye röt tiit.

³⁴ Ku na le raan nēk cak, ka dhil mïth baai rin bi Nhialic we cii tēm awuöc, rin cii wek röt ye tiit tē röm wek. Ku wël kök aa ba la lueel tē yeet ɣen tənë we.

12

Miöc Wëi Nhialic

¹ Ëmën, awiëc ba jam miöc ye yök tənë Wëi Nhialic. Awiëc bäk yith ɲic rin ë käkä miëthakäi cī gam.

² Anjäckë, wäär ye wek kōc cie Nhialic ë door, wek aa we cī muöŋ dhël juëc bäk ke aa door jak cī kiëët.

³ Awiëc bäk ɲic lön acin raan ye Wëi Nhialic cök puöu, lëu ye bi Jethu lëk guöp wël rec. Ku acin raan la riel bi lueel lön ye Jethu Bëny tē këc Wëi Nhialic ye tääu yepuöu.

⁴ Miöc juëc cii thōŋ aatö thün, ku ee Wëi Nhialic tōŋë yen ë ke gam.

⁵ Kōc aa luui dhël juëc, ku ë Bäny tök yen aye kë luööi.

⁶ Miöc juëc cii thōŋ ye kōc luui aatö thün, ku ë Nhialic tōŋ yen ë ke gäm raan ëbën rin luaiden wïc.

⁷ Nhialic ë raan gäm kë ye raan ye ɲic lön rëer Wëi Nhialic kek ye, ku bi luööi bi yen akut kōc cī gam kony.

⁸ Wëi Nhialic ë raan tök gäm ɲiëëc kãŋ. Ku Wëi Nhialic tōŋ kënë, ee raan dët looi bi kōc aa lëk käjuëc ɲic bō tənë Nhialic.

⁹ Wëi Nhialic tōŋë, ee raan yiëk riel bi yen Raan cī löc ku döc gam apëi. Ku yik raan dët riel ë yen kōc tuany kony.

¹⁰ Wëi Nhialic ë raan gäm riel bi yen käk jãŋ gōi aa looi. Ku gëm raan dët riel ë yen wët Nhialic lëk kōc. Ku raan dët ke riel ë yen miöc bō tənë Wëi Nhialic, ku kök cie bën tənë ye tek thook. Ee raan yiëk riel bi jam thok kök, ku gëm raan dët riel bi käk cī lueel thok kök teet yiic.

11 Ku ë Wëi Nhialic töñ kënë yen ë kakkä gam ëbën təcit tē wïc yen ye thïn. Ee ñek gäm miśc cïi thöñ kek miśc ë ñek.

Gušp ala yic kajuëc

12 Gušp Raan cï lóc ku dác ë guáp tók la yic kajuëc, cimën gušp raan la yic kajuëc.

13 Këlä aya, yook ëbën ke yo ye kác Judeo, tédë ke yo ye kác cie kác Judeo. Tédë ke yo ye kác lääu nhïim, tédë ke yo ye aloony. Wëi Nhialic acï ñek kamkua a muəc nhom ku arëër kek yo, ku acï yo looi buk aa ban gušp Raan cï lóc ku dác.

14 Ku gušp acie aban tók, ala yic abëk juëc.

15 Tédë na lueel cök ëlä, “Rin cïi yen ye cin, yen acie aban ë gušp.” Ka cïi kënë ye looi, bï cïi ye aban ë gušp.

16 Tédë ke lueel yic ëlä, “Rin cïi yen ye nyin, yen acie aban ë gušp.” Ka cïi kënë ye looi aya bï cïi ye aban ë gušp.

17 Na gušp ëbën ye nyin, ke ye piñ kédë? Ku na gušp ye yic yetök, ke ye ñör kédë?

18 Ku yic akïn, Nhialic acï abëk cïi thöñ tääu guáp tók yic təcit tē wïc yen ye thïn.

19 Na ye aban tók yen tō thïn ë rot, ñuöt acïn gušp.

20 Ku yic akïn, abëk juëc aatō thïn ku gušp ee tók.

21 Këya, acï nyin lëu bï lueel tënë cin ëlä, “Yin acä wïc.” Ku acïi nhom luel tënë cök, “Wek aacä wïc!”

22 Ku yic akïn, abëk gušp ye tak ciët ke cïi ril, aacïi dhil liu thïn.

23 Ku abëk gušp ye yök ke cïn luoi ye ke kuëëc nhïim, kek aa yeku ñiec muk apath. Ku gušp aləñ cie nyuəəth ë path, aye ñiec kum.

24 Ku gušp aləñ cie thiaan, acie kum. Ku Nhialic acä abëk ë gušp cïi ke looi bik aa guáp tók ëbën, ku acä abëk ë gušp cïi ke ë kuëëc nhïim looi bï ya kek kädit apëi.

25 Këya, gušp ë tók acïi yeyic ë tek, ku abëkken cïi thöñ aa röt kuony kamken.

26 Na rem gušp aban tók, ka abëk kök ë gušp aacïi la ləñ aya. Na lec aban tók, ka abëk kök aa mit puəth kek ye ë tók.

27 Week ëbën wek aa gušp Raan cï lóc ku dác, ku ñek kamkun aban guápde.

28 Akut kác cï gam yic, Nhialic acä atuuc tšöu tuen. Ku bō kác wël Nhialic lueel kecök. Ku bō kác ë piöc. Ku kác la riel ë luui kák jəñ göi. Ku bō kác la riel ye kek kác tuany kony bik pial. Ku kác ë kác kony, ku kác mac kác, ku kác jam thok kök.

29 Keek acie atuuc ëbën, ku aacie kác lëk wët Nhialic ëbën, ku aacie kác ë piöc ëbën. Acie raan ëbën yen la riel ë yen luui kák kác göi,

30 tédë acie raan ëbën yen la riel ye yen kác tuany kony bik bən pial, tédë acie raan ëbën yen jam thok kök, tédë acie raan ëbën yen la riel bï kák cï lueel thok kök teet yüic.

31 Wëlkë wepuəth miśc kek düt apëi. Ku miśc path kamken ëbën akïn.

13

Nhiër

1 Alëu ba jam thok kök, ayi thok ye atuuc nhial jam, ku na liu nhiër tënë ya, ke yen acit raan loi duəot, tédë ke yen athöñ kek lönh gušt ë path.

² Na ba la riel ye γ en k α c η ie ϵ l ϵ k w ϵ t Nhialic. Ay \bar{i} η i ϵ ϵ c ye γ en k α k ye moony deet yiic. Ay \bar{i} l α n ba la gam ril ape \bar{i} t ϵ n ϵ Nhialic, l ϵ u γ en ye ba gat y \bar{o} ok bik r \bar{o} t nyoo η t ϵ r \bar{e} \bar{e} r kek th \bar{i} n. Ku na ci \bar{e} n η hi \bar{e} r ke γ en \bar{e} raan c \bar{i} n k \bar{e} ya l \bar{e} u ac \bar{i} n.

³ Na gam ba k α k t \bar{o} ke γ en \bar{e} b \bar{e} n tek t \bar{e} n ϵ k α c η o η , ku gam rot b \bar{i} γ en cuat m \bar{e} \bar{e} c, ku na ci \bar{e} n η hi \bar{e} r ka c \bar{i} n k \bar{e} kony t \bar{e} n ϵ γ a.

⁴ η hi \bar{e} r \bar{e} l α n b \bar{i} raan k \bar{e} rac guum ku lir pu \bar{u} , acie t \bar{i} \bar{e} l ku nhiaam.

⁵ η hi \bar{e} r acie ku \bar{s} oc \bar{e} w \bar{e} l ku acie c α ok ku acie th \bar{o} ok \bar{e} pu \bar{u} . Raan la η hi \bar{e} r acie k \bar{e} r \bar{e} c c \bar{i} lu \bar{s} i ye \bar{e} muk nhom.

⁶ K α c la η hi \bar{e} r c \bar{i} t η hi \bar{e} r k α c c \bar{i} gam, aac \bar{i} pu \bar{s} th dhil miet t \bar{e} looi k \bar{a} r \bar{e} c, ku aa ye yic c α l aa mit pu \bar{s} th.

⁷ η hi \bar{e} r \bar{e} γ o c α l agum k \bar{e} ri \bar{e} \bar{e} c \bar{e} b \bar{e} n, ku \bar{e} γ o c α l amuk gamda kuat k α k loi r \bar{o} t yiic, ku c α l γ o a η o η Nhialic ku cuk yit.

⁸ η hi \bar{e} r \bar{e} r \bar{e} \bar{e} r th \bar{i} n ak \bar{o} lak \bar{o} l, ku mi \bar{s} c k \bar{o} k cim \bar{e} n luel w ϵ t Nhialic, ku jam thok k \bar{o} k ku η i ϵ ϵ c \bar{e} k \bar{a} η , k \bar{a} k \bar{k} \bar{a} \bar{e} b \bar{e} n aa r \bar{e} \bar{e} r ku bik liu.

⁹ Rin mi \bar{s} c dan ye γ ok k \bar{a} η η ic ar \bar{e} \bar{e} r ke ye abak, ku riel ye γ ok w ϵ t Nhialic lu \bar{e} l a bak aya.

¹⁰ Ku na la k \bar{e} cie abak b \bar{e} n, ke k \bar{e} n ϵ abak ac \bar{i} ben w \bar{i} c.

¹¹ Υ on ye γ en meth, γ en a γ a ye jam cim \bar{e} n meth ku t \bar{a} k cim \bar{e} n meth, ku \bar{e} m \bar{e} n ye γ en raand \bar{i} t, γ en acie b \bar{e} n luui cim \bar{e} n meth.

¹² K \bar{e} yeku t \bar{i} η \bar{e} m \bar{e} n ac \bar{i} t m \bar{e} n dhie ye raan rot t \bar{i} η macar la nyin durdur yic. Ku ak \bar{o} l d \bar{e} t γ ok aabi k \bar{e} ri \bar{e} \bar{e} c \bar{e} b \bar{e} n t \bar{i} η apath. Ku \bar{e} m \bar{e} n γ en ac \bar{i} k \bar{e} ri \bar{e} \bar{e} c \bar{e} b \bar{e} n η ic, ku aa ba η ic \bar{e} b \bar{e} n cim \bar{e} n t \bar{e} η ic Nhialic γ a th \bar{i} n.

¹³ Ku \bar{e} m \bar{e} n gam ku η o η ku η hi \bar{e} r aat \bar{o} th \bar{i} n, ku k \bar{e} d \bar{i} t ke \bar{e} b \bar{e} n \bar{e} η hi \bar{e} r.

14

W \bar{e} l ju \bar{e} c rin mi \bar{s} c W \bar{e} i Nhialic

¹ Ee η hi \bar{e} r yen adhi \bar{e} lk \bar{e} yi \bar{e} k wepu \bar{s} th ape \bar{i} , ku t \bar{a} \bar{a} uk \bar{e} wepu \bar{s} th mi \bar{s} c ye y \bar{o} k t \bar{e} n ϵ W \bar{e} i Nhialic, cim \bar{e} n mi \bar{s} c d \bar{i} t k α c yi \bar{e} k riel bik w ϵ t Nhialic lu \bar{e} l.

² Raan jam tho η c \bar{i} k α c k \bar{o} k η ic \bar{e} Nhialic yen aye yen jam t \bar{e} n ϵ ye, acie k α c k \bar{o} k rin ac \bar{i} n raan w \bar{e} tde deet yic. Ee riel Nhialic yen aye yen jam yith c \bar{i} ke η ic.

³ Ku raan w ϵ t Nhialic lu \bar{e} l \bar{e} jam t \bar{e} n ϵ k α c, ku w \bar{e} lke aa k α c kony ku deetk \bar{e} k α c pu \bar{s} th bik r \bar{e} \bar{e} r apath.

⁴ Raan jam thok c \bar{i} n k α c ke pi η \bar{e} yen rot kony yet \bar{o} k. Ku raan w ϵ t Nhialic lu \bar{e} l, akut k α c c \bar{i} gam kony \bar{e} b \bar{e} n.

⁵ Al \bar{e} u ba nhiaar t \bar{e} ye wek \bar{e} b \bar{e} n jam thok c \bar{i} n k α c η ic ke. Ku anhiaar ape \bar{i} b \bar{a} k la mi \bar{s} c ye wek w ϵ t b \bar{o} t \bar{e} n ϵ Nhialic lu \bar{e} l. Rin raan w \bar{e} t \bar{e} Nhialic lu \bar{e} l aloi k \bar{e} path ape \bar{i} t \bar{e} n ϵ raan \bar{e} jam thok c \bar{i} n k α c η ic ke, na cie k \bar{e} ya, ka dhil la raan tet w \bar{e} l ye luel yiic rin b \bar{i} akut k α c c \bar{i} gam kony.

⁶ K \bar{e} ya, t \bar{e} le γ en b \bar{e} n t \bar{e} n ϵ ye mi \bar{s} thak \bar{a} i c \bar{i} gam, ye η o ba ku \bar{s} ny we t \bar{e} ye γ en jam thok c \bar{i} ke ye pi η ? Ac \bar{i} n k \bar{e} d \bar{a} η . Ku \bar{e} b \bar{i} piath t \bar{e} l \bar{e} k γ en we w \bar{e} t c \bar{i} Nhialic nyu \bar{o} th γ a, ku t \bar{e} pi \bar{o} oc γ en η i ϵ ϵ c \bar{e} k \bar{a} η c \bar{i} Nhialic gam γ a.

⁷ Ku k \bar{e} l \bar{a} aya, k α k c \bar{i} n yiic w \bar{e} l ye ke pi η t \bar{e} gut ke cim \bar{e} n l \bar{s} or ku thom, na c \bar{i} raan ke gut t \bar{e} c \bar{i} t t \bar{e} w \bar{i} c b \bar{i} r \bar{s} lden nyooth, ke k α c pi η b \bar{i} k \bar{e} n yen w \bar{i} c b \bar{i} looi η ic k \bar{e} d \bar{e} ?

⁸ Ku na c \bar{i} raan l \bar{s} or \bar{e} t \bar{o} η gut t \bar{e} c \bar{i} t t \bar{e} ye η i \bar{e} c ye, ke k α c b \bar{i} r \bar{o} t guiir k \bar{e} d \bar{e} bik la t \bar{o} η ?

⁹ Ku k \bar{e} l \bar{a} aya, b \bar{i} raan d \bar{e} t w \bar{e} t l \bar{e} k k α c \bar{e} thok k \bar{o} k deet yic k \bar{e} d \bar{e} t \bar{e} c \bar{i} yen la g \bar{e} i? Y \bar{i} n ab \bar{i} ci \bar{e} t raan jam alir yic \bar{e} path.

10 Thok juëc cii thöŋ aatš pinynhom, ku acin thonj thöŋ cii këde ye deet yic.

11 Ku na cã thonj jiem raan ye deet yic, ke raan jam ë thonj këne ë raan kuat dët tënë yen, ku yen ë raan kuat dët tënë ye.

12 Ku cit lon wic wek ye apɛi båk riel ye Wëi Nhialic gãm kóc yök, dhielkë them kam kãkkök yiic ëbën båk riel ye ke kóc cï gam kony, kuany.

13 Këya, raan jam thonj cii kóc kök ye deet yic, adhil röök bi la riel teet yen wël ye lueel yiic.

14 Rin na röök këlä aya thonj cã ŋic, ke Wëi Nhialic aröök aya yapušu, ku nhiamdië acin këpuoth looi.

15 Na ye tãde kan, ke yenö ba dhiel looi? Yen abi röök ku wak yapušu ku nhiamdië kedhie.

16 Të leec yin Nhialic yipušu ë rot, thonj kuc raan dët bi röök ya gam këde, “Yenakan.” Rin kuc yen kë ye lueel?

17 Na cok lecdun tënë Nhialic piath apɛi, ke yin acie raan dët ë kony acin.

18 Yen alec Nhialic rin ye yen jam thok juëc cii ŋic wär yen we ëbën.

19 Ku tën amat kóc cï gam, aya wic apɛi ba jam wël lik lëu bi ke deet yiic rin bi yen kóc kök pišöc, tën tã bi yen jam wël juëc cïn kóc ë ke piŋ.

20 Miëthakäi, kóc cï gam, pälkë kë ye wek tak cimen mith. Yakë tak cimen kóc cï nhim bak ku båk gup ciën awuöc cimen mithkor cïn awuöc yekë looi.

21 Acï göt athör theer wël Nhialic yic ëlä,

“Yen abi kóc ë jam thok cïn kóc ŋic keek

cäl ajam tënë kackië,

ku na cãkkë looi këya,

ke keek aa ŋot ke cii wëtdië bi piŋ.”

Acï Bëny lueel.

22 Këya, miöc ye kóc jam thok kök, acie kïn kóc cï gam, ee kïn riel Nhialic nyuöth tënë kóc këc gam. Ku miöc ye wët Nhialic lueel, ee kë ye kóc cï gam kony, acie kë ye kóc këc gam kony.

23 Na mat kóc cï gam kenhim ëbën ku rekkë jam yic thok cii thöŋ, ku bö kóc këc kãŋ deet ku kóc këc gam, ke cik bi lueel lon ci jöŋrac ke dom?

24 Ku na bö kóc këc kãŋ deet ku kóc këc gam, tã lëk wek kóc wët Nhialic, ka bi raan yök ë rot lon le yen guöp adumušm tã piŋ yen ë wëlkä. Abi wël cï piŋ cäl anjic kë ci wuöc.

25 Ku wët Nhialic abi kãkken ye tak yepušu cäl anjic kóc kök. Ku abi yenhom guöt piny ku door Nhialic ku lueel, “Nhialic arëer kek we ayic!”

Käpuoth ye looi tã röök kóc

26 Yenö ba jäl lueel miëthakäi cï gam? Të met wek wenhim båk Nhialic door, raan tök ee waak ket ku pišöc ŋek. Ku luel raan dët kãk cï nyuöth ye, ku war raan dët wët cï lueel ë thonj dët yic. Kãkkä aaye looi ëbën bik akut kóc cï gam kony.

27 Kóc jam weyiic ë thok kök cii ŋic tã met wek wenhim, acii kóc karou ayi kóc kadiäk wan thook. Wek aa dhiel ŋek ajam ë ŋek cök, ku raan war wëtdun lëkkë kóc yic, adhil tš thin.

28 Ku na liu raan war thok yic, ke raan jam thonj cie piŋ kóc kök abit ku jiem yepušu ë rot tënë Nhialic.

29 Calkë kóc karou, tãdë kóc kadiäk cï Nhialic gãm wëtde, aa lëk kóc. Ku kóc kök akut, kóc cï gam aa bit bik kë luel döt yic kepuöth.

30 Ku na bii Nhialic wët raan cï nyuc amat yic pušu, ke raan jam akääc.

³¹ Calkë raan tök aye jam ku ben ηεκ la yecök, rin bī raan ebēn pišöc ku deet ē pušü.

³² Raan jam, lëk kəc wēt Nhialic adhil ηic yenhom bī köšc ku ben raan dēt päl jam,

³³ rin awīc Nhialic buk aa jam ke ηεκ ē ηεκ cök, ku cuk ye tēer ē kamkua.

Tē met akut kəc cī gam yenhom tēden ye kek röök thīn,

³⁴ ke diäär aaciī päl bīk jam. Keek aa dhil biēt ku piηkē. Aa dhil tš röör cök cīt tē yeku yök ye ke cī gāt löη kəc Judeo yic.

³⁵ Na le kē wickē bīk deet yic, ka dhil ršrken thiēec tē cī kek dhuk baai. Rin aciī path bī tik jam amat akut kəc cī gam yic.

³⁶ Nadē ke ye wek we bīi wēt ē Nhialic thīn? Nadē ke ye we wepēc yen bīi yen?

³⁷ Na ye raan tak löη ye yen raan kāk Nhialic tīη, tēdē ke ye Wēi Nhialic nyuššth, ka dhil ηic löη kāk gāt ke aa kāk bš tēnē Bēny.

³⁸ Na ye kakkä dhöl yiic, ke duškkē ye kuēec nom.

³⁹ Kēya, miēthakāi cī gam, täaukē wepušt kāk bī Nhialic nyušt we yiic bāk ke aa lëk kəc, ku duškkē kəc kək cī gam jam thok kək, ye gēl bīk cīi jam.

⁴⁰ Wek aa dhil kēriēec ebēn looi dhēl la cök.

15

Jethu aci jət ran yic

¹ Ēmēn miēthakāi cī gam, wek aa ba ben lëk rin Wēt Pušt Yam ya lëk we, wēt cäk yök ku yen cäk gam wepušt ebēn.

² Wēt ya lëk we, ku yen bī we lušk aya tē muk wek ye cīt tē cī ŷen ye lëk we thīn, ka bī ciēn wēt pušt cäk gam, tē cīi yen ye yic.

³ ŷen aci wēt thiek yic apeī yök ku lëk we. Wēt cī Raan cī löc ku döc thou rin adumuššmkua. Cīt tē cī gāt ye athör theer wēl Nhialic yic.

⁴ Acīk thišk ku yeen aci Nhialic jət thou yic nīn kadiäk cök bī ben pīr, cīt tē cī gāt ye athör theer wēl Nhialic yic.

⁵ Ku nyuth rot Pīter ku jəl atuuc kathiäär ku rou.

⁶ Ku ben rot nyušt tēnē kəc juēc wär kəc bušt kadhiēc, kacken ye bušt cök, kəc ηot ke pīr kəc juēc, cək alon cī kəc kək thou.

⁷ Ku ben rot nyušt Jemith ku jəl rot ben nyušt atuuc ebēn.

⁸ Ku jəl rot nyušt ŷen ciēn cīmēn raan lök dhiēeth ciēn.

⁹ Rin ē ŷen akoor tēnē atuuc ebēn, aya yök aciī path bī ŷen a cöl ŷen atuuc rin ŷen aci kəc akut, kəc cī gam jöör, ku cal ke aa gum apeī.

¹⁰ Ku dhēēη ē Nhialic acā cöl aci tē kēnē akölē. Ku dhēēη cī gām ŷen akēc nom dēer piny. ŷen aci luui apeī luui wär ŷen atuuc kək, ku acie riēldiē ē rot, ee miöc cī Nhialic gām ya yen alēu ŷen ē luui kēnē.

¹¹ Kēya, na ye wēt kēnē yen ya lëk kəc, tēdē ke ye yen lëk atuuc kək kəc aya, ke yen ē wēt tōη le ŷok tuēη ke lëkku kəc, ku ē yen acäk gam.

Kəc cī gam aabi röt jət rēη yiic

¹² Na ye lëk kəc löη cī Nhialic Raan cī löc ku döc jət thou yic, ke yenö ye kəc kək ē kamkun ye lueel löη cīi kəc cī thou bī jət bīk ben pīr?

¹³ Na ye wēt yekē lueel yic, löη cīn yen raan cīi jət ē thou yic, ke Nhialic akēc Raan cī löc ku döc jət ē thou yic aya.

14 Ku na Raan cī lōc ku dōc kēc jōt raŋ yic, ke wēt yeku lēk kōc ku gamdun tēnē Raan cī lōc ku dōc acīn wētdē yic.

15 Ku dēt aya abī nyooth lōn lueel ɣok lueth rin Nhialic, rin acuk lueel lōn cī yen Raan cī lōc ku dōc jōt thou yic. Ku na ye yic lōn kēc kōc cī thou jōt bik bēn pīr, ke Nhialic akēc Raan cī lōc ku dōc jōt thou yic.

16 Rin na kēc kōc cī thou jōt, ke Raan cī lōc ku dōc akēc jōt aya.

17 Na Nhialic kēc Raan cī lōc ku dōc jōt thou yic, ka cīn kē kuny gamdun we tēnē Raan cī lōc ku dōc, ku adumušōmkun aa ŋot ke kēc pāl piny.

18 Na Raan cī lōc ku dōc kēc jōt thou yic, ke wētdē yic aya, abī ciēt lōn cī kōc cī gam ku aaci thou, aa kōc ŋot ke rēēr adumušōm yic.

19 Na yeku ŋōšth lōn bī Raan cī lōc ku dōc ɣo kony pīr akölē yic ē rot, ku acie pīr akölrīēec ēbēn, ke ɣok aabī kuat raan tō pinyhom ēbēn yic ŋēer ē riēnkua.

20 Ku yic ē kē cī Nhialic Raan cī lōc ku dōc jōt thou yic bī nyuōoth lōn bī yen kōc cī thou jōt aya.

21 Cīmēn ye kōc thou rin kēwäär cī raan tōk looi, ke kōc aabī rōt jōt thou yic aya rin kē cī raan dēt looi.

22 Cīmēn wāthēer ye kōc thou rin ye kōc tōk kek Adam, ke yeen aya kōc aabī jōt bik pīr rin cī kek mat kek Raan cī lōc ku dōc.

23 Ku ŋek abī la akölden bī ye jōt thou yic. Raan cī lōc ku dōc yen acī kaŋ jōt thou yic, ku kacke aabī jōt aköl le yen dhuk.

24 Ku thök ē piny abī jāl bēn, ku Raan cī lōc ku dōc, abī jak ril pinyhom kek kacken rac ēbēn, ku gem Bääny tēnē Wun Nhialic.

25 Rin Raan cī lōc ku dōc adhil mac ɣet aköl bī Nhialic kōc ater ēbēn göök ku bī ke yecök.

26 Raan ater bī jāl göök ciēn ee thou.

27 Acī gōt athōr thēer wēl Nhialic yic elä, “Nhialic acī kēriēec ēbēn tāäu yecök.” Alēu bī deet yic lōn, kēriēec ēbēn, ye lueelkā, Nhialic gušp aliu ē kākā yīc rin ee yen Raan cī lōc ku dōc looi bī kāŋ mac ēbēn.

28 Ku na cī kēriēec ēbēn tāäu Raan cī lōc ku dōc cök, ke yeen nhom yen Raan cī lōc ku dōc abī rot tāäu Nhialic cök, yen raan kēriēec ēbēn looi bik tō yecök, ku Nhialic yen abī kēriēec ēbēn jāl mac.

29 Takku emēn kōc ye muōoc nhūm rin kōc cī thou. Yenō yakē ŋōšth? Ye kēpiath ŋō ye kōc ye muōoc nhūm rin kōc cī thou looi tē cī Nhialic kōc cī thou ē jōt bik bēn pīr?

30 Na cī kōc cī thou rōt ē bēn jōt, ke yenō ye ɣok ɣonhūm rääm akölaköl kē ye ɣok thou yök thīn.

31 Miēthakāi cī gam, thou ē ɣa tiēet piny akölaköl. Ɏen akuēēŋ, Ɏen aluel yic rin ee kēnē ē nhiaamdiē ē riēnkun, lōn cī ɣok rōt mat kek Raan cī lōc ku dōc Jethu Krītho Bānyda, ee piērda yic.

32 Yenō ca yök thīn wäär thēr Ɏen kek kōc cīt lāāi Epethuth? Na kōc cī thou cie jōt bik bēn pīr, ke ɣo mīthku ku dēkku, nhiäk ɣok aabī thou.

33 Duk rot cōl amār, “Na ye cath ke kōc rēc, ka rēc yī ba ciēt ke.”

34 Yakē ŋiēc tak ku pälkē dhālkun adumušōm. Ee yār gušp rin kōc kōk weyiic aa kuc Nhialic.

Gušp cī rot jōt raŋ yic

35 Raan dēt abī thiēc elä, “Bī Nhialic kōc cī thou jōt kēdē bik bēn pīr? Ye gušp yīndē bī tō ke ke?”

36 Yenō thiēc wek kēlā! Tē com yīn käu, ku cī yic kōŋ pāt bī ciēt kē cī thou ka cī cil.

37 Ku kē ye com ē kāu ē path cimēn kāu ē rap ku kāk kōk, acie kool rap yen ye com bī bēn dīt.

38 Nhialic ē kāu gām guōp cī lōc ye. Ee kuat kāu gām guōpden path ke ye.

39 Gup kāk pīr ēbēn aaciū thōŋ. Kōc aa la guāpden ē rōt, lāai aa la guāpden ē rōt, diēt aa la guāpden ē rōt, ku rec aa la guāpden ē rōt aya.

40 Ala gup tō nhial ku gup tō pinyhom, ku dhēēŋ rēēr kek gup tō nhial aciū rēēr ke gup tō pinyhom.

41 Akōl ala dhēēŋde ē rot, pēei ala dhēēŋde ē rot ku kuēl aa la dhēēŋden ē rōt. Ku kam ē kuēl, kuēl kōk aa la dhēēŋden ē rōt aya.

42 Abī ciēt ē kēnē tē le Nhialic kōc cī thou jōt bīk pīr. Tē cī guōp thiōk ka dhiāth bī ya tiōp, ku tē jōt ye, ka cī ben thou ku cī ben dhiāth.

43 Tē cī guōp thiōk, ka cī riāāk ku cīn dhēēŋ ku riēl. Tē jōt Nhialic ye, ka bī dhēŋ ku ril.

44 Tē cī ye thiōk, ke ye guōp pinyhom tēn, tē jōt ye, ka bī ya guōp ye Wēi Nhialic gām pīr. Cīt lōn tō guōp pinyhom thīn, guōp pan Nhialic atō thīn aya.

45 Rin aci gōt athōr thēer wēl Nhialic yic ēlā, “Raan tuēŋ Adam ēci cak ku bī pīr, ku Adam ciēēn ē pīr wēi gam.”

46 Acie guōp pan Nhialic yen kōŋ bēn ē guōp pinyhom.

47 Adam tuēŋ ē cak ē tiōp, ku Adam dēētē ē bō nhial.

48 Kōc pinyhom aa thōŋ kek raan wāar cak tiōp, ku kōc ē kōc nhial aa thōŋ kek raan bō nhial.

49 Ēmēn yōk aa thōŋ kek raan cī looi ē tiōp, ku akōldā yōk aabī thōŋ kek raan bō nhial.

50 Miēthakāi cī gam, awiēc bāk ŋic lōn gupkuan la yiic adiōŋ ku riēm aabī riāāk piiny raŋ yic. Aaciū rōt bī mat ē bāāny Nhialic yic, bāāny rēēr thīn akōlriēc.

51 Wek aa ba lēk kē cāk ŋic thēer ku bāk deet yic ēmēn. Acie yō ēbēn yōk bī thou, yōok ēbēn yōk aabī yiēk guōp ē yam.

52 Abī rot looi kaam thīn koor ē path. Tē piŋ kēcīt kaŋ yic akōldā thōōk piny, Nhialic abī kōc cī thou jōt bīk pīr. Yōk aabī waar ēbēn buk cī ben thou.

53 Gupkuan cī thou ku riēēkkē ē raŋ yic, aabī waar gup cie thou, gup cie riāāk raŋ yic. Ku yōk kōc pīr yōk aabī gām gup cie thou.

54 Tē le kēnē rot looi, gupkuan ē thou ku riēēkkē aabī waar bīk cī ben aa thou, ke wēl Nhialic cī gōt thēer aabī kēnhīim jāl tiēŋ, “Riēl ē thou aciū liu, thou aci gōōk papot!”

55 “Yīn thou, riēldu ako? Yīn thou, riēldun yīn yō gōōk ē yīn kōc nōk ako?”

56 Thou ee riēlden yen kōc nōk yōk tēnē adumuōōm, ku adumuōōm ee riēlde yōk tēnē lōŋ.

57 Yōk aa dhil Nhialic leec, rin cī yen yō cōl ayōk riēl ye yōk adumuōōm ku thūōu tiaam, rin kē cī Bānyda Jethu Krītho looi.

58 Kēya, miēthakāi cī gam, muōkkē gamdun apath guōōmkē. Yakē luui akōlakōl rin Bēny, rin anjēckē acīn kuat luoi yakē looi rin Bēny bī nhom kaŋ dēer piny ē path.

16

Wēū ye juaar rin kōc cī gam Judia

¹ Awiēc ba jam rin wēū wiēc kē bāk ke juaar rin bī wek kōc cī gam Judia kony. Wek aa dhil kē ca lēk akuūt kōc cī gam Galatia looi.

² Njek ë kamkun adhil wëëu atšöu təcüt tən akuënden bi lëu aköl Nhialic thok ëbën, rin bi ciën wëëu ben kuššt yiic aköl bi yen bën.

³ Na la bën ke yen abä athöör gäm kockun cäk kuany, ku lëk koc Jeruthalem lön kockä aa koc yëth wëëu cik juaar tënë we.

⁴ Na peth tënë ya ba la Jeruthalem, ke kek aabi cath ke ya.

Të ci Paulo guiër kenyde

⁵ Yen abi jai bën tënë we tē ci yen kañ tēek Mathedonia, rin aca guiir ba tēek thīn.

⁶ Aya yök yen abi lök ya la rēer kek we, tēdē yen abi rut thöl, ku wek aa bā kuony la kenydiē yic kuat tē le yen thīn.

⁷ Acā wic ba we tiñ ē path emēn ku bar tuen. Aya nšöth ciēt ya bi rēer api kek we tē pël Bēny ye bi rot looi.

⁸ Yen abi rēer Epethuth ē tēn yet aköl Yan Ayup cīn yic luou,

⁹ rin yen ala kē luoi ke dit tēn apeī, cök alon cīi koc juēc kē luoi wic.

¹⁰ Na bō Timothī, ke nyuöthkē ye lön acin kē bi ye col ariöc tē rēer yen kek we, rin alui rin Bēny cimēn luui yen rin Bēny aya.

¹¹ Acin raan ē kamkun yōñ Timothī guöp. Kuonykē bi dhöldē tēek apath bi dhuk tēnē ya ke puol guöp, rin anjāath bi dhuk kek miēthakāi cī gam luui yök ke ē tōk.

¹² Emēn, rin wämäath Apolo, aca ya yöök bi la tēnē we kek miēthakāi kōk cī gam. Ku acīi wic bi la tēnē we emēn, añot bi la tē lēu yen rot.

Wël ciēn

¹³ Tiēerkē nhīm, kääckē ē cök gamdun yic, duškkē riöc, rielkē puöth.

¹⁴ Wek aa dhil kēriēc ëbën looi kek nhiēr wepuöth.

¹⁵ Wek aa ñic Ithipanath kek kacke, kek aa koc ke kōñ wēt Nhialic gam pandun Akaya ku yekē luui apeī rin koc ē Nhialic. Wek aa läñ, miēthakāi,

¹⁶ bāk koc cīt käckä theek ku raan dēt rot mät thīn bi luui kek ke.

¹⁷ Yen amit pušu rin cī Ithipanath ku Fortunato ku Akaikuth bën, keek aaci bën luui nyiëndun wäär liiu wek.

¹⁸ Rin aacā bën cök pušu ku we aya. Dhielkē wēt ye kockä luel piñ.

Muöth ciēn

¹⁹ Akuut koc cī gam wun Athia aa we tuöc miäthden, Akuila ku Prithkila ku akuut koc cī gam mat panden, aa we tuöc miäthden apeī rin Bēny.

²⁰ Miēthakāi cī gam tō ē tēn aa we mušöth. Miäthkē röt ē kamkun muöth koc cī gam.

²¹ Ee yen Paulo yen agät ē muöth kēnē ē ciēndiē.

²² Kuat raan cū Bēny nhia abi kērac yök. Bānyda, bäär!

²³ Bi dhēñ Bānyda Jethu rēer ke we.

²⁴ Nhiērdiē arēer kek we ëbën rin Jethu Kritho.

Athör ë rou cî Paulo gät kəc gen Korinth Wët nom

Athör ë rou tēnē kəc cî gam gen Korinth, ee gēt Paulo wäär cî wël wääc kam akut kəc cî gam kek ye. Kəc kək kam akut kəc cî gam yic aake ye Paulo lək guşp wël rəc apei. Ku aci Paulo nyuəth ke lən wïc yen ye bî bən däär ke ke, ku aci puşu miət apei wën cî yen rot looi.

Abaj tuŋj athöör yic, Paulo ë jam ciɛɛnde kek akut kəc cî gam gen Korinth. Ku tēt ke kën gēt yen athöör wäär ke tuc puşu apei. Ku lək ke miət ë piände rin pël ë wët piny, ku däär kamken cî wël cî lək ke athör kēnē yic cal aloi rot. Ku jəl lək akut kəc cî gam bık kəc nşj cî gam pan Judia aa kony ë puşu ëbën. Ku wën jəl wël wicke bî ke lueel thók, Paulo aci rot bən kony tēnē kəc kək Korinth ye lueel lən kek atuuc ayic, ku lən cî Paulo ye atuny la cök.

Käk tş thün

Wët Nhom 1:1-11

Paulo ku akuut kəc cî gam gen Korinth 1:12-7:16

Kuəny rin kəc cî gam Judia 8:1-9:15

Paulo ë rot kony lən ë yen atuuc ayic 10:1-13:10

Thök ë wël 13:11-13

¹ Athör kēnē abö tēnē Paulo, atuny Jethu Kritho ë wët wïc Nhialic, ku wämääthda Timothy ku tēnē akut kəc cî gam gen Korinth, ku tēnē kəc kək ë Nhialic ëbën rēer pan Akaya.

² Bî Nhialic Wäda ku Bēny Jethu Kritho we yiək dhēej ku däär.

Paulo ee Nhialic leec

³ Lecku Nhialic Wun Bänyda Jethu Kritho. Yen ë Wädan lir puşu tēnē ɣo ku yen ë ɣo deet puşth käreç yiic akölaköl.

⁴ Ee ɣo deet puşth käreç ɣo yök yiic, rin buk lēu aya buk kəc kək aa deet puşth kāracken yiic. Aayeku ke deet puşth cīt tē ye Nhialic ɣo deet puşth thün.

⁵ Ku cīt lən ye ɣok gum aya rin wët Raan cî ləc ku dəc, yen ë tēde aya, Nhialic ë ɣo deet puşth kajuëc ril yiic apei akölaköl.

⁶ Na guumku, ke rin bî we deet puşth ku luäk we, na deet ɣopuşth ke rin bî we deet puşth, ku gēm we riel ye wek gum cimēn tē ye ɣok kån guşm thün aya.

⁷ Wek aa nşthku apei, rin anjicku lən guum wek cimēnda, këya ɣok aabi deet puşu rəm ɣodhie.

⁸ Mişthakäi, awicku bäk käreç cî ɣo yök wäär rēer ɣok pan Athia njic. Käreç ke cuk yök aake dīt apei ciët ke cuk bî lēu buk ke guum, ɣok aa ɣo cî yonhüm njic wei ë piërda.

⁹ Acuk yök lən cīt ɣok kəc cî tēm thou. Ku kēnē aci rot looi bî nyuəth ɣo lən acie rielda yen nşthku, ee riel Nhialic raan kəc cî thou jət.

¹⁰ Aci ɣo puşst bei käk ke duer ɣo nşk yiic, ku abi ɣo kony. Ku anşthku lən bî yen ɣo bən kuşny bei,

¹¹ cimēn cî wek ɣo kony ë rşkkun. Këya, rşök juëc bî looi ë rienkua aabi Nhialic dhuk nhüm ku dəc ɣo, ku kəc juëc aabi Nhialic leec rin kēpuəth cî looi tēnē ɣo.

Paulo aci kenyde waar yic

¹² Anjicku γopuŋth kuat kāk yeku ke looi pinyhom ē tēn aa yeku ke looi puŋn yer cī Nhialic gām γo. Ku ē yen kēnē γo cōl anjic rēer kek we. Ku yen aloiku dhēēŋ ē Nhialic, acie njeēc kaŋ tō ke raan.

¹³⁻¹⁴ Wek aa ya gāt kāk lēukē bāk ke kueen ku dētkē keyiic. Ku na cōk amēn cīi wek wēlkā ye deet ēbēn, ka ya nŋōth lōn nōt bī wek ke deet yiic ēbēn, rin na ye akōl le Bānyda Jethu dhuk ke wek aabi nhiam riēnkua cimēn bī γok nhiam ē we.

¹⁵ Rin njic γen ye lōn bī wek wēlkiē deet, aca guiir tuen ba la tēnē we bāk dēt ben γōk.

¹⁶ Rin ē ca guiir ba tēek tēnē we tē le γen Mathedonia, ku tē le γen dhuk aya, ku bāk γa cōl ala Judia.

¹⁷ Wāar guiir γen kēnydiē kēya, ye nyooth lōn cīi γen ye wīc ba dhieł looi? Tē guiir γen kē wīec ba looi cā ye yiēk γanhom? Tēdē ya ke guiir cimēn kōc pinyhom ē tēn, kōc ye lueel, “γēē,” Ku gokē lueel, “γei, γei,” Nyin yic kedhie?

¹⁸ Cimēn njic γok ye alanden lōn Nhialic ē wētde tiēŋ nhom, kē ca thōn we ēcie “γēē,” tēdē ke ye “γei.”

¹⁹ Rin Wēn Nhialic Jethu Krītho ye γok wētde lēk we γok Thilath ku Timothī, ē kēc bēn ke ye puŋu rou, ēci bēn ke ye puŋu tōk.

²⁰ Na cōk la kajuēc cī Nhialic thōn ka tōk rin Raan cī lōc ku dōc, rin yen ē kāk cī Nhialic ke thōn tiēŋ nhūm. Ku ayeku lueel ē riēnke, “Yenakan,” tē leec γok Nhialic.

²¹ Ee Nhialic yen ē γo looi γodhie buk aa tōk kek Raan cī lōc ku dōc. Acī γo dōc.

²² Ku yīk γo kīnden ye γok kacke, ku tēēu Wēike γopuŋth bī nyooth lōn ye γok kacken bī kāk cī tōŋu γōk.

²³ Na ye lueth yen lueel, ke Nhialic abā tēm awuōc. Wēt kēc γen ben la Korinth ē rin cīi γen ye wīc ba we cōl aben gum.

²⁴ Acuk wīc buk we māc kē bāk gam. Anjicku lōn wek aa ril ē gamdun yic. Wek aa konyku ke rin miēt ē piāndun.

2

¹ Kēya, aca bēn tak ba cīi bō tēnē we rin bī ciēn kēreec dēt ben rot looi.

² Rin na cal we aa riāak puŋth, ka cīn raan dēt cī dōŋ bī γen cōl amit puŋu, rin aa wek aca rac puŋth.

³ Ku cīl lōn yen tēnē cī γen we gāt athōōr thīn, γen acīi bī bēn, rin aya γōk ke ya bī riāāk ē puŋu γōk, tē ya tak ke γa bī kē cōl γa amit puŋu γōk thīn. Ee njic alanden, kē bā cōl amit puŋu abi we cōl amit puŋth aya.

⁴ Wāar gēt γen we athōōr, γen a γa rem puŋu apeī aba ya dhiau, ku kēn luōi acie lōn bī γen we rac puŋth, ee rin bāk tē nhiēer γen we thīn apeī njic.

Pēl wēt piny tēnē raan cā awuōc looi

⁵ Na cī raan awuōc looi tēnē raan dēt, ka kēc looi tēnē γen ē rot, ee tēnē we rin acīi kē cī looi tēnē we cōk cīi ye we ēbēn. (Aluēel kēlā rin acā wīc ba jam ē wēt kēnē yic apeī.)

⁶ Ee tēde yen tē cī kōc juēc kamkun raan kēnē wēēt thīn.

⁷ Ēmēn kēya, wek aa dhil wēt pāl piny tēnē ye ku dētkē puŋu rin bī puŋu cīi pēk wei bī jāl ē gam yic.

⁸ Kēya, wek aa yōk bāk cōl anjic lōn nhiēer wek ye.

⁹ Wek aaca gät athör kënë rin ë więc ba njic lön ye wek wëlkiën ca lëk we gam ëbën.

¹⁰ Na le raan tönj pël wek wët piny tënë ye, ke ɣen apël wët piny tënë ye aya, tē le yen awuśc cī looi dhiel päl piny tënë ye ayic. Aya looi ë rienkun ke Raan cī lōc ku dōc daai kē tō ɣapušū.

¹¹ ɣen ë kënë looi rin bī Bēny jakręc riel cī yök bī luaida rac, rin tēden yen luui thīn anjicku apēi.

Dięer ę Paulo gen Troath

¹² Wäär ɣēt ɣen gen Troath ba Wēt Puoth Yam ë Raan cī lōc ku dōc bēn lëk kōc, ke yök lön cī Bēny Jethu dhël ë luai ŋaany thok.

¹³ Ku ɣen ę ɣa cī dięer apēi rin kęc ɣen wāmääth Tito yök. Guō kōc tōōŋ ku bar Mathedonia.

Riel ye yök tēnē Raan cī lōc ku dōc

¹⁴ Lecku Nhialic! Ee ɣook wat nhūim akōlakōl buk tiam rin Raan cī lōc ku dōc. Nhialic ę ɣo luai bī ŋięc rin Raan cī lōc ku dōc piny thōŋ yic ëbën cīmēn miōk ŋir apēi.

¹⁵ Rin ɣok aa cīt adōŋ ŋir mit ye Raan cī lōc ku dōc gām Nhialic, adōŋ ŋir ę thiēi piny kam kōc lučk Nhialic, ku kōc mār.

¹⁶ Tēnē kōc kōk ę ŋuąc ręc ę thou bęēi, ku tēnē kōc kōk ę ŋuąc mit ę pīr bęēi. Yen a lëk ye bī kënë looi?

¹⁷ ɣok aacī cīt kōc juęc kōk wēt ę Nhialic looi bī kek aa la lim. ɣok aa wēt ę yic luel ę Nhialic nhom, rin ɣok aa kōc Raan cī lōc ku dōc, ku ę Nhialic yen aci ɣo tooc.

3

Kōc lui ę Dōr Yam

¹ Yakē tak lön ɣok aa ben röt lëk we? Acie tēde. Kōc kōk athör lōōm tēnē we bī kek röt la nyuōth kōc kōk, ku kōc kōk aa athör bęēi tēnē kōc kōk bī kek röt bēn nyuōth we. Ku ɣok acie wic athör cīt kākķā.

² Aa wek athōrdan yeku muk, cī gōt ɣopuōth bī raan ëbën njic ku kuen.

³ Wek aa cīt athör bō tēnē Raan cī lōc ku dōc. Akęc Raan cī lōc ku dōc gōt galam, aci gōt Wēi ę Nhialic pīr. Akęc gōt aleel pat yiic kōth, aci gōt ɣopuōth.

⁴ Alēuku buk kākķā luel ke ɣo njic Raan cī lōc ku dōc ę Nhialic nhom.

⁵ Acā lēu ba luel lön ɣok aa la rielda ę röt ye ɣok Nhialic luōōi. Riel ye ɣok ye luōōi ayeku yök tēnē ye.

⁶ Yen aci ɣo yičk riel ye ɣok kōc lui rin dōr ę yam kek ye, dōr ę Wēi cī cīt lōŋ cī gōt. Lōŋ cī gōt ee thou bęēi tēnē kōc, ku Wēi ę pīr bęēi.

⁷ Lōŋ ęcī gōt aleel pat yiic kōth, ku diik Nhialic ęcī rot nyuōth wäär gēm ye. Na cōk a wäär cī ruel Nhialic yen cī Mothith paat piny bēn jāl amääth, ke ŋot ril apēi bī kōc Itharel cī lēu bīk Mothith dōt. Kēya, na ye lōŋ thou bęēi, tēnē kōc yen luui kōc yen bēn kek diikdit cīt kēnē,

⁸ ke diik luai Wēi cī bī dīt apēi!

⁹ Na ye lōŋ dōr thęer kōc cōl atēm awuśc la diik, ke ye diikdit yīndē bī lōŋ dōr yam kōc cōl aala cōk tēnē Nhialic bęēi!

¹⁰ Ee yic, lōŋ dōr thęer acīn kēpuōth bī ye thōōŋ kek lōŋ dōr yam.

¹¹ Na ye lōŋ dōr thęer cī guo bēn liu la diik, ke ye diikdit yīndē bī dōr yam cī bī kaŋ liu bęēi!

12 ʎok aa cie riäc tē jiem ʎok rin le ʎok n̄sth löŋ d̄s̄r yam la diikd̄it akölr̄iëc eb̄en

13 ʎok aac̄i c̄it Mothith w̄är yenyin kum b̄i k̄oc Itharel diik Nhialic c̄i n̄ic tē j̄iël yen th̄in am̄äath.

14 Keek aake c̄i muör puöth. Agut c̄it em̄en k̄en ke c̄ol aac̄i k̄aŋ n̄ic aŋoot tē kueen kek athör löŋ theer, k̄en ke muör puöth aŋot t̄ö th̄in. Ku aye nyaai tē m̄ät raan rot Raan c̄i löc ku d̄ac.

15 Agut c̄it em̄en ḡët ʎen athör, tē kueen kek löŋ Mothith, k̄en ke muör puöth b̄ik k̄aŋ c̄i n̄ic aŋoot th̄in.

16 Ku k̄enē aye nyaai tē m̄ät raan rot B̄eny.

17 Ku B̄eny ye lueel ē w̄elk̄a yiic ē W̄ei. Ku tē r̄eer W̄ei B̄eny th̄in, lääu n̄hom ē t̄ö th̄in.

18 Diik Nhialic ayeku nyuöth rin c̄in yen k̄en ʎo muör puöth. Ku W̄ei B̄eny ē ʎo looi eb̄en buk ciēt ye, ku diækde ē rot juak, k̄enē ē luoi W̄ei ē B̄eny.

4

Riël Nhialic gupkuan c̄it t̄öny c̄i cuëc̄ tiöp

1 K̄eya, ʎok aacie dh̄ör ē luoi k̄enē rin ē Nhialic yen aḡem ye ʎo ē lier piände.

2 ʎok aac̄i k̄uec buk k̄äk ye moony ku k̄äk k̄oc rac gup c̄i ye lueel. Ee yic yen ayeku lueel k̄oc n̄hiim. Ku yen aye kek ye n̄ic kepuöth eb̄en, yeku k̄oc ȳindē ē Nhialic n̄hom.

3 Na c̄i k̄oc k̄ök W̄ët Puöth Yam yeku l̄äk k̄oc ye deet yic, ka k̄oc c̄i puöth m̄äär kek aacie ye ye deet yic.

4 J̄onrac mac k̄oc piny k̄enē ya aköl ac̄i k̄oc k̄ec gam muör puöth, ku b̄ik ruel ē b̄en t̄enē W̄ët Puöth Yam c̄i ye t̄iŋ, w̄ët yam diik Raan c̄i löc ku d̄ac yen c̄it Nhialic guöp.

5 ʎok aac̄i k̄oc ye l̄äk rin b̄i ʎok röt lueel, ʎok aa k̄oc l̄äk rin Jethu Kritho ke ye B̄eny. Ku ʎook ke ʎo ye aloony t̄enē we rin Jethu.

6 Nhialic yen luel ye athör theer yic elä, “C̄ol ruel aruel muöth yic.” Yen ē Nhialic t̄öŋ c̄ol ruel n̄iëc̄ kan aruel ʎopuöth b̄i ʎo nyuöth diik Nhialic ē ruel Raan c̄i löc ku d̄ac nyin.

7 Ku ʎok k̄oc la k̄epuöth d̄iit k̄enē, ʎok aa c̄it t̄öny c̄i cuëc̄ ē tiöp. Ku ē rot looi k̄eya b̄i nyuöth l̄on riöldit ap̄ei ē b̄en t̄enē Nhialic, acie ʎo.

8 ʎok aa k̄äk jör ʎo ʎök ku aacie ʎo ye rac. Na c̄okku k̄ē loiku kuc, ke ʎok aacie dh̄ör.

9 ʎok aaye c̄ol agum, ku ʎok aa k̄ec Nhialic päl wei. ʎok aac̄i n̄ök buk la nan piiny, ku ʎok aa k̄ec thou.

10 Kuat tē yeku t̄ëc̄ eb̄en ʎok aa ciēt k̄oc b̄i n̄ök cim̄en Jethu. K̄eya al̄eu k̄oc k̄ök b̄ik p̄ir Jethu t̄iŋ ʎogup.

11 Rin ʎok k̄oc p̄ir, ʎok aa r̄eer akölaköl ʎo c̄it k̄oc b̄i thou rin Jethu, rin b̄i piërde t̄iŋ guöpdan b̄i thou yic.

12 K̄eya, ʎok thou rin b̄i wek p̄ir.

13 Ac̄i ḡöt athör theer w̄el Nhialic yic elä, “ʎen ē jam rin c̄i ʎen gam.” Ku rin le ʎok gam t̄öŋ th̄öŋ, ʎok aa jam aya rin c̄i ʎok gam.

14 Rin an̄icku Nhialic yen j̄ot B̄eny Jethu b̄i b̄en p̄ir, ab̄i ʎo j̄ot kek Jethu aya, ku nȳei ʎo ku we b̄i ʎo ʎäth tē r̄eer yen th̄in.

15 K̄enē aloi rot eb̄en ē rienkun. Aloï rot rin b̄i dh̄ëŋ ē Nhialic ʎet t̄enē k̄oc juëc, rin b̄i k̄oc juëc̄ä piath ē Nhialic n̄ic, ku b̄ik aa leec ku dorkē.

Pir rin ë gam

¹⁶ Ku rin ë wët kënë yok aacie puõth ë bath cök alon thöök rielda amääth-amääth, ke piäthkua aa ber piny akölaköl.

¹⁷ Aterthii yeku ke yok ëmën, aa guir yook rin pir akölrüec bi aterthii kuankä looi bik cii ye kãñ acin.

¹⁸ Rin yok aacie yopuõth ë tääu kãk ye tññ yiic, yok aa yopuõth tääu kãk cii ke ye tññ yiic. Rin kãk ye tññ aa guõ jãl, ku kãk cii ke ye tññ aa rëer thïn atheer.

5

¹ Rin anjicku lön guäpkua pinyinhom ë tën aa cit duël ye yok rëer thïn kaam koor. Ku na la duël kënë riääk ke Nhialic abi yo yiëk yöt tēden rëer yen thïn, yon kēc raan looi yecin. Yon ë looi Nhialic nhom guõp, cii bi kan riääk.

² Cit ëmën rëer yok yo dhiau, ayeku wic lön bi Nhialic yo gam gupkuan yam bö nhial.

³ Ku rin cii yok bi nññ ë guõp, yok aabi gam guõp yam.

⁴ Gupkuan rëer ke yo pinyinhom aacii bi rëer thïn atheer. Yok aa dhiau rin kãjuëc buk guum. Ku acie lön wic yok ye buk thou ayic, kē wicku ë lön bi Nhialic yo waar bi yo gam guõp ë yam bi pir akölrüec ëbën. Këya, yok aa wic gupkuan pinyinhom bi ke waar guõp bi rëer thïn atheer.

⁵ Ee Nhialic yen aci yo guir rin awër kënë. Ku gem yo Wëike buk ñic lön bi yen ye looi.

⁶ Këya, yok aa rëer yo deet yopuõth akölaköl. Ku anjicku tē rëer yok ë guõpdan kënë yic ë pinyinhom tën, yok aa rëer ke yo mec kek tën bi yok rëer thïn kek Bëny.

⁷ Yok aa pir ë gam, acie kē yeku tññ.

⁸ Yok aa rëer yo deet yopuõth ku guirku röt apeï buk guõpdan pinyinhom puõl rin bi yok la tē rëer Bëny thïn.

⁹ Adhilku looi buk Bëny cöl amit puõu piërda yic pinyinhom ë tën, ku pirdan aköldä aya.

¹⁰ Rin yok aabi dhil kööc Raan ci loc ku döc nhom aköl ë luk, bi ñek atëm awuöc, tēdē ke döc rin kãkken ci looi wäär piir yen pinyinhom.

Nhialic ë koc cöl amääth kek ye rin Jethu

¹¹ Cit lön ñic yok ye apeï yen tē dhil yok riöc thïn ë Bëny, yen aye yok koc kãk lëk bik kepuõth wël Bëny. Bëny anjic yo apeï, ku aya nñõth lön piäthkun yiic wek aa ñic yo aya.

¹² Acie lön wic yok ye buk röt ben lëk we, wek aa wicku buk we nyuõth kē bi wek aa nhiam ë yo, tē rëer wek kek koc nhiam kãk ye tññ ku aa liu kepuõth.

¹³ Na ye koc kök yo tññ ke yo ci nhüim liäap, ke këda ë röt kek Nhialic, na lok nhüim cök, ke këpiathdun.

¹⁴ Kãk yeku ke looi, aa yeku looi rin nhier Raan ci loc ku döc. Ku ëmën anjicku lön ci raan tök thou rin koc ëbën. Ku këya, koc ëbën aa rom thuonde.

¹⁵ Acï thou rin koc ëbën. Këya, koc pir aacii dhil pir rin bi kek puõth miët ë röt, ku aabi pir rienke yen raan ci thou ku ben jöt pir ë rienken.

¹⁶ Ku ëmën le tuen yok aacii raan lëu buk ñic cit tē ye tiën ye. Ku na le koc ke ñic Raan ci loc ku döc ke ye raan wäär rëer pinyinhom, ka cie tēde këya ëmën.

¹⁷ Tē ci raan rot mët Raan ci loc ku döc, ke yeen aci ya raan ci ben cak. Këtheer aci jãl ku kën yam aci bën.

18 Kēnē ee Nhialic yen aloi ye ēbēn. Acī ʔo dōōr kek ye rin Raan cī lōc ku dōc. Ku ʔik ʔo luoi buk kōc kōk dōōr kek ye.

19 Kē yeku lēk kōc, ee lōn looi Nhialic kōc ēbēn bik dōōr kek ye rin Raan cī lōc ku dōc. Nhialic akēc awuōōc yekē ke looi kuēēc nhīim, ku acī ʔo gām luoi ye lueel tē bi ʔok kōc ya dōōr thīn.

20 Kēya, ʔok aa tuc jam nyin Raan cī lōc ku dōc. Acīt Nhialic guōp yen luel wētde ē thuōnda. ʔok aa jam rin Raan cī lōc ku dōc, ku ʔok aa thiēc raan ēbēn. “Dōōrkē kek Nhialic.”

21 Raan cī lōc ku dōc ē cīn guōp adumuōōm. Ku acī Nhialic looi bi Jethu thou rin adumuōōmkua, rin tē met ʔok rōt kek ye, ke ʔok aabi ya kōc la cōk ē Nhialic.

6

1 Luoida ʔic ʔodhie ke Nhialic, wek aa ʔōōkku, wek kōc cī dhēēn Nhialic ʔōk bāk cī cōl adēer nom piny ē path.

2 Rin acī Nhialic lueel, “Akōl wāar wīc ʔen ye ba we kony, ʔen acī rōōkku bēn piŋ. Ku akōl wāar wīc ʔen ye ba we luōk, wek aaca bēn kony.” Πιηκē, kēnē yen akōl bi wek kuōōny Nhialic ʔōk, akōl yen akōl bi we luōk.

3 Acuk wīc bi la raan luiku kē jōr ye kēriēēc ēbēn ʔic, rin bi cīēn raan luel ye lōn cī luoida path.

4 Kēya, ayeku nyuōōth kēriēēc ēbēn yeku looi ʔic lōn ye ʔok kōc lui rin ē Nhialic, rin ye ʔok kāreec ku kāril ʔo jōōr guum ē path ke ʔo cī gup tuc.

5 ʔok aaci that, ʔok aaci mac ku jōt kōc juēc man luoida aliāap nhial, ku ʔok aa ʔo ye luui apei ku cuk nin wakōu ku nēk cōk ʔo.

6 Ku ʔok aaci rēer ke ʔo cīn gup ajuēēc ʔo lir gup, ke ʔo ʔer puōth, ku detku kāŋ ʔiic. Ku Wēi Nhialic acī rēer kek ʔo ku nhiērda acīn tē diu thīn,

7 ee wēt ʔic yen ayeku lēk kōc ē riel Nhialic. Ku kē le ʔok cōk Nhialic nom yen ē tōŋ ye ʔok thōr ku kony ʔok rōt.

8 Kōc kōk aa ʔo leec ku kōc kōk aa ʔo bui. Kōc aa ʔo jāam gup ku kōc kōk aa ʔo niēc jāam. ʔok aaye ʔōōk lōn ye ʔo alueth ku ē ʔic yen ayeku lueel akōlakōl.

9 ʔok aaye ciēēn ciēt ʔo cīi ŋic ku ʔok aa ŋic apei, ayekē lueel lōn thou ʔok, ku tiēŋkē, ʔok aa ŋot ʔo piŋ. Aa ʔo baŋ apei ku aacie ʔo ye ʔeet wei,

10 ʔok aa rēer ke ʔo mit puōth akōlakōl agut akōl guum ʔok thīn. Na cōk alōn ŋōōŋ ʔok ke ʔok aa kōc juēc looi bik jak, na cōk alōn cīn ʔok kāŋ, ke ʔok aa ŋot ʔo la kāriēēc ēbēn.

11 Māthkien gen Korinth! Wek aa cuk lēk alanden ʔo lāau puōth.

12 Nhiērda tēnē we akēc ʔit, aa wek aaci nhiērdun tēnē ʔo ʔit.

13 Cīt emēn lēu ʔok puōth tēnē we, wek ayōōk ciēt we ye miēthkiē, bāk puōth lāau aya.

Duk mēt kek kōc kuc Nhialic

14 Duōkkē rōt mat kek kōc kēc wēt Jethu gam. Yeŋō kōc la cōk Nhialic nom kek kōc cī la cōk mat? Yeŋō ruel ku muōōth cōl aaye tōk?

15 Le mānh tō kam Raan cī lōc ku dōc kek jōŋrac? Yeŋō rōm kōc Krīthiaan kek kōc cie Krīthiaan?

16 Yeŋō luaj rēer Nhialic thīn cōl arām kek luaj kōc ye ke jak cī kiēt door thīn? ʔok aa luaj rēer Nhialic thīn. Cīmēn cī Nhialic ye lueel élā,

“ʔen abi paandiē looi ke kackiē
ku rēer ke keek
ʔen abi ya Nhialicden

ku wek aabī ya kackiē.”

¹⁷ Ku lueel Bēny aya,
 “Wek aa dhil jāl kam kōc kēc gam
 ku tekkē we thook tēnē keek.
 Duškkē kē la guōp acul rin adumušōm ye gōt,
 ku wek aaba gam.”

¹⁸ “Yēn abī ya wuurdun, ku wek aabī ya wātkiē ku nyiērkiē,” lueel Bēny
 Madhōl.

7

¹ Māthkiē, Nhialic aci kākā thōn ēbēn. Kēya wuunyku yōgup wei kārēc yeku looi, bī guāpkuā ku wēikua yiic ciēn ajuēēc. Yōk aa dhil Nhialic theek ku themku buk pīr ē pīr la cōk Nhialic nhom.

Akut kōc cī gam ee Paulo cōl amit pušū

² Lāāukē pušth tēnē yō. Acīn raan tōŋ cuk lušī awuōc, acīn raan tōŋ cuk kum thok, ku acīn raan tōŋ cī yōk kēde nyaai dhēl ruēēny.

³ Tē jīēem yēn kēlā ka cie wek nyiēeny, rin aca lueel wāthēer lōn nhiērda tēnē we aacie yit yōpušth. Alēuku buk pīr ku thouku kek we.

⁴ Aya yōk alēu ba jam tēnē we kecīn kē muōny, yēn anhiām ē we, wek aa yēn dēet pušū apēi, cōk alōn le yen kārēc ya yōk, ke dēet amit pušū apēidit.

⁵ Agut wāār cōk yōk yēēt Mathedonia yōk kēc gup kaŋ la lāŋ. Yōk aa yō cī rōm kek ater juēc ku agōth ke kōc kōk, ku rišōc yōpušth.

⁶ Ku Nhialic yen kōc cī pušth mum dēet pušth, aci yō bēn dēet pušth rin cī yen Tito bēn cōl abō tēnē yō.

⁷ Acie bēnde yen cī yō bēn cōl amit pušth ē rot, tē cī wek ye dēet pušū thīn aci yō yuum pušth aya. Acī lēk yēn lōn wīc wek ye apēi ba we la neem, ku tē cī wek pušth riēēk thīn rin kāk cī rōt looi tēnē ya, ku lōn wīc wek ye apēi bāk ya kony. Kēya, ēmēn yēn aci pušū miēt apēidit.

⁸ Yēn acī rot gāk cōk alōn cī athōr wāār ca gāt we we cōl arem pušth, yēn aa ya cī rot gōk tuēŋ, rin cī athōrdiē we reem pušth, rin anjīec rēm ē pušū rin athōr ca gōt aci guō bēn jāl wēpušth.

⁹ Ku ēmēn yēn amit pušū, ku acie rin cī yēn we cōl arem pušth, ee rin cī arēem ē pušū we cōl adhuk wēpušth ciēn. Arem ē pušū aci rot looi ke cīt kē wīc Nhialic. Ku kēya, acīn kērēec cuk looi tēnē we.

¹⁰ Rin arēem pušū ye Nhialic bēēi tēnē we, ee we cōl adhuk wēpušth ciēn bī we luōk, ku acīn agāāk rot ē tēēn. Ku na ye we reem pušth rin wīc wek ye bāk ke ya looi kāk pinynhom, ke arēem pušū kēnē ē we cōl aloi adumušōm ku mēr wēikun.

¹¹ Tiēŋkē kēnē wīc Nhialic arēem ē piāndun yic. Wek aci pušth tīr. Acāk wīc bāk kaŋ cōk piny. Wek aaci pušth riāāk rin kērēec cī kuōc looi. Wek aaci ya rišōc ē Nhialic ku yakē wīc apēi ba la tēnē we. Ku dhīelkē looi bāk raan cī kēriēēc ēbēn looi tēm awuōc. Acāk nyuōth lōn kēnē cāk looi kēriēēc ēbēn yic ē ye tēde.

¹² Kēya, na cōk a wāār cī yēn ke athōr kēnē gōt, ka cie rin raan wāār cā awuōc looi ku acie rin akut cī lušī kērac, ee rin bāk tē ye wek diir thīn ē yēn nyuōth Nhialic nhom.

¹³ Kēnē, yen acōl yō adeet yōpušth.

Ku dēt aya, deet ë piända, Ʒok aaci pušth bēn miēt apei wäär piŋ Ʒok tē cī Tito pušu mit thīn, ku tē cī wek ebēn ye bēn dhušk pušu piny thīn.

¹⁴ Wek aa we ca leec tēnē ye, ku wek aa kēc Ʒen cāl ayār Ʒušp. Wek aa yeku lēk yith akōlakōl, ku Ʒen amit pušu rin lēc wäär Ʒen we leec aci ya yic.

¹⁵ Kēya, nhiērden nhiēer yen we, ee rot juak apei tē tek yen we tē ye wek ye thek thīn ku piēnkē wēdte, ku tē cī wek ye luor thīn abī we aa lath.

¹⁶ Ʒen amit pušu rin ŋōšth Ʒen we.

8

Ajuēr rin akut kōc cī gam Judia

¹ Miēthakāi, awīcku bāk tē cī Nhialic dhēēŋde nyuōōth thīn tēnē akuut kōc cī gam Mathedonia ŋic.

² Cōk alōn cī kāreac apei ke yōk, ku wēn cōk kek aa kōc ŋōŋ aya, aake ye pušth miēt apei tē miōōc kek.

³ Alēu ba lēk we ayic lōn kek aake ye miōōc bik kākken lik mukkē aa dhuol wei. Ku ayekē looi piānden ē rōt.

⁴ Ku keek aake ye Ʒo lac thiēēc lōn anhiarkē aya bik la kāk yekē ke gam tēnē kōc ē Nhialic Judia.

⁵ Aaci rōt kaŋ gām Bēny Jethu tueŋ, ku Ʒol Nhialic ke cāl aa gēm rōt Ʒo tēcīt tē wīc ye. Ee cuk ye tak lōn bī kek kāk cīt kākā gam.

⁶ Kēya, ku Ʒolk Tito raan wäär Ʒok ē luoi kēnē thiēēc bī la tueŋ kek ye, ku kony we bāk luoidun path kēnē thāap.

⁷ Wek aa la gamdīt. Aŋieckē apath yen tē ye wek ye lēk kōc thīn. Wek aa la ŋiēcđdīt cī wek rōt gam pušu ebēn, ku nhiarkē Ʒo. Wek aa kāriēēc ebēn ŋieac looi apath. Ku kēya, wek aa wīcku bāk miōcdun muk thīn.

⁸ Acā ye lueel lōn dhil wek ye looi, ku awiēc ba nyooth tē nhiēer kōc kōk ye thīn bik kony. Kēya, awiēc ba ŋic tē ye nhiērdun yic thīn.

⁹ Wek aa ŋic dhēēŋ Bānyda Jethu Krītho cōk alōn yen ajak, ka cī bēn a raan ŋōŋ ē rienkun, ku bī ŋāāŋde ya kē yōk wek Ʒieek.

¹⁰ Wētdiē, apath bāk kēwäär cāk Ʒōk runwäär thāap. Aa wek kōc tueŋ cī luoi kēnē Ʒōk, ku acie Ʒōk ē rot ē tō wepušth bāk luui kēya.

¹¹ Ēmēn, thāapkē luoi wäär cāk Ʒōk. Luoi kē nhiarkē wepušth cīt tēwäär cāk Ʒuēr ye kāk muškkē ke ēmēn.

¹² Na wīc ba miōōc, ke Nhialic agam kēdun ba gam kēdun tō thīn yic wīc ba gam, ku acie kē liu thīn.

¹³ Acā ye lueel lōn ye we Ʒōt yiēth kathiēk rin bī kōc kōk kāpuol muk.

¹⁴ Kē luēel ē lōn na lak kājuēc ēmēn, ke we kony kōc cīn kāŋ rin na lek kājuēc akōldā, ke ke kony we aya. Kēlā, ke wek aabi rōt kony wedhie ebēn.

¹⁵ Cimēn ye athōr theer wēl Nhialic ye lueel ēlā rin miēth cī Nhialic gām kōc Itharel wäär ror liēet, “Raan cī kājuēc kuany acīn kāk cī bēn dōŋ piny, ku raan cī kāklik kuany aci ben la kāk wīc.”

Tito ku kōc kōk aaci tuōac Korinth

¹⁶ Ʒen alec Nhialic rin cī yen Tito cāl anhiar we bī we kony, nhiēr thōŋ ke nhiēr nhiēer Ʒen we.

¹⁷ Rin Ʒok aaci Tito thiēēc bī la tēnē we, go gam. Ku ē wīc bī cak la aya ē rot.

¹⁸ Ku Ʒok aa toc wāmāāth cī gam kek ye, raan theek akuut kōc cī gam ebēn, rin ē yen Wēt Puōth Yam lēk kōc.

¹⁹ Ku yeen aya ë raan cī akuut kōc cī gam kuany bī cath kek γo tē γēth yok kuōnydan yeku looi bī Bēny nhom guōp leec, ku nyoothku tē nhiērku luoi buk aa kony.

²⁰ Acuk wīc bī la kōc jiēem γogup tē ye yok kāk cī juaarkā ηיע luoi thīn.

²¹ Awīcku bī ya kē la cōk yen yeku looi, ku acie Bēny nhom ë rot ee raan nhom ëbēn.

²² Kēya, yok aa toc wāmāāth dēt ke ke, wāmāāth cuk them arak juēc dhōl juēc ku acuk yok ke ye raan nhiar kuōny. Ku cīt ēmēn ηic yen we apeī, anhiēr bī we kony aya apeī.

²³ Tito ë raan ye yok rōm ku alui kek γen bī we kony, ku miēthakāi cath ke ye, aa kōc tō nyīn akuut kōk, ku aa lec Raan cī lōc ku dōc.

²⁴ Nyūthkē ke nhiērdun rin bī akuut kōc cī gam tīj ku ηickē, kē ye yok nhiam ë we.

9

Guiēr kuōny tēnē kōc cī gam Judia

¹ Acā wīc ba gēt tēnē we rin kuōny bāk looi tēnē kōc cī gam Judia.

² Rin anיע atō wepuōth bāk kony, ku wek aaca lec tēnē kōc Mathedonia. “Aca lēk ke, Miēthakāi cī gam pan Akaya ë wīckē bik kuōny guō jōok runwāār.” Ku luoidun nhiēr wek ye bāk kony, acī kōc juēc apeī kamken wel puōth thīn bik kony aya.

³ Ēmēn γen atoc miēthakāi cī gamkā rin bī lēcdan ye yok we leec cīi ye lueth. Ku cīt lōn cī γen ye lueel, wek aabī yōk ke we cī kuōnydun guiir.

⁴ Rin na le kōc Mathedonia la kek γen Korinth, ku yōkkē we ke we kēc rōt guiir, ke yok aabī gup yār apeī tē yōk kek kē ye yok we leec ke kēc rot looi, ku pāl yār ë guōpdun ηic yok we apeī.

⁵ Kēya, aca tak lōn puōth yen ba wāmāthakua cōl aala tēnē we γanhom tuen, bik wēū cāk lueel kaη kuōt yiic. Na jāl la ke yok keek ke cāk mat yiic, ku abī rot nyooth lōn ë wīckē bāk looi piāthkun ke cīi lēk we.

⁶ Anיעkē apeī lōn raan pur domdīt ë rap juēc tem, ku raan pur domkoor acīn rap juēc ye tem.

⁷ Nēk adhīl kēden bī gam cī guiir yepuōu ëbēn gam, ke cīi nhom thiek tēdē ke mēc ye, rin Nhialic anhiar raan kēde gam puōu ëbēn.

⁸ Ku alēu Nhialic bī gām kājuēc apeī, ku yīn abī la kājuēc path ye yīn kōc kony akōlakōl.

⁹ Cīmēn ye athōr thēer wēl Nhialic ye lueel ēlā,
“Acī kōc ηōj kony puōu ëbēn, ku yeen abī rēēr ke la cōk akōlriēc.”

¹⁰ Ku Nhialic ë kāth cōl alok bik ya miēth ye cam abī kākun juak yiic, ku abi we cōl aala cōk apeī, bāk kājuēc ya gam tēnē kōc wīc kuōny.

¹¹ Abī Nhialic looi bāk jak apeī kēriēc ëbēn bāk aa abiōkrueel akōlakōl. Ku kōc juēc aabī Nhialic leec tē le yok kuōnydun cāk wīc puōu ëbēn gām ke.

¹² Tē luui wek kēlā, ka cie kāk wīc kōc cī gam kek yakē ke lēu ë rōt, wek aa kōc juēc cōl alec Nhialic.

¹³ Ku rin luoidun puōth cī wek rōt nyuōth, kōc juēc aabī Nhialic leec rin looi wek kā wīc Wēt Puōth Yam Raan cī lōc ku dōc wāār cāk gam, ku ramkē ke ke ku raan ëbēn.

¹⁴ Ku rōkken yiic ë riēnkun aabī kepuōth wel rin dhēēndīt cī Nhialic gām we.

¹⁵ Lecku Nhialic rin miēcdīt cīn kē thōj kek cī gām γo.

10

Paulo ẽ luõide kony lɔn puõth yen

¹ Wek alãŋ ẽ puõu ẽbẽn ɣen Paulo rin lier puõu Raan cĩ lɔc ku dɔc, cɔk alɔn ye kɔc kɔk kamkun ye lueel lɔn ye ɣen riõõc tẽ rẽm ɣen ke we, ku ya wẽl tuc lueel tẽ mec ɣen.

² Wek alãŋ na la bẽn tẽnẽ we ke ɣen acĩ bĩ bẽn jam wẽl tuc apei tẽnẽ kɔc kɔk kamkun, cĩt tẽ ya tãk ye lɔn dhil yen ya tẽde, rin ye kɔc kɔk ye lueel lɔn pĩir ɣok pĩr pinynhom tẽn.

³ Ee yic ɣok aa kɔc pĩr pinynhom tẽn, ku ɣok aacie thõr cĩt tẽ ye kɔc ẽ pinynhom thõr thĩn.

⁴ Riel ye ɣok thõr acie rioldan pinynhom, ee rioldit ye Nhialic yiẽk ɣo yen aye ɣok kãk bãany Nhialic gẽl nhom gõõk. ɣok aa luethken yekẽ ke lueel rac ẽbẽn.

⁵ ɣok aa tẽktẽk kanhiaam cĩ wẽt Nhialic thany piny rac. Ku dɔmku kuat tẽktẽk kẽnẽ cimẽn raan ater dhie ye dɔm tɔŋ yic, ku loiku bĩ Raan cĩ lɔc ku dɔc theek.

⁶ Ku tẽ tĩŋ ɣok ye ka athẽkdund cĩn yic diu, ke ɣok aabĩ kuat raan yeku yõk ke dhãl wẽt Nhialic ẽ yic tẽm awuõc.

⁷ Wek aa kãŋ tĩŋ kõth aɣeer. Na le raan ye gam alanden lɔn ẽ yen raan ẽ Raan cĩ lɔc ku dɔc, ke cɔl atak kẽ looi yic apath, rin ɣok aa kɔc Raan cĩ lɔc ku dɔc aya cimẽnde.

⁸ ɣen acĩ guõp ye yãr tẽ cɔk ɣen jĩem kanhiaam riel cĩ Bẽny gãm ɣo. Riel cĩ gãm ɣo ee riel bĩ ɣok gam cɔk piny ku cĩi we rec.

⁹ Awiẽc bãk cĩi tak lɔn wĩc ɣen ye ba we riãac athõr ya gãt we.

¹⁰ Aye raan dõt lueel, “Athõr Paulo aaye gãt ke thiek yiic, ku tẽ rẽer yen ke ɣo ẽ kɔc ku wẽlke aacie riel!”

¹¹ Adhil raan kẽnẽ deet yic lɔn acĩn kẽ wãac athõr ya ke gãt tẽ mec ɣen, kek kẽ ba looi tẽ ben ɣen dhuk tẽnẽ we.

¹² Acuk wĩc buk rõt thõõŋ kek kɔc rõt leec kamken ẽ rõt. Acĩn kẽ ñickẽ. Keek aa læcden thõõŋ kamken ẽ rõt ke cie læc Nhialic.

¹³ Kẽya, ɣok aacĩ bĩ nhiam ku jĩemku kãk liu luõi cĩ gãm ɣo yic buk looi. Nhiaamda abĩ nhom pẽk luõi cĩ Nhialic yiẽk ɣo yic. Ku ala yic luõida yen loiku kamkun.

¹⁴ ɣok aacĩ bĩ nhiam apei cĩt tẽn bĩ yen ke rot luõi thĩn tẽn kẽc ɣok bẽn tẽnẽ we, rin cĩ ɣok Wẽt Puõth Yam rin Raan cĩ lɔc ku dɔc bẽi tẽnẽ we.

¹⁵ Ku ɣok aacie nhiam luõi cĩ kɔc kɔk looi. Kẽ yeku ñõõth ẽ lɔn bĩ gamdun rot juak rin bĩ luõida ẽ kamkun rot juak apei ku thiek piny.

¹⁶ Ku buk lẽu buk Wẽt Puõth Yam la lẽk kɔc bẽi me ke we, rin acuk wĩc buk nhiam luõi cĩ Nhialic gãm kɔc kɔk bĩk looi bẽi kɔk yiic.

¹⁷ Ku cĩt lɔn ye wẽl cĩ gãt athõr theer wẽl Nhialic yic ye lueel ẽlã, “Raan wĩc ye bĩ nhiam adhil nhiam rin Bẽny.”

¹⁸ Rin raan rot leec ẽ rot acie yen ye gam, ee raan ye Bẽny leec.

11

Paulo ku kɔc rõt cɔl aaye atuuc

¹ Awiẽc bãk kẽ ca wuõõc guum, tẽ cĩ ɣen kãŋ duẽr kuc. Wek aa lãŋ bãk looi kẽya.

² Үен аye tieel döm tē tīj Үен kōc kōk ke wickē bik we muṣr, ku ē yen lōn ē Nhialic аya. Wek aa cīt nyen bīm ca lōc muṣny tōk bī thiaak, yen Raan cī lōc ku dōc.

³ Wek aa җic anyikōl wäär duṣṣṇ kēpiiny Eba ē pel nyinde. Үен аriṣc lōn bī wek ciēt kēnē. Wek аabi duṣṣṇ ku pālke nһiērdun nһiēer wek Raan cī lōc ku dōc.

⁴ Ayakē guṗ nһiaar ku gamkē tē bīi raan dēt bī we bēn lēk Jethu dēt cie yen Jethu cuk lēk we. Ku wek aa puṣth miēt ku tāaukē wenһiim piny ku gamkē wēi ku wēt, kāk cie Wēi ku Wēt Puṣth Yam wäär cuk lēk we.

⁵ Aya tak lōn kōckā yakē ke tīj ciēt kek aa tuucdīt, аaciī dīt tēnē җa acīn, ku acā ye tak lōn aa tuuckun kā aa loi luoi path wēr kek җa.

⁶ Tēdē, Үен akēc piōc ba җiec аjam аpath kōc nһiim, ku Үен аҗic kaҗ. Kēnē аca nyuṣth we kajuēc yiic ē dhōl juēc yiic.

⁷ Wek aa kēc kaҗ thieēc bāk җa riṗp wäär lēk Үен we Wēt Puṣth Yam ē Nhialic. Үен аci rot dһuṣk piny ku luṣṣi ē path rin bī wek aa kōcdīt. Ye kērac yen ca looi?

⁸ Tēwäär luui Үен ē kamkun, Үен а җa ye kōc аkuut kōc kōk cī gam riṗp. Аake җa rum bī Үен we bēn kony.

⁹ Ku wäär rēer Үен kek we, acīn raan ca rāam nһom bī җa kony. Miēthakāi cī gam wäär bṣ Mathedonia аaci kēriēec ēbēn wiēc ke bēi tēnē җa. Acīn kē ca kaҗ thieēc tēnē we, ku Үен аciī rot bī kaҗ der weyiēth acīn.

¹⁰ Ku cīt ēmēn rēer yiny Raan cī lōc ku dōc kek җa, acīn raan pan Akaya bā pēen ba cīi jam kanһiaam kēlā.

¹¹ Tē lueel Үен ye lōn Үен аciī rot bī kaҗ der weyiēth, ke ye rin cīi Үен we nһiar? Аҗic Nhialic lōn nһiēer Үен we!

¹² Үен аbi la tuej ke җa loi kē luoi ēmēn, rin bī kōckā ciēn kē ye kek nһiam, lōn ye kek luui cīmēnda аya.

¹³ Kōckā аacie аtuuc acīn. Аa kōc wēj luoiden yic, ku loikē rōt ciēt ke җa аtuuc Raan cī lōc ku dōc.

¹⁴ Acīn kē gēi kōc thīn! Na cōk а Bēny jakrec ka loi rot bī ciēt аtuny nһial ē җer bēi.

¹⁵ Kēya, acīn kēril tṣ thīn tē ye аtuṣōcke rōt cōl аaye аtuuc luoi la cōk. Ku keek аabi аwuṣc thōj kek kākken loikē ke yōk akōldā.

Tē cī Paulo guum thīn ke ye аtuuc

¹⁶ Аca lueel wäär ku аbēn ber yic, acā wic bi la raan ye tak lōn cīn yen kē җiec. Ku na yakē tak lōn cīn Үен nһom, ke we pāl җa ba nһiam kākkiēn җa lēk we.

¹⁷ Tē ye Үен rot leec kēlā, ke Үен аjam cīmēn raan cīi kāҗ җic. Ku аcie tē wic Bēny ye thīn.

¹⁸ Ku ēmēn ye kōc kōk jam ē nһiam cīt tē ye kōc pinynһom jieem thīn, аba looi kēlā аya.

¹⁹ Wek aa җic kāҗ аpei ku аҗot nһiarkē bāk wēl kōc kuc kāҗ buṗth yiic.

²⁰ Wek aa wēl raan we loony gam, raan kākku cam, raan rot cōl aril ē we, raan nһiam rot tāau tuej raan na cōk we җuṣṣt nyīn, ka җot cīn kē mankē thīn.

²¹ Үен аci guṣp yār ba gam lōn Үен akēc kākka looi.

Kē ye raan dēt wic bī җenһom lēc ye, ke Үен аlec җanһom ye аya. Үен аjam ēmēn ciēt җa kuc kāҗ.

²² Na yekē kuat Ibru, ke Үен ē Ibru. Na yekē kōc Itharel, ke Үен ē raan Itharel. Ku na yekē dһiēnh Abaram, ke Үен ē raan Abaram аya.

²³ Ye kəc lui rin Raan cī ləc ku dəc? Үen ajam jam raan cī muəl, ku Үen ɛ raan ɛ luəi ɲuɛɛn tənə ke! Үen acī luui luəidit apeɪ tənə ke. Ku Үen acī mac arak juɛc tənə ke. Ku Үen acī that thändit apeɪ tənə ke, ku duɛr thou arak juɛc.

²⁴ Үen acī that waat thiärdiäk ku dhoɲuan arak dhiɛc kəc Judeo.

²⁵ Ku kəc Roma aacī Үa that arak diäk atuel. Ku biöök Үa aleel arak tök. Ku riäi ɛcī riääk wiir arak diäk ke Үa wɛɛr thün. Ku arak tök, Үen aca aköl ku wɛɛr thöl wiir.

²⁶ Ku akööl kək cäthdiɛ yic, Үen acī rəm kek kəkjuɛc kəc nöc. Ku duɛr mou wɛr yiic, ku duɛr cuɛr Үa rum. Ku duɛr kockiɛn Judeo Үa nöc. Ku duɛr kəc cie kackiɛ Үa nöc. Ku yök kək kəc nöc gɛɛth ku bɛɛi yiic ku Adəkdiɛt yic. Ku tənə kəc röt looi ke cīt kəc cī gam.

²⁷ Үen ɛ Үa ye luui apeɪ ba guəp thiai ku cä ye nin aköldɛt, Үen Үa ye cək nöc ku rou. Ku Үen ɛ lac rɛɛr ke cīn miɛth ku tɛ niin Үen thün. Ku Үen Үa ye rɛɛr Үa nɛk wiir rin cīn Үen alɛth juɛc Үa kony ɛ wiir.

²⁸ Ku kəjuɛc kək acä luel, Үen ɛ rɛɛr Үa tɛk akölaköl rin akuut kəc cī gam ɛbən.

²⁹ Tɛ niəp raan gam yic, ke Үen ɛ rot yök Үa niəp aya. Ku tɛ cəl raan raan dɛt aloi adumuööm, ke Үen ɛ rɛɛr Үa rem puəu apeɪ.

³⁰ Na le kə cəl Үen ajam ɛ nhiaam, ka kək ye nyooth lən Үen acī ril.

³¹ Anjic Nhialic, Wun Bəny Jethu lən cīi yen lueth yen luɛɛl. Bī rienke aleec athɛɛr.

³² Wäär tɔ Үen Damathkuth, bəny rɛɛr ɛ Bənyɲaknhom Aretath cök ɛ cä apuruuk ɛ gɛu tiit tɔəu kal thok bīk Үa dəm.

³³ Ku Үen acī bən tääu alom yic, ku luɛɛɲ Үen tɛyör pəny kəu ku kual rot.

12

Paulo acie nhiam kək cī nyuəth ye

¹ Үen abī dhiɛl la tuɛɲ Үa jam ɛ nhiaam cək alən cīn yen kəpuəth ye yök thün. Ku ɛmən yen abī jam kək ca tɲ cī nyuəth ɛ Bəny.

² Anjic ruəön thiäär ku ɲuan cī bar, raan cī gam ɛcī jət ku Үəth tɛmɛc apeɪ pan Nhialic. Acä ɲic ayic lən ɛ yen guäpde ku lən ye kek wəike kek cī la nhial, ee Nhialic yen anjic ye.

³⁻⁴ Cīmən awən cī Үen ye luel, anjic yen raan kənə acī jat pan Nhialic. Ku abɛr yic, acä ɲic lən ɛ yen guəp ɛbən, tɛdɛ ke ya aban guəp yen cī Үəth pan Nhialic, ee Nhialic yen anjic ye. Ku tɛɛn acī kək cīi raan ləu bī ke kuany yiic yethok piɲ, kək cīi pɛən bī ke cīi luel.

⁵ Aləu ba jam ɛ nhiaam rin raan cīt kənə, ku Үen acīi nhiam ɛ rienkiɛ, rin na luəi kəya, ke pial yic diɛ.

⁶ Na wiɛc ba nhiam kələ, ka cie lən kuc Үen kəɲ rin ɛ yic yen aba luel. Ku Үen acīi bī nhiam rin acä wic bī la raan ye tak lən ɲic Үen kəriɛc ɛbən, ke cie kə cək tɲ ke luəi tɛdɛ ke luɛɛl.

⁷ Үen acī nyuəth kəjuɛc, kəya yen acī Үen kəril Үa tuəm cīt kou bən yök. Acīt lən cī atuny Bəny jakrec bən bā bən that ku gəl Үen ba cīi nhiam.

⁸ Үen acī Bəny ləɲ arak diäk bī kə ban Үen nyaai.

⁹ Ku acī bən bɛɛr, “Ee dhɛɛɲdiɛ yen awiɛc, rin riɛdiɛ aye jal gam apeɪ tɛ ɲic raan ye lən cīi yen ril.” Kəya Үen amit puəu ba nhiam wɛt cī Үen ril rin bī Үen riɛl Raan cī ləc ku dəc Үa tiit lööny Үaguəp.

10 ʎen ẽ puʂu miẽt tẽ cii ʎen ril, ku tẽ læt ʎen, ku tẽ le yen kerec cã yök, ku tẽ guum ʎen, ku yök käril kök rin Raan cĩ lóc ku dác. Rin tẽ niöp ʎen ke yen ẽ riẽldiẽ.

Paulo ẽ diẽr kóc cĩ gam gen Korinth

11 ʎen ẽ ʎa cit raan cĩn kẽ njic wäär ẽ ʎen ʎanhom læc. Ku aa wek cã cöl alui cimẽn raan cĩn kẽ njic. Ku njõt aa wek aa cã læc ke. Cök alon ye ʎen raan cie kuẽc nhom, ke ʎen acii tẽ ciẽn tẽnẽ atuuckun yakẽ yök ciẽt kek njic kaŋ.

12 Käk raan nyuõt lön ẽ yen atuuc cimẽn käk kóc gõi, ku käk riel Nhialic nyuõt, aaci röt looi ẽ kamkun amääth-amääth.

13 Yenjö ca looi rin akuut kök kóc cĩ gam kęc looi ẽ rienkun, cie kẽ kęc ʎen kuõny wic tẽnẽ we? Pälkẽ awuõc ca looi piny tẽnẽ ʎa.

14 Kẽnẽ yen abĩ nẽmdiẽ yic a diäk tẽnẽ we ku acin kẽ ba wic bi wek ʎa kony. Aa we nhiiim wek aa więc ke, aacie weẽukun. Aacie mĩth kek dhil kóc ke dhiẽth ke muõc, aa kóc ke dhiẽth kek aadhil mĩth muõc.

15 ʎen abĩ puʂu miẽt ba we gãm kãŋ ẽbẽn ayĩ piẽrdiẽ. Na nhiaar we apeidit kělã, ke nhiẽrdun tẽnẽ ʎa bi kuur?

16 Abäk gam lön kęc ʎen rot tãau weyiẽth. Ku abĩ raan dõt lueel lön cĩ ʎen wõt puõk kõu piny ku dẽep we ẽ lueth.

17 Ye kẽdẽ, le raan ca tuõc we, le raan cĩ we la ruẽeny ẽ rienkiẽ?

18 ʎen aci Tito lõŋ bi la, ku cal wãmääth dõt cĩ gam ala kek ye. Cĩ Tito we ruẽeny. Cii Tito ku ʎen kẽ tẽ ʎopuõt ye looi ẽ dhẽl tõŋ thõŋ?

19 Tẽdẽ ayakẽ tak tẽthẽr wäär lön wic ʎok ye ku buk röt kony wenhiiim. Aacie tẽde! ʎok aa jam cit tẽ wic Raan cĩ lóc ku dác ye buk jĩem thĩn ke ʎo dẽei Nhialic. Ku käk yeku ke looi ẽbẽn mãthkuan nhiarku ke, aaye looi rin bi we kony.

20 ʎen ariõc puʂu ciẽt ba yök ke tẽ ye wek ke luui thĩn cii ʎen bi yuum puʂu tẽ le ʎen bẽn, ku tẽ ye ʎen ke luui thĩn acii we bi yuum puõt aya. ʎen ẽ diẽr ciẽt ye agõt, ku tuõc ẽ puʂu, ku nhiẽr ẽ rot ku tiẽel ku læt ku luõm ku nhiaam ku aliaãp kek ba yök.

21 ʎen ẽ puʂu riõc ciẽt Nhialic ya luõi bã cöl ayãr guõp tẽ ben ʎen we la neem. Ku ʎen abĩ puʂu lõny rin kóc juęc aa njot ke kęc adumuõmken thẽr puõl, käk bal cii path.

13

Lěk ciẽn

1 Kẽnẽ, yen abĩ nẽmdiẽ yic ya diäk tẽnẽ we, “Ku kuat awuõc ye luẽel raan guõp adhil a kẽn cĩ kóc karou, tẽde ke ye kóc juęc kaŋ tiŋ.” Cit tẽ ye wẽl cĩ gõt athõr thẽr wẽl Nhialic ye luẽel thĩn.

2 Wäär le ʎen we neem kẽn ye nẽm yic rou, ʎen aci kóc kãrec looi ku kuat raan dõt lěk bik cii ben la tuẽŋ ke loi kãkkã. Ku wek aa bẽn lěk ẽmẽn mec ʎen ke we. Tẽ ben ʎen la ka cĩn raan kãrec looi ba puõl ke cã tẽm awuõc.

3 Abĩ kẽnẽ dhieł nyooth tẽnẽ we lön ʎen ẽ jam rin Raan cĩ lóc ku dác. Tẽ cök yen we ka cii bi niöp, abĩ riel apeł.

4 Ee yic, ee cĩn riel wäär piẽt ye tim cĩ riũu kõu, ku ẽmẽn apĩr riel Nhialic yic. ʎok aa cĩn riel ẽ röt cimẽn wäär cĩn Raan cĩ lóc ku dác riel. Ku ẽmẽn cĩ ʎok ya tók kek Raan cĩ lóc ku dác, ʎok aabi la riel Nhialic tẽ luui ʎok kek we.

5 Więc kẽ bæk ʎen them, dhiẽlkẽ röt them ẽ röt ku abäk yök lön Raan cĩ lóc ku dác arẽr kek we. Na cie kẽya, ke wek aaci mãr.

⁶ Ku abäk yök aya lön acie këræc yen cuk looi wäär bii yök Wët Puõth Yam tēnē we.

⁷ Yök aa röök rin cīn yen këræc bāk looi, ku acie lön wīc yök ye buk röt nyuõth ke yo ye atuuc path, yök aa röök bī ya kēpath yen yakē looi cök alön ye yo tīŋ ke yo cī kuõc luui.

⁸ Yök aa kēc Nhialic yiëk riel bī yök wët ē yic rac, yök aaci yiëk riel bī yök yic yäth tuen.

⁹ Cök alön kóc yök, ke yök aa puõth miet tē ril wek, ku yök aa röök lön bī wek röt bēn cök.

¹⁰ Kēya, yēn agēt athör kēnē ke ya mec tēnē we, rin na la yet ke ya cīi ben jam wēl ræc tēnē we ē riel cī Bēny gām ya, riel bī yēn we cöl aala cök gamdun yic, acie riel ræc yēn we.

Muõth ciēn

¹¹ Ku emēn miëthakāi, miëtkē puõth. Yiëkkē wenhūim luoi la cök, piënkē wēlkië, yakē röt piëŋ wēl ku rēërkē ke dōr ē kamkun. Ku Nhialic ē nhiër ku dōr gam abī rēër ke we.

¹² Miäthkē röt ē kamkun muõth kóc cī gam. Kóc Nhialic ebēn rēër ē tēn aa we muõõth.

¹³ Bī dhēen Bānyda Jethu Krītho ku nhiër Nhialic ku Wēike rēër ke we ebēn.

Athör cī Paulo gät kɔc pan Galatia

Wēt nom

Tewēn cī ke wēt puath yam ye kɔc jam wēt Jethu jɔk bī piš̄c, acī kɔc cie kɔc Itharel bēn nhiaar. Ku wēt yen cī bēn bēn nhial ē lɔn nadē ke lōŋ Mothith yen bī dhiel theek rin bī raan jal a Krīthian. Ku ē yen kē cī Paulo bēn a jam wēt cī yen ē yic, rin wēt tōŋ ē yic, ee pīr la yic gam Jethu, yen bī kɔc rēer thīn ēbēn ke Nhialic. Ku kam kɔc cī gam pan Galatia, pan mɛc kɔc Roma Athia cōk ciēn, kɔc kɔk ke cī bēn thīn aacī Paulo bēn aa jš̄ny. Ku yekē lueel lɔn dhil raan Lōŋ Mothith theek bī jal a raan path ke Nhialic.

Paulo aca athör kēnē gōt bī gam la cōk dhušk ciēn bī kɔc cī wel nhīm cī piš̄c ē lueh cɔl aloi yic. Acī kaŋ nyuōth ke lɔn le yen yic, bī ya cɔl atuny Jethu Krītho. Acī dēt yic ke lɔn wēt ye yen cɔl atuuc abō tēnē Nhialic, acie riel ē raan, ku luonde tēnē kɔc cie kɔc Itharel ē rōt. Tēn, yen acī yen wētde dɛet yic, lɔn ee gam ē rot yen ē kɔc cɔl aala cōk tēnē Nhialic. Acī nyuōath wēlke cōk ciēn, lɔn ciēŋ path kɔc cī gam ē cāth bī kɔc cath athɛr kek nhīer, ku gam bēn bei tēnē Raan cī lɔc ku dɔc.

Käk tō thīn

Mušth tueŋ 1:1-10

Riel Paulo ye yen ke atuuc 1:11-2:21

Athör dhēŋ ē Nhialic 3:1-4:31

Lāau nom ku luoi kɔc cī gam 5:1-6:10

Thōk ē wēl 6:11-18

¹ Yen Paulo, wāär kueny Jethu kek Nhialic ba ya atuny Jethu wāär cī Wun Nhialic jōt bei raŋ yic. Acie raan ē path yen kuany ɣa ba ya atuny Jethu.

² Yen ɣok miēthakāi cī gam rēer kek ɣa ē tēn, ɣok aa gēt we athör kēnē buk wek akuut kɔc cī gam pan Galatia mušōth ēbēn.

³ Bī Nhialic Wāda kek Bānyda Jethu Krītho we gām dš̄r ku athiɛiden.

⁴ Rin bī yen ɣo lušny bei lēŋ kēnē yic, Raan cī lɔc ku dɔc acī thou rin adumušmkua rin theek yen Wāda Nhialic.

⁵ Bī Nhialic aleec akōlriēc ēbēn. Yenakan.

Wēt Puoth Yam

⁶ Kē cāk looi acā gōi apɛidit. Kam thiin yen cī wek guō jal raan wāär cɔl we aa ril cōk, Bānyda Jethu. Ku yakē gam piōoc dēt yakē cɔl aye Wēt Puoth Yam wēl athör kɔk.*

⁷ Ku yeen acie Wēt Puoth Yam acīn. Ku wēt lueel ɣen ye kēlā, ē rin ala kɔc kōk wic ye bik kɔc la liāp nhīm, ku wickē bik athör wēl Jethu waar yiic.

⁸ Na cōk atuny Nhialic, nadē ke ye ɣo, ɣok piōoc kē cī thōŋ kek athör wēl Jethu wāär cuk piš̄c tēnē we, ke diēt Nhialic nāk raan kē cīt kēnē looi ku cuet mɛɛc.

⁹ Acuk kaŋ lueel, ku abuk bēn ber yic emēn, na le raan piōoc we wēl cī thōŋ kek wēl cāk gam thɛɛr, ke diēt Nhialic cɔl anāk raan kēnē ku cuet mɛɛc.

¹⁰ Ye ciēt alɛɛc ē raan yen wiēc emēn? Acie ye, kē wiēc alɛɛc Nhialic. Ye lɔn bī ya piŋ raan ēbēn? Na ɣa ŋoot ke ya them ba looi kēya, ŋuōt ɣen acie alony ē Jethu.

Paulo acī Nhialic cɔl

* 1:6 Rin diik Raan cī lɔc ku dɔc.

11 Calkë alëk we miëthakäi cï gam, wët Jethu ya piöcc tënë we acie wët raan ë path.

12 Acä yök tënë raan ë path, ku acie raan ë path yen piöcc yen ë wëlkä. Ee Jethu nom yen aa nyuth ke ya.

13 Acï lëk we yen të ciëŋ yen thïn wäär rëer yen kam kōc Itharel ë löŋden yic, ku të ye yen kōc cï wët Jethu gam näk thïn. Ku aca them ba akut kōc cï gam rac.

14 Acïn raan wär ya thëk löŋ Mothith, löŋ kōc Itharel, ee kōc riëc kek ya yiic ëbën. Löŋ wärkuan dīt athëek apeī dīt.

15 Nhialic ë dhëŋde yic, yen ago yen guō kuany ke ya kēc cak dhiëeth, ku cōl yen ba ya aluonyde,

16 bi Wënde cōl anyuth rot ya, ku ba wëtde la piöcc tënë kōc cie kōc Itharel. Acïn raan cï yen la tënë ye bi ya la wëët,

17 nadë ke ya cï la Jeruthalem ba atuuc wäär kek kōŋ la wët Nhialic yic tënë ya, la tīŋ bik yen la lëk kē luōi. Yen acï la Arebia nyin yic, ku dhušk Damathkuth.

18 Yen acï run kadiäk bën la thöl, ku jal dhuk Jeruthalem ba wël la deet tënë Pīter. Ku la rëer kek Pīter tēcit tēn nīn kathiäär ku ŋuan.

19 Acïn atuuc kōk juëc ca bën yök, ee Jemith mēnh ë Bānyda Jethu ë rot yen aca bën yök.

20 Kē gāt we ë yic. Aŋic Nhialic acie lueth yen luēl.

21 Nawēn ke yen acï bën la bēi kōk yiic pan Thiria ku pan Cilicia.

22 Ye nīnkä kōc akut kōc cï gam pan Judia aake kuc ya.

23 Kēnë ŋickë ë kēnë ye kōc kōk luēl ëlä, “Mony wäär yo nōk yok kōc cï gam, yen apiöcc wët wäär wīc bi rac emēn.”

24 Ku yen aacï kek Nhialic bën leec rin cï yen ya wel puū ba ya raande.

2

Paulo ku atuuc kōk

1 Na la ruōn thiäär ku ŋuan thök ke ya ben la Jeruthalem yok Barnaba, ku luath Tito kek ya.

2 Yen a ya la Jeruthalem rin cï Nhialic ye nyuōth ya ba dhiel la. Na la rōm ë rot kek kōc wat akut ë kōc cï gam nom Jeruthalem, ke jal lëk ke yen Wët Puoth Yam Jethu ya piöcc tënë kōc cie kōc Itharel. Rin acä wīc bi kē ca looi theer ku kē luōi ya akōl ciēn kēpuoth yok thïn.

3 Raandiēn wēn cath kek ya cōl Tito, tēwēn cok yen a raan pan Gīrik acïn raan cie mac thïn bi cōl aŋot,

4 cok a wäär wīc kōc kōk ye bik looi kēya. Kōc kōc aake ye rōt looi bik aa kōc cï gam, ku keek aake ye rōt kuēl akut yic ke ye luum, aa wīckë bik ŋic ye nom läū ŋō yen rēer kek yok, kōc cï mat kek Jethu. E wīckë bi ya löŋ Mothith yen yeku theek.

5 Ku rin wīc yok ye buk Wët Puoth Yam ŋiēc muk tënë we bāk yic ŋic, wētden akēcku bën gam.

6 Ku kōc wäär kek ye ke cōl kōc wat akut nom, kēnë a luēl rin acïn kē ye waar tënë ya, ye kek yiŋa. Nhialic acïn raan ye luōk wēi, acīi kōc ye tek yiic, kōc rōt cōl kek wat akut nom, acïn kōk yam cīk nyuōth ya.

⁷ Acie këya, acik tij lön ë Nhialic yen acä gäm ë luoi kënë, ba Wët Puoth Yam nyuöth kəc cie kəc Itharel, cimën wäär cı Pıter kuany bı Wët Puoth Yam la nyuöth kəc Itharel.

⁸ Ee riel Nhialic yen acı ya looi ba ya atuuc rin kəc cie kəc Itharel, cimën wäär cı Pıter looi ke ya atuuc tənë kəc Itharel.

⁹ Jemith, ke Pıter ku Joon wäär cıt kek kəc wat akut nhom, acik bën njic lön ë Nhialic yen acı ya gäm luoi kënë. Aacı yo bën döm cin yen ku Barnaba, ku bı nyooth lön yok aa loi tök ke ke. Ku jolku gam lön yen ku Barnaba, yok aabi luui kek kəc cie kəc Itharel, ku keek aabi aluui kek kəc Itharel.

¹⁰ Kë cik bën thiëc tënë yo ë lön buk kəc njöñ nyin akuötden yic aa kony, ku kënë yen ë kë nhiaar ba looi.

Paulo acı kë looi Pıter maan

¹¹ Tëwën rëet Pıter Antiök, yen acı bën jai wëtde kəc nhüim ëbën rin cı yen awuöc looi awuöc deei kəc ëbën.

¹² Wäär këc kəc cı Jemith ke tooc guo yëët, Pıter aye müth kek wämäthakua ke ye kəc cie kəc Itharel, na la käckä yëët, ke Pıter tem yethok bı cıi bën müth ke ke, rin cı yen guöp riöc kəc ye lueel lön kəc cie kəc Itharel aadhil noot.

¹³ Kəc Itharel wäär rëer thin aaci bën met Pıter cök agut cı Barnaba acı met thin aya, ee luoi kariöc kënë yic.

¹⁴ Na wäär la tij lön keek aacı cath dhël la cök dhël Wët Puoth Yam yic, guo lëk Pıter kəc nhüim ëbën, “Yin ë raan Itharel ku yin rëer kek kəc cie kəc Itharel ke yı cıt ke, yenö ye yin kəc cie kəc Itharel lëk bik pır, pır kəc Itharel?”

Kəc Itharel ku kəc cie kəc Itharel aaye gam kony ëbën

¹⁵ Ee yic, yok acı dhiëeth yo ye kəc Itharel, ku yok acie kəc thäi kəc la gup adumuööm, cıt tē ye ke caal thin.

¹⁶ Ee këya, anjicku lön ë njöth Jethu, yen ë raan cöl ala cök Nhialic nhom, gam cı raan wët Jethu gam yen ë raan cöl apır Nhialic nhom. Ku acie thëk löñ theer yen kəc cök piny Nhialic nhom. Yook aya, acuk gam yen wët Jethu, ku bı Nhialic yo kony buk la cök yenhom. Ku acie thëk löñ theer yen bı yo kony, rin acın raan la cök Nhialic nhom rin ye yen ke löñ theer theek.

¹⁷ Na yeku them buk la cök Nhialic nhom rin cı yok mat kek Jethu, ku yeku gup la adumuööm cimën kəc cie kəc Itharel, ye kënë nyuöth lön ye Jethu ye nhiaar bı raan adumuööm looi? Acie yic.

¹⁸ Na wiëc ba löñ ca rac bën cök, ka ye nyuöth lön yen ë lööñ dhoñ ksth.

¹⁹ Yen a ya pır aya wätheer təcıt tē wıc löñ ye thin. Ku wäär cı yen wëer bei ë löñ kënë yic, acı rot bën lëu ba pır tənë Nhialic, ciët ya cı nöc kek Jethu tim cı riü käu.

²⁰ Rin acie yen, yen ben wëikië muk. Ee Jethu yen ajöl pır yaguöp. Pır pır yen ëmën, yen apır, pır rin gam cı yen wët Jethu gam, raan nhiaar yen arëc abı wëike gam rienkië.

²¹ Yen acıi jei dhëëñ ë Nhialic. Ku na raan ye la cök Nhialic nhom rin löñ theer, ka nyooth lön Raan cı löc ku dəc acı thou ë path.

3

Löñ, tädë ke ye gam

¹ Kəc cın puöth pan Galatia! Yenja cı we wel puöth? Ku thon Jethu Krıtho tim cı riü käu acäk pır.

² Lëkkë ya tööj kënë, we yök Wëi Nhialic rin cī wek löj theer theek, aye rin cī wek Wët Puoth Yam gam?

³ Yenjö jal wek ciën puoth këlä, bāk jōok Wëi Nhialic, wiëckë emën bāk thöl nhom riëldun ë röt?

⁴ Cīn kë cī kuat kārīl cāk ke yök waar wegup? Ee yic aala kë cī dhiël looi.

⁵ Ye Nhialic kë dīt koc göi looi kamkun, ku gēm we wëike rin theek löj Mothith, ku aye rin cī wek ke Wët Puoth Yam piñ ku gamkë?

⁶ Tiëjkë wädīt Abaram, aci lueel athör theer wël Nhialic yic, “Lōn cī yen Nhialic gam, ku rin cī yen wët Nhialic gam aci Nhialic bën looi bī la cök yenhom.”

⁷ Alëukë bāk deet yic lōn mīth Abaram ayic, aa koc cī wët Nhialic gam cīmën wäär cī Abaram ye gam.

⁸ Acī gōt athör theer wël Nhialic yic lōn Nhialic abī koc cie koc Itharel looi bīk la cök yenhom, rin gam cī kek wëtde gam. Ke yen athör theer aci Wët Puoth Yam nyuōth Abaram ëlä, “Rienku, Nhialic abī raan wut ëbën döc.”

⁹ Abaram aci wët Nhialic gam, go Nhialic döc. Ku yen tēde ëbën, kuat raan cī Nhialic gam aye döc cīmën Abaram.

¹⁰ Koc lui löj theer, aciëen rac aņoot panden. Rin aci lueel athör theer wël Nhialic yic ëlä, “Kuat raan cie kë cī lueel löj yic theek ëbën, atō aciëen rac yic.”

¹¹ Emën aci rot nyuōth lōn acīn raan bī la cök Nhialic nhom rin löj theer, rin aci athör theer wël Nhialic lueel ëlä, “Ee raan cī Nhialic gam ë rot yen abī pīr la cök yök Nhialic nhom.”

¹² Ku löj theer acīn yic gam, tēcīt tē cī athör theer wël Nhialic ye lueel thīn ëlä, “Raan ye looi kë cī löj lueel ëbën yen abī pīr.”

¹³ Rin cī Jethu thou rienkua, aci yök wëer bei thou yic, thon yen ye löj lueel, rin aye athör theer wël Nhialic lueel, “Raan cī nōk ku nōk tim nhom ë raan cī Nhialic tēm awuōc.”

¹⁴ Acī Jethu looi këya, ku bī döc Nhialic wäär cī lueel ka bī gām Abaram, bī gām koc cie koc Itharel aya rin Jethu. Ku rin gamda yen abī yō cōl aa yök Wëi Nhialic wäär cī thōn yen Nhialic.

Lōj ku wët cī thon

¹⁵ Miethakāi cī gam, ee kën rot looi akōlakōl yen aba thōōj, tē cī koc karou nyuc ku gamkë wët tōk ku gātke athör ku thenykë yic, ka cīn raan ben kë wën dhoj kōu, nadë ke juëk thok dēt këc ë mat.

¹⁶ Nhialic aci athōnde lëk Abaram ku tēnë manhde. Acīi athör theer wël Nhialic ye lueel, “Ka miethke,” Ku wëtde yic koc juëc, aye lueel, “Manh tōk,” Ku manh kënë yen ë Raan cī lōc ku döc.

¹⁷ Kë wiëc ba lueel ë kënë yic, ee lōn nadë ke Nhialic aci mat kek Abaram, ku yeen aci bën muk nhom apath. Löj wäär gēm ruōōn buat kaņuan ku thiardiäk cök, acīi kë cī Nhialic gam kek Abaram bī bën dhoj kōu.

¹⁸ Na miōc Nhialic ye gam rin löj, ka cīi ben a kë cī thōn yen lui. Këya, ee rin wët wäär cī Nhialic thōn wädīt Abaram yen agem Nhialic kënë tēnë ye.

¹⁹ Ke yeen, yenjö kë looi löj? Löj aa met Nhialic thīn, rin bī käreç röt looi aa nyuōth. Ku bī rëer thīn yet tē bī manh bī lōk dhiëeth kuat Abaram yic bën, raan wäär cī Nhialic wët thōn Abaram ë rienke. Löj atuuc ë Nhialic kek aake bīi ye piny, ku gëmkë raan cī jal bën.

²⁰ Ku na ye akut tōk, ke raan tō kam koc acīi ben wīc, Nhialic ë tōk.

Wët looi ë löŋ

²¹ Cī löŋ kāk cī Nhialic thōn dhāl yiic? Acie këya rin na kōc pinyňhom cī löŋ yök, löŋ bī pīr akōlriëec ëbēn bëxi, diët raan ëbēn aci la cök Nhialic nhom rin theek yen löŋ kēnē.

²² Ku aci gōt athōr thëer wël Nhialic yic lōn pinyňhom ëbēn arëer riel jōnrac yic, ke yen wët wäär cī Nhialic lueel ka bī gām kōc rin Jethu, aci gām kōc cī wët Jethu raan cī lōc ku dōc, gam.

²³ Ke gam kēnē këc yëët, löŋ aci ŷo looi buk ciët kōc cī mac, yet tēwäär jōl wët puōth yam rin gam war kōc nyuōōth.

²⁴ Ku ë löŋ yen ë muk kōc yet tē bī Raan cī lōc ku dōc bēn bī ŷo bēn cōk piny Nhialic nhom, rin cī ŷok wëtde gam.

²⁵ Ëmēn cī wët Jethu bēn ku gamku, löŋ acie yen ben ŷo mac.

²⁶ Ee gam yen ë we col aaye mīth Nhialic ë tōk kek Jethu raan cī lōc ku dōc.

²⁷ Wek cī muōōc nhīm bāk aa tōk kek Jethu. Wek aa cienj alanh pīr kek Jethu guōp.

²⁸ Këya kōc Itharel ku kōc cie kōc Itharel, alony ku raan cie alony, tik ku moc aa thōŋ ëbēn, week ëbēn wek aa tōk, wek cī mat kek Jethu raan cī lōc ku dōc.

²⁹ Na yakē kōc Raan cī lōc ku dōc, ke wek aa mīth Abaram, ku wek aabi këwäär cī Nhialic thōn Abaram yök.

4

¹ Kē lueel akīn, manh koor yen bī kāk wun lōk thōn aye jōōr cīmēn alony cōk alōn ë yen ala kāŋ ëbēn.

² Tē ŋot koor yen ala kōc kōk ye muk, ku loikē bī kē cīk lueel dhiel apin, yet akōl bī wun ye lueel meth aci dīt alēu bī kākke jal thōn.

³ Ee këya, wäär aya ŷok aa ŷo ye alony jak la riel pinyňhom, wäär këc ŷok yic guō ŋic.

⁴ Na wäär la nīn thōk, go Nhialic Wēnde tuōōc pinyňhom. Aci bēn kecīt raan bī dhiëeth tik ë path. Ku muk löŋ kōc Itharel,

⁵ bī kōc bēn kuōny bei löŋ kēnē yic, ku bī nadē ke ŷo ye mīth Nhialic.

⁶ Rin ye wek mīth Nhialic, Nhialic aci wēi Wēnde tuōōc ŷopuōth, ku wēi ë ŷo col adhiāu ëlä, “Wā, Wādīē.”

⁷ Këya yīn aci ben alony, yīn ë manhde. Rin ye yīn manh Nhialic, Nhialic abi yī gām kāk ke cī tāu miëthke.

Paulo anhiar kōc pan Galatia

⁸ Thëer wek aa we kuc Nhialic, ku këya wek aa we ye loony jakrēc cie Nhialic.

⁹ Ku ëmēn ŋic wek Nhialic tēdē alēu ba lueel aya lōn Nhialic anjic we, ye kēdē wic wek ye bāk dhuk tēnē jakrēc niōp wäär mac piny? Yenō wic wek ye bāk bēn aa loony cīmēn thëer wäär?

¹⁰ Bī ya nīn kōk kek yakē ke muk nhīm, ke pēi ku run aya.

¹¹ ŷen aci yic ŋeer we! Lēu bī ya luoi ëbēn ca looi tēnē we yen cīn wëtde yic?

¹² Wek aa liem miëthakāi cī gam, calkē rōt aa cīt ŷa. Ee yic ŷen aya, ŷen acīt we. Acīn kārēc cāk luōi ŷa.

¹³ Adhielkē muk wenhīm lōn wäär piōōc ŷen wët Jethu tēnē we tuenj, ee rin wäär tuēny ŷa.

14 Ku na cök a wäär cī tuaanydië we jət puəth, wek aa kēc ɣa bən jai ku cuəpkē ɣa wei. Ee këya, wek aaci ɣen bən lor cit ɣa atuny nhial bō pan Nhialic, wek cā bən lor, lur bi wek Jethu raan cī lōc ku dōc lor.

15 Wek aa we cī puəth miət! Yenō cī rot looi? Alēu ba lueel lōn lēu wek ye bāk nyiēnkun njuēt bei, ku gām kē ke ɣa, tē lēu yen rot.

16 Ca ya raan aterdun ēmēn rin cī ɣen we lēk yic?

17 Kek kōc kōkkā rōt nyuəəth bīk aa kōc nhiar we, acie kēpath, ee ku bīk ɣen tek yic kek we, ku bāk ke nhiar cīmēn nhiēer kek ɣa.

18 Ēmēn apath akōlakōl bāk la nhiēr path ke ye yen nhiēr la cök, ku kēnē ē yic, ku acie tē rēer ɣen ke we ē rōt.

19 Miēthkiē, kōc cī gam, aben lēk we, kē dēt cīmēn tiŋ rem yic dhiēth, aya yōk yen ē tē rēm ɣa, yet tē bi wēt Jethu la cök wepuəth.

20 Anhiar ba rēer ke we ēmēn, ku ba tē ye ɣen tek thin ē riēnkun waar yic. ɣen aci yic nēer wētdun apēi.

ɣagār ku Thara

21 Calkē rōt athiēc ēmēn, wek kōc wic ye bi ya lōŋ yen yakē theek, kē ye lōŋ lueel cāk ye piŋ?

22 Aye lueel Abaram aa la dhāk karou, dhāj tōk aye manh tiŋ alony, ku tōk ke ye manh tiŋden cī thiaak cie alony tēnē ye.

23 Dhōŋ tiŋden alony ēcī dhiēth ē path. Ku dhāŋde kek tiŋden cī thiaak cie alony, ee Nhialic yen aci ye lueel këya.

24 Kākkā aa lēu bi ke deet kecīt kē thōŋ kek dēt ril, diäär karou aatō nyin lōŋ dōr karou yiic. Kē tuelj aci lōŋ cī Nhialic looi gōn Thinaï nhom, ku keek aa mīth tiŋ alony yen cōl ɣagār.

25 Tiŋ cōl ɣagār yen arēer nyin gōn Thinaï pan Arebia. Alēu bi thōŋ aya kek gen Jeruthalem ya akōl, ku kōc rēer thin aa cit aloony rin lōŋ.

26 Gen Jeruthalem rēer pan Nhialic yen ē gen path la duk ku aci mada.

27 Aye athōr theer wēl Nhialic lueel ēlā,

“Miēt puəu, yīn tiŋ cīn meth!

Loi lala ku loi kiēu miēt ē puəu, yīn raan kēc

arēm rōm ē dhiēth kaŋ yōk!

Rin tiŋ cī moc puəl yen abi mīth juēc dhiēth

tēnē tiŋ rēer kek moc.”

28 Ēmēn, ke wek miēthakāi kōc cī gam, wek aa mīth Nhialic tēcīt tē wäär cī ye lueel thin cīmēn Ithāk wäär.

29 ɣon theer manh wäär dhiēth ē path aci manh wäär dhiēth riēl Nhialic bən baŋ, ke yeen athōŋ kek ya akōl.

30 Ye athōr theer wēl Nhialic lueel kēdē? Aye lueel, “Cuəp tiŋ alony wei kek wēnde, rin manh tiŋ alony aci kāk wun bi rōm kek manh tiŋ cie alony.”

31 Ee këya miēthakāi cī gam, yōk aacie mīth tiŋ alony, yōk aa mīth tiŋ cie alony.

5

Muəkkē lāäu nomdun apath

1 Nhom lāäu yen ē kēda. Ee Jethu raan cī lōc ku dōc yen aci ɣo gām nom lāäu! Kāäckē apath ke we ye kōc lāäu nhīm, duəkkē rōt cōl aben aa loony ē lōŋ cīmēn theer.

² Piεnjkē! Ee ʒen Paulo, alēk we na calkē rōt aʒot, ke wētde yic ē lōn tēnē we kē cī Jethu looi, acīn kē cī kuōny we.

³ Wek aa ben lēk wēt dēt, acīn raan cōl rot aʒot rin theek yen lōʒ ēbēn.

⁴ Kōc kōk tō kamkun ye them bik la cōk Nhialic nhom rin theek kek lōʒ, aa rōt tēem wei tēnē Raan cī lōc ku dōc. Aaliu dhēēʒ Nhialic yic.

⁵ Rin ʒook kē ʒōthku ē lōn bī Nhialic ʒo cōl aala cōk tēnē ye, ku ē yen kē tiit ʒok riēl Wēi Nhialic lui gamda yic.

⁶ Rin tē cī ʒok mat kek Raan cī lōc ku dōc Jethu, ka cie ʒuōt, nadē ke ʒo kēc ʒoot yen kony ʒo, kē ril ē gam ye nhiēr bēēi.

⁷ Wek aa we lui apath! Yeʒa cī we ben pēn thēk ē yic? Cī we rac nhīim kēdē?

⁸ Acie Nhialic raan cī we cōl yen lui kēya.

⁹ “Ee lon koor yen ayumdīt cōl apiāār,” tēcīt tē ye ye lueel thīn.

¹⁰ Ee kēya wek ʒot we ʒāāth apēi. Wēt piēda ke ʒo cī rōt mat kek Bēny, ee we cōl aʒāāth ʒapuōu lōn wek acīi wenhīim bī waar. Ku yeen, raan yen rēc wenhīim, tē cōk yen a raan yīndē ka ʒot bī Nhialic gām awuōc.

¹¹ Ku tēnē ʒen, miēthakāi cī gam, na la tuenʒ ke ya lueel ʒuōt apath, ke yeʒō yen ben nāk ʒen? Na ye yic, diēt kē ya piōcōc rin tim cī rīiu Raan cī lōc ku dōc, diēt akēc ʒa maan.

¹² Awiēc bī kōc we liāāp nhīim, rōt rac ē rōt.

¹³ Ku tēnē we miēthakāi cī gam, wek aa we cōl bei bāk cīi ben ciēt aloony lōʒ thēer yic. Ku duōkkē kēwāār cī wek wēēr bei lōʒ thēer yic, cōl amār we bāk aa luui kārec. Calkē aye nhiēr kamkun yen mac we.

¹⁴ Rin lōōʒ thēer ēbēn aacī ke mat tōk yic ēlā, “Nhiar raan dēt cīmēn nhiēer yīn rot.”

¹⁵ Ku na yakē luui cīmēn lāāi rēēr roor, bāk rōt aa nōk kamkun ē rōt, ke ʒieckē wenhīim wek aabi rōt thōl ē rōt.

Wēi Nhialic ē kōc cōk puōth

¹⁶ Aye lueel, calkē aye Wēi Nhialic yen we cōk nhīim. Ku acie kē wīc ʒuōp yen bāk aa looi.

¹⁷ Rin kē wīc ʒuōp raan acie yen kē wīc Wēi Nhialic, ku kē wīc Wēi Nhialic acie yen ke wīc ʒuōp raan. Kākkā karou aman rōt kamken, ku wētde yic ē lōn kē wīc ba looi yīpuōu acīi lēu ba looi.

¹⁸ Na ye Wēi Nhialic yen thel yī, ke yīn acīi lōʒ thēer ben mac.

¹⁹ Kē ye raan liiu Wēi Nhialic yepuōu looi aye tīʒ gei. Ee rot nyuōōth ke rac apēi, ku acīn yic athēēk,

²⁰ tē ye ʒōʒ cī kiēēt door ku tīt, kōc aa rōt maan ku aa thōr, aa rōt til ku dīitkē puōth. Aake yīic tēēk akuut.

²¹ Kōc aa rōt maan, ku aa wīēet māāu ku bal, kuat kārečkā aayekē ke looi. Wek alēk ēmēn, cīmēn wāār cī ʒen we kaʒ lēk, kōc kāk cīt kākkā looi aacīi bī kaʒ la bāāny Nhialic yic.

²² Ku Wēi Nhialic ē kōc gām nhiēr ku miēt puōu, ku dōōr ku pēl rōt piny, ku liēr puōu ku piath ku gam,

²³ ku athēēk, ku duut puōu. Acīn lōʒ man kāk cīt kākkā.

²⁴ Kōc ē Raan cī lōc ku dōc Jethu, aacī kārec ye ʒuāpken wīc, ku kārec yekē ke nhiaar kepuōth puōl ēbēn bik liu kegup.

²⁵ Wēi Nhialic acī ʒo gām pīr akōlriēēc ēbēn, ku adhīl wēikua tiit aya.

²⁶ ʒok acīi dhīl nhiam nadē ke ʒo man rōt kamkua, tēdē ke ʒo til rōt.

6

Kony raan dēt kērac yic

¹ Mīth ma cī gam, na le raan yök kamkun ke loi kērac, ke kōc la gam ril kamkun la thīn bīk cōk puōu piny, ku adhīl looi ē dhēl path. Ku tiētkē rōt apath bāk cī mēr dhēlde yic aya.

² Yakē rōt kony kamkun, na luōikē kēya, ke wek cī lōj Raan cī lōc ku dōc theek.

³ Na le raan ye tak kamkun lōn yen adīt kōc ēbēn, ke yen rot math yetōk.

⁴ Raan ēbēn adhīl rot jōōny ē rot. Na ye kēpath yen cī looi ke jōl many ye, ku cī thōōj kek kē cī raan dēt kaŋ looi thēer.

⁵ Raan ēbēn abī ya thiēc kēden cī looi.

⁶ Kwat raan ye piōc wēt Jethu adhīl kāpuōth tō kek ye rōm kek raan piōc ye.

⁷ Duōkkē rōt ye math ē rōt. Duk ye tak lōn cī Nhialic yī bī tēm awuōc tē kuc yīn ye. Kāpath ku kārec ye raan ke looi aa ye atiit tuēj.

⁸ Na ye raan luui kērac, ke thou yen ayōk, ku na looi kē wīc Nhialic, ke Wēi Nhialic abī pīr akōlriēc ēbēn gām ye.

⁹ Kēya, dukku go dhōr luoi kāpath, rin na cuk go dhōr, ka akōl alōj kāpath acī thiōk, buk kāpath yök thīn.

¹⁰ Ku kēlā tē lēu yōk ye, ke yōk aadhīl kāpath looi tēnē kōc ēbēn, ku jōl aa kōc rēer yōk ke gam tōk yic apēi.

Muōth ciēēn

¹¹ Tiēnkē kīt dīt nyīn ya ke gōt tē gāt yēn we athōr ē ciēēndiē.

¹² Kōc ye wīc riēl bīk we cōl aŋot, kek aa kōc ye wīc bīk rōt aa nyuōth ku yekē nhiam kāk ye tīj guōp yic ē path. Ayekē looi kēya rin cī ke bī nōk, rin ye kek ye piōc lōn thon Jethu tim cī rīiu kōu yen abī kōc kony ē rot.

¹³ Ayī kōc ye cak ŋoot aacī lōj ye theek, awīckē bīk we ŋoot bīk nyuōth lōn wek aacī wētden gam.

¹⁴ Ku na ye yēn, ke thon Bānyda Jethu Krītho tim cī rīiu kōu yen aye yēn nhiam ē rot. Ku rin cī Jethu thou riēnkiē tim cī rīiu kōu, acā ben wīc ba kāk ye looi pinyhom buōth yiic, ku kōc ē luui kāk pinyhom aacī ya nhīar.

¹⁵ Acīn kē ye looi tē cī raan ŋoot nadē ke kēc ŋoot, kēn rot looi ē lōn nadē ke yīn acī cak cāj ē yam.

¹⁶ Ku rin kōc pīr wēt Jethu bī dōr Nhialic ku pēl wēt piny rēer ke ke, ku kōc Nhialic ēbēn aya.

¹⁷ Thōk ē wēl, cīn raan ben yēn luōi aliāāp, rin piār rēer yaguōp ēbēn, aa piēr ye nyuōth lōn yēn alony Jethu.

¹⁸ Bī dhēēj Bānyda Jethu raan cī lōc ku dōc rēer ke week ēbēn, miēthakāi cī gam.

Athör cī Paulo gät kɔc Epethuth

Wēt nom

Wēt tuen kam kəriëc ebën yen gēt Paulo athör kënë tënë kɔc Epethuth ë wēt kënë, “Kë cī Nhialic guir, ke bī jal thöl akölden cī tak. Ee lön bī yen kāk cī cak ebën nhial ku piny mat yiic, ku tēu Raan cī lɔc ku dɔc kenhīm tuen,” (1:10) Kɔc cī gam aya awic ke bik deet yic, ku bik ya pīr kēdiit cī Nhialic guir kënë yic. Ku bī kɔc aa tōk ebën kek Jethu Krītho.

Aban athöör yic tuen, aci Paulo nyuōth tē bī kɔc keyiic mat thīn, ke lēk kɔc dhēl cī Nhialic kacke kuany thīn. Ku ye kēdē cī ke adumuōm pāl piny thīn, ku yīk kɔc lāāu nom ë Wēnde Jethu Krītho. Ku aye Wēi Nhialic nyuōth ɣo lön bī athōn Nhialic yenhom tīeɲ. Paulo ë kɔc ba athöör kueen lēk aban ë rou yic, lön nadē ke kɔc bī ya tōk kek Raan cī lɔc ku dɔc adhil ayic ë piēden yic kedhi. Aci jam ë waal juēc tē bī kɔc ë Nhialic luoi tōk aa nyuōth thīn, ke cī rōt mat kek Raan cī lɔc ku dɔc. Akut kɔc cī gam acit guōp, ku ye Raan cī lɔc ku dɔc yen nom, tēdē ke cīt luak ku ye Raan cī lɔc ku dɔc mēen, tēdē ke ye tik, ku ye Raan cī lɔc ku dɔc muōnyde. Athör kënë ë jam wēl thiek yiic apeī, rin raan ë gät ye agēt ë guiēr cī dhēeɲ Nhialic rēer kek Raan cī lɔc ku dɔc bēi yenhom ku yepuō. Ku kuat kəriëc ebën aye tīj nhiēr Raan cī lɔc ku dɔc yic, nāāk, ku pēl piny adumuōm, ku dhēeɲ la cōk.

Kāk tō thīn

Muōth tuen 1:1-2

Raan cī lɔc ku dɔc ku luaj ë Nhialic 1:3-3:21

Pīr ë yam rēer ke Jethu 4:1-6:20

Muōth ciēn 6:21-24

¹ Ee yen Paulo cī Nhialic kuany ba ya atuny Jethu Krītho. Tënë kɔc Nhialic rēer Epethuth, kɔc cī Jethu Krītho gam piēden yic.

² Bī Nhialic Wāda kek Bānyda Jethu Krītho we gam dōr ku athiēi.

Raan cī lɔc ku dɔc ë dɔc wēi bēi

³ Lecku Nhialic Wun Bānyda Jethu Krītho! Rin cī ɣok rōt mat kek Jethu Krītho, aci yen ɣo yiēk dɔc wēi ë riel nhial.

⁴ Thēer ke piny kēc cak, Nhialic aci ɣo kuēny bei buk aa miēthke, wēt cī ɣok mat kek Jethu, aci ɣo cɔl aye kacke, kɔc cīn gup awuōc.

⁵ Rin nhiēer yen ɣo, aci Nhialic looi thēer lön bī Jethu Krītho ɣo cɔl aye miēthke, ku kënë yen ë miet puō Nhialic yen wic.

⁶ Lecku Nhialic rin kāpuōth juēc apeī cī gām ɣo ë path, rin cī yen Wēnden nhiēer juaar rienkua.

⁷ Rin thon Raan cī lɔc ku dɔc aci ɣok jāl riel jōɲrac yic, rin cī adumuōmkua pāl piny. Ku kēya, aye Nhialic nyuōth ɣo lön diit dhēeɲde apeī.

⁸ Dhēeɲ cī gām ɣo ke dit apeī, rin nīēc ku dēt yic kā.

⁹ Aci Nhialic nyuōth ɣo yen kēden cī guir bī looi, ku acuk ɣok tënë Raan cī lɔc ku dɔc, cōk a lön wäär cī yen ye thiaan.

¹⁰ Kē cī Nhialic guir ke bī jal thöl akölden cī tak, ee lön bī yen kāk cī cak ebën nhial ku piny mat yiic, ku tēu Raan cī lɔc ku dɔc kenhīm tuen.

¹¹ Ee rienke yen aye ɣo cɔl aye mīth Nhialic. Kəriëc ebën aaci Nhialic guir kēya wāthēer, ku ë yen ke biōk tēcīt tē wic ye.

¹² Kēya lecku Nhialic ɣok kɔc tuen wäär cī la nōth tënë Raan cī lɔc ku dɔc.

¹³ Ku emën aya, wek aaci yic pinj, yiny yen wët puoth yam ye Nhialic we lušk. Ku wäär ci wek Raan ci lɔc ku dɔc gam, aci yen we yiək Wëi Nhialic wäär ci thon ka bi yiək kacke. Wëi yen ë ye nyuwoth lɔn ye wek kacke.

¹⁴ Ku Wëi Nhialic yen ë ye nyuwoth lɔn bi yɔk kawäär ci Nhialic thon ka bi yiək yɔ yök. Ku aye kënë nyooth lɔn ci Nhialic yɔ wëer bei riel jɔnrac yic buk aa kacke. Këya, buk Nhialic aa leec aköläköl.

Röök ë Paulo

¹⁵ Ku wët kënë, tēyɔn pinj yen gäm ci wek wët Bëny Jethu gam, ku nhiër nhiëer wek kacke,

¹⁶ yen akëc yen nom kanj määar ba we atak, tē röök yen Nhialic aya leec rienkun.

¹⁷ Yen ë rëer ya thiëc Nhialic Wādan la diik, ku yen Wun Jethu Kritho, bi we gäm Wëike bi we cɔl anj kənj, ku nyuth we Nhialic bāk njic apath.

¹⁸ Yen ë röök aya bāk yic njic. Këya bāk njic lɔn ë yen yic lɔn bi wek kajuëc puoth ci tōsu tēnë we yök, rin ci yen we cɔl. Ku abāk njic aya lɔn kajuëc puoth ci thon bi ke gäm kacke aa thiek yiic apei.

¹⁹ Ku këya, abāk njic aya lɔn rielde adit kənj ëbën. Ku yeen alui yɔgup rin ci yɔk wëtde gam. Riel lui yɔgup kënë athöj ke rieldit,

²⁰ wäär jöt yen Raan ci lɔc ku dɔc bei ranj yic, kam kɔc ci thou ku jɔt nhial, ku nyuuc köj cuëc Nhialic.

²¹ Raan ci lɔc ku dɔc amac wëi ril tō nhial ëbën, cɔk alɔn le kek rieldit. Rienke aa thiek yiic tēnë rin bānydit mëc. Ku acie bāny mëc emën ë röt, aabi yiic thiek tēnë rin bāny bi mac aköldä.

²² Ku Nhialic aci keriëec ëbën täau yecök, ku looi bi a yen wat akut kɔc ci gam pinynhom.

²³ Ku akut kɔc ci gam yen ë guöp Raan ci lɔc ku dɔc, yen thiänj wëi Raan ci lɔc ku dɔc. Ku ë yen pír gam keriëec ëbën tēriëec ëbën.

2

Thon ci ya pír

¹ Thëer, Nhialic aci we tēm thou rin awuöcđit rëer wegup.

² Wäthëer wek aa we ye jɔnrac, jɔnj yen mac jakrɛc ëbën buwoth cök, jɔnj yen ye kɔc ci Nhialic thek wëtde gam emën.

³ Yɔk aa yɔ thöj ke ke, ke yɔ pír pír rac. Ayeku looi kuat kāk wíc guäpkua ku piäthkua. Ku pirdan rac aye Nhialic yɔ tēm awuöc cimën kɔc kök ë luui käreç.

⁴ Nhialic ayer pušu, ku nhiër nhiëer yen yɔ adit apei.

⁵ Nawën cɔk atiëpkua thou rin adumuösm juëc rëer yɔgup, yɔk aaci Nhialic cɔl aben pír kek Raan ci lɔc ku dɔc. Ku ee dhëej Nhialic yen aci yɔ lušk.

⁶ Ku rin ci yɔk aa tök kek Raan ci lɔc ku dɔc Jethu, Nhialic aci yɔ jɔt ë thou yic ku buk rëer bäänyde yic nhial kek Jethu Kritho.

⁷ Ee looi Nhialic këya rin bi kɔc aköldä piathden cïn kë thöj kek tijn, rin nhiëer yen yɔ, rin Raan ci lɔc ku dɔc Jethu.

⁸ Rin ë piath Nhialic yen aci we kony bāk pír rin ci wek wët Jethu gam. Ee miïc Nhialic yen acɔl we agam Jethu.

⁹ Pír cuk yök acie rin ë luöida ë röt nadë ke yɔ nhiam ye.

¹⁰ Ee Nhialic guöp yen aci ye looi këya. Ku rin ye yɔk tök kek Raan ci lɔc ku dɔc Jethu, aci yɔ cak buk këpath aa looi, ku ë yen kë ci guuir buk aa looi.

Yok aa tök kek Raan ci lɔc ku dɔc

¹¹ Këya, wek aa we cie kɔc Itharel. Ku këya, wek aa we ye kɔc Itharel cɔl wãthɛr kɔc kɛc ɲoot. Ku kɔc Itharel aake ye rɔt cɔl aaye kɔc ci ɲoot. Ku ɲuɔtɔden ye ke ɲoot, ee yekë ye looi kegup ë path.

¹² Ku wäär wek aa we cie kɔc Raan ci lɔc ku dɔc. Wek aa we ye thãi, wek aa we cie kɔc Itharel, kɔc ci Nhialic lɔc. Wek aa we liu lõj dɔɔr Nhialic yic, lõj kɔc ke tit bɛn Jethu Bãnyda. Wek aa we rɛɛr we kuc Nhialic.

¹³ Ëmën, rin ci wek aa tök kek Jethu Kritho, wek wäär cɔk mɛc wek aaci bɛɛi tɛthiɔk rin thon Raan ci lɔc ku dɔc.

¹⁴ Rin Raan ci lɔc ku dɔc aci dɔɔr looi kam kɔc Itharel ku kɔc cie kɔc Itharel rin ci yok aa kac tök. Riɛmde aci këwäär ke tek yiic, ku cɔl ke aaye kɔc man rɔt nyaai.

¹⁵ Aci lõj kɔc Itharel teem kɔu ë thuɔnde, rin bi yen kɔc Itharel ku kɔc cie kɔc Itharel cɔl aaye kac tök rin ci kek rɔt mat kek ye, ku këlä, aci dɔɔr bɛɛi.

¹⁶ Ku thon ci Raan ci lɔc ku dɔc thou tim ci riüu kɔu, acã kuɛth rɛɛr kamkun nyaai. Ku thuɔnde aci yen ke cɔl aaye kɔc Nhialic kedhie.

¹⁷ Këya, Raan ci lɔc ku dɔc aci bɛn ku lɛk kɔc Wɛt Puɔth Yam ë dɔɔr bɛɛi tɛnë kɔc ëbɛn, wek kɔc cie kɔc Itharel wäär mɛc ke Nhialic ku kɔc Itharel wäär thiɔk ke ye.

¹⁸ Ku ë rin Raan ci lɔc ku dɔc yen ë yɔ ëbɛn, kɔc Itharel ku kɔc cie kɔc Itharel cɔl aala tɛ rɛɛr Nhialic thïn ë Wëi Nhialic tɔõj.

¹⁹ Këya, wek kɔc cie kɔc Itharel, wek aaci ben aa lɛɛi ëmën, wek aa tök kek kɔc ci Nhialic lɔc. Wek aa many tɔj ë Nhialic.

²⁰ Ku week aya, wek aacit yɔn ci atuuc ku kɔc kãk Nhialic tɪj jɔk cɔk, ku Jethu Kritho yen ë mën.

²¹ Raan ci lɔc ku dɔc yen ë kɛ ci buth cɔl akãäc ke ye tök ku bi ya yɔn Bɛny.

²² Ku rin ye wek tök kek ye, week aya wek kɔc kɔk, wek aacit kë buth bi Nhialic a rɛɛr thïn ë Wëike.

3*Luoi Paulo rin kɔc cie kɔc Itharel*

¹ Rin ci Nhialic ye looi bi kɔc Itharel ku kɔc cie kɔc Itharel mat bik aa tök, rin dhɛɛɲde tɛnë kɔc cie kɔc Itharel ke yen Paulo, raan ci mac rin wɛt Jethu Kritho ë rienkun, yen ë rɔk tɛnë Nhialic.

² Acãk piŋ lɔn ci Nhialic ya lɔc ë dhɛɛɲde ba luoi këñë looi.

³ Nhialic acã nyuɔth këden ci guuir, cïn raan ɲic ye thɛɛr, athör wäär ca gɔt ke ciek.

⁴ Ku na kuɛnkë kãk ca gɔt, ke wek aabi kãk ɲic ke rin Raan ci lɔc ku dɔc deet yiic.

⁵ Kãk cïn raan ɲic ke thɛɛr, cimën ci Wëi Nhialic ye nyuɔth atuuc ku kɔc kãk Nhialic tɪj ëmën.

⁶ Këya, kë ci moonny akïn, rin wɛt puɔth yam, kɔc cie kɔc Itharel aabi dɔc Nhialic yok kek kɔc Itharel ci gam. Keek aabi ya kac tök ku rɔmkë kë ci Nhialic thïn kɔc Itharel rin Raan ci lɔc ku dɔc.

⁷ Këñë, yen ë Wɛt Puɔth Yam ya lɛk kɔc. Nhialic acã gãm luoi ye yen Wɛt Puɔth Yam luɛɛl riel ë dhɛɛɲde.

⁸ Yen atɔ ciɛɛn kɔc ë Nhialic cɔk ëbɛn, ku Nhialic aɲot cã yiɛk ë luoi këñë, ba kɔc cie kɔc Itharel lɛk kãpuɔth juɛc cïn thook akeu ye Raan ci lɔc ku dɔc gam. Kãpuɔthkã aa dit tɛnë kãk ye deet yiic.

⁹ Acä yiëk luoi ba tët kəc ebën tē bī yen kēden cī guir cīi ŋic, thāap thīn. Ku Nhialic yen cak kēriëc ebën, ēcī kēnē moony tēnē kəc thēer wāär.

¹⁰ Acī looi kēlä emēn dhēl akut kəc cī gam nyuōth atuuc nhial, kek bānyken la riel nhial, bik ŋiëc kāŋde cī nyuōth rin kē cī looi tēnē ke ŋic.

¹¹ Acī Nhialic tak ku looi kēya thēer kēc yen piny ku nhial cak. Ku ē looi ē rin Jethu Krītho Bānyda.

¹² Rin cī yök ye gam ku yök aa tők ke ye, aabi yök la tēnē Nhialic yō cīi riəc.

¹³ Kēya, wek aa lək bāk puōth cīi bath cək amēn guum yēn ē rienkun, guōmdië yen abī ya rieldun.

Nhiër Raan cī ləc ku dəc

¹⁴ Rin ē wēt kēnē, yēn ē yanhial guōt piny Nhialic Wāda nhom ku rōök ē rienkun.

¹⁵ Kocken tō nhial ku kəc tō piiny aa mac thok rin yen ē Wāda yodhie.

¹⁶ Yen ala riel ku dəc juëc ye gām kacke. Kēya, aya thiëc bī we yiëk riel ē Wēike bāk puōth cīi kəc.

¹⁷ Ku yēn ē rōök bī Raan cī ləc ku dəc rēer wepuōth athēer rin cī wek ye gam. Yēn ē rōök aya bī tē nhiēer wek Nhialic thīn, ku tē nhiēer wek rōt thīn ē kamkun we cəl aril. Na luoi kēlä ke wek aa cīt tim cī mēike yet piny, ku yōn buth cī ŋiəc jək cök.

¹⁸ Ku dhēl kēnē, week ku kəc ē Nhialic abāk jāl ŋic yen tē nhiēer Raan cī ləc ku dəc we thīn. Anhiar yō apēi nhiēr cīn thok akeu.

¹⁹ Na cak ciēn raan ŋic ye ayic yen tē nhiēer Raan cī ləc ku dəc yō thīn, yēn ē Nhialic thiëc bāk ŋic. Ku bī tē ye wek luui thīn ciēt tē ye Nhialic luui thīn.

²⁰ Nhialic ala riel yen kāŋ looi wār kāk yeku ke thiëc ku kāk yeku ke tak, ku aaye ke looi rielden lui yopuōth.

²¹ Lecku Nhialic rin kāpuōth cī looi rin akut kəc cī gam ku rin Jethu Krītho. Lecku akōlriëc ebën! Yenakan.

4

Mēn yic kəc cī gam tēnē guōp Jethu

¹ Rin kē wīc Nhialic bī looi, yēn raan cī mac rin looi yēn wēt Bēny, wek alāŋ bāk ŋiəc luui dhēl path, dhēl yen cī Nhialic we cəl.

² Yakē kāk yakē ke looi ebën looi dhēl athēk ku lier ē puō, ku yakē kəc ŋiəc ciēŋ. Nhiarkē rōt ku yakē kārəc pāl piny ē kamkun.

³ Wēi Nhialic acī we mat yic, thēm kē bāk la dōr ē kamkun bāk aa kac tők.

⁴ Yook ebën, yök aa thōŋ kek kāk tō guōp tők yic, ku yök aa la Wēi Nhialic thōŋ ciēŋ ke yō. Yök aa ŋōth dəc cī Nhialic thōn ke bī gām kacke, rin Nhialic acī yō cəl ebën buk aa kacke.

⁵ Yök aa la Bāny tők ku gam tők, ku yök aaci lək ē wēi tők yök ebën.

⁶ Yook ebën yök aa Nhialic tōŋ door, ku yen ē Wāda yodhie. Yen amēc yō ku ē luui yopuōth ebën, ku aciēŋ kek yō ebën.

⁷ Raan cī ləc ku dəc acī raan ebën ē kamkua yiëk rielden bī yen aluui. Nək acī yiëk rielde cīt tē cī Raan cī ləc ku dəc ke tek thīn.

⁸ Acī gōt athōr thēer wēl Nhialic yic ēlä,
 “Acī la nhial, ku looi jakrəc bik yēn buōth cök,
 cīmēn raan cī dəm ē tōŋ yic,
 ku tek kāpath tēnē kuat raan ebën.”

⁹ Tē lueel ye elä, “Acī la nhial.” Wētde yic yenjö? Wētde yic aye lueel lön cī Raan cī lōc ku dōc kaŋ bēn pinynhom ē tēn.

¹⁰ Raan cī bēn pinynhom ē tēn yen ee raan tööŋ cī ben dhuk nhial, pan Nhialic, ku bī rēer kek kēriēec ēbēn pinynhom.

¹¹ Ee yen Raan cī lōc ku dōc yen ē gem mišc tēnē kōc. Acī kōc kōk looi bīk aa tušōcke, ku kōc kōk aaci looi bīk aa kōc kāk Nhialic tīŋ, ku ye kōc kāk wēl ē Nhialic lēk kōc, ku ye kōc kōk abiōk kōc cī gam ku piōōckē ke.

¹² Acī kēnē looi rin bī kōckā, kōc ē Nhialic, guiir bīk luui tēnē ye ku bīk aakuut kōc cī gam, yen gušp Raan cī lōc ku dōc la tuenŋ ke ril.

¹³ Ku kēlā, ŋok aabi mat yiic buk aa tōk ē gam bī ŋok Nhialic ku Wēnde ŋic. Ku jōlku aa kōc cī gam cī nhīm bak, ku ŋok aabi jāl la cōk cīmēn Raan cī lōc ku dōc.

¹⁴ Ku ŋok aacie kōc bī bēn ciēt mīth. Ku ŋok aaci kōc kāk lueth pišōc bī ben dušōŋ buk luethken gam, ŋok aaci bī ya wel nhīm cīmēn riāi, wēl lueth ē path.

¹⁵ ŋok aa dhil yic aa lueel ke ŋo la nhiēr. Ku kēlā ŋok aabi la tuenŋ ke ŋo cīt Raan cī lōc ku dōc yen wat akut kōc cī gam nhom.

¹⁶ Raan cī lōc ku dōc, ee kacke mat yiic cīmēn ye rēl yom thook gušp ē raan nušēt yic bī ya tōk. Na loi gušp abak lušide cīt tē dhil yen luui thīn, ke gušp ēbēn ala tuenŋ ke cil ke ril. Yen ē tēn akut kōc cī gam. Na nhiar kōc akut rōt ku loikē lušiden, ka akut ala tuenŋ apath ē riel Raan cī lōc ku dōc.

ŋok aa dhil piērda waar yic

¹⁷ Rin ē wēt kēnē, alēk we rin Bēny duškkē ben aa luui cīmēn kōc kuc Nhialic. Kāk yekē ke looi aacie kāk ke kony.

¹⁸ Aacie yic ye deet. Acin pīr yam ye Nhialic gām kōc, rin keek aa ril nhīm, ku kēya aa kuc dhēl ē Nhialic.

¹⁹ Aacie gup ē yār tē cōk kek kāreč looi, rin aa kepušth yiēk kāk wīc guāpken. Kāk yekē ke looi ēbēn aa kāk ē bal ku aacie kōšōc luoi ē kākā yiic.

²⁰ Yen ē tē wiēc bī wek cīi la thīn, rin acie yen tēwāär cī we pišōc thīn rin Raan cī lōc ku dōc.

²¹ Ee yic, wek aaci wētde piŋ, ku wek aa we cī pišōc rienke, tē cīt tēn yiny rēer kek Jethu.

²² Wek aaci pišōc bak tēdun ye wek luui thīn theer pušl. Kākku ke yakē ke looi aake cī wē mušr ku rēckē we.

²³ Ēmēn, calkē rōt aa wēer Nhialic pušth ku bāk ya tak tēŋ ē yam.

²⁴ Nhialic aci we gām ciēŋ ē yam cīt kēde. Kēya, yakē cienŋ ē ciēŋ kēnē. Ciēŋ kēnē ala cōk cīt tē ye yic rin Nhialic pišōc thīn.

²⁵ Kēya, duškkē lueth ben aa lueel. Nēk adhil yic alēk māthden cī gam, rin ŋok aa cīt kāk cīi thōŋ rēer ē guāp tōk yic.

²⁶ Na cōk alōn cī yīn pušū riāāk, ke yī duk adumušōm loi. Duk rēer kek riāāk ē pušū abā akōl lōōny piny.

²⁷ Rin bī jōŋrac yī cīi thel adumušōm yic.

²⁸ Na le raan ye cuār theer kamkun ka cīi ben cuēer, adhil luui ē kōŋde bī rot muk ku kony kōc ŋōŋ aya.

²⁹ Pālke kušc jam. Yakē ke lueel wēl kōc cōl aril pušth gamden yic. Yakē ke lueel wēl nhiar ke bī ke piŋ, rin bī yīn kōc la kē lēk ke, kony.

³⁰ Muk yīnhom bī ciēn kē lueel bī Wēi Nhialic cōl arem pušū. Wēi cī Nhialic gām yī. Nhialic aci gām Wēi ye nyooth lōn ē yīn kēde, ku Wēi Nhialic abi rēer kek yī yet akōl luŋdīt bī Nhialic yī kony tēnē jōŋrac.

³¹ Duškkë kɔc kɔk ye maan ku duškkë pušth ye riääk. Duškkë ye gŕth ku läätkë kɔc, tēdē ke we loi kāk cīi path.

³² Rēērķē apath ē kamkun. Ku yakē kārēc pāl piny tēnē kɔc kɔk cīmēn ye Nhialic ke pāl piny tēnē we rin Raan cī lɔc ku dɔc.

5

Pīr rēēr ruelyic

¹ Kēya, wek aa dhil luui cīmēn Nhialic rin ye wek mīthken nhiēer apei.

² Nhiarkē kɔc kɔk cīmēn nhiēer Raan cī lɔc ku dɔc ʒo. Cīmēn cī Jethu ye nyuəəth lɔn nhiēer yen ʒo, rin cī yen thou bī ʒo lušk. Kē cī looi, aci Nhialic cɔl amit pušu rin cī yen rot juēr Nhialic.

³ Wēt ye wek kɔc ē Nhialic aci path bī wīc wīc ē diäär, ku kāk kɔc cɔl ayār gup, ayī kook aa piēŕ wegup.

⁴ Jam la bīth ku buro rac aaci path. Anjūēn bāk Nhialic aleec rin kāk ye ke looi tēnē we.

⁵ Dhielkē ņic lɔn acīn raan wīc ē diäär ayī raan ē luui kāk kɔc cɔl ayār gup, ku raan dēt kok lēu ye bī la bāāny Raan cī lɔc ku dɔc kek Nhialic ē yic, ku yōk kăpuəth cī Nhialic thōn kɔc. Raan kok aci raan ē jak cī kiēēt door.

⁶ Duškkë röt cɔl ameth ē nyīn wēl cīi path ye kɔc kɔk lueel. Nhialic abi kɔc cīi wētde ye piŕ, kɔc luui ē kārēckä tēm awuśc.

⁷ Kēya duk ye mat kek kɔc luui ē kārēckä.

⁸ Rin wek aa we rēēr ē mušth yic. Ku emēn wek aaci röt mat kek Bēny, wek aaci la ē ruel yic. Kēya, yekē luui cīmēn kɔc tō ē ruel yic.

⁹ Ÿen aluel kēnē rin kɔc tō ruel yic, kɔc ņic Nhialic, aaye ruel cɔl alir pušth ku loikē kēn ē yic.

¹⁰ Themkē bāk kāk Bēny cɔl amit pušu ņic ku luōikē ke.

¹¹ Duškkë ye luui kāk ye kɔc tō mušth yic looi, kɔc kuc Nhialic. Nyuəthkē ke lɔn kākä aaci path.

¹² Kāk ye ke looi ke cie tīŕ, aa rēc apei ka ye jamden kɔc rac gup

¹³ Tē bīi kăŕ tēyer, ke kɔc aa tīŕ tē rēec kākä thīn,

¹⁴ rin ē ruel yen ē kēriēc ēbēn cɔl atīŕ. Yen aci ye lueel ēlä, “Pääckē nīn yic, jatkē röt rēŕ yiic ku Raan cī lɔc ku dɔc abi ruel wegup.”

¹⁵ Tiēŕkē piērdun apath. Duškkë pīr ē pīr kɔc kuc Nhialic, calkē röt aaye kɔc ņic kăŕ.

¹⁶ Kuat tē bī yīn ye yōk ba kēpath looi thīn, ke loi, rin kɔc aa loi kāk cīi path emēn.

¹⁷ Duškkë lui ē luoi kɔc cīnkē ņickē, ņieckē kē wīc Bēny ku yen luōikē.

¹⁸ Duškkë ye dek ē mōu, mōu ē kɔc rac. Calkē Wēi Nhialic piērdun yic akōlakōl.

¹⁹ Ketkē waak ē Nhialic cī gōt athōr waak yic ē kamkun. Ketkē wak wēi bāk Bēny leec ē piäthkun ēbēn.

²⁰ Yeku Nhialic Wāda leec akōlakōl rin Bānyda Jethu Krītho, kuat kăjuēc yeku ke looi yiic.

²¹ Yakē röt theek ē kamkun rin riśc wek Raan cī lɔc ku dɔc.

Diäär ku Rōör

²² Wek diäär, thekkē rōörkun cit tē ye wek Bēny theek thīn.

²³ Rin moc yen ē tik wat nhom, cīmēn ye Raan cī lɔc ku dɔc akut kɔc cī gam wat nhom. Raan cī lɔc ku dɔc yen aluāŕ akut kɔc cī gam, yen guāpde aya.

²⁴ Këya, diäär aa dhil rösirken theek cimen ye akut koc ci gam Raan ci loc ku dac theek.

²⁵ Wek röör wek aa dhil diäärkun nhiaar cimen nhieer Raan ci loc ku dac akut koc ci gam arék abi thou rienke.

²⁶ Ací thou rin akut koc ci gam bi rëer ke dhëej Nhialic. Ku look kegup piü ë Nhialic piü ë lök wëi ku wëtdë.

²⁷ Ací kënë looi rin bi yen kacke koc ci gam, wuööny gup wei kärec ku bi ke yelööm. Ku akéc wic bik gup la adumuööm.

²⁸ Cít ë kënë aya, röör aa dhil diäärken nhiaar cimen nhieer kek röt. Na nhiaar moc tienjde, ka thöj kek lon nhieer yen rot.

²⁹ Acin raan man guäpde, raan ë mïth ku tiit guäpde, cimen ye Raan ci loc ku dac akut koc ci gam tiit,

³⁰ rin yok akut koc ci gam, yok aa guäpde.

³¹ Cimen ci ye göt athör theer wël Nhialic yic ëlä, “Moc abi wun ku man nyaän piny ku met rot kek tienjde, ku keek karou aabi ya tök.”

³² Wëlkä aa la yiic yinydit apeí, ku aa jam tē ye Raan ci loc ku dac tök thün kek akut koc ci gam.

³³ Ku wëlkä aa jam rienkun aya, moc adhil tienjde nhiaar cimen nhieer yen rot, ku tik aya adhil muenyde theek.

6

Mïth ku koc ke dhiëth ke

¹ Wek mïth, wek aadhil koc ke dhiëth we theek, rin yen ë këpath lëu bi raan looi rin Bëny.

² “Thek wuur ku moor,” Kënë yen ë löj tuen ci bën kek athön,

³ athön akïn, “Na loi kënë, ke yin abi käjuéc path ya yök, ku thiei yi ba nün juë nök pinynhom.”

⁴ Koc ke dhiëth duökkë miëthkun ye luüi käk bi ke rac puëth. Muökkë ke ku piööckë ke dhël ci Bëny gam.

Aloony ku Bäny

⁵ Aloony, thekkë bänykun muk we pinynhom ë tēn, riääckë ë ke ku thekkë ke piändun ëbën ciët we luui Raan ci loc ku dac.

⁶ Yakë luui ë puön yer tē cök kek cii daai we. Loi luüidu puüu ëbën cit tē wic Nhialic ye thün, rin yin alony Raan ci loc ku dac.

⁷ Na cök alon ye yin alony, lui puön yer bi ciët Nhialic yen luüüi.

⁸ Njic yinhom lon bi Nhialic raan ëbën yiék këde, alony ku raan cie alony, rin kapuöth ye looi pinynhom.

⁹ Wek koc mac aloony, wek aadhil luui ë dhël tööj yic, ku duökkë ke ye riääc ë nääk, muökkë wenhüm lon week ëbën, aloony ku week, bënydun ë tök nhial, raan bi luk looi kamkun ëbën ke cin raan njuëen.

Töj tēnë Jönrac

¹⁰ Wët jäl lëk we ciëen akïn, lömkë riel tēnë Bëny bäk riel ë ye, rin rielde adiit apeí.

¹¹ Lömkë käk ci Nhialic gäm we bi wek röt kony, bäk käjuéc ye jönrac we ruëeny göök.

¹² Rin yok aacü thär kek koc cit yo, yok aa thär kek jakrec rëer ë muöth yic kek bänyken, ku riel ë jönrac tö nhial.

¹³ Këya, rin ë wët kënë lõmkë kæk cĩ Nhialic gãm we bĩ wek tɔŋ thɔr. Na akõl le jɔŋrac bën, ke we tit rõt ye akõlriëëc ëbën. Ku na cæk tɔŋ jɔŋrac göök keriëëc ëbën yic, ke wek aabi döŋ we ril.

¹⁴ Lõmkë yic bĩ wek rõt guiri ë tɔŋ. Ku luõikë kē la cök ke cīt alanh dhie ye raan yeyic duut tē le ye tɔŋ.

¹⁵ Rëërkë ke we ye kɔc læk Wët Puõth Yam ë döör bëxi tēnē kɔc. Ku yen abi ciët lõn cienj wek war ril apei wecök.

¹⁶ Dët akĩn, gamkë Jethu Krĩtho. Gamdun abĩ ciët kõn ye wek wieth dëp ye jɔŋrac we moc jöc yiic.

¹⁷ Njickë alanden lõn cĩ Nhialic we luõk, acīt lõn dhie cienj raan akuäma yenhom tɔŋ yic, bĩ cii yup nhom. Lõmkë wët ë Nhialic ë bën tēnē Wëi ke cīt tɔŋ ye muk.

¹⁸ Yakë lac röök cīt tē ye Wëi Nhialic we cök puõth thĩn. Ku thiëckë Nhialic bĩ we kony keriëëc ëbën yiic. Yakë wepuõth cök tē röök wek ku duõkkë thɔr. Yakë röök akõlakõl rin kɔc ë Nhialic.

¹⁹ Rõökkë ë rienkië, ku lõn bĩ Nhialic ya gãm wël la cök ba lueel tē le yen wët ë Nhialic læk kɔc ke ya cii riõc.

²⁰ Jethu Krĩtho acã loc ba ya atuõnyde ba kɔc læk Wët Puõth ë Yam, ku ë yen wët cĩ ya mac. Këya, rõökkë ku thiëckë Nhialic bã gãm riel ba wëtde læk kɔc ke cīt yiny dhiel looi ke cĩn riõc.

Muõth ciëen

²¹ Tikuth, wãmääthdan cĩ gam nhiarku, ku yeen alui apath rin Bëny, abĩ we læk wël ë yam rienkië ku bæk kē luõoi njic.

²² Yen atuõc we ku bĩ we la læk kē loi rot tēnē yo, ku deet wepuõth aya.

²³ Bĩ Nhialic Wäda ku Bãnyda Jethu Krĩtho we yiëk döör, wek kɔc cĩ gam. Ku bĩk we cɔl anhiar rõt ë kamkun ku muõkkë gamdun.

²⁴ Bĩ Nhialic dhëñde nyuõth kɔc nhiar Bãnyda Jethu Krĩtho kek nhiërden cĩn thok akeu.

Athör cī Paulo gät kɔc gen Pilipi Wēt nom

Athör cī Paulo gät kɔc gen Pilipi ē gēt kɔc cī gam pan mɛc kɔc pan Roma cəl Mathedonia. Ee gēt ɣon ɲot mɛc yen. Ku ē rem pušu piöök ē lueth kɔc kɔk cī gam gen Pilipi. Athör kënë ē gam ril ē Paulo tēnē Jethu raan cī lɔc ku dɔc nyuəəth.

Kënë yen gət athöör ē wēt bī yen kɔc cī gam gen Pilipi leec kākken cīk tuəc ye ɣon cī kākke yīc riəl. Aake gēt keek athöör aya bī bən lək ke bīk puəth riəl, ku thəon kepuəth kuat aliämde yic, ku aliäm cī ke yök aya. Ku yöök ke bīk röt aa dhuək piny bīk ciēt Jethu, tēn lɔn bī nhiaam ku nhiēr rot ke thəl wei. Acī lək ke lɔn pīr ē tōk kek Raan cī lɔc ku dɔc, ee dhēēɲ cī Nhialic yiək kɔc ē dhöl gam, acie dhöl athēk löɲ kɔc Itharel. Acī gət rin miət pušu ku dšör ye Nhialic yiək kɔc cī röt mat kek Raan cī lɔc ku dɔc.

Athör kënë, ee miət ku thön ē pušu ku ɲiɛc rēer, ku bī gam ku pīr tš kek kɔc cī gam muk nom. Ku ē nhiēr nhiēr Paulo kɔc cī gam tš gen Pilipi nyuəəth aya.

Käk tš thün

Muəth tueɲ 1:1-11

Käk cī röt looi tēnē Paulo 1:12-26

Pīr rēer ke Jethu 1:27-2:18

Käk cī guir tēnē Timothī ku Epaprodituth 2:19-30

Lək rin kārɛc ku kɔc ater 3:1-4:9

Paulo ku mǎthke gen Pilipi 4:10-20

Muəth ciēn 4:21-23

¹ ɣen Paulo ku Timothī ɣok kɔc lui rin Jethu raan cī lɔc ku dɔc, ɣen agät we athöör, wek kɔc ē tōk kek Jethu gen Pilipi, ku kɔcđit akut ku kuat kɔc ke kony rēer thün ēbən.

² Bī Nhialic Wāda kek Bēny Jethu raan cī lɔc ku dɔc we gām athiɛi ku dšör.

Röök Paulo rin kɔc kuen athörde

³ ɣen ē Nhialic wāda leec tē tak ɣen we akōlaköl.

⁴ ɣen ē pušu miət apei ršokdiɛ yic rienkun ēbən,

⁵ rin cī wek ɣen kony bāk Wēt Puəth Yam nyuəəth kɔc ya aköl tōɲ wäär ɲic wek ye agut emən.

⁶ Anjic ɣapušu lɔn Nhialic, raan wäär loi ē kënë tēnē we, abī dhiəl muək thün këya ɣet aköl bī Raan cī lɔc ku dɔc Jethu dhuk pinyinhom.

⁷ Wek aa kɔckiɛn nhiaar apei, wek aaya tak akōlaköl. Ku ē yic, ba we aa tak wēt nhiēr ɣen we. Rin wek aa lui ku kuonykē ɣen ē luəi ril cī Nhialic yiək ɣen emən. Ku emən mɛc ɣen ku wäär këc ɣen mac, ɣen acī bən ɲiɛc la jam rin Wēt Puəth Yam, ku acī bən riəl apei yet tē cī ye gam kɔc juēc apei.

⁸ Anjic Nhialic lɔn kē luɛl ē yic lɔn nhiērdiɛ tēnē we acit nhiēr Bānyda Jethu nhiēr yen ɣo.

⁹ ɣen ē röök bī nhiērdun rot ajuak akōlaköl, ku bāk yic ɲic, ku yakē ke looi kāk la cök Nhialic nom,

¹⁰ bī we kony bāk aa looi këpath. Këya, ke wek aabi gup ciēn awuöc aköl le Raan cī lɔc ku dɔc dhuk pinyinhom.

¹¹ Piērdun abī yic thiāj kǎpath ē Jethu yen ye ke yök thün, rin bī Nhialic aleec ku dor.

Raan cī lɔc ku dɔc yen ee p̄r

¹² Awiēc bāk ɲic miēthakāi cī gam, lɔn kuat kāk cī röt luši yen aaci Wēt Puōth Yam cɔl ala tuen̄.

¹³ Kuat raan r̄ēr t̄en ēb̄en agut kɔc tit pan b̄enydit thok, anjick̄e lɔn cī yen d̄am rin ye yen raan lui rin Jethu.

¹⁴ Ku rin cī yen mac, aci miēthakāi cī gam cɔl aa ril puōth b̄ik Wēt Puōth Yam aa l̄ek kɔc ke c̄in riš̄oc.

¹⁵ Ee yic, kɔc k̄ok aa wēt Raan cī lɔc ku dɔc piš̄oc ē tiel̄ ku rin c̄i kek luš̄idiē nh̄iar. Ku kɔc k̄ok ayek̄e piš̄oc piānden ēb̄en.

¹⁶ Aye k̄ockā looi rin nh̄iēr ku rin ɲic kek ye aya lɔn cī Nh̄ialic ya luš̄i ba wētde tiit b̄i c̄i riāāk.

¹⁷ Kɔc k̄ok kamken aya, acie piōoc ē c̄ok, aa piōoc rin nh̄iaam ē path, ku yek̄e tak lɔn b̄i kek ya luš̄i aliāap t̄ē ɲot mac ya.

¹⁸ Ac̄in k̄e ye looi, yen amit pušu t̄ē ɲot ye wēt Raan cī lɔc ku dɔc piš̄oc kuat dh̄el cī yök, c̄ok alɔn le yen k̄e t̄ō kepuōth. Yen abi r̄ēr ya mit pušu.

¹⁹ Rin anjic lɔn r̄ökkun ku kuōny b̄ō t̄enē Wēi ē Jethu raan cī lɔc ku dɔc, aa b̄a c̄al alony.

²⁰ Aya ɲōōth yapušu lɔn b̄i yen a k̄epath yen luš̄oi akōlakōl agut em̄en thiin, yen abi la riel ē pušu kek guāpd̄iē ēb̄en, b̄i ya k̄epath yen luš̄oi rin b̄i yen lac b̄ēi t̄enē Jethu t̄ē p̄ir yen, t̄ēd̄ē ke ya thou.

²¹ P̄ir ē wēt Raan cī lɔc ku dɔc juak tuen̄, ku na thuōu rin wētde ka path aya t̄enē ya.

²² Ku na ye k̄e b̄i yen ɲot ya p̄ir yen b̄i yen luš̄i juēc path looi, ka c̄a ɲic yenjō ba kuany.

²³ Akōl d̄et aya nh̄iaar ba c̄i thou, ku akōl d̄et awiēc ba thou rin anhiaar ba la r̄ēr kek Raan cī lɔc ku dɔc, ku k̄enē yen aya yök ke path.

²⁴ Ku rienkun, apath ap̄ei ba p̄ir ē t̄en pinynhom.

²⁵ K̄enē anjic ap̄ei, k̄e yen ɲic yen abi r̄ēr. Yen abi r̄ēr ē t̄en kek we ēb̄en ba miēt pušu gamdun juak yic.

²⁶ K̄ēya, t̄ē ben yen la dhuk ba r̄ēr kek we, ke wek aabi nh̄iam rienkiē piērdun yic, ke we ye t̄ök kek Jethu Raan cī lɔc ku dɔc.

²⁷ Kuat k̄e b̄i rot looi t̄enē ya, muš̄kk̄e wenh̄iim lɔn dhil wek p̄ir, p̄ir kɔc cī gam, c̄ok alɔn c̄i yen week b̄i ben t̄iɲ akōldā. Aba ya piɲ lɔn wek aa ril wēt Nh̄ialic yic, ku week aa lui t̄ök ap̄ei rin Wēt Puōth Yam.

²⁸ Duš̄kk̄e ye riš̄oc kɔc aterkun, yen abi ye nyuōth keek lɔn c̄i kek we b̄i l̄eu, rin yen Nh̄ialic yen we ḡam riel b̄i wek ke ḡök.

²⁹ Rin wek aaci ḡam yic bāk Raan cī lɔc ku dɔc aa luš̄i ku acie gam ē rot, ee ku bāk gum c̄imēnde aya.

³⁰ Em̄en al̄ēuk̄ē bāk yen kony ye luš̄i k̄enē. Yen luš̄i t̄ōɲ wāār cāk t̄iɲ theer ke luš̄oi, ku c̄it t̄ē yak̄e piēɲ ye, yen anjot ya lui ap̄ei.

2*Jethu ē rot dhuōk piny c̄ok alɔn ril yen ap̄ei*

¹ Piērdun ke we ye kɔc Raan cī lɔc ku dɔc, ee we c̄ol aril ku nh̄iērde ē we liēr puōth. Wek aa r̄ēr ke Wēi Nh̄ialic, wek aa la piath ku nh̄iēr nh̄iēr wek röt kamkun.

² Matk̄e weyiic bāk aa looi ē t̄ök, ku nh̄iark̄e röt, yen abi miēt ē pušu b̄ēi t̄enē ya.

³ Duškkë puſth ë dit båk kãŋ aa wïc ë rienkië ku yakë nhiam, yakë röt dhušk piny kóc kók nhïim. Yakë kóc kók tïŋ ciët kek path tënë we.

⁴ Acïn raan ben a lui kënë nhiamde, yakë jal looi kë kony we ëbën.

⁵ Wek aadhil thõŋ kek Jethu raan cï lóc ku dóc ë täktäkdun yic.

⁶ Wën cök Bãnyda Jethu aa Nhialic gušp akëc rot thõšŋ ke Nhialic.

⁷ Ku aci tãden dïit yen thïn pušl, ku cöl rot aye alony cïmën raan ë path.

⁸ Aci rot bën dhušk piny, ku gem bi gum ku thou, cïmën raan la gušp awušc, arëk abi piäät ë tim ci riïu kəu.

⁹ Rin ë wët kënë yen aci Nhialic ye bën jöt bei raŋ yic kam kóc ci thou, ku yëth nhial ku ler ku yik riel këriëc ëbën nhom.

¹⁰ Ku këya rin athëëk rin Jethu, kāk nhial ku pinyinhom,

ku piny tën kóc ci thou aa dhil kenhiol gušt piny.

¹¹ Ku keek ëbën abik lueel lön ye Jethu raan cï lóc ku dóc Bëny, rin duaar ë Nhialic Wun.

Pïerden ë Jethu nyuəəth

¹² Këya, wäär rëer yen kek we miëthakäi cï gam, wek aa we ya theek, ku ëmën awiëc båk ŋot we thek yen ke ya cï rëër kek we. Lak tuen ke we thek Nhialic rin ci we wëër bei.

¹³ Rin Nhialic alui weyiic, ee we kony bi we cök puſth ku båk kë wïc looi.

¹⁴ Luwikë këriëc ke cïn ater kamkun ku ašöth,

¹⁵ rin bi wek aa mith Nhialic cïn gup awušc ë piny cï thiäŋ kóc rëc la gup adumuššm. Calkë röt aa la gei kamken cïmën pëei nhial,

¹⁶ cïmën ye wek ke lëk wët pir. Na luwikë këya, ke yen abi nhiam rienkun aköl le Raan cï lóc ku dóc dhuk pinyinhom, rin bi ye nyuəəth lön këc luwidiën ca looi nhom dëer piny ë path.

¹⁷ Na cök aa lön guum yen rin bi gamdun riel tënë Nhialic, ke yen abi pušu miët apeidit ke we ëbën.

¹⁸ Ku këlä aya, wek aabi puſth miët kek ya.

Timothï ku Epaprodituth

¹⁹ Na wïc Bëny ke wek aba tušc Timothï ë nïnkä, rin bi tē luui wek thïn ya dëet pušu.

²⁰ Ee yen raan tõŋ ë tak cïmëndië, kë tō yapušu looi, ku acïn raan nhiar we apei cïmënde.

²¹ Raan ëbën ë yenhom yiëk këden looi, ku cïi yepušu yik kë wïc Jethu raan cï lóc ku dóc.

²² Ku anjekkë kek we ë röt yen tē cï Timothï rot nyuəəth thïn cïmën meth ke wun. Yok aaci luui ë tók rin Wët Puoth Yam.

²³ Këya aba tušc we, tē le yen ye ŋic yenö bi rot looi tënë yen ëmën cï ya mac.

²⁴ Ku yen aŋöth Bëny lön bi yen rot lëu ba bën tënë we ë nïnkä.

²⁵ Aca tak ba wämääth cï gam, Epaprodituth cöl adhuk. Yeen ë raan ë luwï apei buəth Bëny cïmëndië. Ee cäk tušc yen bā bën a kony,

²⁶ ku ëmën awic apei bi we tïŋ. Adiëer rin cï wek ye piŋ lön cï ye tuaany.

²⁷ Ee cï tuaany abi duër thou. Ku yeen aci Nhialic bën cöl apuol, ku acie yen ë rot, pial gušpde aci kënë bi yen cöl aŋëer yic bën wel yic aya.

²⁸ Awiëc aya ba cöl adhuk tënë we rin tē ben wek ye tïŋ ke wek aabi puſth miët, ku acïn dët bi yen ben diëer.

²⁹ Luwïkë ë pušn path apei ke cït menhkui Jethu nhom. Nyuəthkë kuat raan cit ye ëbën athëëk,

³⁰ rin eci duer thou rin luoi tenē Raan ci loc ku dac, ku akec deer e weike ku gem ya kuony cin te bak leu ye.

3

Yiny la cok

¹ Ku wet det ba lek we miethakai ci gam e ku bak puoth mieth rin ci wek mat kek Bēny. Acii rac ba kak ca gat we theer ben dhuok yiic, ku e yen abi we kuony te looi yen ye keya.

² Tietke rot koc rec, koc luui cimēn jök. Acie nuot e rot yen wickē, wek aa wic kajuēc kōk bak ke looi.

³ Aa yook, aacie kek ci nuot yic yök, rin yok aa Nhialic door riel e Weike. Ku yok aa mit puoth piēda yic rin ci yok aa koc Raan ci loc ku dac Jethu. Acie kak ye raan e path looi ye tih kek yeku ke nōōth.

⁴ Na le raan ye tak lon bi yen pir Nhialic nom rin kak ye looi koc gup, ka cin raan war yen mukmuk nom loh theer. Na ye koc pir, nuot yen aci pir.

⁵ Yen a ya jot ke ya la nin kadhorou ten dhiēeth ya. Yen e raan Itharel, raan dhiēh Benjamin, kuat Itharel e gei. Rin mun loh nom, yen e raan akut Parathi.

⁶ Rin ye yen raan akut Parathi yen aye yen koc ci gam col aa nek, ku rin ye raan la cok te theek yen loh, ke yen a ya cin guop awuoc.

⁷ Kuat kawaar ya nōōth kecit kapath, aacii ben cii ye kapath.

⁸ Acin kepuoth war niny bi yen Bānydiē Raan ci loc ku dac Jethu njic. Yen aci kerieec ebēn puol rin bi yen a raande,

⁹ Ku ba ya tok ke ye. Rin aci leu ba la cok e Nhialic nom te theek yen loh. Ku yen aci jal la cok rin ci yen Jethu gam, la cok tenē Nhialic rin e gam.

¹⁰ Ke wiēc e lon ba Raan ci loc ku dac, ku riel waar jot ye kam koc ci thou njic. Awiēc ba ya tok ke ye e gum ku thuonde yic.

¹¹ Ku nāath lon bi yen jot thou yic ba pir.

¹² Acā ye lueel lon ci yen jal a raan la cok, anot wiēc apei ba ya raan la cok cit te wic Jethu raan ci loc ku dac ye thin.

¹³ Wet lek we akin miethakai ci gam, aci njic lon le yen ke ca leu, yen acie deer ciēen, yen e daai tuej bi ya wet akōldā yen thuuth yen ku pal katherer.

¹⁴ Yen abuoth dhel yic apath rin bi yen ariop yök. Ee yen ariop bi Nhialic gam ya rin ke ci Raan ci loc ku dac looi.

¹⁵ Yok koc la gam ril yok aa dhil luui e dhel kenē. Ku na le koc kōk kamkun cii lui e dhel kenē, ke Nhialic yen abi ye det yic we.

¹⁶ Lokku tuej kek loh Nhialic cimēn waar njic yok ye.

¹⁷ Miethakai ci gam biathke yacök, ku piöckē tenē koc kawaar ca piöc tenē ke buoth yiic.

¹⁸ Wek aaca lek e kenē arak juēc, ku emēn aben ber yic piu e niny guop, koc kōk aacie thon Jethu tim ci riu kōu rin bi yen ke waar adumuōmken yiic e gam.

¹⁹ Aabi la pan mac rin ye kek kepuoth yiēc kak wic guapken. Aa nham kak ke bi ke col ayar gup, ku aa kak pinynhom kek aa yekē tak kepēc.

²⁰ Ku yook pan Nhialic yen kēda. Yok aa tit Aluāndan bi ben nhial, Bēny Jethu Raan ci loc ku dac,

²¹ yen la riel e yen kerieec ebēn col aa bō yecök, abi gupkuan ci thiān adumuōm looi bik yer cimēn guapde.

4

Lëk

¹ Miëthakäi cī gam wek aa nhiaar apeī, deetkē wepuōth ku thekkē Bāny. Wek aaca dak, wek aa yen col amit puōu, wek aa yen col anhiam.

² Yin Yuodia ku yin Thintike wek lān, dōōrkē, wek aa koc tōn ē Bēny.

³ Ku tēnē yī raandiēn nhiaar lui kek ya, awiēc ba diāārkā kony rin aaci luui kek yen apeī buk Wēt Puōth Yam tek piny, keek ebēn kek raan col Klemen ku kocuan koc lui ke yo tō rienken athōr Nhialic yic, athōr pīr.

⁴ Yakē puōth miēt rin ye wek tōk ke Bēny. ABER yic, yakē puōth miēt.

⁵ Yakē rōt piēn wēl ē kamkun. Bēny aci thiōk.

⁶ Acin kē riōōc wek, ku yakē Nhialic thiēēc rōōkdun yic kāk wiēcckē ke, yakē thiēc ē puōn path akōlakōl.

⁷ Ku dōōr Nhialic cie deet yic raan ē path, abī we kony bāk cū ye diēer ku cāk riōc kārīl we yōk yiic, ke we ē tōk kek Raan ci lōc ku dōc Jethu.

⁸ Wēt cī jal dōn ba lueel miëthakäi, yakē ke tak kāpath, kāk ye raan ebēn nhiaar, kāk ye we leec thīn, kāk yith thiek yiic, kāk la cōk ku lek gei, kāk nhiaar ke raan ebēn.

⁹ Wek aa nīc kāwāār ca piōōc tēnē we, ku kāk cāk piñ ke ya lueel ku tiēnkē yen ke luōi ke. Kēya, biathkē luōidiē yic, ku Nhialic yen dōōr gam abī rēer ke we.

Paulo acā aleec gam rin kāk cī gām ye

¹⁰ Piērdiē yic kek Bēny, yen aci puōu miēt rin tēdiit cāk nōk ku bēnkē yen ben nyuōth tēduun muk wek ya thīn. Ku acie rin cī wek kōōc we cū wenhūim yīk yen, ee rin cīn wek riēl.

¹¹ Yen aaci kēnē luel rin cī wek ya pāl wei, aa kāk rēer kek yen kek aaca nīēc rot.

¹² Alēu ba pīr ē path tē cōk yen la kālīk, kueth ku cōk aa thōn tēnē ya, jīēc ku nōōn aya, aa thōn.

¹³ Kuat kē ya looi ebēn, aya looi riēl ye Raan cī lōc ku dōc gām yen.

¹⁴ Ku apath apeī yen wēt cī wek ya kony aterkiē yiic.

¹⁵ Wek koc gen Pilipi anīeckē apath, lōn wāār jīēl yen Mathedonia nīn tuēn wāār piōōc Wēt Puōth Yam, wek aa we koc cī gam ya kony. Wek aa we ye kōōc kek yen kāpiathkiē ku kārackiē yiic.

¹⁶ Agut cī wāār cōk yen rēer Thethalonika wek aaci kuōnydun bēn aa tuōc yen emēn ku emēn.

¹⁷ Acie ku bāk ya muōc yen wiēc, ee dōc ye yōk tē muōc raan koc yen awiēc ba juak yic.

¹⁸ Kāk wiēc aaca yōk, ku aa juēc apeī. Kuat kāk wiēc ebēn aaci Epaprodituth bēēi tēnē ya. Aa cit tol adōn nīr ye took luān ē Nhialic, ajuēr cī Nhialic gam ku col ye amit puōu.

¹⁹ Ku Nhialic abī we gām kāk wiēcckē ē kākken juēc yiic, kāk ye ke yōk rin Raan cī lōc ku dōc Jethu.

²⁰ Bī Nhialic Wāda aleec akōlakōl! Yenakan.

Muōth ciēēn

²¹ Miāthkē koc cī gam, koc Raan cī lōc ku dōc Jethu. Miëthakäi rēer kek yen aa we muōōth.

²² Koc cī gam ebēn ē tēnē agut koc lui pan Bēnyaknhom Cithēr aa we muōōth aya.

²³ Athiεi ë Bányda Jethu raan cĩ łc ku dɔc, abĩ ya rëer kek we ëbën.

Athör cī Paulo gät kəc gen Kolothia Wēt nom

Athör Paulo cī gät kəc gen Kolothia, agēt akut kəc cī gam pan Athia tō ciēen gen Epethuth. Akut kəc cī gam kēnē aciē Paulo yen loi ye, ku aye yök yepušu ke ye luəi dhil looi aya, cit lən cī yen kacke tuəc gen Epethuth aya, yen gendit yen rēer raandit bēny apuruuk pan Athia thīn. Ēcī Paulo piŋ lən ala kəc ē piöc kək kəc cī gam gen Kolothia piöc bik dhēl la cök pušl. Ku yekē lueel lən raan adhil jak kək atheek, nadē ke bī jal lušk ē kuat kē cit ŋušt, thēk lōŋ ku mieth ye cam.

Paulo agät athör kēnē bī jai piöc rēckä, ku ye piöc dhēl peth ē yic Wēt Puoth Yam, yen gam. Kē tō thīn, ee lən nadē ke Jethu Krītho alēu bī kəc lušk ē rot, ku kuat kək cit kəkä aa kəc thel wei Jethu lōsm. Rin Jethu Krītho Nhialic aci nhial ku piŋy ku kək tō thīn cak. Ku rienke aya yen awic yen ye bī kəc dhušk yeyəu. Ee mēt bī kəc röt mat kek Jethu Krītho yen ē ŋōth bī kəc lušk ē rot pinyhom. Aci Paulo lək kəc aya lən piöc kēnē ē kəc cī gam cəl aa pīr pīr path.

Dēt lēu bī ŋic ē lən nadē ke raan cəl Tikikuth yen yēth athör gen Kolothia rin Paulo aa cath kek raan cəl Onethimuth, alony yen cī Paulo athör gät rienke tēnē Pilemon.

Käk tō thīn

Mušt tueŋ 1:1-14

Dit ē Raan cī ləc ku dəc 1:15-23

Luəi Paulo ke cit alony tēnē akut kəc cī gam 1:24-2:5

Pīr yam Raan cī ləc ku dəc yic 2:6-4:6

Mušt ciēen 4:7-18

¹ Ee ɣen Paulo cī Nhialic looi ba ya atuny Jethu raan cī ləc ku dəc, ɣen agät athör kēnē yök wāmāath cī gam Timothī.

² Tēnē wek kəc cī Nhialic gam gen Kolothia, kəc buōth Raan cī ləc ku dəc. Bī Nhialic we gām athiēi ku dōr.

³ Nhialic Wun Bānyda Jethu raan cī ləc ku dəc, ayeku leec akōlakōl tē rōök yök rienkun.

⁴ Rin gamdun tēnē Raan cī ləc ku dəc Jethu, ku nhierdun tēnē kəc ē Nhialic aa cuk piŋ.

⁵ Wäär bīi Wēt Puoth Yam tēnē we tueŋ, wek aa we cī kēn la yic ŋōth piŋ Ku ē yen atō gam ku nhierdun thīn, kək ŋāthkē ke aaci tōšu apath tēnē we pan Nhialic.

⁶ Wēt Puoth Yam athiēi bēi akōlakōl ku athiēi pinyhom ēbēn, cimēn wäär looi yen rot kēya kamkun tēwäär piŋ wek dhēeŋ ē Nhialic ku detkē yic tō thīn.

⁷ Wek aaci dhēeŋ Nhialic piŋ tēnē Epaprath raandan nhiarku lui ē pušu ēbēn tēnē Raan cī ləc ku dəc, ee rienkua.

⁸ Aci ɣo lək nhiēr cī Wēi Nhialic gām we.

⁹ Wēt kēnē yen aye yök ke rōök rienkun tēwäär piŋ yök we. Nhialic ayeku lōŋ bī we cəl aŋic ye, ku ŋiēc ē kəŋ ēbēn wic Nhialic ku dēt ē wēl aya ye Wēi Nhialic ke gām kəc.

¹⁰ Ee kēya, ke week abāk lēu bāk pīr ē pīr yen wic Bānyda, ku kēnē ye cəl amit pušu yen abāk aa looi akōlakōl. Pierdun abī ya kəpath kek ye bēi, ku ŋiēc ŋic wek Nhialic abī rot juak.

11-12 Bī Nhialic we looi bāk riēl, riēl bēn dhēēŋ ē Nhialic, ku bāk lēu bāk kājuēc aa gōök ke we duut wepuōth. Ku yakē Wāda leec ke we mit puōth, yen cī we gām riēl bāk la abanŋ kāk Nhialic wāār cī tāu kacke ruēl Bāānyde yic tēyer.

13 Acī ȳo luāk bei riēl jōŋrac yic, ku bīi ȳo ē bāāny Wēnden nhiēer yic,

14 yen cī ȳo wēēer bei, ku pēl adumušōmkua piny.

Dīt ē Raan cī lōc ku dōc

15 Raan cī lōc ku dōc yen ye tīŋ ke thōŋ ke Nhialic cie tīŋ. Yen ē kaaide, ku yen atō tuenŋ kāk cī cak ēbēn nhīim.

16 Rin ē yen acī Nhialic kāriēēc ēbēn cak, kāk nhial ku piny, kāk ye tīŋ ku kāk cie tīŋ, acā atuuc nhial ku kāril kōk cie tīŋ la riēldīt cak. Nhialic acī nhial ku piny cak ē yeen ku kāk tō thīn ēbēn aa kākke.

17 Raan cī lōc ku dōc a rēēer thīn ke kāŋ ēbēn kēc cak, ku ē rienke yen aye kēriēēc ēbēn rēer nyiēnde.

18 Yen ē bēny kōc cī gam. Yen aye kek piērden yōk thīn. Yen ē Wēndīt tuenŋ wāār cī jōt bei ranŋ yic rin bī a yen tō tuenŋ kāriēēc ēbēn.

19 Rin ē Nhialic yen acī ye tak ē rot bī Wēnde ciēt yen Nhialic gušp alanden.

20 Rin Wēnde yen acī Nhialic looi bī kāk tō nhial ku piny aa dōšr kek ye. Thon Wēnde tim cī riūu kōu yen acī ȳo cōl adōšr kek Nhialic Wun.

21 Thēer wek aa we mec ke Nhialic, ku wek aa we kōc atērde rin tēktēk rac ku kārēc ke yakē ke looi ku takkē ke.

22 Ku ēmēn, rin cī Wēnden wāār cī ya raan cimēnda thou rienkua ēbēn, Nhialic acī we cōl aaye mātŋke bī we bēēi bāk aa kōc la cōk cīn gup awuōc yenhom.

23 Wek aa dhil la cōk ku muškkē rōt ē dīl yenhom. Ku duškkē rōt cōl aben thēl wei ē ŋōthdun cak yōk Wēt Puōth Yam yic wāār cak piŋ. Ee rin ē Wēt Puōth Yam kēnē yen acī ȳen ya alony, Wēt Puōth Yam kēnē cī ya lēk raan ēbēn pinyhom.

Luai Paulo ke cīt alony tēnē akut kōc cī gam

24 Ku ēmēn ȳen acī pušu miēt rin cī piōōcdiēn cā cōl agum we kony. Gumdiēn mec ȳen kēnē, ee rin ba dhōl cī Raan cī lōc ku dōc guum thīn, kuōny bī thāāp ē rin akut kōc cī gam ēbēn cīt gušp Jethu.

25 Ku ē Nhialic yen acā looi ba ya alony akut kōc cī gam. Yen acā gām luai ril kēnē, ba looi rin piathdun. Yen ē luai wētde ēbēn nyuōth.

26 Ku yen ē kē cī moony tēthēer ȳon tēnē raan ēbēn, ku ēmēn acī jāl nyuōth kacke.

27 Kē cī Nhialic guiir ē lōn bī kē cī moony nyuōth tēnē kacke, kāpiathke ku dhēēŋden cī moony muk rin kōc ēbēn. Ku kē cī moony ē lōn nadē ke Raan cī lōc ku dōc arēēer wegup, ku wētde yic wek aabī duaar Nhialic rām kek ye.

28 Kēya, Raan cī lōc ku dōc ayeku lēk raan ēbēn. ȳok aa kōc lēk ku nyuthku ke kuat kēriēēc ēbēn ŋicku ē rin buk raan ēbēn bēēi Nhialic nhom, ke cīt raan la cōk cī mat kek Raan cī lōc ku dōc.

29 Rin bī kēnē rot jal dhīel looi kēya, ȳen a ȳa cī buōc apēi ē riēl wāār cī Raan cī lōc ku dōc gām ȳa, riēl yen lui ȳaguōp.

2

1 Awiēc ku bāk ŋic yen buōcdīt buōc ȳen ba luui apēi rienkun, ku kōc gen Lodikia ku kōc kōk ēbēn kuc ȳa.

² Ƴen a Ƴa lui kēlä rin ba ke deet puŋth, ku bīk röt nhiaar kamken ku rēerkē ē tōk. Kēya, ka bī röt aa deet ku ŋickē kēn ciēŋ path bēēi kamken. Ku ē dhēlē, yen abī kek kē cī Nhialic muŋny ke ŋic, ku yen ē Raan cī lōc ku dōc guŋp.

³ Ee yen ē rot, yen ē Ƴo kony buk wēt ril kēnē deet yic, wēt cī Nhialic jal cōl aŋic emēn.

⁴ Wek alēk kēnē, duŋkkē röt cōl amēth nyīn wēl bī we thēl wei bāk la kērac yic, tē cōk ke aa piŋ ke cīt yith.

⁵ Na cōk amēn cī Ƴen rēēr ke we, ke piāndiē arēēr ke we, Ƴen ē puŋu miēt tē piŋ Ƴen we ke we kääc ē cōk gamdun yic tēnē Raan cī lōc ku dōc.

Pir la cōk Raan cī lōc ku dōc nhom

⁶ Cīt lōn cī wek ye gam lōn ye Raan cī lōc ku dōc Jethu Bēny, rēerkē ke we cī weyiic mat kek ye.

⁷ Calkē aye yen ē mēeidun ku piērdun, bāk riel apeī ē gamdun yic cīmēn wäär cī we piŋōc. Ku bāk la lēcdit apeī.

⁸ Tiēerkē nhīim lōn nadē ke cīn raan ben we thēl lēŋ yic ē kāk lueth ye raan lueel yenhom ē path, wēl jak pinynhom ku ciēŋ thēer ku aacie kāk Raan cī lōc ku dōc.

⁹ Yeen nhom ē Nhialic alanden agut wäär rēer yen pinynhom, ku yeen ē raan aya.

¹⁰ Ku week aaci gām pir alanden rin cī wek mat kek ye, rin ē yen bēny mac atuuc nhial ku jak kōk la riel.

¹¹ Wäär cī wek mat kek Raan cī lōc ku dōc, aci we ŋoot ku acie ŋuŋt dhie ye looi kōc gup, ee ŋuŋt Raan cī lōc ku dōc yen ye looi wēl yiic, ŋuŋt ē kōc wēēr bei adumuŋm yic, adumuŋm ye raan looi rin tē cī ye cak thīn.

¹² Rin wäär cī we muŋōc nhīim, wek aa we cīt kōc cī thiŋk raŋ yic kek Raan cī lōc ku dōc. Ku miŋc nhom aci we bēn gām pir ē yam cīt kōc cī jōt bei raŋ yic kek Jethu. Rin cī wek riel cī Nhialic Jethu jōt bei raŋ yic gam.

¹³ Ƴōn thēer wēikun aake cī thou rin adumuŋmkun, rin wek aa we ye kōc cie kōc Itharel, alei kuc Nhialic ku lōŋke. Ku Nhialic emēn aci we bēēi pir path yic kek Raan cī lōc ku dōc. Nhialic acā adumuŋmkua Ƴodhie pāl piŋy.

¹⁴ Acī kājuēc cuk wuŋōc cī gōt rienkua, kek lōōŋ juēc la yiic kāk cī ke lēu bī ke muk nhīim wuŋōny wei. Acīt lōn cī Nhialic ke piāat tim cī rīū kōu kek Jethu.

¹⁵ Ku ē tim cī rīū kēnē kōu yen aci Raan cī lōc ku dōc lāū nhom yōk tēnē jak la riel, aaci ke cōl abuŋth yecōk bī raan ebēn ke tīŋ cīmēn raan ril cī kōc ater dōm tōŋ yic. Ku jōl yai cam rin cī yen riel.

¹⁶ Kēya, duŋkkē raan dēt cōl aye yen we lēk miēth yakē cam, tēdē kē yakē dek ku lōŋ wil ē pēei, ku lōŋ akōl cī kōc Itharel ē luui, ku akōl kōk.

¹⁷ Kek lōōŋkā acīn kē yekē nyuŋōth, aake jam kē bī rot looi kēn yen ē yic ē Raan cī lōc ku dōc.

¹⁸ Duŋkkē raan dēt pāl bī we muŋr bāk ariŋpdun cī yōk tēnē Jethu. Raan ye lueel ke yen apath tēnē kōc kōk. Raan rot yōk ciēt yen ye Nhialic nyuŋōth kāŋ. Kōc röt nyuŋōth ciēt ke ye kōc path ku keek aaci path acīn. Kōc ye lueel bā atuuc nhial aa door.

¹⁹ Raan cīt kēnē aci rot mēec wei tēnē Raan cī lōc ku dōc yen mac akut kōc cī gam. Akut kōc cī gam aci guŋp Raan cī lōc ku dōc. Yeen amac akut ku ē diēer ē ye. Ku ē kāk tō thīn cōl alui ē tōk rin bī akut riel, ku le tuēŋ dhōl yen wīc Nhialic.

Thuŋu ku pir kek Raan cī lōc ku dōc

²⁰ Wek aaci thou kek Raan ci loc ku dac, ku wek ci weer bei tenë jɔɔrac pinynhom. Yenö kë dëët ye wek pîr abäk ciët koc pinynhom ë ten? Yenö ye wek lööŋkä theek?

²¹ “Duökkë kënë ye muk,” “Duökkë kënë ye bil,” “Duökkë dëët ye goot?”

²² Lööŋkä ëbën aacîn kë yök thîn rin aa jam kâk guo thök, aa lööŋ raan ë path kek piöcdden.

²³ Anjic raan ëbën lon koc ke loi lööŋkä aacit koc njic kâŋ. Ku ë lueth ë path. Ee dhël ye kek koc mac thîn, bî kek kâk cie Nhialic aa door. Ku yekë röt cal aaye koc path. Ku lööŋken aa la yiic kâkjuëc ril. Ku kârilkâ aacie raan ë kony bî raan kë wic guäpde lêu bî duut.

3

¹ Rin ci Nhialic Raan ci loc ku dac jot thou yic, yen ë landun aya, aci we gäm pîr ë yam. Këya, yakë ke wic kâk ci tau we pan Nhialic, të ci Raan ci loc ku dac nyuc thîn ë köŋ cuëc ë Nhialic.

² Lak tuen ke we tak kâkkâ yiic ke cie kâk pinynhom ë tën.

³ Ku wek ci thou ke jethu ku wek aa pîr ke ye ë Nhialic yic.

⁴ Pîr ë yic ë lon bäk aa tök kek Raan ci loc ku dac, rin të ben yen la bën ke week aya wek aabi duarde rom kek ye.

Pîr Theer ku Pîr ë Yam

⁵ Pâlkë kuat kârec ye guöp raan wic pinynhom cimën wic wic ë diäär. Ku luai reec kâk, ku tuil tin raan dët, ku kâk koc cal ayär gup, ku dit ë puöu. (Rin dit puöu acit lon ye raan jak door.)

⁶ Rin ë kâkkâ, riäŋ puöu ë Nhialic abi bën tenë koc ciï yen ë theek.

⁷ Wek aa we ë luui ë kârec kâ wäär kuc wek Nhialic, ku piërdun ëci luoi ë kâkkâ rum.

⁸ Ku ëmën wek aa dhil luoi kâkkâ puöl, riääk ë puöu, ku kuith ku lumlum aa dhil ke puöl.

⁹ Duökkë röt ë jääm ë lueth, rin ci wek ciëŋ theer puöl,

¹⁰ ku njek ë kamkun ëmën aci ya raan ë yam. Ku Nhialic aloi we bäk aa ciët yeen raan ë cak we, ku abäk jâl njic apath.

¹¹ Ku ë këya, Raan ci loc ku dac ë koc ëbën nhiaar koc cie koc Itharel ku koc Itharel. Koc ci ñoot ku koc këc ë ñoot, kek koc ye ñoot, koc ci kâjuëc njic, raan kuat nhiaar tãŋ. Aloony ku koc cie aloony, rin Raan ci loc ku dac yen ë këriëëc ëbën, ku arëer kâŋ yiic ëbën.

¹² Wek aa koc kam koc akut nhiëer Nhialic, ku aci wek kuëny bei bäk aa kacke, wek aa dhil röt nyuöoth we ye koc path la puöth, yer kë puöth ku lier kë puöth ku yakë gum.

¹³ Yakë njic reër ku yakë röt pâl piny të le yen raan ci luoi kërac, tädë ke menhkui yen ci luoi awuöc. Yakë röt pâl piny kamkun cimën ye Bëny kârackun pâl piny.

¹⁴ Ku kâk puöthkâ ëbën, matkë nhiër thîn, nhiër yen kâŋ mat yiic ku cök ke piny.

¹⁵ Döör yen ye Raan ci loc ku dac gäm we, yen ë we cök nhüim täktäkdun yic, rin döör yen aci Nhialic we caal akut koc ci gam yic ëbën rin bäk aa leec.

¹⁶ Wët Raan ci loc ku dac adhil reër wepuöth apath, tetkë wët kënë yic tenë koc ëbën, ku tetkë yic apath kamkun aya dhël la cök. Ketkë waak puöth Nhialic, waak alëc ye ke Nhialic door. Kietkë waak tenë Nhialic kek alëc Nhialic wepuöth.

¹⁷ Kwat kāk yakē ke looi ēbēn, ku luēlkē ke, aa dhiēlkē ke looi kēya rin Bānyda Jethu, yen aye wek alēec yiēk Nhialic Wāda ē dhōlde.

Bī raan rot muk kēdē Pīr Yam yic

¹⁸ Wek diāār piēnkē wēl ye rōōrkun lēk we, ku dhiēlkē looi kēya rin ye wek kōc ē Bēny.

¹⁹ Wek rōōr aya, wek aa dhil diāārkun nhiaar ku duōkkē ke ye kuōc ciēēj.

²⁰ Wek mīth, wek aa dhil kōc ke dhiēth we aa theek akōlakōl, rin yen ē Nhialic cōl amit puōu.

²¹ Wek kōc we dhiēth mīth, duōkkē ke ye nyieeny ē path, tēdē ka bī dhōr ē we.

²² Wek aloony, wek aa dhil kōckun muk we theek ē kwat kājuēc yiic ēbēn. Ku acie nadē ke daai ē we, ke we lui tēnē ke ku bāk alēec yōk thīn, acie kēya, yakē luui puōn cīn yic tiēl rin theek wek Nhialic.

²³ Kwat kāk yakē ke looi ēbēn, luōikē ke piāndun ēbēn, cīt ke luōikē ke Nhialic, ku acie raan yen luōikē ke.

²⁴ Dhiēlkē muk wenhūim lōn Nhialic abī week gām kēpuōth cī tāu kacke, rin Raan cī lōc ku dōc yen ē raan yakē luōōi.

²⁵ Kwat raan cī kērac looi abī tēm awuōc rin kārēec ye looi, rin Nhialic ē raan gām awuōc thōj kek kē cī looi, tēdē ye kēpath aye kērac.

4

¹ Wek kōc ye luōōi, dhiēlkē la cōk apath tēnē aluōonykun. Muōkkē wenhūim lōn wek aa la Bēnydun mac we pan Nhialic aya.

Lēk

² Yakē dhiēl rōōk akōlakōl, dhiēlkē wēpuōth aa tāau thīn ke we lec Nhialic.

³ Yakē rōōk ē riēnkua aya rin bī Nhialic cōl apuōl yic, ba Wēt Puōth Yam rin Raan cī lōc ku dōc ē kuc thēer a piōōc. Rin wēt kēnē yen amēc yēn.

⁴ Rōōkkē, ba ya jam apēi dhēl bī wēt kēnē cōl adet yic apath.

⁵ Njēckē kān aa looi tēnē kōc kuc wēt Nhialic, ku lēkkē ke apath, kwat tē cī wek rōm thīn ke ke.

⁶ Kāk yakē lueel aa dhil aa kāk ye kōc kepuōth tāau thīn, ku nhiarkē ke bīk ke piñ. Ku kēya abāk njic yen tē bī wek wēl aa dhuōk nhūim thīn tēnē kwat raan we thiēēc.

Muōth Ciēēn

⁷ Wāmāāth nhiaar cōl Tikikuth, raan la cōk lui ke yō rin Bānyda, abī we lēk kwat kāk cī rōt looi tēnē ya ēbēn.

⁸ Ku yen ē wēt tuc yēn ye we, rin bī we la dēet puōth, ku lēk we kwat kāk loi rōt tēnē yō aya.

⁹ Yēn ala kek Onethimuth, wāmāāthdan la cōk, ku yen ē raan akuōtdun. Ku keek aabī we lēk tē ciēj yōk thīn ē tēn.

¹⁰ Arithtarkuth cī mac ke yēn ē tēn ē we muōōth aya, ku Marko wēn mēnh ē Barnaba. (Wek aca lēk thēer bāk Marko lor tē le yen yēt tēnē we.)

¹¹ Jocua, ku aye cōl Juthtuth aya, ee we muōōth. Keek kadiāk aa kek kōc Itharel cī gam kepēc lui kek yēn rin wēt bāāny Nhialic, ku keek aacā kuōny apēidit.

¹² Epaprath ë we mußöth ku yen ë raan akußtdun, ku ye raan lui tënë Raan cī lōc ku dōc Jethu. Yeen ë rōök rienkun akōlakōl ë piānde ëbēn, ke thiēc Nhialic bī we cōl aril pußth gamdun yic ke we njic kē wīc Nhialic.

¹³ Alëu ba lëk we apeī yen tē cī yen luui thīn rienkun bī Nhialic we kony, ku kōc gen Lodikia ku Yērapolith aya.

¹⁴ Luka, akīmdan nhiarku apeī ku Demath aa we tußc miäthden aya.

¹⁵ Lëkkë miëthakāi rēēr Lodikia ku Nimpa ku akut kōc cī gam ë mat paande lōn aa yake mußöth apeīdīt.

¹⁶ Tē cī wek athōr kēnë kueen, ke dhielkē kuēn akut kōc cī gam rēēr Lodikia. Ku wek aa dhil athōr ca tußc miëthakāi rēēr Lodikia kueen aya.

¹⁷ Ku lëkkë Arkiputh ëlä, “Dhiel njic ba luoi ë Bēny wäär cī gām yī ba looi, dhiel thōl.”

¹⁸ Ee ciēndiē ayic yen agāt yēn mußth kēnë tēnē we, dußkkë nhīim mār wēt rēēr yēn lōc. Bī dhēēj ë Nhialic rēēr ke we.

Athör tuelj cï Paulo gät kɔc cï gam Thethalonika Wët nom

Thethalonika ë ye gendit pan Mathedonia mɛc kɔc Roma. Ee yen cï Paulo akut kɔc cï gam looi thïn wäär cï yen ke jäl Pilipi. Kaam thin wäär cï ke akut looi, ke kɔc Itharel go tiel ðam ku kueeckë, rin cï kek ye tïj ke kɔc cie kɔc Itharel wäär thek yanhden cï yanhden puöl, ku piñkë wët ye Paulo piöc ku buøthkë yic. Këya, aaci Paulo bën cop bi jäl Thethalonika ku le tuelj gen Beria. Wäär cï Paulo dhuk pan Girik gen Korinth, go Timothi wäär cï keny Thethalonika, lëk ye tē rëer kɔc cï gam Thethalonika thïn.

Ku jöl Paulo athör tuelj kënë göt bi yen kɔc cï gam ðest puøth. Ku leec Nhialic rin cï yen ke piñ ke rëer gamden yic ku nhiarkë röt kamken, ku bi ke cöl aa tak tēwäär ciëj kek thïn ke ke, ku bi thiëcden cik bëi nhial dhuk nom wët bi Raan cï lɔc ku ðoc ben la dhuk pinynom. Yenjö bi rot looi tēnë kɔc cï gam cï thou ë kaam kënë tē le Jethu dhuk? Ku ye nen yen bi Raan cï lɔc ku ðoc ben dhuk? Ku lëk Paulo ke bik la tuelj ke lui apath ke tit bën Raan cï lɔc ku ðoc.

Käk tō thïn

Muøth tuelj 1:1

Alɛɛc 1:2–3:13

Lëk ë ciëj kɔc cï gam 4:1-12

Lëk wët bën Raan cï lɔc ku ðoc 4:13–5:11

Lëk ciëen 5:12-22

Thök ë wël ku muøth ciëen 5:23-28

¹ Athör kënë aa yok yi Paulo ku Thilath ku jöl a Timothi aa yok cï ye tuöc we, wek akut kɔc cï gam gen Thethalonika, ku yakë kɔc Nhialic Wäda, ku jöl a Bänyda Jethu raan cï lɔc ku ðoc. Bi dhëej ku döör rëer ke we.

Pir ku gam kɔc Thethalonika

² Yok aa Nhialic leec rienkun ëbën akölaköl tē rök yok.

³ Wek aa yeku tak akölaköl tē rök yok Nhialic Wäda rin luoidun bën gam yic, ku wek aaci luui apej rin nhiëer wek Jethu Kritho, ku rielkë puøth rin jöøth wek ye.

⁴ Anjicku miøthakua lön nhiëer Nhialic we, ku aci we lɔc ku bæk aa kacke.

⁵ Rin yok aaci Wët Puøth Yam bëi tēnë we, acie wët ë path, ee cath kek riel ku Wëi Nhialic ye nyuøth lön ë yen yic alanden athëer. Anjickë yen tē cï yok cien thïn wäär rëer yok ke we, ee rin ku buk we kony.

⁶ Wek aaci röt thöj yo ku Bänyda, rin na cök alon cï wek gum apej, ke wek aaci wët piñ ke miët ë puøu bō tēnë Wëi ë Nhialic.

⁷ Ku këya, tē cï wek cien thïn yen aci kɔc cï gam Mathedonia ku Akaya tïj.

⁸ Ku acie rin cï wek wët Bänyda Jethu piöc tēnë kɔc Mathedonia ku Akaya ë rot, gamdun tēnë Nhialic aci kɔc pinynom njic ëbën. Ku acin kë lëuku buk ben lueel.

⁹ Rin aa jam lön cï wek yo njic nyuöc wäär cï yok keny tēnë we, ku kë cï wek muøth thïn bæk jak cï ben aa theek, ku ye Nhialic ë yic pir yetök yen yakë door.

¹⁰ Ku bæk Wënde yen bi bën pan Nhialic tiit, Wënde Jethu yen cï jöt thou yic, ku ë yen abi yo luök tē luk Nhialic luk rin cï yen ke puøu riääk apej rin adumuömkua.

2

Käk cī Paulo looi Thethalonika

1 Miēthakua, anjiekē kek week lōn kenya tēnē we akēc nom tēc piny.

2 Anjiekē yen tē cī ʒo lääť thīn, ku jōr ʒo Pilipi ke ʒo kēc yet tēnē we. Ku na cōk alōn wāār cī kōc juēc ye wīc, ke Nhialic acī ʒo bēn dēet puōth buk we lēk Wēt Puōth Yam bō tēnē ye.

3 Wāār ye ʒok we lēk Wēt Puōth Yam, wek aa we cuk ē lēk lueth, tēdē ke ʒo ye jam rin le yen kē buk yōk thīn, ku acīn raan cuk wīc ku buk ruēēny.

4 Kēya, aa yeku them buk aa jam tēcīt tē wīc Nhialic ye thīn rin cī yen ʒo lōc, ku thōn ʒo luoi bī ʒok Wēt Puōth Yam aa piōōc. Aa kēcku them ku buk aa looi kēn kōc miēēt puōth, ee kēn wīc Nhialic raan kē tō kōc puōth ŋic.

5 Anjiekē apath lōn ʒok aa kēc bēn buk we bēn wel nhīim wēl puōth yeku ke lueel, ku aa kēcku ke lueel buk rōt kum ē ke, bī la kē yōk tēnē we. Nhialic anjic kē tō ʒopuōth.

6 Akēcku wīc ku bī la raan lec ʒo ē kamkun ku kōc kōk,

7 Ku cīt lōn ye ʒok atuuc Raan cī lōc ku dōc, ee la kēn buk aa wīc tēnē we. Wek aa we nhiarku, ku rēērku ke we cīmēn ye man mīth miēthke muk.

8 Rin nhiēer ʒok we apēi acie Wēt Puōth Yam yen wīcku buk lēk we ē rot, aa cuk gam buk thou riēnkun aya. Wek aa we nhiarku apēidit.

9 Yeen adhiēlkē muk wenhīim wek miēthakua tē cī ʒok luui thīn apēi. ʒok aacī luui akōl ku wēēr, rin ku bī ciēn kē yeku thiēēc tēnē we tēwāār ye ʒok we piōōc Wēt Puōth Yam ē Nhialic.

10 Wek aa ŋic kāk cuk looi, agut Nhialic anjic aya lōn ʒok aacī ŋic cēŋ kek wek kōc cī gam, ku week aa cuk ciēēŋ ē dhēl dhēēŋ la cōk cīn yic agāāk.

11 Anjiekē yen tē cī ʒok we ciēēŋ thīn, acīt tē ye raan ē dhiēth miēthke ciēēŋ thīn.

12 Wek aa cuk cōl aril puōth, ku wek aa cuk nyuōōc puōth, ku lok tuēŋ ke lēcku we ku bāk pīr dhēl yen Nhialic cōl amit puōu, Nhialic yen we cōl ku bāk rōt mat bāānyde ku duarde yic.

13 Ku ala wēt dēt ye ʒok Nhialic leec akōlakōl. Wāār bī ʒok wēt Nhialic tēnē we, aa cāk piŋ ku gamkē, ke ye wēt bō tēnē Nhialic, acie kē bō tēnē raan. Ku wēt Nhialic alui wepuōth ke war piērdun yic wek kōc cī gam.

14 Miēthakua, kāk cī rōt looi tēnē we aa cīt kāk cī rōt looi tēnē akut kōc cī wēt Jetho Krītho gam Judia. Wek aacī kārēc yōk tēnē kackun cīmēn wāār cī kōc cī gam Judia kārēc yōk tēnē kōc Itharel,

15 cī kōc kōk keyiic kōc kāk Nhialic tīŋ nōk, ku ben kōc kōk keyiic Bēny Jetho nōk. Ku kōcken kōk aacī ʒo cōl agum. Keek aacī Nhialic rac puōu apēi. Keek aa kōc ater tēnē kōc ēbēn.

16 Acik them bīk ʒo aa gēl buk kōc cie kōc Itharel lēk wēt bī ke luōk. Kēya, keek aacā adumuōōm yekē ke looi akōlakōl thōl thoōk. Ku ēmēn Nhialic acī puōu riāāk tēnē ke ku aabī tēm awuōc.

Awīc Paulo bī kōc Thethalonika bēn la neem

17 Ku ʒook miēthakāi, tēwāār cī ʒo puōk yiic ē kaam koor, aa guāpkua kek aake cī jāl, ku wek aa we yeku tak tē cī ʒok we dak thīn, ku acuk them apēi ku buk we bēn tīŋ.

18 Acuk wīc ku buk dhuk tēnē we. ʒēn nom aca them arak juēc ku ba dhuk, ku jōŋ ater ē Nhialic akēc ʒo puōl ku buk dhuk.

¹⁹ Cie week ë röt wek ë ñsth, ku miët ë pušu. Ku cie wek ajömdan bï yok nhiam Bänÿda Jethu nhom tē le yen dhuk?

²⁰ Wek aa diik ku miët ë piända.

3

Timothï aci la Thethalonika

¹ Acuk jäl yök lön nadë, ke kē cïi yok we bï ben tïj, acuk ben guum. Ke yeen acuk tak buk döj Athen warou,

² ku Timothï acuk tooc bï la tēnē we, ku ë wämääthdan lui kek yo ë tök tēnē Nhialic yok kəc kəc lək Wēt Puəth Yam, rin Raan cï ləc ku dəc. Yen acuk tooc ku bï we la cəl aril puəth ku bï we kony gamdun yic,

³ rin ku bï ciēn raan tők ë kamkun bï yenhom ben waar wēt guum wek. Week nhïim anjäckë lön gušm ë kē tööj tš kam kək cï Nhialic guir tēnē yo.

⁴ Cïmēn wäär ñot rēer yok ke we, acuk lək we tuen lön yook yodhie yok aabï gum, ku yeen anjäckë apei, yen ë kē cï rot looi alanden.

⁵ Ku ë yen kē tooc yen Timothï. Yen acä lēu ku ba guum acin, ke yen acï yen ye tooc bï gamdun la tïj. Aduēr ayic alanden lön nadë ke jəñrac acï we lək ruēny, ku luəidan cuk looi acï riääk.

⁶ Ęmēn Timothï aci dhuk ciēn, ku yeen aci thon path cï yo miēt puəth bēi lön wek ajuat we muk gamdun ku nhiarkē röt. Acï lək yo lön ye wek yo tak akolaköl, ku awiäckë bäk yo ben tïj cïmēn wic yok ye buk we la tïj.

⁷ Kēya, käreç gumku ke yiic, yok aaci gamdun deet puəth miəthakua,

⁸ rin cï yok ye piñ Ęmēn lön kēçc wek ë cök gam yic, gam yo gam pïr yam.

⁹ Buk Nhialic leec apei kēdē riēnkun, rin miët pušu rēer ke yo Nhialic nhom ë wētdun?

¹⁰ Aköl ku wēer, Nhialic ayeku thiēc yopuəth ebēn ku buk we la tïj ku nyuthku we kē ñuat kēckë ñic gamdun yic.

¹¹ Bï Nhialic yen Wäda nhom ku Bēnydan dīt Jethu dhəl guir tēnē yo ku buk la tēnē we.

¹² Bï Bänÿda nhiēr juak kamkun ku kəc kək aya apei, cïmēn nhiēer yok we.

¹³ Bï we cəl aril puəth, ku wek aabï ya kəc cïn gup adumušm Nhialic Wäda nhom, tē le Bänÿda Jethu bēn kek kəc ë kacke ebēn.

4

Pïr Nhialic cəl amit pušu

¹ Kēya miəthakua, wek aa cuk lək tē bï wek ñic cien thin bï Nhialic pušu miët. Ku ë yen tē piir wek thin alanden. Ku Ęmēn wek aa yeku lön ku yöökku we rin Bänÿda Jethu, bäk ciēñ kēnē cuot tuen.

² Wek aa ñic kē cuk lək we ë riel cuk yök tēnē Bēny Jethu.

³ Wek aa wic Nhialic bäk dhiel aa kəc path, ku cäk wepuəth ye yiək kək ë bal.

⁴ Ñek adhil yeguöp tiit bï cien dhəl puəth Nhialic kek athēek,

⁵ ku cïi yepušu yik kək ë bal cïmēn raan cïn gam tēnē Nhialic.

⁶ Ku ë kēnē yic, acin raan loi kērac tēnē mēnhē dēt cï gam. Wek acuk lək ë wēt kēnē, ku acuk tēt we aya lön bï Nhialic kəc käreckä looi tēm awušc.

⁷ Acïi Nhialic wic buk yopuəth aa yiək kək ë bal. Awic buk cien yo cïn gup adumušm.

⁸ Kēya, raan kuec bï wəl cuk lək weekkä cïi piñ, acie wētda yen cïi piñ, ee wēt Nhialic, Nhialic we yiək wēi.

⁹ Acin kën nadë ke benku lueel athör kënë yic bäk kəc kək cı wët Jethu gam nhiaar. Rin Nhialic guşp aci we pişoc tē bī wek röt aa nhiaar thın kamkun.

¹⁰ Ku ẽ yic, wek aa nhiar miethakun Mathedonia yic ẽbën. Ku anot lëkku we, bäk nhiërdun juak yic.

¹¹ Tääkë wenhıim ku bäk cien apath, bäk cıı ẽ cien guenygueny, ku raan ẽ rot muk apath kam kəc ẽ kşnde cimën wäär cı yok ye lëk we.

¹² Na luııkë ẽ kënë ke wek aabi kəc kək kęc wët Jethu gam nhiaar ku thekkë we. Luııkë röt bī cien kē yakë wıc tënë kəc kək.

Aköl bën ẽ Bëny

¹³ Miethakua, awıcku bäk yic njic rin kəc cı thou ẽ kamkun, ku bäk cıı dhiau wepuşth cimën kəc kək cinkë yekë nşşth.

¹⁴ Ayeku gam lın cı Jethu thou ku aci bën pır. Këya, yook aya, ayeku gam lın Nhialic abi kəc ke cı wët Jethu gam ku thoukë, cıl aa ben pır ku dhukkë kek ye.

¹⁵ Kën yen lëkku we emën, ee kē cı Bëny pişoc tënë yok kəc bī njot yo pır. Aköl bī Bëny bën, yok aacıı bī la tuenj tënë kəc cı kanj thou.

¹⁶ Kəc ẽbën aabi röl atunydit Nhialic piş, ke koth kanj ẽ Nhialic lëk kəc, ku Bëny guşp abi bën piny nhial. Ku kəc cı thou ke cı wët Raan cı lıc ku dac gam, kek aabi kanj pır.

¹⁷ Ku yok kəc bī njot yo pır aköl kënë, yok aabi kuşşot yiic ke ke, ku yëth yo luät yiic buk rşm kek Bëny aliir yic nhial, ku yok aabi rëer ke Jethu akölaköl.

¹⁸ Këya, deetkë wepuşth ẽ wëlkä.

5

Guierkë röt ẽ rin bën Bëny

¹ Acin kën nadë ke benku lueel athör kënë yic buk aköl bī kakkä röt looi lëk we.

² Anjickë kek we lın Bëny abi bën ke cıı njic, cimën dhie ye cuär bën wakşu ke cıı njic.

³ Tē lueel ye ẽlä, “Këriëc ẽbën apath acin kërac.” ke këręc bī kəc gum thın abi dhiel bën ke cın raan ye tak lın bī yen rot looi cimën tinj dhie rşp rem apı. Ku acin kəc bī poth ẽ këręc kënë yic.

⁴ Ku wek miethakäi, wek aacıı cıt kəc rëer muşşth yic, rin wek aa njic Nhialic. Këya, aköl kënë aacıı bī la ciel wegup cimën cuär ke kuşckë.

⁵ Week ẽbën, wek aa rëer ruel yic rin njic wek Jethu. Yok aacıı cıt kəc rëer muşth yic kuc Nhialic.

⁶ Na ye këya, ke yok aacıı nin cimën kəc kək, yok aa dhil nhıim tır ku dukku ye wıeet mäü.

⁷ Ee wakşu yen aye kəc nin, ku yen dek kek thın mäü apı.

⁸ Ku yok aa kəc ruel. Këya, tırku nhıim ku titku röt ẽ gamda ku nhiërda bī jşnjac yo cıı duşj. Ku cılku nşth rëer ke yo lın bī Jethu yo luşk, aye kôt.

⁹ Rin Nhialic akęc yo lıc ẽ tın rin bī yen yo tım awuşc aköl lunjdit, aci looi këya, bī yo luşk dhël Bänyda Jethu Krıtho.

¹⁰ Aci thou rienkua rin bī yok pır yodhie kek ye aköldä, tē pır yok ayı tē cı yok thou.

¹¹ Yakë wepuşth deet, ku kuşnykë röt kamkun, cimën looi wek ye emën.

Lëk ciëen ku muşth

¹² Wek aa lëŋku miëthakua ku bāk kəcdit wat wenhiim gam Bānyda yic, kəc luikā apei kamkun theek, kəc we nyuōth kē bāk looi pīr kəc cī gam yic.

¹³ Njiekē kəc ciēēŋ apeiđit ku nhiarkē ke rin kāpuōth yekē ke looi. Ku njiekē ceŋ kamkun.

¹⁴ Week aa yōökku miëthakua, bāk kəc aa dak rōöt cie luui lëk, ku riēlkē kəc riōc gup nyin, ku kuonykē kəc wic kuōny, ku yakē raan ēbēn jāām ke we cī wepuōth pāl piny.

¹⁵ Dhielkē njic lōn acin raan guur kērac kēreec dēt, ku yakē wic wepuōth bī ya kēpath yen yakē looi kamkun ku kəc ēbēn akōlakōl.

¹⁶ Yakē rēer we mit puōth akōlakōl,

¹⁷ ku yakē rēer we rōök,

¹⁸ yakē Nhialic leec, kuat kēriēec rot looi tēnē we. Kēnē, yen awic Nhialic tēnē we piērdun yic, ke we ye kəc cī mat kek Raan cī lōc ku đoc, Jethu.

¹⁹ Duk Wēi Nhialic gēl nhom.

²⁰ Ku duk wēl kəc ye lueel lōn ye kek kāk Nhialic tīŋ, ye yōōŋ yiic.

²¹ Kaŋkē deet yic, muōkkē wenhiim kēpath,

²² ku duōkkē rōt ye thiāk kuat kērac.

²³ Bī Nhialic ē Ƴo yiēk đōr, we looi bāk aa kəc path kēriēec ēbēn yic, ku muk wēikun ku guāpkun ke cīn yic ajuēec akōl bīi Bānyda Jethu Krītho.

²⁴ Ku yen raan we cōol ala gam ku abī looi.

²⁵ Rōōkkē aya riēnkua miëthakua.

²⁶ Miāthkē kəc cī gam puōth ēbēn.

²⁷ Wek aa yōök rin Bānyda, bāk athōr kēnē kuen tēnē kəc cī gam ēbēn.

²⁸ Bī dhēēŋ Bānyda Jethu Krītho rēer ke we.

Athör ë rou cï Paulo gät kəc cï gam Thethalonika Wët nom

Athör tuen yic tēnē akut kəc cï gam Thethalonika, ěcï Paulo gät lən Raan cï ləc ku đac abı bən dhuk pinyinhom. Kēnē ěcï kəc kək liäap nhüm Thethalonika. Ku athörden yic tēnē kəc Thethalonika aya, Paulo ě jam lən aköl bï Bēny bən acı thiök. Rin ě wēt kēnē, kəc kək aake cï kəc ě luoi, ku rēerkē ě path ke tit bən Jethu raan cï ləc ku đac. Ku Paulo ě wēt kēnē cök piny ku nyooth, lən tuen ke Raan cï ləc ku đac kəc dhuk, ke raan cöl “Raan Rac” apei abı tuöl ku yeen abı yet nhial apei luoi käreç.

Ku Paulo atuny Jethu, ee kəc cï gam leec rin gamden looi kek luoi pır akölrıēç ebēn, cök alən rēer kek ke gum ke liēp kenhüm ěmēn. Aaye đeet puŕth bık kəc ě cök ku buothkē tēden yen luoi thın yic, ku lek tuen ke loi kápath.

Käk tš thın

Muŕth tuen 1:1-2

Paulo adeet kəc cï gam puŕth 1:3-12

Käk bï röt dhiel looi ke Jethu kəc dhuk 2:1-12

Kəc cï gam aa dhil kəc ě cök 2:13-17

Röçkkē riengkua 3:1-5

Kəc aa dhil luoi 3:6-15

Muŕth ciēn 3:16-18

¹ Yēn Paulo ku Thilath ku jöl a Timothı aa yok cï we tuöç athör wek akut kəc cï gam gen Thethalonika, ku yakē kəc Nhialic Wäda ku Bānyda Jethu Krıtho.

² Bı Nhialic Wäda ku jöl a Bānyda Jethu Krıtho we yiök dhēēj ku đöör.

Paulo adeet kəc cï gam puŕth

³ Miēthakāi yok aa Nhialic dhiel leec akölaköl ě riengkun. Ku ě yic buk looi kēya, rin gamdun ě rot juak akölaköl ku nhiēr kamkun ě rot juak aya.

⁴ Ku ě yen rin ye yok jam ke yo nhiam ě riengkun akuut kəc cï gam nhüm. Yok aa nhiam wēt rēer wek ke we gum ku gamkē wēt Nhialic, cök alən ye wek rēer ke we jör.

⁵ Ku Nhialic acı jöör kēnē looi bï yen tē le yen cök thın nyooth. Rin abı we looi bāk aa kəc bï mat bānyde yic, rin bānyde yen aguom wek.

⁶ Ku Nhialic abı kē la cök looi, rin abı kəc kek we jöör cöl aa gum aya.

⁷ Ku yen abı käk gumku nyaai tēnē yo ku wek kəc gum ěmēn, ku lok tēn lōj yodhie. Kēnē abı rot looi tē le Bēny Jethu bən piny nhial kek riēldıt apei kek atuucken nhial.

⁸ Tē bı Jethu, mac abı đep, ku kəc cï jai wēt Nhialic abı tēm awuöç, kek kəc cï jai bık cı pır Wēt Puŕth Yam ě Jethu Bānyda.

⁹ Keek aabi tēm awuöç bı kek gum akölrıēç ebēn, ku keek aabi gēl wei tēnē Bānyda Jethu, ku kākken dıt puŕth bı ya käk kəc göi, yiic.

¹⁰ Tē bı yen akölä, ke yeen abı gām alēçdıt apei rin kē cı looi rin kacke. Ku kəc cï gam aabi gāi ku dorkē rin riēl tš kek ye.

¹¹ Ku ě yen kē ye yok röök akölaköl riengkun. Yok aa Nhialicda thiēç bı we bēi pır cı yen we caal thın yic, ku bı we tıj ke lēukē bāk met ě pır kēnē yic.

Nhialic abī we yiēk riel ku bāk kāpuoth wiēckē bāk ke looi, aa looi. Ku bāk kāk wiēc bāk ke looi aa looi dhēl la cōk rin cī wek Jethu gam.

¹² Tē looi wek ē kēnē ke wek abī Bānyda Jethu col aye leec, ku abī we col aye theek. Kēnē abī rot looi rin dhēēj Nhialicda ku Bānyda Jethu Krītho.

2

Kāk bī rot dhīel looi ke Jethu kēc dhuk

¹ Miēthakāi, calkē rōt aa benku lēk bēn Bānyda Jethu Krītho, ku tē bī yok yonhīim mat thīn ku rēerku kek ye.

² Duōkkē rōt col aa liēp nhīim ku riāākkē puōth wēl ye ke lueel lōn cī Bānyda Jethu bēn. Tēdē alēukē bik lueel lōn cī Wēi Nhialic ʒo nyuōth ē kēnē, tēdē ayekē lueel lōn cī yok kēnē piōōc tēnē kōc, tēdē lōn cī yok ye gōt ku tucku ke.

³ Duōkkē rōt col awēj nyīn kuat dhōl yiic ēbēn, rin akōl bī Bānyda bēn aṅoot, yet akōl bī kōc juēc keyiic jāl mat ku kueeckē wēt Nhialic, ku Raan Rac, raan lōōj dhōl yiic ēmēn abī tīc, raan ye pan mac kēde.

⁴ Yeen abī jai kuat kē ye door ēbēn, ku yeen abī rot tāau tuēj kēriēēc ēbēn nhom ke ye door ke cīt Nhialic. Abī rot ʒāth tuēj ku dhēl Nhialic ku rēc kāk ye Nhialic door ēbēn. Ku ʒēth rot nhial ku tēēu rot ciel luaj Nhialic.

⁵ Cāk kākā ye tak lōn cī ʒen ke lēk we wāar rēer ʒen ke we?

⁶ Ku ēmēn anjēckē alanden yen kē gēl Raan Rac, raan lōōj dhōl yiic bī cīi bō. Ku yeen abī nyuōth tē le tēde bēn.

⁷ Ku riēlden ye kek kuēc lōōj ēbēn alui piiny, ku yeen abī luui piiny kēya ʒet tē bī raan ye gēl nyaai.

⁸ Tēēn ke Raan Rac, raan lōōj dhōl yiic ēbēn abī tīc. Ku tē le Jethu Bānyda bēn ka bī nōk aliir thok ē path ku mēr piny ē ruelde.

⁹ Raan lōōj dhōl yiic abī bēn ke riel jōṅrac. Ku abī kāk cie yith ya looi, kāk ruēeny ye tē ye luōi ke kōc gōi.

¹⁰ Ku looi kuat kāk ye ke kōc ruēeny ēbēn tēnē kōc bī mār. Keek aabī mār rin cī kek kuēc bik yic cīi nhiar rin bī ke luōk.

¹¹ Ku aabī Nhialic looi bī ke ruēeny apēdit bī ya kē cie yic yen yekē gam ē rot.

¹² Ku kē bī rot looi akīn, kuat raan kēc yic gam ku ye puōu miēt luōi adumuōōm yic, abī luōk wei.

Kōc cī gam aa dhil kōōc ē cōk

¹³ Miēthakāi, wek aa kōc nhiēer Bēny. ʒok aabī Nhialic aa leec ē riēnkun akōlakōl rin wek aaci Nhialic lōc bāk tō kam kōc tuēj bī kan luōk yiic. Wek aaye luōk dhēl Wēi Nhialic we looi bāk aa kōc path, ku rin ye wek wēt yic gam.

¹⁴ Nhialic aci we col ē dhēl Wēt Puōth Yam yen yeku lēk we. Yeen aci we col ku bāk diik Bānyda Jethu Krītho rōm kek ye.

¹⁵ Kēya, miēthakāi duōkkē wenhīim war, lak tuēj ke we muk yic cuk piōōc tēnē we wāar rēer yok ke we, tēdē ke cuk gōt athōr cuk tuōc we yic.

¹⁶ Nhialic Wāda anhiar ʒo, ku ē ʒo nyuōth lier piānde. Ku ē yen cīi yen ye kōōc deet yen ʒo deet puōth, ku col anjicku lōn bī yok la pan Nhialic. ʒok aa rōōk bī Nhialic kek Bānyda nhom, Jethu Krītho,

¹⁷ week deet puōth ku gēm we riel bī wek aa luui kāpath. Ku lēukē bāk kāpath aa lueel akōlakōl.

3

Röskkë rienkua

¹ Ëmën, tē jəl wēt diē wīk, wek aa yösk miēthakāi bāk rōök rienkua, rin bī wēt Bānyda lac thiēi piny ke diēkde cimēn cī yen rot looi kēya kamkun.

² Röskkë aya bī Nhialic γo kony tēnē kōc rεc, rin acie raan ēbēn yen wēt gam.

³ Ku Bēny ē kē ye luel tiēη nhom, ku abī we dεet puōth ku abī jōηrac gēl bī ciēn kērεc lui we.

⁴ Ku Bēny yen ē ye cōl aηicku alanden lōn looi wek kē yeku lēk we, ku lōn bī wek la tuēη ke luōikē kēya.

⁵ Υen ē rōök bī Bēny we cōl aηic nhiēr Nhialic apεidit. Ku yīk we riel puōu cimēn riel piānde yen Krītho.

Kōc aa dhil luui

⁶ Miēthakāi, wek aa lēkku riel cī Bānyda Jethu Krītho gām γo bāk rōt mεεc wei tēnē miēthakāi aa dak rōöt cie luui, cie kāk cuk lēk ke ye looi.

⁷ Week aηickē yen tē dhil wek γo kiēt thīn, rin yok aa γo cie rōt ē dak wäär rēer yok ke ē tōk.

⁸ Acīn kēnē raan cuk kaη lööm ke kēcku γōc, yok aa γo ye luui akōl ku wēr, ee rin bī ciēn raan kamkun tēu kēde piny bī yen γo kony.

⁹ Kēnē acuk looi, ku acie lōn cīn yok yic buk we thiēc ē miēth. Yok aaci luui, rin bāk γo kiēt bāk pīr cimēnda aya.

¹⁰ Acuk lēk we wäär rēer yok ke ē tōk, “Na ye raan kuc bī cīi lui ke duōkkē gēm kēcam.”

¹¹ Yok aa gāt athōr kēnē rin ayeku piη ēmēn lōn rēer kōc aa dak rōöt cie luui kamkun, kōc cie kākken ye looi, kōc rēer ke ciik rōt kāk kōc kōk yic.

¹² Yok aa lēk kōckā riel Bānyda Jethu Krītho bīk pīr pīr path, ku yekē luui bīk rōt muk kākken.

¹³ Ku week, miēthakāi duōkkē dhōr luoi kēpath.

¹⁴ Na le raan kuc bī wēt ca gōt athōr kēnē yic cīi gam, ke muōkkē nhom ku yakē gōr, ee rin bī ηic lōn yen kērac yen looi.

¹⁵ Ku duōkkē ye ciēη cimēn raan la ater ke we, luōikē cimēn menhkui dun wiēcē bī kaη ηic.

Muōth ciēn

¹⁶ Bī Bēny nhom guōp, raan γo gām dōr we yiēk dōr, kuat kēriēc ēbēn yic akōlakōl. Ku rēer ke we ēbēn.

¹⁷ Υen Paulo, γen agāt ē muōth kēnē ē ciēndiē, kēnē yen ē tē ye γen rienkiē gāt thīn athōr ya gōt ēbēn cōk, kēnē yen ē tē ye γen ye gāt thīn.

¹⁸ Bī dhēη Bānyda Jethu Krītho rēer kek we.

Athör tueŋ cî Paulo gät Timothî Wët nom

Timothî ë ye riënythii cî gam pan yen Turkia ëmën, wun ë raan Gîrik ku man ke ye nyan Itharel. Ee ye cath kek Paulo ku kony ë piöoc. Athör kënë cî Paulo gät Timothî ë jam wël kadiäk.

Athör aci jöök yöök piöoc lueth tënë akut kôc cî gam, cî lääp nom kek piöoc kôc Itharel ku kôc cie kôc Itharel. Piöoc kënë aye lueel lön kâk pinyhom aa rëc. Ku alëu raan bi kuöony yök ë nîny kâŋ cî moony ë rot, ku luoi ye ke miith kôk theek ku cîi thiëk. Ku dët ye kek rou tš athöör yic aya, ee piöoc mäac akut kôc cî gam ku duör Nhialic kek tš bi bëny kôc cî gam ku jol aa kôc ke kuony aa rëer thîn. Ku kë ye kek diäk, Paulo ë Timothî wëët athör cök ciëen tš bi yen ya alony Jethu Krîtho thîn, ku jol a luoi muk ke löŋ akuut juëc kôc cî gam.

Käk tš thîn

Muöth tueŋ 1:1-2

Piöoc rin akut kôc cî gam ku kôc mac ke 1:3-3:16

Piöoc tënë Timothî rin luoi 4:1-6:21

¹ Ee yen Paulo atuny ë Jethu Krîtho cî Nhialic yen yo luök, ku Jethu Krîtho yen nãthda lëk ba ya atuuc.

² Ee yen tuc athöör manh cît manhdië ayic cî wët Nhialic gam col Timothî. Bi Nhialic Wäda ku Jethu Krîtho Bänyda yin a nuaän ku yik yi dhëeŋ ku döör.

Paulo aci Timothî lëk bi yenhom tiit piöoc ë lueth

³ Wäär cieth yen ya la Mathedonia, yin aca yöök ku ba rëer Epethuth, rin ba kôc kôc piöoc ë lueth yöök ku bik cîi la tueŋ ke piöoc wël lueth.

⁴ Lëk ke bik kôc anyikööl yekë ke lueel akölaköl. Ku jol aa rin juëc wärkendit kôc, ee rin ye kôc rëer ke teer röt ë path, acin kë yekë juak kâk cî Nhialic guir yic. Rin wët Nhialic aye njic tš cî raan gam.

⁵ Wët lëk yi ë rin nhiër bën ke njic puön path, ku gam ë yic.

⁶ Kôc kôk aa cî kenhüm wël roor ku yekë jam wël cîn kë kony kôc thîn.

⁷ Awickë ku bik kôc piöoc lööŋ Nhialic, ku keek acie wëlken yekë lueel ë deet yiic, wël yekë ke lueel ke cî kepuöth tœŋ.

⁸ Anjicku yen lön puöth löŋ tš njic ye muk nom apath.

⁹ Anjicku aya, lön löŋ acie looi rin kôc path. Aye bëëi bei rin kôc rëc. Ku aa kôc löŋ dhöl yic, ku kôc cî wët Nhialic dhöl yic. Ku kôc kâreç looi, ku kôc cie Nhialic ye rök ku cik thek. Ku rin kôc ë kôc ke dhiëth ke nök. Ku rin kôc kôc nök.

¹⁰ Ku tënë kôc la gup akör ku kôc kôk ke lööm röör kâk cît ke. Ku kôc kôc yaac, ku alueth, ku kôc ë lueth lueel cök aa lön kuëeŋ ke, ku jol a këriëc ëbën cîi thääny kek yith ye piöoc.

¹¹ Ku piöoc puöth kënë athöŋ kek Wët Puöth Yam path apeï bö tënë Nhialic la dâc, ku ë yen aci thön ya ba piöoc.

Dhëeŋ Bëny tënë Paulo

¹² Jethu Krîtho Bänyda aba leec rin cî yen ya yiëk riël. Ku nööth yapuöu ku looi ya ba luoi looi.

¹³ Cök alön cî yen ke kuöc aa jam wätheer rin Jethu, ku ca kôc col agum. Ku ya kâk kôk looi, ke yen aci Nhialic nyuöth lier piände, rin yen aci luui ke cîn kë ë njic. Ku yen a ya këc wët Nhialic gam.

14 Ku Bännya acä yiëk dhëëjden dît apëi kek nhiër, ku gam käk tō ë tōk kek Jethu Krîtho.

15 Wët yic yen lëu ba lueel, ku alëu bî gam akîn, Jethu Krîtho acî bën pinynhom ku bî kōc kârec looi bën lušk. Ku γεν, ee γεν raan wat kōc rec nhüim.

16 Ku Nhialic alir pušu tënë γa, ku ë rin ë wët kënë yen acî Jethu Krîtho γa nyuōth lier piände dît apëi, rin bî ya γen ye ke raan kârec looi apëidit nyuōth thîn. Ku bî γa thōj kōc bî wëtde gam aköldä ku yōkkë pîr akölrîëëc ëbën.

17 Tënë Nhialic Madhəl Bëny mëc akölrîëëc cie tîj, Nhialic tōk ye theek ku lec akölrîëëc ëbën. Yenakan.

Paulo acî Timothî yōšk ku bî yepušu dëet

18 Timothî, wëndië, yîn aba thōn kënë ku bî wël cî lueel rienku thëer röt tiëη, rin na buōth keyiic ke yîn abî luoidu ηiëc looi,

19 tē muk yîn gamdu apath ke ηic pušn path. Kōc kōk aa këc wël cî thōn ke muk nhüim ku aaci gamden rac.

20 Kam ë kōckä aa yî Yëminaith ku jəl aa Alekdhändër, kōc kek ca thōn jəηrac ku bî ke piōc bik Nhialic cîi ben dhöl.

2

Tē bî kōc aa rōök thîn

1 Tuenj, yîn ayōšk bāk aa rōök ku yakë Nhialic thiëëc. Ku yakë rōök rin kōc kōk ku lëckë rin raan ëbën,

2 cimën bānyηaknhüim, ku kōc kōk tō riël kecin. Ku buk pîr ke γo döör ke cîn akëëk kam kōc. Ku yeku kac tōk kek Nhialic ku cîngu gup acuəl.

3 Kënë ë këpath ku ë Nhialic cəl amit pušu,

4 yen wïc raan ëbën bî poth kërac yic ku bik wët yic ηic.

5 Nhialic ë tōk ku jəl aa raan tōj döör kōc ke Nhialic, Jethu Krîtho,

6 yen cî rot gam bî nōk bî kōc ëbën waar, ku wët kënë acî nyuōth aköl cî lōc.

7 Ku rin ë wët kënë yen acî γa kuany, ke γa atuuc ku ya raan piōc tënë kōc cie kōc Itharel, ku ba gam ë yic luëel. Yën acîi lueth luel, ee yic yen aluëel.

8 Yën awïc rōör wuōt thok ëbën, ku bik kecin taar nhial ke rōök tënë Nhialic, ke cîn riääk ë pušu, ku agōth.

9 Yën awïc diäär bik aa cienj alëth path. Ku cikkë kenhüim ye nai dhöl tuut kek kōc. Ku cik ye cienj miläj tōc ku alëth ku guët kōk ye γōc wëëu juëc apëi.

10 Ku keek aa dhil röt cəl adhëj kăpuōth yekë ke looi, kāk ye diäär cî gam looi bik Nhialic aa door.

11 Tik adhil piōc lier guōp ku ye wët cî lëk ye gam.

12 Tik acä ye pušl ku bî ya piōc tädë ke la riël tënë rōör, aadhil rëër ke lir gup.

13 Rin Adam yen ë kōj cak, ku jəl Eba bën cak.

14 Ee cie Adam yen cî wëj nyin ë ye tik yen ëcî wet nyin, ku cîi lōj Nhialic thek.

15 Ku diäär aabi kony ku luäk keek dhiënh mîth yiic, tē le kek tuenj keye kōc cî gam, ku nhiër kepuōth, ku yekë kōc ë luui kăpath dhël athëëk.

3

Bännya akut kōc cî gam

1 Ku wët yic cîn yic lueth akîn, na le raan wïc ye ku bî ya bëny kōc cî gam, ke luoi path nhiaar.

² Bēny adhil a raan cīn kēreεc ye looi. Yeen adhil la tiη tōk, cī gam pušu ēbēn. Ku alir guōp ku cīi kāη ye bāth ku athek yeguōp. Ku ē kōc bēn tēnē ye ηiεc lor. Ku alēu ku bī kōc piōōc.

³ Yeen acie raan ē wīεt ē māāu, tēdē keye raan ē tōη. Adhil a raan ηic cienj ke kōc. Ku acie raan nhīar wēū apēi.

⁴ Adhil paande ηiεc mac apath bī miēthke cōl athek ye, ku yekē wētde pinj.

⁵ Na kuc raan paande mac, ke lēu kēdē ku bī kōc cī Nhialic gam ηiεc aa guīir?

⁶ Yēn adhil a raan cī nhom bak ē gam yic rin ku bī cīi nhiam bī luōk wei aya cīmēn jōηrac.

⁷ Ku yeen adhil a raan ye kōc kēc gam ηiεc jam rienke, rin bī cīi wāi wīn jōηrac bī guōp yār.

Kōc kōc kony luoi kāk Nhialic

⁸ Kōc kōc kony luoi kāk Nhialic aa dhil aa kōc path thek cīn kē yekē moony. Keek aacie kōc dek mōu apēi, tēdē keye kōc kok wēū.

⁹ Keek aa dhil gam cī nyuōth ke muk kepuōth, ku mukē puōn yer.

¹⁰ Keek aa dhil them tuēη, ku na cīk ηiεc luui, ka jōl puōl bīk kōc aa kony luoi.

¹¹ Diāārken aya aa dhil gup la athēēk ku cīk ē luum kōc tōr gup, keek aa dhil aa kōc lir gup, ku aacie kōc ye ruēēny kēriēēc ēbēn yic.

¹² Raan kōc kony luoi kāk Nhialic adhil la tiη tōj cī gam pušu ēbēn, ku adhil miēthke ku paande ηiεc mac apath.

¹³ Kōc kek kōc kony luoi, ku aa luōiden ηiεc looi, aaye theek, ku alēukē bīk aa jam kōc nhīim ke cīn riōōc guōp. Ku pīrkē gamden yic tēnē Jethu Krītho.

Kēril nyuōth

¹⁴ Cīmēn gēt yēn athōr kēnē tēnē we, aya nōōth wek aba la tiη.

¹⁵ Ku na le kē gōu ya, ke athōr kēnē abī we cōl anjic tē lēu bī wek kāk akut cī gam aa luōi thīn, ku yen akut kōc cī gam ē Nhialic pīr, yen ē mēn yen yic kuōny.

¹⁶ Acīn raan lēu bī kē cī nyuōth, kēdan thekku ē yic, jai. Yeen acī nyuōth ke ye raan.

Acī Wēi Nhialic nyuōth lōn ee yen raan la cōk.

Ku acī atuuc nhial tiη,

ku lēk wuōōt ēbēn.

Ku kōc pinynhom aaci bēn la gam tēnē yeen,

ku acī yāth nhial pan Nhialic.

4

Kōc piōōc aa wēēη

¹ Aye Wēi Nhialic lueel ē gēi lōn kōc kōk aabi gamden cīi ben aa theek akōldā. Keek aabi kāk bī jakrεc ke aa wēη nyīn aa gam, ku buōthkē piōōc jakrεc yic.

² Piōōc cīt ē kēnē aye thiāi piny kōc aa lueth kōc wēη, kōc cīn kē ηic piāthken.

³ Kōc cīt kākā, aa kōc yōōk ka awuōc ku bī raan thiēēk, ku ciēm mīith kāk yekē tak ka rεc. Ku yen Nhialic acī mīithkā cak ku bī kōc cī gam ηic yic keek aa cam tē cī kek kaη rōōk.

⁴ Kwat kēriēēc ēbēn cī Nhialic cak apath, acīn kē lēu bī kōc kuεc, ku yen kēriēēc ēbēn aye cam ku rōōk kōc bī Nhialic leec,

⁵ rin wēt Nhialic ku rōōk ē miēth cōl apath.

Aluaη Jethu Krītho

⁶ Tē piōoc yīn wēlkā tēnē miēthakua, ke yīn abī ya raan luoi path ē Jethu Krītho cī ηיע muk ē dhāl gam yith ku piōoc path ca buoath yic.

⁷ Ku mæεc rot wei anyikōol cie yith ē Nhialic, anyikōol cīn wētden yic cīi path bī ke aa lēk kōc. Lui apeī ba rot piōoc ba pīr cīt tē wīc Nhialic ye thīn.

⁸ Luoi ye raan looi ē guōp muk bī riel apath, ku luoi ye yīn rot piōoc ba pīr cīt tē wīc Nhialic ye thīn aηuēēn apeī, rin ala kē ye ηōōth thīn pīir ēmēn yic, ku pīr pan Nhialic akōldā.

⁹ Ku yic yen lēu ba lueel bī gam akīn.

¹⁰ Yok aabī buoc ku luuiku apeī, rin yok aa ηōth Nhialic pīr, yen raan ēbēn kony, ku tuenη aa kōc cī wētdē gam.

¹¹ Yakē kōc yōōk ku piōockē ke ē kākā.

¹² Duōkkē kōc cōl aaye we dhāl gup rin koor wek. Ku luoi kē rōt bī kōc cī gam rōt aa thōη we ē jamdun yic, ku piērdun ku nhiērdun ku gamdun ku lōn cīn wek gup ajuēēc.

¹³ Agut tē bī ηen bēn, yakē wēl cī gōt athōr Nhialic yic kuēn kōc. Ku yakē kōc lēk ku piōockē ke.

¹⁴ Duk yīpuōu wel wei kē cī yiēk yī yic ē rot, kēwāār ca yōk dhēl cī Nhialic lēk kōc ē rienku wāār tēēu kōcdīt akut, kōc cī gam kecīn yīnhom.

¹⁵ Tāāu yīpuōu piny apath ba kāk Nhialic ηיע looi, ku bī raan ēbēn luoidu tīη tē le yen tuenη thīn.

¹⁶ Tīη piērdū cōk ku kāk ye piōoc apath. Dēet wētdū yic apath, rin na loi kēya ka bī yī luōk ku kōc wēlku piη aya.

5

Kāk loi tēnē kōc cī gam

¹ Duōkkē raandīt ye kuōc jāām, yakē jāām dhēl athēēk cīmēn wuurdun. Yakē riēnythīi ηיע jāām apath cīmēn miēthakun,

² ku yakē diāārdīt jāām kecīt mārkun, ku diāārkor kecīt nyiērakun ke we cīn puōth akuēth.

³ Thekkē lēēr cīn nhīim kōc ke kony.

⁴ Ku na la lēēr mīth, tēdē ke ye mīth miēthke, ke keek aa dhilkē kaη nyuōōth lōn cī kek gam ē dhāl muk kek kōc manyden thok thīn. Ku kēya aabī kōc ke dhiēth ke, wārken dīt ku mārken dīt riop rin wāār muk kek ke. Ku kēnē yen ē Nhialic cōl amit puōu.

⁵ Lēēr rēēr ē rot ke cīn raan muk ye ayic ē Nhialic ηōōth, ku ye rōōk wēēr ku akōl, ke ye Nhialic thiēēc ku bī ye kony.

⁶ Ku lēēr ye yiēk yepuōu miet puōu ē rot, acīt raan cī thou cōk alōn ηuōt pīr yen.

⁷ Lēkkē kōckun cī gam ē wēlkā aya, rin ku bī ciēn raan gāk ke.

⁸ Ku na le raan cīi kōc ruāāi kek ye muk, nadē ke ye manyde thok, ka cī kuec ē gam, ku raan cīn gam aηuēēn tēnē ye.

⁹ Acīn lēr mēt akut lēēr yic tē kēc ruōnke thiārdātem waan thok. Ku ē ye tīη path tēnē muōnyde.

¹⁰ Ku aye ηic rin wēt kāpuōth ye looi, cīmēn lōn ηic yen mīth muk, ku ē kōc gōōη apath, ku ē kōc cī Nhialic gam luōi kāpath, ku ye kōc la kē jōr ke kony, ku ye cool luoi kuat kēriēēc ēbēn path.

¹¹ Duōkkē lēēr kor ye mat akut lēēr yiic, rin na lek rōōr tak, ka cōl rōt athiak, ku cīk kepuōth ben yiēk wēt Raan cī lōc ku dōc.

¹² Ku kēya, ka cā awuōc looi ē rin cī kek athōn wāār bīk aa looi thōη kōu.

¹³ Keek aya aabi piöc rëer piiny ë path ku yekë bëei kuany yiic, ku dët rac aya, keek aabi aa kóc alop jöt ku yekë luup wël cii path.

¹⁴ Ke yeen aya tak lön puath yen bi lëer kor aa thiaak, ku bik la mïth, ku mackë bëaiiken apath, rin bi raan aterda dhël cii yök bi ke aa jääm wël rëc kegup.

¹⁵ Lëer kök emën aaci jai wët Jethu ku keek aaci jönrac buöth cök.

¹⁶ Ku na le tij ci gam tö lëer manyden thok, ka dhilke muk apath, ku cii ke pël akut kóc ci gam bi ya yen muk ke, rin bi akut kóc ci gam yenhom yiék muöök lëer cïn nhïim kóc muk ke.

¹⁷ Bäny luoi akut kóc ci gam looi keek aaye theek ku riop ke, rin ye kek kóc ë luui apeï, kóc kek kóc lëk wët Nhialic ku yekë kóc piöc.

¹⁸ Aye athör theer wël Nhialic lueel, “Duk muöör der thok tē luui yin ye bi rap kööm.” Ku këya, “Raan ë luoi adhil yiék ariöpde.”*

¹⁹ Duökkë wët göony raandit ye gam tē ci yen kóc karou ku diäk kek göony yen.

²⁰ Tē le yen kóc ci kërac looi ka dhil nyieeny kóc nhïim, rin ku bi kóc kök këcit ë kënë cii ben looi.

²¹ Wek ayöök Nhialic nhom, ku Jethu Kritho ku jöl atuuc ci Nhialic lóc, thekkë wëlkä ke we cii kóc ye tek yiic bi la raan dët yakë nuaän kuat kë luoi kē yiic.

²² Duökkë ye löc yen lön kueny wek raan bi Nhialic luösi. Duökkë röt mat luoi käreç yiic, rëerkë ke we lip gup.

²³ Duökkë piü ye dek kepëc, yakë muön thin-nyöot dek, ku bi we kony bi thiöör we cii ye lac piäär yiic.

²⁴ Käreç ye kóc kök looi aa la gei kóc nyin, ku aake wat nhïim ë luk yiic, ku kóc kök aaye kåracken cik thiaan jäl ñic ciëën.

²⁵ Ku ë dhöl tööñ kënë, kãpuöth ye raan looi aa cie muöony, ku kãpuöth kök ci thiaan aabi ñic aköldä.

6

¹ Aloony ëbën aa dhil luui apeï, ku yekë bänyken theek apeï, rin bi ciën raan kuc jam rin Nhialic, ku jöl aa piöc ye yök kóc piöc.

² Aloony kóc ci gam acik lëu ku bik kacken ci ke loony dhöl gup, rin keek aa wämäthakën. Kë lëukë bik looi ë lön bik luoiden aa looi apath, rin kóc la kë yekë yök luoi yiic, aa kóc ci gam nhiarkë ke. Aa kek käk lëukë bäk ke piöc tënë kóc, ku yakë ke dëet puöth bik ke theek.

Piöc ë yic ku piöc ë lueth

³ Raan piöc wët dët cie kën ë Nhialic ku acii thöñ kek wël Bänyda Jethu Kritho ku jöl aa piöcda rin Nhialic,

⁴ ke yeen anëk nhiam wei ku acin kë ñic. Yeen ala kë wic cie thök yepuöu bi rot aa tær ku göth ke kóc wël cie yith, ku kënë ë tiel bëei ku këk kóc, ku lëet kóc röt, ku bii diu rac kam kóc,

⁵ ku kóc cïn nhïim aa röt cool ë teer ku acin yiny tö ke ke. Ayekë tak lön yath ë dhël kóc cöl ajak.

⁶ Ee këya, yanh la cök ë raan cöl ajak apeï, tē ci yen käk tö ke ye gam piände ëbën.

⁷ Rin yook acin kë cuk bëei pinyhom, ku ka cïn dët lëuku buk nyaai thün.

⁸ Na lok kë camku ku kë ceñku ka cïn dët yikku yopuöth.

* **5:18** L.rou 25:4; Mt 10:10; Lk 10:7 (aliu ciëñ jiiëñ yic) **5:19** L.rou 17:6; 19:15

⁹ Kɔc ye wic bik jak, aaye piäthken thel käreç yiic, ku keek aa wëi kâk kuckë ku käreç ye piäthken nhiaar, kâk ke thel riääk yic ku rëç ke.

¹⁰ Rin ku bi raan jiëek nhiaar, ee kɔc miëet kuat kâkjuëc rëç yiic. Kɔc kɔk aaci kepuõth yiëk jiëek apeï agut bik nhüim mää̀r ë gam, ku keek aaci kâjuëc n̄õõj ë nyin b̄ëi kepuõth.

Timothî aci nyuõth luside

¹¹ Ku yin raan Nhialic m̄ëç rot wei luoi käreç yiic, ku ye dhöl la cök yen muk cök. Ku ye luui kâk Nhialic ke yi n̄õth Jethu ku ye kɔc nhiaar, ku ye gum, ku ye raan njic cien je kɔc.

¹² Thâr kē yeku gam apath, ku muk p̄ir akölr̄iëç yen ë cɔal Nhialic yī apath aya, kēwäär ca gam ba lueel thuõndu kɔc juëc nhüim.

¹³ Nhialic nhom, yen wëi yiëk k̄eriëç ëbën, ku Jethu Kr̄itho, yen cī ye lueel gai wäär Pilato nhom, yin aya yõõk,

¹⁴ muk löõjkä nhüim apath ke c̄in kē wääc yet aköl bi Bányda Jethu Kr̄itho ben b̄ën.

¹⁵ Lon bi yen ben b̄ën abī rot looi aköl cī Nhialic tak yen raan cī dɔɔc, ku yen B̄enȳn̄aknhom yetök, yen B̄enȳn̄aknhom t̄õ tuen̄j b̄ánȳn̄aknhüim, ku ye B̄enȳ b̄ány.

¹⁶ Ee yeen yetök yen acie thou, ku yen aciëj ruël yic, ruël c̄in raan rot thiäk ye. Ac̄in raan c̄ii ye kañ t̄ij, ku ac̄in raan l̄eu ku bi ye t̄ij. Yen aaye theek, ku ala riëld̄it tet akölr̄iëç ëbën. Yenakan.

¹⁷ Yõõk kɔc cī jak kâk p̄iir pinynhom bik c̄ii nhiam, ku c̄ik n̄äthden t̄ëu kâk cie yith yiic c̄imën jiëek, ku ye Nhialic yen n̄õthkē, Nhialic cī ʒo yiëk k̄eriëç ëbën ë biökruaalde ku buk puõth miët.

¹⁸ Yõõk ke bik kâpath aa looi, bik aa abiökruel, ku dhilkē kâkken aa r̄om kek kɔc k̄õk.

¹⁹ Kēya, keek abī jiëek la cök t̄õu ë rienken pan Nhialic. Ku ë yen abī ya k̄eril d̄iit bi ke cök piny aköldä. Ku yen abī kek p̄iir la cök yök.

²⁰ Yin Timothî muk kē cī kuëi yī apath. M̄ëç rot wei ë jam rac c̄ii thiääk ke Nhialic yic, ku ater c̄in yic kē kuany ye kɔc kɔk yün j̄õõny ë lueth ku luelkē ke nj̄ëç ë k̄añ.

²¹ Rin aye kɔc kɔk lueel lon njic kek k̄añ, ku ë t̄ëñë, keek aci m̄ër wei dhöl gam yic.

Dhëëj Nhialic abī r̄ëer ke we ëbën.

Athör ë rou cî Paulo gät Timothî

Wët nom

Athör ë rou cî Paulo gät Timothî ala yic wël wëet juéc. Rin cît Timothî manh koor ku ye raan ye kony ë luoi. Wëtdit athör yic, ee gum. Timothî aye yöök bi yepuöu dëet ke la tuen ke nyooth wët Jethu Krïtho ke cî gam. Ku muk piöök ë yic Wët Puöth Yam ku athör theer wël Nhialic. Ku ye luui kecît raan ë piöök ku ye raan kóc lëk wët ë Nhialic, ke cî riéc kóc bi ye luc ku jeikë wët lueel.

Paulo aci Timothî lëk athöör yic apeî ku bi rot cî met jam kanyiaap yic ku teer wël kuc nhîim. Wëlkä kóc ke piñ, aa kërac yök thîn.

Ku këné ëbën, Timothî aci bën lëk pîr raan ë gët athöör, wët gamde, lier puöu, nhiër, riel ë puöu ku gum.

Käk tã thîn

Muöth tuen 1:1-2

Lec ku lëk 1:3-2:13

Wëet ku lëk 2:14-4:5

Pîr Paulo 4:6-18

Thök ë wël 4:19-22

¹ Ee yen Paulo atuny Jethu Krïtho cî tooc ba kóc bën lëk pîir cî thon rëër ke Jethu Krïtho.

² Tënë Timothî, manhdiën nhiaar, bi Nhialic Wäda ku Jethu Krïtho Bányda yi ñuään ku yik yi dhëej ku döör.

Timothî aci dëet puöu bi gamde muk

³ Nhialic yen ya door puön cîn yic diu, aya leec cîmën wärkuan dît. Aya leec tã tek yen we tã röök yen aköl ku wëër.

⁴ Yen cî wek dhiau rin cî yok puök aya tak, ku awiéc ku ba we ben tinj, rin ba puöu miët.

⁵ Lon ye wek kóc cî gam ë yic amuök nom, ku athöör kek təcît tã cî moordit Loith ku jol aa moor Yunith gem thîn aya. Aya yök yapuöu lon cî yin gam aya.

⁶ Ee rin ë wët këné yen aye yen yi lëk ba miéc wäär cî Nhialic yiék yi, wäär tãëu yen yacin yinhom ba yi döoc cöl arëër ke dëp yipuöu.

⁷ Wëi cî Nhialic yiék yo acie yo cöl ariéc. Wëi Nhialic ë yo yiék riel, ku nhiarku röt, ku ye raan rot muk apath bi kërac cî loi.

⁸ Duk rot ye yök ciët yi bi guöp yär tã lëk yin kóc wët Bányda, ku yeen aya, duk rot yok ke yi bi guöp yär rin cî ya mac wëtde. Mät rot ya ba gum rin Wët Puöth Yam, ku Nhialic abi yiék riel ba luui rin wëtde.

⁹ Yeen aci yo kony ku aci yo loc buk aa kacke, ku acie rin këpuöth cuk looi, ee rin këden wic. Ku aci Nhialic guuir këya rin piathde. Ku tãwäär këc piny guac cak, Nhialic ëcî Jethu Krïtho guuir bi yo nyuöth piathde.

¹⁰ Ku ëmën Jethu Krïtho aci loc ku döc, aluånja aci riel thou tiaam, ku bii Wët Puöth Yam la gei cît ruel. Ku yik yo pîr akölrïëc ëbën.

¹¹ Nhialic aci ya kuany ba ya atuuc ku ya raan piöök ba Wët Puöth Yam lëk kóc.

¹² Ee wët këné yen aguum yen kakkä ëmën. Yen not ya këc puöu pëk wei, rin yen anjic raan cî yen wëtde gam, ku anjiec alanden lon yeen ala riel, ku abi kë cî thon tiit apath agut cît aköl bi yen ben la dhuk.

¹³ Muk wël puōth yith ca pīs̄oc tēnē yī nhīim apath, ke cīt kāk ba buōoth cōk pīerdu yic. Ku rēēr ē gam ku nhiēr yic, kāk ye yōk rin ye wek tōk kek Jethu Krītho.

¹⁴ Muk kāpuōth cī thōn yī apath ē riel Wēi Nhialic rēēr kek γo.

¹⁵ Yīin anjic lōn cī kōc ke rēēr kek γen ēbēn pan Athia, agut Pigeluth ku γērmojinīth, ku ec pīs̄ocdiē ku jiēlkē.

¹⁶ Bī Nhialic paan Onethiporuth dōc rin acī γen kony bī γen a muōc miēth, ku cīi guōp riōc wēt cī ya mac.

¹⁷ Ku nawēn la yēēt Roma akēc bēn gāau, acī tē tō γen thīn bēn yōōp apēi agut tē yōk yen γa.

¹⁸ Yeen abī Bēny Jethu cōl ayōk kēpath akōl bī yen bēn la dhuk. Ku yīin anjic apath yen tē cī yen γa kuony thīn pan Epethuth.

2

Apuruk path tēnē Jethu Krītho

¹ Ku tēnē yī, yīn wēndiē, cōl rot aril puōu riel yen ba yōk wēt puōth Jethu Krītho, rin ye γok tōk kek Jethu Krītho.

² Muk wël γon ca lueel nhīim ke kōc juēc tō thīn. Ku lēk ke kōc ca deet puōth bīk ke muk nhīim, ku aa kōc lēu ku bīk kōc kōk pīs̄oc aya.

³ Gum kek γo cīt ye apuruk path tēnē Jethu Krītho.

⁴ Apuruk tō luoi yic aye wīc ku bī bānyde cōl amit puōu, ku acie rot la liāap wël cie kāk apuruok yīic bī pīr cimēnden.

⁵ Raan wēēr kek kōc ē kat yic, acie ariōp cī yen kōc wuōr ē yōk tē kēc yen lōōj buōth yīic apath.

⁶ Raan ē pur apēi, adhīl duōmde kaŋ tem.

⁷ Tak yic apath yen kē lēk yī, rin Bēny abī yī cōl adet kaŋ yīic ēbēn.

⁸ Muk yīnhom Jethu Krītho, yen cī jōt bei ē raŋ yic, yeen ee raan many Debit, cīt tē cī ye lueel thīn ē Wēt Puōth Yam ya pīs̄oc.

⁹ Rin ye γen Wēt Puōth Yam pīs̄oc ē yen ye γen gum, ku ye γa rek ciēt γa ye raan cā awuōcdīt apēi looi. Ku Wēt Puōth Yam akēc rek bī cīi la tuenj.

¹⁰ Ku ē wēt kēnē, yen aye γen kēriēēc ēbēn guum, rin kōc cī Nhialic lōc ku bī ke luōk rin Jethu Krītho, ku bīk la duaar akōlriēēc ēbēn.

¹¹ Kākkā aa wël yith,

“Tē cī γok thou kek yeen,

ke γok aabī pīir kek yeen.

¹² Ku na lok tuenj ke γo gum,

ke γok aa mēc kōc kek yeen.

Na jēiku, ka bī γook jai aya.

¹³ Ku na cuk ye kōc kē ye lueel loi,

ke yeen ee kē cī lueel looi,

rin acīi lēu ku bī rot jai ē rot.”

Raan luoi cī Nhialic gam

¹⁴ Bēn kacku tāk kēnē, ku jāi ke apath Nhialic nhom bīk cīi ye gōth kamken wël yekē lueel. Acīn kēpuōth ye yōk thīn, ku ē kōc ke piŋ rac.

¹⁵ Them apēidit ku ba rot nyuōoth tēnē Nhialic lōn ye yīn raan luoi cī gam, raan luoi cie guōp ē riōc, ku ē wēt Nhialic ē yic yen aye pīs̄oc apath.

¹⁶ Ye rot cōl amec tē ye kōc jam thīn wël cie wël ē Nhialic, rin wēlkā aa kōc thel wei.

¹⁷ Käk bik aa pišoc aa wël cīt tētök cie dem. Kam ë kockä aayi Yëminaith ku Piletuth.

¹⁸ Keek aaci wët yic dhöŋ, ku keek aa rëc koc kök cī gam nhüim, rin ye kek ye lueel lön jön bi koc röt jät thou yic aci rot looi tæer.

¹⁹ Ku yiny ril Nhialic cīt kuur cie nyoonj cī thany kōu wëlkä, “Nhialic anjic koc kek kacke,” Ku, “Na le raan ye lueel ke raan ë Jethu ka dhil luoi käreç pušl.”

²⁰ Pandit lääu yic ë yic la aduuk ku tōny, cī kök looi milänj tōc ku kök milänj thith, ku kök aaci cuëec ë tiöp. Aduuk kök ku tōny kök aaye bëëi bei ë tōsu yic, bi koc ke luui nīn ciem ke yai, ku aduuk kök ë kuəot ku tōny kök tiöp aaye koc luui ë path akōlaköl.

²¹ Tëya, tē le raan gušp wic bi käreç cīi ye looi, ka bi thōŋ kek aduuk ye koc ke luui aköl yai, rin cī yen yepušu tääu luoi ë Bëny yic, ku rëer ke cī rot guuir bi kuat luoi path ya looi.

²² Duškkë wepušt ye yiëk kāk ë bal ku kāk kök cīmën riënythii, welkë tuenj ë gam ku luoi la cök, ku nhiër ku döör wedhie wek koc yer pušt bāk Jethu aa cöl ë kuəony.

²³ Ku calkë röt amec tē ye koc röt tæer thīn wël cīn wët den yic ku wël koc kuc kārj, rin anjickë lön ye teer tōŋ bëëi.

²⁴ Aluanj Bëny aci lëu ku bi thör. Yeen adhil a raan path tēnë koc ëbën, raan piöc path lir pušu,

²⁵ raan cie koc aterde ye thaanj gup tē cök yen kenhüim piny, tēdë aabi Nhialic lëu bik kenhüim waar luoi käreç yüic ku njickë yic.

²⁶ Ku dhänjkë dëp cī jōŋrac ke deep, ku looi ke bik kärke aa looi.

3

Käreç bi röt looi nīn ciëen yüic

¹ Muk ë kënë nhom! Tē le tēn bi Jethu dhuk pinynhom thiök, ka bi yic riël tēnë yo Krithiaan buk pīr tēcīt tē wic Nhialic ye thīn.

² Rin koc ëbën aabi röt aa nhiaar ë röt. Ku aabi wëëu nhiaar apei. Ku aabi kenhüim aa læc, aabi nhiam, aabi koc aa läät. Ku aaci wëët bi koc ke dhiëth ke aa wëët ya gam. Aaci pušt bi ya miët kapuoth ye luoi ke. Ku aaci Nhialic bi ya theek.

³ Acin raan yekë nhiaar. Acin kë bik aa päl piny. Aabi ya luum. Ku aabi ya koc cie röt ye duut kuat luoi kërac. Ku aabi rëëc apeidit, ku aabi këpath ye looi aa maan.

⁴ Keek aabi koc ya luom. Aabi ya koc kuith. Ku aabi nhiam ciët kek path ë röt. Keek aabi kāk miët ë pušu aa nhiaar tēnë lön nhiëer kek Nhialic.

⁵ Kockä aabi röt ya nyuəoth ciët yekë koc Nhialic. Ku kënë yic aa kuc riël Nhialic lëu ye bi piërden waar yic. Cöl rot amec tēnë ë kockä.

⁶ Koc kök keyüic aala bëëi yüic ciët ke ye koc path, ku kë tō kepušt ë lön bik diäär ye lac wël nhüim lëu, bik kë wickë ya looi. Diäär aa adumušm looi arak juëc, ku döör aliu kepušt. Aa kāk wic piäthken kek aa yekë ke looi.

⁷ Diäär ye them akōlaköl bik piöc ku acikkë lëu bik yic njic.

⁸ Cīmën Janeth ku Jambrith aake cie wët Mothith ye gam, ku kockä aake cie yic ye gam, keek aa koc cī nhüim kōšc ku aci Nhialic jai rin liu kek ë gam yic.

⁹ Ku kë loikë aci bi la tuenj apei, rin raan ëbën abi ke tiŋ tē kuc kek kārj thīn, cīt mën cī yen rot looi tēnë Janeth ku Jambrith.

Lëk ciëen tēnë Timothī

¹⁰ Yin anjic kâk ca piššc ebën tēnē yī. Ku tē cī ʔen pīir thīn. Ku kēn yen wiēc ku ba looi ē piērdiē yic. Aca deet yen yī, yen tē ye ʔen raan cī gam thīn. Ku lōn cī ʔen ye raan tuc gušp. Ku ʔen anhiar kōc, ku lōn ye ʔen kâḡ guum.

¹¹ ʔen aci luc arak juēc. Ku ʔen aci gum apeī. Yin anjic kâjuēc cī rōt looi tēnē ʔa Antiōk Ikonia, ku Lithtra. Luny cī ʔa luc apeī aca guum. Ku Bēny aci ʔa kušny bei kecin ebën.

¹² Kōc wīc ye ku bik pīir dhēl Nhialic akušt tōk yic kek Jethu Krītho, aabi dhieł gum.

¹³ Ku kōc luui kâreç ku yekē rōt nyuəəth ciēt keye kōc path aabi la tueḡ ke loi kâreç apeī, ku aa kōc tuššr nyīn ku tuur ke nyīn aya.

¹⁴ Ku tēnē yī, lōar tueḡ ke yī loi yic yen cī piššc tēnē yī, ku aca gam piāndu ebën, rin yīn anjic kōc kek ke piōōc yī.

¹⁵ Ku tēwäär ye yīn meth, yīn anjic wēł cī gōt athōr Nhialic yic, lēu ku bik yīn cōl aye raan ḡic kâḡ apath. Ku ḡiny kâḡ yen abī cōl aluāk dhēł gam Jethu Krītho.

¹⁶ Athōr wēł Nhialic ebën aa wēł ye Nhialic lēk kōc kâkke tīḡ bik ke gōt, ku ē kōc kony bī kōc piōc ē yic, ee jai awušc. Ku ee kâreç ye looi cōk piny, ku ee kōc nyuəəth dhēł la cōk.

¹⁷ Rin bī raan ē luui tēnē Nhialic, ye lēu apeī ku guiir rot bī kuat luoi path ebën ʔa looi.

4

¹ Yin adhieł lēk Nhialic nhom ku Jethu Krītho yen bi luḡ kōc ebën luk akōldā, kōc pīr ku kōc cī thou rin bī yen bēn kek bāānyde.

² Piššc kōc Wēt Puath Yam, ku deet ē kenhīim apath bik piḡ tēdē ke cīk piḡ. Ku cōk kenhīim ku lēk ke bik kepuəəth deet ke piššc ke, ke yī cī rot pāl piny.

³ Ala akōl bī bēn akōl cīi kōc bī bēn piḡ ē yic, ku aabi kâkken nhiarkē aa buəəth cōk. Ku keek aabi kōc piōōc juēc aa mat nhīim, bik ke aa lēk kâk kek nhiarkē bik ke aa piḡ.

⁴ Keek aabi kuēc bik wēt ē yic cīi ye piḡ, ku aa anyīkōōl kek yekē nhiaar.

⁵ Ku ye rot duut kēriēc yic ebën ku ye kâreç guum, loi kē ye raan Wēt Puath Yam ē Nhialic piššc, ku ye luəidu looi ebën ke yī aluaḡ Nhialic.

⁶ Wēikiē acit ajuēr cī juēr Nhialic. Acī looi bī ke ye lušši. Ku emēn, akōl bī ʔen thou aci ʔēēt.

⁷ ʔen aci luəidiē looi apath, ʔen aci luəidiē looi ebën, cimēn raan kēēc cie dhuk ciēēn tōḡ yic, ʔen aci luoi cī Jethu yiēc ʔen thāap cimēn raan cī kōc wuər, ʔen aci rēer alanden ke ʔa ye raan cī gam.

⁸ Emēn, ariōp bī yiēc ʔen ke ʔa ye raan ye Nhialic piērdiē tīḡ ke la cōk, ariōp yen ye Jethu, yen Bēny kōc tēk yiḡ, abī yiēc ʔen akōl luḡdīt, ku acie ʔen ʔatōk, abī yiēc kōc tit ye aya ke nhiaar akōl bī yen bēn bēn.

Athōn Paulo

⁹ Them apeī emēn ku ba bēn tēnē ʔa.

¹⁰ Demath aci pīr pinynhom nhiaar, ke yeen aci kat tēnē ʔa, yeen aci la Thethalonika. Krīthkīnth aci la Galatia ku Tito aci la Dalmatia.

¹¹ Ee Luka yetōk yen arēēr kek ʔen. Cōl Marko ku bākkē tēnē ʔa, rin yeen alēu ku bī ʔa kony ē luoi.

¹² Tikikuth aca tuəəc Epethuth.

¹³ Tē bī yīn, ke yī luēth alanhdiēn wiir ca nyääñ Troath tēnē Karputh, bēxi athör aya, athör cī looi ē biöök.

¹⁴ Raan thōth cəl Alekdhändēr acī ɣen luši kērac apei, yeen abī Nhialic luši kē thōñ kek kē cī looi.

¹⁵ Ba rot tiit ye apath, rin acī kuc wēt yeku lueel ku ye wīc bī thör.

¹⁶ Acīn raan tōk cī kōc kek ɣen akōl tuen yen ɣēth ɣen luk yīc, raan ēbēn ēcī jāl ɣakōu. Acā wīc ku bī Nhialic kuēn kekōōth.

¹⁷ Ku Nhialic acī ɣen bēn kony ku yīk ɣa riel, agut tē bī ɣen wēt Nhialic lēk kōc cie kōc Itharel ēbēn ku bīk piñ. Ku ɣen acī bēn poth bī ɣen cī tēm ē nōök.

¹⁸ Ku Nhialic abī ɣen kuōny bei kārec jōñrac yīc ēbēn. Ku abī ɣen nyaai ke ɣa puol guōp, bī ɣa ɣāth paande ē bäänyde yīc. Yeen abī ya theek akōlriēc ēbēn! Yenakan.

Muōth Ciēēn

¹⁹ Prithkila ku Akuila aa ya muōōth, ku jol aa mīth Onethiporuth.

²⁰ Eratuth arēēr Korinth, ku Tropimuth aca nyääñ Miletuth rin ē tuany.

²¹ Them apei ku ba bēn ke rut kēc ɣēēt. Week aaci Ebuluth, Pudenth, Linuth, ku Klaudia muōōth, ku jol aa wāmāthkuan kōk cī gam.

²² Bī Bēny Nhialic rēēr ke wēikun. Dhēēñ Nhialic abī rēēr ke we ēbēn.

Athör cī Paulo gät Tito

Wēt nom

Athör kënë aci Paulo gät Tito riēnythii tō Kret raan ye ye kony, yen cī Paulo nyāāṅ piny bi akut kōc cī gam lōk bišōk. Athör ē jam wēl kadiak ril apēi.

Wēt tuenṅ, Tito a lēk bi tē ye kōc cī Nhialic gam luui thīn bi buōth yic, rin kōc juēc pan Kret aci path. Wēt dēt, ee wēēt Tito tē bi yen kōc juēc cī gam pan Kret ya pišōc thīn, rōördit ku diāārdit, ku riēnythii ku aloony aya. Ku jal diāārdit diāārkor ya pišōc. Wēt ciēn, Paulo ē Tito lēk tē bi kōc cī gam cien thīn, bik rēer ke mēt ku dōr ke cīn agōth, ku cīn tiēl bi kōc cī gam rēer keye tōk.

Kāk tō thīn

Muōth tuenṅ 1:1-4

Luoi Tito pan Kret 1:5-16

Luoi akut kōc cī gam 2:1-15

Ciēnṅ peth Krīthiaan 3:1-11

Muōth ciēn 3:12-15

¹ Athör Paulo aluanṅ Nhialic ku ye atuny Jethu Krītho cī tuōc Tito. Yen ēci kuany ku toc ya ba kōc cī Nhialic kuany bēēi gam yic bik pīr akōlriēc ēbēn yōk, ku ṅickē yic kōc yāth tēnē Nhialic,

² yen tō ṅōth ē pīr akōlriēc thīn. Nhialic cīi lueth ye lueel, aci yo thōn ē pīr kēnē wāthēer ke piny kēc cak.

³ Lōṅ ē pīr aci Nhialic nyooth ku tuuc yen ē rielde kek Aluāṅda Jethu ba bēn lēk we.

⁴ Yin agāt athör Tito manhdiē Nhialic nom, cuk gam yodhie. Bi dōr ku dhēṅ Nhialic Wāda kek Wēnde Jethu Krītho Aluāṅda rēer kek yī.

Luoi Tito pan Kret

⁵ Yin aca nyiāāṅ pan Kret, ba kāk kēc rōt cōk wāar lōk cōk. Ku kuany kōcdit bik akuut kōc cī gam wat nhīm ē gēeth pan Kret yiic ēbēn cīt tē cī yen ye lēk yī thīn.

⁶ Raandit wat akut nom adhil a raan luoi akut kōc cī gam looi apath, ku aci thiēk tiēn tōk. Ku miēthke aadhil aa kōc cī gam ku lek gup athēk ku cik nhīm ril.

⁷ Kēya, raan wat akut kōc cī gam nom yen ē raan luoi kāk ē Nhialic, adhil a raan path cīi nom ril, cīi puōu lac dak ku cīi ye wiēt ē māau ku cīn guōp akōk, ku cīi ye bath wēū.

⁸ Adhil aa biōkruak ku nhiēer luoi kēpath, adhil a raan ē rot duut, la cōk ē Nhialic nom ku peth.

⁹ Ee raan dhil wēt Nhialic muk piānde ēbēn cīt tē cī ye pišōc thīn. Kēya, abi kōc kōk riēl puōth wēt Nhialic cie lueth yic, ku nyuth kōc kuc ē wēt kēnē lōn ye pišōcde yic.

¹⁰ Rin kōc juēc aake cī kuc, ku alanden kōc Itharel cī gam bik bēn Jethu cōk, aa kōc bēn liāap nhīm ē lueth ye kek kōc wēṅ nyīn.

¹¹ Aṅuēn bi ke yōk bik kōc ē jam, rin liēp kek kōc nhīm bēēi yiic piōcden rēc kēnē wēt wic kek wēū ē path tēnē kōc yekē ke pišōc.

¹² Raan tōk pan Kret ē kam kōcken kāk Nhialic tūṅ aci yic lueel ēlā, “Kōckuan pan Kret aa lueth, aa lāai, aa dak rōot cie luui, aa kōr ē mīth.”

¹³ Rin wēt kënë adhil wek ke aa miək nyin thïn apei, bik kepuōth waar bik wēt Nhialic gam kepuōth ebën.

¹⁴ Ku cïkkë ben aa luui wël kəc Itharel, wël cit anyikööl, lööŋ kəc cï kuc ec wēt yic.

¹⁵ Tënë kəc yer puōth ebën aa cïn yiic ajuëc, ku tënë kəc col puōth kãŋ ebën aa la yiic ajuëc rin aaci wel nhïim ku piãthken aaci yith kuc.

¹⁶ Ku ayeke lueel lön ƚic kek Nhialic, ku aye kãk yekë ke looi nyooth lön cïi kek ye ƚic. Acïn kë ye kek piath thïn, aa cïn gup athëc ku acïn kēpeth yekë looi.

2

Kë la cök dhil piöc

¹ Yin adhil kəc piöc wēt Nhialic e yic.

² Lëk kəcđit bik kegup aa theek ku yekë röt tiit, ku gamkë Nhialic e puöu ebën, ku nhiarkë röt ku dhilkë gum aya.

³ Lëk diãrdit aya bik aa diãr thek Nhialic. Ku cik wël ye dhëeth, tädë ke yik röt mäau. Ku yekë diãarkor nyuōth kãpath.

⁴ Ku nyuuthkë diãarkor bik rösörken ku miëthken nhiaar.

⁵ Ku bik röt muk apath bi ciën kãrec ye luëel kegup. Ku thekkë rösörken gup, bi ciën raan rac dhãl wēt Nhialic yic rienken.

⁶ Këya, yin adhil riënythii aa dëet puōth aya bik röt aa muk apath.

⁷ Yiin aya, adhil nyooth lön ye yin raan athëc path ye kiëc ku ƚic piöc.

⁸ Ye jam wël la cök rin bi ciën raan dhãl yigüöp, bi kəc aterdu ciën nyin yökkë bi kek yo aa jãam gup.

⁹ Piöc aloony bik bãnyken aa miëet puōth kuat kãk yekë ke looi akölaköl, ku cik wëlken ye jööny,

¹⁰ ku cik ye cuëer aya. Ku bik nyooth lön ye kek kəc path akölaköl cïn kë ye ke diëu thïn, ku bik nyooth aya lön peth piöc rin Nhialic Aluãnda kuat kãk yekë ke looi yiic.

¹¹ Rin Nhialic aci tē puōth yen thïn nyuōth, rin cï yen bën bi raan ebën ben luök pïr.

¹² Dhëẽnde e yo lëk buk pïr rac ku kãk pinynhom puöl. Ku buōthku pïr path yic, pïr löŋ Nhialic pinynhom e tën,

¹³ ke yo tit aköl ci döac yen ƚãthda, tē bi diik Nhialic ril apei ku Jethu Kritho Aluãnda rot nyuōth.

¹⁴ Bãnyda Jethu aci rot gam bi nõk rin bi yook kony kuat kãrec ye raan ke looi yiic, ku cöl yo aaye kəc cï kegup wuööny wei, ku yeku kacke yetök ku yeku nhiaar diët yeku looi kēpath.

¹⁵ Piöc kãkkã riëldun tō ke yi. Ku ye ke dëet puōth ku miək kəc piöc ke nyin thïn. Ku duk raan tøk e path pãl bi yi dhöl güöp.

3

Cieŋ peth Krithiaan

¹ Lëk kəc bik ƚic lön e luoiden bik bãny baai ku lööŋ məc baai theek ku loikë kãpath.

² Lëk ke bik kəc køk cïi ye lom ku yekë kəc e kəc döör, ku mëethkë kamken ku yekë röt nyuōth akölaköl lön ye kek kəc path tënë raan ebën.

³ Ƴook theer Ƴok aa Ƴo ye luui käreç, acin kënë njiku, Ƴok aa Ƴo cın gup athëk, ku yeku aloony käreç ye piäthkua wïc ëbën. Ƴok aa Ƴo la gup kuith ku tiel ye ke Ƴo maan kōç kōk ku manku ke aya.

⁴ Nawën cı piath ku nhiër Nhialic yen Ƴo kony rot nyuoōth,

⁵ ke kony Ƴo. Ku acie rin kăpath cuk looi, ee rin Ƴer yen puşu. Acı Ƴo kony ë lăkwëi cı Ƴo ben dhiëeth riel Nhialic ë yic, ku ben Ƴo col aaye yam dhëëŋ Wëi Nhialic,

⁶ cı gām Ƴo ë path rin Jethu Krıtho Aluānda.

⁷ Ku bı dhëëŋde Ƴo cōk piny Nhialic nhom, ku buk pır akōlriëç ëbën yeku ŋsōth Ƴok.

⁸ Kënë yen ë wët yic, detkë yic apath, rin bı kōç rëër ke cı Nhialic gam, aa rëër ke loi kăpath ë raan ëbën kony.

⁹ Pălkë jam cın kē ye kuōny kōç rin wärkuan dıt theer. Ku ater ku agōth rin lōŋ, rin kăkkă ëbën aa cın kē ye Ƴok thın.

¹⁰ Wëët raan rac kën yic tōk ku rou, ku päl tē cıi yen ye gam.

¹¹ Nıç lon ye raan cıt kënë raan rac, ku aye kăkken rēç ye looi guo nyuoōth.

Muōth ciëen

¹² Të le Artemath ku Tikikuth Ƴet tënë Ƴı, ke Ƴı loc bën tënë Ƴa gen Nikapolith rin awiëç ba pëi rut thōl ë tēēnë.

¹³ Luōsi apath ba Dhenath raan löōŋ ku Apolo kony kēnyden yic, Ƴiëk ke kuat kē wickë ë cāth yic.

¹⁴ Adhil kackua ŋiëç bik cıi ye rëër ke cıi lui, aa dhil aa luui kăpath wïc piërden, acık lëu bik pır pır rac.

¹⁵ Kōç rëër ke Ƴen ëbën aa we muōōth. Muōth kōç nhıar Ƴo miëthakua le Ƴok gam tōk. Dhëëŋ Nhialic abı rëër kek we ëbën.

Athör cī Paulo gät Pilemon

Wēt nom

Pilemon aye raan ē lōc kam kōc cī gam gen Kolothia, ku ē ye raan akut kōc cī gam, ku ē la alony cōl Onethimuth. Alony kēnē ēci kat tēnē ye. Nawēn ke la rōm kek Paulo yōn ē mēc ku wel Paulo nom bi ya raan cī gam. Athör Paulo cī gät Pilemon ē tuc ye rin bī Pilemon dōsr kek aluonyde Onethimuth, ku lor ke cie wēt ye yen alony cī dhuk tēnē ye, ku ē wēt cī Onethimuth ya wāmēnh cī gam aya.

Käk tš thīn

Muōth tueŋ 1-3

Alēc tēnē Pilemon 4-7

Bī Pilemon kē cī Onethimuth wuōc pāl piny 8-22

Muōth ciēn 23-25

1 Paulo raan cī mac ē wēt Jethu raan cī lōc ku dōc, yen agät athör tēnē wāmāāth ē gam yic Timothī ku mātħda Pilemon raan luu yōk,

2 ku nyanakāida Apia ku mātħdan dēt lui apeī cimēnda cōl Arkiputh ku tēnē kōc cī gam ē rōm paandu.

3 Bī dōsr ku dhēēŋ Nhialic ku Bēny Jethu raan cī lōc ku dōc, aa rēer kek we.

Alēc tēnē Pilemon

4 Wāmāāth cī gam Pilemon, na rōk akōlakōl ke yīn aya tak rōkdiē yic ku lēc Nhialic rienku.

5 Rin ŋen ē nhiērdun nhiēer yīn kōc ē Nhialic, ku gamdu tēnē Bēny Jethu, piŋ.

6 Rōkkiē ē lōn bī piath bēēi kamkua buk athiēi cuk yōk piērda yic tēnē Raan cī lōc ku dōc aa deet ya.

7 Nhiērdu acā cōl amit pušu apeī ku deet ŋapušu rin cī yīn kōc cī Nhialic gam nyuōsth apath.

Paulo awīc Onethimuth bī kony

8 Kēya, rin wēt kēnē, alēu ba yī yōk ke ŋa cīt wāmuuth rin Raan cī lōc ku dōc, kē wiēc ba looi,

9 ku rin nhiēr nhiaar ŋen yī yen abī ŋen yī thiēēc. Kēnē aya looi rin ē ŋen Paulo tit nyin Jethu raan cī lōc ku dōc yic, cī mac ēmēn wētde.

10 Yīn alāŋ rin Onethimuth cī jāl a manħdiē rin Raan cī lōc ku dōc, rin cī ŋen bēn ya wun wēike wāar mēc ŋa.

11 Wāar tueŋ acīn kēn ye kony tēnē yī, ku ēmēn ala kē lēu bī kony tēnē ŋo yodhie, yīn ku ŋen.

12 Yeēn atuōc ciēn tēnē yī, cōk alōn cī piāndiē ye wīc.

13 Ee nhiaar bī lōk rēer ke ŋen tēthin-nyōt, bī ŋen kony nyiēndu mēnē lōk mēc ŋen rin piōc ē wēt Nhialic.

14 Acā wīc ba yī nāk kuōnydiē, awīēc ba kēdu tak ē rot. Acīn kē luōi ke kēc ē gam.

15 Tēdē, wēt jiēl Onethimuth tēnē yī ē rin bī yen bēn dhuk bāk la rēer ke we cī ben puōk rin cī gamdun a tōk.

16 Yeēn adhuk tēnē yī rin ē yen aluonydu, ku ŋic lōn ye yen wāmuuth aya rin cī yen gam. Yeēn anħiaar apeī ku aba nhiaar apeīdit aya ke cīt aluonydu, ku ye wāmuuth rin Bānyda.

17 Na luuiku ē tōk, ke yī lor Onethimuth cīt lōn bī yīn ŋa lor.

¹⁸ Na le kërɛɛc cī luši yī, tēdē ke kšny ē wēēu, ku wīc ke ke nyaai ke kākkiē yiic.

¹⁹ Ee ʒen Paulo ʒen agāt kēnē ē ciɛɛndiē. Yīin aba cušōt. Ku duk nhom mār yīn aci pīr akōlriēēc ēbēn yōk ē rienkiē.

²⁰ Ke yīn manh ma, loi kēnē apath rin Bānyda. Ku ē wēt ca lim tēnē yī ke ʒo cīt mīth ē tik rin Raan cī lōc ku dōc, dɛɛt ʒapušu.

²¹ Aŋjɛc lōn bī yīn kē ca thiēc tēnē yī looi ku kajuēc kšk.

²² Ku dēt aya, guir tēn anīn tēnē ʒa, tek ke Nhialic abī rōškkun piŋ ku abā cōl adhuk tēnē we.

Mušth ciēēn

²³ Epaprath raan cī mac kek ʒen rin wēt Jethu raan cī lōc ku dōc, ee we mušōth.

²⁴ Ku kōc lui kek ʒa, Marko ku Arithtarkuth ku Demath ku Luka, aa week mušōth aya.

²⁵ Bī dhēēŋ Bānyda Jethu raan cī lōc ku dōc rēer ke we ēbēn.

Athör cī gāt kōc Itharel cī gam Wēt nom

Athör cī gāt kōc Itharel, ee gēt tēnē akut kōc cī gam wäär duēr gamden wai wei, ku dhukkē gamden thēer yic, rin cīi kōc juēc kē loikē nhar ku yekē ke kuōc ciēēŋ. Ku keek aake ye raan gāt athōōr ke dēet puōth ē gamden yic. Ku nyuth ke lōn Jethu Krītho yen ē yic la cōk, ku ē yen aci Nhalic rot nyuōōth thīn. Wäär gēt yen athōōr ē wīc bī yith kadiāk dēet kepuōth apei. (1) Jethu yen ē Wēn Nhalic akōlriēēc ēbēn, ku yeen aci bēn gum bī tē yen Wun Nhalic thēek thīn ŋic. Rin ye yen Wēn Nhalic, Jethu adīt tēnē kōc kāk Nhalic tīŋ cī gōt athör thēer wēl Nhalic yic. Ku adīt tēnē atuuc nhial ku tēnē Mothith aya. (2) Jethu aci Nhalic nyuōōth bī ya yen raandīt kāk Nhalic akōlriēēc ēbēn, ku dīit tēnē kōc kāk Nhalic tō athör thēer wēl Nhalic yic. (3) Ku Jethu yen ē raandīt kāk Nhalic. Ku ē yen pīr ē yic bēēi tēnē ŋo. Ku lāai wäär ye kōc Itharel ke nōk, ku tēwäär ye kek yanhdn duōor thīn duēl yic, aa ye kīit yen aye kek pīr bī Jethu bēēi akōldā kiēēt.

Ku cōkdīt 11 yic, raan gēt athōōr ē kajuēc rin gam kōc thēer cī gōt athör thēer wēl Nhalic yic lēk kōc bā athōōr kueen, bīk kepuōth dēet gamden yic. Ku cōkdīt 12 aaye lēk bīk la tuēŋ ke gam yet tē thou raan ku cik kekōth wēl Jethu. Ku gumkē kuat kāreēc lu rōt ke, ku nāāk bī bēn tēnē ke aya.

Wēl juēc tō athör thēer wēl Nhalic yic, aaye raan ē gāt athör kēnē tēnē kōc Itharel cī gam, lac mat thīn. Kek wēlkā aabi raan kuen athōōr ya yōk ciel kīt ŋāny ku kīt ē thiōk yiic (“ ”) Athōōr ē thōk ē wēēt ku lēk.

Kāk tō thīn

Wēt Nhalic aci Wēnde lēk kōc 1:1-3

Jethu adīt ku aril tēnē atuuc nhial 1:4-14

Buōthku Jethu bī ŋo luōk la pan mac 2:1-4

Jethu aci bēn bī ŋo luōk 2:5-18

Jethu adīt apei tēnē Mothith 3:1-6

Gamku wēt Jethu buk rēēr ē duk 3:7-4:13

Jethu yen ē Raandan dīt apei kāk Nhalic 4:14-6:12

Athōn Nhalic ē yic 6:13-20

Melkidhedek 7:1-14

Raan dēt kāk Nhalic cīt Melkidhedek 7:15-28

Jethu yen ē Raandan dīt kāk Nhalic 8:1-15

Tē ye Nhalic duōor thīn wāthēer 9:1-10:18

Bāk lok tēthiāk ke Nhalic 10:19-39

Gam 11:1-12:29

Tē ye Nhalic miēēt puōu thīn 13:1-16

Thek kōckun dīt wēl Nhalic 13:17-19

Rōōk ciēēn 13:20-21

Wēl ciēēn 13:22-25

Wēt Nhalic aci Wēnde lēk kōc

¹ Wāthēer Nhalic aci jam tēnē kōc kākke tīŋ bīk wētde lēk wārkuan dīt arak juēc dhōl juēc.

² Ku emēn, ee Wēnde yen ē kākā lēk kōc. Yen aci Nhalic thōn kāriēēc ēbēn pinyinhom, ku ē riel Wēnde yen ē looi yen kāriēēc ēbēn tō thīn.

³ Wēn Nhalic yen ē dhēēŋde nyuōōth. Ku yen aye Nhalic tīc yeguōp ayic. Ee riel wēt yen ē kāk tō nhial ku piny cōl alui cīt tē cī yen ke cak thīn. Ee yen

aci thou ba adumušmkua laak wei yogup, ku ler ku nyuuc Bäänyde yic nhial cuēny Wun Madhōl.

Jethu adit ku aril tēnē atuuc nhial

⁴ Kēya, Jethu adit ku aril apei tēnē atuuc nhial, cīmēn rin cī Nhialic gām ye bī ye a cōl ke, “Wēn Nhialic,” ye nyuōth. Rinkā awār rin atuuc.

⁵ Rin acin atuny cī Nhialic kaṅ lēk yeen ēlä, “Yin ee Wēndiē, akōlē, ʔen aci ya Wuur.”

Ku acin atuny cī Nhialic kaṅ lēk yeen aya ēlä, “ʔen abī ya Wuur, ku yin abī ya wēndiē.”

⁶ Ku wäär tuuc Nhialic Wēnden bī thōn kākke pinynhom aci lueel aya ēlä, “Yen adhil atuuc nhial door.”

⁷ Ku kē cī Nhialic lueel rin atuuc nhial akīn, “Acā atuuc nhial cak ke puōl gup cīmēn yom. Ku cīmēn bir deṅ bik yeen lac aa luššī.”

⁸ Ku lueel Nhialic tēnē Jethu ēlä, “Bäänydu abī cien akōlriēc ebēn, ku yin abī ṅiec mac apath.

⁹ Yin ee koc luui kāpath nhiaar, ku yin ee koc luui kārec lac tēm awuōc. Ku ee yen kē cī Nhialic, yen Nhialicdu, yi tāau tueṅ koc nhīm rin cī yen yīn lōc ku gēm yīn miet pušu ebēn.”

¹⁰ Ku wēl thēer Nhialic cī gōt aa jam ēlä rin ē Jethu, “Bēny wäär tueṅ cēk kāṅ yin aci piny cak, ku nhial aya ee yin aci yeen cak.

¹¹ Kākkā ebēn aabi liu akōldā, ku yin abī tō thīn athēer. Aabi dhiṅp ku riēkkē cīmēn alath.

¹² Aaba ya mat yiic cīmēn alanh cī riāak ku cuet wei. Ku war keek aya cīmēn alēth.

Ku yin guṅp, yin acīi rot bī kaṅ waar, ku yin acīi bī dhiṅp.”

¹³ Acin atuny cī Nhialic kaṅ lēk yeen ēlä, “Nyuc kōṅdiēn cuēc ku ʔen abī koc aterdu guiri ku dhuōk keek ciēen yiōc.”

¹⁴ Na ye kēya, ya atuuc nhial kāṅō? Atuuc aa jak Nhialic luššī ē path. Aaye tooc bik koc bī pir akōlriēc ebēn yōk, aa kony.

2

Buōthku Jethu bī ʔo luōk la pan mac

¹ Kēya, ʔok aadhil ʔopuōth tāau piny apei ku piṅku wēt Jethu apath, buk cīi mēr wei dhēl la pan Nhialic yic.

² Wēt Nhialic wäär cī yen atušōcke tooc bik lōṅ lēk Mothith, rin bī Mothith ye lēk wārkuan dīt. Koc cī bēn kuc bik wēt kēnē cīi piṅ aaci bēn tēm awuōc.

³ Kēya, yeṅō bī ʔo gēl bī ʔo cīi tēm awuōc aya, tē cīi ʔok wēt bī ʔo kony ye Jethu lēk koc rin pir akōlriēc ebēn ye piṅ? Ee Jethu yen ē kaṅ wēt pir lueel. Ku yen aci koc cī ye piṅ lēk ʔo lōn ye yen yic.

⁴ Ku aye Nhialic nyuōth akōlakōl lōn ye kākkā yith ē kākkith jāṅ gōi rōt looi yiic. Ku miōc juēc riel ye Wēi Nhialic yiēk koc cī kākkā gam tēcīt tē wic yen ye thīn.

Jethu aci bēn bī ʔo bēn luōk

⁵ Nhialic acīi atuuc nhial bī looi bī ya kek la riel piny yen wic bī bēn guiri, piny yen jiēm ʔok emēn.

⁶ Acie ke, rin aci Debit lueel tēnē Nhialic ēlä thēer athōr waak yiic, “Raan yeṅō, ku manh raan yeṅō, ye yin yīnhom yiēk ye apei kēlä?”

7 Wäär aca cōl atōu nhom ciēen kaam thin-nyōot tēnē atuuc nhial, ku aṇot ca bēn yiēk bāāny ku tāāu kēriēēc ēbēn yecōk.

8 Ku wēn cī yīn kēriēēc ēbēn tāāu yecōk.”

Acīn kēnē cī nyāāṅ wei. Ku ēmēn acuk tīṅ lōn tō kēriēēc ēbēn yecōk.

9 Ku yōk aa Jethu wäär ca tōōu nhom ciēen tēnē atuuc nhial tīṅ ēmēn ke ye yen cī yiēk bāāny. Yōk aa Jethu tīṅ ke cī ya bēny rin cī yen thou, bī raan ēbēn lušk ē piath Nhialic.

10 Ku ē yic bī Nhialic yen cī kēriēēc ēbēn cak, ku cōl ke aa ciēṅ cīt tē cī yen ke cak thīn, Jethu cōl agum, rin wīc yen ye bī kōc juēc kony ku ṅēth ke bāānyde yic pan Nhialic.

11 Raan kōc cōl ala cōk, ku kōc ye looi bīk la cōk aala Wunden. Ku yen acī Jethu guṣp ye yār bī ke aa cōl wāmāthakēn.

12 Acī lueel tēnē Nhialic ēlā,
“Yēn abī wāmāthkiē lēk kē ca looi, yīn aba leec amatden yic.”

13 Ku lueel aya,
“Yēn abī Nhialic ṅōōth.”
Ku ben lueel tēnē Nhialic,
“Yēn akīn, yōk mīth ca gām yēn.”

14 Jethu acī ya raan cīmēnda. Rin na le thou, ke gōk jōṅrac la riel ē thou.

15 Ku Jethu acī bēn aya, bī kōc ke cīt aloony piērden yic akōlakōl bēn wēēr bei rin rišōc kek ē thou.

16 Kēya, adhilkū tāāu yonhīim lōn Jethu akēc bēn bā atuuc nhial bēn kony. Acī bēn bī yō bēn lušk, yōk kōc cī gam cīmēn Abaram.

17 Ku rin ē wēt kēnē yen acī yen ciēt yō, yōk wāmāthakēn. Rin bī yen a Raan kāk Nhialic yer puōu luōi kāk Nhialic yiic. Ku rin bī ye juaar tēnē Nhialic ba adumušōm pāl piny.

18 Aṅicku lōn bī yen yō kony tē thōōc jōṅrac yō awuōc yic, rin yeen aya, ēcī jōṅrac them ku guum apēi.

3

Jethu adī apēi tēnē Mothith

1 Wek miēthakāi cī gam, wek kōc cī Nhialic cōl aya cīmēndiē, awiēc bāk Jethu raan cī Nhialic tušōc pinynhom ke ye Raandan dīt apēi kāk Nhialic, bī yō bēn pišōc kāpuōth wīc Nhialic ke buk ke gam, tak apath.

2 Jethu ēcī wēt Nhialic yen tooc ye gam, ku looi piānde ēbēn cīmēn wäär cī Mothith wēt Nhialic gam, ku looi wäär cī Nhialic ye tāāu kōcken Itharel nhīim.

3 Raan mac cak nhom aye leec apēi tēnē kōc ē manyē. Ku kēya, Jethu aye leec apēi tēnē Mothith.

4 Mac ayī dhiēth ala raan ye cak nhom. Ku Nhialic yen ē cak kāriēēc ēbēn.

5 Aṅicku ēbēn lōn cī Mothith wēt Nhialic gam ku looi apath wäär ye yen alony Nhialic, wäär cī Nhialic ye tāāu kōc Itharel nhīim. Ku lēk ke kāk bī rōt looi akōldā.

6 Ku Raan cī lōc ku dōc acī wēt Nhialic gam ku mēc manyde apath rin ye yen Wēnde. Ku yōok kōc cī gam yōk aa many Nhialic. Yōk aa manyde tē le yōk tuēṅ yō deet yopuōth, ku nhiēmku ṅōthdan bī yō lušk akōldā.

Gamku wēt Jethu buk rēēr ē duk

7-8 Kēya, Wēi Nhialic ē yōok yōōk,
“Tāāukē wenhīim piny ku piēṅkē wētde ya akōl.

Ku duškkē wepuŋth wel wei tēnē yeen,
cīmēn wäär cī koc Itharel kepuŋth wel wei tēnē Nhialic
wäär them yen keek ror liēt,
wäär jiēl kek pan Ijip.

⁹ Keek, aake cī kāk jāŋ gōi cī Nhialic looi rin bī yen ke kony tīŋ,
ku ŋot ke cīi wēt Nhialic gam tēn rušōn thiārŋuan,
bīk cīēt koc ke them Nhialic, ku bīk tē lir yen pušu thīn tīŋ.

¹⁰⁻¹¹ Nawēn ke riāāk pušu tēnē keek ku kuēēŋ ku lueel,
'Kockā aaciī wēt diē ben piŋ,

ku aacā bī pušl bīk tē ca guiēr ke bī kek la rēer thīn ē duk, dōōt.' "

¹² Miēthakāi, tiētkē rōt bī ciēn raan tak kērac kamkun bī wēt dhōl yic, ku wel
yepušu wei tēnē Nhialic yen tōu kēriēēc ēbēn yecin.

¹³ Yakē rōt wēt ē kamkun, ku deētkē wepuŋth akōlakōl, tē ŋot ye wek ye lēu
bāk wepuŋth dhuōk ciēēn, cīmēn wēt ye Nhialic lēk we bāk looi yakōl, "Pālkē
luōi adumušōm, bī ciēn raan kuēēth jōŋrac wei, ku dhēl wēt Jethu yic."

¹⁴ Rin na mukku gamda apei akōlriēēc ēbēn, ku ŋōthku Nhialic cīmēn wäär
gem yok ye buk Jethu buōōth, ke yok aa tōk kek Jethu.

¹⁵ Yok aabi dhēl Jethu buōōth yic tē gam yok kē yeku kuen cī gōt athōr thēer
wēl Nhialic yic, ye lueel buk cīi kuec, ku buk cīi cīt koc Itharel wäär cī kēn ē
ye Nhialic lēk ke ror liēt dhōl yic.

¹⁶ Ŋic koc ke cī wēt Nhialic piŋ ku dhālkē yic? Alēu ba ŋic lōn kockā aa
wārkuan dīt, koc Itharel wäär wēt Mothith kenhūm wei lēŋ yic pan Ijip.

¹⁷ Ku keek kockā, cī Nhialic rac pušu tēnē rušōn thiārŋuan, aye kērac yen aa
cīk looi. Kockā aaciī bēn thou ku dōŋ guāpken ror liēt.

¹⁸ Ku kē cī kek nhūm riel bīk wēt Nhialic cīi piŋ, yen aciī Nhialic pušu bēn
riāāk ku kuec, ku kuēēŋ bī kockā tē cī guiēr bī kek la lōŋ thīn cīi dōt.

¹⁹ Kēya, ayeku tīŋ lōn aa kēc Nhialic bēn pušl bīk ē tēn dōōt, rin kēc kek wētde
gam.

4

¹ Adhiēlkē muk wenhūm lōn tēpuōth wäär cī Nhialic thōn yo bī yok la lōŋ
thīn ke ye, aŋot tiit yen yo thīn. Kēya aciī raan kuec bī lōŋ wäär cī thōn yo cīi
yōk.

² Rin yok aaciī Wēt Puoth Yam piŋ cīmēnden. Ku keek aaciī wēt piŋ ku akēc ke
kony, rin wäär piŋ kek ye aa kēckē gam.

³ Ku yok koc cī gam, yok aa lōŋ cī Nhialic thōn yōk, rin yok aaciī cīt wārkuan
dīt wäär cī wēt cī Nhialic thōn keek piŋ ku cīk gam, go lueel ēlā, "Kēya, ŋen aciī
pušu riāāk ku kuēēŋ, 'Lōn kockā aaciī bī la tē bī kek la lōŋ thīn.' " Ku lōŋ ye
Nhialic lueel ē tō thīn thēer wäär cī yen piny cak.

⁴ Rin ayeku yōk aya athōr thēer wēl Nhialic yiic lōn cī Nhialic lōŋ luōide yic
akōl ye nīn dhorou, tēwäär cī yen nhial ku piny cak ku kāk tō nhial ēbēn thōl.

⁵⁻⁶ Cīt lōn cī Nhialic ye lueel, "Kockā aaciī bī la tēn lōŋ." Ku koc ke cī wēt kēnē
kaŋ piŋ aa kēc bēn la tēn lōŋ rin cī kek wēt Nhialic dhōl yic.

⁷ Ku Nhialic ē cā akōl dēt looi. Ku ē yen akōlē yen cī yen jam tēnē Debit
wāthēer, cīt tē cī ye gāt thīn athōr thēer wēl Nhialic, "Na piēŋkē Nhialic rōl ke
cōt akōlē, ke duškkē kuec cīmēn koc thēer."

⁸ Kēya, duškkē tak lōn cī wārkuan dīt, pan wäär cī Nhialic lueel bī kek la lōŋ
thīn dōōt wäär yeet kek pan kanaan, kek bānyden Jocua wäär cī bēn a bēny
Mothith cōk. Duškkē tak, rin na ke cī pan cī Nhialic luōi ke dōōt, ŋušt akēc

Nhialic bēn lueel lōn le yen akōl dēt bī kōc cī wētde gam, bī kek la lōŋ thīn ke ye, bēn.

⁹ Ee yic! Anjicku lōn ŋot bī yen la lōŋ tēnē kōc wēt Nhialic gam, cīmēn wāār cī Nhialic lōŋ nīn kadātem cōk wāār cēk yen pinynhom.

¹⁰ Rīn raan cī lōŋ cī Nhialic thōn yōk, abī lōŋ luōide yic, cīmēn wāār cī Nhialic lōŋ luōide yic.

¹¹ Kēya, luuiku apath buk lōŋ kēnē yōk, rīn bī ciēn raan tōk kamkua mār, cīmēn wāār cī wārkuan dīt kuēc bīk wēt cīi gam.

¹² Wēt Nhialic arēēr thīn ku alui piērda yic akōlakōl. Wētde aril apēi, ee lōōny kōc puōth bī kāpath ku kārec tō ŋopuōth tek thook. Acīt tōŋ moth dhie rīŋ teem bī yom la tek thook.

¹³ Acīn kē lēu bī thīaan tēnē Nhialic. Anjic kē cī cak ku adaai kēriēc ēbēn. Acīn kē lēu raan bī thīaan tēnē ye. Ku ē yen aye bēn lēk kārec.

Jethu yen ē raandīt apēi kāk Nhialic

¹⁴ Jethu Wēn Nhialic, yen ē raandīt apēi kāk Nhialic rēēr kek Nhialic. Na ye kēya, ke ŋo muk gamda apath.

¹⁵ Raandan dīt apēi kāk Nhialic acie yepuōu ē pēn ŋo cōk alōn ye ŋok luui kārec. Rīn yeen ēcī ŋōŋrac them aya ē dhōl juēc yiic cīmēnda. Ku acīn awuōc cī looi.

¹⁶ Lokku tēnē Nhialic cī nyuc thōnyden dhēēŋ nhom ke ŋo cīi riōc. Tēēn, ŋok aabī lier puōu yōk, ku yōkku dhēŋ bī ŋo kony tē wīc ŋok kuōny.

5

¹ Raandīt kāk Nhialic theēr ē ye kacke kuany bī ya jam tēnē Nhialic rīn kōc ēbēn. Ku nēk kāŋ bī yen ke Nhialic door rīn bī Nhialic kākken rec yekē looi pāl piny.

² Ku yeen aya, ee ye luui kārec akōlakōl rīn ye yen raan. Ku kēya, alēu bī kōc cī mār, ku kōc cīn kē ŋickē ŋuāān.

³ Ku rīn cīi bēny ye rīel apēi wēt Nhialic yic, ee kāŋ nōk bī yen ke Nhialic door rīn kārec ye kacke looi, ku rīn kāraacke aya.

⁴ Acīn raandīt kāk Nhialic rot kuany ē rot. Ee Nhialic ē rot yen ē raanden cī tak lōc cīmēn wāār lōc yen Aron.

⁵ Kēya, Bānyda raan cī lōc ku dōc ēcīi bāāny ye yen raandīt kāk Nhialic rum. Ee Nhialic yen ē lōc ye wāār lueel yen ye ēlā, “Yīn ē Wēndiē, Ya akōlē, ŋen acī ya Wuur.”

⁶ Ku acī gōt athör theēr wēl Nhialic yic lōn cī Nhialic ye lueel aya akōldēt ēlā, “Yīn acī lōc ba ya raan kāk Nhialic akōlriēc cīmēn Melkidhedek.”

⁷ Wāār ciēŋ Jethu pinynhom, ēcī rōōk apēi tēnē Nhialic, ku cōl Nhialic ke dhiau, Nhialic lēu ye bī kony thou yic. Ku yen acī Nhialic bēn kony rīn yen Jethu yōk ke loi kēden wīc.

⁸ Na cōk alōn ye Jethu Wēn Nhialic, ke yeen acī dhiel bēn gum bī kē wīc Nhialic yen bī looi dhiel ŋic bī wēt.

⁹ Ku wēn cī yen jāl a raan la cōk, cī luōide lēu, acī bēn aa raan ye pīr akōlriēc ēbēn yōk thīn ē kōc wētde piŋ ku loikē.

¹⁰ Ku ē yen kē cī Nhialic ye bēn nyuōth kōc ēbēn, lōn ye Jethu Raandīt apēi ē kāk Nhialic akōlriēc ēbēn cīmēn Melkidhedek.

¹¹ Ala wēl kōk ril kek ba lēk we ē wēlkā cōk, ku aril yic ba ke teet yiic rīn wek aacīt kōc la yīth adōk, cīi kāŋ ye piŋ.

¹² Na we cī wepuōth päl piny, ɲuōt wek aa koc kōk piōōc wēt Nhialic emēn, rin tēn gam wek ye bāk aa koc cī gam aci mēc. Ku wek aaci dhuk ciēēn, arēk nadē ke wek aa wīc koc ben we piōōc wēt tueɲ Nhialic wäär cāk kaɲ ɲic. Wek aaci mīth kor ɲot ke dhil muk ē ca, kēc guō dīt bīk mīth mīth ril kōth.

¹³ Ku raan ɲot cīt manh koor muk ē ca, aye nyooth lōn kēc yen wēt Nhialic deet apath. Aɲot cīt manh kuc kēpath ku kērac.

¹⁴ Miēth ril kōu ee kēn koc cī dīt, koc cī rōt piōōc bīk kāpath ku kārēc ɲic.

6

¹ Lokku tueɲ buk we piōōc wēt bī we cōl aɲic kājuēc. Acā wīc ba we piōōc kāk wäär wiēcckē bāk ke ɲic bāk aa koc cī gam. Acā wīc ba ben lēk we bāk wepuōth dhuōk ciēēn rin adumuōmkun ku bāk Nhialic gam. Kākkā aa ɲiēcckē ke thēer.

² Piōōc rin lōkwēi, ku piōōc bī cin tāāu koc nhīim bī Wēi Nhialic lōōny koc gup. Ku jōl a piōōc bī Jethu kōcken cī thou ben jōt bei thou yic akōl le yen dhuk pinynhom, bī luk bēn looi kam koc cī wētde gam, ku koc cī jai wētde. Piōōc cīt kēnē acie yen path bī ya dhuōk yic tēnē we akōlakōl. Kek aa kāk ye ke piōōc jōk.

³ Apath buk la tueɲ buk kājuēc kōk ɲic rin Jethu. Ku ē yen kē buk looi tē pēl Nhialic ye.

⁴ Rin aci rot lēu bī koc cī jāl gamden yic cōl aa ben kepuōth dhuōk ciēēn. Keek aake cī yic kaɲ ɲic, ku ɲiēcckē pīr yam cik yōk tēnē Raan cī lōc ku dōc, ku Wēi Nhialic.

⁵ Ee cik ɲic lōn puōth wēt Nhialic, ku tīɲkē kāk jāɲ gōi.

⁶ Ku kāk loikē ke emēn, aa ben kek Wēn Nhialic piāāt tim cī rīu kōu, ku rēcckē guōp koc nhīim ebēn.

⁷⁻⁸ Raan cī wēt Nhialic gam piānde ebēn athōɲ ke dom dhie la tiōom path, ee piū yiōi na tueny deɲ ku pur ke lok apath. Raan cīt kēnē aye Nhialic puōu miēt tēnē ye, ku kony bī pīr akōlriēc ebēn yōk. Ku dom ye puur ku la kuōth cil thīn, aci raan ye lēk wēt Nhialic ku cī piɲ. Raan cīt kēnē aye Nhialic tēm awuōcdīt bī yen rēer pan mac akōlriēc.

⁹ Na cōk alōn cī yen we gāt athōr kēnē wek māthkiē, ka ɲiēc wek aa ɲot we la tueɲ apath. Wek aa ɲot we kuany dhēl pīr akōlriēc ebēn yic.

¹⁰ Nhialic acie mītil nadē ke mār nhom kāpuōth cāk looi, ku tē nhiēer wek ye thīn cāk nyuōth ye kāk cāk looi yiic, ku kāk ɲot ke luōikē ke emēn rin kacke.

¹¹ Ku wek aa wīcku bī ɲek la tueɲ ke loi kāpath cīt kāpuōth thēer akōlakōl yet akōldā. Rin bī kē ɲōthkē yenhom tiēɲ.

¹² Awīcku bāk rōt cī dak luoi kāpath yiic. Awīcku bāk ciēt koc wäär cī gam, yet tē yōk kek kēpuōth wäär cī Nhialic thōn ke.

Athōn Nhialic ē yic

¹³ Wäär lueel Nhialic ye lōn bī yen Abaram gām mīth juēc, aci rot kuēēɲ rin cīn yen raan dēt dīt tēnē yen bī ye kuēēɲ ē riēnke.

¹⁴ Ku lueel, “Yīn alēk yic! Yīn aba dōc ku gām yī mīth.”

¹⁵ Go Abaram tūt ku ɲōōth kē cī Nhialic rot kuēēɲ yet tē cī kēnē yenhom bēn tiēɲ.

¹⁶ Tē kuēēɲ raan, ee kuēēɲ rin raandīt tēnē ye. Ku kuēēɲde aye gam.

¹⁷ Ku ē wīc Nhialic bī cōl ala gei, lōn bī yen kē cī thōn guōt nhom ke cī war yic. Ku kuēēɲ bī wētde dhīel a yic.

¹⁸ Nhialic aci ɲo lēk kāɲ karou, athōn ku kuēēɲ, lōn bī yen wēlke muk nhīim. Ku rin ē kākkā karou, aɲicku lōn ye athōn yic. Keek aacie rōt ye waar ku

Nhialic acie lueth ye lueel. Nhialic aci kēnē lueel bī ʒo d̥eet puōth apei lōn bī n̄āthda tēnē Nhialic yenhom tiεεŋ.

¹⁹ Ku rin n̄āthda tēnē Jethu yen aye ʒok thōny Nhialic dōōt, t̄ewāār cī Jethu la thīn ʒonhūim tuen̄ bī la rōōk ku l̄εŋ Nhialic ē rienkua.

²⁰ N̄ōth ye ʒok Nhialic n̄ōōth k̄āpuōth cī thōn ʒo rin w̄eikua yen ē ʒo muk puōth, rin Jethu aci ʒo wat nhūim pan Nhialic. Ku yeen aci jāl a raandit̄ apei kāk Nhialic cim̄ēn Melkidhedek, akōlriēēc.

7

Melkidhedek

¹ Melkidhedek ē ye b̄enydīt gen cōl Thalam, ku yen aya ē ye raandit̄ apei kāk Nhialic Madhōl. N̄ayōn akāl tōk ke piŋ lōn cī Abaram la dhuk tōŋ yic ke cī tōŋ b̄āny wuōt kaŋuan cop.

² Go Abaram Melkidhedek juēr tōŋ thiāār kāk cī ke la peec tōŋ yic. Melkidhedek, w̄ētdē yic, “B̄ēny la cōk.” Ku ē ye b̄eny d̄ōōr aya. Cim̄ēn rin genden cōl Thalam, w̄ētdē yic, ee “D̄ōōr.”

³ Acin wun ku man ku kuat. Ku t̄εn ʒōk piērde rot thīn ku le thōk aci ŋic. Ar̄ēer ke ye raan kāk Nhialic akōlriēēc cim̄ēn W̄ēn Nhialic.

⁴ Jalkē t̄εŋ tē diit̄ Melkidhedek thīn! Agut Abaram ʒuōp, raandit̄ wārkuan dīt th̄εer, aci tōŋ thiāār kākken wāār cik la peec tōŋ yic, juēr ye.

⁵ Alēu raan bī gam lōn ye kē cī Abaram ajuēr gām Melkidhedek yic, t̄εn ye Melkidhedek raan Lebī, kuat Abaram kek kōc kāk Nhialic ē kōc Itharel wāār tōk thiāār yic juaar tēnē kacken cīt lōŋ Mothith.

⁶ Ku yen Melkidhedek acie raan kuat Lebī, ku aca ajuēr b̄ēn lōōm tēnē Abaram ku cuēt piū. Ku Abaram acā athōn Nhialic yōk.

⁷ Ku an̄jicku aya lōn raan yen kōc d̄ōōc, awār raan b̄ēn tēnē ye bī b̄ēn d̄ōōc.

⁸ Ku d̄ēt aya, kōc kāk Nhialic wāār ajuēr kuany, aake ye kōc ē path, aaci b̄ēn thou cim̄ēn bī ʒok thou, ku aye athōr th̄εer w̄ēl Nhialic l̄ēk ʒo lōn Melkidhedek apir.

⁹ Alēu buk lueel lōn ye Melkidhedek raandit̄ apei kāk Nhialic tēnē kōc Lebī, kōc kāk Nhialic. Rin Abaram wundit̄ kuat Lebī, yen aci tōŋ thiāār kāk wāār cik la peec tōŋ yic juēr Melkidhedek.

¹⁰ Kēya, alēu bī lueel lōn kōc Lebī aaci tōŋ thiāār juēr Melkidhedek aya, rin ye kek kōc riem Abaram.

¹¹ Na lēu kōc Lebī, kōc kāk Nhialic b̄ik ʒo cōl aala cōk, ŋuōt acin d̄ēt ben raan d̄ēt kāk Nhialic cim̄ēn Melkidhedek b̄ēn, raan cī cīt Aron, raandit̄ kāk Nhialic wāār ē kuat Lebī. Ku kōc Lebī, kōc kāk Nhialic aake buoth lōŋ Mothith yic.

¹² Ku aa k̄ēc ʒo b̄ēn cōl aala cōk. Ku kēya, acie raan d̄ēt kāk Nhialic yen wicku ē rot, ʒok aa wic lōŋ d̄ēt yam aya.

¹³ Jethu Bānyda, raan j̄iεem ʒok rienke ēm̄ēn, ee cie raan dhiēnh Lebī. Ku acin raan tōŋ kuatde cī kaŋ a raan kāk Nhialic, ee Nhialic door yik nhom.

¹⁴ An̄jicku lōn Bānyda Jethu ē raan dhiēnh Juda. Ku akēc Mothith puōl bī kōc dhiēnh Juda ya kōc kāk Nhialic.

Raan d̄ēt kāk Nhialic cīt Melkidhedek

¹⁵ Acī jāl la ʒei apei ēm̄ēn, t̄ε le raandit̄ d̄ēt kāk Nhialic cīt Melkidhedek tuōl.

¹⁶ Raan k̄ēc aa raandit̄ kāk Nhialic cīt lōŋ ciεεŋ kōc pinynhom, aci ya raandit̄ kāk Nhialic cīn kē bī rielden pir akōlriēēc ēbēn kaŋ rac.

17 Rin aye athör theer wël Nhalic lueel ëlä ë rienke, “Yin abī ya raan kāk Nhalic akölrïëc ëbën cimën Melkidhedek.”

18 Ku löŋ theer wäär aci puöl acii ril. Acie koc ë kony.

19 Rin löŋ Mothith acie koc cöl aala cök. Ke ëmën yok aala löŋ yam yo cöl anjth løn bī yok thiök kek Nhalic.

20 Ku dët, Nhalic ëci kuëëŋ aya këde. Ku acin koc kök cī ya koc kāk Nhalic cī yen kuëëŋ këden.

21 Ku Jethu aci ya raandit kāk Nhalic apeī rin cī Nhalic kuëëŋ wëtde wäär lueel yen ye ëlä, “Yen aci kuëëŋ ku acä bī waar yic. Yin ë bëny akölrïëc ëbën.”

22 Rin ë kuëëŋ këne yen aci yok ye njc løn löŋ döör ë yam cī Nhalic looi ë Jethu, ya këpath.

23 Ku dët cī kek thöŋ akīn. Koc kāk Nhalic theer aake ye juëc, rin na cī raandit kāk Nhalic thou, ke raan dët ala nyiende.

24 Ku Jethu apir akölrïëc ëbën, luoiden ë yen raandit kāk Nhalic acie rot ye waar.

25 Jethu ala riël dīt bī koc buoŋ dhölde yic kony ëbën, koc wic ye bīk la tënë Nhalic. Rin ë rëer ke löŋ Nhalic ë rienken.

26 Jethu yen ë raandit kāk Nhalic cī kakkua lëu. Arëer ke dhëëŋ Nhalic, acin guöp adumuööm, ku yen aci Nhalic tæk bei tënë koc käreç looi, ku tëu kāk cī cak nhīm ëbën nhial.

27 Yen acii thöŋ kek kocdit kāk Nhalic wäär yok nöc ruöön thok ëbën, rin bī adumuöömken ku adumuööm kacken päl piny. Jethu acii thöŋ ke ke. Acī rot juaar arak tök wäär thou yen tim cī rīu köu rin adumuööm koc ëbën.

28 Këya, alëuku buk njc løn koc kāk Nhalic wäär ë luui dhöl löŋ Mothith aake cī la cök. Ku athön Nhalic cī yen kuëëŋ wäär löŋ Mothith ëbën cök, aci Wënde looi bī ya raan la cök akölrïëc ëbën.

8

Jethu yen ee raandan dīt kāk Nhalic

1 Wët ril yen wīku buk lëk we, ee løn le yok raandit kāk Nhalic cī nyuc löŋ cuëc thöny Nhalic Madhöl nhom nhial.

2 Jethu alui ke cit raandit kāk Nhalic, tē rëer dhëëŋ Nhalic thīn ayic tēn ë looi Bëny ke cie raan.

3 Ku cit løn ye raandit kāk Nhalic kuany bī kån aa juaar ku næk yok tënë Nhalic, ke raandan dīt kāk Nhalic aya adhīl la kë ye juër Nhalic.

4 Ku na Jethu rëer pinynhom, njüst akëc kan ja raan kāk Nhalic, rin koc kāk Nhalic, ke ye Nhalic nāk yok cit tē ye löŋ Mothith luël ye aake tō thīn.

5 Ku luoi yekë looi kek koc kāk Nhalic kã, ee ye kūt yen ë ye kek kāk ye looi nhial tē rëer dhëëŋ Nhalic thīn kiëët. Ku yen athöŋ kek luoi Mothith. Rin wäär wic yen ye bī duël looi ëci Nhalic lëk ye ëlä, “Adhīl njc løn yīn adhīl kån looi ëbën cit tēden wäär ca nyuöth yī ë göt nhom.”

6 Ku Jethu ëmën, raandit kāk Nhalic aci gam riöldit yen luui wär rielden. Rin döör yam cī looi kam Nhalic kek kacke anjüëŋ apeī, rin döör yam aa rëer këpuoŋ cī Nhalic thön yo thīn.

7 Na löŋ döör tuen wäär la cök njuat acin kë cī Nhalic löŋ dët ben wic.

8 Rin ëci Nhalic yok løn löŋ döör tuen ëcī path tënë kacke, go lueel ëlä, “Nin aaci thiök, lueel Bëny, tē bī yen löŋ döör yam looi kek koc Itharel ku koc Juda.

⁹ Acīi bī ciēt dōōr tuen̄ wāār ca looi kek wārken dīt akōi
wāār nyēēi yēn keek pan Ijip.

Aake kēc lōŋ dōōr ca looi ke keek muk nhom apath,
guō kuēc ē keek, lueel Nhialic.

¹⁰ Ēmēn, dōōr ba looi kek kōc Itharel nīn bī bēn cōk akīn,
lueel Bēny.

Yēn abī lōōŋkiē tāāu kenhūim ku kepuōth.
Yēn abī ya Nhialicden ku yekē kackiē.

¹¹ Acīn raan ē kamken bī miēthakēn bēn piōōc,
nadē ke lēk kōcken ē baai, ‘Nīc Bēny.’

Rin keek aabā ŋic ēbēn, meth ku raan dīt.

¹² Yēn abā adumuōōmken pāl piny, ku cā kāracken ben kuēēc nhūim.”

¹³ Jalkē tīŋ ēmēn, wēn lueel Nhialic yen ka bī lōŋ dōōr yam looi, ee ŋic lōn cīi
lōŋ dōōr thēer path, ku anjicku aya, na cī kēdāŋ riāāk apeī ka cīn kē kuny kōc.

9

Tē ye Nhialic duōōr thīn wāthēer

¹ Lōŋ dōōr tuen̄ ē la tēden ye Nhialic duōōr thīn, ku tē ye Nhialic door thīn
ēcī looi aya pinynhom tēn. Kōc kāk Nhialic Lebī aake ye Nhialic door yōn cī
puōl bī ke Nhialic ya door thīn, ku duēl aake tō pinynhom ē tēn.

² Duēl ye Nhialic door thīn ē ye looi ke ye yic rou. Yōn ye kaŋ yōk tē le kōc
duēl yic, ee cōl Tēyaath ē Nhialic. Ku lōŋ kēnē, man adōk ē dēp ē ye tōōu thīn,
ku agen ye ayum cī juēr Nhialic tāāu yenhom aya.

³ Ku yōn tō alanh cī duēl tek yic kōu, ee cōl yōn Yaath apeī ē Nhialic.

⁴ Ku ē yōn kēnē yen arēēr agen thīn, agen cī tōc nhom milāŋ tōc ye raan kāk
Nhialic Lebī adōŋ ŋīr cī took tōōu yenhom, ku ē yōn kēnē aya yen arēēr rōŋdīt
tet, ye cōl Rōŋ Lōŋ ē dōōr thīn. Ku yen arēēr tōny mana thīn, ku wai Aron ē ye
rēēr thīn aya. Wai kēnē ēcī Nhialic cōl acil kōu ayōr ku looi yōōk cōk alōn ee
yen tim thēer cī riel. Ku aleel dīt tet karou cī lōōŋ Nhialic kathīāār gōt thīn, aa
tō thīn aya.

⁵ Ku ē rōŋ dōōr kēnē nhom, atuuc nhial karou cī kiēēt, cōl Kerubin ē diik
aake tō thīn. Ku keek aake ye Nhialic nyuōōth. Aake la kōth wuōk dīt rōk kum
nhom tēn yen ye cōl, “Pēl Piny Kārec.” Rin tēn, arak tōk ruōōn yic, raan dīt
kāk Nhialic ē ye kōc wiēth rim kē cī nōk tēnē Nhialic rin be adumuōōmke ku
adumuōōm kacke pāl piny. Ku ēmēn acā wīc ba kājuēc kōk ŋīec rin ee kēnē
teet.

⁶ Kēya, kōc kāk Nhialic aake ye Nhialic door cīt tē cī guiēr ye. Aake ye la yōn
tuen̄ bī kek Nhialic aa la door thīn.

⁷ Ku yōn yaath Nhialic, ee raandīt kāk Nhialic yen ē la thīn ē rot, bī la rōōk
thīn arak tōk ruōōn tōk yic. Tē le yen yōt, ee riēm wen̄ cī juēr Nhialic muk bī la
wiēth yōt, bī Nhialic awācke ku awuōōc ye kacke looi ke kuckē pāl piny.

⁸ Aye Wēi Nhialic nyuōōth yō ē kēnē yic lōn nadē ke dhēl la yōn yaath Nhialic
ē yic, aŋot kēc ŋaany thok cīt lōn ŋot kōc lui dhēl thēer.

⁹ Kē lēuku buk deet ē kēnē yic aya ēmēn, ee lōn nadē ke riēm wen̄ cī juēr
Nhialic ye wiēth kōc, aacie kōc ē Nhialic door ye looi bīk puōth la cōk.

¹⁰ Kākkā ēbēn aa kāk lōŋ thēer, lōŋ ye kāŋ nōk ku cuet ke ē path. Ku kājuēc kōk
ye looi bī awuōōc laak wēi, aa kōc gup path ayeer kek aaye lōōk. Kākkā aa lōōŋ

ke rēēr thīn theēr cīn kē yekē kony yet tē bī Nhialic dhēl yam, dhēl adumušōm nyaai koc puōth guir.

Lōj yam cī Jethu thany ē riemde

11 Jethu acī ya raan dīt kāk Nhialic. Kājuēc path cī bēn pinynhom rin cī yen la duēl dīt la cōk ē Nhialic yic, duēl cīī loi koc cin pinynhom ē tēn.

12 Wäär le Jethu duēl yic, ēcī la tē dhēj apēi arak tōk bī rēēr thīn akōlriēēc ēbēn. Ku wäär le yen ē tēēn acie riem thōk ayī riem wej yen cī la wiēth duēl yic. Ee riemde yen ēcī juēr Nhialic riengkua bī yō lušk akōlriēēc ēbēn alanden.

13 Wāthēēr koc kāk Nhialic aake ye riem thōk ku riem muōr lōōm bī kek koc wiēth, rin bī awācken pāl piny. Ku keek aya aake ye manh wej ē dōu nōk ku nyopkē abī ya col. Ku liōrkē ē pīu ku wīth kek koc la gup adumušōm rin bī adumušōmken wušōny wei.

14 Na ye kēya, bī riem Raan cī lōc ku dōc yiēndē, cī adumušōmkua bī laak wei yopuōth, ku buk lēu buk Nhialic pīr ya lušōi? Ku riēl Wēi Nhialic yen acī Raan cī lōc ku dōc rot juēr Nhialic ē riengkua. Kēya, ajuēr la cōk cīn diu.

15 Ku rin ē wēt kēnē yen aye Jethu raan yen loi lōj dōōr yam, rin bī koc wäär cī Nhialic thōn pīr akōlriēēc ēbēn, pīr yōk. Kēnē abī rot lēu rin cī Jethu thou bī koc waar kārec yiic, kāk wäär cī looi lōj dōōr tuēj yic.

16 Kēnē athōj kek raan kākke ciēēn tē bī lōk tēk ke tē le yen thou. Ee kē bī ŋek ē miēthke yiic lōk lōōm tē le yen thou than piny.

17 Ku acīn raan kēdāj guō nyaai tē ŋot pīir yen. Ku na le thou ke kāwēn cī dōj aaye ŋek kē cī tēk ye jāl nyaai.

18 Agut lōj dōōr theēr aya, awīc bī kēdāj kaŋ nōk bī riem kuēr bī tē door Nhialic thīn jāl la cōk.

19 Mothith ē ye koc kaŋ lēk lōōj Nhialic ēbēn. Ku jāl riem miōōr ku thōk cī nōk liāāp ē pīu, ku wīth athōr cī lōōj gōt thīn ku koc.

20 Ku lueel, “Kēnē ē riem lōj dōōr, lōj cī Nhialic lēk we bāk muk apath.”

21 Ku Mothith ē ye duēl ku kāyaath ye tōōu thīn wiēth riem aya.

22 Kēya, cīmēn lōj theēr, yōk aake ye nōk bī riemden lōōm bī koc kōc, ku na cīn kē nāk bī riem kuēr ka adumušōm aacīī pēl piny.

23 Duēl ye Nhialic door thīn ku kōk tō thīn ēbēn, aake ye kāk ye duōr ē yic tō pan Nhialic kiēēt, rin ye kārec tō koc gup wušōny wei rin yōk ye nōk ē path. Ku luōi ē yic nhial tēnē Nhialic, adhīl wīc ajuēr la cōk,

24 Kēya, Raan cī lōc ku dōc akēc la duēl ye Nhialic door thīn yic, duēl looi raan pinynhom ē tēn kēcīt kīit ye ke kārec wušōny wei koc gup rim ē yōk. Yeen nhom guōp acī la pan Nhialic, ku arēēr thīn ke lōj Nhialic ēmēn riengkua.

25 Raandīt kāk Nhialic kuat Lebī ē ye duēl la wiēth riem kē cī nōk cie riemde arak tōk rušōn thok ēbēn. Ku Jethu akēc rot juaar arak juēc, acī rot gam arak tōk gilīj.

26 Ku ēmēn acī bēn arak tōk cīt tē cī Nhialic ye guīēēr thīn bī rot bēn juēr Nhialic bā adumušōm nyaai.

27 Cīmēn ye raan thou arak tōk ku yēth luk yic arak tōk Nhialic nhom,

28 Jethu acī gam bī thou arak tōk bī adumušōm koc ēbēn nyaai. Ku abī bēn dhuk ku acīī bī bēn thou rin adumušōm, ku ē rin bī yen koc ŋōth ye bēn lušk.

10

¹ Lōŋ theer Mothith, ee kīit yen ē ye kāpuōth bī rōt looi akōldā kiēt. Ee cīi thōŋ kek kāpuōth cī bēn kek Jethu raan cī lōc ku dōc. Kāk ke ye nāk Nhialic ruōōn ēbēn cīt tēn lōŋ theer, aake cie koc ke ye Nhialic door cōl aala cōk.

² Na kāk ke ye nāk Nhialic koc cōl aala cōk, ŋuōt koc akēc la tuēŋ ke ye kāŋ nāk Nhialic. Rin ŋuōt kākā aake bā adumuōōm koc Nhialic door wuōōny wei arak tōk, ku cik ben ya tak lōn le kek gup adumuōōm.

³ Ku keek aake ye kāk yekē nāk Nhialic ruōōn thok ēbēn, cōl aa takkē lōn le kek gup adumuōōm.

⁴ Rin acīi rim ŷok ku rim thōk ye nōk lēu bīk adumuōōm wuōōny wei.

⁵ Kēya, ēcī Raan cī lōc ku dōc lēk Nhialic wāār bīi yen pinyinhom ēlā, “Yīn acīi wīc kāk ye nōk ku kāk ye juēr yīin, rin cī yīn ŷa gām guōpdīēn bī juaar tēnē yīin.

⁶ Yīn acie puōu ye miēt ŷok ye nāk yīin tēdē ke ye kāk ye juēr yīin bīk adumuōōm nyaai.

⁷ Ku luēel, ŷen akīn ba kē wīc looi Nhialic Madhōl, cīmēn cī ye gōt riēnkiē athōr lōŋ theer yic.”

⁸ Ēmēn, tāāukē wepuōth piny ku takkē wēt cī Jethu lueel tuēŋ ēlā, “Yīn acīi wīc, ku tēdē yīn acie puōu ye miēt tēnē kāk ye juaar, ku kāk ye nāk yī bīk adumuōōm nyaai.” Acī lueel kēlā cōk alōn ye kāk ye juaar looi cīt tē ye lōŋ ye luēel thīn.

⁹ Ku lueel, “ŷen akīn Nhialic Madhōl, ba kē wīc ba looi, looi.” Kēya, Nhialic acī tētheer ye ye duōr thīn puōl, ku wēen Raan cī lōc ku dōc thīn, bī riēnde kuēr rin bī adumuōōm koc ēbēn nyaai.

¹⁰ Jethu raan cī lōc ku dōc acī kē wīc Nhialic tēnē ye bī looi, looi. Ku rin cī yen rot juaar arak tōk theer, kākkuan rēc acī wuōōny wei ēbēn.

¹¹ Raan kāk Nhialic Itharel, aye kāŋ nōk wātheer akōlakōl bī yen Nhialic door. Ku aaye kāk tōŋ thōŋ juēr Nhialic arak juēc. Ku kāk ye ke juarkā aake cie adumuōōm ye nyaai.

¹² Ku Raan cī lōc ku dōc acī rot juaar arak tōk rin adumuōōm, ajuēr cī ye bēn lēu bā awāckua nyaai akōlriēc ēbēn.

¹³ Ku ēmēn atīt ŷet tē bī Nhialic koc atērde guir ku dhuk ke yecōk ciēēn.

¹⁴ Ku ajuēr cī looi arak tōk, acī koc cī adumuōōmken nyaai looi bīk la cōk akōlriēc.

¹⁵ Ku Wēi Nhialic ē jam tēnē ŷo ē wēt kēnē aya. Acī lueel ēlā,

¹⁶ “Lōŋ dōōr ba looi ke ke akīn nīn bī bēn cōk, lueel Bēny. ŷen abi lōōŋkiē tāāu kenhīim ku kepuōth.”

¹⁷ Ku ben lueel, “ŷen acīi adumuōōmken ku kārēc yekē ke looi ben kuēc nhīim.”

¹⁸ Wek paan ē ma, kārackua aacī pāl piny papōt. Na ye kēya, le dēt ŋot wīc ŷok bāny bīk ŷok aa nōk rin bī adumuōōmkua pāl piny?

Bāk lok tēthiāk ke Nhialic

¹⁹ Kēya miēthakāi, ŷok aacī nhīim lāāu alanden buk la ŷōn Yaath apēi ē Nhialic tō nhial, rin cī Jethu rot juaar bī nōk bī riēnde kuēr.

²⁰ Wāār thou yen tim cī rīū kōu, acī kēn ŷo gēl buk cīi la ŷōn Yaath apēi ē Nhialic bēn rac. Ku jōt rot raŋ yic, ku ēmēn arēēr ŷōn Yaath apēi ē Nhialic ke lāŋ Nhialic riēnkua.

²¹ Ku na cuk la raandīt kāk Nhialic yen mac koc Nhialic,

²² Cīt mēnē ye kakkua yith, lokku tē rēer Nhialic thīn thōnyde nom ē puōn yer ku gam cīn yic diu. Lokku kek puōthkuan yer cīn yiic luoi kāreç rin cī ke lōk riem Jethu. Ku rin cī ʔo muōç nhīm bā adumuōsmkua laak wei aya.

²³ Kēya, mukku kē cī thōn ʔo piān tōk ke ʔo cie puōth ē rou, rin anjicku raan cī ʔo thān ē wētde tiēeŋ nom.

²⁴ Takku tē bī ʔok ʔopuōth aa dēet thīn, buk nhiēr ku luoi path aa nyuōoth.

²⁵ Dukku kē ye ʔok ʔonhīm mat yodhie pāl cīmēn ye wāmāthkuan kōk ye looi. Lok tuēŋ ʔo cī dhōr ʔo deet ʔopuōth, buk rōt aa lēk buk aa bēn amat yic, anjicku Akōl bēn Bēny aci thiōk.

²⁶ Acīn kāk ye nāk Nhialic lēu bī adumuōsm pāl piny, tē ŋot le ʔok tuēŋ ʔo loi kāreç ke yic cī lēk ʔo.

²⁷ Kēya, ʔok aa dhil tūt ʔo riōç rin akōl bēn Lunđit, ʔok koc cī wēt Nhialic dhāl yic, ʔok aabī tēm awuōç bī ʔok rēer pan mac akōlriēç ebēn.

²⁸ Anjēckē, wāthēer tē kueec raan bī lōŋ Mothith cī piŋ, ku gōony koc karou ayī koc kadiāk, ka dhil ʔāth ē kacdit nhīm, ku biōōk aleel bī thou.

²⁹ Jālkē thōŋŋ, na ye raan cī lōŋ Mothith dhāl yic tēm awuōç cīt kēnē, ke ya awuōç yīndē bī Nhialic tēm koc cī kuec wēt Wēnde? Acit lōn cī kek Jethu dhāl guōp, ku cuitkē, ku witkē piny ku kēckē yic. Ku acit lōn cī kek dōōr cī Jethu looi riemde kamken yōŋŋ yic. Ku acit lōn cī kek Wēi Nhialic lāat wēl rēç rem apēi, cōk alon kony yen ke. Kōckā aabī dhīel tēm awuōç thiek apēi.

³⁰ Anjicku yen raan cī ye lueel thēer ēlä, “Pieŋkē! Ee ʔen ala riel ba kāŋ guōōr.” Ku anjicku lōn cī yen ye lueel aya ēlä, “Bēny abī kacke tēm awuōç.”

³¹ Kēya, abī rēçç alanden tē ye yen Nhialic pīr akōlriēç ebēn yen tēm raan awuōç.

³² Miēthakāi, takkē tēn ye wek rēer thīn wāthēer. Wāar cī wek wēt Jethu gam, wek aa dhīel gum ku wek aaci puōth bēn riel. Wek aakēc puōth bēn bath rin kāreç cī we ʔōk.

³³ Wek aa we ye lat ku bui we akōldēt. Ku akōldēt, wek aa we ē koc kōk kony tē tīŋ wek ke ke baŋ cīmēndun.

³⁴ Wek aaci gum kek koc cī mac, ku wek aakēc puōth riāāk tē wāar ye kakkun peec, rin ŋic wek yeen lōn wek aabī kāpath wār kakkā la ʔōk pan Nhialic. Kāpuōth cīn raan bī ke kaŋ nyaai tēnē we.

³⁵ Duōkkē puōth bath bāk wēt Jethu wai wei, rin wek aabī ariōpdit ʔōk pan Nhialic.

³⁶ Apath bāk wepuōth dēet tē beŋ we, rin ke wek aaci kē wīc Nhialic looi, ku ʔōkkē kē cī Nhialic thōn we.

³⁷ Rin aye athōr thēer wēl Nhialic lēk ʔo ēlä, “Ee kaam thiin koor ku raan cī lueel ka bō acīi bī gāāu, abī guō bēn.

³⁸ Ku kōckiēn la cōk aabī rēer gam yic, ku ʔen acīi puōu bī miet tē cīi kek kepuōth bī dēet.”

³⁹ Ku ʔok aaci cīt koc guō dhōr bīk mää, ku ʔok aala gam bī ʔook luōk.

11

Gam

¹ Gam yen ē ʔo cōl anjic kāk ŋōthku ke bī rōt looi. Ku yeen ē ʔo cōl anjic kāk cuk ye tīŋ.

²⁻³ Ee gam yen aye yok ye njc lön ë cək Nhialic piny ku nhial kek kāk tš thün ebën wēt lueel ë path. Ku kāk yeku ke tünj emën acin kën cii Nhialic lööm bi yen ke cak. Ku wäär le wärkuan dīt gam tēnē Nhialic, yen aci Nhialic ke bēn gam.

⁴ Ku gam yen aci Abel Nhialic bēn juēr kēpuōth cī Nhialic bēn nhiaar apeī, wār kē cī Kain mēnhē juaar tēnē Nhialic. Ku gamde yen aci Nhialic puōu bēn miēt tēnē ye. Ku njc Nhialic lön ē yen raan la cök. Kēya, kē cī Abel looi cī yen Nhialic gam apeī aņot yeku yök yopuōth ke path emën tē tək yok ye, cək alön cī yen thou theēr.

⁵ Ku raan dēt la gam ril cīt Abel aya, ee ye Enok. Gamde yen aci Nhialic ye bēn jat nhial ke kēc thou. Guāpde akēc bēn yök rin cī Nhialic ye nyaai. Aye athör theēr wēt Nhialic lueel lön Enok ē ye Nhialic cəl amit puōu, wäär rēer yen pinyhom.

⁶ Acin raan lēu ye bi Nhialic cəl amit puōu tē cīn yen gam. Rin raan bēn tēnē Nhialic adhīl gam lön Nhialic atš thün, ku ē koc ye thiēec gam kē wickē.

⁷ Ku gam yen aci Noa wēt Nhialic bēn piņ, wäär lēk Nhialic ye ye lön bi aboordīt bēn bi koc la gup adumuōōm bēn tēm awuōc. Go Noa wēt Nhialic gam. Ku guēņ riāi ka aboor kēc bēn bi yen kacke kony. Ku gamde akēc yen käreç ye kocken kək ke looi bēn nhiaar. Ku Noa aci Nhialic bēn cəl ala cök rin gamde.

⁸ Ku ee gam aya yen acəl Abaram agam kē cī Nhialic lēk ye. Ku ler pan cī Nhialic lēk ye cək alön awēn kuc Abaram ē pan kēnē. Pan kēnē yen ēcī Nhialic lueel lön bi yen ye gam miēthke aköldä.

⁹ Ku gam yen aci Abaram bēn cieņ ke ya alei pan wäär cī Nhialic thön ye. Ku jəl nšōth lön bi Nhialic piny kēnē gam miēthke aköldä. Ku jəl cieņ duēl yiic. Ku lök Ithäk kek Jakop cieņ thün aya, koc wäär cī Nhialic thön lön bi yen piny kēnē yiēk ke.

¹⁰ Abaram aci rēer ē pan kēnē ke tit gen cī Nhialic buth, yen cī Nhialic thön ye cii cīt duēl.

¹¹ Ku ē gam cī Abaram Nhialic gam yen ē dhiēeth yen meth cək alön wäär cī yen dhiōp apeī. Ku tienđe Thara ke cii dhiēth. Acī nšōth lön bi Nhialic athōnde tiēēņ nhom.

¹² Na cək alön awēn cī Abaram dhiōp apeī, bi raan ebën njc lön cii yen bi ben dhiēth, ke yeen aci bēn a wundīt koc juēc apeī cīt liēet, ku kuēl nhial cie kueen.

¹³ Kockä ebën aaci gamden muk agut tē thou kek. Keek aake kēc kāk cī Nhialic thön ke yök. Ku aake yekē tünj tēmec, ku gamkē ke ke mit puōth. Ku ē yekē lēk koc lön aa rēer kecīt jšōl pinyhom ē tēn, ke bi ber tē cī lēk ke.

¹⁴ Alēuku buk njc emën lön koc jam kēlä, aaye kē nyuōōth lön wic kek pan bi ya panden.

¹⁵ Na yekē tak lön ye pan cik nyāāņ wei panden, ŋuōt aaci dhuk thün.

¹⁶ Ku acik wic kepuōth apeī bik yet pan path, pan tš nhial. Ku Nhialic acie guōp ye yār tē cəl ye, ke Nhialicden. Ku kēya, aci gen path guir tēnē ke.

¹⁷⁻¹⁸ Ku gam yen ēcī Abaram rot guir bi wēnde Ithäk nək wäär them Nhialic ye. Yen Abaram raan cā athön Nhialic yök, ee wic bi manhden tōņ tš yenhom nək, cək alön cī Nhialic ye lueel tēnē ye lön ē Ithäk yen abi yin mieth ca thön yi yök tēnē ye.

¹⁹ Acī Abaram tak lön bi Nhialic Ithäk jōt aköldä. Ku kēya, Abaram aci Ithäk yök ke cīt raan cī Nhialic cəl aben pir.

²⁰ Ku gam yen aci Ithäk Jakop ku Ethau thön döc Nhialic rin käk bik yök aköldä.

²¹ Ku gam yen aci Jakop wëët wënde Jothep bën döc wäär cī yen thök ke thou. Ke kääc ke cī yenhom guöt waiden ē yen piny thany, ku rööc Nhialic.

²² Ku gam yen aci Jothep ye njc wäär cī thuande thiök lön bi koc Itharel jäl pan Ijip. Ku lëk ke bik yuomke cii nyiëej pan Ijip aköldä le kek jäl.

²³ Ku gam yen aci koc ke dhiëth Mothith ye bën thiaan pëi kadiäk wäär cī ye dhiëeth. Ee cik tñj ke ye manh path apëi. Ku ke aake këc riöc wët këc kek lönj bënyñaknhom pan Ijip theek.

²⁴ Ku gam yen aci Mothith bën kuc wäär cī yen düt bi cii ye cöl ke manh nyan bënyñaknhom.

²⁵ Na cī wic bi pušu ya miët, miët ē pušu cie ceñ ē bën luoi kärec yiic, nuöt aci rëer pan bënyñaknhom. Ku aci bën nhiaar bi rëer kek kacke bi gum ke ke.

²⁶ Aci yök yepušu lön bi yen käpath yök thün tē guum yen kuöc ciëej rin ē kacke. Cimën wäär ci Raan cī löc ku döc gum, tēn tē bi yen käjuëc path yök pan Ijip. Rin ē njth ariöp bi yök aköldä.

²⁷ Ku gam yen aci yen bën jäl pan Ijip ke cii riöc riäk pušu bënyñaknhom. Ku le tuen ke gum ciët cī Nhialic cie tñj, tñj.

²⁸ Ku gam yen aci Mothith wët Nhialic bën piñ. Ku guir tē bi koc Itharel jiël thün pan Ijip. Ku lëk ke bik thök nöc. Ku røthkë yöötken thook riem, rin na la atuny Nhialic bi mñth rööc ke kñj dhiëeth bën nöc, ke cii mñth rööc kai koc Itharel met thün.

²⁹ Ku gam yen aci koc Itharel Wär Lual bën teem ke ciët cī döu. Nawën jöl wic koc Ijip bik ke buöth, ke wär ben thiäj ku moukë.

³⁰ Ku gam yen aci koc Itharel päny gen Jeriko bën gööt nin kadhrou abi wïik.

³¹ Ku gam yen akëc adëjön cöl Rayäp bën nöc kek koc gen Jeriko wäär nek ke, rin cī kek jai ē Nhialic. Rin yen Rayäp nhom ē cä anëm koc Itharel lor ku nyuuc ke paande.

³² Koc kök juëc aya aa la gam. Acä lëu ba we lëk käk cī koc kök looi, cimën yï Gidiön, Barak, Thamthon, Jeptha, Debit, Thamuel ku koc käk Nhialic tñj.

³³ Ku gam yen aci koc kök bäny bën cop. Ku yen njc koc kök koc mac. Ku yök koc kök kë cī Nhialic thön koc. Ku ē yen aci koc kök köör bën der thook.

³⁴ Koc kök kamken aaci mëc bën nöc, ku riückë röt bei ē paal thook. Koc kök ke niöp aaci bën riël apëi tñj yic. Ku copkë yöm apuruuk ē wuöt kök.

³⁵ Rin gam yen aci Nhialic rööc diäär bën gam, ku cöl kacken cī thou aa ben pïr. Ku koc kök aaci bën aa gum ke cī kenhiim waar, rin bi ke jöt aköldä.

³⁶ Koc kök aya aake ye läät ku that ke. Ku koc kök aake ye rek ku mac ke.

³⁷ Ku koc kök aake ye biöök aleel. Ku koc kök aake ye tēm köth ē rou. Ku koc kök aake ye tēm röt paal. Koc kök acin kë yekë ciëej, aa köt kek aake yekë kuöm keköth. Koc kök aake njñj, ku aake ye bañ ku kuc ke ciëej.

³⁸ Kockä ecii path bik ciëej pinyñhom. Aake ye piny kuany yic ē path roor liët. Ku ciëjkë adhuum yiic, ku kuör yiic ku gat yiic.

³⁹ Ee njc lön le kockä ebën gam. Ku acin raan tök kamken ca athöndit Nhialic bën yök.

40 Nhialic ēcī kēpath guir ke njic γo. Kēya, bī ke nhūim ku γo looi buk la cōk yodhie.

12

1 Kēya ēmēn, γok aa njic kōc juēc wāar cī gamden nyuōth tēnē Nhialic. Ku rin ē wēt kēnē pālku kāk γo thel adumuōōm yic, adumuōōm yeku ke lac looi. Ku aa γo gēl buk dhēl Jethu buōth yic. Lok tuenγ γo wēēr ke γo cīi dhōr buk kē cī Nhialic guiēr γo dōōt.

2 Yeku rēer γo dōt Jethu raan cī γo nyuōth dhēl ku gam la cōk. Ku rin miēt puōu bī yōk, yen aci yen ye gam bī thou tim cī rīiu kōu. Ku cīi kuc bī kē looi cīi pāl, cōk a wāar ye ke ye yōōr guōp. Ku ēmēn a rēēr kōj cuēc thōny Nhialic.

3 Takkē tē cī Jethu guum thīn tēwāar ye kōc kēc wēt Nhialic gam ye gaany thīn akōlakōl, rin bī wek cīi dhōr ku baathkē puōth.

4 Rin aṅot cīn raan cī nōk, ayī raan cī yiēk tētōk kamkun kōc cie wētḍun ye gam.

5 Cāk nhūim mār wēēt puōth ye Nhialic we wēēt ke we cīt miēthke?

“Manhdiē, cōk yīpuōu piny tē wēēt Nhialic yīin, ku duk cōl aye kērac tē nyieeny yen yīin.

6 Rin Nhialic ee kōc nhiēer keek cōk piny.

Ku ee kuat raan cī gam kecīt manhde tēm awuōc.”

7 Guōmkē kāreε kecīt wēēt Nhialic tēnē we, rin ē yen we cōl aciēt miēthke. Nadē cāk kaṅ piṅ le manh kēc wun kaṅ that rin wīc yen ye bī wēēt?

8 Na cīi Nhialic we yīk awuōc wēēt yen we cimēn adhie ye wun mīth miēthke wēēt, ke wek acie miēthke.

9 Cimēn ye γok ṅot γo thek wārkuā pinynhom ē tēn tē cōk kek γo that, cuk bī lēu alanden buk rōt thōn Nhialic, wun wēikua ku pīr tē wēēt yen γo?

10 Wārkuā aa γo wēēt tē kor γok buk njieε cieṅ kam kōc run lik pinynhom ē tēn, cīt tē yekē yōk ye ke path. Ku Nhialic ē γo wēēt akōlakōl rin kāpuōth buk yōk buk dhēēṅde rōm kek ye.

11 Wēēt acie guō nhiaar nyin yic, aye yōk ciēt rēεε. Na lā theer, ke kōc cī tēm awuōc aa la cōk ku yekē kōc ē dōōr.

12 Kēya, duōkkē riōc lak tuenγ ke we deet wepuōth.

13 Biathkē dhēl la cōk yic, bī kōc koor gam riel gamden yic. Ku cīk mēr wei wecōk.

14 Miēthakāi, themkē bāk njieε cieṅ ke kōc ēbēn, bāk rēer dhēēṅ Nhialic yic. Rin raan liiu dhēēṅ Nhialic tēnē ye aciī bī kaṅ tiṅ.

15 Muōkkē wenhūim bī ciēn raan cīi dhēēṅ Nhialic yōk. Ku tiēerkē nhūim paan ē moor bī ciēn raan loi kērac met we wei ēbēn. Anjēckē, ee diēn tōk yen ē wār rac nyin.

16 Acīi path bī raan yepuōu ya yiēk bal. Ku cīn raan loi rot bī yic pial cimēn Ethau wāar pēl diētde tēnē raan buōth ye, rin cī yen ye gām miēth koor ē path.

17 Ku anjēckē wāar wīc Ethau ye bī la tēnē wun bī la dōc ku bī diētde dhuōk ciēen, ku akēc dōc bēn yōk tēnē wun. Kēnē akēc rot bēn lēu bī waar yic cōk a wāar cī yen dhiau piū ē nyin.

18 Wek aa kēc bēn we cīt kōc Itharel wāar cī la gon Thinaī cōk. Ku tiṅkē manydīt apēi ke dēp. Nawēn ke tiṅ luāat aya ke cī got paat piny ku looi muōōthdīt, ku yomdīt apēi. Ku ye bir yic ku mēēr apēi abīk riōōc ēbēn

¹⁹ Ku piŋkē kaŋ yic ku röl la gei. Aacī Nhialic piŋ ke jam röldit apeɪ, nawēn ke lëkkē Mothith bī Mothith Nhialic lōŋ bī cī ben jam tēnē ke.

²⁰ Ku aacī jāl bēn rišoc apeɪ tēwēn piŋ kek Nhialic röl ke lëk ke ëlä, “Acin raan yēēt ē gōn kēnē cök, na cök a lēi ku le nhial ye ka biöök aleel bī thou.”

²¹ Agut Mothith acī bēn rišoc aya apeɪ wēn looi kakkä röt abī ya lueel, “Ÿen aye rišoc lath.”

²² Wek aa kēc bēn gōn Thinaɪ lööm. Wek aacī bēn gōn Dhain lööm, yen cī Jeruthalem ē yam gen Nhialic pīr buth yenhom. Wek aacī bēn yan miēt pušu dīt yic tō atuuc Nhialic juēc apeɪ thīn.

²³ Wek aacī bēn tēnē Nhialic yen luk looi tēnē koc ëbēn. Ku tēnē wēi koc path cī Nhialic looi bīk la cök.

²⁴ Wek aacī bēn tēnē Jethu cī lōŋ döör ē yam looi. Acī riemde juaar rin bī Nhialic adumušomkua pāl piny, rim cī thōŋ kek rim Abel wäär thiēc ē guur.

²⁵ Wek aa yōök bāk cī kuēc wēt raan jam. Koc wäär cī kuēc bīk wētde cī gam pinyhom tēn aakēc bēn pušl ke cī tēm awušc. Na ye këya, buk poth kēdē, Ÿo cī tēm awušc tē cī Ÿok wēt cī Nhialic jam tēnē Ÿo nhial piŋ?

²⁶ Wäär röldē gōn Thinaɪ ëcī piny yääk. Ku ëmēn acī koc lëk ëlä, “Acie pinyhom rot yen ba yääk, Ÿen abī nhial yääk aya.”

²⁷ Ku dēt aya, kē ye wëlkä nyuöth ē lōn kāk cī cak aabi röt yääk ku nyiεi ē keek. Ku döŋ kāk cī lēu bī ke yääk.

²⁸ Këya, Ÿok aa koc cī Nhialic yiěk pan cīn kē bī ye yääk athεεr. Lecku Nhialic ku dorku dhēl ye cōl amit pušu, ku rēērku ke thekku ku rišocku ē ye.

²⁹ Rin ye Nhialic koc tēm awušc thiek apeɪ, acīt many adhie keriēēc ëbēn rušoc piny.

13

Tē ye Nhialic miēēt pušu thīn

¹ Lak tuen we nhar röt akōlakōl ke we cīt miŋ tik.

² Lor jōšl ē pušn Ÿer ku nyušoc keek apath. Rin cī koc kōk atuuc Nhialic kaŋ lor ke kuckē ke.

³ Duškkē nhīm ye määŋ koc mac ku koc gum. Yakē ke kony ciēt we mac ku gušōmkē ke ke.

⁴ Thiēek adhil raan ëbēn theek, röör ku diäär aa dhil röt theek kamken bī ciēn raan dēēk Ÿek pušu. Nhialic abī koc cī rot thiaak ē luui akōr tēm awušc, ku koc kēc thiēek luui kāk ē bal aya.

⁵ Duškkē ye wic wepušth bāk la kajuēc apeɪ, ye kēdun muk yen ye yiěk yi pušu rot. Acī Nhialic lueel theēr ëlä, “Wek aacā bī kaŋ pāl wei, ku wek aacā bī nyääh wei.”

⁶ Na ye këya, rēērku ē cök ku ŋōthku Nhialic, ku yeku lueel ëlä, “Ee Nhialic yen ē Ÿen kony, acin kē ben Ÿa riäac. Le raan lēu ye ba luši kērac?”

⁷ Duškkē nhīm mār kocdīt tuen wäär we lëk wël Nhialic. Takkē apath yen tē piir kek thīn aŸet tē thou kek. Luššikē cimēnden gam yic.

⁸ Jethu Krītho acie rot ye waar. Ee yen tōŋ akōl wäär ku ya akōl ku akōlriēēc ëbēn.

⁹ Duškkē röt cōl aa rēc ē nhīm piöoc juēc koc göi ye lueel lōn cī miŋth kōk bī ya cam. Wek aa dhil wepušth wël dhēēŋ Nhialic ku acie miŋth ye cam cīn kē yekē kušŋ wēi koc ke cam.

¹⁰ Ajuēr ye looi bī ʔo awaar kāreεc yiic, acit ajuēr lōḡ dōōr wāār ye looi bī adumuōōm pāl piny. Ku acīn raan ye puōl agut kōc kāḡ juaar tēnē Nhialic duēl yic bīk rīīḡ lān cī nōk cuet.

¹¹ Rin raandit kāk Nhialic ē ye riem lān cī juēr Nhialic ʔāth tē ʔaath duēl yic rin bī adumuōōm pāl piny. Ku lān cī nōk ē ye nyop roor abī ʔa col.

¹² Ku Jethu aya, ee thou γεu kōu aʔeer Jeruthalem. Tēwēn nēk ye ēcī riemde kuēr rin bī adumuōōmkua pāl piny.

¹³ Kēya, dhilku biaath aʔeer aya γεu kōu buk ʔār guōp wāār cī guum la rōm kek ye.

¹⁴ Kēnē adhilku looi, rin pinynhom tē ciēḡ ʔok thīn acie yen tē bī ʔok ciēḡ thīn athεεr. ʔok aa tit gen ʔam yen bī bēn.

¹⁵ Kēya, cit mēnē cī ʔok Jethu gam, yeku Nhialic leec akōlakōl. Rin lēc ye ʔok ye leec piāthkua ēbēn, yen ajuērdan ye nyuōōth lōn ye yen Bēny.

¹⁶ Duōkkē nhīim mār luoi kāpath, ku kē ye wek rōt kony kamkun, rin kākkā kek ajuēr Nhialic col amit puōu.

Thek kōckun dīt wēl Nhialic

¹⁷ Thek kōckun dīt wēl Nhialic, ku piḡ tē ye kek ʔī wēt thīn, rin ye kek kōc tit wēiku. Ku anjickē lōn bī Nhialic ke thiēεc akōldā tē cī kek wēi kōc tiεεt thīn. Na thek ke ku gam wētden, ka bī luoiden looi ke mit puōth. Ku na cī wētden piḡ ka luui ke rem puōth. Ku na cīk ḡic luui apath, ke la kē kuny kē ʔī?

¹⁸ ʔakē rōōk riengkua. Acīn kēreεc rēēr ʔopuōth. Awīcku bī ʔa kēpath yen yeku looi akōlakōl.

¹⁹ Wek aa liem piāndiē ēbēn bāk rōōk bī Nhialic ʔa col adhuk tēnē we ye nīnkā.

Rōōk ciēēn

²⁰ Ku ēmēn, bī Nhialic rēēr kek dōōr, yen cī Bānyda Jethu col aben pīr, week ʔiēk kāk wiēckē ke bī wek kēden wīc looi. Ku bī luui wepuōth riεl Jethu raan cī lōc ku dōc,

²¹ bī wek kuat kāk ye miēēt puōu ʔa looi. Jethu yen abiōḡdīt rin cī yen lōḡ dōōr akōlriēεc cī thany riemde looi. Bī diik ʔa kēde akōlriēεc ēbēn. Yenakan.

Wēl ciēēn

²² Miḡthakāi piēḡkē wēl lik deet wepuōth ca lēk we apath. Rin athōr ca gāt we aciek.

²³ Awiεc bāk ḡic aya lōn wāmāāthda Timothī acī lony ē nīnkā. Na lōc bēn bā dōōt, ke ʔok aabī cath ē tōk buk we la neem.

²⁴ Miāthkē kōckun dīt ku kōc kōk cī wēt Nhialic gam ē riengkua. Wāmāthakua pan Italia aa we muōōth aya.

²⁵ Bī dhēḡy Nhialic rēēr kek we ēbēn.

Athör Jemith Wët nom

Athör Jemith aa kāk cī gāt kōc cī Nhialic gam cī thiēi pinyhom ēbēn. Raan ē gāt athör aci wël juēc ē waal path gāt bī yen kōc lēk nīny ē kāŋ, rin bī kōc cī gam, rōt tiit ku luoi path. Aci wël juēc lueel tēnē kōc cī gam, wël cīmēn wël ē jīēek, ku n̄ōōŋ ku thēm ē jōŋrac, ku luoi ku tiēel, ku gam kek ē luoi, ku liem path ku nīny ē kāŋ, ku agōth ku nhiam ku piath, ku luk kōc kōk wei. Ku nyooth ē rot ke nhiam ku lier ē puōu ku rōök. Athör ē jam apei bī gamda rot ya nyuōōth luoiida yic.

Kāk tō thīn

Muōth 1:1

Thēm ku thōōc kērac yic 1:2-18

Pīŋ ku luoi 1:19-27

Duōkkē kōc ye tek yiic 2:1-13

Gam ku luoi 2:14-26

Dut liemdu 3:1-12

Nīny kāŋ bō tēnē Nhialic 3:13-18

Thōnkē rōt Nhialic 4:1-10

Duk mēnhkui nyieny 4:11-12

Duōkkē ye tol 4:13-17

Lēk tēnē Ajiēek 5:1-6

Pēl rot piny ku Rōök 5:7-20

¹ Athör Jemith, aluaŋ Nhialic ku Bānyda Jethu Krītho tēnē kōc cī gam, cī weer pinyhom. Ku muōōth ke.

Thēm ku thōōc kērac yic

² Miēthakāi, calkē aye miēt ē guōp tē teem kuat kēril rot ē dhēldun yic,

³ rin an̄jīeckē akōl ye gamdun la tuenj kārīl yiic, kēn bēn bei thīn ē riēl ē puōu ater yic.

⁴ Calkē riēl piāndun ater yic ayēth we tuenj, yen abī wek kāŋ ŋic ku bāk la cōk ke cīn diu.

⁵ Na le kē dhal we bāk cīi ŋic, ke we rōök tēnē Nhialic yen la riēl bī gām we, rin Nhialic ē ŋiēc kāŋ gam ē path piānde tēnē raan ēbēn.

⁶ Ku na rōōkkē ka dhīēlkē looi ē puōn cīn yic diu acīn, kuat raan ē diu acīt apuōōk wīr ye yom nyiāāŋ bī yāth tuenj ku dhuk ciēēn.

⁷ Raan cīt kēnē cīi ye tak lōn le yen kē bī yōk tēnē Nhialic.

⁸ Ku yen raan kēnē ē puōu rou, ku kāk ye looi ēbēn aacie rōm.

⁹ Raan cī gam ŋōŋ adhil puōu miēt tēnē Nhialic, rin bī ye juak bī yāth nhial,

¹⁰ ku raan ajak adhil puōu miēt tē dhuk Nhialic ye piny, rin ajak abī lōōny we cīmēn yōōk tim.

¹¹ Akōl ē ruēl ku atuōnyde ē tim nyop, ku thou yōōk dhēēŋ wēn ēbēn ku lōōnykē wei. Ku riāāk dhēēŋden puōth wēn. Yen ē kē bī rot looi tēnē raan ajak aya, abī mēr wei jaakde cōk.

¹² Raan bī puōu miēt ē raan bī kērac guum ku ŋuōt ril puōu ē gamde yic, tē lēu yen kēnē, ka bī pīr akōlriēēc ēbēn cī Nhialic guir ke ya ariōp tēnē kōc nhīar ye yōk.

¹³ Na them raan ë kāk rεεckä, ke cīi raan luel yepušu ëlä, “Athëm kënë abš tënë Nhialic.” Rin acīn raan lëu ye bī Nhialic cōl aloi kërac, ku yeen guōp acie raan ë them kërac.

¹⁴ Ku raan aye them kërac ye wīc yepušu ye thël wei ku deep.

¹⁵ Kërεεc ye wīc yepušu yen ë bën rëër këya yet bī dhiëth adumušōm, ku adumušōm yen ë bën dīt apei yet bī thuōu bëëi.

¹⁶ Miëthakäi nhiaar duškkë rōt cōl aaye math nyīn,

¹⁷ kuat kâpath la cōk ye yōk, nadë ke gēm yi aa bën nhial tënë Nhialic, Aciëŋ cak kāk ë ruël nhial, ye ruëlden rōt waar ku yeen acie rot waar.

¹⁸ Acī tak ë rot bī yo gām pīr ë yam dhël wët ë yic, ku buk rëër tuëŋ keriëec nhom ëbën.

Pīŋ ku luōi

¹⁹ Muškkë kënë wenhūim miëthakäi nhiaar ke! Raan ëbën adhīl kâŋ lac apīŋ, ku cīi guō jam ë path, ku cīi pušu ë lac dak aya.

²⁰ Riāŋ ë pušu acīi pīr la cōk wīc Nhialic ye bëëi.

²¹ Këya, pälkë luoi kāk la bīth ë kōc yōšr gup, ku kuat luoi kërac ëbën. Gamkë Nhialic piäthkun ëbën, ku wët puōth cī tāau wepuōth bī we luōk.

²² Na yakë wët Nhialic piŋ ku cak loi, ke wek aa rōt math. Këya, luoičkë kecīt tēde.

²³ Kuat raan ë wët kënë piŋ ku cīi looi acīt raan rot tiŋ macar yic.

²⁴ Ee guāpde ŋiεc tiŋ apath, ku na le jāl macar löšm ke go nhom mää r tē cī ye cak thīn.

²⁵ Ku raan ë löŋ path tiŋ ku dōt yic yepušu, löŋ puōth Nhialic yo gël buk kārεc cīi loi, acīi cīt kënë, acīi ye piŋ ë path ku mër nhom ye, ku looi kecīt tēde. Raan cīt kënë abī Nhialic dōoc kuat kāk ye looi yiic ëbën.

²⁶ Ye raan tak lōn theek yen yath? Na cīi raan liemde dut ka cīn yanh theek. Ku ë rot math ë rot.

²⁷ Thëk puōth ye Nhialic Wāda gam akīn, kony abεεr ku lëër ë ŋääŋden yic, ku tiit rot kāk rεc ye tō pinyinhom.

2

Duškkë kōc ye tek yiic

¹ Miëthakäi, kōc cī wët Bānyda Jetho Krītho la dhëëndīt apei gam, wek aadhil kōc thšōŋ nhūim kuat ë kāk yakë ke looi yiic ëbën.

² Tēdë, tē bī raan cī ŋiεc ruk apath tënë amat, ku bō raan ŋōŋ ciëŋ alanh cī riāk aya.

³ Na ye raan cī ŋiεc ruk yen ŋic tiŋ ë rot ku lëk ye ëlä, “Bäär nyuc tēn tēpath,” Ku lëk raan ŋōŋ nyin, “Lōor kääc tēen,” Nadë ke luel, “Lōor nyuc piiny tēen yacōk.”

⁴ Ke yīn ala guōp awuōc cī yīn kōc tek yiic, ba kōc kōk luōk wei, ku kënë ë luoi cīi path.

⁵ Piεŋkë miëthakäi nhiaar, Nhialic acī kōc ŋōŋ nyin kuëny bei pinyinhom bīk ajiεεk ë gamden yic, ku ye bääny pan Nhialic këden, bääny cī Nhialic luel lōn bī ye gām kōc nhiaar ye.

⁶ Ku wek aaci kōc ŋōŋ nyin dhōl gup. Ye yīŋa, bī we thany nhūim piny ku thelkë we tënë bëny luk? Ajiεεk!

⁷ Aa keek, kek aa cōc jam wël rεc rin puōth raan cī wek wëtde gam.

⁸ Abī ya këpath yen luoičkë tē theek wek löŋ bääny Nhialic ye yōk athōr thεεr wël Nhialic yic, “Nhiar raandun akeu nhom cimën nhiεεr yīn rot.”

⁹ Ku na cäkkë kəc ye thöññ nhüim ë luaidun yic, ke wek aala gup awuśc, ku löñ abı we tēm awuśc raan cı löñ dhoñ kşu.

¹⁰ Kuat raan ë löñ tök dhoñ kşu kam ë lööñ, ee lööñ dhoñ kşth ëbën.

¹¹ Ku yen tööñ, yen ë ye lueel ëlä, “Duk tiñ raandä kər,” ku lueel aya, “Duk raan näk.” Rin na cək alən kęc yın tiñ raandä kər ku yın aci raan nök, ke yın aci löñ dhoñ kşu.

¹² Ye jam ku lui yı ñic rot lən bı yı dəm ë löñ ɣo gël buk käreç cıı loi.

¹³ Rin tē le Nhialic luk looi tēñë kəckä, aciı raan cie wēt ye päl piny bı ñuään. Ku pël piny wēt yen arıl tēñë luk.

Gam ku luoi

¹⁴ Miethakäi, ye këpiath ñö tş thün bı raan aa lueel ka la gam, ku aaciı kək ye ke looi ye nyuöth? Lëu gam kënë bı ye luök?

¹⁵ Na lş miethakui cı gam ku aaciın mieth camkë ku alëth ceñkë ke.

¹⁶ Ye këpiath ñö tş thün tē lək yın ye ke ëlä, “Miethkë ku bək kueth, tēdë ke luel, ruşkkë alëth dhıl bı wiir we cıı näk!” Ku aciın kək ca gäm ke kək wickë ke ë piërden yic?

¹⁷ Këya, gam ë rot ku cın yic luoi path, ka cın yic pır.

¹⁸ Ku abi raan ya lueel, “Raandët ala gam ku raandä ala luoi,” Ku aba dhuk nhom ëlä, “Nyuöth ɣa raan cıt kënë la gam ku cın luoi? Yın aba nyuöth gamdië kəkkiën ya looi yiic.”

¹⁹ Ye gam lən ye Nhialic tök? Apath. Aye jakreç gam aya, ku leth ke ke cı rişşc.

²⁰ Yın raan ril nhom! Wic bı nyuöth yı lən gam cın yic luoi aciın koony?

²¹ Abaram Wädandit theer, cı cök piny Nhialic nhom kädë? Ee luaide yen ë cök ye piny, wäär juëer yen manhdë Ithäk ariäk nhom tēñë Nhialic.

²² Këckë tiñ gamde ku luaide aaci luoi kedhie, ku gamde aci luaide cəl ala cök.

²³ Ku kē cı lueel athör theer wël Nhialic yic aci ya yic, “Abaram aci Nhialic gam, ku rin gamde yen aci Nhialic ye bën tiñ ke la cök yenhom.” Ku ye Abaram cəl aye mähth ë Nhialic.

²⁴ Cäk tiñ, ee rin luoi path yen ë raan cəl ala cök ë Nhialic nhom. Ku acie gam ë rot.

²⁵ Ku ë yen ë ye tēde kek adëjōñ cəl Rayäp wäär kony yen anēm kəc Itharel. Wäär, lor yen ke paande, ku kony ke bık röt kwal ë dhël dët.

²⁶ Këya, cımën guşp cın yic wēi, ee kē cı thou, yen ë tēñë gam cın yic luoi path, ee kē cı thou aya.

3

Dut liemdu

¹ Miethakäi, aacie we ëbën wek lëu ye bək aa kəc ë piöoc. Tēcıt tē ñieckë ye, ɣook kəc ë piöoc, luşñda abi yic riël apei tēñë luñ kəc kək.

² ɣook ɣodhie ɣok awuśc looi dhäl juëc yiic, ku na kęc raan awuśc loi kək ye lueel yiic, ka la cök ku alëu bı rot muk apath alanden.

³ ɣok a mathiäñ ñak thok luuñ bı wētda gam, ku jolku kuaath tē wicku.

⁴ Tēdë ke yı tak riän rēer wüir, adıt apei ku aye yom ril kuaath, ku alëu raan ye kuaath bı tim koor cıt alau cök nhom, ku jol geer ke wel nhom tē wic piände.

⁵ Yen ë tēde ke liep, akoor, ku alëu bı yenhom lęc kəkken dıt ril yen.

Thöññ ror dıttet lääu yic apei, ku aye liem many thiin koor ɣoät.

⁶ Ku liep acit mac. Yen ë kãj liäap ku bii riäak pinynhom, arëer yogup ku ye kuat kãrec ëbën thiäi ë guöp yic. Ee piërda dëep ë manyden bö kek ye pan mac.

⁷ Acï raan lëu bï lääi roor mac baai kek ye, cïmën lääi düt ku lääi kor ku diet ku kãpieny ku rec.

⁸ Ku acin raan cie lëu bï liemde njec mac. Liep arac, acie lëu bï duut, ala yic kërëec koc nãk.

⁹ Ayeku luösi bï yok Nhialic leec, ku lem yok miëthakäi kók cï Nhialic Wäda ke cak ke cit ye.

¹⁰ Wël alëec ku lëmlëm aa bën bei ë thonj tööj yic. Miëthakäi pëth bï rot looi këya?

¹¹ Acin yinh pïu path ku pïu rec bëëi bei ë tók kedhie.

¹² Miëthakäi tim cit ñaap, acie dhiëth ë mith tim cöl Olip. Ku abiëc acie dhiëth mith tim cit ñaap, tädë ke yinh lëi piëuke bii pïu path.

Niny ë kãj bö tënë Nhialic

¹³ Le raan tók kamkun njc kãj ku ye wël deet yiic? Adhil nyuoöth ë piërde yic, ku luoi path cïn yic nhiaam rin njëec ë kãj.

¹⁴ Ku na ye tiëel yï reem puöu apëi ku ye rot nhiër kãj ë rot, ke yï duk yic dhäl ba jam ë nhiaam.

¹⁵ Niny kãj cit kënë acie bën pan Nhialic, ee kën pinynhom ë tën, acin yic Wëi Nhialic, ee kën jöjrac.

¹⁶ Na rëer tiëel ku kë ye yin rot nhiër kãj ë rot thïn, ke aliäap ku kuöc luoi, ku kuat kãrec ëbën arëer thïn aya.

¹⁷ Ku njny kãj bö nhial, tuej ala yic döör ku ala yic dhëej, ku gem rot tënë Nhialic, athiänj ë lier puöu, ku aa kãpath kek aaye yok thïn, acii koc ye tek yiic, ku aala cök.

¹⁸ Ku koc döör looi, aa kãk la cök yok döör yic.

4

Thönkë röt Nhialic

¹ Ye tēnen yen ye akëek ku agöth ë kamkun bën thïn? Aa bën tënë kãk wiëckë ke thör wepuöth, kãk we cöl agöth ë kamkun.

² Wek aa wic kãj, ku aa cãk ë yok, wek aaci röt guuir bãk nãk. Wek aa wic kãj ë riel ku na cãkkë ke yok, ke wek aa göth ku thãrkë, kë wiëckë acãk bï yok rin këc wek Nhialic thiëec bï gãm we.

³ Ku na thiëckë, ka cãk yok, rin tē ye wek ye tak thïn tē wic wek ke, acii path. Ayakë thiëec ë kãkkä rin miët ë piãthkun ë rot.

⁴ Koc cï jai Nhialic! Kuöckë lön na yik raan yepuöu kãk pinynhom, ke raan ë raan ater tënë Nhialic. Kuat raan ye wic bï ke nhiaar kãk ë pinynhom, ee ya raan ater tënë Nhialic.

⁵ Duöckë ye tak lön cïn yen yic tō athör thëer wël Nhialic yic ye lueel ëlä, “Nhialic awic wëikua bïk aa kãkke ë rot.”

⁶ Ku dhëej cï Nhialic gãm yo adit alanden. Ku yen aye athör thëer wël Nhialic lueel, “Nhialic aman nhiam ku ë dhëej gãm koc lir puöth.”

⁷ Këya, thönkë röt Nhialic. Yakë jöjrac thany wei bï kat welöm.

⁸ Bãkkë ë Nhialic lööm ku abi thiök kek we. Miëtkë wecin bei kãrec yiic wek koc la gup adumuööm! Wuöönykë wepuöth wei wek koc puöth rou!

⁹ Riäãkkë puöth awuööckun cãk looi yiic, dhiaaukë ku njëerkë yiic. Calkë döl aye dhiëu. Calkë miët ë piändun aye riäak ë puöu!

¹⁰ Dhuškkë röt piny ë Nhalic nhom, ku abî we jat nhal.

Duk mēnhkui nyieny

¹¹ Miēthakāi duškkë röt ye nyieeny kamkun, kuat raan bi mēnhkēn nyieeny ë path, tēdē ke luk wei, ee lōŋ yen aye dhōl ku lueel ka cīi path. Ku na luel kērac rin ë lōŋ ka cīi thek, ku ye rot looi ciēt yīn dīt tēnē lōŋ.

¹² Ee Nhalic rot yen ë lōŋ gām kōc, ku ë yen kōc lušk wei. Yen ee raan kony ku nēk aya. Ye tak ye yīn ë ŋa ba mēnhkui lušk wei?

Duškkë ye tol

¹³ Piēŋkë kē lueel emēn, ayakē lueel, “Ya akōlē, tēdē keye nhiāk yok abî la keny ë gen dēt yic, yok aabi la rēer ë tēēn ë rušōn tōk, ku lok luui buk wēu juēc yok thīn.”

¹⁴ Yīn akuc kē bī rot looi tēnē piērdun nhiāk, yīn acīt tol ë mac, ë guō bēn nhal kam thīn-nyōot ku go liu.

¹⁵ Kē lēu ba ya lueel akīn, “Na wīc Nhalic, ke yok aa pīr buk kēnē looi ku kēnē.”

¹⁶ Ku emēn wek aa nhiam ku yakē tol, nhiam dīit kēnē ëbēn arac.

¹⁷ Kēya, raan ŋic kēpath bī looi, ku acīi ye looi ala gušp awušc dīt tet.

5

Lēk tēnē Ajteek

¹ Ku emēn, wek kōc la kāŋ, piēŋkë wētđiē! Nēerke yiic ku dhiaaukē ë kārēc bī bēn weyiēth akōldā!

² Jaakdu acī riāāk, ku alāthkun aaci aruōp cam.

³ Mīlšōŋkun tōc ku mīlšōŋ thith aaci keth, ku keth kēnē yen abī dīt piāndun nyuōoth akōldā, ku abī we nyop cimēn mac. Wek aaci kājuāac kušōt yiic ë nīnkā.

⁴ Wek aakēc kōc lui dušmkun yiic riōp. Piēŋkë kerōt. Dhiēn kōc ë rapkun tem aaci Nhalic Madhōl dōōt.

⁵ Piērdun pinyinhom tēn, athiāŋ yic miēt piāndun ë rōt. Wek acī cuai ciēt we bī nōk akōl yai.

⁶ Wek acī kōc cīn gup awušc tēm awušc, ku nākkē ke ke kēc jai ë wētđun.

Pēl rot piny ku Rōōk

⁷ Miēthakāi, gušōmkē yet tē bī Bānyda bēn. Tiēŋkē, raan pušr ee yepušu pāl piny bī rapken wāār cī puur duōmde tiit bīk luōk apath. Ee tiit yet bī ruēl thōk bī deŋ bēn tueny lākēer.

⁸ Ke week aya, wek aadhil rōt pāl piny, ku kāäckē ë cōk rin akōl bēn ë Bēny acī thišk.

⁹ Miēthakāi, duškkë röt ye lom kamkun bī Nhalic we cīi luk wei. Alušk luk acī thišk, abī guō yēēt.

¹⁰ Miēthakāi, na cī kārēc we yok, ke we pēl rōt piny cimēn kōc wāār ë kāk Nhalic tīŋ ë wēl Nhalic lēk kōc.

¹¹ Cimēn ŋic wek ye, aayeku cōl aaye kōc cī dōoc ë rin cī kek gum. Wek aa we cī tē cī Jop guum thīn ku deet yepušu pīn, ku wek aaci kē cī Bēny bēn looi tīŋ, Bēny la ŋuēēn ku nhiēr.

¹² Kē tuēŋ miēthakāi, duškkë mēl ye kuēēŋ rin pan Nhalic. Tēdē ë rin piny, tēdēt ë rin kōk ë path. Luel, “Yēē,” Tē cī yīn ye gam, ku luel, “Yei,” Tē kēc yīn ye gam. Na cāk loi kēya ke wek aabi tēm awušc.

¹³ Na le raan tök kamkun rëer ater yic ka adhil röök. Na le raan tööj mit puşu, ke cəl aket waak alεεc.

¹⁴ Na le raan tuany ë we ka dhil kəcdit akut kəc cı gam cəl bık röök rienke, ku təkë ë miök.

¹⁵ Röök kënë cı looi ku le yic gam ril, ka bı raan kony bı pial rin abı Bëny cəl apuəl, ku na le adumuşəm cı looi ka pël piny.

¹⁶ Këya, lakkë adumuşəm cäk looi ë kamkun, ku ye ηek röök rin ë ηek rin bı we kony. Röök ë raan path cəl aril apı bı kəc kony.

¹⁷ Elija raan kək Nhialic tıη a ye raan ë path cıt γo. Ee cı röök apı bı deη cı tueny. Ku deη akēc bən tueny pinynhom run kadiäk ku abak.

¹⁸ Na lä ke ben röök bı deη tueny bı wal cil ku lok rap pinynhom.

¹⁹ Miëthakäi, na päl raan tök ë kamkun gam ë yic, ku dhuk raandët ë raan kënë thın,

²⁰ muşkkë kënë nhom, kuat raan bı raan lä guşp adumuşəm dhuşk ciëen bı käreç ye ke looi puşl, ke yeen abı wëi kony thou yic. Ku abı pël piny adumuşəm juēc bëi tënë ye.

Athör tuenj cï Piter gõt Wët nom

Athör tuenj cï Piter gõt eci gät koc cï gam, koc cï Nhialic kuany. Kockä aake cï thiëi wušt kók yic pan Athia. Wët gët yen athöör è rin bi yen koc bi ye kueen deet pušt bik gum, wët ye ke nök rin cï kek gam. Aaye Piter lëk Wët Pušt Yam è rin Jethu Kritho, raan cï thuonde ku jön rot ku këden cï than bö, ke cal anjth.

Ku rin è wët këne adhilkë gam bik kepušt deet ku guumkë rin è gamden yen athem. Ku njickë lön bi ke riop aköl le Jethu raan cï lóc ku dác dhuk.

Na cök alön ye Piter ye lëk ke bik kepušt aa deet, tē yök kek käreç, aye lëk ke aya, bik pir ke cit koc Raan cï lóc ku dác.

Käk tō thïn

Mušt tuenj 1:1-2

Lëk rin kuony Nhialic 1:3-12

Käk dhilkë looi rin Pir è Yam 1:13-2:10

Kë ye koc cï gam kony riääk yic 2:11-4:19

Kuony koc cï gam 5:1-11

Mušt ciëen 5:12-14

¹ Yen Piter atuny Jethu Kritho, yen agët tēne koc cï Nhialic kuany, cï thiëi bëei kók yic pinyhom cimēn Pontuth, Galatia, Kapadokia, Athia ku Bithinia.

² Wäda Nhialic aci we kuany rin yen këden wic thær. Ku Wëi Nhialic aci we looi bæk aa kacke, ku këya bæk Jethu Kritho theek, raan cï thou rin bi adumušmkun päl piny. Bi dhëej ku dördit rëer kek we.

Njth aköliëç ebën

³ Yok aa dhil Nhialic Wun Bänyda Jethu Kritho leec. Ku rin lier piände tēne yo, aci yo yiëk pir è yam, jön cï yen Jethu Kritho jot thou yic, ku këne è yo cal anjth.

⁴ Anjcku lön bi yok kæk ye Nhialic täu kacke yök. Käckä aaye muk nhial paande apath è rienkun. Aaye töšu tē cii kek bi dhiäth thïn, tē cïn kë bi ke rac ku cïn kë nyeci ke thïn.

⁵ Aa töšu ke è rienkun, rin le wek gam bi we tiit è riel Nhialic. Ku këya wek aabi lušk aköldä cit tē cï Nhialic guiër ye.

⁶ Mietkë pušt rin kë cï Nhialic looi, cök alön bi wek pušt aa riääk emēn rin kajuëç bæk ke guum.

⁷ Ku kë ye wek gum, ee lön bæk nyuöth lön ye gamdun yic. Agut müläj töç, ye raan lëu bi rac, aye kanj tääu mæç bi them. Këya, gamdun tēne Nhialic wär müläj adhil them aya bi tünj lön bi wek pušt riel. Ku Nhialic abi we cal ayök læc ku duaar aköl le Jethu Kritho dhuk.

⁸ Na cök alön këç wek ye kanj tünj, ka nhiarkë. Cök alön cii wek ye ye tünj emēn ka ya ke gam. Ku acin wël pušt ye wek miet piändun teet,

⁹ rin wek aa kuony wëikun yök, këne yen ye yök gam yic tēne ye.

¹⁰ Koc kæk Nhialic tünj cï we lëk rin dhëej Nhialic, acik wic apei bik kuony wëi këne njic.

¹¹ Ku Wëi Kritho rëer kegup aci ke nyuöth tē bi Kritho guum thïn, ku kăpuath bi röt looi, ee këne cök. Ku acik them bik njic ye nen bi këne rot looi, ku yenö bi ye nyuöth.

12 Acī Nhialic nyuōth kōc kākke tīŋ lōn kāk yekē ke lueel aacie kāk ē kuōnyden, aa kāk kony ē we. Kāk yakē ke piŋ ēmēn aaci atuuc ē Wēt Puōth Yam jam riēl Wēi Nhialic cī tuōōc nhial pinyŋhom. Kākkā aaci atuuc nhial bēn aa wīc aya bik ke deet yiic.

Pīr ē Yam

13 Kēya, cōkkē rōt piny rin ē luōi. Duōkkē rōt cōl amēr dhōl kōk. Nāthkē ke ye dōc bī Nhialic gām we akōl le Jethu Krītho bēn.

14 Thekkē Nhialic, ku duōkkē piērdun cōl acōk kākkun yakē ke wīc wepuōth, cīmēn wāār kuc wek Wēt Puōth Yam.

15 Mēēckē rōt wei kuat kārec yiic ēbēn akōlakōl, cīmēn cīi Nhialic raan cī we cōl rot ē thiāk kuat kērac aya.

16 Acī gōt athōr theēr wēl Nhialic yic ēlā, “Mēēc rot wei kērac yic cīmēn mec yēn kek kērac.”

17 Tē rōōk wek tēnē Nhialic, ayakē cōl, “Wāda.” Yen ē luk looi cōk tēnē kōc ēbēn, kē cī raan looi yen ē tē bī Nhialic luōŋde luōk thīn nyooth. Kēya, rēērēkē ke we thek Nhialic piērdun yic pinyŋhom ē tēn.

18 Rin wek aa ŋic kē cī we wēēr bei pīr wāār yic, pīr cīn kē kuany thīn wāār cāk ŋic tēnē wārkun dīt. Ku wek aa we kēc waar kēn yāi, cīmēn ye mīlāŋ tōc ku mīlāŋ thith yāi.

19 Ku wek aaci waar rin cī Krītho rot gam bī nōk, ku kēnē ajuēr thiek yic apeī, ee cīt manh amāāl cīn kē diu yeguōp.

20 Nhialic ēcī Jethu lōc ke piny ku nhial kēc cak, ku cōl ajōl ŋic ē nīnkā rienkun.

21 Ku ē Jethu yen aci wek Nhialic gam, Nhialic ē jōt ye raŋ yic ku yīk duaardīt apeī. Ku kēya, wek aa la gam ku ŋōth tēnē Nhialic.

22 Ku ēmēn wek aaci la cōk rin theek wek yic, ku bāk miēthakun anhihaar ayic, nhiarkē rōt kamkun apeī piāthkun yiic ēbēn.

23 Wek aa dhil rōt nhiaar, ku rin wētden rēēr thīn akōlriēēc ēbēn, aci Nhialic we cōl aa ben dhiēēth, dhiēnh mīth raan cie thou cīmēn kōc ke dhiēth yō.

24 Cīmēn ye athōr theēr wēl Nhialic ye lueel ēlā,
“Raan ēbēn acīt noon ē riēl,
ku kuat kēden path ēbēn, acīt yōōk ē tēŋ.

25 Ku wēt cī Bēny lueel ē ya yic akōlriēēc ēbēn.”
Wēt kēnē ē Wēt Puōth Yam ye atuuc lēk kōc.

2

Alel pīr ku kōc yam Nhialic

1 Kēya, pālkē luōi kārec ēbēn, pālkē lueth ku ruēēny, ku duōkkē wepuōth ye yīēk kēpeth kōc kōk. Ku duōkkē kōc kōk ye lēk gup wēl rac ē path.

2 Luōikē rōt bāk ciēt mīthkor ye cīek path ke muk. Yakē cīek path wīc akōlakōl, cīek ē wēikun ku bī wēikun dīt ke we ŋic Nhialic.

3 Rin aci gōt athōr theēr wēl Nhialic yic ēlā, “Acāk yōk ē rōt yen tē pēth Bēny thīn.”

4 Bākkē tēnē Bēny, Bēny yen cīt alel pīr wāār cī kōc jai, ku aci Nhialic kuany ke ye kēpath apeī.

5 Ku week aya, cīt aleel pīr, wek aa buth bāk aa luan wēi. Ku bāk aa kōc la cōk lēu ye bāk kāk wēi cī Nhialic gam juēr ye rin Jethu Krītho.

6 Rin alēu raan bī kuen athōr theēr wēl Nhialic yic, ee yen ye lueel thīn ēlā,
“Yēn acā alel ril path apeī kuēny bei aleel yiic,

ku tääu Jeruthalem ë yam ke cit mën,
ku raan bi ñäthde tääu alél kënë köu acii guöp bi yär."

⁷ Alél kënë apath apeí téné wek koc ci gam, ku téné koc kéc ye gam.
"Alél ci koc ë buth kuc lön cii yen path
yen aci bën alél path apeí téné aleel ëbën."

⁸ Rin aci göt abañ dët yic athör theer wël Nhialic yic ëlä,
"Kënë yen alél bi koc kecök dëeny,
ku ee yen kuur bi keek cöl awiëëk."

Aa kecök dëeny rin kéc kek wët ci Nhialic lëk koc gam. Ku kënë yen ëci Nhialic guiri téné ke.

⁹ Wek aa koc ci Nhialic kuany ku wek aa koc käk Nhialic aya, yen bënyñaknhom, wun ci loc bi Nhialic luösi, koc ë Nhialic. Nhialic aci we cööl bei muöth yic ku bäkkë yerden dhëñ apeí yic. Rin bäk käkken puöth ye ke looi lëk koc.

¹⁰ Wek aa we cie koc Nhialic, ku ëmën wek aa kacke. Wek aa we kuc ñuëñ ë Nhialic, ku ëmën wek aaci tē ye Nhialic koc ñuään thin ñic.

¹¹ Mäthkië, wek aa yöök puöu ëbën, wek koc pür ke we cit jööl pinyñhom ë tén. Duökkë wepuöth ë yiëk käreç ye guäpkun ke wïc, käreç thär kek wëikun.

¹² Piërkë ë pür path kam koc kuc Nhialic, ku na cakkë ya lueel lön ye wek luui käreç, ka bi kãpuöth yakë ke looi tññ bik Nhialic leec aköl le yen bën.

¹³ Rin bi wek kē ci Bëny looi buöth yic, thekkë bäny mec baai, bënyñaknhom yen düt,

¹⁴ ku bäny kök ci ke luösi bik koc käreç looi aa tēm awuöc, ku leckë koc kãpath looi.

¹⁵ Rin Nhialic awic we ku bäk koc we jääm gup rin kuc kek kãñ, cöl aabit tē tññ kek we ke we looi kãpath.

¹⁶ Wek aacie aloony ë koc kök. Ku duökkë kënë cöl akum käreç yakë ke looi köth. Wek aa loony ë Nhialic luösi.

¹⁷ Thekkë raan ëbën, ku nhiarkë miëthakun ci gam. Thekkë Nhialic ku thekkë bënyñaknhom.

Kë ye gum Jethu nyuöth yo

¹⁸ Koc luoi aa dhil wët ye bänyken lëk ke pin, ku thekkë ke apeí. Luoi kënë téné ke ëbën, bäny ñic we ciëññ ku bäny kuc we ciëññ aya.

¹⁹ Na gum arëem ke cie awuöcdun ca looi, ke yi ñic Nhialic yipuöu, ke yin abi Nhialic döc.

²⁰ Ye lec nõ tö thin tē beñ yi ku gum arëem rin awuöc ca looi? Ku na gum arëem rin kēpuöth ca looi, ke yin abi Nhialic döc.

²¹ Ee gum kënë yen ë cöl Nhialic yi, rin Kritho aci gum ë rienkun, ku nyuth we tē bi wek guum thin cimënde, rin bi wek dhälde buöth yic.

²² Acin awuöc ci kañ looi ku akëc lueth kañ lueel ë thuonje.

²³ Wäär ye kek ye läät, akëc bën adhuk ñhom ë wël rëç. Ku wäär beñ ye akëc koc bën riäac lön bi yen këde guöñ, aci rot bën tääu ë Nhialic cin yen luk looi ë cök.

²⁴ Kritho acä awuöc jot, awuöc käreç cuk ke looi, wäär reem ye tim ci riüu kök, rin bi yok luoi adumuööm puöl ku pürku ë pür la cök. Ku tëtöök juëc ci yiëk ye aaci we waar ë thou yic.

²⁵ Wek aa we cit amël ci dhël baai, ku ëmën wek aaci dhuök ciëñ, bäk raan diëer ë we cimën ye abiöök diëer amälke buöth, raan wëikun tüt.

3

Diäär ku Röörken

¹ Kälä aya, wek diäär wek aa dhil röt thön röörkun. Rin na le raan tš kamken ke kęc wět Nhialic gam, ka bi luaidun path cöl agēm, ke cın wět lěk ke.

² Rin aabi pirdun path ku tē theek wek ke thın tıj.

³ Duškkē röt loi bāk dhěj rin kajuęc ye ke tıj wegup ayeer kepęc. Cımēn tē ye wek wenhım guıeer thın. Ku cıenjkē mılšöj tšc ku alět path juęc kšk.

⁴ Duškkē ye luui kęya, ee kē rēer yıpušu alonjthın yen ē tē dhēej yın thın nyuəth, dhēej la yic athēek ku lier ē pušu cie rot ē waar tē cök yın dhiəp. Ku ee yen dhēej ye Nhialic tıj ke path apeı.

⁵ Diäär theer wäär path Nhialic nhom ciěj ke njickē apeı lön bi Nhialic kē cı thən dhiel looi, aake cı röt thön röörkun ku ee kēnē yen ē ke cöl adhěj.

⁶ Thara acıt ē diäärkă, ē ye kē cı Abaram lěk ye bi looi, looi. Ku tē jıem yen tēnē ye, aye lueel bānydiē. Wek aa cıt Thara emēn tē looi wek kăpath tēnē kšc kšk, ke cın kē rišc wek.

⁷ Ku wek röör aya wek aa dhil cienj apath kek diäärkun, ku njickē lön diäär aacı ril cımēn röör. Yakē ke njec ciěj ku thekkē ke rin keek aabi mišc path Nhialic yök aya cımēndun. Luwikē kēnē rin bi ršškkun la cök.

Kšc cı gam aa gum rin luai kăpath

⁸ Emēn awiēc ba wět lěk we wit. Njickē cienj kamkun, ku ye njek dieer kēreec bi njek yök. Nhiarkē röt cımēn njek ke wāmēnhē. Lier pušu tēnē kšc ebēn. Ku dhielkē röt dhušk piny.

⁹ Na lui kšc kšk yı kērac, ke duk cöl tēnē ke kēreec dēt. Na ye raan dēt yı wēi kērac, ke duk wēi kērac aya. Na loi kšc kērac tēnē yı ke yı thiēc Nhialic bi ke dšc. Yen ee kēn cöl Nhialic yı rin bi yın dšcde yök.

¹⁰ Cımēn ye athör theer wěl Nhialic ye lueel älä, “Raan wıc pır path ku wıc bi pušu miēt, ke cie jam wěl rēc ku cıi lueth ye lueel.

¹¹ Ku adhil luai käreec pušl ku looi kăpath, adhil them piände ebēn bi njec cienj apath kek kšc kšk.

¹² Rin Bēny ee kšc path tiit ku ee ršškken piņ, ku Nhialic ee yenyin pēn kšc käreec looi.”

¹³ Yeņa bi cöl agum tē wıc yın ye yıpušu ba kăpath looi?

¹⁴ Na cöl kšc kšk yı agum rin looi yın kăpath, ke kăpath yen aloi rot tēnē yı. Duk rišc ē ke ku duk ye dieer,

¹⁵ Ku calkē Krıtho aye Bēny pierdun yic. Rēer ke yı cı rot guir akölaköl ba kšc yı thiēc tēt kē yakē njšöth tš wepušth wek kšc cı gam.

¹⁶ Ku duk kšc ē thany riel bik gam, kuēc tēktēk raan dēt nhom. Loi kęya ba cıi ye yök yıpušu lön le yen awušc ca looi, rin bi kšc man tēpuəth ciěj wek thın rin ye wek kšc buəth Krıtho gup yār kāk yekē ke lueel.

¹⁷ Anjēn ba gum rin kēpuəth ca looi tē wıc Nhialic ye ba gum, tēn tē bi yın gum rin luai kērac.

¹⁸ Krıtho acı thou arak tšc rin adumuššmkua. Yeen ē cın awušc cı looi, ku acı nšk bi thou rienkua yök kšc la gup adumuššm bi yo wat nhım tēnē Nhialic.

¹⁹ Ku yeen, acı jam wět Nhialic tēnē wēi mac.

²⁰ Wēikă aa wēi kšc wäär cı jai wäär tiit Nhialic ke bik kepušth dhušk ciēen adumuššmken, wäär guir Noa riände. Kšc lik ke cı la riäi yic, kšc kabēt, kek aacı Nhialic bēn kony aboor yic.

²¹ Ku kënë acit mišc nhom, mišc nhom yen aye Nhalic ʎo kony emēn, rin Jethu Krītho cī jot ē thou yic. Tē jiem ʎok mišc nhom, ʎok aaci jam rin acol ye laak wei koc gup, mišc nhom wētdē yic ʎok aa rōt thōn Nhalic ke pušn yer.

²² Ku Jethu Krītho atō pan Nhalic emēn ke rēēr cuēny ē Nhalic. Ku yeen amec kāk la riel ku atuuc nhial ebēn.

4

War pūr yic

¹ Kēya, Krītho ēcī reem ku guum apei. Ke week, wek aa dhil rōt guuir bāk gum cimēnde. Na rem raan ku guum, ka cī yepušu wel wei adumušōm yic.

² Ku emēn le tuenʎ wek aadhil pīr tēcīt tē wīc Nhalic ye thīn, ku acie tē wīc piāthkun ye thīn.

³ Wek aaci rēēr tēbäär ke we loi kāk ye koc kēc Nhalic gam looi. Wek aa rēēr ke we yīk wepušth kāk bal ku dēḡ ē māāu, ku luoi kārec koc cōl ayār gup, ku dušr jak cī kiēt cī ke wīc.

⁴ Ku rin cīi wek rōt ye māt ke bāk aa luui kārec koc yōsr gup aya, ee ke gōi ku jiēmke wegup apei wēl lueth.

⁵ Ku keek aabi dhiel kōšc Nhalic nhom yen luk looi tēnē koc pīr ku koc cī thou, bīk tēt ye lōn pušth kāk cīk ke looi.

⁶ Raan cī lōc ku dōc aci Wēt Pušth Yam lēk koc cī thou, koc wāār cī Nhalic luk looi tēnē ke wāār pīir kek, cimēn ye yen luk looi tēnē raan ebēn. Wēt Pušth Yam ēcī Jethu lēk ke rin bī wēiken pīr ē tōk kek Nhalic.

⁷ Tē bī kāk loi rōt emēn thōk ebēn aci thišk. Cōkkē wepušth ku rēērke ke we tīr nhīm bāk lēu bāk rōök.

⁸ Kēdit apei kāriēc ebēn yiic ē nhiēr bī ḡek-ḡek anhiaar yepušu apei, rin na nhīar koc kōk, ke yīn abī kārec yekē ke looi tēnē yī pāl piny.

⁹ Lor raan bō paandu pušn cīn yic tiēl.

¹⁰ Na ḡiec mišc juēc Nhalic cī yiēk yī muk, ke yīn adhīl mišckā lušōi apath bī yīn ke koc kōk kony.

¹¹ Tē piōoc raan ē kamkun, ka dhil koc aa lēk wēt cī Nhalic lueel. Ku raan kony koc kōk adhīl looi kēya riel cī Nhalic gām ye rin ee luoi kēnē. Kuat kē ye raan looi ebēn adhīl looi bī alēc gām Nhalic ē Jethu Krītho, raan la diik ku riel akōlriēc ebēn. Yenakan.

Wek aa gum rin ye wek koc cī gam

¹² Māthkiē, duškkē gēi rin arēm them ē we gušmkē, duškkē tak lōn kē loi rot kēnē acie kē cī rot kaḡ looi.

¹³ Miētke pušth, wek aa gum ē dhēl tōḡ thōḡ kek tēwāār cī Krītho guum thīn, rin yen abī ya miēt piāndun tē le yen bēn ke diēckde.

¹⁴ Miētke pušth tē ye we lat rin ye wek Krītho bušth. Na loi kēnē rot ke ḡieckē lōn rēēr Wēi diik Nhalic kek we.

¹⁵ Na le raan gum ke cīi dhil gum rin awušc cī looi ye yen nāk ē koc, nadē ke ye cuār, ku ye raan aliāap ku ye rot ciēek kāk koc kōk yiic.

¹⁶ Kēya, na gum rin ye yīn raan cī gam, ke yī duk gušp rišc, lec Nhalic rin ye yīn raan ē Jethu.

¹⁷ Luk abī Nhalic guō looi tēnē koc emēn, ku Nhalic abī luk kaḡ looi tuen tēnē kacke. Na ʎok Nhalic luk ē ʎo, ke luk abī dhiel riel tēnē koc kēc Wēt Pušth Yam bō tēnē Nhalic theek.

¹⁸ Cimēn cī ye gāt athōr thēer wēl Nhalic yic ēlā,
 “Kāril aabi rōt kaḡ looi tēnē koc la cōk ku bī keek jāl kony,

na ye këya, yenjö bi rot looi tēnē kəc adumuššm, kəc kuc Nhialic?"

¹⁹ Kəc gum rin yen kē wīc Nhialic tēnē ke, aa dhil röt thōn Aciēḡden kē cī lueel ka bi looi, dhil tēēḡ nhom. Ku dhilkē la tuēḡ ke loi kəpath.

5

Wēēt tēnē kəcdīt ku riēnythii

¹ Yen ē raandīt, ku yen alēk kəcdīt akut tō kamkun ē piändiē ēbēn. Yen aci tē cī Krītho guum thīn tīḡ. Ku yen abi diik bi Nhialic nyuəəth rəm kek ye.

² Wek alēk ē pušu ēbēn. Calkē röt aaye abiök kəc ē Nhialic cī yen ke we kuany bāk ke kony. Wek aacī Nhialic wīc bāk luəi kēnē looi ke cīt luəi cī we mac thīn. Duškkē luəi kony wek kəc cī gam ye looi rin ariöp ē rot. Luššikē rin wīc wek ye bāk ke kony.

³ Duk rot loi ba kəc cī Nhialic tāəu yīcök ba ke kony aa cieny ciēt yīn ē bēny mēc ke. Loi rot bi kəc cī gam yīn aa kiēt.

⁴ Ku tē le Abiöḡdīt bēn ka bi we gām ariöp dīt diik cī ben kaḡ mää.

⁵ Ku wek riēnythii yakē looi kē cī kəcdīt lək we. Ku week ēbēn wek kəc cī gam, wek aa dhil puəth aa lier ku yakē röt dhuək piny bāk kəc kək ya luššī, rin yen ē kē ye athör thēer wēl Nhialic lueel ēlä, "Nhialic aman nhiam ku ē dhēēḡ gām kəc lir puəth."

⁶ Dhuškkē röt piny Nhialic ril apei cök bi we kony. Ku abi we jat nhial aköl le yen ye tak.

⁷ Duškkē wenhīim ye yīek kāk wiēckē ke apei, calkē alooi Nhialic, rin ee yen we tiit.

⁸ Pälkē röt piny ku tiēerkē nhīim. Raan aterdun, jəḡrac ē la tēn, ku le tēn, aciḡ köör cī wāth wīc raan ciem.

⁹ Rēērkē ke we ril ē gamdun yic. Duškkē wētde gam, rin aḡiēckē miēthakun cī wētde gam pinyhom ēbēn, aa gum aya cimēndun.

¹⁰ Ku tē cī wek gum tēthin-nyəət, ke Nhialic nhiam ḡo apei, yen cī we cəəl bāk diikden akölriēēc ēbēn rəm, rin ye wek tək kek Krītho, abi kēriēēc ēbēn cök tēnē we. Ku abi we looi bāk gamdun cī war ku cal we aa ril puəth akölaköl.

¹¹ Bi Nhialic mēc akölriēēc ēbēn. Yenakan.

Muəth ciēēn

¹² Wek aa tuəc athör cī Thilath ḡa kony, wämääth path cī gam. Wek aa yššk bāk riēl gamdun yic, ku lueel lön kē ca ḡöt ē dhēēḡ Nhialic ayic, dhil wek rēer thīn ē puən la cök.

¹³ Akut kəc cī gam Babilon, akut kəckuan cī Nhialic kuany aya ke ḡo, ee we muššth. Ku Marko, manhdiēn cī gam ē we muššth aya.

¹⁴ Miäthkē röt muəth kəc cī gam. Yen ē röök bāk rēer ke dšör ēbēn, wek kəc Krītho.

Athör ë rou cï Pïter göt Wët nom

Athör dët cï Pïter göt aci gät kóc juëc cï gam pan Athia. Wëtdit ë gët yen athöör, ee lön bik röt tiit kärëc ye kóc käk piöc, wël ë kóc thel käk ë bal yic. Ku kë bi ke kony atö wët Nhialic yic, wët cï kóc cï Jethu Bányda tñj ku pinjë wëtde piöc.

Pïter ë gät athöör rin ye kóc ye lueel lön cï Raan cï lóc ku dác bi ben dhuk pinynhom. Aye Pïter lueel lön cï Raan cï lóc ku dác bi lac dhuk ayic rin acin raan wic Nhialic bi mää, awic bi raan ëbën luoi kärëc puöl.

Käk tō thïn

Muöth tueñ 1:1-2

Kóc cï gam aa dhil pïr ke cït cöt ë Nhialic 1:3-21

Kóc piöc e lueth 2:1-22

Bën ciëen Raan cï lóc ku dác 3:1-18

1 Yen Thaimon Pïter, alony ku ya atuny Jethu Kritho, yen agët tënë we. Nhialicda raan luäk yo Jethu Kritho, raan la cök path apeï, aci yo ku week yodhie gäm piöc thöñ ë rienke.

2 Wek aabi Nhialic nyuöth nhiërde apeï ku cöl we aala döör dit apeï, rin cï wek riel Nhialic ku Jethu Bányda njic.

Kóc cï gam aa dhil pïr tē cït cöt ë Nhialic

3 Jethu aci yo gäm kariëc ëbën ë ciëekde, käk wïcku ke bi yok ke pïr cït tē dhil kóc cï gam pïr thïn. Kënë aci rot lëu rin cï yok Nhialic njic. Ku ë yen aci yo cöl buk diëekde ku piathde röm kek ye.

4 Ku këya, Nhialic aci yo gäm miöc juëc thiek yic apeï wäär cï thön yo. Tē luui wek ë ke, ke wek aa puut bei kajuëc ë kóc rac ye kóc kuc Nhialic yiëk kepuöth, käk ke rac. Ku këya, wek aabi pïr ciëekde yic.

5 Rin cï Nhialic kakkä looi ë rienkua, themkë apeï bäk piath mat gamdun yic. Ku matkë njëc ë Nhialic piathdun yic.

6 Ku adhiëlkë them apeï bäk duöt ë rot ku gum mat thïn, ku piëërkë cït tē wic Nhialic ye thïn.

7 Themkë apeï bäk kóc kök nhiaar piäthkun ëbën ku nhiarkë Nhialic aya.

8 Kakkä kek aa kãpuöth wic ke, ku na njieckë Bányda Jethu Kritho, ka bäk muk apeï wepuöth. Ku këne acii we bi cöl acit adakrööt cie piërden ye kuëëc nom.

9 Ku raan liiu kãpuöthkã tënë ye, athöñ kek raan cï cöör cie daai, ku aci nom mää lön cï adumuösmke laak wei.

10 Këya, miëthakäi, themkë bäk pïr dhël ye nyuöth lön cï Nhialic we lóc ku cöl we bäk aa kacke. Na luöikë këya, ke wek aacii gamdun bi kan puöl.

11 Ku këlä, Bányda ku ye Aluãnda, Jethu Kritho abi we yiëk yic dit apeï bäk la bäányden akölrïëc ëbën yic.

12 Këya, wek aaba ya tãk nhïm akölaköl bäk kakkä aa tak cök alön njic wek ke, ku cök alön cï wël yith cï ke piöc tënë we teem wenhïm aya.

13 Aya tak ë yic ba we ya tãk nhïm tē njot pïr yen.

14 Anjic lön bi yen guö liu pinynhom rin aci Bányda Jethu Kritho lëk ya ayic.

15 Aba them apeï ba dhöl bi wek kakkä lök aa tak, aköl le yen thou, looi.

Pïter ku atuuc käk aaci lec Jethu tñj

¹⁶ Acie anyiköl takku ë path, yen yeku lek we wäär ye yok jam tënë we tē bi Bānyda Jethu Kritho bēn dhuk pinyhom kek riēldit apei. Yok aaci riēlden ci yen rot waan bi ruēl bi la diardiar tūŋ ē nyiēnkua.

¹⁷ Yok aa yo tō thīn ē got nhom wäär leec Wāda Nhialic ye, ku looi bi rot waan bi yer apei bi la diardiar. Tēwäär tō yok ē got nhom, yok aaci rōl piŋ, rōl bō nhial tënë Nhialic ke lueel ēlā, “Kēnē ē Wēndiēn nhiaar, mit yen pušu tënë ye.”

¹⁸ Yook nhīm guōp, yok aaci rōl kēnē piŋ ke bō nhial wäär rēer yok kek ye ē gōn Nhialic nhom.

¹⁹ Kēya, yok aaci diu wēl ci gōt thēer, wēlke keye kōc kāk Nhialic tūŋ lek kōc. Wēt kēnē athōŋ ke many dēp muōsth yic. Ee dēp yet bi piny bak, ku ruēl Kritho ē dēp wepuōth cimēn ye ciēer bak piny ruēl bēēi pinyhom. Ee kēpath yen abāk looi tē tēēu wek wepuōth kāk keye kē ke piōōc.

²⁰ Kē lēukē bak deet yic apei, ee lōn acīn raan lēu ye bi kāk ye Nhialic nyuōth kōc kākke tūŋ, kāk ci ke gōt athōr thēer yiic, teet yiic riēlde ē rot.

²¹ Rin acīn raan kāk Nhialic tūŋ ci wēt Nhialic kaŋ lek kōc riēlde ē rot. Ee Wēi Nhialic yen ē kōc kāk Nhialic tūŋ cōk nhīm tē lueel kek wēt bō tënë Nhialic.

2

Kōc piōōc ē lueth

¹ Wāthēer kōc aa lueth keye ye lueel lōn ye kek kōc kāk Nhialic aake ci tuōl kam kōc, ku kēlā, kōc piōōc ē lueth aabi tuōl kamkun aya. Aabi piōōc wēl lueth bi gam rac kōc puōth. Ku kōc piōōc ē luethkā aabi kuc lōn ci Raan ci lōc ku dōc ye Bēnyden yen ci ke waar adumuōōm yic. Ku luōiden, aabi kek kē rēc ke guō yok thīn.

² Kēlā aya, kōc juēc ē Nhialic aabi piōōc den rēec kēnē buōth yic, ku rin kārēc yekē ke looi, kōc aabi kuōc aa jam dhēl yic ci Nhialic nyuōth kōc.

³ Rin wic kek wēēu juēc tënë we kek kōc piōōc ē luethkā, aabi we muōr anyikōōl yekē keek tōr. Ku tēthēer gōn agut ēmēn, Nhialic bi luōŋden looi ku yen bi keek rac, arēer ke ci rot guir bi keek tēm awuōc.

⁴ Yen aluel kēnē rin Nhialic akēc kōc thēer wäär kuc ye pinyhom bēn puōl. Aci piny bēn cōl abor bi kōckā mou ēbēn. Ee Noa raan wäär kōc lek dhēl la cōk yen aci bēn kony kek kōc kāk kadhorou.

⁶ Ku Nhialic aya aci gen Thodom ku Gomora bēn tēm awuōc, ku cuēny ke bik aa col kek kōc ku kāk tō thīn ēbēn. Kēnē aci Nhialic looi bi kōc nyuōth kē bi rot looi akōldā tënë kōc ci kuc ē wētde.

⁷ Ku yeen aci Lot bēn kony, rin ye Lot raan path man kārēc ye kōc kāk ke looi.

⁸ Tēwēn rēer raan puōth kēnē ē kamken, ēcie puōu ye miet akōlakōl tē tūŋ yen kārēc ye looi.

⁹ Cit lōn ci Bāny kākā looi, aye nyooth lōn anic tē bi yen kōc path kuōny thīn kāk gumkē ke yiic, ku tēm kōc rēc awuōc akōlakōl yet akōl luŋdit,

¹⁰ kōc ke looi kāk ē bal la bih ye guāpken ke wic ku kueeckē bāāny Nhialic.

Kōc piōōc ē luethkā aa ril nhīm ku aa puōth lac thōōk, ku aacie jak puōth tō nhial ye theek, aa yekē ke lāat.

¹¹ Na cək atuuc Nhialic la riældit apei tēnē ke, aacie kəc piööckä ye läät Nhialic nom.

¹² Kəc piööc luethkä, aa kək wïc piäthken ke kek aa yekē ke looi ē path cīmēn lääi cie tak. Kēya, aa kəŋ dhəl yiic ē path ke cīn yiny pəth dhəl kek keyiic, ku cīk ke kəŋ deet yic. Ku kēya, aabi Nhialic nək cīmēn dhie ye raan lān tō thīn ye nək dəm ku nək.

¹³ Kəc piööc luethkä käreç looi tēnē kəc kək, aabi luoi käreç aya. Rin keek aa puəth miēt tē looi kek käreç. Ku miēt piānden ayekē yök tē mīth kek ku dēkkē ku loikē kək bal cək aköl ē path. Ku kēlä, aa yār guəp bēēi tēnē we tē looi kek käreçkä ke we mīth ē tək ke ke.

¹⁴ Keek aa rēer ke wïc diäär, ku aacie kəöc wïc wïc luoi käreç. Ku keek aa kəc cīi gamden ril tēnē Jethu muər bik adumušəm looi. Ku keek aaci dīt ē puəu ŋjēç. Ku keek aabi Nhialic tēm awuəç rin käreç yekē ke looi.

¹⁵ Aaci luoi kəpath puəl ku dhukkē dhəl jəŋrac. Aaci tē ye Balaam wən Biör luui thīn buəəth yic, raan wäär nhiaŋ wēu ye ye riəp bi käreç looi.

¹⁶ Ku Balaam aci Nhialic bēn māt apei rin kərəç cī looi. Akajade aci bēn jam cīmēn ē raan, ku pēen Balaam bi cī ē luui cīmēn raan cī muəl.

¹⁷ Kəckä aa cīt wēr cī döu ku aa cīt athöŋ, ye yom kuaath ē path. Nhialic aci təcəl thuth yic tēn kəc piööc luethkä looi tēnē ke.

¹⁸ Keek aa jam ē nhiaam wəl cīn kē ye kuany thīn. Ku aa luui kək ē bal bi kek kəc deep, kəc puəç gam puəç jäl tēnē kəc kēc wēt Nhialic gam.

¹⁹ Ayekē lək kəckä lən bi kek nhīim lääu lööŋ juēc ye kəc cī gam ke theek, ku keek nhīim aa loony käreç yekē ke looi, rin raan ē ya alony kərəç ye looi kərəç cī ye rum puəu ye rac.

²⁰ Na kəc cī kək tō pinyhom, kək kəc cəl ayik kepuəth luoi käreç puəl, rin cī kek wēt Bänyda ku ye Aluəŋda Jethu Kritho ŋic, ku na benkē luoi käreç dhušk ē pinyhom, ka jəl rēçc apei abik tēwäär kēc kek Jethu ŋic waan thok.

²¹ Ee bi ŋuēən apei tēnē ke tēnē kēc kek dhəl la cök kan ŋic, ku benkē kuec löŋ cī Nhialic lək ke.

²² Kē cī rot looi tēnē ke aye nyooth lən wəl ye kəŋ lueel əlä yith, “Jöŋ ē ŋək dhušk,” Ku, “Dir baai cī deŋ lök ē rot ben daal tōk yic.”

3

Jethu abi ben dhuk

¹ Kəckiən nhiaar, kēnē athör dēt ye athör rou ca bēn gät we. Athörkä yiic əbēn, aca them ba we bēn lək kək ŋjēckē ke, rin bi wek wenhīim tääu thīn bək aa tak apath.

² Awiēc bək wəl ē Nhialic cī kəc kək Nhialic tīŋ lueel wäthəer, ku kē cī Bänyda ku Aluəŋda, cəl aye atuuc lək kəc, aa tak.

³ Wēt tuen bək kan deet yic ē lən tē le nīn aköl luŋdīt thišk, ke kəc kək rəc, kəc ke looi kək wïc piäthken kepəc aabi tuəl. Ku keek aabi we aa bui.

⁴ Ku luelkē, “Aci Jethu thən lən bi yen bēn ku luelkē, ye yic? Yen ako? Wärkuan dīt aaci thou wäthəer, ku kəriēçc əbēn aŋot cīt tēthəer wäär cək Nhialic piny.”

⁵ Ku aluelkē kēya rin cī kek nhīim riəl bik yic cīi gam, yic cī Nhialic nhial ku piny cak wäthəer ē wēt lueel ē path. Wētden cī lueel aci piny cəl atul pīu yiic,

⁶ ku Nhialic aci pīu looi aya, pīu aboor bi yen ke piny kēnē rac.

⁷ Ku nhial ku piny tō thīn emēn, aaci Nhialic wēt lueel aya lōn bī kek rēer thīn yet akōl bī yen ke rac. Ku ee mac yen abī ke rac. Aa mac ke rin akōl bī yen ke luk looi ku rac kōc cī wētde ye gam.

⁸ Duškkē nhīm mār ē kēnē kōckiēn nhiaar. Acīn kēnē wāac tēktēk Nhialic yic ē kam akāl tōk ku rušōn tiem tōk, aa thōŋ kedhie karou tēnē ye.

⁹ Nhialic acie gāau bī kē cī thōn bī looi col aloi rot cak alon ye kōc kōk ye tak kēya. Alir pušu kek we, rin acīn raan wīc bī rac, awīc bī kōc ēbēn kepušth wēl wēl adumušōmken yiic ku dhukkē tēnē ye.

¹⁰ Ku Bēny abī bēn akōl cīn raan ŋic ye, cīmēn dhie ye cuār ye looi kēya. Ku akōl kēnē aršōldīt apei abī rot looi, ku kāk tō nhial aabī riāāk, aabī mac rac, ku piny kek kāk tō thīn aabī dēp ēbēn bik liu.

¹¹ Ku cīt lōn bī kajuēckā ēbēn rac kēya, ke we ye kōc bī yiēndē emēn? Wek dhil pīr pīr la cōk ē Nhialic nhom,

¹² tē rēer wek ke we tit akōl bī Nhialic luk bēn looi tēnē kōc ē pinynhom, ku lušōikē apath bī akōl kēnē lac bēn. Akōl kēnē yen akōl bī mac dēp ku rēc nhial, ku atušc abī kāk tō nhial lēēŋ.

¹³ Ku yok kōc cī gam, titku nhial ē yam, ku piny ē yam wāar cī Nhialic ke thōn bī kōc la cōk, la pīr thīn tēcīt tē wīc Nhialic ye.

¹⁴ Kēya kōckiēn nhiaar, tē rēer wek ke we tit akōl bī Nhialic luk looi tēnē kōc pinynhom, wek aadhil luui apei bī week yok ke we ē kōc la cōk cīn gup adumušōm, ku lak dšōr ke ye.

¹⁵ Tiēŋkē lier pušu Bānyda ke cīt dhēl bī kōc kony kāk rēc keek yiic. Yen ē kēnē cī Paulo, raan nhiarku cī gam cīmēnda we gāt ē ŋiēc kāŋ cī Nhialic yiēk ye.

¹⁶ Kēlā aya, Paulo aci ŋiēc gāt rin ē kākā athōr yiic ēbēn cī tušc kōc cī gam. Ku athōrkā aala yiic kōk ril yiic cie deet. Ku aacī kōc ē piōōc, kōc kuc kāŋ koor gamden ye teet yiic apath, cīmēn ye kek wēl kōc thēer ē Nhialic kušc pišōc aya. Ku kēlā, aa kē rēc ke bēēi tēnē ke ē rōt.

¹⁷ Ku wek kōckiēn nhiaar, wek aa ŋic ē kēnē thēer. Tietkē rōt apath bī kōc kuc yithkā we cī mār ē piōōc den ē lueth, bāk jāl dhēldun la cōk rēer wek thīn.

¹⁸ Ku wek aa dhil la tuēŋ akōlakōl ke we ŋic nhiēr ku lier ē pušu Bānyda ku ye Aluāŋda, Jethu Krītho, ku juakkē ŋiēc dūn tēnē ye. Bī ya leec emēn ku akōlriēc. Yenakan.

Athör tueñ cï Joon gôt

Wët nom

Athör tueñ cï Joon gôt ala yic wël dît karou kek ke gët yen athöör, tueñ ë wët bï yen kóc riel puõth bik aa rëer ë tók kek Nhialic ku Wënde Jethu Krïtho. Ku dët, ee wïc Joon bï kóc cï gam cöl atir nhïim piöök ë lueth bï gam kënë rac. Piöök kënë acie räm kek käk ë Jethu Wën ë Nhialic. Kuec ë piöök kënë, yen acï Joon ñæc teet yic lön Jethu Krïtho ë ye raan ayic, ku acï nyooth lön raan cï Jethu gam ku nhïer Nhialic, ka dhil kóc nhiaar ëbën.

Käk tã thïn

Wët Nom 1:1-4

Nhialic ee Ruël 1:5-2:29

Mïth Nhialic ku mïth jöñrac 3:1-24

Yic ku lueth 4:1-6

Käk ye looi rin ë nhïer 4:7-21

Gam ril apei 5:1-21

Wët ë Pïr

¹ Wek aa gät wët raan yen cï Wët Nhialic lëk kóc, ku yen cï kóc gäm pïr akölrïëc ëbën. Yen ë tã thïn thëer këc këriëc ëbën cak. Ku ëmën yok aaci wëlke piñ, ku yeen acuk tïñ nyiënkua. Acuk tïñ, käk cï looi aa cuk tïñ ku acuk goot cïenkua.

² Acï Nhialic cöl aye raan. Acuk tïñ ku wek aa lëkku yic cuk tïñ. Alëkku we lön raan kënë yen ë pïr akölrïëc ëbën yiëk kóc, ee tã thïn wäthëer ku yeen ë rëer kek Nhialic Wäda, ku acï Nhialic nyuõth yo.

³ Këya, raan cuk tïñ ku piñku wëlke, yen ë raan lëkku we, rin bäk röt mät yo aya bäk la gam tók kek yo. Ku gamda yodhie atõ tënë Wun ku Wënde Jethu Krïtho.

⁴ Wek aa gät kakkä rin bäk röt mät yo gamda yic rin bï miët piända dît apei.

Nhialic ee Ruël

⁵ Ku wët cï Jethu lëk yo ku yen lëkku we ëmën akïn. Nhialic apath, ala guõp wïc, acit ruël, ku acïn acuöl.

⁶ Na yeku lueel lön cï yok röt mät tënë Nhialic ku ñot yo ye luui käreç, ke wët luelku acie yic. Ku aye kakkuan yeku ke looi nyuõth lön cï yok kuec yiny Nhialic.

⁷ Ku na yeku luui käk wïc, ke yok aatõ ruël yic cïmën tã Nhialic ruël yic, ke yook aabi yoyiic mat, ku thon Wënde Jethu abä adumuõmkua laak wei ëbën yogup.

⁸ Na yeku lueel lön yok acïn gup adumuõm, ke meth yen aye yok röt math, ku yook aa kuc yiny cï Nhialic nyuõth yo.

⁹ Ku na lëkku Nhialic lön cï yok käreç looi, ka pël käreç cuk looi piny ku wuuny ke wei yogup buk bën aa kóc path tënë ye, rin acï lueel lön bï yen kårackua aa päl piny, rin kë ye lueel aye dhiël looi akölaköl.

¹⁰ Ku na luelku lön këc yok adumuõm looi, ka yeku lueel lön ë Nhialic yen ë lueth lueel, ku yook aa këc wëtde gam.

2

Raan cï læc ku dac ë yo kony

¹ Wēt gät ʎen we athöör miēthkiē, ee wēt bāk kārec cī ye looi. Ku na le raan lui kērac kamkun, ke ʎok aala raan Nhialic thiēc ē rienkua bī kārackua pāl piny. Raan kēnē ē Jethu Krītho cīn kē dak yeguōp ē Nhialic nyin.

² Yen ē raan cī thou rin bī adumuōōmkua pāl piny. Aacie adumuōōmkua ē rōt kek ye Nhialic ke pāl piny ē wētde, aaye ke pāl piny agut adumuōōm kōc pinyinhom ēbēn aya.

³ Dhēl ye nyuōōth lōn ɳic ʎok Nhialic ayic, ee wēt nadē ke ʎo thek lōōŋke.

⁴ Na ye raan lueel ka ɳic Nhialic, ku acī lōōŋken cī lēk kōc thek, ke lueth yen aye lueel ku akuc kāk ē yith tēnē Nhialic.

⁵ Ku raan luui kē cī Nhialic lueel, ke nhiērde acī thok bī kanj dak tēnē Nhialic. Ee kēya, kēn ʎo nyuōōth lōn ye ʎok tōk kek Nhialic akīn,

⁶ na ye raan lueel ka cī yeyic mat ke Nhialic, ka dhil a luui cīmēn wāar ye Jethu luui.

Lōŋ Yam

⁷ Ke week kōckiēn nhiaar, wēt gät tēnē we acie lōŋ yam. Ee lōŋ tōŋ ʎon cāk piŋ ʎon jōok wek met tēnē Jethu.

⁸ Kēya, lōŋ gät we kēnē ala yic wēt ē yam, rin dhēl cī Jethu pūr thīn acī nyuōōth ʎo wēt ē yen yam, ku aye piērduŋ nyuōōth aya lōn yen lōŋ yam rin kārec acī dhuk piny, rin ruēl Nhialic acī nyuōōth.

⁹ Na le raan ye lueel lōn luui yen ruēl Nhialic yic, ku ē kam awēn, ke man raan cī gam, ke raan kēnē aŋot rēēr muōōth yic agut ēmēn.

¹⁰ Kōc ē kōc cī gam nhiaar kek aa kōc pīr ruēl Nhialic yic, ku abī ke cōl acīn kērec loikē.

¹¹ Ku kuat raan man raan cī gam, acīt raan tō muōōth yic kuc tēn le yen thīn. Rin cī muōōth ye cōl acī piny tīŋ.

¹² Wek kōc cīt miēthkiē, wek aa gät athōr kēnē, rin aŋicku Nhialic acī kārec pāl piny tēnē we, rin Raan cī lōc ku dōc.

¹³ Wek kōc we kōŋ gam, wek aa gät, rin wek aa ɳic raan tō thīn thēer ke piny kēc cak.

Wek kōc puōc gam, ʎen agēt tēnē we rin cī wek jōŋrac gōōk.

¹⁴ Wek aa kōc cīt miēthkiē, wek aa gät wēlkā rin cī wek aa kōc cī Nhialic Wāda ɳic.

Wek kōc we kōŋ gam, wek aa gät rin wek aa ɳic raan tō thīn thēer ke piny kēc cak.

Wek kōc we puōc gam, wek aa gät ē rin cī wek wēt Jethu gam apei, ku bī wēt Nhialic arēer wepuōōth akōlakōl, ku week aaci jōŋrac gōōk.

Duōkkē kāk pinyinhom ye nhiaar

¹⁵ Duōkkē ke ye nhiaar dhōl kōc rec pīr tō pinyinhom, duōkkē ke ye nhiaar kāk pinyinhom. Rin raan nhiaar kāk tō pinyinhom, acī lēu bī Wāda Nhialic nhiaar aya.

¹⁶ Dhōl rec kōc tō pinyinhom cīt ēmēn ye kōc luui kē nhiarkē wīckē, ku yekē nhiaar kē cik tīŋ, ku yekē nhiam kājuēc tō tēnē ke. Dhōlkā aa dhōl pīr pinyinhom. Aacie bēn tēnē Nhialic Wāda.

¹⁷ Piny kēnē aya, acī Nhialic jōok bī rac kek kōcken nhiaar ye, ku raan kē wīc Nhialic looi ē pīr akōlriēc ēbēn.

Raan ater Raan cī lōc ku dōc

¹⁸ Miēthkiē, thōk ē piny acī thiōk. Acuk lēk we thēer lōn bī raan ater Raan cī lōc ku dōc tīc. Acāk tīŋ kōc ater Raan cī lōc ku dōc juēc aaci tuōl. Wēt kēnē, aye nyuōōth ē yic lōn cī thōk piny thiōk.

¹⁹ Kockä, aake rëer ke ʒo ë tök, ku aaci jäl emën. Keek aake këc kepuõth mät ʒo ë yic alanden, diët aa njuõt ke rëer kek ʒo. Jalden ë ye nyuõõth wët këc kek kepuõth mät ʒo.

²⁰ Ku wek aa kóc ye Nhialic Wëike tääu wepuõth, ku këya, yen aci wek kák yith njic wedhie.

²¹ ʒen aci gët tēnē we rin ye ʒen ye lueel lön cii wek yic Nhialic njic. ʒen agët tēnē we rin wek aa njic yiny ë Nhialic. Ku rin njic wek ye acin luenh tō yiny ë Nhialic yic.

²² Ye raan yindē yen alueeth? Ee raan ye lueel, Jethu acie yen Raan ci lóc ku dác. Raan cit kēnē, ee raan ater Raan ci lóc ku dác, ku ë Nhialic Wāda kek Jethu Wēnde kek aaci yen ke kuc.

²³ Na le raan tōnj kuc lön cii Jethu ye Wēn Nhialic ka ril yic api tēnē ë raan kēnē bi mat kek Nhialic Wāda. Ku na ci gam lön ye Jethu Wēn Nhialic, ka bi mat kek Nhialic Wāda.

²⁴ Yakē wēt Nhialic wāar yen cāk gam muk wepuõth akōlakōl. Na muškkē wēt wāar ci lēk we wāar mēt wek rōt Jethu, ke wēk aabi pir ke we ye tök kek Jethu ku Nhialic Wāda.

²⁵ Ke ʒook aabi pir akōlriēc ebēn pan Nhialic ci Jethu ʒo thōn bi yiēk ʒo.

²⁶ Wek aa gät rin wēt kóc we them bik we muōr.

²⁷ Ku week aaci Jethu yiēk Wēi Nhialic, ku rin rēer Wëike ke we, ke wek aaci ben wic raan dēt piōoc we. Ku Wēi Nhialic ë we piōoc kēriēc ebēn, ku piōoc we yiny cin yic lueth. Kēya, wek aaya ʒōšk bāk aa mat ke Jethu tēcit tē ci Wēi Nhialic we lēk thīn.

Mith ë Nhialic

²⁸ Wek aaya ʒōšk aya miēthkiē, bāk aa rēer ke we mēt kek Jethu. Rin na ben la bēn pinynhom, ke ʒook aaci gup bi riōoc buk rōm kek ye.

²⁹ Ee këya, cit mēn njic wek ye lön le Raan ci lóc ku dác cōk. Kēya, anjēckē aya na ye raan kē la cōk looi, ka ci ya manh ë Nhialic.

3

¹ Takkē wenhūm yen kē ci Wāda Nhialic luši ʒo rin nhiērden rēer kek ʒo, ee kē nhiēer yen ʒo api, abi ʒook cāl aaye miēthke, ku ë yic alanden ʒok aaci ya miēthke. Ku wēt kuc thān pinynhom ye, lön ye ʒok mīth Nhialic, ee rin kuc kek Nhialic.

² Wek kockiēn nhiaar emēn, ʒok aaci ya mīth Nhialic. Ku anōt kucku tē bi ʒok yiēndē thīn akōldā. Ku yēn anjicku, tē le Raan ci lóc ku dác dhuk pinynhom, ke ʒok aabi ciēt ye, rin abuk tīj ē yic, ye yen ŋa.

³ Ku week, raan ye njōth lön bi yen ciēt Jethu, ka dhil yeguōp wuōōny wei adumuōōmke bi rēer ke la wic, cimēn Raan ci lóc ku dác cie adumuōōm ye looi.

⁴ Kuat raan la tuēj ke loi awuōc Nhialic nyin, ee Nhialic ku lōōjke kek aaye dhāl yiic.

⁵ Anjēckē, kēn bii Raan ci lóc ku dác pinynhom, ee lön bi adumuōōmkua bēn wuōōny wei ʒogup, ku yen nhom acie adumuōōm ë looi acin.

⁶ Kēya, tē ci raan rot mat kek Jethu, ka cii adumuōōm looi akōlakōl, ku raan adumuōōm looi akōlakōl aye nyuõõth lön kuc yen Raan ci lóc ku dác alanden.

⁷ Wek miēthkiē, tiēerkē nhūm, bi ciēn raan ruēny we. Raan ye looi ë kēpath ala cōk cimēn le Raan ci lóc ku dác cōk.

⁸ Ku raan awuōc looi akōlakōl ë raan jōnjrac, rin jōnjrac acā awuōc looi tēwāar cie ē piny. Ku Wēn Nhialic aci bēn pinynhom bi kē ci jōnjrac looi bēn rac.

⁹ Acin raan ya manh Nhialic ku ɲot ye luui käreɕ. Rin pír Nhialic at̥s yeguɔp. Acie awuɔc looi aköläköl, rin ye yen manh Nhialic.

¹⁰ Ku kën mĩth Nhialic ku mĩth jɔɲrac nyuəəth akín, kɔc cie luui kápath, ku kɔc cie miəthakën ye nhiaar, aacie mĩth Nhialic.

Nhiarkë röt kamkun

¹¹ Kënë yen ë wět cäk piɲ nyin yic wäär mět wek röt Raan cí lɔc ku dɔc, lɔn dhil ɲok röt aa nhiaar kamkua.

¹² Këya, duökkë röt thõɲ raan ɲon cɔl Kain, raan luui kák jɔɲrac cí mēnh nök. Yenõ kën nək mēnhë? Kën nək yen mēnh Abel ë wět ë mēnh luui kák la cök ku yen ë luui käreɕ.

¹³ Këya, duökkë gēi miəthakäi tē mēen kɔc ë pinynhom we.

¹⁴ Anjicku alanden lɔn ɲok aa ɲo cit kɔc cí thou, ku emēn ɲok aa rēer pír akölríēc ebēn yic, kënë ayeku ɲic rin emēn ɲok anhiar wämäthakua kɔc cí gam. Na ye raan cii wämēnhë nhiaar ka ɲot rēer ke cit raan cí thou.

¹⁵ Ku tēnē Nhialic, raan man kɔc kók athõɲ kek raan cí raan dēt nök, ku anjēckë raan kɔc nök acin pír akölríēc ebēn pan Nhialic t̥s kek ye ë yic.

¹⁶ Nhiēr ayeku ɲic kēlä, Jethu aci rot cɔl anak rin bi yen ɲo waar adumuömkua yiic, aye nyuəəth lɔn nhiēr yen ɲo. Ku këya, ɲook aya ɲok aa dhil röt cɔl anak rin miəthakäi kua.

¹⁷ Këya, cimēn na ye raan la kãɲ ku tiɲ mēnhë dēt cin kãɲ ku kueec bi cii muɔc, ka cii lēu bi lueel lɔn nhiēr yen Nhialic.

¹⁸ Wek miəthkiē acuk bi ya lueel ë path ɲothook lɔn nhiēr ɲok röt kamkua, ɲok aa dhil röt kony kamkua kák yeku ke looi yiic.

¹⁹ Na cit nhiēr nhiēr ɲok röt ë kënë, ka buk jal ɲic ayic lɔn ɲok aa kɔc Nhialic, ku cuk ben aa diēr.

²⁰ Na ye kák yeku ke looi ɲo cɔl aaye kɔc rac, ka dhilku ɲic lɔn tēktēk Nhialic awār tāktākda, anjic kēriēc ebēn ë cök.

²¹ Wek kackiē, na cii kák yeku ke tak ye lēk ɲo lɔn ye ɲok kɔc rac, ke ɲok aacii gup bi ya rišc tē rök ɲok tēnē Nhialic.

²² Ku abi ɲo gám kuat kák cuk thiēc, rin ë kē cí lueel yen ayeku looi. Ku ɲok aa pír dhēlden miēt pušu yic.

²³ Kē cí Nhialic lēk ɲo ë lɔn buk la gam tēnē Wēnde Jethu Krĩtho, ku ɲok aa dhil röt nhiaar kamkua, cit tēwäär cí yen ye lēk ɲo thín.

²⁴ Kuat raan loi kē wic Nhialic aci rot mat kek Nhialic, ku Nhialic ë rēer kek ye. Ku tē ye ɲok ye ɲic thín lɔn cí Nhialic rot mät ɲo, ee Wēiken cí gam ɲo.

4

Wēi yic ku wēi lueth

¹ Wek kockiēn nhiaar duökkë wět raan ye lueel lɔn le yen ke wēi ë guɔ gam, kanjē wētde tak yic apath bāk ɲic lɔn t̥s Wēi Nhialic yeguɔp alanden, rin cí alueth kãɲ tiɲ thiē pinynhom ebēn.

² Tē lēu bi yin raan rēer kek Wēi Nhialic ɲic thín akín. Ee raan ye lueel lɔn Jethu Krĩtho aci bēn pinynhom ke cit raan, Wēi Nhialic arēer kek ye.

³ Kuat raan kuec kakkä acii rēer kek Wēi Nhialic, ee riēl jɔɲ ater Raan cí lɔc ku dɔc yen arēer kek ye. Yen wäär cäk piɲ lɔn bi yen bēn, aci bēn, arēer pinynhom emēn.

⁴ Ku wek miethkië, wek aa kɔc Nhialic, ku wek aaciï jai piöoc ë kockä. Wek aaciï jai piöoc kãrec rin rëer Wëi Nhialic kek we, ku yen aril tënë jɔnrac yen mac kɔc kuc Nhialic pinyndhom.

⁵ Aluethkä aa kuc Nhialic. Käk yekë ke lueel aa kãk ye kɔc kuc Nhialic ke lueel. Ku kɔc kuc Nhialic aa wëtden gam.

⁶ Ke yook kɔc cï gam yok aa kɔc Nhialic. Ku kuat raan njic Nhialic ë piöocda gam, ku kɔc kuc Nhialic aacie piöocda ye gam. Ku ë yen tẽ ye yok kɔc rëer Wëi Nhialic kegup njic thïn, ku kɔc rëer jɔnrac kɔc ruëny kegup.

Nhialic ee Nhiër

⁷ Ke week kockiën nhiaar, yeku röt nhiaar ë kamkua, rin ë Nhialic yen yo cɔl anhiar kɔc kɔk. Kuat raan kɔc kɔk nhiaar, aye nyuöoth wët ë yen manh Nhialic ë yic ku anjic Nhialic.

⁸ Ku raan cïï kɔc kɔk ye nhiaar akuc Nhialic, rin Nhialic ë nhiër.

⁹ Ku Nhialic aci nhiërde nyuöth yo rin aci Wënden tök cɔl abö pinyndhom ë tën, rin buk pïr alanden ë rienke.

¹⁰ Nhiër ë yic acie wët bi yok Nhialic nhiaar, ee lɔn nhiëer Nhialic yo, ku kënë yen aci yen Wënde tuöc ë pinyndhom bi bën thou rin bi adumuömkua päl piny.

¹¹ Ke wek kackië, na ye Nhialic kë nhiaar yo apëi këlä, ke cie yic buk röt aa nhiaar kamkua?

¹² Acin raan cï Nhialic kañ tïj, ku na nhiarku röt kamkua ke Nhialic abi ya mat kek yo, ku nhiërde abi rot a luöi yo təcit tẽ wïc ye.

¹³ Yok aaci Nhialic yiëk Wëike, ku buk aa njic këya lɔn cï yok aa tök kek ye, ku yeen ë tök kek yo.

¹⁴ Ku acuk tïj, ku yen ayeku lëk kɔc aya, lɔn cï Nhialic Wäda Wënde tuöc pinyndhom bi raan ëbën bën luök.

¹⁵ Na ye raan lueel lɔn ye Jethu Wën Nhialic, ke Nhialic aci mat kek ye ku aci mat kek Nhialic.

¹⁶ Ku nhiërde tënë yo acuk njic ku gamku.

Nhialic ee nhiër. Ku na ye raan Nhialic nhiaar ku kɔc kɔk, ka cï mat kek Nhialic, ku mët Nhialic kek ye.

¹⁷ Nhiërda ë la cök tẽ cïï yok gup ye riöc aköl luñdit, rin yok aa pïr pinyndhom təcit tẽwäär pïr Jethu thïn.

¹⁸ Kuat raan tö nhiër yepuöu acin kë ye yen riöc. Rin nhiër ë yic, ee riöc cuöp wëi. Kɔc aa riöc tẽ ye kek ye tak lɔn bi ke tëm awuöc, ku raan ë riöc aciï nhiërde la cök.

¹⁹ Kënë yo yiëk riël buk Nhialic nhiaar ku kɔc kɔk, ee rin cï yen yo kañ nhiaar.

²⁰ Ku na le raan ye lueel ka nhiaar Nhialic, ku ë kam awën ke man menhkën cï gam, ke raan këne ë lueth yen aye lueel. Rin aciï lëu bi raan Nhialic nhiaar, Nhialic këc kañ tïj, ku cïï raan nhiaar, raan ye tïj akölaköl.

²¹ Ke yook, yok aa dhil kɔc nhiaar aya, rin yen kë cï Nhialic lëk yo buk aa looi. Aci lueel kuat raan nhiaar Nhialic adhil kɔc nhiaar aya.

5

Gam tënë Manh ë Nhialic

¹ Kuat raan ye gam lɔn Jethu yen ë Raan cï lɔc ku döc, ke raan këne ë manh Nhialic. Ku na yeku nhiaar raan yen Wäda, ke yook aa dhil miethke nhiaar aya.

² Ayeku njic alanden lön nhiεer yok mïth ë Nhalic, tē nhiεer yok Nhalic ku yeku looi kuat kë ye lëk yo buk looi.

³ Ƴen ë jam këlä, rin na nhiarku Nhalic ayic, ke yok aa dhil kāk cī lëk yo looi. Käkka aacī yiic ril buk ke looi.

⁴ Rin kuat manh Nhalic ala riel bi kuc dhöl kōc kuc Nhalic, ku alëuku buk looi rin cī yok la gam tēnē Jethu.

⁵ Acin raan dēt la riel bi kuc dhöl kōc kuc Nhalic, aa kōc la gam tēnē Jethu kapēc lön ye yen Wēn Nhalic.

⁶ Ee yeen Jethu Krītho, yen aci bēn pinynhom, ku yeen aci Joon raan kōc muōc nhīm bēn muōc nhom ë pīu. Acie miōc nhom yen cī rot looi ë rot, yeen aci bēn nōk rienkua. Ku aye Wēi Nhalic nyuōth yook lön ye wēlkā yith. Rin Wēi Nhalic yen ë kōc nyuōth kēn yic akōlaköl.

⁷ Ala kəŋ kadiäk ye nyuōth yo ye Jethu ŋa.

⁸ Käkka kadiäk, Wēi Nhalic, miōc ë nhom, ku nääkde, keek kadiäk ebēn ë tok yen ayekē nyuōth.

⁹ Na ye kōc jam kāk cīk tīŋ ku gamku wēt luelkē, yeŋō cīi yok kāk cī Nhalic nyuōth yookkā ye gam? Aa dhil ë gam, rin kāk ye Nhalic ke luel aa dīt apēi tēnē kāk ye raan ke luel, ku wēt jīεem yen kēnē, ee Wēnde yen aye yen jam tēnē yo.

¹⁰ Kēya, na ye raan cī gam, ka dhiel njic ë cök lön ye Jethu Wēn Nhalic, ku adhil njic alanden lön kāk cī Nhalic nyuōthkā aa yith. Ku raan cie kë cī Nhalic luel ye gam, ka ye luel lön ye Nhalic alueeth. Rin akēc wēt cī Nhalic luel rin Wēnde gam.

¹¹ Kēnē ye cōl anjicku lön kë cī Nhalic lëk yo ë yic, ee rin cī yen yo yiëk pīr akōlriēec. Ku pīr kēnē ayeku yök tēnē Wēnde.

¹² Ee kēya, kuat raan cī mat kek Wēnde ka bi pīr akōlriēec yök. Ku raan cī jai Wēn Nhalic, ka cīi pīr akōlriēec ebēn bi kəŋ yök.

Thök ë wēl

¹³ Wek aa gāt, wek kōc cī riel Jethu gam, ke ye Wēn Nhalic ku bāk njic lön le wek pīr akōlriēec ebēn.

¹⁴ Ku ë kēya, acin kë lēu bi yo riää gup tē ye yok Nhalic door, rin kuat kë buk aa thiēc ye, kēn ye miēēt puōu abuk ya yök.

¹⁵ Ke week tēcīt tē njicku ye, akēc kəŋ kuc kë wīcku. Yeku thiēc kë wīcku, ku njicku lön bi yen ye gām yo.

¹⁶ Ke yeen, na tīŋ raan mēnhkēn cī gam ke looi awuōc, awuōc ë dhie cie raan ë tēk bei tēnē Nhalic akōlriēec ebēn, ka dhil rōök tēnē Nhalic bi raan kony. Ku Nhalic abi pīr ë raan cōl ala cök. Ala adumuōōm raan tēk bei tēnē Nhalic akōlriēec. Ku Ƴen acī jam bāk aa rōök rin adumuōōmke.

¹⁷ Kārec ye looi ebēn, adumuōōm, ku ala adumuōōm kōk cie kōc ye tek wei tēnē Nhalic akōlriēec ebēn.

¹⁸ Anjicku lön raan cī ya manh Nhalic acie awuōc ë looi akōlaköl, aye Jethu Wēn ë Nhalic tiit guōp, acīi jəŋrac ye muōr acin.

¹⁹ Anjicku lön ye yok mïth ë Nhalic, ku lön yen jəŋrac yen mac kōc kuc Nhalic.

²⁰ Anjicku aya lön Wēn Nhalic aci bēn pinynhom ë tēn. Ku ë yen aci yo cōl anjic Nhalic ë yic, yen aci yo cōl amat yoyiic kek Nhalic, ee rin cī yok mat kek Wēnde Jethu Krītho. Acin Nhalic dēt ee Nhalic tōŋ. Ee yeen ë rot yen ë pīr akōlriēec ebēn bēi.

²¹ Ke week miēthkiē tiēerkē nhīm bāk piōōc rac cīi gam.

Athör ë rou cï Joon gõt

Wët nhom

Athör ë rou eci Joon gõt tënë akut kóc cï gam tädët. Wäär gët yen athöör, Joon ë rot col raandit, ku col akut kóc cï gam aye tik ke miëthke. Athör ciek kënë ë jam nhiër kam kóc cï gam, ku bi kóc yöök bik röt tiit tënë kóc aa lueth ku piööden.

Käk tã thïn

Muöth tuen 1-3

Yic ku nhiër 4-6

Lëk rin piöök ë lueth 7-11

Muöth ciëen 12-13

¹ Ee yen raandit akut kóc cï gam, yen agët athör kënë tënë akut kóc cï gam cï Nhialic loc bi rëer keyiic ke cit miëthke. Wek aa nhiaar piändië ëbën, ku acie yen rot yen nhiaar we, aa kóc ëbën njic yic cï Nhialic nyuöth ke, kek aa nhiaar we piänden yic aya.

² Wek anhiaar ke rin yook ëbën, yok aa njic yic cï Nhialic nyuöth. Ku yic kucku abuk aa njic akölaköl.

³ Bi Nhialic kek Wënde Jethu Kritho yo döoc ku pëlkë këraackua piny, ku bik yo col arëër ë duk döörden yic, tã rëer yok dhël yic cik nyuöth yo, ke yo nhiaar röt kamkua.

Yic ku nhiër

⁴ Yen a ya cï puöu miet apeidit wäär piñ yen ye, lon kóc kök weyiic aake lui tëcit tã cï Nhialic ye nyuöth yo, yen ë kã cï lëk yo buk ya looi.

⁵ Këya, wek kóc cï gam alëk we lon yok aa dhil röt nhiaar ë kamkua. Ku kënë acie löñ jam, ee löñ theer njicku tãwäär buöth yok Jethu.

⁶ Na nhiarku röt ayic, ke yok aa dhil kã cï Nhialic lëk yo buk looi, looi, rin wäär tuen gem yok wët Jethu, kën cï lëk yo buk aa looi ë lon buk röt aa nhiaar kamkua.

Lëk rin piöök ë lueth

⁷ Yen aluel kënë rin kóc kök ë kóc wëñ nyin aatö thïn, aa kóc piöök lueth ë path. Ayekë lueel lon Jethu Kritho akëc bën pinynhom kecit raan. Raan ye lueel këlä, ee kóc wëñ wei, ku athöñ kek raan ater ë Jethu.

⁸ Tiëërkë nhüim bi kockä we cii wëñ, bi kakkun puöth cak looi tënë Nhialic cii mär ë path. Tiëtkë wenhüim apeï bi Nhialic we gam ariöpdun ëbën.

⁹ Alëk we, na ye raan juëk këde thïn këwäär cï Jethu piöök yiic, ka cii kow mat kek Nhialic. Ku na cii raan wët cï Jethu piöök juak ë wëlke ë rot, ka bi mat kek Jethu ku Nhialic Wun.

¹⁰ Ku na bö raan tënë we ku ye ke piöök käk cii thöñ kek käk cï Jethu piöök, ke duökkë col abö pandun bi bën rëer kek we. Ayi muöth aya duökkë muöth.

¹¹ Kënë alëk we, na ye raan muöth raan kënë bi ciët raan cï gam, ka cï rot mat ye. Ku aloi këreec ye looi aya.

Muöth ciëen

¹² Käjuëc apeï aake ba lëk we, ku acä wic ba ke gõt athör yic ëmën. Kë wiëc ba looi, ku anääth aya, ee lon bi yen la keny tënë we, buk la röm ku jiemku röt ë kamkua, ku yok aabi puöth jal la yum yodhie.

¹³ Akut kəc cī gam ē tēnē ē we muššth.

Athör ë diäk cï Joon gôt

Wët nhom

Athör ë diäk ë gët Joon tënë raan tō akut kōc cï gam nhom cōl Gaiōth. Acï Gaiōth leec thïn wët ë yen kōc cï gam kony, ku yōök ke bïk röt tiit ë mony cōl Diōtrepeth.

Käk tō thïn

Muōth tuen 1-4

Joon acï Gaiōth leec 5-8

Joon acï Diōtrepeth nyieeny 9-10

Joon acï Demetriōth leec 11-12

Muōth ciëen 13-14

¹ Ee ɣen raandit akut kōc cï gam, ɣen acï yï gät athör kënë yïn Gaiōth raan nhiaar piändië ëbën.

² Mäthdië, anjāath ɣapušu lōn puōl yïn guōp, ku lōn le yïn tuen kek luoidu apath, cïmën pïr wëiku ë Nhialic nhom.

³ ɣen acï pušu bën miēt apei wäär bïi kōc kōk cï gam tënë yï, ku lëkkë ɣa lōn yïn apïr dhël ë Nhialic yic akōlakōl.

⁴ Na piēn lōn mïthkiēn cï gam cïmēndu aa pïr tēcit tē cï Nhialic ye nyuōth ɣo thïn, ke ɣa cōl amit pušu apeiđit.

Gaiōth acï leec

⁵ Mäthdië yïn acï kajuēc looi kāk cï kōc cï gam kony, kōc cï gam ë cath ke piōōc wët Jethu, agut kōc cie kōc pandun. Kënë, acï nyuōth ɣa lōn yïn ë raan path cï wët Jethu gam.

⁶ Acï kōc ca konykă lëk ɣo, ɣok kōc cï gam tēn yen tē nhiēer yïn ke thïn. Ku emēn alëk yï ba ɳot yï la tuen ke yï kony ë kōckă, tē jiël kek tënë yï. Kënë adhielkë looi dhël nhiēer Nhialic.

⁷ Rin kōckă aa cath ë baai yic, rin aa kōc lui rin Jethu. Acïn kē yekë thiēc, nadë ke lömkë tënë kōc cie kōc cï gam bi kek röt kony.

⁸ Këya, ɣok kōc cï gam, ɣok aa dhil kōckă gām kuat kāk wickë ke, rin buk aa kac tōk lui ɣok ke yiny Nhialic yen yekë lëk kōc.

Diōtrepeth ku Demetriōth

⁹ Wek aaca kanj gät athōr theer, wek kōc cï gam ë tēen. Ku Diōtrepeth acï bën jai ë wëtdië, rin awic bi ya yen wat akut nhom.

¹⁰ Tē le ɣen yet pandun, acïn kē ba moony tënë kōc, ee kāk ye Diōtrepeth looi yiic ëbën, aa kāk lueth kek aye lueel ɣaguōp. Ku yeen aya aloi dēt wër kënë, akuēc bi kōckuan cï gam lor, kōc ë cath ke piōōc wët Jethu, ku ë jai aya bi kōc puōl bïk wāmāthakēn cï gamkă aa lor, ku ë kōc ë kōc lor cuōp wei akut yic.

¹¹ Yin mäthdië duk kōckă rēc luoiden ye kiēt, dhil ë kiēt këpath ye kōc path looi. Na loi raan kăpath, ke këpuōth cï looi aye nyuōth lōn raan kënë ë manh Nhialic, ku raan ë luui käreç, käreç ye looi aaye nyuōth lōn raan kënë akuc Nhialic.

¹² Kuat raan ëbën kōc cï gam yiic, aye lueel lōn raan cōl Demetriōth ë raan path. Ee kē cï Nhialic lëk ɣo buk aa looi yen aye looi. Yen alëk yï lōn yeen ë raan path, ku anjic aya, kuat kē ya lueel rin raan ëbën, ee ya yic.

Muōth ciëen

¹³ Kājuēc apei aake nhiaar ba ke lēk yī, ku acā wīc ba kek gāt athör yic.

¹⁴ Kē wiēc ku aṇääth, ee lön bī γen la keny tēnē we emēn, ku ē tēēn yök abī la yök ku jīemku röt kamkua yodhie. Nhialic abī we cöl arēēr ke dšörde.

¹⁵ Wāmāthakun cī gam rēēr ē tēn aa yī mušōth. Miāthkē koc cī gam rēēr ke we ē rienkiē ebēn.

Athör Jut Wët nom

Athör Jut aci göt bi kəc lek bik nhüm tir kəc piöoc ë lueth, kəc ye lueel lön ye kek kəc ci gam. Kë tō athör ciek kënë yic, yen athör kek athör rou ë Piter, raan ë kəc bi ye kuen deet puöth, bik n̄uot ke la tuen kek gam wäär ci Nhialic gam kacken ci wëtde gam.

Käk tō thün
Muöth 1-2
Awuöc bi kəc piöoc ë lueth yök 3-16
Riel ë puöth gam yic 17-23
Röök 24-25

¹ Ee yen Jut, yen alony Jethu Kritho. Ku ya mēnhē Jemith.

Yen agēt kəc ci Nhialic ke cōl, kəc p̄ir ë nhiēr Nhialic Wāda. Ku tit Jethu Kritho ke.

² Calkē dōōr ku nhiēr ku p̄el piny ë w̄el arēēr kek we athēer.

Kəc piöoc ë lueth

³ Wek kockiēn nhiaar, aca them ap̄ei ba we gāt tē ci Jethu Kritho yo kuony thün yodhie. Ku kë ca tak ë kë bi yen we gāt nyin yic em̄en. Ku ba we deet puöth, bāk la tuen kek gam wäär ci Nhialic gam kacke bi rēer ke ke.

⁴ Rin ci kəc r̄ec kuc Nhialic röt kuēl yoyiic ke kucku ke. Ku r̄eckē wēt puöth ë Nhialic bi kek dhōlken r̄ec thiaan kōth thün. Ku jeikē Jethu Kritho ku ye Bānyda. Ku athör thēer w̄el Nhialic acā awuöc bik yök thün nyuöoth wāthēer.

⁵ Na cōk alön n̄ic wek kākā äbēn, ka wiēc ba bēn tāk we, yen tēyon ci Nhialic kəc Itharel luäk thün tēnē kəc pan Ijip. Ku tē ci yen kəc kōk kamken ke ci jai ë wētde bēn rac thün.

⁶ Ku takkē aya, lön atuuc nhial wäär ci luoiden bar nyin ku kueeckē bik rēer tēden ci tēk ke, aa rēer ke ke der akōlakōl ë muöth yic piiny. Tē muk Nhialic ke thün yet akōl luñdit bi ke jal tēm awuöc thiek.

⁷ Ku muökkē wenhüm aya yen kēwäär ci rot looi tēnē Thodom ku Gomora, ku bēēi thiök ke ke. Wäär ci kəc ke rēer ë gēethkā yiic luui cīmēn atuuc nhialkā, kəc wäär ci kepuöth yiök bal. Ku kuat kār̄ec kōk ye kek röt lööm. Ku em̄en aaci tēm awuöc ci ke cuat many akōlriēc äbēn yic. Ku bi nyuöth raan äbēn yen awuöc ye gam kəc ci luui kār̄ec.

⁸ Ku kəc r̄ec ci röt kuēl yoyiic kā, aa la kākken ke nyuöth ke kēya bik awuöc aa looi kegup ë röt. Aaci riel Nhialic dhōl yic ku lueelkē kār̄ec atuuc nhial gup.

⁹ Na cōk aa tunydit atuuc nhial nhüm cōl Maikel ka kēc looi. Wäär göth yen kek jōnrac, yon teer kek ye, yēnā bi guöp Mothith nyaai, yen Maikel nhom akēc jōnrac bēn lat, aci bēn lueel elā, “Nhialic abī yī tēm awuöc!”

¹⁰ Ku kōckā aa kəc māt ku lēētē kəc kē kēc deet yic, ku kāk n̄ickē ke cik ye tak yiic, cīmēn läāi ë path, luoi ë kākā abī Nhialic ke nök.

¹¹ Abī rēēc ap̄ei tēnē ke! Ee dhēl Kain yen acik buöth yic. Ee rin wēēu ë path yen aye kek awuöc wäär ci Balaam looi, looi aya. Aaci kēec wei tēnē Nhialic cīmēn Kora, ku aabi Nhialic nök cīmēn wäär nēk yen Kora.

¹² Ku keek aa yār guöp bēēi tēnē we, tē looi kek kār̄eckā ke ci gup r̄öc, tē m̄ith wek ke ke akuötdun yic. Ayekē nhiaar kë la guāpden yic kep̄c. Aa ci tūläät ye

yom kuaath ku cii tueny. Aa cit tiim cie luok te cok yen a rut, tiim ci meiken nyuan bei. Kocka aa thou arak rou e luoi adumuom, ku kakken rec yek e ke looi cok alon ye kek koc ci gam.

¹³ Aa rot jat nhial cim en apuok e wardit yic, bik ten den rec kek thin nyuoth. Aacit ku el ci yec dhelden yek e buoth yic, e rin ci Nhialic ticol bi yen ke cuat thin looi ten e ke akolriec eb en.

¹⁴ Enok, raan kak Nhialic tin, manh ye kuat Adam yic dhorou yen eci ye luel theer e rienken ela, "Nhialic abi ben kek atuucken ju ec apei cii kuen,

¹⁵ bik luk ben looi ten e koc. Ku koc la gup adumuom ci kuc ye, aabi tem awuc rin karec ju ec cik looi. Ku karec cik luel yeguop!"

¹⁶ Kocka aa Nhialic gok akolakol ke nyieny koc kok. Ee luoi e dhilken rec kek ayek e ke buoth yiic. Aa jam e nhiam rienken e rot. Ku yek e koc kok math nyin bik ke buoth cok.

Tir e nom ku lek

¹⁷ Ku yen muokke wenhim wek kockien nhiaar, yen kewaar ci atuuc Banya Jethu Kritho lek we.

¹⁸ Acik lek we ela, "Te le akol lundit thio k, ke koc kok rec, koc ke looi kak wic piathken kep ec aabi tuol. Ku keek aabi we aa bui."

¹⁹ Kocka kek aa koc te ek yiic, koc ye buoth yic dhil koc e path, keek aa cin gup Wei Nhialic.

²⁰ Ku week kockien nhiaar lak tuen gamdun yic apath cim en ye Wei Nhialic we kony bak aa rook.

²¹ Ku muokke rot e nhier Nhialic yic, ke we tit Banya Jethu Kritho, bi we ben nyuoth te nhier yen we thin ku gam we pir akolriec eb en.

²² Yake koc not ke diu nyuoth piathdun.

²³ Kuonyk e koc kok bik cii la mec. Ku nyuothke piathdun ten e koc kok, ke we tit rot e ke bik we cii riop acol karacken yiic, ku bak cii la dhilken yiic, dhil adumuom.

Roök

²⁴ Ten e Nhialic, raan leu ye bi we muk bak cii loony wei. Ku bui we, ku col we akac yenhom diekde yic ke we mit puoth, ke cin kerec reer ke we,

²⁵ ten e Nhialic, yen Nhialic ton t thin, yen yo kony, rin Jethu Kritho Banya, bi ya leec, ee dietde, ee ri el, ku baanyde, akole, ku theer, ku akolriec eb en! Yenakan.

Nyuuth tēnē Joon Wēt nom

Athör kēnē anyuth tēnē Joon cī gāt wäär guum kōc cī gam, rin cī kek la gam tēnē Jethu Krītho ke ye Bēny. Wētđit wīc raan gāt athōōr, ee wēt bīi kōc bī ye kuen rīeēl puōth bīk la nōth, bīk rēer ke nōth akōōl kārēc ke gum.

Abañđit athör kēnē yic atō kajuēc wat kekōōth kāk cī nyuōōth, ku kāk cī tīŋ cī ke kiēēt wēl yīic, kāk ye kōc thēer wäär cī gam ke deet yīic. Ku alēukē bīk rēer ke cī moony tēnē kōc kōk ēbēn. Athör kēnē aci guir ke cit dhōl waak, yen aye ke wēl lueel ku ben ke ber yīic dhōl juāac cī thōŋ, cit tē cī ke wat kōōth thīn.

Na cōk alōn cī tāk ye rōm kek tēcīt tē ye ke deet yīic thīn athōōr yic. Ke wēt ciel yic ala gei, dhēl Krītho Bānyda, yen Nhialic. Abī kōc aterde tiaam alanden akōl ciēen agut Bēny jakrēc. Akōl le tiām kēnē thāap, ke kōc cī gam aabī dōc. Ku riōp ke piny ē yam, nhial ē yam.

Kāk tō thīn

Wēt Nom 1:1-8

Jōk ē nyuuth ku athör cī gāt akuut kōc kadhorou 1:9-3:22

Athōōr kek adōk kadhorou 4:1-8:1

Keŋ kadhorou 8:2-11:19

Jōŋrac ku lāai karou 12:1-13:18

Anyuth kōk juēc 14:1-15:8

Riāāk puōu ē Nhialic 16:1-21

Riāŋ Babilon ku tiām cī kōc ater Nhialic tiaam 17:1-20:10

Lunđit 20:11-15

Nhial ku piny ku Jeruthalem ē yam 21:1-22:5

Thōk ē Wēl 22:6-21

Wēl tuēŋ

¹ A athör kēnē yic Joon aci kāŋ gāt piny, kāk cī Jethu Krītho nyuōōth. Aci Nhialic looi bī kākā tīŋ, rin bī kacke cōl aŋic kāk bī rōt looi nīn thiōkkā yīic. Raan cī loc ku dōc acā atunyden nhial tuōc aluonyde bī lēk athōn kēnē.

² Joon aci kāk cī tīŋ ēbēn lueel. Yeen acā athōn bō tēnē Nhialic gāt piny, ku kāk cī Jethu Krītho nyuōth ye.

³ Raan mit puōu ē raan bā athōn kēnē kuēn kōc cī gam, athōn bō tēnē Nhialic. Ku kōc mit puōth, aa kōc bī ye piŋ ku thekkē kē ye lueel, rin tē bī Nhialic kākā cōl aloi rōt aci thiōk.

Muōth tēnē akuut kōc cī gam kadhorou

⁴ Ee ŋen Joon, ŋen agēt tēnē akuut kōc cī gam ē bēēi Athia yīic.

Ŋen arōōk lōn bī wek nhiēr ku dōr yōk tēnē Nhialic. Yen tō thīn ēmēn, ku arēer thīn tēthēryōn, ku yen bī bēn. Wek aabī nhiēr ku dōr yōk tēnē wēl kadhorou ē thōny Nhialic nom,

⁵ ku tēnē Jethu Krītho, raan yen nyooth yic rin Nhialic. Yen ē ye raan tuēŋ cī rot jōt ē thou yic, ee yen amac bānyŋaknhīm ēbēn pinyhom aya.

Yeen anhiar ŋo, ku ajuērden cī yen rot juaar bī thou, ēcī yen ŋo wēer bei adumuōōmkua yīic,

⁶ ku looi ŋo buk aa kōc luui Nhialicde ku ye Wun, diik ku rīeēl aa kākke akōlriēēc ēbēn. Yenakan.

7 Tiēŋkē, yen abō pial yiic. Abī raan ēbēn tīŋ, agut kōc wäär nāk ye. Kōc pinynhom ēbēn aabī dhiau ē rienke. Kēya abī ciēt kēnē! Yenakan.

8 Aye Bēny Nhialic lueel ēlä, “Ee ŷen jōk ē cōk ku ŷen thōk ē kāŋ.” Nhialic Madhōl tō thīn ēmēn, ku arēēr tēthēerŷon, ku yen bī bēn.

Tīŋ Raan cī lōc ku dōc

9 Ee ŷen Joon menhkui dun, week ēbēn wek kōc tuōc athōr kēnē, ke ŷa ye raan cī wēt Jethu gam cīmēndun. Ku rin ē kēnē ŷok aa tōk, ku ŷen agum aya cīmēndun. Ku ŷen abī rēēr ē bāāny Nhialic yic kek we aya, ku ŷen alir puōu cīmēndun. ŷen a ŷa mac golgol Patmoth nhom, golgol rēēr Adēkdiēt yic, rin cī ŷen wēt Nhialic, ku yiny Jethu nyuōōth.

10 Wēi Nhialic aake cī bēn ŷaguōp akōl Nhialic. Guō rōldīt la wic cīt kaŋ pin ke jam ŷakōu ciēēn.

11 Ku lueel, “Gāt kē ye tīŋ athōōr yic ēbēn, ku tuōc athōōr tēnē akuut kōc cī gam ē bēēi kadhorou yiic, Epethuth, Thimirna, Pergamum, Thiatira Thardīth, Piladelpia ku Lodikia.”

12 Guō rot wel ba raan jam tīŋ, nawēn wel ŷanhom, ke ŷa tīŋ kāk ye many adōk took kenhīim cī looi mīlāŋ tōc kadhorou, ke kāāc.

13 Ku kēcīt manh raan ke kāāc keciel yiic, ku a ciēŋ alanh dīit ye paat kōc kōōth ē piny kuaar ŷet yecōk, kek karkar dīit cī looi mīlāŋ tōc yepēem.

14 Nhīmken ē nhom aake yer ka cīt gai tueny deŋ, ku adēp nyin cīmēn mac.

15 Ku cōk ala diardiar cīt ban cī coth kōu, ku akōk yic apeī cīt lōōr puōc kōōc.

16 Yen wēn amuk kuēl kadhorou ciinden cuēc, ku amuk pal dīit moth ē thok kedhie bō bei yethok. Ku dēp nyin cīt ruel akōl ciel yic.

17 Wēn tīŋ ŷen ye, ke ŷa wīēk piny yecōk ciēt ŷa cī thou. Go ŷa thany nhom ciinden cuēc ku lueel, “Duk riōc. Ee ŷen jōk ē cōk ku ŷen thōk ē kāŋ.

18 ŷen ē pīr, ŷen a ŷa cī thou ku emēn ŷen acī bēn pīr akōlriēēc ēbēn. ŷen amuk wēnh riēt ŷōōt ē thou ku ŷōōt pīr aya.

19 “Yīn adhīl kākkā gōt ēbēn, kāk ye tīŋ emēn ku kāk bī rōt looi akōldā.

20 Ku kuēl kadhorou, ca tīŋ kōŋdiēn cuēc, wētden yic, atuuc nhial kadhorou, tēnē akuut kōc cī gam kadhorou. Ku kāk kāāc kāk ye many adōk took kenhīim akuut kōc cī gam kadhorou.”

2

Athōn tēnē kōc cī gam Epethuth

1 “Yīn awiēc ba athōōr gāt akut kōc cī gam gen Epethuth, raan muk kuēl kadhorou ciinden cuēc ku ciēth kam kāŋ kadhorou ye many adōk took kenhīim, aye lueel tēnē we ēlä.

2 Anīec yen tē cī wek pīir thīn ē piērdun yic. Anīec yen tēril cī wek luui thīn ke we kōc cī gam, ku tē cī wek kārīl yiic gōōk thīn. Anīec lōn cīi wek ye bī lēu bāk kōc ē luui kārēc puōl bik ke ya looi welōm. Wek aaci kōc ye lueel lōn ye kek atuuc Jethu them, ku acāk bēn ŷōk lōn ye kek alueth ē path.

3 Anīec lōn guum wek rienkiē we lir puōth, ku wek kēc puōth bath.

4 Ku kē maan tēnē we akīn, wek acīi ŷen nhīar emēn cīmēn theer wäär puōc wek gam.

5 Kēya, muōkkē wenhīim yen tē cāk dōōt luoi kārēc yiic! Pālkē luoi kārēc, ku piēēr kē cīt tēthēer wäär puōc wek wēt ca lēk we gam. Na lak tuēŋ ke we lui

kāreċ, ke ʁen abī la tēnē we, ku la we tēm awušċ bī ʁen kēdun ye wek many adōk took yenhom nyaai tēden kēċċ yen thīn.

⁶ Ku wek ya leec rin mēen wek kāk ye kōċ Nikolauth looi cīmēn mēen ʁen ke aya.

⁷ “Na lakkē yīth, ke we piŋ kē ye Wēi Nhialic lēk akuut kōċ cī gam. ʁen abī kōċ cī jōŋrac tiaam gām yic bīk mīth tim ē pīr cam, tim rēċċ gōr ē Nhialic yic!

Athōn tēnē kōċ cī gam Thimirna

⁸ “Yīn awiēċ ba athōōr gāt tēnē akut kōċ cī gam gen Thimirna ēlā, kēnē ē wēt raan kāŋ ċol ajōk rōt ku ċol ke aa thōk, raan cī thou ku ben pīr aya, aye lueel,

⁹ ʁen anjic kāril rēċċ wek thīn, anjic lōn wek aa nōŋ ku wek ajieċċ wepuŋth.

ʁen anjic kāreċ ye lueel wegup kōċ ye lueel ka kōċ cī Nhialic lōċ, ku ē lueth ē path. Ku keek aa kōċ akut jōŋrac.

¹⁰ Duškkē rišċ gum bī wek gum ēmēn. Piŋkē! Jōŋrac aci thišk kek tē bī yen kōċ kōk kamkun mac rin bī yen gamdun them. Wek abī rēċċ ater yic nīn kathiāār ku duškkē puŋth gō bath wētidiē yic ċok alon nēk we, rin wek aaba gām pīr akōlriēċ ēbēn ke ye yen ariōp.

¹¹ “Na lakkē yīth, ke we piŋ kē ye Wēi Nhialic lēk akuut kōċ cī gam. Ku raan bī jōŋrac tiaam, acin kēreċ bī ye yōk alanayōn ē thon yic rou.

Athōn tēnē kōċ cī gam Pergamum

¹² “Yīn awiēċ bā athōōr gāt tēnē akut kōċ cī gam gen Pergamum, kēnē athōn bō tēnē raan muk pal cī ther thok kedhie.

¹³ ʁen anjic tē rēċċ wek thīn gen mēċ jōŋrac. Wek aa kōċ wētidiē ē ċōk, ku wek akēċ puŋth dhōr gamdun yic tēnē ʁa. Wek akēċ gamdun waar yic, agut wāār ċok Antipāth raan ye nyuŋŋth kāk ye looi yiic lōn ee yen raandiē nōk ʁendun ē tēċċ, gen mēċ jōŋrac.

¹⁴ Ku ala kāthii maan tēnē we, kōċ kōk weyiic aa piōōċ Balaam buŋŋth yic, Balaam wāār nyuth Balak tē bī yen kōċ Itharel ċol aloi adumušōm thīn. Ku lēu bīk riŋ cuet, riŋ lān cī nāk jak, ku loikē kāk bal.

¹⁵ Ku kēlā aya, kōċ kōk weyiic aa piōōċ kōċ Nikolauth buŋŋth yic.

¹⁶ Pālkē luoi kāreċ! Na ċāk pāl ke ʁen abī bēn kek ē pal bēn bei ʁathok bī ʁen kōċkā tēm awušċ.

¹⁷ Na lakkē yīth, ke we piŋ kē ye Wēi Nhialic lēk akuut kōċ cī gam. ʁen abī raan cī jōŋrac tiaam gām aban ʁayum nhial cī Nhialic tōšū, ku gām alel ʁer, alel cī rin yam cīn raan ŋjic ke gōt yekōu, na cie raan cī gām ye.

Athōn tēnē kōċ cī gam Thiatira

¹⁸ “Yīn awiēċ ba athōōr gāt akut kōċ cī gam gen Thiatira ēlā, kākkā aa wēl bō tēnē Wēn Nhialic raan nyin dēp cīt mac, ku le ċok diardiari cīt ban cī coth kōu.

¹⁹ ʁen anjic kāk yakē ke looi. Anjic lōn wek aanhiar rōt kamkun, ku wek aa muk gamdun. Anjic yen tē cī wek rōt kuŋny thīn kamkun, ku tē guum wek thīn, anjic lōn wek aaloi kājuēċ wār kāk wāār tuēŋ.

²⁰ Ku ʁen ala kēthiin maan tēnē we, wek aaci tik puŋl tiŋ ċol Jedhebel ye lueel ke raan kāk Nhialic tiŋ. Ku pišōċde ē kackiē thel luoi kāk bal yiic, ku camkē miēth cī juēr jak cī kiēċ.

²¹ Aca lēk bī yepuŋu dhušk ciēen adumušōmke yiic, ku aci jai bī yepuŋu dhušk ciēen.

²² Ku këya, aba cəl atuany ku kəc kək bal looi kek ye aabī gum apei tē cīi kek kepuəth dhuk ciēen, ku pälkē käreç yekē ke looi kek ye.

²³ Kəc cī pišçde gam aa ba nək, ku aabī akuut kəc cī gam ebēn jal njic lən yen ē raan ē kē tš raan pušu ebēn njic, ku njic kuat kē wīc. Ku kuat raan ebēn aba tēm awušč cit kē cī looi.

²⁴ “Ku emēn aba lək kəc abək kamkun gen Thiatira, kəc kēc piöc rēç ē tin buəth yic, ku wek aakēc luui kē ye kacke cəl, ‘Aye kē cī thiaan apei cī jənrac moony.’ Aya lək we lən wek acā bī məc dēt ril yic.

²⁵ Wek aadhil la tuen ke we gam wētdiē, yet tē bī yen bēn.

²⁶ Yen abī kəc cī jənrac tiaam, ku lek tuen ke loi wētdiē yet tē bī yen dhuk gām riel bik pinyhom mac.

²⁷ Aabī pinyhom mac riel ke cīn anjūän, ku abik thuər piny ku thorkē ke cīmēn tōny cī looi ē tiəp.

²⁸ Rielden abī thōŋ kek riel ca yök tēnē Wä. Aaba gām ciēer aya, ciēer bī ke nyuəth tiām cī kek tiam.

²⁹ Na lakkē yith, ke we piŋ kē cī Wēi Nhalic lək akuut kəc cī gam.

3

Athön tēnē kəc cī gam gen Thardith

¹ “Yin awiēc ba athöör gät tēnē akut kəc cī gam gen Thardith elä, raan mac wēi kadhorou thōny Nhalic nhom, ku amuk kuəl kadhorou, ee we tušč wēt kēnē,

Yen anjic kuat kək cək looi ebēn, anjic lən ye wek ye tak lən piür wek cək alən cī wek thou.

² Aca yök lən piərdun ke we ye kəc cī gam aciī thōŋ kek tē cī Nhalic ye guēer thīn. Këya, pääckē nin yic, ku dhuškkē riel yam ē piür kəc cī gam yic ke we kēc guə thou ē gim.

³ Muškkē yith wäär cī pišč tēnē we nhīm, ku thekkē ke. Pälkē luoi käreç ku dhuškkē wepuəth ciēen adumušmku yic. Pääckē ba rot cīi kuəl wegup cīet ya ye cuär ē bēn baai wakšu. Ku aciī bī njic ba bēn nēn.

⁴ Ku na cək a këya ke wek anjot we la kəc lik Thardith, kəc kēc luui käreç. Keek aabī cath kek ya ke cienj alēth yer, rin aala yic bik looi këya.

⁵ Raan bī riel jənrac tiaam cīmēn ē kek abā alēth yer cienj. Ku rienke acā bī nyaai athör piür yic. Tē le yen kōç Wä nhom kek atuucken nhial ye lušši, aba lueel yenhom lən njic yen ē raan kēnē.

⁶ Na lakkē yith, ke we piŋ kē ye Wēi Nhalic lək akuut kəc cī gam.

Athön tēnē kəc cī gam gen Piladelpia

⁷ “Yin awiēc ba athöör gät tēnē akut kəc cī gam gen Piladelpia elä, raan la gušp Wēi Nhalic ku yic, yen la riel bī kəc Nhalic mac nyin bēnyŋaknhom Debit. Ku tē ŋeny yen yöt thok ka cīn raan lēu ye bī thiöök. Ku tē thiöök yen yöt thok ka cīn raan lēu ye bī ŋaany.

⁸ Yen anjic kək yakē ke looi, anjic lən le wek riel koor, ku wek aa njot we buəth pišçdiē yic ku thekkē ya. Tiēŋkē yöt aca ŋaany thok wenhīm, ku acin raan lēu ye bī bēn thiöök thok.

⁹ Tiēŋkē, yen abī kəc kek kəc jənrac, alueth ye lueel lən ye kek kəc cī Nhalic ləc looi bik tš wecök, ku bik deet yic lən nhiēer yen we.

10 Wek aci gum riel ē thok cīt tēwäär cī ʔen we lēk thīn. Kēya, wek aba kony aya tē le nīn thōk, nīn bī ʔen kōc pīr ēbēn them pinyinhom.

11 ʔen abō ēmēn, muškkē kē cāk yōk apath, bī ciēn raan rum kēpeth cāk yōk rin cī wek tiam.

12 Raan bī riel jōnrac gōök aba looi ke ye thel ril ʔōn ye Nhialic door thīn, Nhialic yen ya lušōi. Raan kēnē aciī bī kaŋ jāl ē tēēn. Aba gāt kōu rin Nhialicdiē ku rin Jeruthalem yam, yen rin gen ē Nhialicdiē bī bēn bei tēnē Nhialic nhial. Aba gōt kōu aya rinkiēn yam.

13 “Na lakkē ʔith, ke we piŋ kē ye Wēi Nhialic lēk akuut kōc cī gam.

Athōn tēnē kōc cī gam gen Lodikia

14 “Yīn awiēc ba athōōr gāt tēnē akut kōc cī gam gen Lodikia ēlā, raan yen Yenakan. Yen cī yiny Nhialic nyuōth ē cōk, ku ē yen aci kēriēc ēbēn cī Nhialic jōk cōk cak, aye lueel ēlā,

15 ʔen aŋic kāk cāk looi ēbēn, wek aa kēc ʔen jai, tēdē wek aa kēc ʔen lor piāthkun ēbēn, na we ye rōt mat abak, diēt apath ʔapušu.

16 Ku rin kēc piāthkun rōt mat abak, ʔen abī jai ē we.

17 ʔiīn aye lueel, ‘ʔen ajak! Acīn kē ŋōŋ ʔa, acīn kē ben wīc.’ Ku aciī ŋic yen tē ye yīn laaŋ aŋāŋ thīn. Yīn aŋāŋ ē cath ke cīn kē ceŋ, ku yīn ē cōōr.

18 Rin ē kēnē, yīn alēk bī ya mīlāŋ tōc la wic yen ʔoc tēnē ʔa, bī yīn jīēk yōk thīn. Yīn adhīl alēth ʔer ʔōc aya ba ke tāāu yīkōu, ku bī kēwäär yīn cath yīkōu path ke cīn alanh ciēŋ liu ba gušp cī ben rišōc ē kōc, ku ʔoc kē ye kōc kenyīn tōc ba tāāu yīnyin rin bī yīn daai.

19 Kōc nhiaar aa ya māt ku tēm ke awuōc, kēya rēēr kē apath ku pāl kē luai kārec bāk pušt miēt.

20 Pāl kē weyīth piny, ʔen ē ʔarōl tuŋ ʔōndun thok. Na le raan piŋ ʔarōl ku ŋeny ʔōt thok ke ʔen ala thīn, ku laar ku määth kek ye.

21 ʔen abī raan cī riel jōnrac gōök gām yic bī nyuc ē thōōc nom ʔalšōm. Kēnē abī ciēt ēmēn cī ʔen riel jōnrac gōök ku nyušōc ē thōōc nom Wā lšōm.

22 “Na lakkē ʔith, ke we piŋ kē ye Wēi Nhialic lēk akuut kōc cī gam.”

4

Thōny pan Nhialic

1 Tēwēn cī ʔen kāk kē ēbēn tīŋ, ke ʔa ben nyušōth aya, ku tiēŋ ʔōt thok ke ŋaany pan Nhialic. Ku kē ca piŋ tuēŋ ē raan jam tēnē ʔa rōldit la wic cīt kaŋ ke ye lueel, “Bäär nhial tēn ku yīn aba cōl atīŋ kāk bī rōt looi ye kēnē cōk.”

2 Nyin yic ē tēēn ke Wēi Nhialic la ʔagušp. Ku tiēŋ thōōc ē tēēn pan Nhialic ku raan ke cī nyuc yenhom.

3 Raan cī nyuc ē thōōc adēp nyin bilbil cīt kuur ʔer dhēŋ, ku kēdiit cīt mūt ke cī thōōc gōšl piny, ke dēp birbir.

4 Ku alōnthīn kēwēn cī thōōc gōšl piny yic, thōc kōk kathiārou ku ŋuan aake kääc thīn, ku kōcdīt kathiārou ku ŋuan aake cī nyuc kenhīim. Ku keek aake ciēŋ alēth ʔer ku aŋōm ē bāny kenhīim.

5 Thōōc abier ku mēēr nhial cīēt ye deŋ. Thōōc nom tuēŋ mēc adōk kadhōrou aake dēp thīn, kāk kē aake ye Wēi Nhialic kadhōrou.

6 Aya, thōōc nom tuēŋ, ala ke diit cīt baar ē wār cī looi macar dēp la bilbil. Ku thōōc kōu tēn ku tēn, lāāi kaŋuan la nyīn juēc kenhīim ku kekšōth aya aake tō thīn.

7 Län tuen̄ acit köör, ku län ye kek rou acit muɔɔr ë wen̄, ku län ye kek diäk acit nhom raan, ku län ye kek ŋuan acit lienh tɔŋ p̄ar nhial.

8 Keek ëbēn ŋek ë la wušk kadätəm la nyin juëc keyiic ku keköth ayeer. Aa waak ket aköl ku wëër ëlä,

“Alɛɛc, alɛɛc, alɛɛc tēnē Bēny Nhialic Madhəl
tö th̄in emēn ku arëër tēthɛɛɾɣɔn, ku yen b̄i bēn.”

9 Lääi kaŋuan aa diet ket tēnē raan c̄i nyuc thöoc nhom, p̄ir akölr̄iëëc ëbēn. Aa ket waak leec kek ye lan ril yen ku le diikd̄it. Të looi kek ye këya,

10 kɔcd̄it kathiärou ku ŋuan aa kenhiəl gušt piny raan c̄i nyuc ë thöoc nhom cök, ku dorkē raan p̄ir akölr̄iëëc ëbēn. Ku cuetkē ajömken piny ë thöoc nhom, ku luelkē,

11 “Yin ala yic, buk ȳin a door Bānyda Nhialic,
ku gēmku ȳin alɛɛc rin le yin riel ku diik.
Rin yin aci kēriëëc ëbēn cak,
ku rienku yen aci yin kēriëëc ëbēn cak ku p̄iirkē.”

5

Athöör ku Manh Amääl

1 Ku tiēŋ athöör ke muk raan c̄i nyuc thöoc nhom ciinden cuëc. Athöör aci gōt yic ku yekšū aya, ku aci nuet thök theny kadhorou.

2 Ku tiēŋ atuny Nhialic ril apei, ke thiëc röld̄it, “Yeŋa la yic b̄i thaany kuem athöör thok ku liep athöör yic?”

3 Ku acin raan pan Nhialic, nadē ke ye pinyinhom ku piiny tiəp yic la riel b̄i athöör pet yic ku rien.

4 Guo dhiau apei rin c̄in yen raan c̄i yök ke la cök b̄i looi këya.

5 Go raan tök kɔcd̄it lək ya, “Päl dhiëü! Tiŋ köör, raan kuat Juda wund̄it Debit wäär ë bēnyŋaknhom yen aci jəŋrac tiaam, këya yen alëu ye b̄i theny kadhorou kuem ku pet athöör yic.”

6 Ku tiēŋ Manh Amääl ë than ke kääc ë thöny bēnyŋaknhom ciəl yic. Yeen aci lääi p̄ir kaŋuan ku kɔcd̄it gōsm piny. Ku Manh Amääl aca tiŋ ke ciët c̄i nök. Ku ala tuŋ kadhorou ku nyin kadhorou kek Wēi Nhialic kadhorou c̄i tušc pinyinhom ëbēn.

7 Go Manh Amääl la ku lööm athör tō ciin cuëc tēnē ye c̄i nyuc thöoc nhom.

8 Təwēn c̄i yen ye lööm, ke lääi p̄ir kaŋuan ku kɔcd̄it kathiärou ku ŋuan, gut kenhiəl piny yenhom, ku kɔcd̄it aake muk thoom ku aduuk c̄i looi m̄ilšəŋ təc c̄i thiäŋ adōŋ ŋ̄ir, yen tō nyin röök kɔc ë Nhialic lušši.

9 Ku ketkē waak ë yam ëlä,

“Yin ala yic ba athöör lööm ku kuem theny yethok.
Rin c̄i kɔc ȳi nök ku riemdu yen aci yin kɔc pinyinhom,
dhiëth ku wušt ku thok ëbēn ɣɔc b̄ik aa kɔc ë Nhialic emēn.

10 Yin aci keek cəl aaye kɔc Nhialicda lušši.
Ku aabi pinyinhom mac.”

11 Ku bēn daai, ku piēŋ röl atuuc nhial juëc ap̄eidit c̄i kuen ke kääc ke c̄i thöoc gōsm piny, ku lääi p̄ir kaŋuan ku kɔcd̄it,

12 aake kēt waak röld̄it apei,
“Manh Amääl wäär c̄i nök yen ala yic.
Adhil leec rin rielden tō kek yeen,
ku j̄iëk ku ŋ̄iny k̄əŋ, ku diik, aa dhil athëëkd̄it apei yök th̄in.”

13 Ku piɛŋ kuat kē pīr ēbēn tō pan Nhialic ku pinynhom, ku piiny tiəp yic ku wēr yiic ēbēn ke kēt ēlā.

“Tēnē yeen cī nyuc thōōc nhom ku tēnē Manh Amāäl, bī alɛɛc ku athɛɛk ku diik ku riel aa kärke akōlriēēc ēbēn!”

14 Ku gem lāāi pīr kaŋuan, “Yenakan.” Ku gut kōcđit kenhiol piny ku dorkē.

6

Thery

1 Guō Manh Amāäl tīŋ ke kuem thaany tuenŋ kam theny kadhorou, ku piɛŋ lān tōk kam lāāi kaŋuan pīr ke lueel rōldīt apeī cīt mār ē deŋ, “Bäär!”

2 Ku tiēŋ piny, go ya mathiāŋ ɣer yen tiēŋ, ku raan cath ē ye amuk dhanŋ ke wieth, ku gēm aĵōm ē bēny bī tāāu yenhom. Ku jiēl bī la pinynhom, cīt kēny cī tōŋ dhoŋ ku cop kōc ater.

3 Ku kuem Manh Amāäl thaany ē rou thok, ku piɛŋ lān pīr ē rou ke jam rōldīt ēlā, “Bäär!”

4 Ku bō mathiāŋ thith bei tēwēn. Ku raan cath ē yeen aci gām riel bī kōc col aathār pinynhom, ku bī kōc rōt nōk ē rōt. Ku gēm paldīt ye kōc thōr.

5 Ku ben Manh Amāäl thaany ē diāk kuem, ku piɛŋ rōl ē diāk lān pīr ke lueel, “Bäär!” Ku tiēŋ piny, go ya mathiāŋ col yen tiēŋ ku raan cath ē ye amuk wēnh ye kāŋ them yecin.

6 Guō kē cīt rōl raan piŋ ke jam kam lāāi kaŋuan pīr yiic ku lueel, “Aduŋ abik yen ariōp akāl tōk, ku aduuk kadiāk ayiēēr kek ariōp akāl tōk. Ku duōkkē tiim ye miōk yōk thīn ku tiim ye cam rɛc.”

7 Ku ben Manh Amāäl thaany ē ŋuan kuem thok, ku piɛŋ rōl lān ē ŋuan pīr ku lueel, “Bäär!”

8 Ku tiēŋ mathiāŋ cīn kīt la gēi, ku raan cath ē ye ala rin, “Thou,” Ku rin kōk col, “Piny ē Thou,” Ke buōth cōk ke cīi yiic mec. Keek aake cī gām riel bik tēcīt abanŋ ŋuan kōc pinynhom yiic nōk ē tōŋ ku cōk, ku tuaany, ku lāāi roor.

9 Ku ben Manh Amāäl thaany ē dhiēc kuem thok, ku tiēŋ wēi kōc wāār cī nōk ariāk cōk rin cī kek wēt Nhialic gam pušu ēbēn, ku yekē lueel.

10 Go wēi kīu rōldīt apeī ku luelkē, “Bēny yīn ala cōk ku yīn ē yic! Ye nen bī yen rot jāl looi ba kōc pinynhom tēm awuōc rin cī kek ɣo nōk?”

11 Go ŋek kamken aa gām alanh ɣer, ku lēk ke bik tūt tēthin-nyōot ɣet tē bī akuēn kōc lui ke ke, ku miēthakēn kek ke bī nōk ēbēn cīmēnden, jāl tuōōm.

12 Ku tiēŋ Manh Amāäl ke kuem thaany ē dātem thok. Ku ya ayiēkyiēk pinyđit tet yen loi rot, ku loi akōl rot bī cuōl cīt alanh col, ku wel pɛei yenyin bī ya malual cīt riem.

13 Ku lōōny kuēl piny nhial cīmēn ŋam cī luōk ye yom tɛŋ piny tē yiēk yen tim.

14 Ku dol nhial rot ciēt ye athōōr ku mēr, ku nyēei kuōr ku golgol tō wīr rōt ē nyiēnken yiic.

15 Go bānyŋaknhīim ē pinynhom, ku bāny mɛc, ku bāny apuruuk ku ajiēk, kōc thiek yiic ku aloony, ku kōc cie aloony them bik thiaan ē kuōr yiic, tēdē ke ye kuōr nhīim.

16 Ku yekē cōōt kuōr yiic ku aleel yiic, ku luelkē, “Aa wek kuōrkā kuōmkē yonhīim bī raan rɛēr ē thōōc nhom ɣo cīi tīŋ. Ku Manh Amāäl aciī bī lēu bī ɣo ben tēm awuōc.

¹⁷ Ee yic aköldit bī Nhialic ku Manh Amääl raan ebēn tēm awuśc aci bēn, ku acin raan bī awuśc kēnē göök?”

7

Koc 144,000 Itharel

¹ Ku ben atuuc nhial kaņuan tūŋ ke kääc gušk ē piny kaņuan yiic, ke ke jác yom ē bēn gušk kaņuan yiic nhom, bī ciēn yom ben buok ē pinyinhom, tēdē wēr yiic, tēdē kuat tim nhom.

² Ku tiēŋ atuny dēt ke bō bei tē ye akōl nyin bēn thīn, ke muk thaany Nhialic pīr, ku cāl atuny kēnē rōldit atuuc nhial kaņuan wäär cī gām riel bīk pinyinhom agut cī wēr.

³ Ku lueel, “Duškkē piny ku wēr ku tiim rēc, yet tē bī yok koc cī Nhialic gam ebēn yiēk nhīm kit kenhīm tuēŋ.”

⁴ Ku lēk raandä ŷen, lōn akuēn koc la nhīm thaany ē Nhialic koc Itharel yiic aa koc 144,000 ē kuat thiäär ku rou Itharel yiic,

⁵⁻⁸ tim thiäär ku rou kuat Itharel tōk yic, Juda, Ruben, Gat, Acer, Naptalī, Manathe, Thimaan, Lebī, Ithakar, Dhebulun, Jotheŋ, ku Benjamin.

Koc juēc kääc pan Nhialic

⁹ Ku diēl yanyin piny, ke ya tūŋ koc juēc cī lēu bī ke kueen. Keek akuut kam kuat dhiēth, ku wušt, ku thok koc rēer pinyinhom ebēn. Ku keek aake kääc ē thōoc nhom tuēŋ ku jōl a Manh Amääl, ku aake ciēŋ alēth ŷer ku keek ebēn aake muk wušk agēp kecin.

¹⁰ Ku kiiukē rōldit apei ku luelkē, “Nhialicdan rēer thōoc nhom ku Manh Amääl kek aa ŷook luōk.”

¹¹ Ku atuuc ebēn aake kääc ke cī thōoc, ku kōcdit, ku jōl aa lāāi pīr kaņuan gōom, ku gutkē kenhiāl piny ē thōoc nhom tuēŋ ku dorkē Nhialic,

¹² ku luelkē, “Yenakan! Bī alēc, ku diik, ku nīny kārj ku gam riel, ku athēk, ku rieldit apei ku lēc aa kāk Nhialicda akōlriēēc ebēn. Yenakan.”

¹³ Go raan tōk kam kōcdit wēn ŷa thiēēc ku lueel, “Ye yīŋa koc ciēŋ alēth yerkā, ku bīk tēnen?”

¹⁴ Guō dhuk nhom, “Aa kuśc ke, bēny. Ee yīn aŋic ke.” Go lueel, “Kekkā aa koc cī tēēk kārīl yiic ku guumkē. Aacā alāthken lōk rīem Manh Amääl bī ke looi bīk ŷer.

¹⁵ Ku ē yen aye kek kōśc thōny Nhialic nhom ku yekē luōōi akōl ku wēer luande, ku yen cī nyuc ē thōoc nhom abī ke aa kony ē rēerde thīn.

¹⁶ Keek aacī rou ku cōk bī ben nōk acin, tēdē ke ya akōl tuc yen ben ke nyop gup,

¹⁷ rin Manh Amääl yen rēer thōoc yic ciēl abī ya abiōŋden. Ku abī ke la dēēk nyin pīu ē pīr, ku aabi Nhialic weec nyīn ē pīu wäär dhiēeu kek.”

8

Thaany ē dhorou

¹ Nawēn ŋany Manh Amääl thaany ē dhorou thok, kam wēn ke piny la bit tēthin-nyōot koor.

² Ku tiēŋ atuuc kadhrou ke kääc Nhialic nhom ku ŋek ke cī yiēk kaņ.

³ Ku bō atuny dēt, ku kēēc ariāk lōōm ke muk kē ye adōŋ n̄r took th̄n cī looi mīlāŋ tōc. Ku yeen ecī gām adōk juēc n̄r apēi, bī ke juaar kek rōōk kōc ē Nhialic ariāk cī looi mīlāŋ tōc nhom, rēēr ē thōōc lōōm.

⁴ Ku la tol adōŋ n̄r cī took nhial, kek rōōk kōc ē Nhialic muk atuny nhial kāāc Nhialic nhom.

⁵ Go atuny kē ye adōk took th̄n lōōm, ku muōc yic many rēēr ariāk nhom ku cuet piny. Ku piŋ kē cīt mār ē deŋ ku bir, ku loi ayiēēkyiēēk rot.

Κεη

⁶ Go atuuc kadhorou la κεη kadhorou rōt guir bik ke kooth.

⁷ Go atuny tuen kaŋde kooth yic, go ya gōi ku many cī liāp kek riem kek lōōny pinyhom. Go mac tōōŋ ē diāk tiim ku wal cī cil pinyhom nyop.

⁸ Go atuny ē rou kaŋde kooth yic, go ya kēdīt cīt kuur ē mac yen piir rot adēkdiēt yic. Go tōōŋ ē diāk rot waar bī ya riem.

⁹ Go tōōŋ ē diāk kāk pīr adēkdiēt thou, ku rēc tōōŋ ē diāk riēth.

¹⁰ Ku koth atuny ē diāk kaŋde. Go ya kueldīt apēi dēp yen lōōny tōōŋ ē diāk wēr ku nyīn piū ye dek yiic.

¹¹ Ku rin ē kuel kēnē acōl kēkec γοr. Go piū rōt wel bik κεc, ku kōc juēc ke cī dek th̄n aacī bēn thou rin cī piū κεc.

¹² Go atuny ē nuan kaŋde kooth. Go tōōŋ ē diāk akōl ku pēi ku kuel rac abī tōōŋ ē diāk ruelden yic liū. Ku cīn ruel tōōŋ ē diāk akōl ku wēēr.

¹³ Ku jal jat γanyin, ke ye acu yen tiēŋ ke pār nhial, ku piēŋ ke cōt rōldīt apēi ku luel, “Ye kērēec ē dāl Ye kērēec ē dā tēnē kōc ē pinyhom rin aabī kārēc yōk, tē le atuuc kōk kadiāk κεη kooth yiic.”

9

¹ Ku koth atuny ē dhiēc kaŋde. Guō kuel cī lōōny ē pinyhom tīŋ, ku yeen acī gām wēnh ē riēt bī yen tēthuth mec yic apēi ŋaany nhom.

² Go tēthuth mec yic apēi ŋaany nhom. Go toldīt apēi bēn bei tēthuth, tol cīt tol manydīt dēp apēi, ku pat tol akōl nyin ku nhial ku looi piny bī cuōl.

³ Ku ye kōryōm yen bō bei tol yic bī la pinyhom, ku gēm riel cīt riel ē kith.

⁴ Go lēk ke bik wal kek tiim ku kākōk cil pinyhom cī rēc, ku ye kōc cīn gup kīn Nhialic kenhūim tuen kepēc kek rēckē ke.

⁵ Keek aake cī Nhialic puōl bik kōc aa yiēk tērem apēi tēn pēi kadhiēc ku cīk kōc nāk. Ku arēm yekē yiēk kōc acīt arēm dhie cī kiēth raan moc.

⁶ Ye pēikā kadhiēc yiic abik wīc bik thou, ku thuōu abī mec ke ke.

⁷ Kōryōm juēcā aake cīt mīthiōōŋ cī guir bik la tōŋ yic. Ku aake ceŋ kacīt ajōm cī looi mīlāŋ tōc kenhūim, ku aake cīt nyīn kōc.

⁸ Ku nhīm tō kenhūim aa bār cimēn nhīm ē diāār, ku aala thook lec cīt lec ē kōōr.

⁹ Ku aala pem kē cīt wēnh dhie ye kōc kepuōth gēēŋ tōŋ yic. Ku duōt ye wuōkken looi tē pēēr kek, acīt duōt riēth dhie ye mīthiōōŋ juēc thel looi, tē le kek tōŋ yic.

¹⁰ Ku yālken aa cīt yāl ē kith, ku kē cīt kek yāl kākā yen ale kek riel bik kōc ya gām tē rem ye pēikā kadhiēc yiic.

¹¹ Ku keek aala bēnyaknhom mac ke, yen atuny tēthuth mec yic, ku rienke acōl riāāk, tēdē ka cōl raan ē kāŋ rac.

12 Kēreec tuj acī thök. Ku ye cök ciēen käreec kək karou thiek apeī aabō.

13 Ku koth atuny ē dātem kanḁe, guō röl piṅ ke bō kam guōk kanuan yiic ariäk cī looi milāṅ tōc kāāc ē Nhialic nḁom.

14 Ku lueel röl tēnē atuny ē dātem wēn muk kaṅ yecin ēlä, “Lony atuuc kanuan wāār cī duōōt piny wārdit Yuparet yic.”

15 Go atuny ē dātem atuuckā kanuan jal lony bīk töōṅ ē diäk ē kōc pinyinhom nōk. Aake cī Nhialic tāu akōldeen alanden.

16 Go lēk ɣen lōn apuruuk aa timtim buōt karou.

17 Ku tiēṅ mīthiōōṅ ku kōc cath ē ke nyuōth yic. Ku kōckā aala pem kēcīt wēnh dhie ye kōc kepuōth gēēṅ tōṅ yic, ku wēthkā aa thith cimēn mac, ku aa mīṅōk ku mīkēth aya. Ku nhīim mīthiōōṅ aa thōṅ ke nhīim kōr. Ku mac ku tol ku kēdēt mac cōl adēp ē bēn bei kethook.

18 Kākkā kadiäk, tol, ku mac ku ban mac cōl adēp bēn bei mīthiōōṅ thook, acī töōṅ ē diäk kōc pinyinhom bēn nōk.

19 Rin riēl mīthiōōṅ atō kethook ku keyāl aya, rin yälken aake cīt kāpieny kenhīim ye kek kōc gām ɣōntōōk.

20 Abēk kōc ē pinyinhom kēc kājuēc reec kōc nōkkā ke nōk, aake kēc luōi käreec puōl acin, luōi ye kek jakreec door, jak cī kiēēt ē wēth ku aleel ku tiim cie daai, ku cīk ye piṅ ku cīk ye cath.

21 Kōckā aakēc luōi käreec puōl, cīt nāāk ē rōt, luōi kāk jakreec, ku luōi ē bal, wīny diāār ku cuēer.

10

Atuuc ē Nhialic ku athōr koor

1 Ku bēn atuny dēt ril apeī tīṅ ke bō bei pan Nhialic ke bō ē pinyinhom. Ee cī luāt kum ku mīit yenhom nhial, ku adēp nyin cimēn akōl, ku diērke kēcīt liēm ē mac.

2 Atuny kēnē amuk athōr thiin koor ṅaany yic yecin, ku cōkden cuēc ēcī tāau adēkdiēet nḁom, ku cōkden ē cam pinyinhom,

3 ku cōōt rōldit cīt dhiēn kōōr. Nawēn cī cōōt ke kēcīt mār ē deṅ gam yerōl arak dhorou nhial.

4 Wēn jiēem kacit mār deṅ kadhorou, ku wēn duēr kāk cīk lueel gāt piny, ke ɣa piṅ rōl pan Nhialic ke lueel, “Duk kāk cī kacit mār deṅ kadhorou lueel lēk kōc kōk, ku duk ke gēt piny.”

5 Go atuny wāār ca tīṅ ke kāāc adēkdiēet nḁom ku pinyinhom aɣeer, ciinden cuēc jat nhial.

6 Ku kuēēṅ rin Nhialic cie thou, ku yen cī nhial ku piny ku wēr, ku kāk tō keyiic ēbēn cak ku lueel, “Nhialic acī bī tīit apeī ēmēn, bī kē cī guir cīi loi tēcīt tē bī yen rot luōi thīn!

7 Ku tē le atuny ē dhorou kanḁe kooth, ke Nhialic abi kēden cī thiaan thāāp cimēn wāār cī yen ye lēk aluōnyke, kōc kākke tīṅ.”

8 Go rōl wēn ca piṅ ke jam nhial ɣen yōōk, “Lōōr lōm athōr koor ṅaany yic muk atuny kāāc adēkdiēet nḁom ku pinyinhom aɣeer.”

9 Guō la tēnē atuny nhial ku thiēc bā gām athōōr. Go gām ɣen ku lueel, “Lōm ku cam. Abī miet yīthok ciēt ye kiēc ku abī rot la wel bī wac yīyāc.”

10 Guō athōōr lōōm ku cam, go miet ɣathok ciēt ye kiēc. Nawēn ɣet ɣayāc ke wel rot bī wac bī ciēt cuēcī.

11 Ku lēk ya əlä, “Yin adhil kē cī Nhialic guir tēnē kəc ɛ pinyndhom ɛbən nyuəəth ɛmən, kəc jam ɛ thok juääc ku bānyŋaknhūm.”

11

Kəc wēt Nhialic lək kəc

1 Go ɣen gām wai, wai ɛ duər cīət tim dhie ye kəŋ them, ku lēk ya, “Ləər them luəŋ Nhialic ku ariäk tō thīn, ku kuen kəc ɛ rōök thīn tēnē ya.

2 Ku duk kal yic tō luak kəu them rin ləŋ kēnē acī gām kəc kēc wətɗiɛ gam. Ku keek aabī gendiɛ kuany kəu ke rəc kəŋ pēi kathiārŋuan ku rou.

3 Ku ɣen abi kackiɛ karou tuəc bīk wēt ɛ yic la lueel. Aabā aləth col, aləth ɛ ləeŋ ciej, ku aabī wətɗiɛ la lək kəc ɛ nīn tim ku buəɗ karou ku thiärdätəm yiic.”

4 Kəckä karou wēt Nhialic nyuəəth, kek aa tiim karou ye miəthken looi ɛ miök, ku kək ye məc adök karou took kenhūm ɛ kəc Nhialic ndhom bəny pinyndhom.

5 Na le raan them ye bī kəckä karou yiək tērem, ke mac abə bei kethook ku nyuəp kəc ater ɛbən. Kəya raan wīc ye bī looi kəya abī Nhialic nək.

6 Aaci Nhialic gām riel bī kek deŋ pēen bī cī tueny nīn bī kek wətde nyuəəth. Aaci gām riel aya bī kek piu waar bīk aa riem, ku colkə kuat kərəc ɛbən abə pinyndhom. Kēnē aləukə bīk aa looi akölaköl təcīt tē wīckə ye.

7 Nawən cī kəckä karou wēt jal nyuəəth ɛbən, ke län roor rac apeɪ bə bei tətthuth mec yic, aabī thər ke ke ku aabī län ke nək,

8 ku guäpken aabī cuat ɛ gək yic gendit wäär cī kek bəny ɛ kəckä karou piäät thīn tim cī riū kəu. Gen kēnē acik gām rin cīt rin pan Thodom ku Ijip.

9 Kuat dhiəth, wuəɗ ku thok pinyndhom ɛbən aabī guäpken aa tiŋ piiny ɛ gək yic nīn kadiäk ku abak, ku acin raan bī puəl bī ke thiök.

10 Kəc pinyndhom ɛbən aabī puəth miət rin cī ɛ kəckä karou thou. Aabī yai looi ku gəmkə röt kəpath kamken, rin cī kəckä karou kəc pinyndhom col agum apeɪ.

11 Təwən cī nīn kadiäk ku abak thök, ke Wēi Nhialic la ɛ kəc wən cī thou gup ku jətkə röt. Go kəc ŋic ke cī ke tiŋ rišəc apeɪ dit.

12 Ku piŋ kəckä karou röl ke cöt pan Nhialic, “Bäk tən.” Gokə la nhial ke kəc aterken daai, ke ke cath ɛ piööl yic.

13 Kaam wən cök ka ayiɛɛkyiɛk dit tet loi rot. Go tööŋ ɛ thiäär ɛ gəu wīk, ku thou raan tiim kadhorou. Ku jəl kəc cī piŋ rišəc ku leckə dit Nhialic tō nhial.

14 Kēnē, yen ɛ thök kərəc ye kek rou, kərəc dēt ye kek diäk abə ɛmən!

Kaŋ ɛ Dhorou

15 Go atuny ɛ dhorou kaŋde kooth yic, guə atuuc nhial piŋ röt ke jam röldit pan Nhialic ku luelkə,

“Nhialicda ku Raan cī dəc ku ləc aaci bāəny pinyndhom ya kēden, ku Nhialic abī mac aköriɛc ɛbən.”

16 Go kəcdit kathiārou ku ŋuan cī nyuc ɛ thöny Nhialic ləəm wīk ke gut kenhial piŋ, ku dorkə Nhialic,

17 ku luelkə,

“Bəny Nhialic Madhəl yen rəər thīn thəer ku yen tō thīn ɛmən.

Yin yeku leec rin cī yin riədu nyuəəth ɣook ku yin acī mäəcdu jəök cök!

18 Ku kəc kuc yiin aake cī puəth riääk rin tən riəŋ ɛ piəndu acī bən tē bī kəc cī thou ɣəth luk yic,

ku tē bī kōc arišpden yōk yīn lušši,
 ku kōc kāk Nhialic tiŋ, ku kacku ēbēn kōc yī door,
 kōckor ku kōcdīt ēbēn aaci bēn.
 Tē bī kōc cī pinyňhom rac nōk aci bēn.”

¹⁹ Go luaj Nhialic nhial ŋaany thok, ku rōŋdīt lōŋ ē dšōr ē tō alōŋthīn. Go kāk cīt bir ē deŋ ku ayiēkyiēk, ku mār ē deŋ ku tueny ē gēi, rōt looi.

12

Tik ku kēdīt cīt jakanuaan

¹ Ku loi kēdīt kōc gōi rot nhial. Tik ē tō thīn ke cī akōl gōōm piny ku pēei yecōk, ku cien ajōm la kōu kuēl kathiäär ku rou.

² Yeen ē tiŋ liac, nawēn cī thišk ke dhiēth, ke rōp ku rem abī dhiau apēi.

³ Ku ben dēt bēn bei nhial kēdīt kōc gōi, ku kēdīt thith cīt jakanuaan la nhīim kadhorou ku tuŋ kathiäär ku ajōm kadhorou kenhīim.

⁴ Ku thēl tōōŋ ē diāk kuēl bei nhial yeyōl ku piir ke pinyňhom, ku bīi ku kēc tiŋ wēn dhiēth nhom bī manh dhiēth tiit bī dhiēeth bī cam.

⁵ Go tik manh ē moc dhiēeth, yen bī kōc pinyňhom mac ke cīn aŋuān. Go atuny nhial bēn ku rum meth man cin ku yēth nhial tēnē Nhialic thōnyde nhom.

⁶ Go tik riŋ roor tē cī ceŋ, tē cī Nhialic guir tēnē ye bī yen la rēer thīn, bī la muk ē nin tim ku buot karou ku thiārdātem.

⁷ Go tōŋ rot looi pan Nhialic. Atuny cōl Maikel ku atuuc kōk aaci bēn thōr kek kēdīt wēn cīt jakanuaan ku atušōcke.

⁸ Ku kēdīt kēnē aci bēn tiaam, ku aci bēn cuōp wei pan Nhialic.

⁹ Maikel kek atušōcke aaci kēdīt kēnē kek atušōcke bēn cuōp wei pan Nhialic. Kēnē yen ē Bēny jakrēc diit wāar ye lueel ka cōl kēpiiny, yen raan ēbēn cōl aloi awuōc. Acik bēn cuat pinyňhom kek atušōcke ēbēn.

¹⁰ Ku piēŋ rōldīt ke cōt pan Nhialic ku lueel,

“Ēmēn, tē bī Nhialic kōc lušk aci bēn! Ēmēn, Nhialic aci riēlden yen bēnyŋaknhom nyuōth! Ēmēn, Raanden cī lōc ku dōoc aci riēdle nyuōth! Rin raan wāar ē kōōc Nhialic nhom ku gōony miēthakua akōl ku wēer, aci cuōp wei pan Nhialic.

¹¹ Miēthakua aaci jōŋrac tiaam rin cī Manh Amāäl rot juaar bī nōk riēnkua ku rin cī kek wēt yic lēk raan ēbēn, ku keek aa kēc wēiken nhiaar bīk rišōc ē thou.

¹² Week ēbēn, wek kōc rēer pan ē Nhialic miētkē puōth, ku kuat kē rēer ē pinyňhom ku wār abī gum apēi dīt. Rin jōŋrac aci cuōp ē pinyňhom tēnē ke, ku yen acit puōu mac rin acin nin juēc cī pāl ye bī yen luui.”

¹³ Nawēn le kēdīt cīt jakanuaan ŋic lōn cī ye cuat pinyňhom, ke cop tiŋ wēn cī manh moc dhiēeth bī dōm.

¹⁴ Go tik gām wušk cīt wušk acu ku bī cōl apēer tēden wāar roor tē cī cien. Ku bī yen la tiit thīn run kadiāk ku abak, ku akēc jōŋrac bēn lēu bī yiēk tētōk.

¹⁵ Ku ŋōk kēpiiny piēu dīt cīt aboor yethok rin bī tik mou.

¹⁶ Go tōm pinyňhom tik kony, rin cī yaardīt apēi piny dai yic, ku wet piū thīn yōŋyōr.

¹⁷ Go kēdīt cīt jakanuaan puōu riāäk tēnē tik apēi ku le thōr kek miēthken kōk cī lōōŋ Nhialic theek, ku mukke wēt yic cī Jethu nyuōth.

18 Ku la jəŋrac kəɔc ɛ wār nhom.

13

Lāai karou

1 Ku tiɛŋ lān roor rac apei ke bə bei adəkdiɛt yic. Ku ala nhūim kadhorou ku tuŋ thiāār la nhūim ajəm kathiāār. Ku kenhūim ɛbən rin aaci gət rin ɛ Nhialic tɔn guɔp.

2 Lān wən ca tiŋ acit kuac, ku adit cək kek riööp bɛɛr la kəth nhim, ku acit thok köör. Acı kədiit cit jakanuaan gām rielde bi nyuc ɛ thöoc nhom cit bənyəknhom la ye cək.

3 Nhuom tək, nhūim ɛ lān kənɛ ala yic piāār cit piāār tətök dit apei ku jəl dem. Koc ɛ pinynhom ɛbən aake ci gāi ɛ lān kənɛ ku buothkɛ.

4 Keek ɛbən aake ye jəŋrac door rin ci yen lēi gām riel, keek aya aake ye lēi door, ku luelkɛ, “Acin kəril cit ɛ lān kənɛ. Acin raan lēu bi thər kek ye.”

5 Go lēi puəl bi jal nhiam apei, ku ye Nhialic lat. Go Nhialic pāl riel kənɛ tənɛ pēi kathiārŋuan ku rou.

6 Ku jəl lēi jam ku lɛɛt Nhialic kek kəcken rɛɛr nhial paande.

7 Acı Nhialic puəl bi thər kek koc Nhialic ku tiɛm ke. Ku ɛci gām riel koc pinynhom nhūim ɛbən.

8 Kwat raan rɛɛr pinynhom ɛbən abı ye adoor, koc cıi ye bi ya door aa koc ci rienken gət athör pir yic, ke piny kɛc guɔ cak. Athör kənɛ ɛ kən Manh Amāäl wāär ci nək.

9 Na lakkɛ yith, ke we piŋ apath,

10 “Kwat kɛ ci Nhialic guir bi rot luıi yi abı rot dhiel looi kəya. Raan bi mac, raan bi teem röl ɛ pal abı teem röl. Wɛt kənɛ ɛ lən bi koc ci gam dhiel gum ku rilke puəth gamden yic.”

11 Ku tiɛŋ lān dɛt ke bə bei piiny, ke la tuŋ karou cit tuŋ jəŋrac.

12 Yeen alui riel cit riel lān tuɛŋ ke ŋic lān tuɛŋ, ku theny koc ɛ pinynhom thın bik lān tuɛŋ aa door, lān wāär ci tətök dem yenhom.

13 Ku looi kəkdiit jəŋ gōi. Ee ye mac cəl alöony piny nhial ke koc ɛbən daai ɛ ye.

14 Lān ciɛən kənɛ acı puəl bi kəkdiit jəŋ gōi aa looi ke lān tuɛŋ daai thın. Rin ɛ kəkka yen acı yen koc pinynhom wəŋ bik la yecök. Aacı bən yöök bik kədäŋ buth bi kek lān tuɛŋ kiɛt ku yekɛ door, lān wāär ci nək ɛ pal ku ben pir.

15 Lān ciɛən kənɛ acı puəl bi wēi yəth kəwən ci lān tuɛŋ kiɛt yic, rin bi ya jam ku cəl koc cıi ye ye door anək.

16 Ku yöök lān ciɛən koc ɛbən, bəny ku kic, ajak ku raan ŋəŋ, alony ku raan lāu nhom, bi raan ɛbən kit tāau kəŋden cuɛc, tɛdɛ ke tɛɛu yenhom tuɛŋ.

17 Acin raan ci puəl bi kɛde yaac, tɛdɛ ke yəoc ke cin nhom kit kek rin, tɛdɛ ke ye akuən rienke nyuəoth.

18 Yin adhil kəŋ ŋic apath ba kənɛ jal deet yic. Raan la kə ŋic adhil kənɛ döt yic, bi akuən ɛ lān ŋic, rin akuən akāac nyin rin ɛ raan, akuən ɛ buət kadātem ku thiärdātem ku dātem.

14

Manh Amāäl ku kacke

1 Ku jol lä diel ya nyin piny, ke ye Manh Amääl yen tiēŋ ke kääc gōt nhom Jeruthalem, kek kacke tim buōt ku thiārŋuan ku ŋuan cī rin Manh Amääl ku rin Wun gōt kenhūim tuēŋ.

2 Ku piēŋ rōl nhial kecīt arōöl ē piū kat apēi. Aye piŋ kecīt mār denj thiēk apēi, tēdē ke ye thoom juēc gut.

3 Ku kääc kōc tim buōt thiārŋuan ku ŋuan ē thōōc nhom tuēŋ, ke ket waak yam lääi pīr kaŋuan ku kōcđit nhūim. Waakkā acīn raan lēu bī ke ket, aa keek kek kōc cī Nhialic luōk ē rōt.

4 Keek aa kōc cī rōt tiit cie wīc ē diäär. Keek aa kōc la cōk. Ee Manh Amääl yen aye kē buōth cōk kuat tē le yen thīn. Kōckā kek aacī luōk kam kōc ēbēn, aa kōc ē Nhialic ku Manh Amääl, aa cīt rap ē yam dhie ye juēr Nhialic.

5 Ku keek aa kēc lueth kaŋ lueel. Ku acīn kēƆƆƆ cīk kaŋ looi.

Atuuc nhial kadiäk

6 Ku tiēŋ atuny dēt ke pār aliir yic nhial ke muk athōr Wēt Puōth Yam, wēt pīr akōlriēc ēbēn tēnē kuat dhiēth ku wuōt ku thok pinynhom ēbēn.

7 Ku lueel rōldīt, “Thēkkē Nhialic ku lēckē rin dīt yen apēi. Rin nīn aacī thōk, nīn bī yen kōc ē pinynhom yāth ē luk yic. Duōrkē rin yen aa cak nhial ku piny ku wērdīt ku nyīn ē piū.”

8 Ku buōth atuny rou atuny tuēŋ cōk, ke ye lueel ē rōldīt, “Gendīt Babilon acī rac ēbēn. Babilon ē ye kōc pinynhom cōl adek muōn kec apēi, muōn ke cōl aloi kāk ē bal cī Nhialic bēn rac puōu.”

9 Ku buōth atuny ē diäk atuuc tuēŋ wēn karou cōk, ke ye lueel rōldīt, “Raan lān kēnē door kek kēden cī kiēēt, raan la kīn ē lān kēnē yenhom tuēŋ, tēdē ke ye yecin.

10 Abī muōn riāŋ puōu ē Nhialic dhiel dek, muōn kēnē ē kē cī Nhialic puōk ē bīny riāŋ piānde yic. Kōckā aabī dēp many bēn bei kuur yic tuc apēi, ka atuuc nhial ku Manh Amääl daai thīn.

11 Many bī ke nyop kēnē abī ke reem akōlriēc ēbēn. Kōc ē lēi ku kēden cī kiēēt ku kuat raan la kīn ē rienke, acī bī kaŋ lōŋ acīn akōl ku wēēr.”

12 Kēnē wētde yic ē lōn bī kōc ē Nhialic kepuōth dēet, kōc lōōŋ ē Nhialic theek ku lek gam tēnē Jethu.

13 Ku piēŋ rōl nhial ke cōt ku lueel, “Dhil gōt, kōc mit gup aa kōc thou ēmēn rin cī kek wēt Bēny gam.” Ku lueel Wēi Nhialic, “Ee yic Ålanden! Keek acī bī bēn gum athēer. Kāk cīk looi aabī cath ke ke.”

Tēmtēm pinynhom

14 Ku lä daai nhial, ke ye luäär yer yen tiēŋ ku kecīt Manh raan ke cī nyuc ē piōōl nhom, ku ala nhom ajōm cī looi mīlāŋ tōc, ku amuk pal moth thok yecin.

15 Ku bō atuny dēt bei luanj Nhialic ku jīēm rōldīt tēnē raan cī nyuc ē piōōl nhom, “Jōk luōi cōk ye pal kēnē, kāk tem pinynhom aacī luōk, ku akōlden bī ke tem acī bēn.”

16 Go raan wēn cī nyuc ē piōōl nhom palde met yic ku ler luōide yic, ku kēya, kēriēc ēbēn pinynhom acī tem.

17 Ku tiēŋ atuny dēt ke bō bei nhial luanj Nhialic ke muk palden moth aya.

18 Ku bō atuny wēn mukriel ē mac bei ariäk lōōm. Ku cōl atuny wēn mukpal moth rōldīt ku lueel, “Lōm paldu ku tem abiēc dom yic pinynhom rin abiēc acī luōk.”

19 Ku jol atuuc palde met yic ku jol abiēc tem piny, ku kuut keyiic ku yēth ke tē bī ke la nhiaç yiic thīn, rin riāŋđit puōu Nhialic.

²⁰ Abiēc ēci nhiaç geu k̄su ayeer, go ya riem yen loi kuēer, abi riem löl bār k̄su apei ku thuuth yic looi.

15

Kādīt rec bī atuuc nhial bēēi

¹ Ku tiēŋ kēdit dēt k̄oc ḡsi nhial. Kēnē, aake ya atuuc kadhorou la riel bīk k̄areç apei kadhorou ḡam k̄oc, ke ye kek awuṣ̄oc ciēen bī Nhialic tēm k̄oc rec, rin kek aabi riāŋ ē piānde jāl thök.

² Ku tiēŋ kēcit adēkdiēt le piū nyīn kīr thīn cī liāap kek kēcit mac. Ku tiēŋ k̄oc wäär cī lēi kek kīnden cī ye kiēt tīaam aya, agut lān wäär ye riēnke ŋic akuēn. Keek aake k̄aac adēkdiēt le piū nyīn kīr ȳou ke muk thom cī Nhialic ḡam ke,

³ ku ketkē waak Mothith alony ē Nhialic, ku waak Manh Amāal ēlā, “Yīn Nhialic, yīn aril acīn kē thōŋ ke yīn, kāk ye looi aa path ku aa k̄oc ḡoi!

Ee yīn amac pinynhom ēbēn, kuat kāk ye looi ēbēn aala cök ku aa yith.

⁴ Raan ēbēn abi riṣ̄oc ē yīn Bēny! Ku riēnku abi leec athēr!

Ee yīn ē rot yīn Nhialic ē yic.

K̄oc ē pinynhom aabi ya bēn ku dorkē yīn.

Raan ēbēn acī tēpeth ye yīn luui thīn tūŋ.”

⁵ Nawēn ē kēnē cök, ke ya tūŋ luāŋ Nhialic ke ŋaany thok, kek duēl Nhialic nyuṣ̄oth alon̄thīn.

⁶ Ku bō atuuc nhial kadhorou, wäär muk kādīt rec apei kadhorou bei luāŋ ē Nhialic. Keek ēbēn aake ciēŋ alēth yer la diardiar, ku karkar cī looi milāŋ t̄oc aa cīk kaar kepuṣ̄th.

⁷ Go lān t̄ok kam lāai wäär pīr kaŋuan, atuŋny t̄ok ya atuuckā ḡam aduŋ milāŋ t̄oc la yic awuṣ̄oc thiek bō tēnē Nhialic pīr akōlriēec ēbēn, bī ḡam k̄oc ē pinynhom.

⁸ Duēl ē Nhialic ēci tol paat yic piny, tol bō diik ku riel Nhialic yic. Ku acīn raan lēu ye bī la thīn, yet tē bī k̄areç dīt apei kadhorou wäär muk atuuc nhial ku bīi ke pinynhom, kaŋ thök.

16

K̄areç dīt apei ciēen kadhorou

¹ Guṣ̄ röldīt apei piŋ ke cōt luāŋ pan Nhialic yic, ke ye lueel tēnē atuuc nhial kadhorou ēlā, “Lak pinynhom ku gamkē kādīt rec ciēenkā kadhorou, k̄areç riāŋ puṣ̄o ē Nhialic.”

² Go atuny tuēŋ k̄ereç cī Nhialic lēk ye bī ḡam k̄oc ē pinynhom gam. Go ya yōntōok rec rem apei kek tul k̄oc la gup kīn lēi gup, ku k̄oc kēden cī kiēt door aya.

³ Go atuny ē rou k̄ereç cī Nhialic ḡam ye bī ḡam k̄oc pinynhom gam. Go ya piū adēkdiēt kek wel röt bīk ya riem, ku thou kāk pīr rēer piū yiic ēbēn.

⁴ Go atuny ē diāk k̄ereç cī Nhialic ḡam ye bī ḡam k̄oc pinynhom gam. Go ya piū wēr yīth ye dek kek wel röt bīk ya riem.

⁵ Guṣ̄ atuny yen muk piū pinynhom piŋ ke lēk Nhialic, “Yīn acī yic tēk k̄oc ē k̄areçkā yiic, tēdu kan ēmēn ku tēthēr yon, ee yīn apath yītōk rin le luōŋdu cök.

⁶ K̄oc rec wäär cī kacku ku k̄oc kākku tūŋ nōk aaca ḡam riem bīk dek, yen kēpath ke ke.”

7 Ku piēŋ raan röl ke dhiau tēn ariäk ku lueel, “Ee tēde Bēny Nhialic Madhəl, käreç ca gam aa yith ku aa la cök, luk aca ŋeç looi!”

8 Go atuny ē ŋuan kēreç cī Nhialic gām ye bī gām kōç pinyñhom gam. Go akōl tuōç apeī, ee cī Nhialic puōl bī kōç nyop atuōç.

9 Kōç aake cī atuny akōl nyop apeī abī ke gām gup yōntōök. Gokē Nhialic lat guōp, Nhialic yen bīi käreçkă, ku cīk luoi käreç päl ku cīk Nhialic ye leec.

10 Ku gēm atuny ē dhiēç kēreç cī Nhialic gām ye ku ler ku tēēu thōny län rac ñhom. Go ya muōōth yen kum kōç mēç lēi piny arēk abīk kethook aa kac rin arēem,

11 ku yekē käreç apeī lueel ē Nhialic guōp rin arēem ku yōntōök rēēr kegup, ku cīk luoi käreç päl.

12 Go atuny ē dātem kēreç muk gam, go ya wārdit Yuparet yen döu, bī bānyñakñhūm lōŋ ciēēn puōl bīk tem kek apuruōōkken.

13 Ku tiēŋ wēi jakreç kadiäk cīt aguek. Keek aake bō bei kēdit cīt jakanuaan thok, ku län rac thok, ku thoŋ län wāär aya bō kek wēt ē lueth yen kōç wēŋ nyin.

14 Keek aa wēi jakreç ē cath ke loi kāk kōç gōi. Wēi jakreçkă kadiäk aa bāny pinyñhom ēbēn kuōōt ñhūm bī ke yāth tōŋ yic. Tōŋ kēnē ē tōŋ bī rot looi luñdit bī Nhialic Madhəl luk looi tēnē kōç pinyñhom ēbēn.

15 Aye Bēny lueel, “Piēŋkē! Ÿen abō cīt ya ye cuār wakōu. Raan mit guōp ē raan ba yök ke kēç nin, ciēŋ alāthke, rin bī cīi cath ke cīn alanh ciēŋ bī guōp yār tē tiŋ ye.”

16 Ku jōl wēi jakreçkă bānyñakñhūm kuōōt ñhūm tē ye kōç Itharel cōl, Amagedon.

17 Ku jōl atuny ē dhorou kēreç muk päl aliir yic. Go Nhialic jam rōldit ñhial ē thoōç ñhom luāŋde ku lueel, “Kuat kēkith ēbēn acī luōōi tēcīt tēde.”

18 Ku bier deŋ apeī, ku mēēr ē mār thiek ku looi ayiēēkyiēēk rot abī kōç riōōç ēbēn. Acin kēdit cīt kēnē cī rot kaŋ looi tēnē çek ke raan pinyñhom, ayiēēkyiēēk reç piny cīt kēnē.

19 Go gendit Babilon yeyic tek ē diäk, ku wit ayiēēkyiēēk gēeth ē pinyñhom juēç, ku kēya, ke Nhialic tēm gen Babilon awuōç thiek apeī rin riāŋ piānde.

20 Tēwēn le piny rot yāäk ke yōn thōny wīir mār, ku la gat ñir piny ēbēn.

21 Go gōidit thiek apeī löōny piny ñhial ē kōç ñhūm. Ku kēya, ke kōç lēēt Nhialic rin cī yen deŋ cōl atueny gōi thiek apeī cī piny bēn rac.

17

Tiŋ rac adējōök

1 Go atuōny tōk atuuc wāär bō ñhial kadhrou muk käreç kadhrou bēn tēnē ya ku lueel ēlā, “Bāär ba yī nyuōth tē bī Nhialic ē tiŋ reç adējōök tēm awuōç thīn, yen tiŋ rēēr wēr yōth.*

2 Bānyñakñhūm ē pinyñhom aacī käreç apeī, kāk ē bal looi kek ye, ku kōç ē pinyñhom aake ye miānde dek bīk wīēet, ku tē cī kek wīēet ka jōl käreç apeī kāk ē bal looi kek ye.”

3 Go Wēi Nhialic la ya guōp, ku nyiēēi atuny Nhialic ya ku yēth ya roor tē cīi ciēŋ. Ee tēēn ke ya tiŋ tiŋ cī nyuc län thith kōu, län la ñhūm kadhrou ku tuŋ kathiāär cī guōp thiāŋ rin ē Nhialic lat guōp.

16:10 B.bei 10:21 16:12 Ith 11:15 16:15 Mt 24:43-44; Lk 12:39-40; Ny 3:3 16:16 2Bŋ 23:29; Dhāk 12:11 16:18 Ny 8:5; 11:13, 19 16:19 Ith 51:17 16:20 Ny 6:14 16:21 B.bei 9:23; Ny 11:19 * 17:1 Wētde yic gen Babilon. (Jer 51:13) 17:2 Ith 23:17; Jer 51:7 17:3 Ny 13:1

⁴ Tik a cienj alanh thith ku alanh mathiān. Ku aci mīlān tōc ku kākōk la diardiar ku guēt dhēn thiān yeguōp. Ku amuk adun cī looi mīlān tōc cī thiān kāracken ē bal ye looi.

⁵ Ku yenhom tuerj aci rin gōt thīn rin cie deet yiic. Rin ye lueel ēlā, “EE YEN BABILONDĪT, YEN Ē MAN DIĀĀR RĒC ĒBĒN, YEN AYE KĀRĒC JĀL THĪN KĀRĒC Ē PINYNHOM ĒBĒN.”

⁶ Ku tiēn tiŋ wēn ke cī wiēt riēm ē kōc Nhialic wāar cī ke nōk, rin cī kek wēt Jethu gam.

Ku wēn tiŋ yēn ye, guō gāi apēi.

⁷ Go atuny nhial ya thiēc, “Yenō cī gōi? Yīn aba lēk wētde yic yēn kēnē, ku lān cieth yēn la nhīim kadhōrou ku tuŋ thiāar.

⁸ Lān yēn ca tiŋ ēmēn aci kaŋ pīr thēer, ku aci ben pīr ēmēn rin abī bēn bei piiny tēthuth mec yic akōldā, ku abī jal la rōm ke riāāk. Kōc pīr ē pinynhom kēc Nhialic gāt athārde yic, athōr ē pīr thēer kēc piny cak, aabī gāi tē tiŋ kek ē lān kēnē. Aci kaŋ pīr, ku aci ben pīr ya akōlē, ku abī bēn dhuk pinynhom.”

⁹ Go atuny nhial lēk ya, “Kēnē awīc raan ŋic tak. Nhīim kadhōrou aa rēer nyīn kuōr kadhōrou kek cī tik nyuc kēnhīim.

¹⁰ Kek aa bānyaknhīim kadhōrou aya. Bāny kadhiēc kamken aaci liu. Raan tōk aŋot ye bēnyaknhom ēmēn ku dēt aŋot kēc bēn, ku na le bēn ka bī rēer ē bāny yic kam koor.

¹¹ Ku lān bī bēn bei tēthuth, yēn abī ya bēnyaknhom ye kek bēt. Ku yēn ē raan kam bānyaknhīim kadhōrou, ku yēn abī rōm ke riāāk.

¹² “Tuŋ kathiāar ye ke tiŋkā, aa rēer nyīn bānyaknhīim kathiāar kēc baai guō mac, ku aabī riel dhiel yōk bīk baai mac kek lēi kam thiin koor.

¹³ Wētde n ē tōk, abīk gam kedhie bīk bānyden thōn lēi.

¹⁴ Bānyaknhīim kathiāar ku lēi aabī keyiic mat ku thērēk kek Manh Amāal. Ku keek aabī Manh Amāal kek kacke ke tiaam, rin Manh Amāal yēn ē bēnydīt ē bāny, ku bānyaknhīim ku kacke kek aa kōc cī Nhialic kuany ku cōol ke, ku kek aa kōc cī wētde gam.”

¹⁵ Go atuuc lēk ya, “Pīu ye tiŋ cī tik nyuc kēnhīim, aa rēer nyīn kōc ē pinynhom ēbēn.

¹⁶ Lēi ku bānyaknhīim kathiāar ca tiŋ aabī kēnhīim wēl adējōn kēnē. Abīk dām ku thatkē ku retkē kōu, ku pālē ke cīn kē cienj. Aabī guāpde cuet. Abīk rac ku yōt abān cī dōn ē mac.

¹⁷ Bānyaknhīim kathiāarkā aabī ē kēnē looi, rin cī Nhialic ye tāau kepuōth bīk bānyden gām lēi, rin wīc Nhialic ye kēya. Aabī lāai theek yet tē bī kē wīc Nhialic thōk.”

¹⁸ Go atuny nhial lēk ya, “Tiŋ ca tiŋ kēnē ē gēndīt yēn mac bāny pinynhom ēbēn.”

18

Nhialic aci Babilon rac

¹ Nawēn ē kēnē cōk ke ya ben atuny nhial dēt tiŋ ke bō bei nhial pan Nhialic, ku atuny kēnē ala riēldīt apēi. Ruēl dīit yēer wēn bō bei tēnē yēn aci pinynhom ēbēn bēn looi bī yēr.

² Ku cōōt rōldīt apēi,

“Gēndīt Babilon aci riāāk. Kōc aaci kat thīn ēbēn.

Acīn raan cī dōn thīn, aa jakrēc ku diēt rēc cīt awujoon.

³ Kāreċ ē bal ye looi gen Babilon aaci yen ke pinynhom ēbēn liäap, bi bāny pinynhom keek aa looi kāk ē bal, ciēt ke cī mušn kec apeī dek. Ku tēēn yen aci Nhialic rac pušu yeguōp. Ku kōc ē pinynhom aake ye γōc thīn ku loikē kāreċ Nhialic rac pušu.”

⁴ Ku piēn rōldēt ke jam nhial ku lueel, “Kackiē jālkē geeu! Ku bi week cīi met awuōc looi keek yiic kā, ku bi Nhialic we cīi yīk kādīt rēc apeī cīmēnden.

⁵ Awuōscken cīk looi aaci juēc nawēn ke la nhial abīk Nhialic dōōt bik la rac pušu. Go Nhialic awuōckā yōk ēbēn, ku aaci bi kaŋ pušl ke cīi tēm awuōc.

⁶ Dhielkē luši kāreċ cīt kāwāār cī kaŋ aa luši week. Dhielkē kāreċ wāār cī looi cool kāk wār kāk wāār cī kaŋ luši kōc kōk. Adhielkē gām mušn kec apeī bi wiēt cīt tēwāār ye luši kōc kōk.

⁷ Ee nhiam rielden dīt rēēr ke yeen, ku pīrden rēēr yen kāpath yiic. Adhielkē gām kē rem yeguōp thōŋ kek miēt ē pušu dīt rēēr yen thīn. Rin ye yen rot leec ēlā,

‘Ŷen tiŋ dīt ŋaknhom mac paandiē ē riēl cīn ke tem ŷanhom, ŷen acīn mony bi thou ku ba dhuur.’

⁸ Rin ye Babilon jīeem kanhiaam kēya, ee kaam thīn koor ku abi Nhialic kādīt rēc apeī cōl aabō tēnē yeen cīmēn tuaany, ku cōŋdīt apeī ku thuōu. Abī γōt mac bi nyop ēbēn, rin Bēny Nhialic yen bi ye tēm awuōc, ala riēldīt apeī.

⁹ “Bāny ē pinynhom wāār cī kāreċ looi kek ye aabi dhiau ku lōōnykē pušth tēnē ye, tē tiŋ kek tol many cī ye γōt nhom tēmec.

¹⁰ Aabi kōc tēmec, rin cī kek riōc ciēt ke bi gām awuōc thiek cīt kēn cī gām Babilon, rin wāār cī kek kāreċ looi aya kek ye. Abīk aa lueel, ‘Ye kēreċ ē dē, gendīt Babilon, gen ril yen cī guō riāäk ye kam thīn yic!’

¹¹ “Kōc ē γōc pinynhom aa dhiau rin Babilon, rin acīn raan bi kākken bēn lōk γōc.

¹² Mīlōōŋken tōc, ku alēth path, alēth cī looi mīlār thith ku guēt path ku kāpuōth kōk cie lac yōk ku tuŋ aa kōn, ku kuōr path la diardiār, acīn raan bi keek bēn lōk γōc tēnē ke.

¹³ Miōk ŋīr, māäu ku abiik, ku yōk ku thōk, ku mīthiōōŋ ku lāāi kōk baai ku tiim path ku aloony, acīn raan bi ke lōk γōc.

¹⁴ Abī kōc γōc aa lueel tēnē Babilon ēlā, ‘Kuat kāpath wāār ye ke cam, ku kāpuōth wāār ye ke ciēŋ aaci rac, ku aaci bi bēn yōk acīn.’

¹⁵ Kōc ē γōc wāār cī jak rin ye kek kākken yōc ye aabi dhiau tē tiŋ kek ye ke dēp. Aabi ya kōc tēmec rin wāār cī kek mat kek ye ciēt ke bi mat ē riāäk yic aya.

¹⁶ Abīk aa lueel, ‘Ye kēreċ ē dē tēnē gendīt cīt kēnē, gen dīt dhēŋ cīt raan ceŋ mīlōōŋ tōc ku guēt path yeyeth!

¹⁷ Rin kākā aaci guō bēn māār nyin yic.’

“Kōc ē riāth geer adēkdīeēt yiic, ku kōc la kākken yekē keek la ŷaac riāth yiic, kāk ye kek pīr thīn aabi kōc tēmec,

18 ku dhiεεukē tē tīŋ kek tol nhom ke dēp geeu kek kāk tō thīn ēbēn, ku jōlkē ya lueel, 'Makei! Acīn gendīt cī kaŋ cīēt ē gen!'

19 Ku jōlkē kenhīim pot ē neth bīk nyuōoth lōn cī kek puōth lōny ku dhiεεukē apei ku luelkē,

'Makei! Cī gendīt riāāk kēya?

Gendīt wāār ye kōc la riāth jīεek la yōk thīn, yen cī guō riāāk ye kaam thīn yic kek kāk tō thīn ēbēn!

20 Kōc rēēr pan Nhialic miεtkē puōth rin cī Nhialic Babilon rac.

Miεtkē puōth kōc ē Nhialic ku atuuc ē Raan cī lōc ku dōc, ku kōc kāk Nhialic tīŋ rin cī Nhialic Babilon tēm awuōc tēcīt tēn kāreε wāār cī keek luōi week.' "

21 Ku tiēŋ atuny Nhialic ril cī kuurdīt thiek kuany ku piir wīir adēkdiεet yic ke lueel,

"Kēnē yen ee tē bī gendīt Babilon rac thīn, ku acī ben tīŋ acīn.

22 Yīn Babilon acīn lāār bī ben piŋ yiic tēdu, ku acīn kēēt bī ben piŋ rōt ke gut thom, tēdē ke ye keŋ kooth yiic.

Kockun atēēt ēbēn aabi māār, ku wēthkun ye rap guur abī cīēn rap ben guur thīn.

23 Ku mēc acī bī kaŋ ben tīŋ nyīn ke dēp, ku acīn ruēi bī ben looi, rin kōckun ē yōc kek aake ye kōcdīt pinyinhom, ē pinyinhom cam tēbāār ē ruēeny."

24 Nhialic acī Babilon tēm awuōc rin le yen guōp awuōc cī yen kōc kāk Nhialic tīŋ nōk, ku kōc juēc kōk ē Nhialic, Babilon ala guōp awuōc cī yen kōc juēc ē pinyinhom ēbēn nōk.

19

Riāŋ ē Babilon ē kōc Nhialic miēēt puōth

1 Tēwēn cī atuny ril thōk ē jam, ke ya piŋ kōc rōt nhial ke loi kiεeu apei ku luelkē,

"Lecku Nhialic! Nhialic yen acī yō luōk, diik ku riεl aa kāk Nhialicda kedhie.

2 Luōŋde ee yic ku ala cōk.

Yen acī tīŋ adējōök wāār ŋiεc tēm awuōc thōŋ kek kāk cī luōi kōc ē pinyinhom. Babilon cī pinyinhom rac, rin rim kōc Nhialic atō yecin."

3 Ku ben thān awēn loi kiεeu yai cam,

"Lecku Nhialic!

Babilon abī dēp ku many nyop ye abī tol ya la nhial akōlriēēc ēbēn."

4 Ku tiēŋ kōcdīt kathiārou ku ŋuan, ku lāāi pīr kaŋuan ke gut kenhīol piny ē Nhialic nhom ku dorkē ke cī nyuc thōnyde nhom,

"Yenakan, Lecku Nhialic!"

Yan thiēŋ Manh Amāāl

5 Ku piεŋ rōl ke cōt thōōc lōōm ku lueel,

"Wek aa dhīl Nhialicda leec, week ēbēn, kōc ril ku kōc niōp, wek kōc thek yeen ēbēn ye door."

6 Ku piεŋ kōc juēc ke loi kiεeu nhial apei, ke loi arōōl cīt arōōl ē pīu kat apei, ku cīt mār deŋ ku luelkē,

“Lecku Nhialic! Rin Bānyda, Nhialic Madhəl ee Bēnyṅaknhom!

⁷ Jolku puōth miēt ku lecku Nhialic, rin cī nīn thiēṅ Manh Amāäl thök, ku nyan thiak aci rot guuir bī lor.

⁸ Aci Nhialic ruōk alēth path cīn gup acuol bī keek cienṅ.”
Alēth path aatō nyin kāpath ye raan luōi Nhialic.

⁹ Go atuuc lēk ya, “Gāt wēlkā, kōc mit puōth aa kōc cī cōl ē yan thiēṅ Manh Amāäl yic.” Ku met thīn ēlä, “Wēlkā aa wēl ē yith bō tēnē Nhialic.”

¹⁰ Guō ṅanhiaal guōt piny yenhom ba door. Go lēk ya, “Duk loi kēya! Ee Nhialic yen aya luōi cīmēn ye yīn ku miēthakun cī gam, kōc cī yic cī Jethu nyuōth, buōth yic. Ee Nhialic ē rot yen aye door.” Rin yic cī Jethu nyuōth yen ē kōc cōl agam wēt ē Nhialic.

Raan cath mathiāṅ yer

¹¹ Ku tiēṅ pan Nhialic ke ṅaany thok, go ya mathiāṅ yer yen tiēṅ thīn kek raan cath ē ye. Ee yen raan ē Nhialic luōi ē puōn yer, kuat kāk ye looi ēbēn aaya yith, tē looi yen luk tēdē ke ye tōṅ, ka la cōk ēbēn.

¹² Yen adēp nyin cīmēn mac, ku acieṅ ajōm juēc yenhom. Aci gāt kōu rin, ku ē yen aṅic riēnke ē rot.

¹³ Ku acieṅ alanh bār yekōu cī kōu thiāṅ ē riēm. Ku riēnke aa, “Wēt ē Nhialic.”

¹⁴ Abuōth apuruuk Nhialic ke cienṅ alēth yer, ku aake cath mīthiōōṅ yer.

¹⁵ Ku pal moth ē bēn bei yethok bī yen kōc ē pinyṅhom tōk. Abī kōc pinyṅhom mac ke cīn aṅuān, aabi nḥiac yiic cīmēn mōn nḥiēc bei athuāāi yic, bīk riāṅ puōu ē Nhialic yōk kegup.

¹⁶ Ku alanhde kōu ku yeṅām, rin aci gōt thīn ēlä, “Bēnyṅaknhom ē Bānyṅaknhīm, Bēnydīt ē Bānydīt ēbēn.”

¹⁷ Guō atuny nḥial kāac akōl nyin tīṅ, ke cōl diēt pār aliir yic ēbēn ku lueel rōldīt, “Bāk tēn, bāk bēn mīth miēthdīt ē thēi cī Nhialic guuir!

¹⁸ Bāk ṅuetkē gup bānyṅaknhīm, kōcdīt apuruuk, kōcdīt ril, gup mīthiōōṅken ku kōc cath ē ke, gup kōc ēbēn, kōc aloony ku kōc cie aloony, kōcdīt ku kōc kor!”

¹⁹ Ku tiēṅ lēi ku bānyṅaknhīm ē pinyṅhom kek apuruōōkken, ke kuut kenhīm ēbēn bīk la thōr kek raan cath mathiāṅ ku apuruōōkke.

²⁰ Go lēi dōm, kek raan wēt lueth wēṅ yen kōc nyīn lueel, raan kāk kōc gōi looi, bī kōc la nḥīm kīn lēi kenhīm tuēṅ muōr rin kākken kā ku dorkē kēden cī kēēt. Go keek ēbēn karou piēer manydīt tuc apei bēn bei kuur yic ke pīr.

²¹ Ku nāk apuruōōkken ēbēn ē pal bēn bei raan cath mathiāṅ thok. Ku guāpken aaci diēt bēn ṅuet.

20

Ruōōn tiēm tōk

¹ Ku tiēṅ atuny nḥial ke bō piny, ke muk wēnh ye tēthuth mec yic tuer thok, ku luṅ arēk dīt thiēk apei.

² Ku dōm atuny nḥial kēdīt cīt jakanuaan, kēpiiny thēer yen jōṅrac dīt ē pinyṅhom, ku rek ē ruōōn tiēm tōk.

³ Ku piir tēthuth mec yic apei, ku riit thīn ku thiōōk thīn ē thaany. Ku abī rēer ē tēēn ē ruōōn tiēm tōk. Ku kēya aci bī lēu bī kōc pinyṅhom bēn tuōōr nyīn. Ku na la runkā thök ke yēen abī pāl ayeer ē kaam koor.

⁴ Ku tiēŋ kɔc ke cī nyuc ē thōc nhīim, ku tiēŋ wēi kɔc wäär cī tēm rōt rin cī kek wēt Jethu Krītho ku yen wēt Nhialic gam. Kɔckä aake näk ke rin kēc kek wēt lei gam ku dorkē, ku aacin gup kin ē lei kenhīim tuen ku kecin. Aaci bēn pīr ku nyuuckē ē thōc nhīim, rin cī Nhialic ke gām riel bīk mac. Ku jolkē mac kek Raan cī lɔc ku dɔc ē rušōn tiem tōk.

⁵ Na cī runkā thōk, ke kɔc kɔk cī thou, kɔc cī gam ku kɔc ē pinyinhom aabī bēn pīr, ku ē yen jōn rot tuen bī gup kɔc cī thou rōt jōt.

⁶ Ku Nhialic abī kɔckä dɔc, ku keek aabī ya kacke rin ye kek kɔc cī kaŋ pīr, rin cī ke kaŋ jōt thou yic. Ku keek aaci bī thou thon ē rou, ku aabī ya kɔc Nhialic lušōi ku Jethu Krītho, ku aabī mac kek ye ke ye bāny ē tōk rušōn tiem tōk.

Jɔŋrac aci tiaam

⁷ Tē le rušōn tiem tōk thōk, ke jɔŋrac abī lony tēwäär cī ye mac thīn.

⁸ Ku abī bēn bēn ē pinyinhom bī kɔc kɔk bēn wēēŋ nyīn, kɔc cī thiēi ē bēēi pinyinhom yiic cɔl Gok ku Magok. Aabī jɔŋrac mat yiic ku yēth ke tɔŋ yic. Ku keek aa juēc ka cīt liēt agōr.

⁹ Ku weerkē pinyinhom ēbēn, ku goolkē gen nhiēer Nhialic piny, gen rēer kacke thīn. Go Nhialic mac tušōc piny nhial bī ke nōk ēbēn.

¹⁰ Ku cuet jɔŋrac wäär ke wēŋ manydīt tuc apei bēn bei kuur yic, tēwäär cī lei ku kɔc tōr lueth kaŋ cuat thīn. Ku keek aabī reem akōl ku wēer ē tēen akōlriēc ēbēn.

Luŋ thōk ē piny

¹¹ Ku tiēŋ thōnydīt yer apei kek raan cī nyuc yenhom. Go piny ku nhial määŋ yenhom tuen ku cīn raan bēn ke tūŋ acīn.

¹² Ku tiēŋ kɔc cī thou ēbēn kɔcdīt ku kɔckor ē pinyinhom ēbēn ke kääc thōc lšōm. Ku jɔl athōr ŋaany yiic, ku athōr cī kāk cī kɔc pinyinhom looi gōt thīn, ku jɔl athōr dēt yen athōr pīr ŋaany yic aya. Ku kɔc ēbēn aake ye tēm awušc thōŋ kek kē cī ŋek looi pinyinhom, cī gōt rienke thook athōr yic.

¹³ Ku jɔl kɔc ke thou wūr bēn ku kēēckē Nhialic nhom luk yic, ku jɔl kɔc cī thou rēer guäpken piiny rēŋ yiic rōt jōt aya, ku kēēckē Nhialic nhom luk yic. Ku keek aaci bēn tēm awušc thōŋ kek kāk ke cīk looi pinyinhom.

¹⁴ Go thou nhom gušp cuat manydīt dēp apei yic. Manydīt dēp kēnē yen ē thon ē rou.

¹⁵ Kuat raan liu rienke athōr ē pīr yic, aci cuat baau mac dēp kēnē yic.

21

Pinyinhom ku nhial ē yam

¹ Ku jal pinyinhom ku nhial ē yam tūŋ, rin cī piny ku nhial theer määŋ, ku cīn wērdīt kɔk bēn rēer thīn.

² Ku tiēŋ gen Nhialic yen Jeruthalem ē yam, ke bō piny nhial pan Nhialic bī bēn pinyinhom. Gen ē Nhialic aci guiir cimēn nyan cī guiir bī gām moc.

³ Ku piēŋ raan ke cōt rōldīt apei ē thōc lšōm ku lueel, “Ēmēn pan Nhialic arēer kek raan! Ku keek aabī ya kacke, ku Nhialic nhom gušp abī rēer ke ke ku abī ya Nhialicden.

⁴ Abī piū wēec wei kenyīn. Ku acīn raan bī bēn thou acīn. Acīn raan bī pušū bēn riääk ku dhiēu, tēdē ke bēn tērem yōk yegušp cimēn theer, rin kāŋ aaci rōt waar.”

⁵ Ku lueel raan cī nyuc thōoc nhom ēlä, “Tiēŋkē! Kāŋ ēbēn aluōi bik aa yam!” Ku lueel aya ēlä tēnē ya, “Gāt kēnē, alēu ba gam yen kē luēel rin wēlkä aa yith.

⁶ “Kuat käckith ēbēn ēci luōi tēcīt tēde. Ee yeŋ jšk ē cök ku yeŋ thök ē kāŋ. Yeŋ abī raan nēk rou gām piū dek, aba gām piū ē pīr, ku aba gām ye ē path.

⁷ Kuat raan cī tiam abī käckä yök tēnē ya. Aba gām ē käckä ēbēn, ku yeŋ abī ya Nhialic ku yeen abī ya manhdīē.

⁸ Ku kōc rišc, ku kōc cī gamden pušl ku kōc cā adumušm looi, kōc cī kōc nšk, kōc ē luui kārēc, kōc ē jōŋrac, kōc jakrēc door, ku kōc alueth, kōckä ēbēn aabi cuat manydīt tuc bēn bei kuur yic, ku yen ē thon ē rou.”

Jeruthalem ē yam

⁹ Go atušny tōk kam atuuc kadhorou wäär muk kērac apei ciēen bēn ku cōal ya, “Bäär lokku ba yi la nyušt nyan bi ya tiŋ Manh Amääl.”

¹⁰ Go Wēi Nhialic la yagušp ku yešt atuuc ya ē kuurdīt bār nhom. Ee tēēn ke nyuth ya Jeruthalem gen ē Nhialic ke bō piny nhial pan Nhialic.

¹¹ Ee dēp diardiar ke diik Nhialic. A dēp cīt kuur cī guan bi la lēŋlēŋ.

¹² Ku acī gōšl piny kal ril bār, ku ala thok kathiäär ku rou, ku thokkä ēbēn aaye atuuc kōšc thīn. Ku thokkä aaci rin kuat Itharel kathiäär ku rou gāt thīn.

¹³ Ku kal cī geu gōšl piny ē la gušk kaŋuan, ku gušŋ tōk ē la thok kadiäk.

¹⁴ Kal cī ke geu gōšl piny aaci buh aleeldīt kathiäär ku rou nhūm. Ku rin atuuc Manh Amääl kathiäär ku rou aake cī gāt aleelkä kōšth.

¹⁵ Ku atuny wäär yen jam ke ya, amuk wai cī looi milāŋ tōc bi yen geu athem, pänyde ku thuokke.

¹⁶ Geu ala gušk kaŋuan thōŋ thook. Ku them atuny nhial geu waiden wēn muk, ku yök ke cīt meel tiem tōk ku buot kadhiēc bēr ē kōu, ku lääu yic kek bēr la nhial ē cīt kēnē aya.

¹⁷ Ku them atuuc la nhial ē kal ku dīt ē kōude aya, ku yök ke ye akääh thiärdätē. Käk ke ye atuuc them aake cīt kāk ye kōc them ē path.

¹⁸ Päny cī geu looi, aaci buh kuur yer dhēŋ ku geu nhom ēci looi milāŋ tōc la gei cīt macar.

¹⁹ Pušōny ē geu aake cī jōok cök kuat aleel la diardiar. Aleel ke cī pušōny jōok cök aya aake yiic thiäär ku rou. Kōk aake thith, ku kōk aa yer ku kōk aa maŋök, kōk aa mihišōŋ, kōk aa mikēth, kōk aa miyēn, kōk aa milšōth, kōk aa malīk, ku kōk aa mamer.

²⁰ Ku kit ēbēn aake ye thiäär ku rou.

²¹ Thok kathiäär ku rou ē genē aake cī looi aleel yer kathiäär ku rou, thuŋ tōk ē ye looi alel yer tōk, ku gēēk ē geu yic aaci looi milāŋ tōc la diardiar cīt macar.

²² Yeŋ akēc luanŋ Nhialic ye kōc rōök thīn tiŋ, ee gen kēnē yic, rin Bēny Nhialic Madhəl ku Manh Amääl kek aa luanŋ Nhialic.

²³ Gen kēnē ēci wic ruēl akōl, tēdē ke ye pēēi, rin ala ruēlde ē rot, rin ruēldīt Nhialic yen aye ye mer yic, ku Manh Amääl yen aye ye mer yic cīmēn many adök.

²⁴ Ku ruēl ē gen yen aye kōc cath thīn, ku bāny pinyinhom aabi ya bēn bik jaakden bēēi thīn.

²⁵ Kal aabi ya rēer ke ŋaany thook akōl ku wēer, rin piny acī ben a cuol.

²⁶ Kōc wušt ēbēn aabi bēn ē gen yic rin bi kek Nhialic bēn aa door ku leckē.

²⁷ Acīn kōc la gup adumušōm bī pušl bīk la geeu, ayī kōc ē luui kāk kōc cōl ayār gup ku kōc tōr lueth. Kōc bī pušl bīk la geeu aa kōc cī rienken gōt athōr ē pīr Manh Amāäl yic.

22

¹ Ku ben atuny nhial ȝa nyuōth wār cī thiāŋ pīu ē pīr la kīrkīr apēi bō tēnē thōny Nhialic ku Manh Amāäl,

² ke kuēēr geeu gēk ciēl yic. Agōr ē wār lōŋ ku lōŋ, akēēc tim ē pīr thīn, tim luōk ē pēei thok ēbēn rušōn tōk yic, ku kōc wuōt ēbēn aa yiēthke lōōm bī kek ȝōntōōk aa cōl adem, ku tuēny kōk aya.

³ Acīn dēt mēen Nhialic bī rēēr ye gen kēnē yic. Kōc Nhialic ku thōny Nhialic kek thōny Manh Amāäl kek aa rēēr thīn, ku kōc ē Nhialic kek aabī ye aa door.

⁴ Kōckā aabī Nhialic aa tīŋ ku rin Nhialic abī gāt kenhīim tuēŋ.

⁵ Abī ciēn cuōl ē piny ye gen yic. Kōc ē rēēr thīn aacīi bī wīc ruēl akōl, tēdē ke ye many bī piny mer yen wickē. Rin Nhialic yen abī ya ruelden. Aabī rēēr thīn ke ye bāny akōlriēēc ēbēn.

Bēn ē Jethu

⁶ Go atuuc lēk ȝa, “Kuat kāk ca tīŋ ku piŋ ke aa yith ēbēn. Ku Bēny Nhialic yen Wēike ȝāth ē kōc kāk Nhialic tīŋ gup, yen acā atuōnyde tuōc bī kacke nyuōth kāk bī rōt looi ye nīnkā.”

⁷ Aye Jethu lueel ēlā, “Dhiēlkē piŋ apath! Ȝen abō ēmēn! Kōc mit puōth aa kōc thek kāk cī lueel athōr kēnē yic ēbēn!”

⁸ Ee ȝen Joon ȝen a ȝa piŋ ku tiēŋ kākā. Tēwēn cī ȝen ke piŋ ku tiēŋ ke, ke ȝa gut ȝanhīal piny yecōk ku duōar atuny wēn nyuth ȝen kākā.

⁹ Go jal lēk ȝa, “Duk loi kēya! Ȝen alony cimēndu, ku miēthakui kōc kāk Nhialic tīŋ, ku kōc ēbēn kāk tō athōr yic theek. Dor Nhialic!”

¹⁰ Ku lēk ȝa, “Duk kāk cī gōt athōr kāk Nhialic kēnē yic thian tēnē kōc, rin cī piny thiōk ke thōk.

¹¹ Ku kōc kārēc looi aabī ŋot ke la tuēŋ ke looi kārēc, ku kōc cī wēt Jōŋrac gam aabī ŋot loikē kēya. Ku kōc ē luui kāpath aabī ya luui kāpath. Ku kōc Nhialic aabī la tuēŋ ke luui Nhialic.”

¹² Aye Jethu lueel ēlā, “Piēŋkē apath ȝen abō ēmēn thiin, ȝen abō ba kōc bēn riōp, tēdē ke ȝa tēm kōc awuōc thōŋ kek kē cī ŋek looi thēer wāär.

¹³ Ee ȝen jōk ē cōk ku ȝen thōk ē kāŋ.

¹⁴ “Kōc mit gup aa kōc cā alāthken lōōk riēm Manh Amāäl, rin aabī la yic bīk mīth tim piūr cam, ku aala yic aya bīk la gen Nhialic ē yam.

¹⁵ Kōc tō geu kōu aa kōc pan mac, kōc cī kegup yiēk acuōl rin theek kek jōŋrac, kōc nāk ē kōc, ku kōc ē jam lueth, ku kōc luui kāk bal aacīi kōŋ la ē gen kēnē yic acīn.

¹⁶ “Aye Jethu lueel ēlā, Ȝen acā atuōnydiē tooc bī kākā bēn lēk we, wek akuut cī gam. Ȝen ē kuat dhiēnh bēnyŋaknhom Debit, ee ciēēr bak piny ē ruēl bēēi.”

¹⁷ Aye Wēi Nhialic ku kōc Nhialic kek cīt nyan thiak ē Manh Amāäl lueel, “Bāk!” Ku kuat raan piŋ ē kēnē adhīl lueel aya, “Bāk!” Na le raan nēk rou ke bō, kuat raan nēk rou abī dek piūr ē path.

Thōk ē wēl

¹⁸ Үен Joon, Үен алѣк куат раан пиҥ ӗ вѣт кенѣ пушу ӗбѣн, на ле раан жуек кѣде тһин ка би Nhialic туӥс кӑрѣс сӑ гӧт аһӧр кенѣ ҫи.

¹⁹ Ку на ле раан нҫеи вѣт тӧк кам вѣл тӧ аһӧр вѣл сӑ нҫуӥтһ ҫен ҫи, ке Nhialic абӑи ҫинҫден би тѣк ҫе мӑтһ тим ӗ пӑир ҫи, ку ла ген ҫам, сӑ ке гӧт аһӧр кенѣ ҫи, нҫааи тѣнѣ ҫе.

²⁰ Ку Jethu раан лѣк кӧс кӑккӑ ӗбѣн аҫе лҫел, “Үӗӗ-Үӗӗ! Үен абӧ ӗмѣн!” Кѣҫа, ӗе тӣде. Бӑӑр Бӗнҫу Jethu!

²¹ Би дһӗӗҫ Бӗнҫу Jethu рӗӗр кек кӧс ӗ Nhialic. Ҫенакан.